

கு²த்³த³கனிகாயே

சூளனித்³தே³ஸபாஸி

பாராயனவக்³கோ³

வத்து²கா³தா²

1. கோஸலானங் புரா ரம்மா, அக³மா த³க்கி²ணாபத²ங்;
ஆகிஞ்சஞ்ஞங் பத்த²யானோ, ப்³ராஹ்மணோ மந்தபாரசு³.
2. ஸோ அஸ்ஸகஸ்ஸ விஸயே, மளகஸ்ஸ [அளகஸ்ஸ (ஸு. நி. 983)
முளகஸ்ஸ (ஸ்யா.), மூள்ஹகஸ்ஸ (க.)] ஸமாஸனே [ஸமாஸன்னே
(க.)];
வஸி கோ³தா⁴வரீகூலே, உஞ்சே²ன ச ப²லேன ச.
3. தஸ்ஸேவ [தங்யேவ (க.) அட்ட²கதா² ஒலோகேதப்³பா³] உபனிஸ்ஸாய,
கா³மோ ச விபுலோ அஹு;
ததோ ஜாதேன ஆயேன, மஹாயஞ்ஞமகப்பயி.
4. மஹாயஞ்ஞங் யஜித்வான, புன பாவிஸி அஸ்ஸமங்;
தஸ்மிங் படிபவிட்ட²ம்ஹி, அஞ்ஞோ ஆக³ஞ்சி² ப்³ராஹ்மணோ.
5. உக்³க⁴ட்டபாதோ³ தஸிதோ [தஸ்ஸிதோ (க.)], பங்கத³ந்தோ
ரஜஸ்ஸிரோ;
ஸோ ச நங் உபஸங்கம்ம, ஸதானி பஞ்ச யாசதி.
6. தமேனங் பா³வரீ தி³ஸ்வா, ஆஸனேன நிமந்தயி;
ஸுக²ஞ்ச குஸலங் புச்சி², இத³ங் வசனமப்³ரவி [வசனமப்³ருவி (ஸீ.)].
7. “யங் கோ² மம தெ³ய்யத⁴ம்மங், ஸப்³பங் விஸஜ்ஜிதங் மயா;
அனுஜானாஹி மே ப்³ரஹ்மே, நத்தி² பஞ்சஸதானி மே”.
8. “ஸசே மே யாசமானஸ்ஸ, ப⁴வங் நானுபத³ஸ்ஸதி [பதே³ஸ்ஸதி (க.)];
ஸத்தமே தி³வஸே துய்ஹங், முத்³தா⁴ ப²லது ஸத்ததா⁴”.

9. அபி⁴ஸங்க²ரித்வா குஹகோ, பே⁴ரவங் ஸோ அகித்தயி;
தஸ்ஸ தங் வசனங் ஸுத்வா, பா³வரீ து³க்கி²தோ அஹு.
10. உஸ்ஸுஸ்ஸதி அனாஹாரோ, ஸோகஸல்லஸமப்பிதோ;
அதோ²பி ஏவங் சித்தஸ்ஸ, ஜா²னே ந ரமதீ மனோ.
11. உத்ரஸ்தங் து³க்கி²தங் தி³ஸ்வா, தே³வதா அத்த²காமினீ;
பா³வரிங் உபஸங்கம்ம, இத³ங் வசனமப்³ரவி.
12. “ந ஸோ முத்³த⁴ங் பஜானாதி, குஹகோ ஸோ த⁴னத்தி²கோ;
முத்³த⁴னி முத்³த⁴பாதே [முத்³த⁴னிம்முத்³த⁴பாதே (க.)] வா,
ஞாணங் தஸ்ஸ ந விஜ்ஜதி”.
13. “போ⁴தீ [போ⁴தி (க.)] சரஹி ஜானாதி, தங் மே அக்கா²ஹி புச்சி²தா;
முத்³த⁴ங் முத்³தா⁴தி⁴பாதஞ்ச [முத்³தா⁴திபாதஞ்ச (க.)], தங்
ஸுணோம வசோ தவ”.
14. “அஹம்பேதங் ந ஜானாமி, ஞாணங் மெத்த² ந விஜ்ஜதி;
முத்³த⁴னி முத்³தா⁴தி⁴பாதே ச, ஜினானஞ்ஹெத்த²
[ஜினானஞ்ஹெத்த² (க.)] த³ஸ்ஸனங்”.
15. “அத² கோ சரஹி [யோ சரதி (க.)] ஜானாதி, அஸ்மிங் பத²விமண்ட³லே
[புத²விமண்ட³லே (ஸீ.)];
முத்³த⁴ங் முத்³தா⁴தி⁴பாதஞ்ச, தங் மே அக்கா²ஹி தே³வதே”.
16. “புரா கபிலவத்து²ம்ஹா, நிக்க²ந்தோ லோகனாயகோ;
அபச்சோ ஓக்காகராஜஸ்ஸ, ஸக்யபுத்தோ பப⁴ங்கரோ.
17. “ஸோ ஹி ப்³ராஹ்மண ஸம்புத்³தோ⁴, ஸப்³புத்⁴ம்மான பாரகூ³;
ஸப்³பா³பி⁴ஞ்ஞாப³லப்பத்தோ [ப²லப்பத்தோ (க.)], ஸப்³புத்⁴ம்மேஸு
சக்கு²மா;
ஸப்³புகம்மக்க²யங் பத்தோ, விமுத்தோ உபதி⁴க்க²யே.
18. “புத்³தோ⁴ ஸோ ப⁴க³வா லோகே, த⁴ம்மங் தே³ஸேதி சக்கு²மா;
தங் த்வங் க³ந்த்வான புச்ச²ஸ்ஸு, ஸோ தே தங் ப்³யாகரிஸ்ஸதி”.
19. ஸம்புத்³தோ⁴தி வசோ ஸுத்வா, உத³க்கோ³ பா³வரீ அஹு;
ஸோகஸ்ஸ தனுகோ ஆஸி, பீதிஞ்ச விபுலங் லபி⁴.

20. ஸோ பா³வரீ அத்தமனோ உத³க்³கோ³, தங் தே³வதங் புச்ச²தி
வேத³ஜாதோ;
“கதமம்ஹி கா³மே நிக³மம்ஹி வா பன, கதமம்ஹி வா ஜனபதே³
லோகனாதோ²;
யத்த² க³ந்த்வான பஸ்ஸேமு, ஸம்புத்த³த⁴ங் த்³விபது³த்தமங்”.
21. “ஸாவத்தி²யங் கோஸலமந்தி³ரே ஜினோ, பஹுதபஞ்ஞோ
வரபூ⁴ரிமேத⁴ஸோ;
ஸோ ஸக்யபுத்தோ விது⁴ரோ அனாஸவோ, முத்த³தா⁴தி⁴பாதஸ்ஸ
விது³ நராஸபோ⁴”.
22. ததோ ஆமந்தயீ ஸிஸ்ஸே, ப்³ராஹ்மணே மந்தபாரக³ [பாரகே³ (ஸ்யா.)];
“ஏத² மாணவா அக்கி²ஸ்ஸங், ஸுணாத² வசனங் மம.
23. “யஸ்ஸேஸோ து³ல்லபோ⁴ லோகே, பாதுபா⁴வோ அபி⁴ண்ஹஸோ;
ஸ்வாஜ்ஜ லோகம்ஹி உப்பன்னோ, ஸம்புத்த³தோ⁴ இதி விஸ்ஸுதோ;
கி²ப்பங் க³ந்த்வான ஸாவத்தி²ங், பஸ்ஸவ்ஹோ த்³விபது³த்தமங்”.
24. “கத²ங் சரஹி ஜானேமு, தி³ஸ்வா புத்த³தோ⁴தி ப்³ராஹ்மண;
அஜானதங் நோ பப்³ருஹி, யதா² ஜானேமு தங் மயங்”.
25. “ஆக³தானி ஹி மந்தேஸு, மஹாபுரிஸலக்க²ணா;
த்³வத்திங்ஸானி ச ப்³யாக்கா²தா, ஸமத்தா அனுபுப்³ஸோ.
26. “யஸ்ஸேதே ஹொந்தி க³த்தேஸு, மஹாபுரிஸலக்க²ணா;
த்³வேயேவ தஸ்ஸ க³தியோ, ததியா ஹி ந விஜ்ஜதி.
27. “ஸசே அகா³ரங் ஆவஸதி, விஜெய்ய பத²விங் இமங்;
அத³ண்டே³ன அஸத்தே²ன, த⁴ம்மேன அனுஸாஸதி.
28. “ஸசே ச ஸோ பப்³பஜதி, அகா³ரா அனகா³ரியங்;
விவட்டச்ச²தோ³ [விவத்தச்ச²த்³தோ³ (ஸீ.)] ஸம்புத்த³தோ⁴, அரஹா
ப⁴வதி அனுத்தரோ.
29. “ஜாதிங் கொ³த்தஞ்ச லக்க²ணங், மந்தே ஸிஸ்ஸே புனாபரே;
முத்த³த⁴ங் முத்த³தா⁴தி⁴பாதஞ்ச, மனஸாயேவ புச்ச²த².
30. “அனாவரணத³ஸ்ஸாவீ, யதி³ புத்த³தோ⁴ ப⁴விஸ்ஸதி;

மனஸா புச்சி²தே பஞ்ஹே, வாசாய விஸஜ்ஜிஸ்ஸதி”
[விஸ்ஸஜிஸ்ஸதி (க.)].

31. பா³வரிஸ்ஸ வசோ ஸுத்வா, ஸிஸ்ஸா ஸோளஸ ப்³ராஹ்மணா;
அஜிதோ திஸ்ஸமெத்தெய்யோ, புண்ணகோ அத² மெத்தகூ³.
32. தோ⁴தகோ உபஸீவோ ச, நந்தோ³ ச அத² ஹேமகோ;
தோதெ³ய்ய-கப்பா து³ப⁴யோ, ஜதுகண்ணீ ச பண்டி³தோ.
33. ப⁴த்³ராவுதோ⁴ உத³யோ ச, போஸாலோ சாபி ப்³ராஹ்மணோ;
மோக⁴ராஜா ச மேதா⁴வீ, பிங்கி³யோ ச மஹாஇஸி.
34. பச்சேகக³ணினோ ஸப்³பே³, ஸப்³ப³லோகஸ்ஸ விஸ்ஸுதா;
ஜா²யீ ஜா²னரதா தீ⁴ரா, புப்³ப³வாஸனவாஸிதா.
35. பா³வரிங் அபி⁴வாதெ³த்வா, கத்வா ச நங் பத³க்கி²ணங்;
ஜடாஜினத⁴ரா ஸப்³பே³, பக்காமுங் உத்தராமுகா².
36. மளகஸ்ஸ பதிட்டா²னங், புரமாஹிஸ்ஸதிங் [புரமாஹியதி (க.)] ததா³
[ஸதா³ (க.)];
உஜ்ஜேனிஞ்சாபி கோ³னத்த⁴ங், வேதி³ஸங் வனஸவ்ஹயங்.
37. கோஸம்பி³ஞ்சாபி ஸாகேதங், ஸாவத்தி²ஞ்ச புருத்தமங்;
ஸேதப்³யங் கபிலவத்து²ங், குஸினாரஞ்ச மந்தி³ரங்.
38. பாவஞ்ச போ⁴க³னக³ரங், வேஸாலிங் மாக³த⁴ங் புரங்;
பாஸாணகங் சேதியஞ்ச, ரமணியங் மனோரமங்.
39. தஸிதோவுத³கங் ஸீதங், மஹாலாப⁴ங்வ வாணிகோ;
சா²யங் க⁴ம்மாபி⁴தத்தோவ துரிதா பப்³ப³தமாருஹுங்.
40. ப⁴க³வா தம்ஹி ஸமயே, பி⁴க்கு²ஸங்க⁴புரக்க²தோ;
பி⁴க்கூ²னங் த⁴ம்மங் தே³ஸேதி, ஸீஹோவ நத³தீ வனே.
41. அஜிதோ அத்³த³ஸ புத்³த⁴ங், பீதரங்ஸிங்வ [ஜிதரங்ஸிங் ஸீதரங்ஸிங்
(க.), வீதரங்ஸிங் (ஸீ. ஸ்யா.)] பா⁴ணுமங்;
சந்த³ங் யதா² பன்னரஸே, பரிபூரங் [பாரிபூரிங் (ஸீ. ஸ்யா.)] உபாக³தங்.
42. அத²ஸ்ஸ க³த்தே தி³ஸ்வான, பரிபூரஞ்ச ப்³யஞ்ஜனங்;
ஏகமந்தங் டி²தோ ஹட்டோ², மனோபஞ்ஹே அபுச்ச²த².

43. “ஆதி³ஸ்ஸ ஜம்மனங் ப்³ருஹி, கொ³த்தங் ப்³ருஹி ஸலக்க²ணங்;
மந்தேஸு பாரமிங் ப்³ருஹி, கதி வாசேதி ப்³ராஹ்மணோ”.
44. “வீஸங் வஸ்ஸஸதங் ஆயு, ஸோ ச கொ³த்தேன பா³வரீ;
தீணிஸ்ஸ லக்க²ணா க³த்தே, திண்ணங் வேதா³ன பாரக³”.
45. “லக்க²ணே இதிஹாஸே ச, ஸனிக⁴ண்டு³ஸகேடுபே⁴;
பஞ்சஸதானி வாசேதி, ஸத⁴ம்மே பாரமிங் க³தோ”.
46. “லக்க²ணானங் பவிசயங், பா³வரிஸ்ஸ நருத்தம;
தண்ஹச்சி²த³ [கங்க²ச்சி²த³ (க.)] பகாஸேஹி, மா நோ கங்கா²யிதங்
அஹு”.
47. “முக²ங் ஜிவ்ஹாய சா²தே³தி, உண்ணஸ்ஸ ப⁴முகந்தரே;
கோஸோஹிதங் வத்த²குய்ஹங், ஏவங் ஜானாஹி மாணவ”.
48. புச்ச²ஞ்ஹி கிஞ்சி அஸுணந்தோ, ஸுத்வா பஞ்ஹே வியாகதே;
விசிந்தேதி ஜனோ ஸப்³போ³, வேத³ஜாதோ கதஞ்ஜலீ.
49. “கோ நு தே³வோ வா ப்³ரஹ்மா வா, இந்தோ³ வாபி ஸுஜம்பதி;
மனஸா புச்சி²தே பஞ்ஹே, கமேதங் படிபா⁴ஸதி.
50. “முத்³த⁴ங் முத்³தா⁴தி⁴பாதஞ்ச, பா³வரீ பரிபுச்ச²தி;
தங் ப்யாகரோஹி ப⁴க³வா, கங்க²ங் வினய நோ இஸே”.
51. “அவிஜ்ஜா முத்³தா⁴தி ஜானாஹி, விஜ்ஜா முத்³தா⁴தி⁴பாதினீ;
ஸத்³தா⁴ஸதிஸமாதீ⁴ஹி, ச²ந்த³வீரியேன ஸங்யுதா”.
52. ததோ வேதே³ன மஹதா, ஸந்த²ம்பெ⁴த்வான மாணவோ;
ஏகங்ஸங் அஜினங் கத்வா, பாதே³ஸு ஸிரஸா பதி.
53. “பா³வரீ ப்³ராஹ்மணோ போ⁴தோ, ஸஹ ஸிஸ்ஸேஹி மாரிஸ;
உத³க்³சித்தோ ஸுமனோ, பாதே³ வந்த³தி சக்கு²ம”.
54. “ஸுகி²தோ பா³வரீ ஹோது, ஸஹ ஸிஸ்ஸேஹி ப்³ராஹ்மணோ;
த்வஞ்சாபி ஸுகி²தோ ஹோஹி, சிரங் ஜீவாஹி மாணவ.
55. “பா³வரிஸ்ஸ ச துய்ஹங் வா, ஸப்³பே³ஸங் ஸப்³பு³ஸங்ஸயங்;

கதாவகாஸா புச்ச²வ்ஹோ, யங் கிஞ்சி மனஸிச்ச²த²”.

56. ஸம்பு³த³தே⁴ன கதோகாஸோ, நிஸீதி³த்வான பஞ்ஜலீ;
அஜிதோ பட²மங் பஞ்ஹங், தத்த² புச்சி² ததா²க³தங்.

வத்து²கா³தா² நிட்டி²தா.

1. அஜிதமாணவபுச்சா²

57. “கேனஸ்ஸு நிவுதோ லோகோ, [இச்சாயஸ்மா அஜிதோ]
கேனஸ்ஸு நப்பகாஸதி;
கிஸ்ஸாபி⁴லேபனங் ப்³ருஸி, கிங்ஸு தஸ்ஸ மஹப்³ப⁴யங்”.
58. “அவிஜ்ஜாய நிவுதோ லோகோ, [அஜிதாதி ப⁴க³வா]
வேவிச்சா² பமாதா³ நப்பகாஸதி;
ஜப்பாபி⁴லேபனங் ப்³ருமி, து³க்க²மஸ்ஸ மஹப்³ப⁴யங்”.
59. “ஸவந்தி ஸப்³பு³தி⁴ ஸோதா, [இச்சாயஸ்மா அஜிதோ]
ஸோதானங் கிங் நிவாரணங்;
ஸோதானங் ஸங்வரங் ப்³ருஹி, கேன ஸோதா பிதி⁴ய்யரே”.
60. “யானி ஸோதானி லோகஸ்மிங், [அஜிதாதி ப⁴க³வா]
ஸதி தேஸங் நிவாரணங்;
ஸோதானங் ஸங்வரங் ப்³ருமி, பஞ்ஞாயேதே பிதி⁴ய்யரே”.
61. “பஞ்ஞா சேவ ஸதி சாபி [ஸதீ சேவ (ஸீ)], [இச்சாயஸ்மா அஜிதோ]
நாமருபஞ்ச மாரிஸ;
ஏதங் மே புட்டோ² பப்³ருஹி, கத்தே²தங் உபருஜ்ஜ²தி”.
62. “யமேதங் பஞ்ஹங் அபுச்சி², அஜித தங் வதா³மி தே;
யத்த² நாமஞ்ச ருபஞ்ச, அஸேஸங் உபருஜ்ஜ²தி;
விஞ்ஞாணஸ்ஸ நிரோதே⁴ன, எத்தே²தங் உபருஜ்ஜ²தி”.
63. “யே ச ஸங்கா²தத⁴ம்மாஸே, யே ச ஸேகா² [ஸெக்கா² (க.)] புதா²
இத⁴;
தேஸங் மே நிபகோ இரியங், புட்டோ² பப்³ருஹி மாரிஸ”.
64. “காமேஸு நாபி⁴கி³ஜ்ஜெ²ய்ய, மனஸானாவிலோ ஸியா;
குஸலோ ஸப்³பு³த⁴ம்மானங், ஸதோ பி⁴க்கு² பரிப்³பு³ஜே”தி.

2. திஸ்ஸமெத்தெய்யமாணவபுச்சா²

65. “கோத⁴ ஸந்துஸிதோ லோகே, [இச்சாயஸ்மா திஸ்ஸமெத்தெய்யோ]
கஸ்ஸ நோ ஸந்தி இஞ்ஜிதா;
கோ உப⁴ந்தமபி⁴ஞ்ஞாய, மஜ்ஜே² மந்தா ந லிப்பதி [நு பிம்பதி](#)
[\(ப³ஹுஸு\)](#)];
கங் ப்³ருஸி மஹாபுரிஸோதி, கோ இத⁴ ஸிப்³பி³னிமச்சகா³”தி
[\[ஸிப்³பி³னிமச்சகா³ \(ஸீ. ஸ்யா.\)\]](#).
66. “காமேஸு ப்³ரஹ்மசரியவா, [மெத்தெய்யாதி ப⁴க³வா]
வீததண்ணேறா ஸதா³ ஸதோ;
ஸங்கா²ய நிப்³பு³தோ பி⁴க்கு², தஸ்ஸ நோ ஸந்தி இஞ்ஜிதா.
67. “ஸோ உப⁴ந்தமபி⁴ஞ்ஞாய, மஜ்ஜே² மந்தா ந லிப்பதி;
தங் ப்³ருமி மஹாபுரிஸோதி, ஸோ இத⁴ ஸிப்³பி³னிமச்சகா³”தி.

திஸ்ஸமெத்தெய்யமாணவபுச்சா² து³தியா.

3. புண்ணகமாணவபுச்சா²

68. “அனேஜங் மூலத³ஸ்ஸாவிங், [இச்சாயஸ்மா புண்ணகோ]
அத்தி² பஞ்ஹேன ஆக³மங்;
கிங் நிஸ்ஸிதா இஸயோ மனுஜா, க²த்தியா ப்³ராஹ்மணா தே³வதானங்;
யஞ்ஞமகப்பயிங்ஸு புது²த⁴ லோகே, புச்சா²மி தங் ப⁴க³வா ப்³ருஹி
மேதங்”.
69. “யே கேசிமே இஸயோ மனுஜா, [புண்ணகாதி ப⁴க³வா]
க²த்தியா ப்³ராஹ்மணா தே³வதானங்;
யஞ்ஞமகப்பயிங்ஸு புது²த⁴ லோகே, ஆஸ்ஸமானா புண்ணக
இத்த²த்தங்;
ஜரங் ஸிதா யஞ்ஞமகப்பயிங்ஸு”.
70. “யே கேசிமே இஸயோ மனுஜா, [இச்சாயஸ்மா புண்ணகோ]
க²த்தியா ப்³ராஹ்மணா தே³வதானங்;
யஞ்ஞமகப்பயிங்ஸு புது²த⁴ லோகே, கச்சிஸு தே ப⁴க³வா
யஞ்ஞபதே² அப்பமத்தா;

அதாருங் ஜாதிஞ்ச ஜரஞ்ச மாரிஸ, புச்சா²மி தங் ப⁴க³வா ப்³ருஹி
மேதங்”.

71. “ஆஸீஸந்தி தோ²மயந்தி, அபி⁴ஜப்பந்தி ஜுஹந்தி; [புண்ணகாதி
ப⁴க³வா]
காமாபி⁴ஜப்பந்தி படிச்ச லாப⁴ங், தே யாஜயோகா³ ப⁴வராக³ரத்தா;
நாதரிங்ஸு ஜாதிஜரந்தி ப்³ருமி”.
72. “தே சே நாதரிங்ஸு யாஜயோகா³, [இச்சாயஸ்மா புண்ணகோ]
யஞ்ஞேஹி ஜாதிஞ்ச ஜரஞ்ச மாரிஸ;
அத² கோ சரஹி தே³வமனுஸ்ஸலோகே, அதாரி ஜாதிஞ்ச ஜரஞ்ச
மாரிஸ;
புச்சா²மி தங் ப⁴க³வா ப்³ருஹி மேதங்”.
73. “ஸங்கா²ய லோகஸ்மி பரோபரானி, [புண்ணகாதி ப⁴க³வா]
யஸ்ஸிஞ்ஜிதங் நத்தி² குஹிஞ்சி லோகே;
ஸந்தோ விதூ⁴மோ அனீகோ⁴ நிராஸோ, அதாரி ஸோ ஜாதிஜரந்தி
ப்³ருமீ”தி.

புண்ணகமாணவபுச்சா² ததியா.

4. மெத்தகூ³மாணவபுச்சா²

74. “புச்சா²மி தங் ப⁴க³வா ப்³ருஹி மேதங், [இச்சாயஸ்மா மெத்தகூ³]
மஞ்ஞாமி தங் வேத³கு³ங் பா⁴விதத்தங்;
குதோ நு து³க்கா² ஸமுதா³க³தா இமே, யே கேசி
லோகஸ்மிமனேகருபா”.
75. “து³க்க²ஸ்ஸ வே மங் பப⁴வங் அபுச்ச²ஸி, [மெத்தகூ³தி ப⁴க³வா]
தங் தே பவக்கா²மி யதா² பஜானங்;
உபதி⁴னிதா³னா பப⁴வந்தி து³க்கா², யே கேசி லோகஸ்மிமனேகருபா.
76. “யோ வே அவித்³வா உபதி⁴ங் கரோதி, புனப்புனங் து³க்க²முபேதி
மந்தோ³;
தஸ்மா பஜானங் உபதி⁴ங் ந கயிரா, து³க்க²ஸ்ஸ
ஜாதிப்பப⁴வானுபஸ்ஸீ”.
77. “யங் தங் அபுச்சி²ம்ஹ அகித்தயீ நோ, அஞ்ஞங் தங் புச்சா²ம ததி³ங்க⁴
ப்³ருஹி;

‘கத²ங் நு தீ⁴ரா விதரந்தி ஓக⁴ங், ஜாதிங் ஜரங் ஸோகபரித்³த³வஞ்ச’;
தங் மே முனி ஸாது⁴ வியாகரோஹி, ததா² ஹி தே விதி³தோ ஏஸ
த⁴ம்மோ”.

78. “கித்தயிஸ்ஸாமி தே த⁴ம்மங், [மெத்தகூ³தி ப⁴க³வா]
தி³ட்டே² த⁴ம்மே அனீதிஹங்;
யங் விதி³த்வா ஸதோ சரங், தரே லோகே விஸத்திகங்”.
79. “தஞ்சாஹங் அபி⁴னந்தா³மி, மஹேஸி த⁴ம்மமுத்தமங்;
யங் விதி³த்வா ஸதோ சரங், தரே லோகே விஸத்திகங்”.
80. “யங் கிஞ்சி ஸம்பஜானாஸி, [மெத்தகூ³தி ப⁴க³வா]
உத்³த⁴ங் அதோ⁴ திரியஞ்சாபி மஜ்ஜே²;
ஏதேஸு நந்தி³ஞ்ச நிவேஸனஞ்ச, பனுஜ்ஜ விஞ்ஞாணங் ப⁴வே ந
திட்டே².
81. “ஏவங்விஹாரீ ஸதோ அப்பமத்தோ, பி⁴க்கு² சரங் ஹித்வா
மமாயிதானி;
ஜாதிங் ஜரங் ஸோகபரித்³த³வஞ்ச, இதே⁴வ வித்³வா பஜஹெய்ய
து³க்க²ங்”.
82. “ஏதாபி⁴னந்தா³மி வசோ மஹேஸினோ, ஸுகித்திதங்
கோ³தமனூபதீ⁴கங்;
அத்³தா⁴ ஹி ப⁴க³வா பஹாஸி து³க்க²ங், ததா² ஹி தே விதி³தோ
ஏஸ த⁴ம்மோ.
83. “தே சாபி நூனப்பஜஹெய்ய து³க்க²ங், யே த்வங் முனி அட்டி²தங்
ஓவதெ³ய்ய;
தங் தங் நமஸ்ஸாமி ஸமேச்ச நாக³, அப்பேவ மங் ப⁴க³வா அட்டி²தங்
ஓவதெ³ய்ய”.
84. “யங் ப்³ராஹ்மணங் வேத³கு³மாபி⁴ஜஞ்ஞா, அகிஞ்சனங் காமப⁴வே
அஸத்தங்;
அத்³தா⁴ ஹி ஸோ ஓக⁴மிமங் அதாரி, திண்ணோ ச பாரங் அகி²லோ
அகங்கோ².
85. “வித்³வா ச யோ வேத³கூ³ நரோ இத⁴, ப⁴வாப⁴வே ஸங்க³மிமங்
விஸஜ்ஜ;

ஸோ வீத்தண்ணோ அனீகோ⁴ நிராஸோ, அதாரி ஸோ ஜாதிஜரந்தி
ப்³ருமீ²தி.

மெத்தகூ³மாணவபுச்சா² சதுத்தீ².

5. தோ⁴தகமாணவபுச்சா²

86. “புச்சா²மி தங் ப⁴க³வா ப்³ருஹி மேதங், [இச்சாயஸ்மா தோ⁴தகோ]
வாசாபி⁴கங்கா²மி மஹேஸி துய்ஹங்;
தவ ஸுத்வான நிக்³கோ⁴ஸங், ஸிக்கே² நிப்³பா³னமத்தனோ”.
87. “தேனஹாதப்பங் கரோஹி, [தோ⁴தகாதி ப⁴க³வா]
இதே⁴வ நிபகோ ஸதோ;
இதோ ஸுத்வான நிக்³கோ⁴ஸங், ஸிக்கே² நிப்³பா³னமத்தனோ”.
88. “பஸ்ஸாமஹங் தே³வமனுஸ்ஸலோகே, அகிஞ்சனங்
ப்³ராஹ்மணமிரியமானங்;
தங் தங் நமஸ்ஸாமி ஸமந்தசக்ஞ², பமுஞ்ச மங் ஸக்க கத²ங்கதா²ஹி”.
89. “நாஹங் ஸஹிஸ்ஸாமி பமோசனாய, கத²ங்கதி²ங் தோ⁴தக கஞ்சி
லோகே;
த⁴ம்மஞ்ச ஸெட்ட²ங் அபி⁴ஜானமானோ [ஆஜானமானோ (ஸீ. ஸ்யா.
பீ.)], ஏவங் துவங் ஓக⁴மிமங் தரேஸி”.
90. “அனுஸாஸ ப்³ரஹ்மே கருணாயமானோ, விவேகத⁴ம்மங் யமஹங்
விஜஞ்ஞங்;
யதா²ஹங் ஆகாஸோவ அப்³யாபஜ்ஜமானோ, இதே⁴வ ஸந்தோ
அஸிதோ சரெய்யங்”.
91. “கித்தயிஸ்ஸாமி தே ஸந்திங், [தோ⁴தகாதி ப⁴க³வா]
தி³ட்டே² த⁴ம்மே அனீதிஹங்;
யங் விதி³த்வா ஸதோ சரங், தரே லோகே விஸத்திகங்”.
92. “தஞ்சாஹங் அபி⁴னந்தா³மி, மஹேஸி ஸந்திமுத்தமங்;
யங் விதி³த்வா ஸதோ சரங், தரே லோகே விஸத்திகங்”.
93. “யங் கிஞ்சி ஸம்பஜானாஸி, [தோ⁴தகாதி ப⁴க³வா]
உத்³த⁴ங் அதோ⁴ திரியஞ்சாபி மஜ்ஜே²;

ஏதங் விதி³த்வா ஸங்கோ³தி லோகே, ப⁴வாப⁴வாய மாகாஸி
தண்ஹ³ந்தி.

தோ⁴தகமாணவபுச்சா² பஞ்சமீ.

6. உபஸீவமாணவபுச்சா²

94. “ஏகோ அஹங் ஸக்க மஹந்தமோக⁴ங், [இச்சாயஸ்மா உபஸீவோ]
அனிஸ்ஸிதோ நோ விஸஹாமி தாரிதுங்;
ஆரம்மணங் ப்³ருஹி ஸமந்தசக்கு², யங் நிஸ்ஸிதோ ஓக⁴மிமங்
தரெய்யங்”.
95. “ஆகிஞ்சஞ்ஞங் பெக்க²மானோ ஸதிமா, [உபஸீவாதி ப⁴க³வா]
நத்தீ²தி நிஸ்ஸாய தரஸ்ஸு ஓக⁴ங்;
காமே பஹாய விரதோ கதா²ஹி, தண்ஹக்க²யங்
நத்தமஹாபி⁴பஸ்ஸ”.
96. “ஸப்³பே³ஸு காமேஸு யோ வீதராகோ³, [இச்சாயஸ்மா உபஸீவோ]
ஆகிஞ்சஞ்ஞங் நிஸ்ஸிதோ ஹித்வா மஞ்ஞங்;
ஸஞ்ஞாவிமொக்கே² பரமே விமுத்தோ [தி⁴முத்தோ (க.)], திட்டே² நு
ஸோ தத்த² அனானுயாயீ” [அனானுவாயீ (ஸ்யா. க.)].
97. “ஸப்³பே³ஸு காமேஸு யோ வீதராகோ³, [உபஸீவாதி ப⁴க³வா]
ஆகிஞ்சஞ்ஞங் நிஸ்ஸிதோ ஹித்வா மஞ்ஞங்;
ஸஞ்ஞாவிமொக்கே² பரமே விமுத்தோ, திட்டெ²ய்ய ஸோ தத்த²
அனானுயாயீ”.
98. “திட்டே² சே ஸோ தத்த² அனானுயாயீ, பூக³ம்பி வஸ்ஸானங்
ஸமந்தசக்கு²;
தத்தே²வ ஸோ ஸீதிஸியா விமுத்தோ, சவேத² விஞ்ஞாணங்
ததா²வித⁴ஸ்ஸ”.
99. “அச்சி யதா² வாதவேகே³ன கி²த்தா, [உபஸீவாதி ப⁴க³வா]
அத்த²ங் ப்லேதி ந உபேதி ஸங்க²ங்;
ஏவங் முனீ நாமகாயா விமுத்தோ, அத்த²ங் ப்லேதி ந உபேதி ஸங்க²ங்”.
100. “அத்த²ங்க³தோ ஸோ உத³ வா ஸோ நத்தி², உதா³ஹு வே
ஸஸ்ஸதியா அரோகோ³;

தங் மே முனீ ஸாது⁴ வியாகரோஹி, ததா² ஹி தே விதி³தோ ஏஸ
த⁴ம்மோ”.

101. “அத்த²ங்க³தஸ்ஸ ந பமாணமத்தி², [உபஸீவாதி ப⁴க³வா]
யேன நங் வஜ்ஜங் தங் தஸ்ஸ நத்தி²;
ஸப்³பே³ஸு த⁴ம்மேஸு ஸமுஹதேஸு, ஸமுஹதா வாத³பதா²பி
ஸப்³பே³”தி.

உபஸீவமாணவபுச்சா² ச²ட்²டி².

7. நந்த³மாணவபுச்சா²

102. “ஸந்தி லோகே முனயோ, [இச்சாயஸ்மா நந்தோ³]
ஜனா வத³ந்தி தயித³ங் கத²ங்ஸு;
ஞாணாபபன்னங் முனி நோ வத³ந்தி, உதா³ஹு வே
ஜீவிதேனாபபன்னங்”.
103. “ந தி³ட்டி²யா ந ஸுதியா ந ஞானேன, முனீத⁴ நந்த³ குஸலா வத³ந்தி;
விஸேனிகத்வா அனீகா⁴ நிராஸா, சரந்தி யே தே முனயோதி ப்³ருமி”.
104. “யே கேசிமே ஸமணப்³ராஹ்மணாஸே, [இச்சாயஸ்மா நந்தோ³]
தி³ட்ட²ஸ்ஸுதேனாபி வத³ந்தி ஸுத்³தி⁴ங்;
ஸீலப்³புதேனாபி வத³ந்தி ஸுத்³தி⁴ங்,
அனேகருபேன வத³ந்தி ஸுத்³தி⁴ங்;
கச்சிஸ்ஸு தே ப⁴க³வா தத்த² யதா சரந்தா,
அதாரு ஜாதிஞ்ச ஜரஞ்ச மாரிஸ;
புச்சா²மி தங் ப⁴க³வா ப்³ருஹி மேதங்”.
105. “யே கேசிமே ஸமணப்³ராஹ்மணாஸே, [நந்தா³தி ப⁴க³வா]
தி³ட்ட²ஸ்ஸுதேனாபி வத³ந்தி ஸுத்³தி⁴ங்;
ஸீலப்³புதேனாபி வத³ந்தி ஸுத்³தி⁴ங், அனேகருபேன வத³ந்தி
ஸுத்³தி⁴ங்;
கிஞ்சாபி தே தத்த² யதா சரந்தி, நாதரிங்ஸு ஜாதிஜரந்தி ப்³ருமி”.
106. “யே கேசிமே ஸமணப்³ராஹ்மணாஸே, [இச்சாயஸ்மா நந்தோ³]
தி³ட்ட²ஸ்ஸுதேனாபி வத³ந்தி ஸுத்³தி⁴ங்;
ஸீலப்³புதேனாபி வத³ந்தி ஸுத்³தி⁴ங், அனேகருபேன வத³ந்தி
ஸுத்³தி⁴ங்;

தே சே முனி ப்ருஸி அனோக⁴திண்ணே, அத² கோ சரஹி
தே³வமனுஸ்ஸலோகே;
அதாரி ஜாதிஞ்ச ஜரஞ்ச மாரிஸ, புச்சா²மி தங் ப⁴க³வா ப்ருஹி
மேதங்”.

107. “நாஹங் ஸப்³பே³ ஸமணப்³ராஹ்மணாஸே, நந்தா³தி ப⁴க³வா
ஜாதிஜராய நிவுதாதி ப்ருமி;
யே ஸீத⁴ தி³ட்ட²ங் வ ஸுதங் முதங் வா, ஸீலப்³புதங் வாபி பஹாய
ஸப்³புங்;
அனேகருபம்பி பஹாய ஸப்³புங், தண்ஹங் பரிஞ்ஞாய அனாஸவாஸே;
தே வே நரா ஓக⁴திண்ணாதி ப்ருமி”.

108. “ஏதாபி⁴னந்தா³மி வசோ மஹேஸினோ, ஸுகித்திதங்
கோ³தமனுபதீ⁴கங்;
யே ஸீத⁴ தி³ட்ட²ங் வ ஸுதங் முதங் வா, ஸீலப்³புதங் வாபி பஹாய
ஸப்³புங்;
அனேகருபம்பி பஹாய ஸப்³புங், தண்ஹங் பரிஞ்ஞாய அனாஸவாஸே;
அஹம்பி தே ஓக⁴திண்ணாதி ப்ருமீ”தி.

நந்த³மாணவபுச்சா² ஸத்தமா.

8. ஹேமகமாணவபுச்சா²

109. “யே மே புப்³பே³ வியாகங்ஸு, [இச்சாயஸ்மா ஹேமகோ]
ஹுரங் கோ³தமஸாஸனா;
இச்சாஸி இதி ப⁴விஸ்ஸதி, ஸப்³புங் தங் இதிஹீதிஹங்;
ஸப்³புங் தங் தக்கவட்³ட்⁴னங், நாஹங் தத்த² அபி⁴ரமிங்.

110. “த்வஞ்ச மே த⁴ம்மமக்கா²ஹி, தண்ஹானிக்³கா⁴தனங் முனி;
யங் விதி³த்வா ஸதோ சரங், தரே லோகே விஸத்திகங்”.

111. “இத⁴ தி³ட்ட²ஸுதமுதவிஞ்ஞாதேஸு, பியருபேஸு ஹேமக;
சுந்த³ராக³வினோத³னங், நிப்³பா³னபத³மச்சுதங்.

112. “ஏதத³ஞ்ஞாய யே ஸதா, தி³ட்ட²த⁴ம்மாபி⁴னிப்³புதா;
உபஸந்தா ச தே ஸதா³, திண்ணா லோகே விஸத்திக”ந்தி.

ஹேமகமாணவபுச்சா² அட்ட²மா.

9. தோதெ³ய்யமாணவபுச்சா²

113. “யஸ்மிங் காமா ந வஸந்தி, [இச்சாயஸ்மா தோதெ³ய்யோ]
தண்ஹா யஸ்ஸ ந விஜ்ஜதி;
கத²ங்கதா² ச யோ திண்ணோ, விமொக்கோ² தஸ்ஸ கீதி³ஸோ”.
114. “யஸ்மிங் காமா ந வஸந்தி, [தோதெ³ய்யாதி ப⁴க³வா]
தண்ஹா யஸ்ஸ ந விஜ்ஜதி;
கத²ங்கதா² ச யோ திண்ணோ, விமொக்கோ² தஸ்ஸ நாபரோ”.
115. “நிராஸஸோ ஸோ உத³ ஆஸஸானோ [ஆஸயானோ (க)],
பஞ்ஞாணவா ஸோ உத³ பஞ்ஞுகப்பீ;
முனிங் அஹங் ஸக்க யதா² விஜஞ்ஞங், தங் மே வியாசிக்க²
ஸமந்தசக்கு”.
116. “நிராஸஸோ ஸோ ந ச ஆஸஸானோ, பஞ்ஞாணவா ஸோ ந ச
பஞ்ஞுகப்பீ;
ஏவம்பி தோதெ³ய்ய முனிங் விஜான, அகிஞ்சனங் காமப⁴வே
அஸத்த”ந்தி.

தோதெ³ய்யமாணவபுச்சா² நவமா.

10. கப்பமாணவபுச்சா²

117. “மஜ்ஜே² ஸரஸ்மிங் திட்ட²தங், [இச்சாயஸ்மா கப்போ]
ஓகே⁴ ஜாதே மஹப்³ப⁴யே;
ஜராமச்சபரேதானங், தீ³பங் பப்³ருஹி மாரிஸ;
த்வஞ்ச மே தீ³பமக்கா²ஹி, யதா²யித³ங் நாபரங் ஸியா”.
118. “மஜ்ஜே² ஸரஸ்மிங் திட்ட²தங், [கப்பாதி ப⁴க³வா]
ஓகே⁴ ஜாதே மஹப்³ப⁴யே;
ஜராமச்சபரேதானங், தீ³பங் பப்³ருமி கப்ப தே.
119. “அகிஞ்சனங் அனாதா³னங், ஏதங் தீ³பங் அனாபரங்;
நிப்³பா³னங் இதி நங் ப்³ருமி, ஜராமச்சபரிக்க²யங்.
120. “ஏதத³ஞ்ஞாய யே ஸதா, தி³ட்ட²த⁴ம்மாபி⁴னிப்³புதா;
ந தே மாரவஸானுகா³, ந தே மாரஸ்ஸ பட்ட²கூ³”தி [பத்³த⁴கூ³ (ஸீ)].

கப்பமாணவபுச்சா² த³ஸமா.

11. ஜதுகண்ணிமாணவபுச்சா²

121. “ஸுத்வானஹங் வீரமகாமகாமிங், [இச்சாயஸ்மா ஜதுகண்ணி]
 ஓகா⁴திக³ங் புட்டு²மகாமமாக³மங்;
 ஸந்திபத³ங் ப்³ருஹி ஸஹஜனெத்த, யதா²தச்ச²ங் ப⁴க³வா ப்³ருஹி
 மேதங்.
122. “ப⁴க³வா ஹி காமே அபி⁴பு⁴ய்ய இரியதி, ஆதி³ச்சோவ பத²விங் தேஜீ
 தேஜஸா;
 பரித்தபஞ்ஞஸ்ஸ மே பூ⁴ரிபஞ்ஞ, ஆசிக்க² த⁴ம்மங் யமஹங்
 விஜஞ்ஞங்;
 ஜாதிஜராய இத⁴ விப்பஹானங்”.
123. “காமேஸு வினய கே³த⁴ங், [ஜதுகண்ணீதி ப⁴க³வா]
 நெக்க²ம்மங் த³ட்டு² கே²மதோ;
 உக்³க³ஹிதங் நிரத்தங் வா, மா தே விஜ்ஜித்த² கிஞ்சனங்.
124. “யங் புப்³பே³ தங் விஸோஸேஹி, பச்சா² தே மாஹு கிஞ்சனங்;
 மஜ்ஜே² சே நோ க³ஹெஸ்ஸஸி, உபஸந்தோ சரிஸ்ஸஸி.
125. “ஸப்³ப³ஸோ நாமருபஸ்மிங், வீதகே³த⁴ஸ்ஸ ப்³ராஹ்மண;
 ஆஸவாஸ்ஸ ந விஜ்ஜந்தி, யேஹி மச்சவஸங் வஜே”தி.

ஜதுகண்ணிமாணவபுச்சா² ஏகாத³ஸமா.

12. ப⁴த்³ராவுத⁴மாணவபுச்சா²

126. “ஓகஞ்ஜஹங் தண்ஹச்சி²த³ங் அனேஜங், [இச்சாயஸ்மா
 ப⁴த்³ராவுதோ⁴]
 நந்தி³ஞ்ஜஹங் ஓக⁴திண்ணங் விமுத்தங்;
 கப்பஞ்ஜஹங் அபி⁴யாசே ஸுமேத⁴ங், ஸுத்வான நாக³ஸ்ஸ
 அபனமிஸ்ஸந்தி இதோ.
127. “நானாஜனா ஜனபதே³ஹி ஸங்க³தா,
 தவ வீர வாக்யங் அபி⁴கங்க²மானா;
 தேஸங் துவங் ஸாது⁴ வியாகரோஹி, ததா² ஹி தே விதி³தோ ஏஸ
 த⁴ம்மோ”.
128. “ஆதா³னதண்ஹங் வினயேத² ஸப்³ப³ங், [ப⁴த்³ராவுதா⁴தி ப⁴க³வா]
 உத்³த⁴ங் அதோ⁴ திரியஞ்சாபி மஜ்ஜே²;

யங் யஞ்ஹி லோகஸ்மிமுபாதி³யந்தி, தேனேவ மாரோ அன்வேதி
ஜந்துங்.

129. “தஸ்மா பஜானங் ந உபாதி³யேத², பி⁴க்கு² ஸதோ கிஞ்சனங்
ஸப்³புலோகே;
ஆதா³னஸத்தே இதி பெக்க²மானோ, பஜங் இமங் மச்சதெ⁴ய்யே
விஸத்த²”ந்தி.

ப⁴த்³ராவுத⁴மாணவபுச்சா² த்³வாத்³ஸமா.

13. உத³யமாணவபுச்சா²

130. “ஜா²யிங் விரஜமாஸீனங், [இச்சாயஸ்மா உத³யோ]
கதகிச்சங் அனாஸவங்;
பாரகு³ங் ஸப்³புத⁴ம்மானங், அத்தி² பஞ்ஹேன ஆக³மங்;
அஞ்ஞாவிமொக்க²ங் பப்³ருஹி, அவிஜ்ஜாய பபே⁴த³னங்”.
131. “பஹானங் காமச்சந்தா³னங், [உத³யாதி ப⁴க³வா]
தோ³மனஸ்ஸான சூப⁴யங்;
தி²னஸ்ஸ ச பஹாத³னங், குக்குச்சானங் நிவாரணங்.
132. “உபெக்கா²ஸதிஸங்ஸுத்த⁴ங் , த⁴ம்மதக்கபுரேஜவங்;
அஞ்ஞாவிமொக்க²ங் பப்³ருமி, அவிஜ்ஜாய பபே⁴த³னங்”.
133. “கிங்ஸு ஸங்யோஜனோ லோகோ, கிங்ஸு தஸ்ஸ விசாரணங்;
கிஸ்ஸஸ்ஸ விப்பஹானேன, நிப்³பா³னங் இதி வுச்சதி”.
134. “நந்தி³ஸங்யோஜனோ லோகோ, விதக்கஸ்ஸ விசாரணங்;
தண்ஹாய விப்பஹானேன, நிப்³பா³னங் இதி வுச்சதி”.
135. “கத²ங் ஸதஸ்ஸ சரதோ, விஞ்ஞாணங் உபருஜ்ஜ²தி;
ப⁴க³வந்தங் புட்டு²மாக³ம்ம, தங் ஸுணோம வசோ தவ”.
136. “அஜ்ஜ²த்தஞ்ச ப³ஹித்தா⁴ ச, வேத³னங் நாபி⁴னந்த³தோ;
ஏவங் ஸதஸ்ஸ சரதோ, விஞ்ஞாணங் உபருஜ்ஜ²தி”.

உத³யமாணவபுச்சா² தேரஸமா.

14. போஸாலமாணவபுச்சா²

“யோ அதீதங் ஆதி³ஸதி, [இச்சாயஸ்மா போஸாலோ]
அனேஜோ சி²ன்னஸங்ஸயோ;
பாரகு³ங் ஸப்³பு³த⁴ம்மானங், அத்தி² பஞ்வேன ஆக³மங்.

138. “விபு⁴தருபஸஞ்ஞிஸ்ஸ, ஸப்³புகாயப்பஹாயினோ;
அஜ்ஜ²த்தஞ்ச ப³ஹித்³தா⁴ ச, நத்தி² கிஞ்சீதி பஸ்ஸதோ;
ஞாணங் ஸக்கானுபுச்சா²மி, கத²ங் நெய்யோ ததா²விதோ⁴”.

139. “விஞ்ஞாணட்டி²தியோ ஸப்³பா³, [போஸாலாதி ப⁴க³வா]
அபி⁴ஜானங் ததா²க³தோ;
திட்ட²ந்தமேனங் ஜானாதி, விமுத்தங் தப்பராயணங்.

140. “ஆகிஞ்சஞ்ஞஸம்ப⁴வங் ஞத்வா, நந்தீ³ ஸங்யோஜனங் இதி;
ஏவமேதங் அபி⁴ஞ்ஞாய, ததோ தத்த² விபஸ்ஸதி;
ஏதங் [ஏவங் (ஸ்யா. க.)] ஞாணங் தத²ங் தஸ்ஸ, ப்³ராஹ்மணஸ்ஸ
வுஸ்ஸமதோ”தி.

போஸாலமாணவபுச்சா² சுத்³த³ஸமா.

15. மோக⁴ராஜமாணவபுச்சா²

141. “த்³வாஹங் ஸக்கங் அபுச்சி²ஸ்ஸங், [இச்சாயஸ்மா மோக⁴ராஜா]
ந மே ப்³யாகாஸி சக்கு²மா;
யாவததியஞ்ச தே³வீஸி, ப்³யாகரோதீதி மே ஸுதங்.

142. “அயங் லோகோ பரோ லோகோ, ப்³ரஹ்மலோகோ ஸதே³வகோ;
தி³ட்டி²ங் தே நாபி⁴ஜானாதி, கோ³தமஸ்ஸ யஸஸ்ஸினோ.

143. “ஏவங் அபி⁴க்கந்தத³ஸ்ஸாவிங், அத்தி² பஞ்வேன ஆக³மங்;
கத²ங் லோகங் அவெக்க²ந்தங், மச்சுராஜா ந பஸ்ஸதி”.

144. “ஸுஞ்ஞதோ லோகங் அவெக்க²ஸ்ஸு, மோக⁴ராஜ ஸதா³ ஸதோ;
அத்தானுதி³ட்டி²ங் ஊஹச்ச, ஏவங் மச்சுதரோ ஸியா;
ஏவங் லோகங் அவெக்க²ந்தங், மச்சுராஜா ந பஸ்ஸதீ”தி.

மோக⁴ராஜமாணவபுச்சா² பன்னரஸமா.

16. பிங்கி³யமாணவபுச்சா²

145.

“ஜிண்ணோஹமஸ்மி அப³லோ வீதவண்ணோ, [இச்சாயஸ்மா
பிங்கி³யோ]

நெத்தா ந ஸுத்³தா⁴ ஸவனங் ந பா²ஸு;

மாஹங் நஸ்ஸங் மோமுஹோ அந்தராவ, ஆசிக்க² த⁴ம்மங் யமஹங்
விஜஞ்ஞங்;

ஜாதிஜராய இத⁴ விப்பஹானங்”.

146. “தி³ஸ்வான ரூபேஸு விஹஞ்ஞமானே, [பிங்கி³யாதி ப⁴க³வா]
ரூப்பந்தி ரூபேஸு ஜனா பமத்தா;
தஸ்மா துவங் பிங்கி³ய அப்பமத்தோ, ஜஹஸ்ஸு ரூபங்
அபுனப்³ப⁴வாய”.

147. “தி³ஸா சதஸ்ஸோ விதி³ஸா சதஸ்ஸோ, உத்³த⁴ங் அதோ⁴ த³ஸ
தி³ஸா இமாயோ;
ந துய்ஹங் அதி³ட்ட²ங் அஸுதங் அமுதங் [அஸுதங் அமுதங் வா (ஸீ.),
அஸுதாமுதங் வா (ஸ்யா.), அஸுதங்முதங் வா (பீ.)], அதோ²
அவிஞ்ஞாதங் கிஞ்சனமத்தி² [கஞ்சி மத்தி² (ஸ்யா.), கிஞ்சி நத்தி² (பீ.),
கிஞ்சினமத்தி² (க.)] லோகே;
ஆசிக்க² த⁴ம்மங் யமஹங் விஜஞ்ஞங், ஜாதிஜராய இத⁴
விப்பஹானங்”.

148. “தண்ஹாதி⁴பன்னே மனுஜே பெக்க²மானோ, [பிங்கி³யாதி ப⁴க³வா]
ஸந்தாபஜாதே ஜரஸா பரேதே;
தஸ்மா துவங் பிங்கி³ய அப்பமத்தோ, ஜஹஸ்ஸு தண்ஹங்
அபுனப்³ப⁴வாயா”தி.

பிங்கி³யமாணவபுச்சா² ஸோளஸமா.

17. பாராயனத்து²திகா³தா²

இத³மவோச ப⁴க³வா மக³தே⁴ஸு விஹரந்தோ பாஸாணகே சேதியே,
பரிசாரகஸோளஸானங் [பரிசாரகஸோளஸன்னங் (ஸ்யா. க.)] ப்³ராஹ்மணானங்
அஜ்ஜி²ட்டோ² புட்டோ² புட்டோ² பஞ்ஹங் [பஞ்ஹே (ஸீ. பீ.)] ப்³யாகாஸி.
ஏகமேகஸ்ஸ சேபி பஞ்ஹஸ்ஸ அத்த²மஞ்ஞாய த⁴ம்மமஞ்ஞாய
த⁴ம்மானுத⁴ம்மங் படிபஜ்ஜெய்ய, க³ச்செ²ய்யேவ ஜராமரணஸ்ஸ பாரங்.
“பாரங்க³மனீயா இமே த⁴ம்மா”தி - தஸ்மா இமஸ்ஸ த⁴ம்மபரியாயஸ்ஸ
பாராயனந்தேவ [பாராயணங்த்வேவ (ஸீ. அட்ட².)] அதி⁴வசனங்.

149. அஜிதோ திஸ்ஸமெத்தெய்யோ, புண்ணகோ அத² மெத்தகூ³;

தோ⁴தகோ உபஸீவோ ச, நந்தோ³ ச அத² ஹேமகோ.

150. தோதெ³ய்யகப்பா து³ப⁴யோ, ஜதுகண்ணீ ச பண்டி³தோ;
ப⁴த்³ராவுதோ⁴ உத³யோ ச, போஸாலோ சாபி ப்³ராஹ்மணோ;
மோக⁴ராஜா ச மேதா⁴வீ, பிங்கி³யோ ச மஹாஇஸி.
151. ஏதே பு³த்³த⁴ங் உபாக³ச்ச²ங், ஸம்பன்னசரணங் இஸிங்;
புச்ச²ந்தா நிபுணே பஞ்ஹே, பு³த்³த⁴ஸெட்ட²ங் உபாக³முங்.
152. தேஸங் பு³த்³தோ⁴ பப்³யாகாஸி, பஞ்ஹே புட்டோ² யதா²தத²ங்;
பஞ்ஹானங் வெய்யாகரணேன, தோஸேஸி ப்³ராஹ்மணே முனி.
153. தே தோஸிதா சக்கு²மதா, பு³த்³தே⁴னாதி³ச்சப³ந்து⁴னா;
ப்³ராஹ்மசரியமசரிங்ஸு, வரபஞ்ஞஸ்ஸ ஸந்திகே.
154. ஏகமேகஸ்ஸ பஞ்ஹஸ்ஸ, யதா² பு³த்³தே⁴ன தே³ஸிதங்;
ததா² யோ படிபஜ்ஜெய்ய, க³ச்சே² பாரங் அபாரதோ.
155. அபாரா பாரங் க³ச்சே²ய்ய, பா⁴வெந்தோ மக்³க³முத்தமங்;
மக்³கோ³ ஸோ பாரங் க³மனாய, தஸ்மா பாராயனங் இதி.

18. பாராயனானுகீ³திகா³தா²

156. “பாராயனமனுகா³யிஸ்ஸங் , [இச்சாயஸ்மா பிங்கி³யோ]
யதா²த்³த³க்கி² ததா²க்கா²ஸி, விமலோ பூ⁴ரிமேத⁴ஸோ;
நிக்காமோ நிப்³ப³னோ [நிப்³பு³தோ \(ஸ்யா.\)](#) நாகோ³, கிஸ்ஸ ஹேது
முஸா ப⁴ணே.
157. “பஹீனமலமோஹஸ்ஸ, மானமக்க²ப்பஹாயினோ;
ஹந்தா³ஹங் கித்தயிஸ்ஸாமி, கி³ரங் வண்ணாபஸஞ்ஹிதங்.
158. “தமோனுதோ³ பு³த்³தோ⁴ ஸமந்தசக்கு², லோகந்தக³
ஸப்³ப³ப⁴வாதிவத்தோ;
அனாஸவோ ஸப்³ப³து³க்க²ப்பஹீனோ, ஸச்சவ்ஹயோ ப்³ராஹ்மே
உபாஸிதோ மே.
159. “தி³ஜோ யதா² குப்³ப³னகங் பஹாய, ப்³ஹுப்ப²லங் கானநமாவஸெய்ய;
ஏவம்பஹங் அப்பத³ஸ்ஸே பஹாய, மஹோத³தி⁴ங் ஹங்ஸோரிவ
அஜ்ஜ²பத்தோ.

160. “யேமே புப்³பே³ வியாகங்ஸு, ஹுரங் கோ³தமஸாஸனா;
இச்சாஸி இதி ப⁴விஸ்ஸதி;
ஸப்³பங் தங் இதிஹீதிஹங், ஸப்³பங் தங் தக்கவட்³ட⁴னங்.

161. “ஏகோ தமனுதா³ஸினோ, ஜுதிமா ஸோ பப⁴ங்கரோ;
கோ³தமோ பூ⁴ரிபஞ்ஞாணோ, கோ³தமோ பூ⁴ரிமேத⁴ஸோ.

162. “யோ மே த⁴ம்மமதே³ஸேஸி, ஸந்தி³ட்டி²கமகாலிகங்;
தண்ஹக்க²யமனீதிகங், யஸ்ஸ நத்தி² உபமா க்வசி”.

163. “கிங் நு தம்ஹா விப்பவஸஸி, முஹுத்தமபி பிங்கி³ய;
கோ³தமா பூ⁴ரிபஞ்ஞாணா, கோ³தமா பூ⁴ரிமேத⁴ஸா.

164. “யோ தே த⁴ம்மமதே³ஸேஸி, ஸந்தி³ட்டி²கமகாலிகங்;
தண்ஹக்க²யமனீதிகங், யஸ்ஸ நத்தி² உபமா க்வசி”.

165. “நாஹங் தம்ஹா விப்பவஸாமி, முஹுத்தமபி ப்³ராஹ்மண;
கோ³தமா பூ⁴ரிபஞ்ஞாணா, கோ³தமா பூ⁴ரிமேத⁴ஸா.

166. “யோ மே த⁴ம்மமதே³ஸேஸி, ஸந்தி³ட்டி²கமகாலிகங்;
தண்ஹக்க²யமனீதிகங், யஸ்ஸ நத்தி² உபமா க்வசி.

167. பிஸ்ஸாமி நங் மனஸா சக்கு²னாவ, ரத்திந்தி³வங் ப்³ராஹ்மண
அப்பமத்தோ.

நமஸ்ஸமானோ விவஸேமி ரத்திங், தேனேவ மஞ்ஞாமி
அவிப்பவாஸங்.

168. “ஸத்தா⁴ ச பீதி ச மனோ ஸதி ச,
நாபெந்திமே கோ³தமஸாஸனம்ஹா;
யங் யங் தி³ஸங் வஜதி பூ⁴ரிபஞ்ஞோ, ஸ தேன தேனேவ
நதோஹமஸ்மி.

169. “ஜிண்ணஸ்ஸ மே து³ப்³லதா²மகஸ்ஸ, தேனேவ காயோ ந பலேதி
தத்த²;
ஸங்கப்பயந்தாய [ஸங்கப்பயத்தாய (ஸீ)] வஜாமி நிச்சங், மனோ ஹி
மே ப்³ராஹ்மண தேன யுத்தோ.

170.

“பங்கே ஸயானோ பரிப²ந்த³மானோ, தீ³பா தீ³பங் உபல்லவிங்;
அத²த்³த³ஸாஸிங் ஸம்பு³த்³த⁴ங், ஓக⁴திண்ணமனாஸவங்.

171. “யதா² அஹு வக்கலி முத்தஸத்³தோ⁴, ப⁴த்³ராவுதோ⁴
ஆளவிகோ³தமோ ச;
ஏவமேவ த்வம்பி பமுஞ்சஸ்ஸு ஸத்³த⁴ங், க³மிஸ்ஸஸி த்வங்
பிங்கி³ய மச்சதெ⁴ய்யஸ்ஸ பாரங்” [மச்சதெ⁴ய்யபாரங் (ஸீ.)].

172. “ஏஸ பி⁴ய்யோ பஸீதா³மி, ஸுத்வான முனினோ வசோ;
விவட்டச்ச²தோ³ ஸம்பு³த்³தோ⁴, அகி²லோ படிபா⁴னவா.

173. “அதி⁴தே³வே அபி⁴ஞ்ஞாய, ஸப்³ப³ங் வேதி³ பரோபரங்;
பஞ்ஹானந்தகரோ ஸத்தா², கங்கீ²னங் படிஜானதங்.

174. “அஸங்ஹீரங் அஸங்குப்பங், யஸ்ஸ நத்தி² உபமா க்வசி;
அத்³தா⁴ க³மிஸ்ஸாமி ந மெத்த² கங்கா², ஏவங் மங் தா⁴ரேஹி
அதி⁴முத்தசித்த²ந்தி [அஜிதமாணவபுச்சா²ய பட்டா²ய
யாவபாராயனானுகீ³திகா³தாபரியோஸானா ஸ்யா. ... பொத்த²கே நத்தி²].

பாராயனானுகீ³திகா³தா² நிட்டி²தா.

பாராயனவக்³க³னித்³தே³ஸோ

1. அஜிதமாணவபுச்சா²னித்³தே³ஸோ

1. கேனஸ்ஸு நிவுதோ லோகோ, [இச்சாயஸ்மா அஜிதோ]
கேனஸ்ஸு நப்பகாஸதி;
கிஸ்ஸாபி⁴லேபனங் ப்³ருஸி [ப்³ருஹி (ஸ்யா.)], கிங்ஸு தஸ்ஸ
மஹப்³ப⁴யங்.

கேனஸ்ஸு நிவுதோ லோகோதி. லோகோதி நிரயலோகோ
திரச்சா²னலோகோ பெத்திவிஸயலோகோ மனுஸ்ஸலோகோ தே³வலோகோ
க³ந்த⁴லோகோ தா⁴துலோகோ ஆயதனலோகோ அயங் லோகோ பரோ
லோகோ ப்³ரஹ்மலோகோ தே³வலோகோ - அயங் வச்சதி லோகோ. அயங்
லோகோ கேன ஆவுதோ நிவுதோ ஓவுதோ [ஓபு²தோ (ஸ்யா.)] பிஹிதோ
படிச்ச²ன்னோ படிசுஜ்ஜிதோதி - கேனஸ்ஸு நிவுதோ லோகோ?

இச்சாயஸ்மா அஜிதோதி. இச்சாதி பத³ஸந்தி⁴ பத³ஸங்ஸக்³கோ³
பத³பாரிபுரீ அக்க²ரஸமவாயோ ப்³யஞ்ஜனஸிலிட்ட²தா பதா³னுபுப்³தாபேதங்
[பதா³னுபுப்³தாமேதங் (ப்³ஹுஸு)] இச்சாதி. ஆயஸ்மாதி பியவசனங்
க³ருவசனங் ஸகா³ரவஸப்பதிஸ்ஸாதி⁴வசனமேதங் ஆயஸ்மாதி. அஜிதோதி
தஸ்ஸ ப்³ராஹ்மணஸ்ஸ நாமங் ஸங்கா² ஸமஞ்ஞா பஞ்ஞத்தி வோஹாரோ
நாமங் நாமகம்மங் நாமதெ⁴ய்யங் நிருத்தி ப்³யஞ்ஜனங் அபி⁴லாபோதி -
இச்சாயஸ்மா அஜிதோ.

கேனஸ்ஸு நப்பகாஸதீதி கேன லோகோ நப்பகாஸதி ந பா⁴ஸதி ந தபதி
ந விரோசதி ந ஞாயதி ந பஞ்ஞாயதீதி - கேனஸ்ஸு நப்பகாஸதி .

கிஸ்ஸாபி⁴லேபனங் ப்³ருஸீதி கிங் லோகஸ்ஸ லேபனங் லக்³க³னங்
ப்³ந்த⁴னங் உபக்கிலேஸோ. கேன லோகோ லித்தோ ஸங்லித்தோ உபலித்தோ
கிலிட்டோ² ஸங்கிலிட்டோ² மக்கி²தோ ஸங்ஸட்டோ² லக்³கோ³ லக்³கி³தோ
பலிபுத்³தோ⁴, ப்³ருஸி ஆசிக்க²ஸி தே³ஸேஸி பஞ்ஞபேஸி [பஞ்ஞாபேஸி (க.)]
பட்ட²பேஸி விவரஸி விப⁴ஜஸி உத்தானிகரோஸி [உத்தானிங் கரோஸி (க.)]
பகாஸேஸீதி - கிஸ்ஸாபி⁴லேபனங் ப்³ருஸி.

கிங்ஸு தஸ்ஸ மஹப்³ப⁴யந்தி கிங் லோகஸ்ஸ ப⁴யங் மஹப்³ப⁴யங்
பீளனங் க⁴ட்டனங் உபத்³தவோ உபஸக்³கோ³தி - கிங்ஸு தஸ்ஸ
மஹப்³ப⁴யங். தேனாஹ ஸோ ப்³ராஹ்மணோ -

“கேனஸ்ஸு நிவுதோ லோகோ, [இச்சாயஸ்மா அஜிதோ]

கேனஸ்ஸு நப்பகாஸதி;

கிஸ்ஸாபி⁴லேபனங் ப்³ருஸி, கிங்ஸு தஸ்ஸ மஹப்³ப⁴ய்³ந்தி.

2. அவிஜ்ஜாய நிவுதோ லோகோ, [அஜிதாதி ப⁴க³வா]
வேவிச்சா² பமாதா³ நப்பகாஸதி;
ஜப்பாபி⁴லேபனங் ப்³ருமி, து³க்க²மஸ்ஸ மஹப்³ப⁴ய்³ங்.

அவிஜ்ஜாய நிவுதோ லோகோதி. அவிஜ்ஜாதி து³க்கே² அஞ்ஞாணங்
து³க்க²ஸமுத³யே அஞ்ஞாணங் து³க்க²னிரோதே⁴ அஞ்ஞாணங்
து³க்க²னிரோத⁴கா³மினியா படிபதா³ய அஞ்ஞாணங், புப்³ப³ந்தே அஞ்ஞாணங்
அபரந்தே அஞ்ஞாணங் புப்³ப³ந்தாபரந்தே அஞ்ஞாணங்,
இத³ப்பச்சயதாபடிச்சஸமுப்பன்னேஸு த⁴ம்மேஸு அஞ்ஞாணங், யங் ஏவருபங்
அஞ்ஞாணங் அத³ஸ்ஸனங் அனபி⁴ஸமயோ அனநுபோ³தோ⁴
அஸம்போ³தோ⁴ அப்படிவேதோ⁴ அஸங்கா³ஹனா அபரியோகா³ஹனா
அஸமபெக்க²னா அபச்சவெக்க²ணா [அபச்சவெக்க²னா (ஸ்யா.)]
அபச்சவெக்க²ணகம்மங் து³ம்மெஜ்ஜ²ங் பா³ல்யங் அஸம்பஜஞ்ஞங் மோஹோ
பமோஹோ ஸம்மோஹோ அவிஜ்ஜா அவிஜ்ஜோகோ⁴ அவிஜ்ஜாயோகோ³
அவிஜ்ஜானுஸயோ அவிஜ்ஜாபரியுட்டா²னங் அவிஜ்ஜாலங்கீ³ மோஹோ
அகுஸலமுலங், அயங் வுச்சதி - அவிஜ்ஜா.

லோகோதி நிரயலோகோ திரச்சா²னலோகோ பெத்திவிஸயலோகோ
மனுஸ்ஸலோகோ தே³வலோகோ க²ந்த⁴லோகோ தா⁴துலோகோ
ஆயதனலோகோ அயங் லோகோ பரோ லோகோ ப்³ரஹ்மலோகோ
தே³வலோகோ - அயங் வுச்சதி லோகோ. அயங் லோகோ இமாய அவிஜ்ஜாய
ஆவுதோ நிவுதோ ஓவுதோ பிஹிதோ படிச்ச²ன்னோ படிசுஜ்ஜிதோதி -
அவிஜ்ஜாய நிவுதோ லோகோ.

அஜிதாதி ப⁴க³வா தங் ப்³ராஹ்மணங் நாமேன ஆலபதி. ப⁴க³வாதி
கா³ரவாதி⁴வசனங். அபி ச, ப⁴க³க³ராகோ³தி ப⁴க³வா; ப⁴க³க³தோ³ஸோதி
ப⁴க³வா; ப⁴க³க³மோஹோதி ப⁴க³வா; ப⁴க³க³மானோதி ப⁴க³வா;
ப⁴க³க³தி³ட்டி²தி ப⁴க³வா; ப⁴க³க³கண்டகோதி ப⁴க³வா; ப⁴க³க³கிலேஸோதி
ப⁴க³வா; ப⁴ஜி விப⁴ஜி பவிப⁴ஜி த⁴ம்மரதனந்தி ப⁴க³வா; ப⁴வானங்
அந்தகரோதி ப⁴க³வா; பா⁴விதகாயோ பா⁴விதஸீலோ பா⁴விதசித்தோ
[பா⁴விதகாயோதி ப⁴க³வா, பா⁴விதஸீலோதி பா⁴விதசித்தோதி (ஸ்யா.)]
பா⁴விதபஞ்ஞோதி ப⁴க³வா; ப⁴ஜி வா ப⁴க³வா அரஞ்ஞவனபத்தா²னி
பந்தானி ஸேனாஸனானி அப்பஸத்தா³னி அப்பனிக்³கோ⁴ஸானி
விஜனவாதானி மனுஸ்ஸராஹஸ்ஸெய்யகானி [மனுஸ்ஸராஹஸ்ஸெய்யகானி
(ஸ்யா.)] படிஸல்லானஸாருப்பானீதி ப⁴க³வா; பா⁴கீ³ வா ப⁴க³வா
சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரானந்தி ப⁴க³வா;

பா⁴கீ³ வா ப⁴க³வா அத்த²ரஸஸ்ஸ த⁴ம்மரஸஸ்ஸ விமுத்திரஸஸ்ஸ
அதி⁴ஸீலஸ்ஸ அதி⁴சித்தஸ்ஸ அதி⁴பஞ்ஞாயாதி ப⁴க³வா; பா⁴கீ³ வா
ப⁴க³வா சதுன்னங் ஜா²னானங் சதுன்னங் அப்பமஞ்ஞானங் சதுன்னங்
அருபஸமாபத்தீனந்தி ப⁴க³வா; பா⁴கீ³ வா ப⁴க³வா அட்ட²ன்னங்
விமொக்கா²னங் அட்ட²ன்னங் அபி⁴பா⁴யதனானங் நவன்னங்
அனுபுப்³ஸமாபத்தீனந்தி ப⁴க³வா; பா⁴கீ³ வா ப⁴க³வா த³ஸன்னங்
ஸஞ்ஞாபா⁴வனானங் கஸிணஸமாபத்தீனங் ஆனாபானஸ்ஸதிஸமாதி⁴ஸ்ஸ
அஸுப⁴ஸமாபத்தியாதி ப⁴க³வா; பா⁴கீ³ வா ப⁴க³வா சதுன்னங்
ஸதிபட்டா²னானங் சதுன்னங் ஸம்மப்பதா⁴னானங் சதுன்னங்
இத்³தி⁴பாதா³னங் பஞ்சன்னங் இந்த³ரியானங் பஞ்சன்னங் ப³லானங்
ஸத்தன்னங் பொ³ஜ்ஜங்கா³னங் அரியஸ்ஸ அட்ட²ங்கிக்³ஸஸ்ஸ மக்³க³ஸ்ஸாதி
ப⁴க³வா; பா⁴கீ³ வா ப⁴க³வா த³ஸன்னங் ததா²க³தப³லானங் சதுன்னங்
வேஸாரஜ்ஜானங் சதுன்னங் படிஸம்பி⁴தா³னங் ச²ன்னங் அபி⁴ஞ்ஞானங்
ச²ன்னங் பு³த்³த⁴த⁴ம்மானந்தி ப⁴க³வா; ப⁴க³வாதி நேதங் நாமங் மாதரா
கதங் ந பிதரா கதங் ந பா⁴தரா கதங் ந ப⁴கி³னியா கதங் ந மித்தாமச்சேஹி
கதங் ந ஞாதிஸாலோஹிதேஹி கதங் ந ஸமணப்³ராஹ்மணேஹி கதங் ந
தே³வதாஹி கதங். விமொக்க²ந்திகமேதங் பு³த்³தா⁴னங் ப⁴க³வந்தானங்
போ³தி⁴யா மூலே ஸஹ ஸப்³ப³ஞ்ஞுதஞாணஸ்ஸ படிஸாபா⁴ ஸச்சிகா
பஞ்ஞுத்தி, யதி³த³ங் ப⁴க³வாதி - அஜிதாதி ப⁴க³வா.

வேவிச்சா² பமாதா³ நப்பகாஸதீதி. வேவிச்ச²ங் வுச்சதி பஞ்ச மச்ச²ரியானி -
ஆவாஸமச்ச²ரியங், குலமச்ச²ரியங், லாப⁴மச்ச²ரியங், வண்ணமச்ச²ரியங் ,
த⁴ம்மமச்ச²ரியங். யங் ஏவருபங் மச்சே²ரங் மச்ச²ராயனா மச்ச²ராயிதத்தங்
வேவிச்ச²ங் கத³ரியங் கடுகஞ்சுகதா அக்³க³ஹிதத்தங் சித்தஸ்ஸ - இத்³ங் வுச்சதி
மச்ச²ரியங். அபி ச க²ந்த⁴மச்ச²ரியம்பி மச்ச²ரியங், தா⁴துமச்ச²ரியம்பி
மச்ச²ரியங், ஆயதனமச்ச²ரியம்பி மச்ச²ரியங், கா³ஹோ வுச்சதி மச்ச²ரியங்.
பமாதோ³ வத்தப்³போ³ - காயது³ச்சரிதே வா வசீது³ச்சரிதே வா மனோது³ச்சரிதே
வா பஞ்சஸு காமகு³ணேஸு வா சித்தஸ்ஸ வோஸக்³கோ³ [வொஸ்ஸக்³கோ³
(ப³ஹுஸு)] வோஸக்³கா³னுப்பதா³னங் குஸலானங் த⁴ம்மானங் பா⁴வனாய
அஸக்கச்சகிரியதா அஸாதச்சகிரியதா அனட்டி²தகிரியதா [அனிட்டி²தகிரியதா
(க.) விப⁴. 846] ஒலீனவுத்திதா நிக்கி²த்தச்ச²ந்த³தா நிக்கி²த்தது⁴ரதா
அனாஸேவனா அபா⁴வனா அப³ஹுலீகம்மங் அனதி⁴ட்டா²னங்
அனநுயோகோ³ பமாதோ³. யோ ஏவருபோ பமாதோ³ பமஜ்ஜனா பமஜ்ஜிதத்தங் -
அயங் வுச்சதி பமாதோ³. வேவிச்சா² பமாதா³ நப்பகாஸதீதி இமினா ச
மச்ச²ரியேன இமினா ச பமாதே³ன லோகோ நப்பகாஸதி ந பா⁴ஸதி ந தபதி ந
விரோசதி ந ஞாயதி ந பஞ்ஞாயதீதி - வேவிச்சா² பமாதா³ நப்பகாஸதி.

ஜப்பாபி⁴லேபனங் ப்³ருமீதி ஜப்பா வுச்சதி தண்ஹா. யோ ராகோ³
ஸாராகோ³ அனுனயோ அனுரோதோ⁴ நந்தீ³ [நந்தி³ (ஸ்யா.)] நந்தி³ராகோ³

சித்தஸ்ஸ ஸாராகோ³ இச்சா² முச்சா² அஜ்ஜோ²ஸானங் கே³தோ⁴
பலிகே³தோ⁴ ஸங்கோ³ பங்கோ ஏஜா மாயா ஜனிகா ஸஞ்ஜனநீ ஸிப்³பி³னீ
ஜாலினீ ஸரிதா விஸத்திகா ஸுத்தங் விஸடா [ஸொத்தங் விஸதா (ஸ்யா.)]
ஆயுஹனீ து³தியா த்³பணிதி⁴ ப⁴வனெத்தி வனங் வனதோ² ஸந்த²வோ
[ஸந்த⁴வோ (க.) விப⁴. 909] ஸினேஹோ அபெக்கா² படிப³ந்து⁴ ஆஸா
ஆஸீஸனா [ஆஸிங்ஸனா (ஸ்யா.)] ஆஸீஸிதத்தங் ரூபாஸா ஸத்த³தா³ஸா
க³ந்தா⁴ஸா ரஸாஸா பொ²ட்ட²ப³பா³ஸா லாபா⁴ஸா த⁴னாஸா புத்தாஸா
ஜீவிதாஸா ஜப்பா பஜப்பா அபி⁴ஜப்பா ஜப்பனா ஜப்பிதத்தங் லோலுப்பங்
லோலுப்பாயனா லோலுப்பாயிதத்தங் புச்ச²ஞ்ஜிகதா ஸாது⁴கம்யதா
அத⁴ம்மராகோ³ விஸமலோபோ⁴ நிகந்தி நிகாமனா பத்த²னா பிறனா
ஸம்பத்த²னா காமதண்ஹா ப⁴வதண்ஹா விப⁴வதண்ஹா ரூபதண்ஹா
அரூபதண்ஹா நிரோத⁴தண்ஹா ரூபதண்ஹா ஸத்த³த³தண்ஹா
க³ந்த⁴தண்ஹா ரஸதண்ஹா பொ²ட்ட²ப³ப³தண்ஹா த⁴ம்மதண்ஹா ஓகோ⁴
யோகோ³ க³ந்தோ² உபாதா³னங் ஆவரணங் நீவரணங் ச²த³னங் ப³ந்த⁴னங்
உபக்கிலேஸோ அனுஸயோ பரியுட்டா²னங் லதா வேவிச்ச²ங் து³க்க²மூலங்
து³க்க²னிதா³னங் து³க்க²ப்பப⁴வோ மாரபாஸோ மாரப³ளிஸங் மாராமிஸங்
மாரவிஸயோ மாரனிவாஸோ மாரகோ³சரோ மாரப³ந்த⁴னங் தண்ஹானதீ³
தண்ஹாஜாலங் தண்ஹாக³த்³து³லங் தண்ஹாஸமுத்³தோ³ அபி⁴ஜ்ஜா²
லோபோ⁴ அகுஸலமூலங் - அயங் வுச்சதி ஜப்பா. லோகஸ்ஸ லேபனங்
லக்³க³னங் ப³ந்த⁴னங் உபக்கிலேஸோ இமாய ஜப்பாய லோகோ லித்தோ
ஸங்லித்தோ உபலித்தோ கிலிட்டோ² ஸங்கிலிட்டோ² மக்கி²தோ ஸங்ஸட்டோ²
லக்³கோ³ லக்³கி³தோ பலிபுத்³தோ⁴தி ப்³ரூமி ஆசிக்கா²மி தே³ஸேமி பஞ்ஞபேமி
பட்ட²பேமி விவராமி விப⁴ஜாமி உத்தானீகரோமி பகாஸேமீதி -
ஜப்பாபி⁴லேபனங் ப்³ரூமி.

து³க்க²மஸ்ஸ மஹப்³ப⁴யந்தி. து³க்க²ந்தி ஜாதிது³க்க²ங் ஜராது³க்க²ங்
ப்³யாதி⁴து³க்க²ங் மரணது³க்க²ங்
ஸோகபரிதே³வது³க்க²தோ³மனஸ்ஸுபாயாஸது³க்க²ங் நேரயிகங் து³க்க²ங்
திரச்சா²னயோனிகங் து³க்க²ங் பெத்திவிஸயிகங் து³க்க²ங் மானுஸிகங் து³க்க²ங்
க³ப்³போ⁴க்கந்திமூலகங் து³க்க²ங் க³ப்³ப⁴ட்டி²திமூலகங் [க³ப்³பே⁴டி²திமூலகங்
(ஸ்யா. க.)] து³க்க²ங் க³ப்³ப⁴வுட்டா²னமூலகங் து³க்க²ங்
ஜாதஸ்ஸுபனிப³ந்த⁴கங் து³க்க²ங் ஜாதஸ்ஸ பராதெ⁴ய்யகங் து³க்க²ங்
அத்துபக்கமது³க்க²ங் பருபக்கமது³க்க²ங் ஸங்கா²ரது³க்க²ங் விபரிணாமது³க்க²ங்
சக்கு²ரோகோ³ ஸோதரோகோ³ கா⁴னரோகோ³ ஜிவ்ஹாரோகோ³ காயரோகோ³
ஸீஸரோகோ³ கண்ணரோகோ³ முக²ரோகோ³ த³ந்தரோகோ³ காஸோ ஸாஸோ
பினாஸோ டா³ஹோ [ட³ஹோ (ஸ்யா.)] ஜரோ குச்சி²ரோகோ³ முச்சா²
பக்க²ந்தி³கா ஸுலா விஸுசிகா குட்ட²ங் க³ண்டோ³ கிலாஸோ ஸோஸோ
அபமாரோ த³த்³து³ கண்டு³ கச்ச² ரக²ஸா [ரக்க²ஸா (க.)] விதச்சி²கா

லோஹிதபித்தங் [லோஹிதங் பித்தங் (புஹூஸு)] மது⁴மேஹோ அங்ஸா
பிளகா ப⁴க³ந்த³லா பித்தஸமுட்டா²னா ஆபா³தா⁴ ஸெம்ஹஸமுட்டா²னா
ஆபா³தா⁴ வாதஸமுட்டா²னா ஆபா³தா⁴ ஸன்னிபாதிகா ஆபா³தா⁴
உதுபரிணாமஜா ஆபா³தா⁴ விஸமபரிஹாரஜா ஆபா³தா⁴ ஓபக்கமிகா
ஆபா³தா⁴ கம்மவிபாகஜா ஆபா³தா⁴ ஸீதங் உண்ஹங் ஜிக⁴ச்சா² பிபாஸா
உச்சாரோ பஸ்ஸாவோ ட³ங்ஸமகஸவாதாதபஸரீஸபஸம்ப²ஸ்ஸங் து³க்க²ங்
மாதுமரணங் து³க்க²ங் பிதுமரணங் து³க்க²ங் பா⁴துமரணங் து³க்க²ங்
ப⁴கி³னிமரணங் து³க்க²ங் புத்தமரணங் து³க்க²ங் தீ⁴துமரணங் து³க்க²ங்
ஞாதிப்³யஸனங் து³க்க²ங் ரோகப்³யஸனங் து³க்க²ங் போ⁴கப்³யஸனங்
து³க்க²ங் ஸீலப்³யஸனங் து³க்க²ங் தி³ட்டி²ப்³யஸனங் து³க்க²ங் யேஸங்
த⁴ம்மானங் ஆதி³தோ ஸமுதா³க³மனங் பஞ்ஞாயதி. அத்த²ங்க³மதோ
நிரோதோ⁴ பஞ்ஞாயதி. கம்மஸன்னிஸ்ஸிதோ விபாகோ.
விபாகஸன்னிஸ்ஸிதங் கம்மங், நாமஸன்னிஸ்ஸிதங் ரூபங்
ரூபஸன்னிஸ்ஸிதங் நாமங், ஜாதியா அனு³க³தங் ஜராய அனுஸடங்
ப்³யாதி⁴னா அபி⁴பூ⁴தங் மரணேன அப்³பா⁴ஹதங் து³க்கே² பதிட்டி²தங்
அதாணங் அலேணங் அஸரணங் அஸரணிபூ⁴தங் - இத³ங் வுச்சதி து³க்க²ங்.
இத³ங் து³க்க²ங் லோகஸ்ஸ ப⁴யங் மஹாப⁴யங் பீளனங் க⁴ட்டனங்
உபத்³த³வோ உபஸக்³கோ³தி - து³க்க²மஸ்ஸ மஹப்³ப⁴யங். தேனாஹ
ப⁴க³வா -

“அவிஜ்ஜாய நிவுதோ லோகோ, [அஜிதாதி ப⁴க³வா]
வேவிச்சா² பமாதா³ நப்பகாஸதி;
ஜப்பாபி⁴லேபனங் ப்³ரூமி, து³க்க²மஸ்ஸ மஹப்³ப⁴ய”ந்தி.

3. ஸவந்தி ஸப்³புதி⁴ ஸோதா, [இச்சாயஸ்மா அஜிதோ]
ஸோதானங் கிங் நிவாரணங்;
ஸோதானங் ஸங்வரங் ப்³ரூஹி, கேன ஸோதா பிதி⁴ய்யரே
[பிதி²ய்யரே (ஸ்யா.), பிதீ²ய்யரே (ஸீ. அட்ட²).]

ஸவந்தி ஸப்³புதி⁴ ஸோதாதி. ஸோதாதி தண்ஹாஸோதோ
தி³ட்டி²ஸோதோ கிலேஸஸோதோ து³ச்சரிதஸோதோ அவிஜ்ஜாஸோதோ.
ஸப்³புதீ⁴தி ஸப்³பே³ஸு ஆயதனேஸு. ஸவந்தீதி ஸவந்தி ஆஸவந்தி
ஸந்த³ந்தி பவத்தந்தி. சக்கு²தோ ரூபே ஸவந்தி ஆஸவந்தி ஸந்த³ந்தி
பவத்தந்தி. ஸோததோ ஸத்³தே³ ஸவந்தி...பே... கா⁴னதோ க³ந்தே⁴ ஸவந்தி...
ஜிவ்ஹாதோ ரஸே ஸவந்தி... காயதோ பொ²ட்ட²ப்³பே³ ஸவந்தி... மனதோ
த⁴ம்மே ஸவந்தி ஆஸவந்தி ஸந்த³ந்தி பவத்தந்தி. சக்கு²தோ ரூபதண்ஹா
ஸவந்தி ஆஸவந்தி ஸந்த³ந்தி பவத்தந்தி. ஸோததோ ஸத்³த³தண்ஹா ஸவந்தி
ஆஸவந்தி ஸந்த³ந்தி பவத்தந்தி. கா⁴னதோ க³ந்த⁴தண்ஹா ஸவந்தி...
ஜிவ்ஹாதோ ரஸதண்ஹா ஸவந்தி... காயதோ பொ²ட்ட²ப்³புதண்ஹா ஸவந்தி...

மனதோ த⁴ம்மதண்ணா ஸவந்தி ஆஸவந்தி ஸந்த³ந்தி பவத்தந்தீதி - ஸவந்தி ஸப்³புதி⁴ ஸோதா.

இச்சாயஸ்மா அஜிதோதி. இச்சாதி பத³ஸந்தி⁴...பே... பதா³னுபுப்³பதாபேதங் இச்சாதி...பே... இச்சாயஸ்மா அஜிதோ.

ஸோதானங் கிங் நிவாரணந்தி ஸோதானங் கிங் ஆவரணங் நீவரணங் ஸங்வரணங் ரக்க²னங் கோ³பனந்தி - ஸோதானங் கிங் நிவாரணங்.

ஸோதானங் ஸங்வரங் ப்³ருஹீதி ஸோதானங் ஆவரணங் நீவரணங் ஸங்வரணங் ரக்க²னங் கோ³பனங் ப்³ருஹி ஆசிக்க² தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி பகாஸேஹீதி - ஸோதானங் ஸங்வரங் ப்³ருஹி.

கேன ஸோதா பிதி⁴ய்யரேதி கேன ஸோதா பிதி⁴யந்தி பச்சி²ஜ்ஜந்தி ந ஸவந்தி ந ஆஸவந்தி ந ஸந்த³ந்தி நப்பவத்தந்தீதி - கேன ஸோதா பிதி⁴ய்யரே. தேனாஹ ஸோ ப்³ராஹ்மணோ -

“ஸவந்தி ஸப்³புதி⁴ ஸோதா, [இச்சாயஸ்மா அஜிதோ]
ஸோதானங் கிங் நிவாரணங்;
ஸோதானங் ஸங்வரங் ப்³ருஹி, கேன ஸோதா பிதி⁴ய்யரே”.

4. யானி ஸோதானி லோகஸ்மிங், [அஜிதாதி ப⁴க³வா]
ஸதி தேஸங் நிவாரணங்;
ஸோதானங் ஸங்வரங் ப்³ருமி, பஞ்ஞாயேதே பிதி⁴ய்யரே.

யானி ஸோதானி லோகஸ்மிந்தி யானி ஏதானி ஸோதானி மயா கித்திதானி பகித்திதானி ஆசிக்கி²தானி தே³ஸிதானி பஞ்ஞபிதானி பட்ட²பிதானி விவரிதானி விப⁴ஜிதானி [விப⁴த்தானி (க.)] உத்தானீகதானி பகாஸிதானி, ஸெய்யதி²தங் [ஸெய்யதி²தங் (ஸ்யா.)] - தண்ணாஸோதோ தி³ட்டி²ஸோதோ கிலேஸஸோதோ து³ச்சரிதஸோதோ அவிஜ்ஜாஸோதோ. லோகஸ்மிந்தி அபாயலோகே மனுஸ்ஸலோகே தே³வலோகே க²ந்த⁴லோகே தா⁴துலோகே ஆயதனலோகேதி - யானி ஸோதானி லோகஸ்மிங். அஜிதாதி ப⁴க³வா தங் ப்³ராஹ்மணங் நாமேன ஆலபதி.

ஸதி தேஸங் நிவாரணந்தி. ஸதீதி யா ஸதி அனுஸ்ஸதி படிஸ்ஸதி ஸதி ஸரணதா தா⁴ரணதா அபிலாபனதா அஸம்முஸ்ஸனதா ஸதி ஸதிந்த்³ரியங் ஸதிப³லங் ஸம்மாஸதி ஸதிஸம்பொ³ஜ்ஜ²ங்கோ³ ஏகாயனமக்³கோ³ - அயங் வச்சதி ஸதி. நிவாரணந்தி ஆவரணங் நீவரணங் ஸங்வரணங் ரக்க²னங் கோ³பனந்தி - ஸதி தேஸங் நிவாரணங்.

ஸோதானங் ஸங்வரங் ப்ருமிதி ஸோதானங் ஆவரணங் நீவரணங்
ஸங்வரணங் ரக்கனங் கோபனங் ப்ருமி ஆசிக்காமி...பே... உத்தானீகரோமி
பகாஸேமிதி - ஸோதானங் ஸங்வரங் ப்ருமி.

பஞ்ஞாயேதே பிதி⁴ய்யரேதி. பஞ்ஞாதி யா பஞ்ஞா பஜானநா...பே...
அமோஹோ த⁴ம்மவிசயோ ஸம்மாதி³ட்டி². பஞ்ஞாயேதே பிதி⁴ய்யரேதி -
பஞ்ஞாயேதே ஸோதா பிதி⁴யந்தி பச்சிஜ்ஜந்தி ந ஸவந்தி ந ஆஸவந்தி ந
ஸந்த³ந்தி நப்பவத்தந்தி. “ஸப்³பே³ ஸங்கா²ரா அனிச்சா”தி ஜானதோ பஸ்ஸதோ
பஞ்ஞாயேதே ஸோதா பிதி⁴யந்தி பச்சிஜ்ஜந்தி ந ஸவந்தி ந ஆஸவந்தி ந
ஸந்த³ந்தி நப்பவத்தந்தி. “ஸப்³பே³ ஸங்கா²ரா து³க்கா²”தி ஜானதோ பஸ்ஸதோ
பஞ்ஞாயேதே ஸோதா பிதி⁴யந்தி பச்சிஜ்ஜந்தி ந ஸவந்தி ந ஆஸவந்தி ந
ஸந்த³ந்தி நப்பவத்தந்தி. “ஸப்³பே³ ஸங்கா²ரா அனத்தா”தி ஜானதோ பஸ்ஸதோ
பஞ்ஞாயேதே ஸோதா பிதி⁴யந்தி பச்சிஜ்ஜந்தி ந ஸவந்தி ந ஆஸவந்தி ந
ஸந்த³ந்தி நப்பவத்தந்தி. “அவிஜ்ஜாபச்சயா ஸங்கா²ரா”தி ஜானதோ பஸ்ஸதோ
பஞ்ஞாயேதே ஸோதா பிதி⁴யந்தி பச்சிஜ்ஜந்தி ந ஸவந்தி ந ஆஸவந்தி ந
ஸந்த³ந்தி நப்பவத்தந்தி. “ஸங்கா²ரபச்சயா விஞ்ஞாண”ந்தி...பே...
“விஞ்ஞாணபச்சயா நாமருப”ந்தி... “நாமருபபச்சயா ஸளாயதன”ந்தி...
“ஸளாயதனபச்சயா ப²ஸ்ஸோ”தி... “ப²ஸ்ஸபச்சயா வேத³னா”தி...
“வேத³னாபச்சயா தண்ஹா”தி... “தண்ஹாபச்சயா உபாதா³ன”ந்தி...
“உபாதா³னபச்சயா ப⁴வோ”தி... “ப⁴வபச்சயா ஜாதீ”தி... “ஜாதிபச்சயா
ஜராமரண”ந்தி ஜானதோ பஸ்ஸதோ பஞ்ஞாயேதே ஸோதா பிதி⁴யந்தி
பச்சிஜ்ஜந்தி ந ஸவந்தி ந ஆஸவந்தி ந ஸந்த³ந்தி நப்பவத்தந்தி.
“அவிஜ்ஜானிரோதா⁴ ஸங்கா²ரனிரோதோ⁴”தி... “ஸங்கா²ரனிரோதா⁴
விஞ்ஞாணனிரோதோ⁴”தி... “விஞ்ஞாணனிரோதா⁴ நாமருபனிரோதோ⁴”தி...
“நாமருபனிரோதா⁴ ஸளாயதனநிரோதோ⁴”தி... “ஸளாயதனநிரோதா⁴
ப²ஸ்ஸனிரோதோ⁴”தி... “ப²ஸ்ஸனிரோதா⁴ வேத³னானிரோதோ⁴”தி...
“வேத³னானிரோதா⁴ தண்ஹானிரோதோ⁴”தி... “தண்ஹானிரோதா⁴
உபாதா³னநிரோதோ⁴”தி... “உபாதா³னநிரோதா⁴ ப⁴வனிரோதோ⁴”தி...
“ப⁴வனிரோதா⁴ ஜாதினிரோதோ⁴”தி... “ஜாதினிரோதா⁴
ஜராமரணனிரோதோ⁴”தி ஜானதோ பஸ்ஸதோ பஞ்ஞாயேதே ஸோதா
பிதி⁴யந்தி பச்சிஜ்ஜந்தி ந ஸவந்தி ந ஆஸவந்தி ந ஸந்த³ந்தி நப்பவத்தந்தி.
“இத³ங் து³க்க²”ந்தி...பே... “அயங் து³க்க²ஸமுத³யோ”தி... “அயங்
து³க்க²னிரோதோ⁴”தி... “அயங் து³க்க²னிரோத⁴கா³மினீ படிபதா³”தி ஜானதோ
பஸ்ஸதோ பஞ்ஞாயேதே ஸோதா பிதி⁴யந்தி பச்சிஜ்ஜந்தி ந ஸவந்தி ந
ஆஸவந்தி ந ஸந்த³ந்தி நப்பவத்தந்தி. “இமே த⁴ம்மா ஆஸவா”தி...பே... “அயங்
ஆஸவஸமுத³யோ”தி... “அயங் ஆஸவனிரோதோ⁴”தி... “அயங்
ஆஸவனிரோத⁴கா³மினீ படிபதா³”தி ஜானதோ பஸ்ஸதோ பஞ்ஞாயேதே
ஸோதா பிதி⁴யந்தி பச்சிஜ்ஜந்தி ந ஸவந்தி ந ஆஸவந்தி ந ஸந்த³ந்தி

நப்பவத்தந்தி. “இமே த⁴ம்மா அபி⁴ஞ்ஞெய்யா”தி...பே... “இமே த⁴ம்மா பரிஞ்ஞெய்யா”தி... “இமே த⁴ம்மா பஹாதப்³பா³”தி... “இமே த⁴ம்மா பா⁴வேதப்³பா³”தி... “இமே த⁴ம்மா ஸச்சி²காதப்³பா³”தி ஜானதோ பஸ்ஸதோ பஞ்ஞாயேதே ஸோதா பிதீ⁴யந்தி பச்சி²ஜ்ஜந்தி ந ஸவந்தி ந ஆஸவந்தி ந ஸந்த³ந்தி நப்பவத்தந்தி. ச²ன்னங் ப²ஸ்ஸாயதனானங் ஸமுத³யஞ்ச அத்த²ங்க³மஞ்ச அஸ்ஸாத³ஞ்ச ஆதீ³னவஞ்ச நிஸ்ஸரணஞ்ச ஜானதோ பஸ்ஸதோ பஞ்ஞாயேதே ஸோதா பிதீ⁴யந்தி பச்சி²ஜ்ஜந்தி ந ஸவந்தி ந ஆஸவந்தி ந ஸந்த³ந்தி நப்பவத்தந்தி. பஞ்சன்னங் உபாதா³னக்க²ந்தா⁴னங் ஸமுத³யஞ்ச அத்த²ங்க³மஞ்ச அஸ்ஸாத³ஞ்ச ஆதீ³னவஞ்ச நிஸ்ஸரணஞ்ச ஜானதோ பஸ்ஸதோ... சதுன்னங் மஹாபூ⁴தானங் ஸமுத³யஞ்ச அத்த²ங்க³மஞ்ச அஸ்ஸாத³ஞ்ச ஆதீ³னவஞ்ச நிஸ்ஸரணஞ்ச ஜானதோ பஸ்ஸதோ... யங் கிஞ்சி ஸமுத³யத⁴ம்மங் ஸப்³பங் தங் நிரோத⁴த⁴ம்மந்தி ஜானதோ பஸ்ஸதோ பஞ்ஞாயேதே ஸோதா பிதீ⁴யந்தி பச்சி²ஜ்ஜந்தி ந ஸவந்தி ந ஆஸவந்தி ந ஸந்த³ந்தி நப்பவத்தந்தி - பஞ்ஞாயேதே பிதி⁴ய்யரே. தேனாஹ ப⁴க³வா -

“யானி ஸோதானி லோகஸ்மிங், [அஜிதாதி ப⁴க³வா]
ஸதி தேஸங் நிவாரணங்;
ஸோதானங் ஸங்வரங் ப்³ருமி, பஞ்ஞாயேதே பிதி⁴ய்யரே”தி.

5. பஞ்ஞா சேவ ஸதி சாபி, [இச்சாயஸ்மா அஜிதோ]
நாமருபஞ்ச மாரிஸ;
ஏதங் மே புட்டோ² பப்³ருஹி, கத்தே²தங் உபருஜ்ஜ²தி.

பஞ்ஞா சேவ ஸதி சாபீதி. பஞ்ஞாதி யா பஞ்ஞா பஜானநா விசயோ பவிசயோ த⁴ம்மவிசயோ ஸல்லக்க²ணா உபலக்க²ணா பச்சுபலக்க²ணா பண்டி³ச்சங் கோஸல்லங் நேபுஞ்ஞங் வேப⁴ப்³யா சிந்தா உபபரிக்கா² பூ⁴ரீ
[பூ⁴ரி (க.)] மேதா⁴ பரிணாயிகா விபஸ்ஸனா ஸம்பஜஞ்ஞங் பதோதோ³
பஞ்ஞா பஞ்ஞிந்த³ரியங் பஞ்ஞாப³லங் பஞ்ஞாஸத்த²ங் பஞ்ஞாபாஸாதோ³
பஞ்ஞாஆலோகோ பஞ்ஞாஓபா⁴ஸோ பஞ்ஞாபஜ்ஜோதோ பஞ்ஞாரதனங்
அமோஹோ த⁴ம்மவிசயோ ஸம்மாதி³ட்டி². ஸதீதி யா ஸதி அனுஸ்ஸதி...
பே... ஸம்மாஸதீதி - பஞ்ஞா சேவ ஸதிசாபி, இச்சாயஸ்மா அஜிதோ.

நாமருபஞ்ச மாரிஸாதி. நாமந்தி சத்தாரோ அருபினோ கந்தா⁴. ரூபந்தி சத்தாரோ ச மஹாபூ⁴தா சதுன்னஞ்ச மஹாபூ⁴தானங் உபாதா³யருபங் .
மாரிஸாதி பியவசனங் க³ருவசனங் ஸகா³ரவஸப்பதிஸ்ஸாதி⁴வசனமேதங்
மாரிஸாதி - நாமருபஞ்ச மாரிஸ.

ஏதங் மே புட்டோ² பப்³ருஹீதி. ஏதங் மேதி யங் புச்சா²மி யங் யாசாமி யங் அஜ்ஜே²ஸாமி யங் பஸாதே³மி. புட்டோ²தி புச்சி²தோ யாசிதோ அஜ்ஜே²ஸிதோ பஸாதி³தோ. பப்³ருஹீதி ப்³ருஹி ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப்⁴ஜாஹி [விவரேஹி விப்⁴ஜேஹி (க.)] உத்தானீகரோஹி பகாஸேஹீதி - ஏதங் மே புட்டோ² பப்³ருஹி.

கத்தே²தங் உபருஜ்ஜ²தீதி கத்தே²தங் நிருஜ்ஜ²தி லுபஸம்மதி அத்த²ங் க³ச்ச²தி படிப்பஸ்ஸம்ப்⁴தீதி. கத்தே²தங் உபருஜ்ஜ²தி. தேனாஹ ஸோ ப்³ராஹ்மணோ -

“பஞ்ஞா சேவ ஸதி சாபி, [இச்சாயஸ்மா அஜிதோ
நாமருபஞ்ச மாரிஸ;
ஏவங் மே புட்டோ² பப்³ருஹி, கத்தே²தங் உபருஜ்ஜ²தீ”தி.

6. யமேதங் பஞ்ஹங் அபுச்சி², அஜித தங் வதா³மி தே;
யத்த² நாமஞ்ச ரூபஞ்ச, அஸேஸங் உபருஜ்ஜ²தி;
விஞ்ஞாணஸ்ஸ நிரோதே⁴ன, எத்தே²தங் உபருஜ்ஜ²தி.

யமேதங் பஞ்ஹங் அபுச்சீ²தி. யமேதந்தி பஞ்ஞஞ்ச ஸதிஞ்ச நாமருபஞ்ச. அபுச்சீ²தி அபுச்ச²ஸி யாசஸி அஜ்ஜே²ஸதி [அஜ்ஜே²ஸி (க.)] பஸாதே³ஸீதி - யமேதங் பஞ்ஹங் அபுச்சி².

அஜித தங் வதா³மி தேதி. அஜிதாதி ப்⁴க³வா தங் ப்³ராஹ்மணங் நாமேன ஆலபதி. தந்தி பஞ்ஞஞ்ச ஸதிஞ்ச நாமருபஞ்ச. வதா³மீதி வதா³மி ஆசிக்கா²மி தே³ஸேமி பஞ்ஞபேமி பட்ட²பேமி விவராமி விப்⁴ஜாமி உத்தானீகரோமி பகாஸேமீதி. அஜித தங் வதா³மி தே.

யத்த² நாமஞ்ச ரூபஞ்ச, அஸேஸங் உபருஜ்ஜ²தீதி நாமந்தி சத்தாரோ அருபினோ க²ந்தா⁴. ரூபந்தி சத்தாரோ ச மஹாபூ⁴தா சதுன்னஞ்ச மஹாபூ⁴தானங் உபாதா³யரூபங். அஸேஸந்தி ஸப்³பேன ஸப்³பங் ஸப்³பதா² ஸப்³பங் அஸேஸங் நிஸ்ஸேஸங் பரியாதி³யனவசனமேதங் [பரியாதா³யவசனமேதங் (ஸ்யா. க.)] அஸேஸந்தி. உபருஜ்ஜ²தீதி நிருஜ்ஜ²தி லுபஸம்மதி அத்த²ங் க³ச்ச²தி படிப்பஸ்ஸம்ப்⁴தீதி. யத்த² நாமஞ்ச ரூபஞ்ச அஸேஸங் உபருஜ்ஜ²தி.

விஞ்ஞாணஸ்ஸ நிரோதே⁴ன, எத்தே²தங் உபருஜ்ஜ²தீதி ஸோதாபத்திமக்³க்³ஞாணேன அபி்⁴ஸங்கா²ரவிஞ்ஞாணஸ்ஸ நிரோதே⁴ன ஸத்த ப்⁴வே ட²பெத்வா அனமதக்³கே³ ஸங்ஸாரே யே உப்பஜ்ஜெய்யுங் நாமஞ்ச ரூபஞ்ச, எத்தே²தே நிருஜ்ஜ²ந்தி லுபஸம்மந்தி அத்த²ங் க³ச்ச²ந்தி படிப்பஸ்ஸம்ப்⁴ந்தி. ஸகதா³கா³மிமக்³க்³ஞாணேன

அபி⁴ஸங்கா²ரவிஞ்ஞாணஸ்ஸ நிரோதே⁴ன த்³வே ப⁴வே ட²பெத்வா
 பஞ்சஸு ப⁴வேஸு யே உப்பஜ்ஜெய்யுங் நாமஞ்ச ரூபஞ்ச, எத்தே²தே
 நிருஜ்ஜ²ந்தி வுபஸம்மந்தி அத்த²ங் க³ச்ச²ந்தி படிப்பஸ்ஸம்ப⁴ந்தி.
 அனாகா³மிமக்³ஞானேன அபி⁴ஸங்கா²ரவிஞ்ஞாணஸ்ஸ நிரோதே⁴ன ஏகங்
 ப⁴வங் ட²பெத்வா ரூபதா⁴துயா வா அரூபதா⁴துயா வா யே உப்பஜ்ஜெய்யுங்
 நாமஞ்ச ரூபஞ்ச, எத்தே²தே நிருஜ்ஜ²ந்தி வுபஸம்மந்தி அத்த²ங் க³ச்ச²ந்தி
 படிப்பஸ்ஸம்ப⁴ந்தி. அரஹத்தமக்³ஞானேன அபி⁴ஸங்கா²ரவிஞ்ஞாணஸ்ஸ
 நிரோதே⁴ன யே உப்பஜ்ஜெய்யுங் நாமஞ்ச ரூபஞ்ச, எத்தே²தே நிருஜ்ஜ²ந்தி
 வுபஸம்மந்தி அத்த²ங் க³ச்ச²ந்தி படிப்பஸ்ஸம்ப⁴ந்தி . அரஹதோ
 அனுபாதி³ஸேஸாய நிப்³பா³னதா⁴துயா பரினிப்³பா³யந்தஸ்ஸ
 சரிமவிஞ்ஞாணஸ்ஸ நிரோதே⁴ன பஞ்ஞா ச ஸதி ச நாமஞ்ச ரூபஞ்ச,
 எத்தே²தே நிருஜ்ஜ²ந்தி வுபஸம்மந்தி அத்த²ங் க³ச்ச²ந்தி படிப்பஸ்ஸம்ப⁴ந்தி -
 விஞ்ஞாணஸ்ஸ நிரோதே⁴ன எத்தே²தங் உபருஜ்ஜ²தி. தேனாஹ ப⁴க³வா -

“யமேதங் பஞ்ஹங் அபுச்சி², அஜித தங் வதா³மி தே;
 யத்த² நாமஞ்ச ரூபஞ்ச, அஸேஸங் உபருஜ்ஜ²தி;
 விஞ்ஞாணஸ்ஸ நிரோதே⁴ன, எத்தே²தங் உபருஜ்ஜ²தி”தி.

7. யே ச ஸங்கா²தத⁴ம்மாஸே, யே ச ஸேகா² [ஸெக்கா² (ஸ்யா. க.)]
 புது² இத⁴;
 தேஸங் மே நிபகோ இரியங், புட்டோ² பப்³ருஹி மாரிஸ.

யே ச ஸங்கா²தத⁴ம்மாஸேதி ஸங்கா²தத⁴ம்மா வுச்சந்தி அரஹந்தோ
 கீணாஸவா. கிங்காரணா ஸங்கா²தத⁴ம்மா வுச்சந்தி அரஹந்தோ கீணாஸவா?
 தே ஸங்கா²தத⁴ம்மா ஞாதத⁴ம்மா துலிதத⁴ம்மா தீரிதத⁴ம்மா
 விபு⁴தத⁴ம்மா விபா⁴விதத⁴ம்மா. “ஸப்³பே³ ஸங்கா²ரா அனிச்சா”தி
 ஸங்கா²தத⁴ம்மா ஞாதத⁴ம்மா துலிதத⁴ம்மா தீரிதத⁴ம்மா விபு⁴தத⁴ம்மா
 விபா⁴விதத⁴ம்மா. “ஸப்³பே³ ஸங்கா²ரா து³க்கா²”தி ஸங்கா²தத⁴ம்மா...பே...
 “ஸப்³பே³ த⁴ம்மா அனத்தா”தி ஸங்கா²தத⁴ம்மா... “அவிஜ்ஜாபச்சயா
 ஸங்கா²ரா”தி ஸங்கா²தத⁴ம்மா... “யங் கிஞ்சி ஸமுத³யத⁴ம்மங் ஸப்³பங் தங்
 நிரோத⁴த⁴ம்ம”ந்தி ஸங்கா²தத⁴ம்மா ஞாதத⁴ம்மா துலிதத⁴ம்மா
 தீரிதத⁴ம்மா விபு⁴தத⁴ம்மா விபா⁴விதத⁴ம்மா. அத² வா தேஸங் க²ந்தா⁴
 ஸங்கா²தா தா⁴துயோ ஸங்கா²தா ஆயதனானி ஸங்கா²தா க³தியோ ஸங்கா²தா
 உபபத்தியோ ஸங்கா²தா படிஸந்தி⁴ ஸங்கா²தா ப⁴வா ஸங்கா²தா ஸங்ஸாரா
 ஸங்கா²தா வட்டா ஸங்கா²தா. அத² வா தே க²ந்த⁴பரியந்தே டி²தா
 தா⁴துபரியந்தே டி²தா ஆயதனபரியந்தே டி²தா க³திபரியந்தே டி²தா
 உபபத்திபரியந்தே டி²தா படிஸந்தி⁴பரியந்தே டி²தா ப⁴வபரியந்தே டி²தா
 ஸங்ஸாரபரியந்தே டி²தா வட்டபரியந்தே டி²தா அந்திமே ப⁴வே டி²தா அந்திமே
 ஸமுஸ்ஸயே டி²தா அந்திமதே³ஹத⁴ரா அரஹந்தோ.

தேஸங் சாயங் [யாயங் (க.)] பச்சிமகோ, சரிமோயங் ஸமுஸ்ஸயோ;
ஜாதிமரணஸங்ஸாரோ, நத்தி² நேஸங் புனப்ப⁴வோதி.

தங்காரணா ஸங்கா²தத⁴ம்மா வுச்சந்தி அரஹந்தோ கீ²ணாஸவாதி. யே ச
ஸங்கா²தத⁴ம்மாஸே, யே ச ஸேகா² புதா² இதா⁴தி. ஸேகா²தி கிங்காரணா
வுச்சந்தி ஸேகா²? ஸிக்க²ந்தீதி ஸேகா². கிஞ்ச ஸிக்க²ந்தி? அதி⁴ஸீலம்பி
ஸிக்க²ந்தி, அதி⁴சித்தம்பி ஸிக்க²ந்தி, அதி⁴பஞ்ஞம்பி ஸிக்க²ந்தி. கதமா
அதி⁴ஸீலஸிக்கா²? இத⁴ பி⁴க்கு² ஸீலவா ஹோதி
பாதிமொக்க²ஸங்வரஸங்வுதோ விஹரதி ஆசாரகோ³சரஸம்பன்னோ
அணுமத்தேஸு வஜ்ஜேஸு ப⁴யத³ஸ்ஸாவீ, ஸமாதா³ய ஸிக்க²தி
ஸிக்கா²பதே³ஸு. கு²த³த³கோ ஸீலக்க²ந்தோ⁴ மஹந்தோ ஸீலக்க²ந்தோ⁴
ஸீலங் பதிட்டா² ஆதி³ சரணங் ஸங்யமோ ஸங்வரோ முக²ங் பமுக²ங்
குஸலானங் த⁴ம்மானங் ஸமாபத்தியா - அயங் அதி⁴ஸீலஸிக்கா².

கதமா அதி⁴சித்தஸிக்கா²? இத⁴ பி⁴க்கு² விவிச்சேவ காமேஹி...பே...
பட²மங் ஜா²னங்... து³தியங் ஜா²னங்... ததியங் ஜா²னங்... சதுத்த²ங் ஜா²னங்
உபஸம்பஜ்ஜ விஹரதி - அயங் அதி⁴சித்தஸிக்கா².

கதமா அதி⁴பஞ்ஞாஸிக்கா²? இத⁴ பி⁴க்கு² பஞ்ஞவா ஹோதி
உத³யத்த²கா³மினியா பஞ்ஞாய ஸமன்னாக³தோ அரியாய நிப்பே³தி⁴காய
ஸம்மா து³க்க²க்க²யகா³மினியா. ஸோ “இத³ங் து³க்க²”ந்தி யதா²பு⁴தங்
பஜானாதி, “அயங் து³க்க²ஸமுத³யோ”தி...பே... “அயங் து³க்க²னிரோதோ⁴”தி...
“அயங் து³க்க²னிரோத⁴கா³மினீ படிபதா³”தி யதா²பு⁴தங் பஜானாதி. “இமே
ஆஸவா”தி...பே... “அயங் ஆஸவஸமுத³யோ”தி... “அயங்
ஆஸவனிரோதோ⁴”தி... “அயங் ஆஸவனிரோத⁴கா³மினீ படிபதா³”தி
யதா²பு⁴தங் பஜானாதி. “அயங் அதி⁴பஞ்ஞாஸிக்கா²”... இமா திஸ்ஸோ
ஸிக்கா²யோ ஆவஜ்ஜந்தா ஸிக்க²ந்தி ஜானந்தா ஸிக்க²ந்தி பஸ்ஸந்தா
ஸிக்க²ந்தி சித்தங் அதி⁴ட்ட²ஹந்தா ஸிக்க²ந்தி ஸத்த³தா⁴ய அதி⁴முச்சந்தா
ஸிக்க²ந்தி வீரியங் [விரியங் (ஸ்யா.)] பக்³க³ணஹந்தா ஸிக்க²ந்தி ஸதிங்
உபட்ட²பெந்தா ஸிக்க²ந்தி சித்தங் ஸமாத³ஹந்தா ஸிக்க²ந்தி பஞ்ஞாய
பஜானந்தா ஸிக்க²ந்தி அபி⁴ஞ்ஞெய்யங் அபி⁴ஜானந்தா ஸிக்க²ந்தி
பரிஞ்ஞெய்யங் பரிஜானந்தா ஸிக்க²ந்தி பஹாதப்³பங் பஜஹந்தா ஸிக்க²ந்தி
பா⁴வேதப்³பங் பா⁴வெந்தா ஸிக்க²ந்தி ஸச்சிகாதப்³பங் ஸச்சிகரொந்தா
ஸிக்க²ந்தி ஆசரந்தி ஸமாசரந்தி ஸமாதா³ய வத்தந்தி. தங்காரணா வுச்சந்தி -
ஸேகா². புதா²தி ப³ஹுகா. ஏதே ஸேகா² ஸோதாபன்னா ச படிபன்னா ச
ஸகதா³கா³மினோ ச படிபன்னா ச அனாகா³மினோ ச படிபன்னா ச அரஹந்தோ
ச படிபன்னா ச. இதா⁴தி இமிஸ்ஸா தி³ட்டி²யா இமிஸ்ஸா க²ந்தியா
இமிஸ்ஸா ருசியா இமஸ்மிங் ஆதா³யே இமஸ்மிங் த⁴ம்மே இமஸ்மிங்
வினயே இமஸ்மிங் த⁴ம்மவினயே இமஸ்மிங் பாவசனே இமஸ்மிங்

ப்ரஹ்மசரியே இமஸ்மிங் ஸத்துஸாஸனே இமஸ்மிங் அத்தபா⁴வே
இமஸ்மிங் மனுஸ்ஸலோகேதி - யே ச ஸேகா² புதா² இத⁴.

தேஸங் மே நிபகோ இரியங், புட்டோ² பப்ருஹி மாரிஸாதி த்வம்பி
நிபகோ பண்டி³தோ பஞ்ஞவா புத்தி⁴மா ஞாணீ மேதா⁴வீ. தேஸங்
ஸங்கா²தத⁴ம்மானஞ்ச ஸெக்கா²னஞ்ச இரியங் சரியங் வுத்தி பவத்தி ஆசரங்
கோ³சரங் விஹாரங் படிபதங். புட்டோ²தி புச்சி²தோ யாசிதோ அஜ்ஜே²ஸிதோ
பஸாதி³தோ. பப்ருஹீதி ப்ருஹி ஆசிக்கா²ஹி தே³ஸேஹி பஞ்ஞபேஹி
பட்ட²பேஹி விவராஹி விப⁴ஜாஹி உத்தானீகரோஹி பகாஸேஹி.
மாரிஸாதி பியவசனங் க்ருவசனங் ஸகா³ரவஸப்பதிஸ்ஸாதி⁴வசனமேதங்
மாரிஸாதி - தேஸங் மே நிபகோ இரியங், புட்டோ² பப்ருஹி மாரிஸ.
தேனாஹ ஸோ ப்ரஹ்மணோ -

“யே ச ஸங்கா²தத⁴ம்மாஸே, யே ச ஸேகா² புதா² இத⁴;
தேஸங் மே நிபகோ இரியங், புட்டோ² பப்ருஹி மாரிஸா”தி.

8. காமேஸு நாபி⁴கிஜ்ஜே²ய்ய, மனஸானாவிலோ ஸியா;
குஸலோ ஸப்³பத⁴ம்மானங், ஸதோ பி⁴க்கு² பரிப்³பஜே.

காமேஸு நாபி⁴கிஜ்ஜே²ய்யாதி. காமாதி உத்தா³னதோ த்வே காமா -
வத்து²காமா ச கிலேஸகாமா ச. கதமே வத்து²காமா? மனாபிகா ரூபா மனாபிகா
ஸத்தா³ மனாபிகா கந்தா⁴ மனாபிகா ரஸா மனாபிகா பொ²ட்ட²ப்³பா³,
அத்த²ரணா பாவுரணா [பாபுரணா \(ஸ்யா.\)](#) தா³ஸிதா³ஸா அஜ்ஜளகா
குக்குடஸூகரா ஹத்தி²க³வாஸ்ஸவளவா கெ²த்தங் வத்து² ஹிரஞ்ஞங்
ஸுவண்ணங் கா³மனிக³மராஜதா⁴னியோ [ராஜடா²னியோ \(க.\)](#) ரட்ட²ஞ்ச
ஜனபதோ³ ச கோஸோ ச கொட்டா²கா³ரஞ்ச - யங் கிஞ்சி ரஜனீயவத்து²
வத்து²காமா.

அபி ச அதீதா காமா அனாக³தா காமா பச்சப்பன்னா காமா அஜ்ஜத்தா காமா
பஹித்தா⁴ காமா அஜ்ஜத்தபஹித்தா⁴ காமா, ஹீனா காமா மஜ்ஜி²மா காமா
பணீதா காமா, ஆபாயிகா காமா மானுஸிகா காமா தி³ப்³பா³ காமா, பச்சபட்டி²தா
காமா, நிம்மிதா காமா பரனிம்மிதா காமா, பரிக்க³ஹிதா காமா அபரிக்க³ஹிதா
காமா, மமாயிதா காமா அமமாயிதா காமா, ஸப்³பே³பி காமாவசரா த⁴ம்மா,
ஸப்³பே³பி ரூபாவசரா த⁴ம்மா, ஸப்³பே³பி அரூபாவசரா த⁴ம்மா,
தண்ஹாவத்து²கா தண்ஹாரம்மணா, காமனீயட்டே²ன ரஜனீயட்டே²ன
மத³னீயட்டே²ன ரமணீயட்டே²ன [நுத்தி² ஸ்யா. பொத்த²கே மஹானி. 1\]](#) காமா.
இமே வச்சந்தி வத்து²காமா.

கதமே கிலேஸகாமா? சந்தோ³ காமோ ராகோ³ காமோ சந்த³ராகோ³ காமோ
ஸங்கப்போ காமோ ராகோ³ காமோ ஸங்கப்பராகோ³ காமோ, யோ காமேஸு

காமச்சந்தோ³ காமராகோ³ காமனந்தீ³ காமதண்ஹா காமஸினேஹோ
காமபிபாஸா காமபரிளாஹோ காமகே³தோ⁴ காமமுச்சா² காமஜ்ஜோ²ஸானங்
காமோகோ⁴ காமயோகோ³ காமுபாதா³னங் காமச்சந்த³னீவரணங் -

அத்³த³ஸங் காம தே மூலங், ஸங்கப்பா காம ஜாயஸி;
ந தங் ஸங்கப்பயிஸ்ஸாமி, ஏவங் காம ந ஹேஹிஸீதி.

இமே வச்சந்தி கிலேஸகாமா. கே³தோ⁴ வச்சதி தண்ஹா, யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங். காமேஸு
நாபி⁴கி³ஜ்ஜெ²ய்யாதி கிலேஸகாமேன வத்து²காமேஸு நாபி⁴கி³ஜ்ஜெ²ய்ய ந
பலிபு³ந்தெ⁴ய்ய [பலிபு³ஜ்ஜெ²ய்ய (ஸ்யா.)] அகி³த்³தோ⁴ அஸ்ஸ அக³தி⁴தோ
அமுச்சி²தோ அனஜ்ஜா²பன்னோ [அனஜ்ஜோ²பன்னோ (ஸ்யா.)] வீதகே³தோ⁴
விக³தகே³தோ⁴ சத்தகே³தோ⁴ வந்தகே³தோ⁴ முத்தகே³தோ⁴
பஹீனகே³தோ⁴ படினிஸ்ஸட்ட²கே³தோ⁴ வீதராகோ³ விக³தராகோ³
சத்தராகோ³ வந்தராகோ³ முத்தராகோ³ பஹீனராகோ³ படினிஸ்ஸட்ட²ராகோ³
நிச்சா²தோ நிப்பு³தோ ஸீதிபூ⁴தோ ஸுக²ப்படிஸங்வேதீ³ ப்³ரஹ்மபூ⁴தேன
அத்தனா விஹரெய்யாதி - காமேஸு நாபி⁴கி³ஜ்ஜெ²ய்ய.

மனஸானாவிலோ ஸியாதி. மனோதி யங் சித்தங் மனோ மானஸங்
ஹத³யங் பண்ட³ரங் மனோ மனாயதனங் மனிந்த³ரியங் விஞ்ஞாணங்
விஞ்ஞாணக்க²ந்தோ⁴ தஜ்ஜா மனோவிஞ்ஞாணதா⁴து. காயது³ச்சரிதேன
சித்தங் ஆவிலங் ஹோதி லுளிதங் ஏரிதங் க⁴ட்டிதங் சலிதங் ப⁴ந்தங்
அலுபஸந்தங். வசீது³ச்சரிதேன...பே... மனோது³ச்சரிதேன... ராகே³ன... தோ³ஸேன...
மோஹேன... கோதே⁴ன... உபனாஹேன... மக்கே²ன... பளாஸேன... இஸ்ஸாய...
மச்ச²ரியேன... மாயாய... ஸாடெ²ய்யேன... த²ம்பே⁴ன... ஸாரம்பே⁴ன... மானேன...
அதிமானேன... மதே³ன... பமாதே³ன... ஸப்³புகிலேஸேஹி... ஸப்³புது³ச்சரிதேஹி...
ஸப்³புடா³ஹேஹி... ஸப்³புபரிளாஹேஹி... ஸப்³புஸந்தாபேஹி...
ஸப்³பாகுஸலாபி⁴ஸங்கா²ரேஹி சித்தங் ஆவிலங் ஹோதி லுளிதங் ஏரிதங்
க⁴ட்டிதங் சலிதங் ப⁴ந்தங் அலுபஸந்தங். மனஸானாவிலோ ஸியாதி
சித்தேன அனாவிலோ ஸியா - அலுளிதோ அனேரிதோ அக⁴ட்டிதோ
அசலிதோ அப⁴ந்தோ லுபஸந்தோ ஆவிலகரே கிலேஸே ஜஹெய்ய
பஜஹெய்ய வினோதெ³ய்ய ப்³யந்தீகரெய்ய [ப்³யந்திங் கரெய்ய (க.)]
அனபா⁴வங் க³மெய்ய, ஆவிலகரேஹி கிலேஸேஹி ச ஆரதோ [ஆரதோ
அஸ்ஸ (க.) மஹானி. 18 பஸ்ஸ] விரதோ படிவிரதோ நிக்க²ந்தோ நிஸ்ஸடோ
விப்பமுத்தோ விஸஞ்ஞுத்தோ விமரியாதி³கதேன சேதஸா விஹரெய்யாதி -
மனஸானாவிலோ ஸியா.

குஸலோ ஸப்³புத⁴ம்மானந்தி “ஸப்³பே³ ஸங்கா²ரா அனிச்சா”தி குஸலோ
ஸப்³புத⁴ம்மானங், “ஸப்³பே³ ஸங்கா²ரா து³க்கா²”தி குஸலோ

ஸப்³புத⁴ம்மானங், “ஸப்³பே த⁴ம்மா அனத்தா”தி குஸலோ
ஸப்³புத⁴ம்மானங், “அவிஜ்ஜாபச்சயா ஸங்கா²ரா”தி குஸலோ
ஸப்³புத⁴ம்மானங்...பே... “யங் கிஞ்சி ஸமுத³யத⁴ம்மங் ஸப்³புங் தங்
நிரோத⁴த⁴ம்ம”ந்தி குஸலோ ஸப்³புத⁴ம்மானங். ஏவம்பி குஸலோ
ஸப்³புத⁴ம்மானங்.

அத² வா, அனிச்சதோ குஸலோ ஸப்³புத⁴ம்மானங், து³க்க²தோ...பே...
ரோக³தோ... க³ண்ட³தோ... ஸல்லதோ... அக⁴தோ... ஆபா³த⁴தோ... பரதோ...
பலோகதோ... ஈதிதோ... உபத்³த³வதோ... ப⁴யதோ... உபஸக்³க³தோ... சலதோ...
பப⁴ங்³கு³தோ... அத்³து⁴வதோ [அது⁴வதோ (க.) மஹானி. 13] ... அதாணதோ...
அலேணதோ... அஸரணதோ... அஸரணீபூ⁴ததோ... ரித்ததோ... துச்ச²தோ...
ஸுஞ்ஞதோ... அனத்ததோ... ஆதீ³னவதோ... விபரிணாமத⁴ம்மதோ...
அஸாரகதோ... அக⁴மூலதோ... வத⁴கதோ... விப⁴வதோ... ஸாஸவதோ...
ஸங்க²ததோ... மாராமிஸதோ... ஜாதித⁴ம்மதோ... ஜராத⁴ம்மதோ...
ப்³யாதி⁴த⁴ம்மதோ... மரணத⁴ம்மதோ...
ஸோகபரிதே³வது³க்க²தோ³மனஸ்ஸுபாயாஸத⁴ம்மதோ ...
ஸங்கிலேஸிகத⁴ம்மதோ... ஸமுத³யதோ... அத்த³ங்க³மதோ... அஸ்ஸாத³தோ...
ஆதீ³னவதோ... நிஸ்ஸரணதோ குஸலோ ஸப்³புத⁴ம்மானங். ஏவம்பி
குஸலோ ஸப்³புத⁴ம்மானங்.

அத² வா, க²ந்த⁴குஸலோ தா⁴துகுஸலோ ஆயதனகுஸலோ
படிச்சஸமுப்பாத³குஸலோ ஸதிபட்டா²னகுஸலோ ஸம்மப்பதா⁴னகுஸலோ
இத்³தி⁴பாத³குஸலோ இந்த³ரியகுஸலோ ப³லகுஸலோ பொ³ஜ்ஜங்க³குஸலோ
மக்³க³குஸலோ ப²லகுஸலோ நிப்³பா³னகுஸலோ. ஏவம்பி குஸலோ
ஸப்³புத⁴ம்மானங்.

அத² வா, ஸப்³புத⁴ம்மா வுச்சந்தி த³வாத³ஸாயதனானி - சக்கு² சேவ
[சக்கு²ஞ்சேவ (க.)] ரூபா ச, ஸோதஞ்ச ஸத்³தா³ ச, கா⁴னஞ்ச க²ந்தா⁴ ச,
ஜிவ்ஹா ச ரஸா ச, காயோ ச பொ²ட்ட²ப்³பா³ ச, மனோ ச த⁴ம்மா ச. யதோ ச
அஜ்ஜ²த்திகபா³ஹிரேஸு ஆயதனேஸு ச²ந்த³ராகோ³ பஹீனோ ஹோதி
உச்சி²ன்னமூலோ தாலாவத்து²கதோ அனபா⁴வங்கதோ [அனபா⁴வங்க³தோ
(ஸ்யா.)] ஆயதிங் அனுப்பாத³த⁴ம்மோ, எத்தாவதாபி குஸலோ
ஸப்³புத⁴ம்மானந்தி - குஸலோ ஸப்³புத⁴ம்மானங்.

ஸதோ பி⁴க்கு² பரிப்³புஜேதி. ஸதோதி சதூஹி காரணேஹி ஸதோ -
காயே காயானுபஸ்ஸனாஸதிபட்டா²னங் பா⁴வெந்தோ ஸதோ, வேத³னாஸு
வேத³னானுபஸ்ஸனாஸதிபட்டா²னங் பா⁴வெந்தோ ஸதோ, சித்தே
சித்தானுபஸ்ஸனாஸதிபட்டா²னங் பா⁴வெந்தோ ஸதோ, த⁴ம்மேஸு
த⁴ம்மானுபஸ்ஸனாஸதிபட்டா²னங் பா⁴வெந்தோ ஸதோ.

அபரேஹிபி சதூஹி காரணேஹி ஸதோ - அஸ்திபரிவஜ்ஜனாய ஸதோ, ஸதிகரணீயானங் த⁴ம்மானங் கதத்தா ஸதோ, ஸ்திபரிப³ந்தா⁴னங் [ஸ்திபடிபக்கா²னங் (ஸ்யா.) மஹானி. 3] த⁴ம்மானங் ஹதத்தா ஸதோ, ஸ்தினிமித்தானங் த⁴ம்மானங் அஸம்முட்ட²த்தா [அப்பமுட்ட²த்தா (ஸ்யா.)] ஸதோ.

அபரேஹிபி சதூஹி காரணேஹி ஸதோ - ஸதியா ஸமன்னாக³த்தா ஸதோ, ஸதியா வஸிதத்தா ஸதோ, ஸதியா பாகு³ஞ்ஞேன ஸமன்னாக³த்தா ஸதோ, ஸதியா அபச்சோரோஹணதாய ஸதோ.

அபரேஹிபி சதூஹி காரணேஹி ஸதோ - ஸதியா ஸமன்னாக³த்தா ஸதோ, ஸந்தத்தா ஸதோ, ஸமிதத்தா ஸதோ, ஸந்தத⁴ம்மஸமன்னாக³த்தா ஸதோ. பு³த்தா⁴னுஸ்ஸதியா ஸதோ, த⁴ம்மானுஸ்ஸதியா ஸதோ, ஸங்கா⁴னுஸ்ஸதியா ஸதோ, ஸீலானுஸ்ஸதியா ஸதோ, சாகா³னுஸ்ஸதியா ஸதோ, தே³வதானுஸ்ஸதியா ஸதோ , ஆனாபானஸ்ஸதியா ஸதோ, மரணஸ்ஸதியா ஸதோ, காயக³தாஸதியா ஸதோ, உபஸமானுஸ்ஸதியா ஸதோ. யா ஸதி அனுஸ்ஸதி...பே... ஸம்மாஸதி ஸதிஸம்பொ³ஜ்ஜ²ங்கோ³ ஏகாயனமக்³கோ³, அயங் வச்சதி ஸதி. இமாய ஸதியா உபேதோ ஹோதி ஸமுபேதோ உபாக³தோ ஸமுபாக³தோ உபபன்னோ ஸமுபபன்னோ [ஸம்பன்னோ (க.)] ஸமன்னாக³தோ, ஸோ வச்சதி ஸதோ. பி⁴க்க²தி ஸத்தன்னங் த⁴ம்மானங் பி⁴ன்னத்தா பி⁴க்கு² - ஸக்காயதி³ட்டி² பி⁴ன்னா ஹோதி, விசிகிச்சா² பி⁴ன்னா ஹோதி, ஸீலப்³புதபராமாஸோ பி⁴ன்னோ ஹோதி, ராகோ³ பி⁴ன்னோ ஹோதி, தோ³ஸோ பி⁴ன்னோ ஹோதி, மோஹோ பி⁴ன்னோ ஹோதி, மானோ பி⁴ன்னோ ஹோதி. பி⁴ன்னா ஹொந்தி பாபகா அகுஸலா த⁴ம்மா ஸங்கிலேஸிகா போனோப⁴விகா [போனொப்³ப⁴விகா (ஸ்யா. க.)] ஸத³ரா து³க்க²விபாகா ஆயதிங் ஜாதிஜராமரணியா.

பஜ்ஜேன கதேன [பஜ்ஜோதகதேன (க.) ஸு. நி. 519] அத்தனா, [ஸபி⁴யாதி ப⁴க³வா] பரினிப்³பா³னக³தோ விதிண்ணகங்கோ²; விப⁴வஞ்ச ப⁴வஞ்ச விப்பஹாய, வஸிதவா கீ²ணபுனப்³ப⁴வோ ஸ பி⁴க்க²தி.

ஸதோ பி⁴க்கு² பரிப்³புஜேதி ஸதோ பி⁴க்கு² பரிப்³புஜே, ஸதோ க³ச்செ²ய்ய, ஸதோ திட்டெ²ய்ய, ஸதோ நிஸீதெ³ய்ய, ஸதோ ஸெய்யங் கப்பெய்ய, ஸதோ அபி⁴க்கமெய்ய, ஸதோ படிக்கமெய்ய, ஸதோ ஆலோகெய்ய, ஸதோ விலோகெய்ய, ஸதோ ஸமிஞ்ஜெய்ய, ஸதோ பஸாரெய்ய, ஸதோ ஸங்கா⁴டிபத்தசீவரங் தா⁴ரெய்ய, ஸதோ சரெய்ய

விஹரெய்ய இரியெய்ய வத்தெய்ய பாலெய்ய யபெய்ய யாபெய்யாதி - ஸதோ பி⁴க்கு² பரிப்ப³ஜே. தேனாஹ ப⁴க³வா -

“காமேஸு நாபி⁴கி³ஜ்ஜெ²ய்ய, மனஸானாவிலோ ஸியா;
குஸலோ ஸப்ப³த⁴ம்மானங், ஸதோ பி⁴க்கு² பரிப்ப³ஜே”தி.

ஸஹ கா³தா²பரியோஸானா யே தே ப்³ராஹ்மணேன ஸத்தி⁴ங்
ஏகச்ச²ந்தா³ ஏகபயோகா³ ஏகாதி⁴ப்பாயா ஏகவாஸனவாஸிதா, தேஸங்
அனேகபாணஸஹஸ்ஸானங் விரஜங் வீதமலங் த⁴ம்மசக்கு²ங் உத³பாதி³ -
“யங் கிஞ்சி ஸமுத³யத⁴ம்மங் ஸப்ப³ங் தங் நிரோத⁴த⁴ம்ம”ந்தி. தஸ்ஸ
ப்³ராஹ்மணஸ்ஸ அனுபாதா³ய ஆஸவேஹி சித்தங் விமுச்சி. ஸஹ
அரஹத்தப்பத்தா அஜினஜடாவாகசீரதித³ண்ட³கமண்ட³லுகேஸா ச மஸ்ஸு ச
அந்தரஹிதா, ப⁴ண்டு³காஸாயவத்த²வஸனோ ஸங்கா⁴டிபத்தசீவரத⁴ரோ
அன்வத்த²படிபத்தியா பஞ்ஜலிகோ ப⁴க³வந்தங் நமஸ்ஸமானோ நிஸின்னோ
ஹோதி - “ஸத்தா² மே ப⁴ந்தே ப⁴க³வா, ஸாவகோஹமஸ்மீ”தி.

அஜிதமாணவபுச்சா²னித்³தே³ஸோ பட²மோ.

2. திஸ்ஸமெத்தெய்யமாணவபுச்சா²னித்³தே³ஸோ

9. கோத⁴ ஸந்துஸிதோ லோகே, [இச்சாயஸ்மா திஸ்ஸமெத்தெய்யோ]
கஸ்ஸ நோ ஸந்தி இஞ்ஜிதா;
கோ உப⁴ந்தமபி⁴ஞ்ஞாய, மஜ்ஜே² மந்தா ந லிப்பதி;
கங் ப்³ருஸி மஹாபுரிஸோதி, கோ இத⁴ ஸிப்பி³னிமச்சகா³.

கோத⁴ ஸந்துஸிதோ லோகேதி கோ லோகே துட்டோ² ஸந்துட்டோ²
அத்தமனோ பரிபுண்ணஸங்கப்போதி - கோத⁴ ஸந்துஸிதோ லோகே.

இச்சாயஸ்மா திஸ்ஸமெத்தெய்யோதி. இச்சாதி பத³ஸந்தி⁴
பத³ஸங்ஸக்³கோ³ பத³பாரிபூரீ அக்க²ரஸமவாயோ ப்யஞ்ஜனஸிலிட்ட²தா
பதா³னுபப்ப³தாபேதங் - இச்சாதி. ஆயஸ்மாதி பியவசனங் க³ருவசனங்
ஸகா³ரவஸப்பதிஸ்ஸாதி⁴வசனமேதங் - ஆயஸ்மாதி. திஸ்ஸோதி தஸ்ஸ
ப்³ராஹ்மணஸ்ஸ நாமங் ஸங்கா² ஸமஞ்ஞா பஞ்ஞத்தி வோஹாரோ நாமங்
நாமகம்மங் நாமதெ⁴ய்யங் நிருத்தி ப்யஞ்ஜனங் அபி⁴லாபோ.
மெத்தெய்யோதி தஸ்ஸ ப்³ராஹ்மணஸ்ஸ கொ³த்தங் ஸங்கா² ஸமஞ்ஞா
பஞ்ஞத்தி வோஹாரோதி - இச்சாயஸ்மா திஸ்ஸமெத்தெய்யோ.

கஸ்ஸ நோ ஸந்தி இஞ்ஜிதாதி தண்ஹிஞ்ஜிதங் தி³ட்டி²ஞ்ஜிதங்
மானிஞ்ஜிதங் கிலேஸிஞ்ஜிதங் காமிஞ்ஜிதங். கஸ்ஸிமே இஞ்ஜிதா நத்தி² ந
ஸந்தி ந ஸங்விஜ்ஜந்தி நுபலப்ப⁴ந்தி பஹீனா ஸமுச்சி²ன்னா வுபஸந்தா

படிபஸ்ஸத்³தா⁴ அப⁴பு³பு³பத்திகா ஞாணக்³கி³னா த³ட்³டா⁴தி - கஸ்ஸ நோ ஸந்தி இஞ்ஜிதா.

கோ உப⁴ந்தமபி⁴ஞ்ஞாயாதி கோ உபோ⁴ அந்தே அபி⁴ஞ்ஞாய ஜானித்வா துலயித்வா தீரயித்வா விபா⁴வயித்வா விபூ⁴தங் கத்வாதி - கோ உப⁴ந்தமபி⁴ஞ்ஞாய.

மஜ்ஜே² மந்தா ந லிப்பதீதி மஜ்ஜே² மந்தாய ந லிப்பதி, அலித்தோ அனுபலித்தோ நிக்²ந்தோ நிஸ்ஸடோ விப்பமுத்தோ விஸஞ்ஞுத்தோ விமரியாதி³கதேன சேதஸா விஹரதீதி - மஜ்ஜே² மந்தா ந லிப்பதி.

கங் ப்³ருஸி மஹாபுரிஸோதி மஹாபுரிஸோ அக்³க³புரிஸோ ஸெட்ட²புரிஸோ விஸெட்ட²புரிஸோ பாமொக்³புரிஸோ உத்தமபுரிஸோ பதா⁴னபுரிஸோ பவரபுரிஸோதி. கங் ப்³ருஸி கங் கதே²ஸி கங் மஞ்ஞுஸி கங் ப⁴ணஸி கங் பஸ்ஸதி கங் வோஹரஸீதி - கங் ப்³ருஸி மஹாபுரிஸோதி.

கோ இத⁴ ஸிப்³பி³னிமச்சகா³தி கோ இத⁴ ஸிப்³பி³னிங் தண்ஹங் அஜ்ஜ²கா³ உபச்சகா³ அதிக்கந்தோ ஸமதிக்கந்தோ வீதிவத்தோதி - கோ இத⁴ ஸிப்³பி³னிமச்சகா³. தேனாஹ ஸோ ப்³ராஹ்மணோ -

“கோத⁴ ஸந்துஸிதோ லோகே, [இச்சாயஸ்மா திஸ்ஸமெத்தெய்யோ] கஸ்ஸ நோ ஸந்தி இஞ்ஜிதா;
கோ உப⁴ந்தமபி⁴ஞ்ஞாய, மஜ்ஜே² மந்தா ந லிப்பதி;
கங் ப்³ருஸி மஹாபுரிஸோதி, கோ இத⁴ ஸிப்³பி³னிமச்சகா³”தி.

10. காமேஸு ப்³ரஹ்மசரியவா, [மெத்தெய்யாதி ப⁴க³வா]
வீததண்ஹோ ஸதா³ ஸதோ;
ஸங்கா²ய நிப்³பு³தோ பி⁴க்கு², தஸ்ஸ நோ ஸந்தி இஞ்ஜிதா.

காமேஸு ப்³ரஹ்மசரியவாதி. காமாதி உத்³தா³னதோ த்³வே காமா -
வத்து²காமா ச கிலேஸகாமா ச...பே... இமே வுச்சந்தி வத்து²காமா...பே... இமே
வுச்சந்தி கிலேஸகாமா. ப்³ரஹ்மசரியங் வுச்சதி அஸத்³த⁴ம்மஸமாபத்தியா
ஆரதி விரதி படிவிரதி வேரமணீ அகிரியா அகரணங் அனஜ்ஜா²பத்தி
வேலாஅனதிக்கமோ. அபி ச, நிப்பரியாயேன ப்³ரஹ்மசரியங் வுச்சதி அரியோ
அட்ட²ங்கி³கோ மக்³கோ³, ஸெய்யதி²த³ங் - ஸம்மாதி³ட்டி², ஸம்மாஸங்கப்போ,
ஸம்மாவாசா, ஸம்மாகம்மந்தோ, ஸம்மாஆஜீவோ, ஸம்மாவாயாமோ,
ஸம்மாஸதி, ஸம்மாஸமாதி⁴. யோ இமினா அரியேன அட்ட²ங்கி³கேன
மக்³கே³ன உபேதோ ஸமுபேதோ உபாக³தோ ஸமுபாக³தோ உபபன்னோ
ஸமுபபன்னோ ஸமன்னாக³தோ, ஸோ வுச்சதி ப்³ரஹ்மசரியவா. யதா² ச
த⁴னேன த⁴னவாதி வுச்சதி, போ⁴கே³ன போ⁴க³வாதி வுச்சதி, யஸேன

யஸவாதி வுச்சதி, ஸிப்பேன ஸிப்பவாதி வுச்சதி, ஸீலேன ஸீலவாதி வுச்சதி, வீரியேன வீரியவாதி வுச்சதி, பஞ்ஞாய பஞ்ஞவாதி வுச்சதி, விஜ்ஜாய விஜ்ஜவாதி வுச்சதி - ஏவமேவ யோ இமினா அரியேன அட்ட²ங்கிகேன மக்³கேன உபேதோ ஸமுபேதோ உபாக³தோ ஸமுபாக³தோ உபபன்னோ ஸமுபபன்னோ ஸமன்னாக³தோ, ஸோ வுச்சதி ப்³ரஹ்மசரியவாதி - காமேஸு ப்³ரஹ்மசரியவா.

மெத்தெய்யாதி ப்⁴க³வா தங் ப்³ராஹ்மணங் கொ³த்தேன ஆலபதி.
ப்⁴க³வாதி கா³ரவாதி⁴வசனமேதங்...பே... ஸச்சிகா பஞ்ஞத்தி, யதி³த³ங்
ப்⁴க³வாதி - மெத்தெய்யாதி ப்⁴க³வா.

வீததண்ணேறா ஸதா³ ஸதோதி. தண்ஹாதி ரூபதண்ஹா...பே...
த⁴ம்மதண்ஹா. யஸ்ஸேஸா தண்ஹா பஹீனா ஸமுச்சி²ன்னா வுபஸந்தா
படிபஸ்ஸத³தா⁴ அப்⁴ப்³பு³பத்திகா ஞாணக்³கி³னா த³ட்³டா⁴, ஸோ வுச்சதி
வீததண்ணேறா சத்ததண்ணேறா வந்ததண்ணேறா முத்ததண்ணேறா
பஹீனதண்ணேறா படினிஸ்ஸட்ட²தண்ணேறா வீதராகோ³ சத்தராகோ³
வந்தராகோ³ முத்தராகோ³ பஹீனராகோ³ படினிஸ்ஸட்ட²ராகோ³ நிச்சா²தோ
நிப்³பு³தோ ஸீதிபு⁴தோ ஸுக²ப்படிஸங்வேதீ³ ப்³ரஹ்மபு⁴தேன அத்தனா
விஹரதி. ஸதா³தி ஸதா³ ஸப்³பு³தா³ ஸப்³பு³காலங் நிச்சகாலங் து⁴வகாலங்
ஸததங் ஸமிதங் அப்³போ³கிண்ணங் பொங்கா²னுபொங்க²ங் [போகா²னுபோக²ங்
(ஸ்யா.)] உத³கூமிகஜாதங் அவீசிஸந்ததிஸஹிதங் [அவீசி ஸமங்ஹிஸஹிதங்
(ஸ்யா.)] ப²ஸ்ஸிதங் [பு²ஸிதங் (ஸ்யா.)] புரேப⁴த்தங் பச்சா²ப⁴த்தங்
புரிமயாமங் மஜ்ஜி²மயாமங் பச்சி²மயாமங் காளே ஜுண்ணேற வஸ்ஸே
ஹேமந்தே கி³ம்ஹே புரிமே வயோக²ந்தே⁴ மஜ்ஜி²மே வயோக²ந்தே⁴ பச்சி²மே
வயோக²ந்தே⁴. ஸதோதி சதூஹி காரணேஹி ஸதோ - காயே
காயானுபஸ்ஸனாஸதிபட்டா²னங் பா⁴வெந்தோ ஸதோ, வேத³னாஸு
வேத³னானுபஸ்ஸனாஸதிபட்டா²னங் பா⁴வெந்தோ ஸதோ, சித்தே
சித்தானுபஸ்ஸனாஸதிபட்டா²னங் பா⁴வெந்தோ ஸதோ, த⁴ம்மேஸு
த⁴ம்மானுபஸ்ஸனாஸதிபட்டா²னங் பா⁴வெந்தோ ஸதோ...பே... ஸோ வுச்சதி
ஸதோதி - வீததண்ணேறா ஸதா³ ஸதோ.

ஸங்கா²ய நிப்³பு³தோ பி⁴க்கூ²தி ஸங்கா² வுச்சதி ஞாணங். யா பஞ்ஞா
பஜானநா விசயோ பவிசயோ...பே... அமோஹோ த⁴ம்மவிசயோ ஸம்மாதி³ட்டி².
ஸங்கா²யாதி ஸங்கா²ய ஜானித்வா துலயித்வா தீரயித்வா விபா⁴வயித்வா
விபு⁴தங் கத்வா, “ஸப்³பே³ ஸங்கா²ரா அனிச்சா”தி ஸங்கா²ய ஜானித்வா
துலயித்வா தீரயித்வா விபா⁴வயித்வா விபு⁴தங் கத்வா, “ஸப்³பே³ ஸங்கா²ரா
து³க்கா²”தி...பே... “ஸப்³பே³ த⁴ம்மா அனத்தா”தி... “அவிஜ்ஜாபச்சயா
ஸங்கா²ரா”தி... “யங் கிஞ்சி ஸமுத³யத⁴ம்மங் ஸப்³பு³ங் தங்

நிரோத⁴த⁴ம்ம²ந்தி ஸங்கா²ய ஜானித்வா துலயித்வா தீரயித்வா
விபா⁴வயித்வா விபு⁴தங் கத்வா.

அத² வா, அனிச்சதோ ஸங்கா²ய ஜானித்வா...பே... து³க்க²தோ... ரோக³தோ...
க³ண்ட³தோ... ஸல்லதோ...பே... நிஸ்ஸரணதோ ஸங்கா²ய ஜானித்வா
துலயித்வா தீரயித்வா விபா⁴வயித்வா விபு⁴தங் கத்வா. நிப்³பு³தோதி
ராக³ஸ்ஸ நிப்³பா³பிதத்தா நிப்³பு³தோ, தோ³ஸ்ஸ நிப்³பா³பிதத்தா நிப்³பு³தோ,
மோஹஸ்ஸ நிப்³பா³பிதத்தா நிப்³பு³தோ, கோத⁴ஸ்ஸ... உபனாஹஸ்ஸ...
மக்க²ஸ்ஸ... பளாஸஸ்ஸ... இஸ்ஸாய... மச்ச²ரியஸ்ஸ... மாயாய...
ஸாடெ²ய்யஸ்ஸ... த²ம்ப⁴ஸ்ஸ... ஸாரம்ப⁴ஸ்ஸ... மானஸ்ஸ...
அதிமானஸ்ஸ... மத³ஸ்ஸ... பமாத³ஸ்ஸ... ஸப்³புகிலேஸானங்...
ஸப்³பு³து³ச்சரிதானங்... ஸப்³பு³த³ரதா²னங் ... ஸப்³பு³பரிளாஹானங்...
ஸப்³பு³ஸந்தாபானங்... ஸப்³பா³குஸலாபி⁴ஸங்கா²ரானங் நிப்³பா³பிதத்தா
நிப்³பு³தோ. பி⁴க்க²தி ஸத்தன்னங் த⁴ம்மானங் பி⁴ன்னத்தா பி⁴க்கு²...பே...
வுஸிதவா கீ²ணபுனப்⁴வோ ஸ பி⁴க்க²தி - ஸங்கா²ய நிப்³பு³தோ பி⁴க்கு².

தஸ்ஸ நோ ஸந்தி இஞ்ஜிதாதி. தஸ்ஸாதி அரஹதோ கீ²ணாஸவஸ்ஸ.
இஞ்ஜிதாதி தண்ஹிஞ்ஜிதங் தி³ட்டி²ஞ்ஜிதங் மானிஞ்ஜிதங் கிலேஸிஞ்ஜிதங்
காமிஞ்ஜிதங். தஸ்ஸிமே இஞ்ஜிதா நத்தி² ந ஸந்தி ந ஸங்விஜ்ஜந்தி
நுபலப்⁴ந்தி பஹீனா ஸமுச்சி²ன்னா லுபஸந்தா படிபஸ்ஸத்தா⁴
அப⁴ப்³பு³ப்பத்திகா ஞாணக்கி³னா த³ட்டா⁴தி - தஸ்ஸ நோ ஸந்தி இஞ்ஜிதா.
தேனாஹ ப⁴க³வா -

“காமேஸு ப்³ரஹ்மசரியவா, [மெத்தெய்யாதி ப⁴க³வா]
வீததண்ணேஹா ஸதா³ ஸதோ;
ஸங்கா²ய நிப்³பு³தோ பி⁴க்கு², தஸ்ஸ நோ ஸந்தி இஞ்ஜிதா”தி.

11. ஸோ உப⁴ந்தமபி⁴ஞ்ஞாய, மஜ்ஜே² மந்தா ந லிப்பதி;
தங் ப்³ருமி மஹாபுரிஸோதி, ஸோ இத⁴ ஸிப்³பி³னிமச்சகா³.

ஸோ உப⁴ந்தமபி⁴ஞ்ஞாய, மஜ்ஜே² மந்தா ந லிப்பதீதி. அந்தாதி
ப²ஸ்ஸோ ஏகோ அந்தோ, ப²ஸ்ஸஸமுத³யோ து³தியோ அந்தோ,
ப²ஸ்ஸனிரோதோ⁴ மஜ்ஜே²; அதீதங் ஏகோ அந்தோ, அனாக³தங் து³தியோ
அந்தோ, பச்சப்பன்னங் மஜ்ஜே²; ஸுகா² வேத³னா ஏகோ அந்தோ, து³க்கா²
வேத³னா து³தியோ அந்தோ, அது³க்க²மஸுகா² வேத³னா மஜ்ஜே²; நாமங் ஏகோ
அந்தோ, ரூபங் து³தியோ அந்தோ, விஞ்ஞாணங் மஜ்ஜே²; ச² அஜ்ஜ²த்திகானி
ஆயதனானி ஏகோ அந்தோ, ச² பா³ஹிரானி ஆயதனானி து³தியோ அந்தோ,
விஞ்ஞாணங் மஜ்ஜே²; ஸக்காயோ ஏகோ அந்தோ, ஸக்காயஸமுத³யோ

து³தியோ அந்தோ, ஸக்காயனிரோதோ⁴ மஜ்ஜே². மந்தா வுச்சதி பஞ்ஞா, யா பஞ்ஞா பஜானநா...பே... அமோஹோ த⁴ம்மவிசயோ ஸம்மாதி³ட்டி².

லேபாதி த்³வே லேபா - தண்ஹாலேபோ ச தி³ட்டி²லேபோ ச. கதமோ தண்ஹாலேபோ ? யாவதா தண்ஹாஸங்கா²தேன ஸீமகதங் ஒதி⁴கதங் [மரியாதி³கதங் ஒதி⁴கதங் (ஸ்யா.)] பரியந்தகதங் பரிக்க³ஹிதங் மமாயிதங் - “இத³ங் மம, ஏதங் மம, எத்தகங் மம, எத்தாவதா மம ரூபா ஸத்த³தா³ கந்தா⁴ ரஸா பொ²ட்ட²பு³பா³ அத்த²ரணா பாவரணா தா³ஸிதா³ஸா அஜேளகா குக்குடஸூகரா ஹத்தி²க³வாஸ்ஸவளவா கெ²த்தங் வத்து² ஹிரஞ்ஞங் ஸுவண்ணங் கா³மனிக³மராஜதா⁴னியோ ரட்ட²ஞ்ச ஜனபதோ³ ச கோஸோ ச கொட்டா²கா³ரஞ்ச”. கேவலம்பி மஹாபத²விங் தண்ஹாவஸேன மமாயதி. யாவதா அட்ட²ஸததண்ஹாவிசரிதங் - அயங் தண்ஹாலேபோ.

கதமோ தி³ட்டி²லேபோ? வீஸதிவத்து²கா ஸக்காயதி³ட்டி², த³ஸவத்து²கா மிச்சா²தி³ட்டி², த³ஸவத்து²கா அந்தக்³கா³ஹிகா தி³ட்டி², யா ஏவரூபா தி³ட்டி² தி³ட்டி²க³தங் தி³ட்டி²க³ஹனங் தி³ட்டி²கந்தாரோ தி³ட்டி²விஸூகாயிகங் தி³ட்டி²விப்ப²ந்தி³தங் தி³ட்டி²ஸங்யோஜனங் கா³ஹோ படிக்க³கா³ஹோ அபி⁴னிவேஸோ பராமாஸோ கும்மக்³கோ³ மிச்சா²பதோ² மிச்ச²த்தங் தித்தா²யதனங் விபரியேஸக்கா³ஹோ [விபரியேஸக்கா³ஹோ (புஹூஸூ)] விபரீதக்³கா³ஹோ விபல்லாஸக்கா³ஹோ மிச்சா²கா³ஹோ அயாதா²வகஸ்மிங் யாதா²வகந்தி கா³ஹோ, யாவதா த்³வாஸட்டி² தி³ட்டி²க³தானி - அயங் தி³ட்டி²லேபோ.

ஸோ உப⁴ந்தமபி⁴ஞ்ஞாய, மஜ்ஜே² மந்தா ந லிப்பதீதி ஸோ உபோ⁴ ச அந்தே மஜ்ஜ²ஞ்ச மந்தாய அபி⁴ஞ்ஞாய ஜானித்வா துலயித்வா தீரயித்வா விபா⁴வயித்வா விபு⁴தங் கத்வா ந லிப்பதி ந பலிப்பதி ந உபலிப்பதி, அலித்தோ அஸங்லித்தோ அனுபலித்தோ நிக்க²ந்தோ நிஸ்ஸடோ விப்பமுத்தோ விஸஞ்ஞுத்தோ விமரியாதி³கதேன சேதஸா விஹரதீதி - ஸோ உப⁴ந்தமபி⁴ஞ்ஞாய மஜ்ஜே² மந்தா ந லிப்பதி.

தங் ப்³ருமி மஹாபுரிஸோதி மஹாபுரிஸோ அக்³க³புரிஸோ ஸெட்ட²புரிஸோ விஸெட்ட²புரிஸோ பாமொக்க²புரிஸோ உத்தமபுரிஸோ பவரபுரிஸோ, தங் ப்³ருமி தங் கதே²மி தங் ப⁴ணாமி தங் தீ³பேமி தங் வோஹராமி.

ஆயஸ்மா ஸாரிபுத்தோ [பஸ்ஸ ஸங். நி. 5.377] ப⁴க³வந்தங் ஏதத³வோச - “மஹாபுரிஸோ மஹாபுரிஸோதி, ப⁴ந்தே, வுச்சதி. கித்தாவதா நு கோ², ப⁴ந்தே, மஹாபுரிஸோ ஹோதீ”தி? “விமுத்தசித்தத்தா க்²வாஹங், ஸாரிபுத்த, மஹாபுரிஸோதி வதா³மி, அவிமுத்தசித்தத்தா நோ மஹாபுரிஸோதி வதா³மி.

“கத²ஞ்சு, ஸாரிபுத்த, விமுத்தசித்தோ ஹோதி? இத⁴, ஸாரிபுத்த, பி⁴க்கு² அஜ்ஜ²த்தங் காயே காயானுபஸ்ஸீ விஹரதி ஆதாபீ ஸம்பஜானோ ஸதிமா வினெய்ய லோகே அபி⁴ஜ்ஜா²தோ³மனஸ்ஸங். தஸ்ஸ காயே காயானுபஸ்ஸினோ விஹரதோ சித்தங் விரஜ்ஜதி விமுச்சதி அனுபாதா³ய ஆஸவேஹி. வேத³னாஸு...பே... சித்தே... த⁴ம்மேஸு த⁴ம்மானுபஸ்ஸீ விஹரதி ஆதாபீ ஸம்பஜானோ ஸதிமா வினெய்ய லோகே அபி⁴ஜ்ஜா²தோ³மனஸ்ஸங். தஸ்ஸ த⁴ம்மேஸு த⁴ம்மானுபஸ்ஸினோ விஹரதோ சித்தங் விரஜ்ஜதி விமுச்சதி அனுபாதா³ய ஆஸவேஹி. ஏவங் கோ², ஸாரிபுத்த, பி⁴க்கு² விமுத்தசித்தோ ஹோதி. விமுத்தசித்தத்தா க்²வாஹங், ஸாரிபுத்த, மஹாபுரிஸோதி வதா³மி, அவிமுத்தசித்தத்தா நோ மஹாபுரிஸோதி வதா³மீ”தி - தங் ப்³ருமி மஹாபுரிஸோதி.

ஸோ இத⁴ ஸிப்³பி³னிமச்சகா³தி ஸிப்³பி³னீ வுச்சதி தண்ஹா. யோ ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலங், யஸ்ஸேஸா ஸிப்³பி³னீ தண்ஹா பஹீனா ஸமுச்சி²ன்னா லுபஸந்தா படிபஸ்ஸத்தா⁴ அப⁴ப்³புப்பத்திகா ஞாணக்³கி³னா த³ட்³டா⁴. ஸோ ஸிப்³பி³னிங் தண்ஹங் அச்சகா³ உபச்சகா³ அதிக்³கந்தோ ஸமதிக்கந்தோ வீதிவத்தோதி - ஸோ இத⁴ ஸிப்³பி³னிமச்சகா³. தேனாஹ ப⁴க³வா -

“ஸோ உப⁴ந்தமபி⁴ஞ்ஞாய, மஜ்ஜே² மந்தா ந லிப்பதி;
தங் ப்³ருமி மஹாபுரிஸோதி, ஸோ இத⁴ ஸிப்³பி³னிமச்சகா³”தி.

ஸஹ கா³தா²பரியோஸானா யே தே ப்³ராஹ்மணேன ஸத்தி⁴ங் ஏகச்சந்தா³ ஏகபயோகா³ ஏகாதி⁴ப்பாயா ஏகவாஸனவாஸிதா, தேஸங் அனேகபாணஸஹஸ்ஸானங் விரஜங் வீதமலங் த⁴ம்மசக்கு²ங் உத³பாதி³ - “யங் கிஞ்சி ஸமுத³யத⁴ம்மங் ஸப்³பங் தங் நிரோத⁴த⁴ம்ம”ந்தி. தஸ்ஸ ப்³ராஹ்மணஸ்ஸ அனுபாதா³ய ஆஸவேஹி சித்தங் விமுச்சி. ஸஹ அரஹத்தப்பத்தா அஜினஜடாவாகசீரதித³ண்ட³கமண்ட³லுகேஸா ச மஸ்ஸு ச அந்தரஹிதா. ப⁴ண்டு³காஸாயவத்த²வஸனோ ஸங்கா⁴டிபத்தசீவரத⁴ரோ அன்வத்த²படிபத்தியா பஞ்ஜலிகோ ப⁴க³வந்தங் நமஸ்ஸமனோ நிஸின்னோ ஹோதி - “ஸத்தா² மே ப⁴ந்தே ப⁴க³வா, ஸாவகோஹமஸ்மீ”தி.

திஸ்ஸமெத்தெய்யமாணவபுச்சா²னித்³தே³ஸோ து³தியோ.

3. புண்ணகமாணவபுச்சா²னித்³தே³ஸோ

12. அனேஜங் மூலத³ஸ்ஸாவிங், [இச்சாயஸ்மா புண்ணகோ] அத்தி² பஞ்ஹேன ஆக³மங்;
கிங்னிஸ்ஸிதா இஸயோ மனுஜா, க²த்தியா ப்³ராஹ்மணா தே³வதானங்;

யஞ்ஞமகப்பயிங்ஸு புதூ²த⁴ லோகே, புச்சா²மி தங் ப⁴க³வா
ப்ருஹி மேதங்.

அனேஜங் மூலத³ஸ்ஸாவிந்தி ஏஜா வுச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங் ஸா ஏஜா தண்ஹா
பு³த³த⁴ஸ்ஸ ப⁴க³வதோ பஹீனா உச்சி²ன்னமூலா தாலாவத்து²கதா
அனபா⁴வங்கதா ஆயதிங் அனுப்பாத³த⁴ம்மா. தஸ்மா பு³த³தோ⁴ அனேஜோ.
ஏஜாய பஹீனத்தா அனேஜோ. ப⁴க³வா லாபோ⁴பி ந இஞ்ஜதி, அலாபோ⁴பி ந
இஞ்ஜதி, யஸேபி ந இஞ்ஜதி, அயஸேபி ந இஞ்ஜதி, பஸங்ஸாயபி ந இஞ்ஜதி,
நிந்தா³யபி ந இஞ்ஜதி, ஸுகே²பி ந இஞ்ஜதி, து³க்கே²பி ந இஞ்ஜதி ந சலதி ந
வேத⁴தி நப்பவேத⁴தீதி - அனேஜங். மூலத³ஸ்ஸாவிந்தி ப⁴க³வா
மூலத³ஸ்ஸாவீ ஹேதுத³ஸ்ஸாவீ நிதா³னத³ஸ்ஸாவீ ஸம்ப⁴வத³ஸ்ஸாவீ
பப⁴வத³ஸ்ஸாவீ ஸமுட்டா²னத³ஸ்ஸாவீ ஆஹாரத³ஸ்ஸாவீ
ஆரம்மணத³ஸ்ஸாவீ பச்சயத³ஸ்ஸாவீ ஸமுத³யத³ஸ்ஸாவீ.

தீணி அகுஸலமூலானி - லோபோ⁴ அகுஸலமூலங், தோ³ஸோ
அகுஸலமூலங், மோஹோ அகுஸலமூலங்.

வுத்தஞ்ஹேதங் ப⁴க³வதா - [பஸ்ஸ அ. நி. 3.112] “தீணிமானி, பி⁴க்க²வே,
நிதா³னானி கம்மானங் ஸமுத³யாய. கதமானி தீணி? லோபோ⁴ நிதா³னங்
கம்மானங் ஸமுத³யாய, தோ³ஸோ நிதா³னங் கம்மானங் ஸமுத³யாய,
மோஹோ நிதா³னங் கம்மானங் ஸமுத³யாய. ந, பி⁴க்க²வே, லோப⁴ஜேன
கம்மேன தோ³ஸஜேன கம்மேன மோஹஜேன கம்மேன தே³வா பஞ்ஞாயந்தி,
மனுஸ்ஸா பஞ்ஞாயந்தி, யா வா பனஞ்ஞாபி காசி ஸுக³தியோ. அத² கோ²,
பி⁴க்க²வே, லோப⁴ஜேன கம்மேன தோ³ஸஜேன கம்மேன மோஹஜேன
கம்மேன நிரயோ பஞ்ஞாயதி, திரச்சா²னயோனி பஞ்ஞாயதி, பெத்திவிஸயோ
பஞ்ஞாயதி, யா வா பனஞ்ஞாபி காசி து³க்க³தியோ நிரயே திரச்சா²னயோனியா
பெத்திவிஸயே அத்தபா⁴வாபி⁴னிப்³புத்தியா”. இமானி தீணி
அகுஸலமூலானி ப⁴க³வா ஜானாதி பஸ்ஸதி. ஏவம்பி ப⁴க³வா
மூலத³ஸ்ஸாவீ...பே... ஸமுத³யத³ஸ்ஸாவீ தீணி குஸலமூலானி -
அலோபோ⁴ குஸலமூலங், அதோ³ஸோ குஸலமூலங், அமோஹோ
குஸலமூலங்.

வுத்தஞ்ஹேதங் ப⁴க³வதா - “தீணிமானி...பே... ந, பி⁴க்க²வே,
அலோப⁴ஜேன கம்மேன அதோ³ஸஜேன கம்மேன அமோஹஜேன கம்மேன
நிரயோ பஞ்ஞாயதி, திரச்சா²னயோனி பஞ்ஞாயதி, பெத்திவிஸயோ பஞ்ஞாயதி,
யா வா பனஞ்ஞாபி காசி து³க்க³தியோ. அத² கோ², பி⁴க்க²வே, அலோப⁴ஜேன
கம்மேன அதோ³ஸஜேன கம்மேன அமோஹஜேன கம்மேன தே³வா
பஞ்ஞாயந்தி, மனுஸ்ஸா பஞ்ஞாயந்தி, யா வா பனஞ்ஞாபி காசி ஸுக³தியோ

தேவே ச மனுஸ்ஸே ச அத்தபா⁴வாபி⁴னிப்³புத்தியா⁴. இமானி தீணி
குஸலமூலானீதி ப⁴க³வா ஜானாதி பஸ்ஸதி. ஏவம்பி ப⁴க³வா
மூலத³ஸ்ஸாவீ...பே... ஸமுத³யத³ஸ்ஸாவீ.

வுத்தஞ்ஹேதங் ப⁴க³வதா - “யே கேசி, பி⁴க்க²வே, த⁴ம்மா அகுஸலா
அகுஸலபா⁴கியா அகுஸலபக்கி²கா ஸப்³பே³ தே அவிஜ்ஜாமூலகா
அவிஜ்ஜாஸமோஸரணா அவிஜ்ஜாஸமுக்கா⁴தா⁴”. ஸப்³பே³ தே
ஸமுக்கா⁴தங் க³ச்ச²ந்தீதி ப⁴க³வா ஜானாதி பஸ்ஸதி. ஏவம்பி ப⁴க³வா
மூலத³ஸ்ஸாவீ...பே... ஸமுத³யத³ஸ்ஸாவீ.

வுத்தஞ்ஹேதங் ப⁴க³வதா - “யே கேசி, பி⁴க்க²வே, த⁴ம்மா குஸலா
குஸலபா⁴கியா குஸலபக்கி²கா, ஸப்³பே³ தே அப்பமாத³மூலகா
அப்பமாத³ஸமோஸரணா. அப்பமாதோ³ தேஸங் த⁴ம்மானங்
அக்க³மக்கா²யதீ²தி ப⁴க³வா ஜானாதி பஸ்ஸதி. ஏவம்பி ப⁴க³வா
மூலத³ஸ்ஸாவீ...பே... ஸமுத³யத³ஸ்ஸாவீ.

அத² வா, ப⁴க³வா ஜானாதி பஸ்ஸதி. “அவிஜ்ஜா மூலங் ஸங்கா²ரானங்,
ஸங்கா²ரா மூலங் விஞ்ஞாணஸ்ஸ , விஞ்ஞாணங் மூலங் நாமரூபஸ்ஸ,
நாமரூபங் மூலங் ஸளாயதனஸ்ஸ, ஸளாயதனங் மூலங் ப²ஸ்ஸஸ்ஸ,
ப²ஸ்ஸோ மூலங் வேத³னாய, வேத³னா மூலங் தண்ஹாய, தண்ஹா மூலங்
உபாதா³னஸ்ஸ, உபாதா³னங் மூலங் ப⁴வஸ்ஸ, ப⁴வோ மூலங் ஜாதியா,
ஜாதி மூலங் ஜராமரணஸ்ஸா²தி - ப⁴க³வா ஜானாதி பஸ்ஸதி. ஏவம்பி
ப⁴க³வா மூலத³ஸ்ஸாவீ...பே... ஸமுத³யத³ஸ்ஸாவீ.

அத² வா, ப⁴க³வா ஜானாதி பஸ்ஸதி. “சக்கு² மூலங் சக்கு²ரோகா³னங்,
ஸோதங் மூலங் ஸோதரோகா³னங், கா⁴னங் மூலங் கா⁴னரோகா³னங்,
ஜிவ்ஹா மூலங் ஜிவ்ஹாரோகா³னங், காயோ மூலங் காயரோகா³னங், மனோ
மூலங் சேதஸிகானங் து³க்கா²ன²ந்தி - ப⁴க³வா ஜானாதி பஸ்ஸதி. ஏவம்பி
ப⁴க³வா மூலத³ஸ்ஸாவீ ஹேதுத³ஸ்ஸாவீ நிதா³னத³ஸ்ஸாவீ
ஸம்ப⁴வத³ஸ்ஸாவீ பப⁴வத³ஸ்ஸாவீ ஸமுட்டா²னத³ஸ்ஸாவீ
ஆஹாரத³ஸ்ஸாவீ ஆரம்மணத³ஸ்ஸாவீ பச்சயத³ஸ்ஸாவீ
ஸமுத³யத³ஸ்ஸாவீதி - அனேஜங் மூலத³ஸ்ஸாவீ.

இச்சாயஸ்மா புண்ணகோதி இச்சாதி பத³ஸந்தி⁴...பே... ஆயஸ்மா
புண்ணகோ .

அத்தி² பஞ்ஹேன ஆக³மந்தி பஞ்ஹேன அத்தி²கோ ஆக³தொம்ஹி,
[பஞ்ஹத்தி²காம்ஹ ஆக³தா (ப³ஹுஸு) பஸ்ஸ மஹானி. 192] பஞ்ஹங்
புச்சி²துகாமோ ஆக³தொம்ஹி, பஞ்ஹங் ஸோதுகாமோ ஆக³தொம்ஹீதி -
ஏவம்பி அத்தி² பஞ்ஹேன ஆக³மங். அத² வா, பஞ்ஹத்தி²கானங் பஞ்ஹங்

புச்சி²துகாமானங் பஞ்ஹங் ஸோதுகாமானங் ஆக³மனங் அபி⁴க்கமனங்
 உபஸங்கமனங் பயிருபாஸனங் அத்²தி - ஏவம்பி அத்² பஞ்ஹேன ஆக³மங்.
 அத்² வா, பஞ்ஹாக³மோ துய்ஹங் அத்², த்வம்பி பஹு த்வமஸி அலமத்தோ.
 மயா புச்சி²தங் கதே²துங் விஸஜ்ஜேதுங் வஹஸ்ஸேதங் பா⁴ரந்தி
 [விஸஜ்ஜேதுங் ஸந்த³ஸ்ஸேதுங் ப⁴ணிதுந்தி (ஸ்யா.) வஹஸ்ஸு + ஏதங்] -
 ஏவம்பி அத்² பஞ்ஹேன ஆக³மங்.

கிங் நிஸ்ஸிதா இஸயோ மனுஜாதி கிங் நிஸ்ஸிதா ஆஸிதா அல்லீனா
 உபக³தா அஜ்ஜோ²ஸிதா அதி⁴முத்தா. இஸயோதி இஸினாமகா யே கேசி
 இஸிபப்³ஜ்ஜங் பப்³ஜிதா ஆஜீவகா நிக³ண்டா² ஜடிலா தாபஸா. மனுஜாதி
 மனுஸ்ஸா வுச்சந்தீதி - கிங் நிஸ்ஸிதா இஸயோ மனுஜா.

க²த்தியா ப்³ராஹ்மணா தே³வதானந்தி. க²த்தியாதி யே கேசி
 க²த்தியஜாதிகா. ப்³ராஹ்மணாதி யே கேசி போ⁴வாதி³கா. தே³வதானந்தி
 ஆஜீவகஸாவகானங் ஆஜீவகா தே³வதா, நிக³ண்ட²ஸாவகானங் நிக³ண்டா²
 தே³வதா, ஜடிலஸாவகானங் ஜடிலா தே³வதா, பரிப்³பா³ஜகஸாவகானங்
 பரிப்³பா³ஜகா தே³வதா, அவிருத்த⁴கஸாவகானங் அவிருத்த⁴கா
 [அவருத்த⁴கஸாவகானங் அவருத்த⁴கா (ஸ்யா.)] தே³வதா, ஹத்தி²வதிகானங்
 ஹத்தி² தே³வதா, அஸ்ஸவதிகானங் அஸ்ஸா தே³வதா, கோ³வதிகானங்
 கா³வோ தே³வதா, குக்குரவதிகானங் குக்குரா தே³வதா, காகவதிகானங் காகா
 தே³வதா, வாஸுதே³வவதிகானங் வாஸுதே³வோ தே³வதா, ப்³லதே³வவதிகானங்
 ப்³லதே³வோ தே³வதா, புண்ணப⁴த்³வதிகானங் புண்ணப⁴த்³தோ³ தே³வதா,
 மணிப⁴த்³வதிகானங் மணிப⁴த்³தோ³ தே³வதா, அக்³கி³வதிகானங் அக்³கி³
 தே³வதா, நாக³வதிகானங் நாகா³ தே³வதா, ஸுபண்ணவதிகானங் ஸுபண்ணா
 தே³வதா, யக்க²வதிகானங் யக்கா² தே³வதா, அஸுரவதிகானங் அஸுரா
 தே³வதா, க³ந்த⁴ப்³வதிகானங் க³ந்த⁴ப்³பா³ தே³வதா, மஹாராஜவதிகானங்
 மஹாராஜானோ தே³வதா, சந்த³வதிகானங் சந்தோ³ தே³வதா, ஸூரியவதிகானங்
 ஸூரியோ தே³வதா, இந்த³வதிகானங் இந்தோ³ தே³வதா, ப்³ரஹ்மவதிகானங்
 ப்³ரஹ்மா தே³வதா, தே³வவதிகானங் தே³வோ தே³வதா, தி³ஸாவதிகானங்
 தி³ஸா தே³வதா, யே யேஸங் த³க்கி²ணெய்யா தே தேஸங் தே³வதாதி -
 க²த்தியப்³ராஹ்மணா தே³வதானங்.

யஞ்ஞமகப்பயிங்ஸு புது²த⁴ லோகேதி யஞ்ஞங் வுச்சதி
 தெ³ய்யத⁴ம்மோ
 சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங் அன்னங்
 பானங் வத்த²ங் யானங் மாலாக³ந்த⁴விலேபனங் [மாலாக³ந்த⁴ங் விலேபனங்
 (ஸ்யா.) இதிவு. 75] ஸெய்யாவஸத²பதி³பெய்யங். யஞ்ஞமகப்பயிங்ஸுதி யேபி
 யஞ்ஞங் ஏஸந்தி க³வேஸந்தி பரியேஸந்தி
 சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங் அன்னங்

பானங் வத்த²ங் யானங் மாலாக³ந்த⁴விலேபனங் ஸெய்யாவஸத²பதீ³பெய்யங், தேபி யஞ்ஞங் கப்பெந்தி. யேபி யஞ்ஞங் அபி⁴ஸங்க²ரொந்தி
 சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங் அன்னங்
 பானங்...பே... ஸெய்யாவஸத²பதீ³பெய்யங், தேபி யஞ்ஞங் கப்பெந்தி. யேபி
 யஞ்ஞங் தெ³ந்தி யஜந்தி பரிச்சஜந்தி
 சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங் அன்னங்
 பானங்...பே... ஸெய்யாவஸத²பதீ³பெய்யங் , தேபி யஞ்ஞங் கப்பெந்தி. புதூ²தி
 யஞ்ஞா வா ஏதே புதூ², யஞ்ஞயாஜகா [யஞ்ஞயஜகா (ஸ்யா.)] வா ஏதே புதூ²,
 த³க்கி²ணெய்யா வா ஏதே புதூ². கத²ங் யஞ்ஞா வா ஏதே புதூ²? ப³ஹுகானங்
 ஏதே யஞ்ஞா சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரா
 அன்னங் பானங் வத்த²ங் யானங் மாலங் க³ந்த⁴ங் விலேபனங்
 ஸெய்யாவஸத²பதீ³பெய்யங் - ஏவங் யஞ்ஞா வா ஏதே புதூ².

கத²ங் யஞ்ஞயாஜகா வா ஏதே புதூ²? ப³ஹுகா ஏதே யஞ்ஞயாஜகா க²த்தியா
 ச ப்³ராஹ்மணா ச வெஸ்ஸா ச ஸுத்த³ ச க³ஹட்டா² ச பப்³ப³ஜிதா ச தே³வா
 ச மனுஸ்ஸா ச - ஏவங் யஞ்ஞயாஜகா வா ஏதே புதூ².

கத²ங் த³க்கி²ணெய்யா வா ஏதே புதூ²? ப³ஹுகா ஏதே த³க்கி²ணெய்யா புதூ²
 ஸமணப்³ராஹ்மணா கபணத்தி⁴கவனிப்³ப³கயாசகா [... வணிப்³ப³கஸாவகா
 (ஸ்யா.) இதிவு. 75] - ஏவங் த³க்கி²ணெய்யா வா ஏதே புதூ². இத⁴ லோகேதி
 மனுஸ்ஸலோகேதி யஞ்ஞமகப்பயிங்ஸு - புதூ²த⁴ லோகே.

புச்சா²மி தங் ப⁴க³வா ப்³ருஹி மேதந்தி. புச்சா²தி திஸ்ஸோ புச்சா² -
 அதி³ட்ட²ஜோதனா புச்சா², தி³ட்ட²ஸங்ஸந்த³னா புச்சா², விமதிச்சே²த³னா புச்சா².
 கதமா அதி³ட்ட²ஜோதனா புச்சா²? பகதியா லக்க²ணங் அஞ்ஞாதங் ஹோதி
 அதி³ட்ட²ங் அதுலிதங் அதீரிதங் அவிபு⁴தங் அவிபா⁴விதங், தஸ்ஸ ஞாணாய
 த³ஸ்ஸனாய துலனாய தீரணாய விபு⁴தத்தா²ய விபா⁴வனத்தா²ய பஞ்ஹங்
 புச்ச²தி - அயங் அதி³ட்ட²ஜோதனா புச்சா².

கதமா தி³ட்ட²ஸங்ஸந்த³னா புச்சா²? பகதியா லக்க²ணங் ஞாதங் ஹோதி
 தி³ட்ட²ங் துலிதங் தீரிதங் விபு⁴தங் விபா⁴விதங். அஞ்ஞேஹி பண்டி³தேஹி
 ஸத்த³தி⁴ங் ஸங்ஸந்த³னத்தா²ய பஞ்ஹங் புச்ச²தி - அயங் தி³ட்ட²ஸங்ஸந்த³னா
 புச்சா².

கதமா விமதிச்சே²த³னா புச்சா²? பகதியா ஸங்ஸயபக்க²ந்தோ³
 [ஸங்ஸயபக்க²ன்னோ (ஸ்யா.)] ஹோதி விமதிபக்க²ந்தோ³ த³வெள்ஹகஜாதோ -
 “ஏவங் நு கோ², ந நு கோ², கிங் நு கோ², கத²ங் நு கோ²”தி! ஸோ
 விமதிச்சே²த³னத்தா²ய பஞ்ஹங் புச்ச²தி - அயங் விமதிச்சே²த³னா புச்சா². இமா
 திஸ்ஸோ புச்சா².

அபராபி திஸ்ஸோ புச்சா² - மனுஸ்ஸபுச்சா², அமனுஸ்ஸபுச்சா², நிம்மிதபுச்சா². கதமா மனுஸ்ஸபுச்சா²? மனுஸ்ஸா பு³த்த⁴ங் ப⁴க³வந்தங் உபஸங்கமித்வா புச்ச²ந்தி, பி⁴க்க² புச்ச²ந்தி, பி⁴க்கு²னியோ புச்ச²ந்தி, உபாஸகா புச்ச²ந்தி, உபாஸிகாயோ புச்ச²ந்தி, ராஜானோ புச்ச²ந்தி, க²த்தியா புச்ச²ந்தி, ப்³ராஹ்மணா புச்ச²ந்தி, வெஸ்ஸா புச்ச²ந்தி, ஸுத்த³ புச்ச²ந்தி, க³ஹட்டா² புச்ச²ந்தி, பப்³ப³ஜிதா புச்ச²ந்தி - அயங் மனுஸ்ஸபுச்சா².

கதமா அமனுஸ்ஸபுச்சா²? அமனுஸ்ஸா பு³த்த⁴ங் ப⁴க³வந்தங் உபஸங்கமித்வா பஞ்ஹங் புச்ச²ந்தி, நாகா³ புச்ச²ந்தி, ஸுபண்ணா புச்ச²ந்தி, யக்கா² புச்ச²ந்தி, அஸுரா புச்ச²ந்தி, க³ந்த⁴ப³பா³ புச்ச²ந்தி, மஹாராஜானோ புச்ச²ந்தி, இந்தா³ புச்ச²ந்தி, ப்³ரஹ்மானோ புச்ச²ந்தி, தே³வதாயோ புச்ச²ந்தி - அயங் அமனுஸ்ஸபுச்சா².

கதமா நிம்மிதபுச்சா²? யங் ப⁴க³வா ரூபங் அபி⁴னிம்மினாதி மனோமயங் ஸப்³ப³ங்க³பச்சங்க³ங் அஹீனிந்த³ரியங், ஸோ நிம்மிதோ பு³த்த⁴ங் ப⁴க³வந்தங் உபஸங்கமித்வா பஞ்ஹங் புச்ச²ந்தி; ப⁴க³வா விஸஜ்ஜேதி [விஸ்ஸஜ்ஜேதி (க.)] - அயங் நிம்மிதபுச்சா². இமா திஸ்ஸோ புச்சா².

அபராபி திஸ்ஸோ புச்சா² - அத்தத்த²புச்சா², பரத்த²புச்சா², உப⁴யத்த²புச்சா². அபராபி திஸ்ஸோ புச்சா² - தி³ட்ட²த⁴ம்மிகத்த²புச்சா², ஸம்பராயிகத்த²புச்சா², பரமத்த²புச்சா². அபராபி திஸ்ஸோ புச்சா² - அனவஜ்ஜத்த²புச்சா², நிக்கிலேஸத்த²புச்சா², வோதா³னத்த²புச்சா². அபராபி திஸ்ஸோ புச்சா² - அதீதபுச்சா², அனாக³தபுச்சா², பச்சுப்பன்னபுச்சா². அபராபி திஸ்ஸோ புச்சா² - அஜ்ஜத்த²புச்சா², ப³ஹித்தா⁴புச்சா², அஜ்ஜத்த³ப³ஹித்தா⁴புச்சா². அபராபி திஸ்ஸோ புச்சா² - குஸலபுச்சா², அகுஸலபுச்சா², அப்யாகதபுச்சா². அபராபி திஸ்ஸோ புச்சா² - க³ந்த⁴புச்சா², தா⁴துபுச்சா², ஆயதனபுச்சா². அபராபி திஸ்ஸோ புச்சா² - ஸதிபட்டா²னபுச்சா², ஸம்மப்பதா⁴னபுச்சா², இத்தி⁴பாத³புச்சா². அபராபி திஸ்ஸோ புச்சா² - இந்த³ரியபுச்சா², ப³லபுச்சா², பொ³ஜ்ஜ²ங்க³புச்சா². அபராபி திஸ்ஸோ புச்சா² - மக்³க³புச்சா², ப²லபுச்சா², நிப்³பா³னபுச்சா².

புச்சா²மி தந்தி புச்சா²மி தங் யாசாமி தங் அஜ்ஜே²ஸாமி தங் பஸாதே³மி தங் “கத²யஸ்ஸு மே”தி புச்சா²மி தங். ப⁴க³வாதி கா³ரவாதி⁴வசனமேதங்... ஸச்சிகா பஞ்ஞத்தி - யதி³த³ங் ப⁴க³வாதி. ப்³ரூஹி மேதந்தி ப்³ரூஹி ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி பகாஸேஹீதி - புச்சா²மி தங் ப⁴க³வா ப்³ரூஹி மேதங். தேனாஹ ஸோ ப்³ராஹ்மணோ -

“அனேஜங் மூலத³ஸ்ஸாவிங், [இச்சாயஸ்மா புண்ணகோ]
அத்தி² பஞ்ஹேன ஆக³மங்;

கிங் நிஸ்ஸிதா இஸயோ மனுஜா, க²த்தியா ப்³ராஹ்மணா தே³வதானங்;
யஞ்ஞமகப்பயிங்ஸு புதூ²த⁴ லோகே, புச்சா²மி தங் ப⁴க³வா ப்³ருஹி
மேத⁴ந்தி.

13. யே கேசிமே இஸயோ மனுஜா, [புண்ணகாதி ப⁴க³வா]
க²த்தியா ப்³ராஹ்மணா தே³வதானங்;
யஞ்ஞமகப்பயிங்ஸு புதூ²த⁴ லோகே, ஆஸீஸமானா புண்ணக
இத்த²த்தங் [இத்த²தங் (ஸ்யா.), இத்த²பா⁴வங் (க.)] ;
ஜரங் ஸிதா யஞ்ஞமகப்பயிங்ஸு.

யே கேசிமே இஸயோ மனுஜாதி. யே கேசீதி ஸப்³பே³ன ஸப்³ப³ங்
ஸப்³ப³தா² ஸப்³ப³ங் அஸேஸங் நிஸ்ஸேஸங் பரியாதி³யனவசனமேதங் - யே
கேசீதி. இஸயோதி இஸினாமகா யே கேசி இஸிபப்³ப³ஜ்ஜங் பப்³ப³ஜிதா
ஆஜீவகா நிக³ண்டா² ஜடிலா தாபஸா. மனுஜாதி மனுஸ்ஸா வுச்சந்தீதி - யே
கேசிமே இஸயோ மனுஜா புண்ணகாதி ப⁴க³வா.

க²த்தியா ப்³ராஹ்மணா தே³வதானந்தி. க²த்தியாதி யே கேசி
க²த்தியஜாதிகா. ப்³ராஹ்மணாதி யே கேசி போ⁴வாதி³கா. தே³வதானந்தி
ஆஜீவகஸாவகானங் ஆஜீவகா தே³வதா...பே... தி³ஸாவதிகானங் தி³ஸா
தே³வதா. யே யேஸங் த³க்கி²ணெய்யா, தே தேஸங் தே³வதாதி - க²த்தியா
ப்³ராஹ்மணா தே³வதானங்.

யஞ்ஞமகப்பயிங்ஸு புதூ²த⁴ லோகேதி. யஞ்ஞங் வுச்சதி
தெ³ய்யத⁴ம்மோ
சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங் அன்னங்
பானங்...பே... ஸெய்யாவஸத²பதீ³பெய்யங். யஞ்ஞமகப்பயிங்ஸுதி யேபி
யஞ்ஞங் ஏஸந்தி க³வேஸந்தி பரியேஸந்தி...பே... ஸெய்யாவஸத²பதீ³பெய்யங்,
தேபி யஞ்ஞங் கப்பெந்தி. புதூ²தி யஞ்ஞா வா ஏதே புதூ², யஞ்ஞயாஜகா வா
ஏதே புதூ², த³க்கி²ணெய்யா வா ஏதே புதூ²...பே... ஏவங் த³க்கி²ணெய்யா வா ஏதே
புதூ². இத⁴ லோகேதி மனுஸ்ஸலோகேதி யஞ்ஞமகப்பயிங்ஸு - புதூ²த⁴
லோகே.

ஆஸீஸமானா புண்ணக இத்த²த்தந்தி. ஆஸீஸமானாதி ரூபபடிலாப⁴ங்
ஆஸீஸமானா, ஸத³த³படிலாப⁴ங் ஆஸீஸமானா, க³ந்த⁴படிலாப⁴ங்
ஆஸீஸமானா, ரஸபடிலாப⁴ங் ஆஸீஸமானா, பொ²ட்ட²ப³படிலாப⁴ங்
ஆஸீஸமானா, புத்தபடிலாப⁴ங் ஆஸீஸமானா, தா³ரபடிலாப⁴ங்
ஆஸீஸமானா, த⁴னபடிலாப⁴ங் ஆஸீஸமானா, யஸபடிலாப⁴ங்
ஆஸீஸமானா, இஸ்ஸரியபடிலாப⁴ங் ஆஸீஸமானா,
க²த்தியமஹாஸாலகுலே அத்தபா⁴வபடிலாப⁴ங் ஆஸீஸமானா,

ப்³ராஹ்மணமஹாஸாலகுலே அத்தபா⁴வபடிலாப⁴ங் ஆஸீஸமானா,
 க³ஹபதிமஹாஸாலகுலே அத்தபா⁴வபடிலாப⁴ங் ஆஸீஸமானா,
 சாதுமஹாராஜிகேஸு [சாதுமஹாராஜிகேஸு (ஸ்யா.)] தே³வேஸு
 அத்தபா⁴வபடிலாப⁴ங் ஆஸீஸமானா, தாவதிங்ஸேஸு தே³வேஸு யாமேஸு
 தே³வேஸு துஸிதேஸு தே³வேஸு நிம்மானரதீஸு தே³வேஸு
 பரனிம்மிதவஸவத்தீஸு தே³வேஸு ப்³ரஹ்மகாயிகேஸு தே³வேஸு
 அத்தபா⁴வபடிலாப⁴ங் ஆஸீஸமானா இச்ச²மானா ஸாதி³யமானா
 பத்த²யமானா பிறையமானா அபி⁴ஜப்பமானாதி ஆஸீஸமானா.

புண்ணக இத்த²த்தந்தி எத்த² அத்தபா⁴வாபி⁴னிப்³புத்திங் ஆஸீஸமானா
 எத்த² க²த்தியமஹாஸாலகுலே அத்தபா⁴வாபி⁴னிப்³புத்திங் ஆஸீஸமானா...
 பே... எத்த² ப்³ரஹ்மகாயிகேஸு தே³வேஸு அத்தபா⁴வாபி⁴னிப்³புத்திங்
 ஆஸீஸமானா இச்ச²மானா ஸாதி³யமானா பத்த²யமானா பிறையமானா
 அபி⁴ஜப்பமானாதி ஆஸீஸமானா - புண்ணக இத்த²த்தங்.

ஜரங் ஸிதா யஞ்ஞமகப்பயிங்ஸுதி ஜரானிஸ்ஸிதா ப்³யாதி⁴னிஸ்ஸிதா
 மரணனிஸ்ஸிதா ஸோகபரிதே³வது³க்க²தோ³மனஸ்ஸுபாயாஸனிஸ்ஸிதா.
 யதே³வ தே ஜாதினிஸ்ஸிதா ததே³வ தே ஜரானிஸ்ஸிதா. யதே³வ தே
 ஜரானிஸ்ஸிதா ததே³வ தே ப்³யாதி⁴னிஸ்ஸிதா. யதே³வ தே
 ப்³யாதி⁴னிஸ்ஸிதா ததே³வ தே மரணனிஸ்ஸிதா. யதே³வ தே
 மரணனிஸ்ஸிதா ததே³வ தே
 ஸோகபரிதே³வது³க்க²தோ³மனஸ்ஸுபாயாஸனிஸ்ஸிதா. யதே³வ தே
 ஸோகபரிதே³வது³க்க²தோ³மனஸ்ஸுபாயாஸனிஸ்ஸிதா ததே³வ தே
 க³தினிஸ்ஸிதா. யதே³வ தே க³தினிஸ்ஸிதா ததே³வ தே உபபத்தினிஸ்ஸிதா.
 யதே³வ தே உபபத்தினிஸ்ஸிதா ததே³வ தே படிஸந்தி⁴னிஸ்ஸிதா. யதே³வ
 தே படிஸந்தி⁴னிஸ்ஸிதா ததே³வ தே ப⁴வனிஸ்ஸிதா. யதே³வ தே
 ப⁴வனிஸ்ஸிதா ததே³வ தே ஸங்ஸாரனிஸ்ஸிதா. யதே³வ தே
 ஸங்ஸாரனிஸ்ஸிதா ததே³வ தே வட்டனிஸ்ஸிதா அல்லீனா உபக³தா
 அஜ்ஜோ²ஸிதா அதி⁴முத்தாதி - ஜரங் ஸிதா யஞ்ஞமகப்பயிங்ஸு. தேனாஹ
 ப⁴க³வா -

“யே கேசிமே இஸயோ மனுஜா, [புண்ணகாதி ப⁴க³வா]
 க²த்தியா ப்³ராஹ்மணா தே³வதானங்;
 யஞ்ஞமகப்பயிங்ஸு புது²த⁴ லோகே, ஆஸீஸமானா புண்ணக
 இத்த²த்தங்;
 ஜரங் ஸிதா யஞ்ஞமகப்பயிங்ஸு”தி.

14. யே கேசிமே இஸயோ மனுஜா, [இச்சாயஸ்மா புண்ணகோ]
 க²த்தியா ப்³ராஹ்மணா தே³வதானங்;

யஞ்ஞமகப்பயிங்ஸு புதூ²த⁴ லோகே, கச்சிஸு தே ப⁴க³வா
யஞ்ஞபதே² அப்பமத்தா;

அதாருங் [அதாருங் (ஸ்யா. க.)] ஜாதிஞ்ச ஜரஞ்ச மாரிஸ, புச்சா²மி தங்
ப⁴க³வா ப்³ருஹி மேதங்.

யே கேசிமே இஸயோ மனுஜாதி. யே கேசீதி...பே....

கச்சிஸு தே ப⁴க³வா யஞ்ஞபதே² அப்பமத்தாதி. கச்சிஸுதி
ஸங்ஸயபுச்சா² விமதிபுச்சா² த்³வெள்ஹகபுச்சா² அனேகங்ஸபுச்சா² - “ஏவங் நு
கோ², ந நு கோ², கிங் நு கோ², கத²ங் நு கோ²”தி - கச்சிஸு. தேதி யஞ்ஞயாஜகா
வுச்சந்தி. ப⁴க³வாதி கா³ரவாதி⁴வசனங்...பே... ஸச்சி²கா பஞ்ஞத்தி, யதி³த³ங்
ப⁴க³வாதி - கச்சிஸு தே ப⁴க³வா. யஞ்ஞபதே² அப்பமத்தாதி யஞ்ஞோயேவ
வுச்சதி யஞ்ஞபதோ². யதா² அரியமக்³கோ³ அரியபதோ² தே³வமக்³கோ³
தே³வபதோ² ப்³ரஹ்மமக்³கோ³ ப்³ரஹ்மபதோ², ஏவமேவ யஞ்ஞோயேவ வுச்சதி
யஞ்ஞபதோ². அப்பமத்தாதி யஞ்ஞபதே² அப்பமத்தா ஸக்கச்சகாரினோ
ஸாதச்சகாரினோ அட்டி²தகாரினோ அனோலீனவுத்தினோ அனிக்கி²த்தச்ச²ந்தா³
அனிக்கி²த்தது⁴ரா தச்சரிதா தப்³ப³ஹுலா தக்³க³ருகா தன்னின்னா தப்போணா
தப்பப்³பா⁴ரா தத³தி⁴முத்தா தத³தி⁴பதெய்யாதி - தேபி யஞ்ஞபதே²
அப்பமத்தா. யேபி யஞ்ஞங் ஏஸந்தி க³வேஸந்தி பரியேஸந்தி
சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங் அன்னங்
பானங்...பே... ஸெய்யாவஸத²பதீ²பெய்யங் ஸக்கச்சகாரினோ...பே...
தத³தி⁴பதெய்யா, தேபி யஞ்ஞபதே² அப்பமத்தா. யேபி யஞ்ஞங்
அபி⁴ஸங்க²ரொந்தி
சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங் அன்னங்
பானங்...பே... ஸெய்யாவஸத²பதீ²பெய்யங் ஸக்கச்சகாரினோ...பே...
தத³தி⁴பதெய்யா, தேபி யஞ்ஞபதே² அப்பமத்தா. யேபி யஞ்ஞங் தெ³ந்தி யஜந்தி
பரிச்சஜந்தி சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங்
அன்னங் பானங்...பே... ஸெய்யாவஸத²பதீ²பெய்யங் ஸக்கச்சகாரினோ ...பே...
தத³தி⁴பதெய்யா, தேபி யஞ்ஞபதே² அப்பமத்தாதி - கச்சிஸு தே ப⁴க³வா
யஞ்ஞபதே² அப்பமத்தா.

அதாருங் ஜாதிஞ்ச ஜரஞ்ச மாரிஸாதி ஜராமரணங் அதரிங்ஸு
உத்தரிங்ஸு பதரிங்ஸு ஸமதிக்கமிங்ஸு வீதிவத்திங்ஸு. மாரிஸாதி
பியவசனங் க³ருவசனங் ஸகா³ரவஸப்பதிஸ்ஸாதி⁴வசனமேதங் மாரிஸாதி -
அதாரு ஜாதிஞ்ச ஜரஞ்ச மாரிஸ.

புச்சா²மி தங் ப⁴க³வா ப்³ருஹி மேதந்தி. புச்சா²மி தந்தி புச்சா²மி தங்
யாசாமி தங் அஜ்ஜே²ஸாமி தங் பஸாதே³மி தங் கத²யஸ்ஸு மேதி - புச்சா²மி
தங். ப⁴க³வாதி கா³ரவாதி⁴வசனங்...பே... ஸச்சி²கா பஞ்ஞத்தி - யதி³த³ங்

ப⁴க³வாதி. ப்³ருஹி மேதந்தி ப்³ருஹி ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி பகாஸேஹிதி - புச்சா²மி தங் ப⁴க³வா ப்³ருஹி மேதங். தேனாஹ ஸோ ப்³ராஹ்மணோ -

“யே கேசிமே இஸயோ மனுஜா, [இச்சாயஸ்மா புண்ணகோ]
க²த்தியா ப்³ராஹ்மணா தே³வதானங்;
யஞ்ஞமகப்பயிங்ஸு புதூ²த⁴ லோகே, கச்சிஸு தே ப⁴க³வா
யஞ்ஞபதே² அப்பமத்தா;
அதாரு ஜாதிஞ்ச ஜரஞ்ச மாரிஸ, புச்சா²மி தங் ப⁴க³வா ப்³ருஹி
மேத”ந்தி.

15. ஆஸீஸந்தி [ஆஸிங்ஸந்தி (ஸ்யா.)] தோ²மயந்தி, அபி⁴ஜப்பந்தி ஜஹந்தி; [புண்ணகாதி ப⁴க³வா]
காமாபி⁴ஜப்பந்தி படிச்ச லாப⁴ங், தே யாஜயோகா³ ப⁴வராக³ரத்தா;
நாதரிங்ஸு ஜாதிஜரந்தி ப்³ருமி.

ஆஸீஸந்தி தோ²மயந்தி அபி⁴ஜப்பந்தி ஜஹந்தீதி. ஆஸீஸந்தீதி
ரூபபடிலாப⁴ங் ஆஸீஸந்தி, ஸத்³த³படிலாப⁴ங் ஆஸீஸந்தி,
க³ந்த⁴படிலாப⁴ங் ஆஸீஸந்தி, ரஸபடிலாப⁴ங் ஆஸீஸந்தி,
பொ²ட்ட²ப்³படிலாப⁴ங் ஆஸீஸந்தி, புத்தபடிலாப⁴ங் ஆஸீஸந்தி,
தா³ரபடிலாப⁴ங் ஆஸீஸந்தி, த⁴னபடிலாப⁴ங் ஆஸீஸந்தி, யஸபடிலாப⁴ங்
ஆஸீஸந்தி, இஸ்ஸரியபடிலாப⁴ங் ஆஸீஸந்தி, க²த்தியமஹாஸாலகுலே
அத்தபா⁴வபடிலாப⁴ங் ஆஸீஸந்தி, ப்³ராஹ்மணமஹாஸாலகுலே...பே...
க³ஹபதிமஹாஸாலகுலே அத்தபா⁴வபடிலாப⁴ங் ஆஸீஸந்தி,
சாதுமஹாராஜிகேஸு தே³வேஸு...பே... ப்³ரஹ்மகாயிகேஸு தே³வேஸு
அத்தபா⁴வபடிலாப⁴ங் ஆஸீஸந்தி இச்ச²ந்தி ஸாதி³யந்தி பத்த²யந்தி
பிஹயந்தீதி - ஆஸீஸந்தி.

தோ²மயந்தீதி யஞ்ஞங் வா தோ²மெந்தி ப²லங் வா தோ²மெந்தி
த³க்கி²ணைய்யே வா தோ²மெந்தி. கத²ங் யஞ்ஞங் தோ²மெந்தி? ஸுசிங் தி³ன்னங்
[வியங் தி³ன்னங் (ஸ்யா.)], மனாபங் தி³ன்னங், பணீதங் தி³ன்னங், காலேன
தி³ன்னங், கப்பியங் தி³ன்னங், விசெய்ய தி³ன்னங், அனவஜ்ஜங் தி³ன்னங்,
அபி⁴ண்ஹங் தி³ன்னங் த³த³ங் சித்தங் பஸாதி³தந்தி - தோ²மெந்தி கித்தெந்தி
வண்ணெந்தி பஸங்ஸந்தி. ஏவங் யஞ்ஞங் தோ²மெந்தி.

கத²ங் ப²லங் தோ²மெந்தி? இதோ நிதா³னங் ரூபபடிலாபோ⁴ ப⁴விஸ்ஸதி...
பே... ப்³ரஹ்மகாயிகேஸு தே³வேஸு அத்தபா⁴வபடிலாபோ⁴ ப⁴விஸ்ஸதீதி -
தோ²மெந்தி கித்தெந்தி வண்ணெந்தி பஸங்ஸந்தி. ஏவங் ப²லங் தோ²மெந்தி.

கத²ங் த³க்கி²னெய்யே தோ²மெந்தி? த³க்கி²னெய்யா ஜாதிஸம்பன்னா
கொ³த்தஸம்பன்னா அஜ்ஜா²யகா மந்தத⁴ரா திண்ணங் வேதா³னங் பாரசூ³
ஸனிக⁴ண்டு³கேடுபா⁴னங் ஸாக்க²ரப்பே⁴தா³னங் இதிஹாஸபஞ்சமானங்
பத³கா வெய்யாகரணா லோகாயதமஹாபுரிஸலக்க²ணேஸு அனவயாதி,
வீதராகா³ வா ராக³வினயாய வா படிபன்னா, வீததோ³ஸா வா தோ³ஸவினயாய
வா படிபன்னா, வீதமோஹா வா மோஹவினயாய வா படிபன்னா,
ஸத்³தா⁴ஸம்பன்னா ஸீலஸம்பன்னா ஸமாதி⁴ஸம்பன்னா
பஞ்ஞாஸம்பன்னா விமுத்திஸம்பன்னா விமுத்திஞாணத³ஸ்ஸனஸம்பன்னாதி
- தோ²மெந்தி கித்தெந்தி வண்ணெந்தி பஸங்ஸந்தி. ஏவங் த³க்கி²னெய்யே
தோ²மெந்தீதி - ஆஸீஸந்தி தோ²மயந்தி.

அபி⁴ஜப்பந்தீதி ரூபபடிலாப⁴ங் அபி⁴ஜப்பந்தி, ஸத்³த³படிலாப⁴ங்
அபி⁴ஜப்பந்தி, க³ந்த⁴படிலாப⁴ங் அபி⁴ஜப்பந்தி, ரஸபடிலாப⁴ங்
அபி⁴ஜப்பந்தி...பே... ப்³ரஹ்மகாயிகேஸு தே³வேஸு அத்தபா⁴வபடிலாப⁴ங்
அபி⁴ஜப்பந்தீதி - ஆஸீஸந்தி தோ²மயந்தி அபி⁴ஜப்பந்தி. ஜஹந்தீதி ஜஹந்தி
தெ³ந்தி யஜந்தி பரிச்சஜந்தி
சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங் அன்னங்
பானங் வத்த²ங் யானங் மாலாக³ந்த⁴விலேபனங் ஸெய்யாவஸத²பதீ³பெய்யந்தி
- ஆஸீஸந்தி தோ²மயந்தி அபி⁴ஜப்பந்தி ஜஹந்தி புண்ணகாதி ப⁴க³வா.

காமாபி⁴ஜப்பந்தி படிச்ச லாப⁴ந்தி ரூபபடிலாப⁴ங் படிச்ச காமே
அபி⁴ஜப்பந்தி, ஸத்³த³படிலாப⁴ங் படிச்ச காமே அபி⁴ஜப்பந்தி...பே...
ப்³ரஹ்மகாயிகேஸு தே³வேஸு அத்தபா⁴வபடிலாப⁴ங் படிச்ச காமே
அபி⁴ஜப்பந்தி பஜப்பந்தீதி - காமாபி⁴ஜப்பந்தி படிச்ச லாப⁴ங்.

தே யாஜயோகா³ ப⁴வராக³ரத்தா நாதரிங்ஸு ஜாதிஜரந்தி ப்³ருமீதி தேதி
யஞ்ஞயாஜகா வுச்சந்தி, யாஜயோகா³தி யாஜயோகே³ஸு யுத்தா பயுத்தா
ஆயுத்தா ஸமாயுத்தா தச்சரிதா தப்³ப³ஹுலா தக்³க³ருகா தன்னின்னா
தப்போணா தப்பப்³பா⁴ரா தத³தி⁴முத்தா தத³தி⁴பதெய்யாதி - தே யாஜயோகா³,
ப⁴வராக³ரத்தாதி ப⁴வராகோ³ வுச்சதி யோ ப⁴வேஸு ப⁴வச்ச²ந்தோ³
ப⁴வராகோ³ ப⁴வனந்தீ³ ப⁴வதண்ஹா ப⁴வஸினேஹா ப⁴வபரிளாஹா
ப⁴வமுச்சா² ப⁴வஜ்ஜோ²ஸானங். ப⁴வராகே³ன ப⁴வேஸு ரத்தா கி³த்³தா⁴
க³தி⁴தா முச்சி²தா அஜ்ஜோ²ஸன்னா லக்³கா³ லக்³கி³தா பலிபு³த்³தா⁴தி - தே
யாஜயோகா³ ப⁴வராக³ரத்தா.

நாதரிங்ஸு ஜாதிஜரந்தி ப்³ருமீதி தே யாஜயோகா³ ப⁴வராக³ரத்தா
ஜாதிஜராமரணங் நாதரிங்ஸு ந உத்தரிங்ஸு ந பதரிங்ஸு ந ஸமதிக்கமிங்ஸு
ந வீதிவத்திங்ஸு, ஜாதிஜராமரணா அனிக்க³ந்தா அனிஸ்ஸடா அனதிக்கந்தா
அஸமதிக்கந்தா அவீதிவத்தா அந்தோஜாதிஜராமரணே பரிவத்தந்தி

அந்தோஸங்ஸாரபதே² பரிவத்தந்தி. ஜாதியா அனுக்³தா ஜராய அனுஸடா ப்யாதி⁴னா அபி⁴பூ⁴தா மரணேன அப்பா⁴ஹதா அதாணா அலேணா அஸரணா அஸரணீபூ⁴தாதி; ப்³ருமி ஆசிக்கா²மி தே³ஸேமி பஞ்ஞபேமி பட்ட²பேமி விவரமி விப⁴ஜாமி உத்தானீக்ரோமி பகாஸேமீதி - தே யாஜயோகா³ ப⁴வராக³ரத்தா நாதரிங்ஸு ஜாதிஜரந்தி ப்³ருமி. தேனாஹ ப⁴க³வா -

“ஆஸீஸந்தி தோ²மயந்தி, அபி⁴ஜப்பந்தி ஜுஹந்தி; புண்ணகாதி ப⁴க³வா]

காமாபி⁴ஜப்பந்தி படிச்ச லாப⁴ங், தே யாஜயோகா³ ப⁴வராக³ரத்தா; நாதரிங்ஸு ஜாதிஜரந்தி ப்³ருமீ²தி.

16. தே சே நாதரிங்ஸு யாஜயோகா³, இச்சாயஸ்மா புண்ணகோ யஞ்ஞேஹி ஜாதிஞ்ச ஜரஞ்ச மாரிஸ;
அத² கோ சரஹி தே³வமனுஸ்ஸலோகே, அதாரி ஜாதிஞ்ச ஜரஞ்ச மாரிஸ;
புச்சா²மி தங் ப⁴க³வா ப்³ருஹி மேதங்.

தே சே நாதரிங்ஸு யாஜயோகா³தி தே யஞ்ஞயாஜகா யாஜயோகா³ ப⁴வராக³ரத்தா ஜாதிஜராமரணங் நாதரிங்ஸு ந உத்தரிங்ஸு ந பதரிங்ஸு ந ஸமதிக்கமிங்ஸு ந வீதிவத்திங்ஸு, ஜாதிஜராமரணா அனிக்க²ந்தா அனிஸ்ஸடா அனதிக்கந்தா அஸமதிக்கந்தா அவீதிவத்தா அந்தோஜாதிஜராமரணே பரிவத்தந்தி அந்தோஸங்ஸாரபதே² பரிவத்தந்தி. ஜாதியா அனுக்³தா ஜராய அனுஸடா ப்யாதி⁴னா அபி⁴பூ⁴தா மரணேன அப்பா⁴ஹதா அதாணா அலேணா அஸரணா அஸரணீபூ⁴தாதி - தே சே நாதரிங்ஸு யாஜயோகா³.

இச்சாயஸ்மா புண்ணகோதி. இச்சாதி பத³ஸந்தி⁴...பே... ஆயஸ்மா புண்ணகோ.

யஞ்ஞேஹி ஜாதிஞ்ச ஜரஞ்ச மாரிஸாதி. யஞ்ஞேஹீதி யஞ்ஞேஹி பஹுதேஹி யஞ்ஞேஹி விவிதே⁴ஹி யஞ்ஞேஹி புதூ²ஹி. மாரிஸாதி பியவசனங் க³ருவசனங் ஸகா³ரவஸப்பதிஸ்ஸாதி⁴வசனமேதங் மாரிஸாதி - யஞ்ஞேஹி ஜாதிஞ்ச ஜரஞ்ச மாரிஸ.

அத² கோ சரஹி தே³வமனுஸ்ஸலோகே, அதாரி ஜாதிஞ்ச ஜரஞ்ச மாரிஸாதி அத² கோ ஏஸோ ஸதே³வகே லோகே ஸமாரகே ஸப்³ரஹ்மகே ஸஸ்ஸமணப்³ராஹ்மணியா பஜாய ஸதே³வமனுஸ்ஸாய ஜாதிஜராமரணங் அதரி உத்தரி பதரி ஸமதிக்கமி வீதிவத்தயி [வீதிவத்தி (க.)]. மாரிஸாதி

பியவசனங் க³ருவசனங் ஸகா³ரவஸப்பத்திஸ்ஸாதி⁴வசனமேதங் மாரிஸாதி - அத² கோ சரஹி தே³வமனுஸ்ஸலோகே, அதாரி ஜாதிஞ்ச ஜரஞ்ச மாரிஸ.

புச்சா²மி தங் ப⁴க³வா ப்³ருஹி மேதந்தி. புச்சா²மி தந்தி புச்சா²மி தங் யாசாமி தங் அஜ்ஜே²ஸாமி தங் பஸாதே³மி தங் கத²யஸ்ஸு மேதந்தி - புச்சா²மி தங். ப⁴க³வாதி கா³ரவாதி⁴வசனங்...பே... ஸச்சி²கா பஞ்ஞத்தி - யதி³த³ங் ப⁴க³வாதி. ப்³ருஹி மேதந்தி ப்³ருஹி ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி பகாஸேஹிதி - புச்சா²மி தங் ப⁴க³வா ப்³ருஹி மேதங். தேனாஹ ஸோ ப்³ராஹ்மணோ -

“தே சே நாதரிங்ஸு யாஜயோகா³, [இச்சாயஸ்மா புண்ணகோ] யஞ்ஞேஹி ஜாதிஞ்ச ஜரஞ்ச மாரிஸ;
அத² கோ சரஹி தே³வமனுஸ்ஸலோகே, அதாரி ஜாதிஞ்ச ஜரஞ்ச மாரிஸ;
புச்சா²மி தங் ப⁴க³வா ப்³ருஹி மேத”ந்தி.

17. ஸங்கா²ய லோகஸ்மி [லோகஸ்மிங் (ஸ்யா. க.)] பரோபரானி,
[புண்ணகாதி ப⁴க³வா]
யஸ்ஸிஞ்ஜிதங் நத்தி² குஹிஞ்சி லோகே;
ஸந்தோ விதூ⁴மோ அனீகோ⁴ நிராஸோ, அதாரி ஸோ ஜாதிஜரந்தி
ப்³ருமி.

ஸங்கா²ய லோகஸ்மி பரோபரானீதி ஸங்கா² வுச்சதி ஞாணங் யா பஞ்ஞா பஜானநா...பே... அமோஹோ த⁴ம்மவிசயோ ஸம்மாதி³ட்டி². பரோபரானீதி ஓரங் வுச்சதி ஸகத்தபா⁴வோ, பரங் வுச்சதி பரத்தபா⁴வோ ஓரங் வுச்சதி ஸகருபவேத³னாஸஞ்ஞாஸங்கா²ரவிஞ்ஞாணங், பரங் வுச்சதி பரருபவேத³னாஸஞ்ஞாஸங்கா²ரவிஞ்ஞாணங் ; ஓரங் வுச்சதி ச² அஜ்ஜ²த்திகானி ஆயதனானி, பரங் வுச்சதி ச² பா³ஹிரானி ஆயதனானி. ஓரங் வுச்சதி மனுஸ்ஸலோகோ, பரங் வுச்சதி தே³வலோகோ; ஓரங் வுச்சதி காமதா⁴து, பரங் வுச்சதி ரூபதா⁴து அருபதா⁴து; ஓரங் வுச்சதி காமதா⁴து ரூபதா⁴து, பரங் வுச்சதி அருபதா⁴து. ஸங்கா²ய லோகஸ்மி பரோபரானீதி பரோபரானி அனிச்சதோ ஸங்கா²ய து³க்க²தோ ரோக³தோ க³ண்ட³தோ...பே... நிஸ்ஸரணதோ ஸங்கா²ய ஜானித்வா துலயித்வா தீரயித்வா விபா⁴வயித்வா விபூ⁴தங் கத்வாதி - ஸங்கா²ய லோகஸ்மி பரோபரானி. புண்ணகாதி ப⁴க³வாதி. புண்ணகாதி ப⁴க³வா தங் ப்³ராஹ்மணங் நாமேன ஆலபதி . ப⁴க³வாதி கா³ரவாதி⁴வசனமேதங்...பே... யதி³த³ங் ப⁴க³வாதி - புண்ணகாதி ப⁴க³வா.

யஸ்ஸிஞ்ஜிதங் நத்தி² குஹிஞ்சி லோகேதி. யஸ்ஸாதி அரஹதோ கீணாஸவஸ்ஸ. இஞ்ஜிதந்தி தண்ஹிஞ்ஜிதங் தி³ட்²டி²ஞ்ஜிதங் மானிஞ்ஜிதங் கிலேஸிஞ்ஜிதங் காமிஞ்ஜிதங். யஸ்ஸிமே இஞ்ஜிதா நத்தி² ந ஸந்தி ந ஸங்விஜ்ஜந்தி நுபலப்³ப⁴ந்தி, பஹீனா ஸமுச்சி²ன்னா வுபஸந்தா படிபஸ்ஸத்³தா⁴ அப⁴ப்³பு³ப்பத்திகா ஞாணக்³கி³னா த³ட்³டா⁴. குஹிஞ்சீதி குஹிஞ்சி கிஸ்மிஞ்சி கத்த²சி அஜ்ஜத்தங் வா ப³ஹித்³தா⁴ வா அஜ்ஜத்தப³ஹித்³தா⁴ வா. லோகேதி அபாயலோகே...பே... ஆயதனலோகேதி - யஸ்ஸிஞ்ஜிதங் நத்தி² குஹிஞ்சி லோகே.

ஸந்தோ விதூ⁴மோ அனீகோ⁴ நிராஸோ, அதாரி ஸோ ஜாதிஜரந்தி ப்³ருமீதி. ஸந்தோதி ராக³ஸ்ஸ ஸந்தத்தா ஸந்தோ, தோ³ஸஸ்ஸ...பே... மோஹஸ்ஸ... கோத⁴ஸ்ஸ... உபனாஹஸ்ஸ... மக்க²ஸ்ஸ... ஸப்³பா³குஸலாபி⁴ஸங்கா²ரானங் ஸந்தத்தா ஸமிதத்தா வுபஸமிதத்தா விஜ்ஜா²த்தா நிஜ்ஜா²த்தா (க.) மஹானி. 18] நிப்³பு³த்தா விக³த்தா படிபஸ்ஸத்³த⁴த்தா ஸந்தோ உபஸந்தோ வுபஸந்தோ நிப்³பு³தோ படிபஸ்ஸத்³தோ⁴தி ஸந்தோ; விதூ⁴மோதி காயது³ச்சரிதங் விதூ⁴மிதங் வித⁴மிதங் ஸோஸிதங் விஸோஸிதங் ப்³யந்தீகதங் [ப்³யந்திகதங் (க.)], வசீது³ச்சரிதங்...பே... மனோது³ச்சரிதங் விதூ⁴மிதங் வித⁴மிதங் ஸோஸிதங் விஸோஸிதங் ப்³யந்தீகதங், ராகோ³... தோ³ஸோ... மோஹோ விதூ⁴மிதோ வித⁴மிதோ ஸோஸிதோ விஸோஸிதோ ப்³யந்தீகதோ, கோதோ⁴... உபனாஹோ... மக்கோ²... பளாஸோ... இஸ்ஸா... மச்ச²ரியங்... மாயா... ஸாடெ²ய்யங்... த²ம்போ⁴... ஸாரம்போ⁴... மானோ... அதிமானோ... மதோ³... பமாதோ³... ஸப்³பே³ கிலேஸா ஸப்³பே³ து³ச்சரிதா ஸப்³பே³ த்³ரதா² ஸப்³பே³ பரிளாஹா ஸப்³பே³ ஸந்தாபா ஸப்³பா³குஸலாபி⁴ஸங்கா²ரா விதூ⁴மிதா வித⁴மிதா ஸோஸிதா விஸோஸிதா ப்³யந்தீகதா. அத² வா, கோதோ⁴ வுச்சதி தூ⁴மோ -

மானோ ஹி தே ப்³ராஹ்மண கா²ரிபா⁴ரோ, கோதோ⁴ தூ⁴மோ ப⁴ஸ்மனி [க³ம்மனி (ஸ்யா.)] மோஸவஜ்ஜங்;

ஜிவ்ஹா ஸுஜா ஹத³யங் [தப்³பரஸ்ஸ (ஸ்யா.)] ஜோதிட்டா²னங், அத்தா ஸுத³ந்தோ புரிஸஸ்ஸ ஜோதி.

அபி ச, த³ஸஹாகாரேஹி கோதோ⁴ ஜாயதி - அனத்த²ங் மே அசரீதி கோதோ⁴ ஜாயதி, அனத்த²ங் மே சரதீதி கோதோ⁴ ஜாயதி, அனத்த²ங் மே சரிஸ்ஸதீதி கோதோ⁴ ஜாயதி, பியஸ்ஸ மே மனாபஸ்ஸ அனத்த²ங் அசரி, அனத்த²ங் சரதி, அனத்த²ங் சரிஸ்ஸதீதி கோதோ⁴ ஜாயதி, அப்பியஸ்ஸ மே அமனாபஸ்ஸ அத்த²ங் அசரி, அத்த²ங் சரதி, அத்த²ங் சரிஸ்ஸதீதி கோதோ⁴ ஜாயதி, அட்டா²னே வா பன கோதோ⁴ ஜாயதி. யோ ஏவருபோ சித்தஸ்ஸ ஆகா⁴தோ படிகா⁴தோ படிக⁴ங் படிவிரோதோ⁴ கோபோ பகோபோ

ஸம்பகோபோ தோ³ஸோ பதோ³ஸோ ஸம்பதோ³ஸோ சித்தஸ்ஸ ப்யாபத்தி
மனோபதோ³ஸோ கோதோ⁴ குஜ்ஜ²னா குஜ்ஜி²தத்தங் தோ³ஸோ து³ஸ்ஸனா
து³ஸ்ஸிதத்தங் ப்யாபத்தி ப்யாபஜ்ஜனா ப்யாபஜ்ஜிதத்தங் விரோதோ⁴
படிவிரோதோ⁴ சண்டி³க்கங் அஸுரோபோ [அஸ்ஸுரோபோ (ஸ்யா.)]
அனத்தமனதா சித்தஸ்ஸ - அயங் வச்சதி கோதோ⁴.

அபி ச, கோத⁴ஸ்ஸ அதி⁴மத்தபரித்ததா வேதி³தப்³பா³. அத்தி² கஞ்சி
[கிஞ்சி (க.) மஹானி. 85] காலங் கோதோ⁴ சித்தாவிலகரணமத்தோ ஹோதி, ந
ச தாவ முக²குலானவிகுலானோ ஹோதி. அத்தி² கஞ்சி காலங் கோதோ⁴
முக²குலானவிகுலானமத்தோ ஹோதி, ந ச தாவ ஹனுஸஞ்சோபனோ
ஹோதி. அத்தி² கஞ்சி காலங் கோதோ⁴ ஹனுஸஞ்சோபனமத்தோ ஹோதி, ந
ச தாவ ப²ருஸவாசங் நிச்சா²ரணோ [ப²ருஸவாசனிச்சா²ரணோ (ஸ்யா.)] ஹோதி.
அத்தி² கஞ்சி காலங் கோதோ⁴ ப²ருஸவாசங் நிச்சா²ரணமத்தோ ஹோதி, ந ச
தாவ தி³ஸாவிதி³ஸானுவிலோகனோ ஹோதி. அத்தி² கஞ்சி காலங் கோதோ⁴
தி³ஸாவிதி³ஸானுவிலோகனமத்தோ ஹோதி, ந ச தாவ
த³ண்ட³ஸத்த²பராமஸனோ ஹோதி. அத்தி² கஞ்சி காலங் கோதோ⁴
த³ண்ட³ஸத்த²பராமஸனமத்தோ ஹோதி, ந ச தாவ
த³ண்ட³ஸத்த²அப்³பு⁴க்கிரணோ ஹோதி. அத்தி² கஞ்சி காலங் கோதோ⁴
த³ண்ட³ஸத்த²அப்³பு⁴க்கிரணமத்தோ ஹோதி, ந ச தாவ
த³ண்ட³ஸத்த²அபி⁴னிபாதனோ ஹோதி. அத்தி² கஞ்சி காலங் கோதோ⁴
த³ண்ட³ஸத்த²அபி⁴னிபாதனமத்தோ ஹோதி, ந ச தாவ
சி²ன்னவிச்சி²ன்னகரணோ ஹோதி. அத்தி² கஞ்சி காலங் கோதோ⁴
சி²ன்னவிச்சி²ன்னகரணமத்தோ ஹோதி, ந ச தாவ
ஸம்ப⁴ஞ்ஜனபலிப⁴ஞ்ஜனோ ஹோதி. அத்தி² கஞ்சி காலங் கோதோ⁴
ஸம்ப⁴ஞ்ஜனபலிப⁴ஞ்ஜனமத்தோ ஹோதி, ந ச தாவ
அங்க³மங்க³அபகட்³ட⁴னோ ஹோதி. அத்தி² கஞ்சி காலங் கோதோ⁴
அங்க³மங்க³அபகட்³ட⁴னமத்தோ ஹோதி, ந ச தாவ ஜீவிதாவோரோபனோ
[ஜீவிதபனாஸனோ (ஸ்யா.) மஹானி. 85] ஹோதி. அத்தி² கஞ்சி காலங்
கோதோ⁴ ஜீவிதாவோரோபனமத்தோ ஹோதி, ந ச தாவ
ஸப்³பச்சாக³பரிச்சாகா³ய ஸண்டி²தோ ஹோதி. யதோ கோதோ⁴ பரங் புக்³கலங்
கா⁴தெத்வா அத்தானங் கா⁴தேதி, எத்தாவதா கோதோ⁴ பரமுஸ்ஸத³க³தோ
பரமவேபுல்லபத்தோ ஹோதி. யஸ்ஸ ஸோ ஹோதி கோதோ⁴ பஹீனோ
ஸமுச்சி²ன்னோ ஓபஸந்தோ படிபஸ்ஸத்³தோ⁴ அப⁴ப்³ப்பத்திகோ
ஞாணக்³கி³னா த³ட்³டோ⁴, ஸோ வச்சதி - விதூ⁴மோ.

கோத⁴ஸ்ஸ பஹீனத்தா விதூ⁴மோ, கோத⁴வத்து²ஸ்ஸ பரிஞ்ஞாதத்தா
விதூ⁴மோ, கோத⁴ஹேதுஸ்ஸ பரிஞ்ஞாதத்தா விதூ⁴மோ,
கோத⁴ஹேதுஸ்ஸ உபச்சி²ன்னத்தா விதூ⁴மோ. அனீகோ⁴தி ராகோ³
நீகோ⁴, தோ³ஸோ நீகோ⁴, மோஹோ நீகோ⁴, கோதோ⁴ நீகோ⁴,

உபனாஹோ நீகோ⁴...பே... ஸப்³பா³குஸலாபி⁴ஸங்கா²ரா நீகா⁴. யஸ்ஸேதே நீகா⁴ பஹீனா ஸமுச்சி²ன்னா ஓபஸந்தா படிபஸ்ஸத்³தா⁴ அப⁴ப்³பு³ப்பத்திகா ஞாணக்³கி³னா த³ட்³டா⁴, ஸோ வச்சதி அனீகோ⁴.

நிராஸோதி ஆஸா வச்சதி தண்ஹா. யோ ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலங். யஸ்ஸேஸா ஆஸா தண்ஹா பஹீனா ஸமுச்சி²ன்னா ஓபஸந்தா படிபஸ்ஸத்³தா⁴ அப⁴ப்³பு³ப்பத்திகா ஞாணக்³கி³னா த³ட்³டா⁴, ஸோ வச்சதி நிராஸோ. ஜாதீதி யா தேஸங் தேஸங் ஸத்தானங் தம்ஹி தம்ஹி ஸத்தனிகாயே ஜாதி ஸஞ்ஜாதி ஓக்கந்தி அபி⁴னிப்³பு³த்தி க²ந்தா⁴னங் பாதுபா⁴வோ ஆயதனானங் படிபாபோ⁴. ஜராதி யா தேஸங் தேஸங் ஸத்தானங் தம்ஹி தம்ஹி ஸத்தனிகாயே ஜரா ஜீரணதா க²ண்டி³ச்சங் பாலிச்சங் வலித்தசதா ஆயுனோ ஸங்ஹானி இந்த³ரியானங் பரிபாகோ. ஸந்தோ விதூ⁴மோ அனீகோ⁴ நிராஸோ, அதாரி ஸோ ஜாதிஜரந்தி ப்³ருமீதி யோ ஸந்தோ ச விதூ⁴மோ ச அனீகோ⁴ ச நிராஸோ ச, ஸோ ஜாதிஜராமரணங் அதரி உத்தரி பதரி ஸமதிக்கமி வீதிவத்தயீதி ப்³ருமி ஆசிக்கா²மி தே³ஸேமி பஞ்ஞபேமி பட்ட²பேமி விவராமி விப⁴ஜாமி உத்தானீகரோமி பகாஸேமீதி - ஸந்தோ விதூ⁴மோ அனீகோ⁴ நிராஸோ, அதாரி ஸோ ஜாதிஜரந்தி ப்³ருமி. தேனாஹ ப⁴க³வா -

“ஸங்கா²ய லோகஸ்மி பரோபரானி, புண்ணகாதி ப⁴க³வா
யஸ்ஸிஞ்ஜிதங் நத்தி² குஹிஞ்சி லோகே;
ஸந்தோ விதூ⁴மோ அனீகோ⁴ நிராஸோ, அதாரி ஸோ ஜாதிஜரந்தி
ப்³ருமீ”தி.

ஸஹகா³தா²பரியோஸானா...பே... பஞ்ஜலிகோ ப⁴க³வந்தங் நமஸ்ஸமாமனோ நிஸின்னோ ஹோதி - “ஸத்தா² மே ப⁴ந்தே ப⁴க³வா, ஸாவகோஹமஸ்மீ”தி.

புண்ணகமாணவபுச்சா²னித்³தே³ஸோ ததியோ.

4. மெத்தகூ³மாணவபுச்சா²னித்³தே³ஸோ

18. புச்சா²மி தங் ப⁴க³வா ப்³ருஹி மேதங், [இச்சாயஸ்மா மெத்தகூ³]
மஞ்ஞாமி தங் வேதகூ³ பா⁴விதத்தங்;
குதோ நு து³க்கா² ஸமுதா³க³தா இமே, யே கேசி
லோகஸ்மிமனேகருபா.

புச்சா²மி தங் ப⁴க³வா ப்³ருஹி மேதந்தி. புச்சா²மீதி திஸ்ஸோ புச்சா² -
அதி³ட்ட²ஜோதனா புச்சா², தி³ட்ட²ஸங்ஸந்த³னா புச்சா², விமதிச்சே²த³னா புச்சா².
கதமா அதி³ட்ட²ஜோதனா புச்சா²? பகதியா லக்க²ணங் அஞ்ஞாதங் ஹோதி
அதி³ட்ட²ங் அதுலிதங் அதீரிதங் அவிபு⁴தங் அவிபா⁴விதங். தஸ்ஸ ஞாணாய

த³ஸ்ஸனாய துலனாய தீரணாய விபு⁴தத்தா²ய விபா⁴வனத்தா²ய பஞ்ஹங் புச்ச²தி - அயங் அதி³ட்ட²ஜோதனா புச்சா².

கதமா தி³ட்ட²ஸங்ஸந்த³னா புச்சா²? பகதியா லக்க²ணங் ஞாதங் ஹோதி தி³ட்ட²ங் துலிதங் தீரிதங் விபு⁴தங் விபா⁴விதங். அஞ்ஞேஹி பண்டி³தேஹி ஸத்³தி⁴ங் ஸங்ஸந்த³னத்தா²ய பஞ்ஹங் புச்ச²தி - அயங் தி³ட்ட²ஸங்ஸந்த³னா புச்சா².

கதமா விமதிச்சே²த³னா புச்சா²? பகதியா ஸங்ஸயபக்க²ந்தோ³ ஹோதி விமதிபக்க²ந்தோ³ த³வெள்ஹகஜாதோ - “ஏவங் நு கோ², ந நு கோ², கிங் நு கோ², கத²ங் நு கோ²”தி? ஸோ விமதிச்சே²த³னத்தா²ய பஞ்ஹங் புச்ச²தி - அயங் விமதிச்சே²த³னா புச்சா². இமா திஸ்ஸோ புச்சா².

அபராபி திஸ்ஸோ புச்சா² - மனுஸ்ஸபுச்சா², அமனுஸ்ஸபுச்சா², நிம்மிதபுச்சா². கதமா மனுஸ்ஸபுச்சா²? மனுஸ்ஸா பு³த்த⁴ங் ப⁴க³வந்தங் உபஸங்கமித்வா பஞ்ஹங் புச்ச²ந்தி, பி⁴க்க² புச்ச²ந்தி, பி⁴க்கு²னியோ புச்ச²ந்தி, உபாஸகா புச்ச²ந்தி, உபாஸிகாயோ புச்ச²ந்தி, ராஜானோ புச்ச²ந்தி க²த்தியா புச்ச²ந்தி, ப்³ராஹ்மணா புச்ச²ந்தி, வெஸ்ஸா புச்ச²ந்தி, ஸுத்த³ புச்ச²ந்தி, க³ஹட்டா² புச்ச²ந்தி, பப்³ப³ஜிதா புச்ச²ந்தி - அயங் மனுஸ்ஸபுச்சா².

கதமா அமனுஸ்ஸபுச்சா²? அமனுஸ்ஸா பு³த்த⁴ங் ப⁴க³வந்தங் உபஸங்கமித்வா பஞ்ஹங் புச்ச²ந்தி, நாகா³ புச்ச²ந்தி, ஸுபண்ணா புச்ச²ந்தி, யக்கா² புச்ச²ந்தி, அஸுரா புச்ச²ந்தி, க³ந்த⁴ப³பா³ புச்ச²ந்தி, மஹாராஜானோ புச்ச²ந்தி, இந்தா³ புச்ச²ந்தி, ப்³ரஹ்மா புச்ச²ந்தி, தே³வா புச்ச²ந்தி - அயங் அமனுஸ்ஸபுச்சா².

கதமா நிம்மிதபுச்சா²? ப⁴க³வா ரூபங் அபி⁴னிம்மினாதி மனோமயங் ஸப்³ப³ங்க³பச்சங்க³ங் அஹீனிந்த³ரியங். ஸோ நிம்மிதோ பு³த்த⁴ங் ப⁴க³வந்தங் உபஸங்கமித்வா பஞ்ஹங் புச்ச²தி. ப⁴க³வா விஸஜ்ஜேதி. அயங் நிம்மிதபுச்சா². இமா திஸ்ஸோ புச்சா².

அபராபி திஸ்ஸோ புச்சா² - அத்தத்த²புச்சா², பரத்த²புச்சா², உப⁴யத்த²புச்சா²... பே... அபராபி திஸ்ஸோ புச்சா² - தி³ட்ட²த⁴ம்மிகத்த²புச்சா², ஸம்பராயிகத்த²புச்சா², பரமத்த²புச்சா²... அபராபி திஸ்ஸோ புச்சா² - அனவஜ்ஜத்த²புச்சா², நிக்கிலேஸத்த²புச்சா², வோதா³னத்த²புச்சா²... அபராபி திஸ்ஸோ புச்சா² - அதீதபுச்சா², அனாக³தபுச்சா², பச்சப்பன்னபுச்சா²... அபராபி திஸ்ஸோ புச்சா² - அஜ்ஜத்த²புச்சா², ப³ஹித்தா⁴புச்சா², அஜ்ஜத்த²ப³ஹித்தா⁴புச்சா²... அபராபி திஸ்ஸோ புச்சா² - குஸலபுச்சா², அகுஸலபுச்சா², அப்³யாகதபுச்சா²... அபராபி திஸ்ஸோ புச்சா² - க²ந்த⁴புச்சா², தா⁴துபுச்சா² ஆயதனபுச்சா²... அபராபி திஸ்ஸோ புச்சா² - ஸதிபட்டா²னபுச்சா²,

ஸம்மப்பதா⁴னபுச்சா², இத்³தி⁴பாத³புச்சா²... அபராபி திஸ்ஸோ புச்சா² -
இந்த³ரியபுச்சா², ப³லபுச்சா², பொ³ஜ்ஜ²ங்க³புச்சா²... அபராபி திஸ்ஸோ புச்சா² -
மக்³புச்சா², ப²லபுச்சா², நிப்³பா³னபுச்சா²....

புச்சா²மி தந்தி புச்சா²மி தங் யாசாமி தங் அஜ்ஜே²ஸாமி தங் பஸாதே³மி
தங் “கத²யஸ்ஸு மே”தி புச்சா²மி தங். ப⁴க³வாதி கா³ரவாதி⁴வசனமேதங்...
பே... ஸச்சி²கா பஞ்ஞத்தி - யதி³த³ங் ப⁴க³வாதி. ப்³ருஹி மேதந்தி ப்³ருஹி
ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி
உத்தானிகரோஹி பகாஸேஹீதி - புச்சா²மி தங் ப⁴க³வா ப்³ருஹி மேதங்.

இச்சாயஸ்மா மெத்தகூ³தி இச்சாதி பத³ஸந்தி⁴...பே... இச்சாயஸ்மா
மெத்தகூ³.

மஞ்ஞாமி தங் வேதகூ³ பா⁴விதத்தந்தி. வேதகூ³தி தங் மஞ்ஞாமி,
பா⁴விதத்தோதி தங் மஞ்ஞாமி, ஏவங் ஜானாமி, ஏவங் ஆஜானாமி ஏவங்
படிஜானாமி ஏவங் படிவிஜ்ஜா²மி. வேதகூ³ பா⁴விதத்தோதி கத²ஞ்ச ப⁴க³வா
வேதகூ³? வேதா³ வுச்சந்தி சதுஸு மக்³கே³ஸு ஞாணங் பஞ்ஞா
பஞ்ஞிந்த³ரியங் பஞ்ஞாப³லங்...பே... த⁴ம்மவிசயஸம்பொ³ஜ்ஜ²ங்கோ³ வீமங்ஸா
விபஸ்ஸனா ஸம்மாதி³ட்டி². ப⁴க³வா தேஹி வேதே³ஹி ஜாதிஜராமரணஸ்ஸ
அந்தக³தோ அந்தப்பத்தோ கோடிக³தோ கோடிப்பத்தோ பரியந்தக³தோ
பரியந்தப்பத்தோ வோஸானக³தோ வோஸானப்பத்தோ தாணக³தோ
தாணப்பத்தோ லேணக³தோ லேணப்பத்தோ ஸரணக³தோ ஸரணப்பத்தோ
அப⁴யக³தோ அப⁴யப்பத்தோ அச்சதக³தோ அச்சதப்பத்தோ அமதக³தோ
அமதப்பத்தோ நிப்³பா³னக³தோ நிப்³பா³னப்பத்தோ. வேதா³னங் வா அந்தக³தோதி
வேதகூ³; வேதே³ஹி வா அந்தக³தோதி வேதகூ³; ஸத்தன்னங் வா
த⁴ம்மானங் விதி³தத்தா வேதகூ³; ஸக்காயதி³ட்டி² விதி³தா ஹோதி,
விசிகிச்சா² விதி³தா ஹோதி, ஸீலப்³பதபராமாஸோ விதி³தோ ஹோதி, ராகோ³
தோ³ஸோ மோஹோ மாணோ விதி³தோ ஹோதி, விதி³தாஸ்ஸ ஹோந்தி
பாபகா அகுஸலா த⁴ம்மா ஸங்கிலேஸிகா போனோப⁴விகா ஸத³ரா
து³க்க²விபாகா ஆயதிங் ஜாதிஜராமரணியா.

வேதா³னி விசெய்ய கேவலானி, [ஸபி⁴யாதி ப⁴க³வா]
ஸமணானங் யானீத⁴த்தி² [யானி பத்தி² (ஸ்யா.), யானி அத்தி² (க.) ஸு.
நி. 534] ப்³ராஹ்மணானங்;
ஸப்³பவேத³னாஸு வீதராகோ³;
ஸப்³பங் வேத³மதிச்ச வேதகூ³ ஸோதி.

ஏவங் ப⁴க³வா வேதகூ³.

கத²ங் ப⁴க³வா பா⁴விதத்தோ? ப⁴க³வா பா⁴விதகாயோ பா⁴விதஸீலோ
பா⁴விதசித்தோ பா⁴விதபஞ்ஞோ பா⁴விதஸதிபட்டா²னோ
பா⁴விதஸம்மப்பதா⁴னோ பா⁴விதஇத்³தி⁴பாதோ³ பா⁴விதஇந்த்³ரியோ
பா⁴விதப³லோ பா⁴விதபொ³ஜ்ஜ²ங்கோ³ பா⁴விதமக்³கோ³, பஹீனகிலேஸோ
படிவித்³தா⁴குப்போ ஸச்சி²கதனிரோதோ⁴. து³க்க²ங் தஸ்ஸ பரிஞ்ஞாதங்,
ஸமுத³யோ பஹீனோ, மக்³கோ³ பா⁴விதோ, நிரோதோ⁴ ஸச்சி²கதோ,
அபி⁴ஞ்ஞெய்யங் அபி⁴ஞ்ஞாதங், பரிஞ்ஞெய்யங் பரிஞ்ஞாதங், பஹாதப்³ப³ங்
பஹீனங், பா⁴வேதப்³ப³ங் பா⁴விதங், ஸச்சி²காதப்³ப³ங் ஸச்சி²கதங், அபரித்தோ
மஹந்தோ க³ம்பீ⁴ரோ அப்பமெய்யோ து³ப்பரியோகா³ள்ஹோ ப³ஹுரதனோ
ஸாக³ரூபமோ [ஸாக³ரஸமோ (க.)] ச²ளங்கு³பெக்கா²ய ஸமன்னாக³தோ ஹோதி.

சக்கு²னா ரூபங் தி³ஸ்வா நேவ ஸுமனோ ஹோதி ந து³ம்மனோ;
உபெக்க²கோ விஹரதி ஸதோ ஸம்பஜானோ. ஸோதேன ஸத்³த³ங் ஸுத்வா,
கா⁴னேன க³ந்த⁴ங் கா⁴யித்வா, ஜிவ்ஹாய ரஸங் ஸாயித்வா, காயேன
பொ²ட்ட²ப்³ப³ங் பு²ஸித்வா, மனஸா த⁴ம்மங் விஞ்ஞாய நேவ ஸுமனோ
ஹோதி ந து³ம்மனோ; உபெக்க²கோ விஹரதி ஸதோ ஸம்பஜானோ.

சக்கு²னா ரூபங் தி³ஸ்வா மனாபங் ரூபங் நாபி⁴கி³ஜ்ஜ²தி நாபி⁴ஹங்ஸதி
நாபி⁴பிஹயதி (ஸ்யா.) மஹானி. 90] ந ராக³ங் ஜனேதி. தஸ்ஸ டி²தோவ
காயோ ஹோதி, டி²தங் சித்தங் அஜ்ஜ²த்தங் ஸுஸண்டி²தங் ஸுவிமுத்தங்.
சக்கு²னா கோ² பனேவ ரூபங் தி³ஸ்வா அமனாபங் ந மங்கு ஹோதி
அப்பதிட்டி²தசித்தோ [அப்பதிட்டி²னசித்தோ (ஸ்யா.)] அலீனமனஸோ
[ஆதி³னமனஸோ (ஸ்யா.) மஹானி. 90] அப்³யாபன்னசேதஸோ. தஸ்ஸ
டி²தோவ காயோ ஹோதி டி²தங் சித்தங் அஜ்ஜ²த்தங் ஸுஸண்டி²தங்
ஸுவிமுத்தங். ஸோதேன ஸத்³த³ங் ஸுத்வா...பே... கா⁴னேன க³ந்த⁴ங்
கா⁴யித்வா... ஜிவ்ஹாய ரஸங் ஸாயித்வா... காயேன பொ²ட்ட²ப்³ப³ங்
பு²ஸித்வா... மனஸா த⁴ம்மங் விஞ்ஞாய மனாபங் நாபி⁴கி³ஜ்ஜ²தி
நாபி⁴ஹங்ஸதி ந ராக³ங் ஜனேதி. தஸ்ஸ டி²தோவ காயோ ஹோதி டி²தங்
சித்தங் அஜ்ஜ²த்தங் ஸுஸண்டி²தங் ஸுவிமுத்தங். மனஸாயேவ கோ² பன
த⁴ம்மங் விஞ்ஞாய அமனாபங் ந மங்கு ஹோதி. அப்பதிட்டி²தசித்தோ
அலீனமனஸோ அப்³யாபன்னசேதஸோ தஸ்ஸ டி²தோவ காயோ ஹோதி
டி²தங் சித்தங் அஜ்ஜ²த்தங் ஸுஸண்டி²தங் ஸுவிமுத்தங்.

சக்கு²னா ரூபங் தி³ஸ்வா மனாபாமனாபேஸு ரூபேஸு டி²தோவ காயோ
ஹோதி டி²தங் சித்தங் அஜ்ஜ²த்தங் ஸுஸண்டி²தங் ஸுவிமுத்தங். ஸோதேன
ஸத்³த³ங் ஸுத்வா...பே... மனஸா த⁴ம்மங் விஞ்ஞாய மனாபாமனாபேஸு
த⁴ம்மேஸு டி²தோவ காயோ ஹோதி டி²தங் சித்தங் அஜ்ஜ²த்தங்
ஸுஸண்டி²தங் ஸுவிமுத்தங்.

சக்கு²னா ரூபங் தி³ஸ்வா ரஜனீயே ந ரஜ்ஜதி, து³ஸ்ஸனீயே [தோ³ஸனீயே (ஸ்யா. க.) மஹானி. 90] ந து³ஸ்ஸதி, மோஹனீயே ந முய்ஹதி, கோபனீயே ந குப்பதி, மத³னீயே ந மஜ்ஜதி, கிலேஸனீயே ந கிலிஸ்ஸதி. ஸோதேன ஸத்³த³ங் ஸுத்வா...பே... மனஸா த⁴ம்மங் விஞ்ஞாய ரஜனீயே ந ரஜ்ஜதி, து³ஸ்ஸனீயே ந து³ஸ்ஸதி, மோஹனீயே ந முய்ஹதி, கோபனீயே ந குப்பதி, மத³னீயே ந மஜ்ஜதி, கிலேஸனீயே ந கிலிஸ்ஸதி.

தி³ட்டே² தி³ட்ட²மத்தோ, ஸுதே ஸுதமத்தோ, முதே முதமத்தோ, விஞ்ஞாதே விஞ்ஞாதமத்தோ. தி³ட்டே² ந லிம்பதி, ஸுதே ந லிம்பதி, முதே ந லிம்பதி, விஞ்ஞாதே ந லிம்பதி. தி³ட்டே² அனுபயோ [அனுபயோ (ஸ்யா.), அனுஸயோ (க.) மஹானி. 90] அனபாயோ அனிஸ்ஸிதோ அப்படிப³த்தோ⁴ விப்பமுத்தோ விஸஞ்ஞுத்தோ விமரியாதி³கதேன சேதஸா விஹரதி. ஸுதே... பே... முதே ... விஞ்ஞாதே அனுபயோ [அனுபயோ (ஸ்யா.), அனுஸயோ (க.) மஹானி. 90] அனபாயோ அனிஸ்ஸிதோ அப்படிப³த்தோ⁴ விப்பமுத்தோ விஸஞ்ஞுத்தோ விமரியாதி³கதேன சேதஸா விஹரதி.

ஸங்விஜ்ஜதி ப⁴க³வதோ சக்கு², பஸ்ஸதி ப⁴க³வா சக்கு²னா ரூபங், ச²ந்த³ராகோ³ ப⁴க³வதோ நத்தி², ஸுவிமுத்தசித்தோ ப⁴க³வா. ஸங்விஜ்ஜதி ப⁴க³வதோ ஸோதங், ஸுணாதி ப⁴க³வா ஸோதேன ஸத்³த³ங், ச²ந்த³ராகோ³ ப⁴க³வதோ நத்தி², ஸுவிமுத்தசித்தோ ப⁴க³வா. ஸங்விஜ்ஜதி ப⁴க³வதோ கா⁴னங், கா⁴யதி ப⁴க³வா கா⁴னேன க³ந்த⁴ங், ச²ந்த³ராகோ³ ப⁴க³வதோ நத்தி², ஸுவிமுத்தசித்தோ ப⁴க³வா. ஸங்விஜ்ஜதி ப⁴க³வதோ ஜிவ்ஹா, ஸாயதி ப⁴க³வா ஜிவ்ஹாய ரஸங், ச²ந்த³ராகோ³ ப⁴க³வதோ நத்தி², ஸுவிமுத்தசித்தோ ப⁴க³வா. ஸங்விஜ்ஜதி ப⁴க³வதோ காயோ, பு²ஸதி ப⁴க³வா காயேன பொ²ட்ட²ப³ப³ங், ச²ந்த³ராகோ³ ப⁴க³வதோ நத்தி², ஸுவிமுத்தசித்தோ ப⁴க³வா. ஸங்விஜ்ஜதி ப⁴க³வதோ மனோ, விஜானாதி ப⁴க³வா மனஸா த⁴ம்மங், ச²ந்த³ராகோ³ ப⁴க³வதோ நத்தி², ஸுவிமுத்தசித்தோ ப⁴க³வா.

சக்கு² ரூபாராமங் ரூபரதங் ரூபஸம்முதி³தங், தங் ப⁴க³வதோ [ப⁴க³வதா (ஸ்யா.) மஹானி. 90] த³ந்தங் கு³த்தங் ரக்கி²தங் ஸங்வுதங்; தஸ்ஸ ச ஸங்வராய த⁴ம்மங் தே³ஸேதி. ஸோதங் ஸத்³த³ராமங் ஸத்³த³ரதங்...பே... கா⁴னங் க³ந்தா⁴ராமங் க³ந்த⁴ரதங்... ஜிவ்ஹா ரஸாராமா ரஸரதா ரஸஸம்முதி³தா, ஸா ப⁴க³வதோ த³ந்தா கு³த்தா ரக்கி²தா ஸங்வுதா; தஸ்ஸ ச ஸங்வராய த⁴ம்மங் தே³ஸேதி. காயோ பொ²ட்ட²ப³ப³ராமோ பொ²ட்ட²ப³ப³ரதோ பொ²ட்ட²ப³ப³ஸம்முதி³தோ... மனோ த⁴ம்மாராமோ த⁴ம்மரதோ த⁴ம்மஸம்முதி³தோ, ஸோ ப⁴க³வதோ த³ந்தோ கு³த்தோ ரக்கி²தோ ஸங்வுதோ; தஸ்ஸ ச ஸங்வராய த⁴ம்மங் தே³ஸேதி -

“த³ந்தங் நயந்தி ஸமிதிங், த³ந்தங் ராஜாபி⁴ருஹதி;
த³ந்தோ ஸெட்டோ² மனுஸ்ஸேஸு, யோதிவாக்யங் திதிக்க²தி.

“வரமஸ்ஸதரா த³ந்தா, ஆஜானீயா ச [ஆஜானியாவ (ஸ்யா.) த⁴. ப. 322]
ஸிந்த⁴வா;

குஞ்ஜரா ச [குஞ்ஜராவ (ஸ்யா.)] மஹானாகா³, அத்தத³ந்தோ ததோ வரங்.

“ந ஹி ஏதேஹி யானேஹி, க³ச்செ²ய்ய அக³தங் தி³ஸங்;
யதா²த்தனா ஸுத³ந்தேன, த³ந்தோ த³ந்தேன க³ச்ச²தி.

“விதா⁴ஸு ந விகம்பந்தி, விப்பமுத்தா புனப்³ப⁴வா;
த³ந்தபூ⁴மிங் அனுப்பத்தா, தே லோகே விஜிதாவினோ.

“யஸ்ஸிந்த³ரியானி பா⁴விதானி, அஜ்ஜ²த்தஞ்ச ப³ஹித்தா⁴ ச
ஸப்³ப³லோகே;

நிப்³பிஜ்ஜ² இமங் பரஞ்ச லோகங், காலங் கங்க²தி பா⁴விதோ ஸ
த³ந்தோ”தி [ஸுத³ந்தோதி (ஸ்யா.) ஸு. நி. 521; மஹானி. 90].

ஏவங் ப⁴க³வா பா⁴விதத்தோதி.

மஞ்ஞாமி தங் வேத³க் பா⁴விதத்தங், குதோ நு து³க்கா² ஸமுதா³க³தா
இமேதி. குதோ நூதி ஸங்ஸயபுச்சா² விமதிபுச்சா² த³வெள்ஹகபுச்சா²
அனேகங்ஸபுச்சா² - “ஏவங் நு கோ², ந நு கோ², கிங் நு கோ², கத²ங் நு கோ²”தி -
குதோ நு. து³க்கா²தி ஜாதிது³க்க²ங், ஜராது³க்க²ங், ப்யாதி⁴து³க்க²ங்,
மரணது³க்க²ங், ஸோகபரிதே³வது³க்க²தோ³மனஸ்ஸுபாயாஸது³க்க²ங்,
ப்யஸனங் து³க்க²ங், நேரயிகங் து³க்க²ங், திரச்சா²னயோனிகங் து³க்க²ங்,
பெத்திவிஸயிகங் து³க்க²ங், மாணுஸிகங் து³க்க²ங், க³ப்³போ⁴க்கந்திமூலகங்
து³க்க²ங், க³ப்³ப⁴ட்டி²திமூலகங் து³க்க²ங், க³ப்³ப⁴வுட்டா²னமூலகங் து³க்க²ங்,
ஜாதஸ்ஸுபனிப³ந்த⁴கங் து³க்க²ங், ஜாதஸ்ஸ பராதெ⁴ய்யகங் து³க்க²ங்,
அத்துபக்கமங் து³க்க²ங், பருபக்கமங் து³க்க²ங், து³க்க²து³க்க²ங், ஸங்கா²ரது³க்க²ங்,
விபரிணாமது³க்க²ங் , சக்கு²ரோகோ³ ஸோதரோகோ³ கா⁴னரோகோ³
ஜிவ்ஹாரோகோ³ காயரோகோ³ ஸீஸரோகோ³ கண்ணரோகோ³ முக²ரோகோ³
த³ந்தரோகோ³ காலோ ஸாலோ பினாலோ டா³ஹோ ஜரோ குச்சி²ரோகோ³
முச்சா² பக்க²ந்தி³கா ஸுலா விஸுசிகா குட்ட²ங் க³ண்டோ³ கிலாலோ
ஸாலோ அபமாரோ த³த்த³ கண்டு³ கச்ச² ரக²ஸா விதச்சி²கா
லோஹிதபித்தங் மது⁴மேஹோ அங்ஸா பிளகா ப⁴க³ந்த³லா
பித்தஸமுட்டா²னா ஆபா³தா⁴ ஸெம்ஹஸமுட்டா²னா ஆபா³தா⁴
வாதஸமுட்டா²னா ஆபா³தா⁴ ஸன்னிபாதிகா ஆபா³தா⁴ உதுபரிணாமஜா
ஆபா³தா⁴ விஸமபரிஹாரஜா ஆபா³தா⁴ ஒபக்கமிகா ஆபா³தா⁴
கம்மவிபாகஜா ஆபா³தா⁴ ஸீதங் உண்ணங் ஜிக⁴ச்சா² பிபாஸா உச்சாரோ

பஸ்ஸாவோ ட்³ங்ஸமகஸவாதாதபஸ்ரீஸபஸம்²ஸ்ஸங் து³க்க²ங்,
 மாதுமரணங் து³க்க²ங் , பிதுமரணங் து³க்க²ங், பா⁴துமரணங் து³க்க²ங்,
 ப⁴கி³னிமரணங் து³க்க²ங், புத்தமரணங் து³க்க²ங், தீ⁴துமரணங் து³க்க²ங்,
 ஞாதிப்³யஸனங் து³க்க²ங், ரோக³ப்³யஸனங் து³க்க²ங், போ⁴க³ப்³யஸனங்
 து³க்க²ங், ஸீலப்³யஸனங் து³க்க²ங், தி³ட்டி²ப்³யஸனங் து³க்க²ங்; யேஸங்
 த⁴ம்மானங் ஆதி³தோ ஸமுதா³க³மனங் பஞ்ஞாயதி, அத்த²ங்க³மதோ
 நிரோதோ⁴ பஞ்ஞாயதி, கம்மஸன்னிஸ்ஸிதோ விபாகோ,
 விபாகஸன்னிஸ்ஸிதங் கம்மங், நாமஸன்னிஸ்ஸிதங் ரூபங்,
 ரூபஸன்னிஸ்ஸிதங் நாமங், ஜாதியா அனு³க³தங், ஜராய அனுஸடங்,
 ப்³யாதி⁴னா அபி⁴பூ⁴தங், மரணேன அப்³பா⁴ஹதங், து³க்கே² பதிட்டி²தங்,
 அதாணங் அலேணங் அஸரணங் அஸரணீபூ⁴தங் - இமே வச்சந்தி து³க்கா².
 இமே து³க்கா² குதோ ஸமுதா³க³தா குதோ ஜாதா குதோ ஸஞ்ஜாதா குதோ
 நிப்³ப்த்தா குதோ அபி⁴னிப்³ப்த்தா குதோ பாதுபூ⁴தா கிங்னிதா³னா
 கிங்ஸமுத³யா கிங்ஜாதிகா கிங்பப⁴வாதி, இமேஸங் து³க்கா²னங் மூலங் புச்ச²தி
 ஹேதுங் புச்ச²தி நிதா³னங் புச்ச²தி ஸம்ப⁴வங் புச்ச²தி பப⁴வங் புச்ச²தி
 ஸமுட்டா²னங் புச்ச²தி ஆஹாரங் புச்ச²தி ஆரம்மணங் புச்ச²தி பச்சயங் புச்ச²தி
 ஸமுத³யங் புச்ச²தி பபுச்ச²தி யாசதி அஜ்ஜே³ஸதி பஸாதே³தீதி - குதோ நு
 து³க்கா² ஸமுதா³க³தா இமே.

யே கேசி லோகஸ்மிமனேகரூபாதி. யே கேசீதி ஸப்³பே³ன ஸப்³பங்
 ஸப்³புதா² ஸப்³பங் அஸேஸங் நிஸ்ஸேஸங் பரியாதி³யனவசனமேதங் - யே
 கேசீதி. லோகஸ்மிந்தி அபாயலோகே மனுஸ்ஸலோகே தே³வலோகே
 க²ந்த⁴லோகே தா⁴துலோகே ஆயதனலோகே. அனேகரூபாதி அனேகவிதா⁴
 நானாப்பகாரா து³க்கா²தி - யே கேசி லோகஸ்மிமனேகரூபா. தேனாஹ ஸோ
 ப்³ராஹ்மணோ -

“புச்சா²மி தங் ப⁴க³வா ப்³ருஹி மேதங், [இச்சாயஸ்மா மெத்தகூ³]
 மஞ்ஞாமி தங் வேதகூ³ பா⁴விதத்தங்;
 குதோ நு து³க்கா² ஸமுதா³க³தா இமே, யே கேசி
 லோகஸ்மிமனேகரூபா”தி.

19. து³க்க²ஸ்ஸ வே மங் பப⁴வங் அபுச்ச²ஸி, [மெத்தகூ³தி ப⁴க³வா]
 தங் தே பவக்கா²மி யதா² பஜானங்;
 உபதி⁴னிதா³னா பப⁴வந்தி து³க்கா², யே கேசி
 லோகஸ்மிமனேகரூபா.

து³க்க²ஸ்ஸ வே மங் பப⁴வங் அபுச்ச²ஸீதி. து³க்க²ஸ்ஸாதி
 ஜாதிது³க்க²ஸ்ஸ ஜராது³க்க²ஸ்ஸ ப்³யாதி⁴து³க்க²ஸ்ஸ மரணது³க்க²ஸ்ஸ
 ஸோகபரிதே³வது³க்க²தோ³மனஸ்ஸுபாயாஸது³க்க²ஸ்ஸ. பப⁴வங்

அபுச்சுஸீதி து³க்க²ஸ்ஸ மூலங் புச்சுஸி ஹேதுங் புச்சுஸி நிதா³னங் புச்சுஸி
 ஸம்ப⁴வங் புச்சுஸி பப⁴வங் புச்சுஸி ஸமுட்டா²னங் புச்சுஸி ஆஹாரங்
 புச்சுஸி ஆரம்மணங் புச்சுஸி பச்சயங் புச்சுஸி ஸமுத³யங் புச்சுஸி யாசஸி
 அஜ்ஜே²ஸஸி பஸாதே³ஸீதி - து³க்க²ஸ்ஸ வே மங் பப⁴வங் அபுச்சுஸி.
 மெத்தகூ³தி ப⁴க³வா தங் ப்ராஹ்மணங் நாமேன ஆலபதி. ப⁴க³வாதி
 கா³ரவாதி⁴வசனமேதங்...பே... ஸச்சிகா பஞ்ஞத்தி, யதி³த³ங் ப⁴க³வாதி -
 மெத்தகூ³தி ப⁴க³வா.

தங் தே பவக்கா²மி யதா² பஜானந்தி. தந்தி து³க்க²ஸ்ஸ மூலங் பவக்கா²மி
 ஹேதுங் பவக்கா²மி நிதா³னங் பவக்கா²மி ஸம்ப⁴வங் பவக்கா²மி பப⁴வங்
 பவக்கா²மி ஸமுட்டா²னங் பவக்கா²மி ஆஹாரங் பவக்கா²மி ஆரம்மணங்
 பவக்கா²மி பச்சயங் பவக்கா²மி ஸமுத³யங் பவக்கா²மி ஆசிக்கி²ஸ்ஸாமி
 தே³ஸெஸ்ஸாமி பஞ்ஞபெஸ்ஸாமி பட்ட²பெஸ்ஸாமி விவரிஸ்ஸாமி
 விப⁴ஜிஸ்ஸாமி உத்தானீகரிஸ்ஸாமி பகாஸெஸ்ஸாமீதி - தங் தே பவக்கா²மி.
 யதா² பஜானந்தி யதா² பஜானந்தோ ஆஜானந்தோ விஜானந்தோ
 படிவிஜானந்தோ படிவிஜ்ஜ²ந்தோ. ந இதிஹீதிஹங் ந இதிகிராய ந பரம்பராய ந
 பிடகஸம்பதா³ய [ந பிடகஸம்பதா³னேன \(க.\) மஹானி. 156](#) ந தக்கஹேது ந
 நயஹேது ந ஆகாரபரிவிதக்கேன ந தி³ட்டி²னிஜ்ஜா²னக்க²ந்தியா ஸாமங்
 ஸயமபி⁴ஞ்ஞாதங் அத்தபச்சக்க²த⁴ம்மங் தங் கத²யிஸ்ஸாமீதி - தங் தே
 பவக்கா²மி யதா² பஜானங்.

உபதி⁴னிதா³னா பப⁴வந்தி து³க்கா²தி. உபதீ⁴தி த³ஸ உபதீ⁴ -
 தண்ஹுபதி⁴, தி³ட்டி²பதி⁴, கிலேஸுபதி⁴, கம்முபதி⁴, து³ச்சரிதாபதி⁴,
 ஆஹாரூபதி⁴, படிக்கூ⁴பதி⁴, சதஸ்ஸோ உபாதி³ன்னதா⁴துயோ உபதீ⁴, ச²
 அஜ்ஜத்திகானி ஆயதனானி உபதீ⁴, ச² விஞ்ஞாணகாயா உபதீ⁴, ஸப்³பம்பி
 து³க்கங் து³க்க²மனட்டே²ன [து³க்க²ட்டே²ன \(ஸ்யா.\)](#) உபதி⁴. இமே வச்சந்தி
 த³ஸ உபதீ⁴. து³க்கா²தி ஜாதிது³க்கங் ஜராது³க்கங் ப்யாதி⁴து³க்கங்
 மரணது³க்கங் ஸோகபரிதே³வது³க்கதோ³மனஸ்ஸுபாயாஸது³க்கங் நேரயிகங்
 து³க்கங்...பே... தி³ட்டி²ப்யஸனங் து³க்கங். யேஸங் த⁴ம்மானங் ஆதி³தோ
 ஸமுதா³க³மனங் பஞ்ஞாயதி, அத்த²ங்க³மதோ நிரோதோ⁴ பஞ்ஞாயதி,
 கம்மஸன்னிஸ்ஸிதோ விபாகோ, விபாகஸன்னிஸ்ஸிதங் கம்மங்,
 நாமஸன்னிஸ்ஸிதங் ரூபங், ரூபஸன்னிஸ்ஸிதங் நாமங், ஜாதியா அனுக்³தங்,
 ஜராய அனுஸடங், ப்யாதி⁴னா அபி⁴பூ⁴தங், மரணேன அப்³பா⁴ஹதங்,
 து³க்கே² பதிட்டி²தங், அதாணங் அலேணங் அஸரணங் அஸரணீபூ⁴தங் - இமே
 வச்சந்தி து³க்கா². இமே து³க்கா² உபதி⁴னிதா³னா உபதி⁴ஹேதுகா
 உபதி⁴பச்சயா உபதி⁴காரணா ஹோந்தி பப⁴வந்தி ஸம்ப⁴வந்தி ஜாயந்தி
 ஸஞ்ஜாயந்தி நிப்³பத்தந்தி பாதுப⁴வந்தீதி - உபதி⁴னிதா³னா பப⁴வந்தி
 து³க்கா².

யே கேசி லோகஸ்மிமனேகருபாதி. யே கேசீதி ஸப்³பே³ன ஸப்³ப³ங் ஸப்³ப³தா² ஸப்³ப³ங் அஸேஸங் நிஸ்ஸேஸங் பரியாதி³யனவசனமேதங் - யே கேசீதி. லோகஸ்மிந்தி அபாயலோகே மனுஸ்ஸலோகே தே³வலோகே க²ந்த⁴லோகே தா⁴துலோகே ஆயதனலோகே. அனேகருபாதி அனேகவிதா⁴ நானப்பகாரா து³க்கா²தி - யே கேசி லோகஸ்மிமனேகருபா. தேனாஹ ப⁴க³வா -

“து³க்க²ஸ்ஸ வே மங் பப⁴வங் அபுச்ச²ஸி, [மெத்தகூ³தி ப⁴க³வா] தங் தே பவக்கா²மி யதா² பஜானங்; உபதி⁴னிதா³னா பப⁴வந்தி து³க்கா², யே கேசி லோகஸ்மிமனேகருபா”தி.

20. யோ வே அவித்³வா உபதி⁴ங் கரோதி, புனப்புனங் து³க்க²முபேதி மந்தோ³;
தஸ்மா பஜானங் உபதி⁴ங் ந கயிரா, து³க்க²ஸ்ஸ ஜாதிப்பப⁴வானுபஸ்ஸ.

யோ வே அவித்³வா உபதி⁴ங் கரோதீதி. யோதி யோ யாதி³ஸோ யதா²யுத்தோ யதா²விஹிதோ யதா²பகாரோ யங்டா²னப்பத்தோ யங்த⁴ம்மஸமன்னாக³தோ க²த்தியோ வா ப்³ராஹ்மணோ வா வெஸ்ஸோ வா ஸுத்³தோ³ வா க³ஹட்டோ² வா பப்³ப³ஜிதோ வா தே³வோ வா மனுஸ்ஸோ வா. அவித்³வாதி அவிஜ்ஜாக³தோ அஞ்ஞாணீ அவிபா⁴வீ து³ப்பஞ்ஞோ. உபதி⁴ங் கரோதீதி தண்ஹுபதி⁴ங் கரோதி, தி³ட்²பதி⁴ங் கரோதி, கிலேஸுபதி⁴ங் கரோதி, கம்முபதி⁴ங் கரோதி, து³ச்சரிதூபதி⁴ங் கரோதி, ஆஹாரூபதி⁴ங் கரோதி, படிகூ⁴பதி⁴ங் கரோதி, சதஸ்ஸோ உபாதி³ன்னதா⁴துயோ உபதீ⁴ கரோதி, ச² அஜ்ஜ²த்திகானி ஆயதனானி உபதீ⁴ கரோதி, ச² விஞ்ஞாணகாயே உபதீ⁴ கரோதி ஜனேதி ஸஞ்ஜனேதி நிப்³புத்தேதி அபி⁴னிப்³புத்தேதீதி - அவித்³வா உபதி⁴ங் கரோதி.

புனப்புனங் து³க்க²முபேதி மந்தோ³தி புனப்புனங் ஜாதிது³க்க²ங் ஜராது³க்க²ங் ப்³யாதி⁴து³க்க²ங் மரணது³க்க²ங் ஸோகபரிதே³வது³க்க²தோ³மனஸ்ஸுபாயாஸது³க்க²ங் ஏதி ஸமுபேதி உபகச்ச²தி க³ண்ஹாதி பராமஸதி அபி⁴னிவிஸதீதி - புனப்புனங் து³க்க²முபேதி. மந்தோ³தி மந்தோ³ மோமுஹோ அவித்³வா அவிஜ்ஜாக³தோ அஞ்ஞாணீ அவிபா⁴வீ து³ப்பஞ்ஞோதி - புனப்புனங் து³க்க²முபேதி மந்தோ³.

தஸ்மா பஜானங் உபதி⁴ங் ந கயிராதி. தஸ்மாதி தங்காரணா தங்ஹேது தப்பச்சயா தங்னிதா³னா ஏதங் ஆதீ³னவங் ஸம்பஸ்ஸமானோ உபதீ⁴ஸுதி தஸ்மா. பஜானந்தி பஜானந்தோ ஆஜானந்தோ விஜானந்தோ படிவிஜானந்தோ படிவிஜ்ஜந்தோ, “ஸப்³பே³ ஸங்கா²ரா அனிச்சா”தி பஜானந்தோ ஆஜானந்தோ

விஜானந்தோ படிவிஜானந்தோ படிவிஜ்ஜந்தோ , “ஸப்³பே³ ஸங்கா²ரா
 து³க்கா²”தி...பே... “ஸப்³பே³ த⁴ம்மா அனத்தா”தி...பே... “யங் கிஞ்சி
 ஸமுத³யத⁴ம்மங் ஸப்³பங் தங் நிரோத⁴த⁴ம்ம”ந்தி பஜானந்தோ
 ஆஜானந்தோ விஜானந்தோ படிவிஜானந்தோ படிவிஜ்ஜந்தோ. உபதி⁴ங் ந
 கயிராதி தண்ஹுபதி⁴ங் ந கரெய்ய, தி³ட்டு²பதி⁴ங் ந கரெய்ய,
 கிலேஸுபதி⁴ங் ந கரெய்ய, து³ச்சரிதூபதி⁴ங் ந கரெய்ய, ஆஹாரூபதி⁴ங் ந
 கரெய்ய, படிகூ⁴பதி⁴ங் ந கரெய்ய, சதஸ்ஸோ உபாதி³ன்னதா⁴துயோ உபதீ⁴
 ந கரெய்ய, ச² அஜ்ஜ²த்திகானி ஆயதனானி உபதீ⁴ ந கரெய்ய, ச²
 விஞ்ஞாணகாயே உபதீ⁴ ந கரெய்ய, ந ஜனெய்ய ந ஸஞ்ஜனெய்ய ந
 நிப்³பத்தெய்ய நாபி⁴னிப்³பத்தெய்யாதி - தஸ்மா பஜானங் உபதி⁴ங் ந கயிரா.

து³க்க²ஸ்ஸாதி ஜாதிது³க்க²ஸ்ஸ ஜராது³க்க²ஸ்ஸ ப்யாதி⁴து³க்க²ஸ்ஸ
 மரணது³க்க²ஸ்ஸ ஸோகபரிதே³வது³க்க²தோ³மனஸ்ஸுபாயாஸது³க்க²ஸ்ஸ.
 பப⁴வானுபஸ்ஸீதி து³க்க²ஸ்ஸ மூலானுபஸ்ஸீ ஹேதானுபஸ்ஸீ
 நிதா³னானுபஸ்ஸீ ஸம்ப⁴வானுபஸ்ஸீ பப⁴வானுபஸ்ஸீ
 ஸமுட்டா²னானுபஸ்ஸீ ஆஹாரானுபஸ்ஸீ ஆரம்மணானுபஸ்ஸீ
 பச்சயானுபஸ்ஸீ ஸமுத³யானுபஸ்ஸீ. அனுபஸ்ஸனா வுச்சதி ஞாணங். யா
 பஞ்ஞா பஜானநா...பே... அமோஹோ த⁴ம்மவிசயோ ஸம்மாதி³ட்டி². இமாய
 அனுபஸ்ஸனாய பஞ்ஞாய உபேதோ ஹோதி ஸமுபேதோ உபாக³தோ
 ஸமுபாக³தோ உபபன்னோ ஸமுபபன்னோ ஸமன்னாக³தோ. ஸோ வுச்சதி
 அனுபஸ்ஸீதி - து³க்க²ஸ்ஸ ஜாதிப்பப⁴வானுபஸ்ஸீ. தேனாஹ ப⁴க³வா -

“யோ வே அவித்³வா உபதி⁴ங் கரோதி, புனப்புனங் து³க்க²முபேதி
 மந்தோ³;
 தஸ்மா பஜானங் உபதி⁴ங் ந கயிரா, து³க்க²ஸ்ஸ
 ஜாதிப்பப⁴வானுபஸ்ஸீ”தி.

21. யங் தங் அபுச்சி²ம்ஹ அகித்தயீ நோ, அஞ்ஞங் தங் புச்சா²ம
 ததி³ங்க⁴ ப்³ருஹி;
 கத²ங் நு தீ⁴ரா விதரந்தி ஓக⁴ங், ஜாதிங் ஜரங் ஸோகபரித்³த³வஞ்ச;
 தங் மே முனீ ஸாது⁴ வியாகரோஹி, ததா² ஹி தே விதி³தோ ஏஸ
 த⁴ம்மோ.

யங் தங் அபுச்சி²ம்ஹ அகித்தயீ நோதி யங் தங் அபுச்சி²ம்ஹ அயாசிம்ஹ
 அஜ்ஜே²ஸிம்ஹ பஸாத³யிம்ஹ. அகித்தயீ நோதி கித்திதங் [அகித்தி தங்
 (ஸ்யா.) ஏவமீதி³ஸேஸு பதே³ஸு அதீதவிப⁴த்திவஸேன மஹானி. 110]
 பகித்திதங் ஆசிக்கி²தங் தே³ஸிதங் பஞ்ஞபிதங் [பஞ்ஞாபிதங் (க.)] பட்ட²பிதங்

விவரிதங் விபுத்தங் உத்தானிகதங் பகாஸிதந்தி - யங் தங் அபுச்சிம்ஹ
அகித்தயீ நோ.

அஞ்ஞங் தங் புச்சா²ம ததி³ங்க⁴ ப்³ருஹீதி அஞ்ஞங் தங் புச்சா²ம,
அஞ்ஞங் தங் யாசாம, அஞ்ஞங் தங் அஜ்ஜே²ஸாம, அஞ்ஞங் தங் பஸாதே³ம,
உத்தரி தங் புச்சா²ம. ததி³ங்க⁴ ப்³ருஹீதி இங்க⁴ ப்³ருஹி ஆசிக்கா²ஹி
தே³ஸேஹி பஞ்ஞபேஹி பட்ட²பேஹி விவராஹி விபு⁴ஜாஹி
உத்தானிகரோஹி பகாஸேஹீதி - அஞ்ஞங் தங் புச்சா²ம ததி³ங்க⁴ ப்³ருஹி.

கத²ங் நு தீ⁴ரா விதரந்தி ஓக⁴ங், ஜாதிங் ஜரங் ஸோகபரித்³த³வஞ்சாதி.
கத²ங் நூதி ஸங்ஸயபுச்சா² விமதிபுச்சா² த்³வெள்ஹகபுச்சா² அனேகங்ஸபுச்சா² -
“ஏவங் நு கோ², நனு கோ², கிங் நு கோ², கத²ங் நு கோ²”தி - கத²ங் நு. தீ⁴ராதி
தீ⁴ரா பண்டி³தா பஞ்ஞவந்தோ புத்³தி⁴மந்தோ ஞாணினோ விபா⁴வினோ
மேதா⁴வினோ . ஓக⁴ந்தி காமோக⁴ங் ப⁴வோக⁴ங் தி³ட்டோ²க⁴ங்
அவிஜ்ஜோக⁴ங். ஜாதீதி யா தேஸங் தேஸங் ஸத்தானங் தம்ஹி தம்ஹி
ஸத்தனிகாயே ஜாதி ஸஞ்ஜாதி ஓக்கந்தி நிப்³புத்தி அபி⁴னிப்³புத்தி
க²ந்தா⁴னங் பாதுபா⁴வோ ஆயதனானங் படிலாபோ⁴. ஜராதி யா தேஸங்
தேஸங் ஸத்தானங் தம்ஹி தம்ஹி ஸத்தனிகாயே ஜரா ஜீரணதா க²ண்டி³ச்சங்
பாலிச்சங் வலித்தசதா ஆயுனோ ஸங்ஹானி இந்த³ரியானங் பரிபாகோ.
ஸோகோதி ஞாதிப்³யஸனேன வா புட்ட²ஸ்ஸ போ⁴க³ப்³யஸனேன வா
புட்ட²ஸ்ஸ ரோக³ப்³யஸனேன வா புட்ட²ஸ்ஸ ஸீலப்³யஸனேன வா
புட்ட²ஸ்ஸ தி³ட்டி²ப்³யஸனேன வா புட்ட²ஸ்ஸ அஞ்ஞதரஞ்ஞதரேன
ப்³யஸனேன வா ஸமன்னாக³தஸ்ஸ அஞ்ஞதரஞ்ஞதரேன து³க்க²த⁴ம்மேன
வா புட்ட²ஸ்ஸ ஸோகோ ஸோசனா ஸோசிதத்தங் அந்தோஸோகோ
அந்தோபரிஸோகோ அந்தோடா³ஹோ அந்தோபரிடா³ஹோ சேதஸோ
பரிஜ்ஜா²யனா தோ³மனஸ்ஸங் ஸோகஸல்லங். பரிதே³வோதி
ஞாதிப்³யஸனேன வா புட்ட²ஸ்ஸ போ⁴க³ப்³யஸனேன வா புட்ட²ஸ்ஸ
ரோக³ப்³யஸனேன வா புட்ட²ஸ்ஸ ஸீலப்³யஸனேன வா புட்ட²ஸ்ஸ
தி³ட்டி²ப்³யஸனேன வா புட்ட²ஸ்ஸ அஞ்ஞதரஞ்ஞதரேன ப்³யஸனேன வா
ஸமன்னாக³தஸ்ஸ அஞ்ஞதரஞ்ஞதரேன து³க்க²த⁴ம்மேன வா புட்ட²ஸ்ஸ
ஆதே³வோ பரிதே³வோ ஆதே³வனா பரிதே³வனா ஆதே³விதத்தங்
பரிதே³விதத்தங் வாசா பலாபோ [லாபோ பலாபோ (ஸ்யா.)
த⁴ம்மஸங்க³ணியே] விப்பலாபோ லாலப்போ லாலப்பனா லாலப்பிதத்தங்
[லாலப்பாயனா லாலப்பாயிதத்தங் (பு³ஹுஸு) ஜராஸுத்தனித்³தே³ஸட்ட²கதா²
ஓலோகேதப்³பா³].

கத²ங் நு தீ⁴ரா விதரந்தி ஓக⁴ங், ஜாதிங் ஜரங் ஸோகபரித்³த³வஞ்சாதி
தீ⁴ரா கத²ங் ஓக⁴ஞ்ச ஜாதிஞ்ச ஜரஞ்ச ஸோகஞ்ச பரிதே³வஞ்ச தரந்தி

உத்தரந்தி பதரந்தி ஸமதிக்கமந்தி வீதிவத்தந்தீதி - கத²ங் நு தீ⁴ரா விதரந்தி
ஓக⁴ங், ஜாதிங் ஜரங் ஸோகபரித்³த³வஞ்ச.

தங் மே முனீ ஸாது⁴ வியாகரோஹீதி. தந்தி யங் புச்சா²மி யங் யாசாமி
யங் அஜ்ஜே²ஸாமி யங் பஸாதே³மி. முனீதி மோனங் வுச்சதி ஞாணங் . யா
பஞ்ஞா பஜானநா...பே... அமோஹோ த⁴ம்மவிசயோ ஸம்மாதி³ட்டி². ப⁴க³வா
தேன ஞாணேன ஸமன்னாக³தோ முனி மோனப்பத்தோ. தீணி மோனெய்யானி -
காயமோனெய்யங் வசீமோனெய்யங் மனோமோனெய்யங்.

கதமங் காயமோனெய்யங்? திவிதா⁴னங் காயது³ச்சரிதானங் பஹானங்
காயமோனெய்யங். திவித⁴ங் காயஸுசரிதங் காயமோனெய்யங்.
காயாரம்மணே ஞாணங் காயமோனெய்யங். காயபரிஞ்ஞா காயமோனெய்யங்.
பரிஞ்ஞாஸஹக³தோ மக்³கோ³ காயமோனெய்யங். காயே ச²ந்த³ராக³ஸ்ஸ
பஹானங் காயமோனெய்யங். காயஸங்கா²ரனிரோதோ⁴
சதுத்த²ஜ்ஜா²னஸமாபத்தி காயமோனெய்யங். இத³ங் காயமோனெய்யங்.

கதமங் வசீமோனெய்யங்? சதுப்³பி³தா⁴னங் வசீது³ச்சரிதானங் பஹானங்
வசீமோனெய்யங். சதுப்³பி³த⁴ங் வசீஸுசரிதங் வசீமோனெய்யங்.
வாசாரம்மணே ஞாணங் வசீமோனெய்யங். வாசாபரிஞ்ஞா வசீமோனெய்யங்.
பரிஞ்ஞாஸஹக³தோ மக்³கோ³ வசீமோனெய்யங். வாசாய ச²ந்த³ராக³ஸ்ஸ
பஹானங் வசீமோனெய்யங். வசீஸங்கா²ரனிரோதோ⁴ து³தியஜ்ஜா²னஸமாபத்தி
வசீமோனெய்யங். இத³ங் வசீமோனெய்யங்.

கதமங் மனோமோனெய்யங்? திவிதா⁴னங் மனோது³ச்சரிதானங் பஹானங்
மனோமோனெய்யங். திவித⁴ங் மனோஸுசரிதங் மனோமோனெய்யங்.
சித்தாரம்மணே ஞாணங் மனோமோனெய்யங். சித்தபரிஞ்ஞா
மனோமோனெய்யங். பரிஞ்ஞாஸஹக³தோ மக்³கோ³ மனோமோனெய்யங்.
சித்தே ச²ந்த³ராக³ஸ்ஸ பஹானங் மனோமோனெய்யங்.
சித்தஸங்கா²ரனிரோதோ⁴ ஸஞ்ஞாவேத³யிதனிரோத⁴ஸமாபத்தி
மனோமோனெய்யங். இத³ங் மனோமோனெய்யங் .

காயமுனிங் வசீமுனிங் [வாசாமுனிங் (ப³ஹுஸு) இதிவு. 67],
மனோமுனிமனாஸவங்;
முனிங் மோனெய்யஸம்பன்னங், ஆஹு ஸப்³ப³ப்பஹாயினங்.

காயமுனிங் வசீமுனிங், மனோமுனிமனாஸவங்;
முனிங் மோனெய்யஸம்பன்னங், ஆஹு நின்ஹாதபாபகந்தி.

இமேஹி தீஹி மோனெய்யேஹி த⁴ம்மேஹி ஸமன்னாக³தா. ச²
முனினோ [முனயோ (ஸ்யா.) மஹானி. 14] - அகா³ரமுனினோ,

அனகா³ரமுனினோ, ஸேக²முனினோ [ஸேக்க²முனினோ (ஸ்யா. க.)],
அஸேக²முனினோ, பச்சேகமுனினோ முனிமுனினோதி. கதமே
அகா³ரமுனினோ? யே தே அகா³ரிகா தி³ட்ட²பதா³ விஞ்ஞாதஸாஸனா - இமே
அகா³ரமுனினோ. கதமே அனகா³ரமுனினோ? யே தே பப்³ப³ஜிதா தி³ட்ட²பதா³
விஞ்ஞாதஸாஸனா - இமே அனகா³ரமுனினோ. ஸத்த ஸேகா²
ஸேக²முனினோ. அரஹந்தோ அஸேக²முனினோ. பச்சேகஸம்பு³த்தா⁴
பச்சேகமுனினோ. ததா²க³தா அரஹந்தோ ஸம்மாஸம்பு³த்தா⁴ முனிமுனினோ.

ந மோனேன முனீ [முனி (ஸ்யா. க.) த⁴. ப. 268] ஹோதி,
மூள்ஹருபோ அவித்³த³ஸு;
யோ ச துலங்வ பக்³க³ய்ஹ, வரமாதா³ய பண்டி³தோ.

பாபானி பரிவஜ்ஜேதி, ஸ முனீ தேன ஸோ முனி;
யோ முனாதி உபோ⁴ லோகே, முனி தேன பவுச்சதி.

அஸதஞ்ச ஸதஞ்ச ஞத்வா த⁴ம்மங், அஜ்ஜ²த்தங் ப³ஹித்³தா⁴ ச
ஸப்³ப³லோகே;
தே³வமனுஸ்ஸேஹி பூஜனீயோ [பூஜிதோ (ஸ்யா. க.) மஹானி. 14],
ஸங்க³ஜாலமதிச்ச [ஸங்க³ ஜாலமதிச்ச, ஸு. நி. 532] ஸோ முனீதி.

ஸாது⁴ வியாகரோஹீதி தங் ஸாது⁴ ஆசிக்கா²ஹி தே³ஸேஹி
பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி
பகாஸேஹீதி - தங் மே முனீ ஸாது⁴ வியாகரோஹி. ததா² ஹி தே விதி³தோ
ஏஸ த⁴ம்மோதி ததா² ஹி தே விதி³தோ துலிதோ தீரிதோ விபு⁴தோ
விபா⁴விதோ ஏஸ த⁴ம்மோதி - ததா² ஹி தே விதி³தோ ஏஸ த⁴ம்மோ.
தேனாஹ ஸோ ப்³ராஹ்மணோ -

“யங் தங் அபுச்சி²ம்ஹ அகித்தயீ நோ, அஞ்ஞங் தங் புச்சா²ம ததி³ங்க⁴
ப்³ருஹி;
கத²ங் நு தீ⁴ரா விதரந்தி ஓக⁴ங், ஜாதிங் ஜரங் ஸோகபரித்³த³வஞ்ச;
தங் மே முனீ ஸாது⁴ வியாகரோஹி, ததா² ஹி தே விதி³தோ ஏஸ
த⁴ம்மோ”தி.

22. கித்தயிஸ்ஸாமி தே த⁴ம்மங், [மெத்தகூ³தி ப⁴க³வா]
தி³ட்டே² த⁴ம்மே அனீதிஹங்;
யங் விதி³த்வா ஸதோ சரங், தரே லோகே விஸத்திகங்.

கித்தயிஸ்ஸாமி தே த⁴ம்மந்தி. த⁴ம்மந்தி ஆதி³கல்யாணங்
மஜ்ஜே²கல்யாணங் பரியோஸானகல்யாணங் ஸாத்த²ங் ஸப்³யஞ்ஜனங்
கேவலபரிபுண்ணங் பரிஸுத்³த⁴ங் ப்³ரஹ்மசரியங், சத்தாரோ ஸதிபட்டா²னே,

சத்தாரோ ஸம்மப்பதா⁴னே, சத்தாரோ இத்³தி⁴பாதே³ , பஞ்சிந்த்³ரியானி, பஞ்ச
ப³லானி, ஸத்த பொ³ஜ்ஜ²ங்கே³, அரியங் அட்ட²ங்கிகங் மக்³கங், நிப்³பா³னஞ்ச,
நிப்³பா³னகா³மினிஞ்ச படிபதங் கித்தயிஸ்ஸாமி ஆசிக்கி²ஸ்ஸாமி
தே³ஸெஸ்ஸாமி பஞ்ஞபெஸ்ஸாமி பட்ட²பெஸ்ஸாமி விவரிஸ்ஸாமி
விப⁴ஜிஸ்ஸாமி உத்தானீகரிஸ்ஸாமி பகாஸிஸ்ஸாமீதி - கித்தயிஸ்ஸாமி தே
த⁴ம்மங். மெத்தகூ³தி ப⁴க³வா தங் ப்³ராஹ்மணங் நாமேன ஆலபதி.

தி³ட்டே² த⁴ம்மே அனீதிஹந்தி. தி³ட்டே² த⁴ம்மேதி தி³ட்டே² த⁴ம்மே
ஞாதே த⁴ம்மே துலிதே த⁴ம்மே தீரிதே த⁴ம்மே விபு⁴தே த⁴ம்மே
விபா⁴விதே த⁴ம்மே ஸப்³பே³ ஸங்கா²ரா அனிச்சாதி...பே... யங் கிஞ்சி
ஸமுத³யத⁴ம்மங் ஸப்³பங் தங் நிரோத⁴த⁴ம்மந்தி தி³ட்டே² த⁴ம்மே ஞாதே
த⁴ம்மே துலிதே த⁴ம்மே தீரிதே த⁴ம்மே விபு⁴தே த⁴ம்மே விபா⁴விதே
த⁴ம்மேதி - ஏவம்பி தி³ட்டே² த⁴ம்மே கத²யிஸ்ஸாமி. அத² வா, து³க்கே²
தி³ட்டே² து³க்கங் கத²யிஸ்ஸாமி, ஸமுத³யே தி³ட்டே² ஸமுத³யங்
கத²யிஸ்ஸாமி, மக்³கே³ தி³ட்டே² மக்³கங் கத²யிஸ்ஸாமி, நிரோதே⁴ தி³ட்டே²
நிரோத⁴ங் கத²யிஸ்ஸாமீதி - ஏவம்பி தி³ட்டே² த⁴ம்மே கத²யிஸ்ஸாமி. அத²
வா, தி³ட்டே² த⁴ம்மே ஸந்தி³ட்டிகங் அகாலிகங் ஏஹிபஸ்ஸிகங்
ஓபனெய்யிகங் பச்சத்தங் வேதி³தப்³பங் விஞ்ஞாஹீதி - ஏவம்பி தி³ட்டே²
த⁴ம்மே கத²யிஸ்ஸாமீதி தி³ட்டே² த⁴ம்மே. அனீதிஹந்தி ந இதிஹீதிஹங் ந
இதிகிராய ந பரம்பராய ந பிடகஸம்பதா³ய ந தக்கஹேது ந நயஹேது ந
ஆகாரபரிவிதக்கேன ந தி³ட்டி²னிஜ்ஜா²னக்க²ந்தியா, ஸாமங் ஸயமபி⁴ஞ்ஞாதங்
அத்தபச்சக்க²த⁴ம்மங், தங் கத²யிஸ்ஸாமீதி - தி³ட்டே² த⁴ம்மே அனீதிஹங்.

யங் விதி³த்வா ஸதோ சரந்தி யங் விதி³தங் கத்வா துலயித்வா தீரயித்வா
விபா⁴வயித்வா விபு⁴தங் கத்வா, “ஸப்³பே³ ஸங்கா²ரா அனிச்சா”தி விதி³தங்
கத்வா துலயித்வா தீரயித்வா விபா⁴வயித்வா விபு⁴தங் கத்வா, “ஸப்³பே³
ஸங்கா²ரா து³க்கா²”தி... “ஸப்³பே³ த⁴ம்மா அனத்தா”தி...பே... “யங் கிஞ்சி
ஸமுத³யத⁴ம்மங் ஸப்³பங் தங் நிரோத⁴த⁴ம்ம”ந்தி விதி³தங் கத்வா
துலயித்வா தீரயித்வா விபா⁴வயித்வா விபு⁴தங் கத்வா. ஸதோதி சதூஹி
காரணேஹி ஸதோ - காயே காயானுபஸ்ஸனாஸதிபட்டா²னங் பா⁴வெந்தோ
ஸதோ...பே... ஸோ வுச்சதி ஸதோ. சரந்தி சரந்தோ விஹரந்தோ இரியந்தோ
வத்தெந்தோ பாலெந்தோ யபெந்தோ யாபெந்தோதி - யங் விதி³த்வா ஸதோ
சரங்.

தரே லோகே விஸத்திகந்தி விஸத்திகா வுச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங். விஸத்திகாதி
கேனட்டே²ன விஸத்திகா? விஸதாதி விஸத்திகா, விஸாலாதி விஸத்திகா,
விஸடாதி விஸத்திகா, விஸமாதி விஸத்திகா, விஸக்கதீதி விஸத்திகா,
விஸங்ஹரதீதி விஸத்திகா, விஸங்வாதிகாதி விஸத்திகா, விஸமூலாதி

விஸத்திகா, விஸப²லாதி விஸத்திகா, விஸபரிபோ⁴கா³தி விஸத்திகா,
விஸாலா வா பன ஸா தண்ஹா ரூபே ஸத்³தே³ க³ந்தே⁴ ரஸே
பொ²ட்ட²ப்³பே³ குலே க³ணே ஆவாலே லாபே⁴ யஸே பஸங்ஸாய ஸுகே²
சீவரே பிண்ட³பாதே ஸேனாஸனே கி³லானபச்சயபே⁴ஸஜ்ஜபரிக்கா²ரே
காமதா⁴துயா ரூபதா⁴துயா அரூபதா⁴துயா காமப⁴வே ரூபப⁴வே
அரூபப⁴வே ஸஞ்ஞாப⁴வே அஸஞ்ஞாப⁴வே
நேவஸஞ்ஞானாஸஞ்ஞாப⁴வே ஏகவோகாரப⁴வே சதுவோகாரப⁴வே
பஞ்சவோகாரப⁴வே அதீதே அனாக³தே பச்சப்பன்னை
தி³ட்ட²ஸுதமுதவிஞ்ஞாதப்³பே³ஸு த⁴ம்மேஸு விஸடா வித்த²தாதி
விஸத்திகா. லோகேதி அபாயலோகே மனுஸ்ஸலோகே தே³வலோகே
க³ந்த⁴லோகே தா⁴துலோகே ஆயதனலோகே. தரே லோகே விஸத்திகந்தி
லோகே வேஸா விஸத்திகா [யா ஸா லோகே விஸத்திகா (ஸ்யா.)
காமஸுத்தனித்³தே³ஸட்ட²கதா² ஓலோகேதப்³பா³], லோகே வேதங் விஸத்திகங்
ஸதோ தரெய்ய உத்தரெய்ய பதரெய்ய ஸமதிக்கமெய்ய வீதிவத்தெய்யாதி -
தரே லோகே விஸத்திகங். தேனாஹ ப⁴க³வா -

“கித்தயிஸ்ஸாமி தே த⁴ம்மங், [மெத்தகூ³தி ப⁴க³வா]
தி³ட்டே² த⁴ம்மே அனீதிஹங்;
யங் விதி³த்வா ஸதோ சரங், தரே லோகே விஸத்திக”ந்தி.

23. தஞ்சாஹங் அபி⁴னந்தா³மி, மஹேஸி த⁴ம்மமுத்தமங்;
யங் விதி³த்வா ஸதோ சரங், தரே லோகே விஸத்திகங்.

தஞ்சாஹங் அபி⁴னந்தா³மீதி. தந்தி துய்ஹங் வசனங் ப்யப்பத²ங்
[ப்யபத²ங் (ஸ்யா. க.)] தே³ஸனங் அனுஸாஸனங் அனுஸிட்ட²ங் [தே³ஸனங்
அனுஸந்தி⁴ (ஸ்யா.)]. நந்தா³மீதி அபி⁴னந்தா³மி மோதா³மி அனுமோதா³மி
இச்சா²மி ஸாதி³யாமி யாசாமி பத்த²யாமி பிஹயாமி அபி⁴ஜப்பாமீதி -
தஞ்சாஹங் அபி⁴னந்தா³மி.

மஹேஸி த⁴ம்மமுத்தமந்தி. மஹேஸீதி கிங் மஹேஸி ப⁴க³வா,
மஹந்தங் ஸீலக்க²ந்த⁴ங் ஏஸீ க³வேஸீ [ஏஸி க³வேஸி (ஸ்யா.) மஹானி.
150] பரியேஸீதி மஹேஸி, மஹந்தங் ஸமாதி⁴க்க²ந்த⁴ங்...பே... மஹந்தங்
பஞ்ஞாக்க²ந்த⁴ங்... மஹந்தங் விமுத்திக்க²ந்த⁴ங்... மஹந்தங்
விமுத்திஞாணத³ஸ்ஸனக்க²ந்த⁴ங் ஏஸீ க³வேஸீ பரியேஸீதி மஹேஸி,
மஹதோ தமோகாயஸ்ஸ பதா³லனங் ஏஸீ க³வேஸீ பரியேஸீதி மஹேஸி,
மஹதோ விபல்லாஸஸ்ஸ பபே⁴த³னங் ஏஸீ க³வேஸீ பரியேஸீதி மஹேஸி,
மஹதோ தண்ஹாஸல்லஸ்ஸ அப்³பு³ஹனங் [அப்³பு³ஹனங் (ப³ஹுஸு),
அப்³பு³ஹங் (ஸீ. அட்ட².)] ஏஸீ க³வேஸீ பரியேஸீதி மஹேஸி, மஹதோ
தி³ட்ட²ஸங்கா⁴தஸ்ஸ வினிவேட²னங் ஏஸீ க³வேஸீ பரியேஸீதி மஹேஸி,

மஹதோ மானத⁴ஜஸ்ஸ பபாதனங் ஏஸ் க³வேஸ் பரியேஸீதி மஹேஸி,
மஹதோ அபி⁴ஸங்கா²ரஸ்ஸ ஓபஸமங் ஏஸ் க³வேஸ் பரியேஸீதி
மஹேஸி, மஹதோ ஓக⁴ஸ்ஸ நித்த²ரணங் ஏஸ் க³வேஸ் பரியேஸீதி
மஹேஸி, மஹதோ பா⁴ரஸ்ஸ நிக்கே²பனங் ஏஸ் க³வேஸ் பரியேஸீதி
மஹேஸி, மஹதோ ஸங்ஸாரவட்டஸ்ஸ உபச்சே²த³ங் ஏஸ் க³வேஸ்
பரியேஸீதி மஹேஸி, மஹதோ ஸந்தாபஸ்ஸ நிப்³பா³பனங் ஏஸ் க³வேஸ்
பரியேஸீதி மஹேஸி, மஹதோ பரிளாஹஸ்ஸ படிப்பஸ்ஸத்தி⁴ங் ஏஸ்
க³வேஸ் பரியேஸீதி மஹேஸி, மஹதோ த⁴ம்மத⁴ஜஸ்ஸ உஸ்ஸாபனங்
ஏஸ் க³வேஸ் பரியேஸீதி மஹேஸி, மஹந்தே ஸதிபட்டா²னே...பே... மஹந்தே
ஸம்மப்பதா⁴னே... மஹந்தே இத்தி⁴பாதே³... மஹந்தானி இந்த³ரியானி...
மஹந்தானி ப³லானி... மஹந்தே பொ³ஜ்ஜ²ங்கே³... மஹந்தங் அரியங்
அட்ட²ங்கி³கங் மக்³க³ங்... மஹந்தங் பரமத்த²ங் அமதங் நிப்³பா³னங் ஏஸ்
க³வேஸ் பரியேஸீதி மஹேஸி, மஹேஸக்கே²ஹி ஸத்தேஹி ஏஸிதோ
க³வேஸிதோ பரியேஸிதோ - “கஹங் புத்³தோ⁴, கஹங் ப⁴க³வா, கஹங்
தே³வதே³வோ, கஹங் நராஸபோ⁴”தி மஹேஸி. த⁴ம்மமுத்தமந்தி
த⁴ம்மமுத்தங்மங் வச்சதி அமதங் நிப்³பா³னங். யோ ஸோ
ஸப்³ப³ஸங்கா²ரஸமதோ² ஸப்³பூ³பதி⁴படினிஸ்ஸக்கோ³ தண்ஹக்க²யோ
விராகோ³ நிரோதோ⁴ நிப்³பா³னங். உத்தமந்தி அக்³க³ங் ஸெட்ட²ங்
விஸெட்ட²ங் பாமொக்க²ங் உத்தமங் பவரங் த⁴ம்மந்தி - மஹேஸி
த⁴ம்மமுத்தமங்.

யங் விதி³த்வா ஸதோ சரந்தி விதி³தங் கத்வா துலயித்வா தீரயித்வா
விபா⁴வயித்வா விபூ⁴தங் கத்வா, “ஸப்³பே³ ஸங்கா²ரா அனிச்சா”தி விதி³தங்
கத்வா துலயித்வா தீரயித்வா விபா⁴வயித்வா விபூ⁴தங் கத்வா, “ஸப்³பே³
ஸங்கா²ரா துக்கா²”தி... “ஸப்³பே³ த⁴ம்மா அனத்தா”தி...பே... “யங் கிஞ்சி
ஸமுத³யத⁴ம்மங் ஸப்³ப³ங் தங் நிரோத⁴த⁴ம்ம”ந்தி விதி³தங் கத்வா
துலயித்வா தீரயித்வா விபா⁴வயித்வா விபூ⁴தங் கத்வா. ஸதோதி சதூஹி
காரணேஹி ஸதோ - காயே காயானுபஸ்ஸனாஸதிபட்டா²னங் பா⁴வெந்தோ
ஸதோ, வேத³னாஸ...பே... சித்தே... த⁴ம்மேஸு...
த⁴ம்மானுபஸ்ஸனாஸதிபட்டா²னங் பா⁴வெந்தோ ஸதோ... ஸோ வச்சதி
ஸதோ. சரந்தி சரந்தோ விஹரந்தோ இரியந்தோ வத்தெந்தோ பாலெந்தோ
யபெந்தோ யாபெந்தோதி - யங் விதி³த்வா ஸதோ சரங்.

தரே லோகே விஸத்திகந்தி விஸத்திகா வச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங். விஸத்திகாதி
கேனட்டே²ன விஸத்திகா...பே... விஸடா வித்த²தாதி விஸத்திகா. லோகேதி
அபாயலோகே...பே... ஆயதனலோகே. தரே லோகே விஸத்திகந்தி லோகே
வேஸா விஸத்திகா, லோகே வேதங் விஸத்திகங் ஸதோ தரெய்ய உத்தரெய்ய

பதரெய்ய ஸமதிக்கமெய்ய வீதிவத்தெய்யாதி - தரே லோகே விஸத்திகங்.
தேனாஹ ஸோ ப்ராஹ்மணோ -

“தஞ்சாஹங் அபி⁴னந்தா³மி, மஹேஸி த⁴ம்மமுத்தமங்;
யங் விதி³த்வா ஸதோ சரங், தரே லோகே விஸத்திக”ந்தி.

24. யங் கிஞ்சி ஸம்பஜானாஸி, [மெத்தக்³தி ப⁴க்³வா]
உத்³த⁴ங் அதோ⁴ திரியஞ்சாபி மஜ்ஜே²;
ஏதேஸு நந்தி³ஞ்ச நிவேஸனஞ்ச, பனுஜ்ஜ விஞ்ஞாணங் ப⁴வே ந
திட்டே².

யங் கிஞ்சி ஸம்பஜானாஸீதி யங் கிஞ்சி பஜானாஸி ஆஜானாஸி
விஜானாஸி படிவிஜானாஸி படிவிஜ்ஜ²ஸீதி - யங் கிஞ்சி ஸம்பஜானாஸி.
மெத்தக்³தி ப⁴க்³வா தங் ப்ராஹ்மணங் நாமேன ஆலபதி. ப⁴க்³வாதி
கா³ரவாதி⁴வசனமேதங்...பே... ஸச்சி²கா பஞ்ஞத்தி, யதி³த³ங் ப⁴க்³வாதி -
மெத்தக்³தி ப⁴க்³வா.

உத்³த⁴ங் அதோ⁴ திரியஞ்சாபி மஜ்ஜே²தி. உத்³த⁴ந்தி அனாக³தங்
[உத்³த⁴ங் வச்சதி அனாக³தங் (ஸ்யா. க.)]; அதோ⁴தி அதீதங்; திரியஞ்சாபி
மஜ்ஜே²தி பச்சப்பன்னங். உத்³த⁴ந்தி தே³வலோகோ; அதோ⁴தி நிரயலோகோ;
திரியஞ்சாபி மஜ்ஜே²தி மனுஸ்ஸலோகோ. அத² வா, உத்³த⁴ந்தி குஸலா
த⁴ம்மா; அதோ⁴தி அகுஸலா த⁴ம்மா; திரியஞ்சாபி மஜ்ஜே²தி அப்யாகதா
த⁴ம்மா. உத்³த⁴ந்தி அருபதா⁴து; அதோ⁴தி காமதா⁴து; திரியஞ்சாபி
மஜ்ஜே²தி ரூபதா⁴து. உத்³த⁴ந்தி ஸுகா² வேத³னா; அதோ⁴தி து³க்கா²
வேத³னா; திரியஞ்சாபி மஜ்ஜே²தி அது³க்க²மஸுகா² வேத³னா. உத்³த⁴ந்தி
உத்³த⁴ங் பாத³தலா; அதோ⁴தி அதோ⁴ கேஸமத்த²கா; திரியஞ்சாபி
மஜ்ஜே²தி வேமஜ்ஜே²தி - உத்³த⁴ங் அதோ⁴ திரியஞ்சாபி மஜ்ஜே².

ஏதேஸு நந்தி³ஞ்ச நிவேஸனஞ்ச, பனுஜ்ஜ விஞ்ஞாணங் ப⁴வே ந
திட்டே²தி ஏதேஸு²தி ஆசிக்கி²தேஸு தே³ஸிதேஸு பஞ்ஞபிதேஸு
பட்ட²பிதேஸு விவரிதேஸு விப⁴ஜிதேஸு உத்தானீகதேஸு பகாஸிதேஸு.
நந்தி³ வச்சதி தண்ஹா. யோ ராகோ³ ஸாராகோ³...பே... அபி⁴ஜ்ஜா² லோபோ⁴
அகுஸலமூலங். நிவேஸனந்தி த்³வே நிவேஸனா - தண்ஹானிவேஸனா ச
தி³ட்டி²னிவேஸனா ச. கதமா தண்ஹா நிவேஸனா? யாவதா
தண்ஹாஸங்கா²தேன ...பே... அயங் தண்ஹானிவேஸனா. கதமா
தி³ட்டி²னிவேஸனா? வீஸதிவத்து²கா ஸக்காயதி³ட்டி² ...பே... அயங்
தி³ட்டி²னிவேஸனா.

பனுஜ்ஜ விஞ்ஞாணந்தி புஞ்ஞாபி⁴ஸங்கா²ரஸஹக³தங் விஞ்ஞாணங்,
 அபுஞ்ஞாபி⁴ஸங்கா²ரஸஹக³தங் விஞ்ஞாணங்,
 ஆனேஞ்ஜாபி⁴ஸங்கா²ரஸஹக³தங் விஞ்ஞாணங். ஏதேஸு நந்தி³ஞ்ச
 நிவேஸனஞ்ச அபி⁴ஸங்கா²ரஸஹக³தஞ்ச விஞ்ஞாணங் நுஜ்ஜ பனுஜ்ஜ நுத³
 பனுத³ ஜஹ பஜஹ வினோதே³ஹி ப்யந்தீகரோஹி அனபா⁴வங் க³மேஹீதி -
 ஏதேஸு நந்தி³ஞ்ச நிவேஸனஞ்ச பனுஜ்ஜ விஞ்ஞாணங்.

ப⁴வே ந திட்டே²தி. ப⁴வாதி த்³வே ப⁴வா - கம்மப⁴வோ ச
 படிஸந்தி⁴கோ ச புனப்³ப⁴வோ. கதமோ கம்மப⁴வோ?
 புஞ்ஞாபி⁴ஸங்கா²ரோ அபுஞ்ஞாபி⁴ஸங்கா²ரோ ஆனேஞ்ஜாபி⁴ஸங்கா²ரோ -
 அயங் கம்மப⁴வோ. கதமோ படிஸந்தி⁴கோ புனப்³ப⁴வோ? படிஸந்தி⁴கா
 ரூபங் வேத³னா ஸஞ்ஞா ஸங்கா²ரா விஞ்ஞாணங் - அயங் படிஸந்தி⁴கோ
 புனப்³ப⁴வோ. ப⁴வே ந திட்டே²தி நந்தி³ஞ்ச நிவேஸனஞ்ச
 அபி⁴ஸங்கா²ரஸஹக³தங் விஞ்ஞாணஞ்ச கம்மப⁴வஞ்ச படிஸந்தி⁴கஞ்ச
 புனப்³ப⁴வங் பஜஹந்தோ வினோதே³ந்தோ ப்யந்தீகரொந்தோ அனபா⁴வங்
 க³மெந்தோ கம்மப⁴வே ந திட்டெ²ய்ய படிஸந்தி⁴கே புனப்³ப⁴வே ந
 திட்டெ²ய்ய ந ஸந்திட்டெ²ய்யாதி - பனுஜ்ஜ விஞ்ஞாணங் ப⁴வே ந திட்டே².
 தேனாஹ ப⁴க³வா -

“யங் கிஞ்சி ஸம்பஜானாஸி, [மெத்தகூ³தி ப⁴க³வா]
 உத்³த⁴ங் அதோ⁴ திரியஞ்சாபி மஜ்ஜே²;
 ஏதேஸு நந்தி³ஞ்ச நிவேஸனஞ்ச, பனுஜ்ஜ விஞ்ஞாணங் ப⁴வே ந
 திட்டே²”தி.

25. ஏவங்விஹாரீ ஸதோ அப்பமத்தோ,
 பி⁴க்கு² சரங் ஹித்வா மமாயிதானி;
 ஜாதிங் ஜரங் ஸோகபரித்³வஞ்ச, இதே⁴வ வித்³வா பஜஹெய்ய
 து³க்க²ங்.

ஏவங்விஹாரீ ஸதோ அப்பமத்தோதி. ஏவங்விஹாரீதி நந்தி³ஞ்ச
 நிவேஸனஞ்ச அபி⁴ஸங்கா²ரஸஹக³தவிஞ்ஞாணஞ்ச கம்மப⁴வஞ்ச
 படிஸந்தி⁴கஞ்ச புனப்³ப⁴வங் பஜஹந்தோ வினோதே³ந்தோ ப்யந்தீகரொந்தோ
 அனபா⁴வங் க³மெந்தோதி - ஏவங்விஹாரீ. ஸதோதி சதூஹி காரணேஹி
 ஸதோ - காயே காயானுபஸ்ஸனாஸதிபட்டா²னங் பா⁴வெந்தோ...பே... ஸோ
 வச்சதி ஸதோ. அப்பமத்தோதி ஸக்கச்சகாரீ ஸாதச்சகாரீ அட்டி²தகாரீ
 அனோலீனவுத்தீ [அனோலீனவுத்திகோ (க.) மஹானி. 14] அனிக்கி²த்தச்ச²ந்தோ³
 அனிக்கி²த்தது⁴ரோ அப்பமத்தோ குஸலேஸு த⁴ம்மேஸு - “கதா²ஹங்
 [கதா³ஹங் (ஸ்யா.)] அபரிபூரங் வா ஸீலக்க²ந்த⁴ங் பரிபூரெய்யங், பரிபூரங் வா
 ஸீலக்க²ந்த⁴ங் தத்த² தத்த² பஞ்ஞாய அனுக்³க³ண்ஹெய்ய”ந்தி யோ தத்த²

ச²ந்தோ³ ச வாயாமோ ச உஸ்ஸாஹோ ச உஸ்ஸொள்ஹீ ச அப்படிவானீ
 [அப்படிவானி (க.) மஹானி. 14] ச ஸதி ச ஸம்பஜஞ்சுஞ்ச ஆதப்பங் பதா⁴னங்
 அதி⁴ட்டா²னங் அனுயோகோ³ அப்பமத்தோ அப்பமாதோ³ குஸலேஸு
 த⁴ம்மேஸு. “கதா²ஹங் அபரிபூரங் வா ஸமாதி⁴க்க²ந்த⁴ங்...பே...
 பஞ்ஞாக்க²ந்த⁴ங்... விமுத்திக்க²ந்த⁴ங்... விமுத்திஞாணத³ஸ்ஸனக்க²ந்த⁴ங்
 பரிபூரெய்யங் பரிபூரங் வா விமுத்திஞாணத³ஸ்ஸனக்க²ந்த⁴ங் தத்த² தத்த²
 பஞ்ஞாய அனுக்க³ண்ணஹய்ய”ந்தி யோ தத்த² ச²ந்தோ³ ச வாயாமோ ச
 உஸ்ஸாஹோ ச உஸ்ஸொள்ஹீ ச அப்படிவானீ ச ஸதி ச ஸம்பஜஞ்சுஞ்ச
 ஆதப்பங் பதா⁴னங் அதி⁴ட்டா²னங் அனுயோகோ³ அப்பமத்தோ அப்பமாதோ³
 குஸலேஸு த⁴ம்மேஸு. “கதா²ஹங் அபரிஞ்ஞாதங் வா து³க்க²ங்
 பரிஜானெய்யங், அப்பஹீனே வா கிலேஸே பஜஹெய்யங் , அபா⁴விதங் வா
 மக்க³ங் பா⁴வெய்யங், அஸச்சிகதங் வா நிரோத⁴ங் ஸச்சிகரெய்ய”ந்தி யோ
 தத்த² ச²ந்தோ³ ச வாயாமோ ச உஸ்ஸாஹோ ச உஸ்ஸொள்ஹீ ச
 அப்படிவானீ ச ஸதி ச ஸம்பஜஞ்சுஞ்ச ஆதப்பங் பதா⁴னங் அதி⁴ட்டா²னங்
 அனுயோகோ³ அப்பமத்தோ அப்பமாதோ³ குஸலேஸு த⁴ம்மேஸுதி -
 ஏவங்விஹாரீ ஸதோ அப்பமத்தோ.

பி⁴க்கு² சரங் ஹித்வா மமாயிதானீதி. பி⁴க்க²தி புது²ஜ்ஜனகல்யாணகோ
 [கல்யாணபுது²ஜ்ஜனோ (ஸ்யா.), ஏவமீதி³ஸேஸு டா²னேஸு] வா பி⁴க்கு²
 ஸெக்கோ² வா பி⁴க்கு². சரந்தி சரந்தோ விஹரந்தோ இரியந்தோ வத்தெந்தோ
 பாலெந்தோ யபெந்தோ யாபெந்தோ. மமத்தாதி த³வே மமத்தா -
 தண்ஹாமமத்தஞ்ச தி³ட்டி²மமத்தஞ்ச...பே... இத³ங் தண்ஹாமமத்தங்...பே... இத³ங்
 தி³ட்டி²மமத்தங்... தண்ஹாமமத்தங் பஹாய தி³ட்டி²மமத்தங் படினிஸ்ஸஜ்ஜித்வா
 மமத்தே ஜஹித்வா சஜித்வா பஜஹித்வா வினோதெ³த்வா ப்யந்தீகரித்வா
 அனபா⁴வங் க³மெத்வாதி - பி⁴க்கு² சரங் ஹித்வா மமாயிதானி.

ஜாதிங் ஜரங் ஸோகபரித்³த்வஞ்ச, இதே⁴வ வித்³வா பஜஹெய்ய
 து³க்க²ந்தி. ஜாதீதி யா தேஸங் தேஸங் ஸத்தானங்...பே... ஜரந்தி யா தேஸங்
 தேஸங் ஸத்தானங்...பே... ஸோகோதி ஞாதிப்³யஸனேன வா பு²ட்ட²ஸ்ஸ...பே...
 பரிதே³வோதி ஞாதிப்³யஸனேன வா பு²ட்ட²ஸ்ஸ...பே... இதா⁴தி இமிஸ்ஸா
 தி³ட்டி²யா...பே... இமஸ்மிங் மனுஸ்ஸலோகே. வித்³வாதி விஜ்ஜாக³தோ ஞாணீ
 விபா⁴வீ மேதா⁴வீ. து³க்க²ந்தி ஜாதிது³க்க²ங்...பே...
 தோ³மனஸ்ஸுபாயாஸது³க்க²ங். ஜாதிங் ஜரங் ஸோகபரித்³த்வஞ்ச, இதே⁴வ
 வித்³வா பஜஹெய்ய து³க்க²ந்தி விஜ்ஜாக³தோ ஞாணீ விபா⁴வீ மேதா⁴வீ
 இதே⁴வ ஜாதிஞ்ச ஜரஞ்ச ஸோகபரித்³த்வஞ்ச து³க்க²ஞ்ச பஜஹெய்ய
 வினோதெ³ய்ய ப்யந்தீகரெய்ய அனபா⁴வங் க³மெய்யாதி - ஜாதிங் ஜரங்
 ஸோகபரித்³த்வஞ்ச, இதே⁴வ வித்³வா பஜஹெய்ய து³க்க²ங். தேனாஹ
 ப⁴க³வா -

“ஏவங்விஹாரீ ஸதோ அப்பமத்தோ, பி⁴க்கு² சரங் ஹித்வா
மமாயிதானி;
ஜாதிங் ஜரங் ஸோகபரித்³த³வஞ்ச, இதே⁴வ வித்³வா பஜஹெய்ய
து³க்க²”ந்தி.

26. ஏதாபி⁴னந்தா³மி வசோ மஹேஸினோ, ஸுகித்திதங்
கோ³தமனூபதீ⁴கங்;
அத்³தா⁴ ஹி ப⁴க³வா பஹாஸி து³க்க²ங், ததா² ஹி தே விதி³தோ
ஏஸ த⁴ம்மோ.

ஏதாபி⁴னந்தா³மி வசோ மஹேஸினோதி. ஏதந்தி துய்ஹங் வசனங்
ப்³யப்பத²ங் தே³ஸனங் அனுஸாஸனங் அனுஸிட்ட²ங் நந்தா³மி அபி⁴னந்தா³மி
மோதா³மி அனுமோதா³மி இச்சா²மி ஸாதி³யாமி பத்த²யாமி பிஹயாமி
அபி⁴ஜப்பாமி. மஹேஸினோதி கிங் மஹேஸி ப⁴க³வா? மஹந்தங்
ஸீலக்க²ந்த⁴ங் ஏஸீ க³வேஸீ பரியேஸீதி மஹேஸி...பே... கஹங்
நராஸபோ⁴தி மஹேஸீதி - ஏதாபி⁴னந்தா³மி வசோ மஹேஸினோ.

ஸுகித்திதங் கோ³தமனூபதீ⁴கந்தி. ஸுகித்திதந்தி ஸுகித்திதங்
ஸுஆசிக்கி²தங் ஸுதே³ஸிதங் ஸுபஞ்ஞபிதங் ஸுபட்ட²பிதங் ஸுவிவரிதங்
ஸுவிப⁴ஜிதங் ஸுஉத்தானீகதங் ஸுபகாஸிதந்தி - ஸுகித்திதங்.
கோ³தமனூபதீ⁴கந்தி உபதீ⁴ வுச்சந்தி கிலேஸா ச க²ந்தா⁴ ச
அபி⁴ஸங்கா²ரா ச. உபதி⁴ப்பஹானங் உபதி⁴வூபஸமங்
உபதி⁴படினிஸ்ஸக்³ங் உபதி⁴படிபஸ்ஸத்³த⁴ங் அமதங் நிப்³பா³னந்தி -
ஸுகித்திதங் கோ³தமனூபதீ⁴கங்.

அத்³தா⁴ ஹி ப⁴க³வா பஹாஸி து³க்க²ந்தி. அத்³தா⁴தி ஏகங்ஸவசனங்
நிஸ்ஸங்ஸயவசனங் நிக்கங்கா²வசனங் அத்³வெஜ்ஜ²வசனங்
அத்³வெஹ்ஹகவசனங் நிரோத⁴வசனங் அப்பணகவசனங்
அவத்தா²பனவசனமேதங் - அத்³தா⁴தி. ப⁴க³வாதி கா³ரவாதி⁴வசனமேதங்...
பே... ஸச்சி²கா பஞ்ஞத்தி, யதி³த³ங் ப⁴க³வாதி. பஹாஸி து³க்க²ந்தி
ஜாதிது³க்க²ங் ஜராது³க்க²ங் ப்³யாதி⁴து³க்க²ங் மரணது³க்க²ங்
ஸோகபரிதே³வது³க்க²தோ³மனஸ்ஸபாயாஸது³க்க²ங் பஹாஸி பஜஹி
வினோதே³ஸி ப்³யந்தீகரோஸி அனபா⁴வங் க³மேஸீதி - அத்³தா⁴ ஹி
ப⁴க³வா பஹாஸி து³க்க²ங்.

ததா² ஹி தே விதி³தோ ஏஸ த⁴ம்மோதி ததா² ஹி தே விதி³தோ
துலிதோ தீரிதோ விபு⁴தோ விபா⁴விதோ ஏஸ த⁴ம்மோதி - ததா² ஹி தே
விதி³தோ ஏஸ த⁴ம்மோ. தேனாஹ ஸோ ப்³ராஹ்மணோ -

“ஏதாபி⁴னந்தா³மி வசோ மஹேஸினோ, ஸுகித்திதங்

கோ³தமனூபதீ⁴கங்;

அத்தா⁴ ஹி ப⁴க³வா பஹாஸி து³க்க²ங், ததா² ஹி தே விதி³தோ
ஏஸ த⁴ம்மோ”தி.

27. தே சாபி நூனப்பஜஹெய்யு து³க்க²ங், யே த்வங் முனீ அட்டி²தங்
ஓவதெ³ய்ய;
தங் தங் நமஸ்ஸாமி ஸமேச்ச நாக³, அப்பேவ மங் ப⁴க³வா
அட்டி²தங் ஓவதெ³ய்ய.

தே சாபி நூனப்பஜஹெய்யு து³க்க²ந்தி. தே சாபீதி க²த்தியா ச
ப்ராஹ்மணா ச வெஸ்ஸா ச ஸுத்தா³ ச க³ஹட்டா² ச பப்³பஜிதா ச தே³வா ச
மனுஸ்ஸா ச. பஜஹெய்யு து³க்க²ந்தி ஜாதிது³க்க²ங் ஜராது³க்க²ங்
ப்யாதி⁴து³க்க²ங் மரணது³க்க²ங்
ஸோகபரிதே³வது³க்க²தோ³மனஸ்ஸபாயாஸது³க்க²ங் பஜஹெய்யுங்
வினோதெ³ய்யுங் ப்யந்தீகரெய்யுங் அனபா⁴வங் க³மெய்யுந்தி - தே சாபி
நூனப்பஜஹெய்யு து³க்க²ங்.

யே த்வங் முனீ அட்டி²தங் ஓவதெ³ய்யாதி. யேதி க²த்தியே ச
ப்ராஹ்மணே ச வெஸ்ஸே ச ஸுத்தே³ ச க³ஹட்டே² ச பப்³பஜிதே ச தே³வே
ச மனுஸ்ஸே ச. த்வந்தி ப⁴க³வந்தங் ப⁴ணதி. முனீதி மோனங் வச்சதி
ஞாணங்...பே... ஸங்க³ஜாலமதிச்ச ஸோ முனி. அட்டி²தங் ஓவதெ³ய்யாதி
அட்டி²தங் ஓவதெ³ய்ய ஸக்கச்சங் ஓவதெ³ய்ய அபி⁴ண்ணங் ஓவதெ³ய்ய
புனப்புனங் ஓவதெ³ய்ய அனுஸாஸெய்யாதி - யே த்வங் முனீ அட்டி²தங்
ஓவதெ³ய்ய.

தங் தங் நமஸ்ஸாமி ஸமேச்ச நாகா³தி. தந்தி ப⁴க³வந்தங் ப⁴ணதி.
நமஸ்ஸாமீதி காயேன வா நமஸ்ஸாமி, வாசாய வா நமஸ்ஸாமி, சித்தேன
வா நமஸ்ஸாமி, அன்வத்த²படிபத்தியா வா நமஸ்ஸாமி,
த⁴ம்மானுத⁴ம்மபடிபத்தியா வா நமஸ்ஸாமி, ஸக்கரோமி க³ருங் கரோமி
[க³ருகரோமி (ஸ்யா.)] மானேமி பூஜேமி. ஸமேச்சாதி ஸமேச்ச அபி⁴ஸமேச்ச
ஸமாக³ந்த்வா அபி⁴ஸமாக³ந்த்வா ஸம்முகா² தங் நமஸ்ஸாமி. நாகா³தி
நாகோ³ ச ப⁴க³வா ஆகு³ங் ந கரோதீதி - நாகோ³, ந க³ச்ச²தீதி - நாகோ³, ந
ஆக³ச்ச²தீதி - நாகோ³. கத²ங் ப⁴க³வா ஆகு³ங் ந கரோதீதி - நாகோ³? ஆகு³
வச்சதி பாபகா அகுஸலா த⁴ம்மா ஸங்கிலேஸிகா போனோப⁴விகா ஸத³ரா
து³க்க²விபாகா ஆயதிங் ஜாதிஜராமரணியா.

ஆகு³ங் ந கரோதி கிஞ்சி லோகே, [ஸபி⁴யாதி ப⁴க³வா]

ஸப்³புஸங்யோகே³ [ஸப்³புயோகே³ (க.), ஸு. நி. 527] விஸஜ்ஜ
ப³ந்த⁴னாணி;

ஸப்³புத்த² ந ஸஜ்ஜதீ விமுத்தோ, நாகோ³ தாதி³ பவுச்சதே தத²த்தாதி.

ஏவங் ப⁴க³வா ஆகு³ங் ந கரோதீதி - நாகோ³.

கத²ங் ப⁴க³வா ந க³ச்ச²தீதி - நாகோ³. ப⁴க³வா ந ச²ந்தா³க³திங் க³ச்ச²தி, ந
தோ³ஸாக³திங் க³ச்ச²தி, ந மோஹாக³திங் க³ச்ச²தி, ந ப⁴யாக³திங் க³ச்ச²தி, ந
ராக³வஸேன க³ச்ச²தி, ந தோ³ஸவஸேன க³ச்ச²தி, ந மோஹவஸேன க³ச்ச²தி,
ந மானவஸேன க³ச்ச²தி, ந தி³ட்டி²வஸேன க³ச்ச²தி, ந உத்³த⁴ச்சவஸேன
க³ச்ச²தி, ந விசிகிச்சா²வஸேன க³ச்ச²தி, ந அனுஸயவஸேன க³ச்ச²தி, ந
வக்³கே³ஹி த⁴ம்மேஹி யாயதி நீயதி [நிய்யதி (ஸ்யா. க.)] வ்யஹதி
ஸங்ஹரீயதி. ஏவங் ப⁴க³வா ந க³ச்ச²தீதி - நாகோ³.

கத²ங் ப⁴க³வா ந ஆக³ச்ச²தீதி - நாகோ³. ஸோதாபத்திமக்³கே³ன யே
கிலேஸா பஹீனா தே கிலேஸே ந புனேதி ந பச்சேதி ந பச்சாக³ச்ச²தி.
ஸகதா³கா³மிமக்³கே³ன...பே... அனாகா³மிமக்³கே³ன... அரஹத்தமக்³கே³ன யே
கிலேஸா பஹீனா தே கிலேஸே ந புனேதி ந பச்சேதி ந பச்சாக³ச்ச²தி. ஏவங்
ப⁴க³வா ந ஆக³ச்ச²தீதி நாகோ³தி - தங் தங் நமஸ்ஸாமி ஸமேச்ச நாக³.

அப்பேவ மங் ப⁴க³வா அட்டி²தங் ஓவதெ³ய்யாதி அப்பேவ மங் ப⁴க³வா
அட்டி²தங் ஓவதெ³ய்ய ஸக்கச்சங் ஓவதெ³ய்ய அபி⁴ண்ஹங் ஓவதெ³ய்ய
புனப்புனங் ஓவதெ³ய்ய அனுஸாஸெய்யாதி - அப்பேவ மங் ப⁴க³வா அட்டி²தங்
ஓவதெ³ய்ய. தேனாஹ ஸோ ப்³ராஹ்மணோ -

“தே சாபி நூனப்பஜஹெய்ய துக்க²ங், யே த்வங் முனீ அட்டி²தங்
ஓவதெ³ய்ய;

தங் தங் நமஸ்ஸாமி ஸமேச்ச நாக³, அப்பேவ மங் ப⁴க³வா அட்டி²தங்
ஓவதெ³ய்யா”தி.

28. யங் ப்³ராஹ்மணங் வேத³கு³மாபி⁴ஜஞ்ஞா, அகிஞ்சனங் காமப⁴வே
அஸத்தங்;

அத்³தா⁴ ஹி ஸோ ஓக⁴மிமங் அதாரி, திண்ணோ ச பாரங்
அகி²லோ அகங்கோ².

யங் ப்³ராஹ்மணங் வேத³கு³மாபி⁴ஜஞ்ஞாதி. ப்³ராஹ்மணோதி
ஸத்தன்னங் த⁴ம்மானங் பா³ஹிதத்தா ப்³ராஹ்மணோ. ஸக்காயதி³ட்டி²
பா³ஹிதா ஹோதி, விசிகிச்சா² பா³ஹிதா ஹோதி, ஸீலப்³புதபராமாஸோ
பா³ஹிதோ ஹோதி, ராகோ³ பா³ஹிதோ ஹோதி, தோ³ஸோ பா³ஹிதோ
ஹோதி, மோஹோ பா³ஹிதோ ஹோதி, மானோ பா³ஹிதோ ஹோதி.

பாஹிதாஸ்ஸ ஹொந்தி பாபகா அகுஸலா த்மமா ஸங்கிலேஸிகா
போனோபவிகா ஸதரா துக்கவிபாகா ஆயதிங் ஜாதிஜராமரணியா.

பாஹித்வா ஸப்பப்பாபகானி, [ஸபி்யாதி பக்வா]
விமலோ ஸாதுஸமாஹிதோ டிதத்தோ;
ஸங்ஸாரமதிச்ச கேவலீ ஸோ, அஸிதோ [அனிஸ்ஸிதோ (ஸ்யா.) ஸ.
நி. 524] தாதி பவுச்சதே ஸ ப்ரஹ்மா.

வேதகூதி வேதோ வுச்சதி சதூஸ மக்கேஸு ஞாணங்...பே... ஸப்பங்
வேதமதிச்ச வேதகூ ஸோதி. அபிஜஞ்ஞாதி அபிஜானெய்ய ஆஜானெய்ய
விஜானெய்ய படிவிஜானெய்ய படிவிஜ்ஜெய்யாதி - யங் ப்ராஹ்மணங்
வேதகுமாபிஜஞ்ஞா.

அகிஞ்சனங் காமபவே அஸத்தந்தி. அகிஞ்சனந்தி ராககிஞ்சனங்
தோஸகிஞ்சனங் மோஹகிஞ்சனங் மானகிஞ்சனங் திட்டிகிஞ்சனங்
கிலேஸகிஞ்சனங் துச்சரிதகிஞ்சனங், யஸ்ஸேதே கிஞ்சனா பஹீனா
ஸமுச்சின்னா லுபஸந்தா படிபஸ்ஸத்தா அபப்பப்பத்திகா ஞாணக்கிணா
தட்டா, ஸோ வுச்சதி அகிஞ்சனோ. காமாதி உத்தானதோ த்வே காமா -
வத்துகாமா ச கிலேஸகாமா ச...பே... இமே வுச்சந்தி வத்துகாமா...பே... இமே
வுச்சந்தி கிலேஸகாமா. பவாதி த்வே பவா - கம்மபவோ ச
படிஸந்திகோ ச புனப்பவோ ...பே... அயங் படிஸந்திகோ புனப்பவோ.
அகிஞ்சனங் காமபவே அஸத்தந்தி அகிஞ்சனங் புக்கலங் காமபவே ச
அஸத்தங் அலக்கங் அலக்கிதங் அபலிபுத்தங் நிக்கந்தங் நிஸ்ஸடங்
விப்பமுத்தங் விஸஞ்ஞுத்தங் விமரியாதிக்கதேன சேதஸா விஹரந்தந்தி -
அகிஞ்சனங் காமபவே அஸத்தங்.

அத்தா ஹி ஸோ ஓகமிமங் அதாரீதி. அத்தாதி ஏகங்ஸவசனங்...
பே... அவத்தாபனவசனமேதங் - அத்தாதி. ஓகந்தி காமோகங்
பவோகங் திட்டோகங் அவிஜ்ஜோகங். அதாரீதி உத்தரி பதரி
ஸமதிக்கமி வீதிவத்தயீதி - அத்தா ஹி ஸோ ஓகமிமங் அதாரி.

திண்ணோ ச பாரங் அகிலோ அகங்கோதி. திண்ணோதி காமோகங்
திண்ணோ, பவோகங் திண்ணோ, திட்டோகங் திண்ணோ,
அவிஜ்ஜோகங் திண்ணோ, ஸங்ஸாரபதங் திண்ணோ உத்திண்ணோ
நித்திண்ணோ [நித்திண்ணோ (ஸ்யா.)] அதிக்கந்தோ ஸமதிக்கந்தோ வீதிவத்தோ.
ஸோ வுத்தவாஸோ [வுட்டவாஸோ (ஸ்யா.) மஹானி. 6] சிண்ணசரணோ
கத்தத்தோ கத்திஸோ கத்தகோடிகோ பாலிதப்ரஹ்மசரியோ
உத்தமதிட்டிப்பத்தோ பாவிதமக்கோ, பஹீனகிலேஸோ படிவித்தாக்குப்போ
ஸச்சிகதனிரோதோ . துக்கங் தஸ்ஸ பரிஞ்ஞாதங், ஸமுத்யோ பஹீனோ,

மக்³கோ³ பா⁴விதோ, நிரோதோ⁴ ஸச்சி²கதோ, அபி⁴ஞ்ஞெய்யங்
அபி⁴ஞ்ஞாதங், பரிஞ்ஞெய்யங் பரிஞ்ஞாதங், பஹாதப்³பங் பஹீனங்,
பா⁴வேதப்³பங் பா⁴விதங், ஸச்சி²காதப்³பங் ஸச்சி²கதங். ஸோ
உக்கி²த்தபலிகோ⁴ ஸங்கிண்ணபரிக்கோ² அப்³புள்ஹேஸிகோ நிரக்³க³ளோ
அரியோ பன்னத்³த⁴ஜோ பன்னபா⁴ரோ விஸஞ்ஞுத்தோ பஞ்சங்க³விப்பஹீனோ
ச²ளங்க³ஸமன்னாக³தோ ஏகாரக்கோ² சதுராபஸ்ஸேனோ

பனுண்ணபச்சேகஸச்சோ [\[பனுண்ணபச்சேகஸச்சோ \(க.\)\]](#)

ஸமவயஸட்டே²ஸனோ அனாவிலஸங்கப்போ பஸ்ஸத்³த⁴காயஸங்கா²ரோ
ஸுவிமுத்தசித்தோ ஸுவிமுத்தபஞ்ஞோ கேவலீ வுஸிதவா உத்தமபுரிஸோ
பரமபுரிஸோ பரமபத்திப்பத்தோ. ஸோ நேவ ஆசினாதி ந அபசினாதி,
அபசினித்வா டி²தோ. நேவ பஜஹதி ந உபாதி³யதி, பஜஹித்வா டி²தோ. நேவ
விஸினேதி ந உஸ்ஸினேதி, விஸினெத்வா டி²தோ. நேவ விதூ⁴பேதி ந
ஸந்தூ⁴பேதி, விதூ⁴பெத்வா டி²தோ. அஸெக்கே²ன ஸீலக்க²ந்தே⁴ன
ஸமன்னாக³தத்தா டி²தோ. அஸெக்கே²ன ஸமாதி⁴க்க²ந்தே⁴ன...பே...
பஞ்ஞாக்க²ந்தே⁴ன... விமுத்திக்க²ந்தே⁴ன...

விமுத்திஞாணத்³ஸ்ஸனக்க²ந்தே⁴ன ஸமன்னாக³தத்தா டி²தோ. ஸச்சங்
ஸம்படிபாத³யித்வா [\[படிபாத³யித்வா \(ஸ்யா.\)\]](#) டி²தோ. ஏஜங் ஸமதிக்கமித்வா
டி²தோ. கிலேஸக்³கி³ங் பரியாதி³யித்வா டி²தோ. அபரிக³மனதாய டி²தோ. கத்²ங்
[\[கடங் \(ஸ்யா.\) காமஸுத்தனித்³தே³ஸட்ட²கதா² ஓலோகேதப்³பா³\]](#) ஸமாதா³ய
டி²தோ? விமுத்திபடிஸேவனதாய டி²தோ . மெத்தாய பாரிஸுத்³தி⁴யா டி²தோ.
கருணாய ...பே... முதி³தாய... உபெக்கா²ய பாரிஸுத்³தி⁴யா டி²தோ.

அச்சந்தபாரிஸுத்³தி⁴யா டி²தோ. அதம்மயதாய [\[அகம்மஞ்ஞதாய \(ஸ்யா.\)\]](#)
பாரிஸுத்³தி⁴யா டி²தோ. விமுத்தத்தா டி²தோ. ஸந்துஸ்ஸிதத்தா டி²தோ.
க²ந்த⁴பரியந்தே டி²தோ. தா⁴துபரியந்தே டி²தோ. ஆயதனபரியந்தே டி²தோ.
க³திபரியந்தே டி²தோ. உபபத்திபரியந்தே டி²தோ. படிஸந்தி⁴பரியந்தே டி²தோ.
ப⁴வபரியந்தே டி²தோ. ஸங்ஸாரபரியந்தே டி²தோ. வட்டபரியந்தே டி²தோ.
அந்திமப⁴வே டி²தோ. அந்திமே ஸமுஸ்ஸயே டி²தோ. அந்திமதே³ஹத்⁴ரோ
அரஹா.

தஸ்ஸாயங் பச்சி²மகோ ப⁴வோ, சரிமோயங் ஸமுஸ்ஸயோ;
ஜாதிமரணஸங்ஸாரோ, நத்தி² தஸ்ஸ புனப்³ப⁴வோதி.

திண்ணோ ச பாரந்தி பாரங் வுச்சதி அமதங் நிப்³பா³னங். யோ ஸோ
ஸப்³புஸங்கா²ரஸமதோ² ஸப்³பு³பதி⁴படினிஸ்ஸக்³கோ³ தண்ஹக்க²யோ
விராகோ³ நிரோதோ⁴ நிப்³பா³னங். ஸோ பாரக³தோ பாரப்பத்தோ அந்தக³தோ
அந்தப்பத்தோ கோடிக³தோ கோடிப்பத்தோ பரியந்தக³தோ பரியந்தப்பத்தோ
வோஸானக³தோ வோஸானப்பத்தோ தாணக³தோ தாணப்பத்தோ லேணக³தோ
லேணப்பத்தோ ஸரணக³தோ ஸரணப்பத்தோ அப⁴யக³தோ அப⁴யப்பத்தோ

அச்சதக³தோ அச்சதப்பத்தோ அமதக³தோ அமதப்பத்தோ நிப்³பா³னக³தோ
நிப்³பா³னப்பத்தோ. ஸோ வுத்தவாஸோ சிண்ணசரணோ...பே...
ஜாதிமரணஸங்ஸாரோ, நத்தி² தஸ்ஸ புனப்³ப⁴வோதி - திண்ணோ ச பாரங்.

அகி²லோதி ராகோ³ கி²லோ, தோ³ஸோ கி²லோ, மோஹோ கி²லோ,
கோதோ⁴ கி²லோ, உபனாஹோ கி²லோ...பே... ஸப்³பா³குஸலாபி⁴ஸங்கா²ரா
கி²லா. யஸ்ஸேதே கி²லா பஹீனா ஸமுச்சி²ன்னா லுபஸந்தா
படிபஸ்ஸத்தா⁴ அப⁴ப்³புப்பத்திகா ஞாணக்³கி³னா த³ட்³டா⁴ ஸோ வுச்சதி
அகி²லோ. அகங்கோ²தி து³க்கே² கங்கா², து³க்க²ஸமுத³யே கங்கா²,
து³க்க²னிரோதே⁴ கங்கா², து³க்க²னிரோத⁴கா³மினியா படிபதா³ய கங்கா²,
புப்³புந்தே கங்கா², அபரந்தே கங்கா², புப்³புந்தாபரந்தே கங்கா²,
இத³ப்பச்சயதாபடிச்சஸமுப்பன்னேஸு த⁴ம்மேஸு கங்கா², யா ஏவருபா
கங்கா² கங்கா²யனா கங்கா²யிதத்தங் விமதி விசிகிச்சா² த்³வெள்ஹகங்
த்³வேதா⁴பதோ² ஸங்ஸயோ அனேகங்ஸக்³கா³ஹோ ஆஸப்பனா பரிஸப்பனா
அபரியோகா³ஹனா ச²ம்பி⁴தத்தங் சித்தஸ்ஸ மனோவிலேகோ². யஸ்ஸேதே
கங்கா² பஹீனா ஸமுச்சி²ன்னா லுபஸந்தா படிபஸ்ஸத்தா⁴
அப⁴ப்³புப்பத்திகா ஞாணக்³கி³னா த³ட்³டா⁴ ஸோ வுச்சதி அகங்கோ²தி -
திண்ணோ ச பாரங் அகி²லோ அகங்கோ². தேனாஹ ப⁴க³வா -

“யங் ப்³ராஹ்மணங் வேத³கு³மாபி⁴ஜஞ்ஞா, அகிஞ்சனங் காமப⁴வே
அஸத்தங்;
அத்³தா⁴ ஹி ஸோ ஓக⁴மிமங் அதாரி, திண்ணோ ச பாரங் அகி²லோ
அகங்கோ²”தி.

29. வித்³வா ச யோ வேத³கூ³ நரோ இத⁴, ப⁴வாப⁴வே ஸங்க³மிமங்
விஸஜ்ஜ;
ஸோ வீததண்ஹோ அனீகோ⁴ நிராஸோ, அதாரி ஸோ ஜாதிஜரந்தி
ப்³ருமி.

வித்³வா ச யோ வேத³கூ³ நரோ இதா⁴தி. வித்³வாதி விஜ்ஜாக³தோ ஞாண்
விபா⁴வீ மேதா⁴வீ. யோதி யோ யாதி³ஸோ...பே... மனுஸ்ஸோ வா.
வேத³கூ³தி வேதா³ வுச்சந்தி சதூஸு மக்³கே³ஸு ஞாணங் பஞ்ஞா
பஞ்ஞிந்த்³ரியங் பஞ்ஞாப³லங் த⁴ம்மவிசயஸம்பொ³ஜ்ஜ²ங்கோ³ வீமங்ஸா
விபஸ்ஸனா ஸம்மாதி³ட்டி² [ஞாணங்...பே... ஸப்³ப³வேத³மதிச்ச வேத³கூ³
ஸோதி. (ஸ்யா.) பஸ்ஸ மஹானி. 81]. தேஹி வேதே³ஹி ஜாதிஜராமரணஸ்ஸ
அந்தக³தோ அந்தப்பத்தோ கோடிக³தோ கோடிப்பத்தோ பரியந்தக³தோ
பரியந்தப்பத்தோ வோஸானக³தோ வோஸானப்பத்தோ தாணக³தோ
தாணப்பத்தோ லேணக³தோ லேணப்பத்தோ ஸரணக³தோ ஸரணப்பத்தோ
அப⁴யக³தோ அப⁴யப்பத்தோ அச்சதக³தோ அச்சதப்பத்தோ அமதக³தோ

அமதப்பத்தோ நிப்பா³னக³தோ நிப்பா³னப்பத்தோ. வேதா³னங் வா அந்தக³தோதி
வேத³க³, வேதே³ஹி வா அந்தக³தோதி வேத³க³, ஸத்தன்னங் வா
த⁴ம்மானங் விதி³தத்தா வேத³க³. ஸக்காயதி³ட்டி² விதி³தா ஹோதி,
விசிகிச்சா²...பே... ஸீலப்ப³தபராமாஸோ... ராகோ³... தோ³ஸோ... மோஹோ...
மானோ விதி³தோ ஹோதி. விதி³தாஸ்ஸ ஹோந்தி பாபகா அகுஸலா த⁴ம்மா
ஸங்கிலேஸிகா போனோப⁴விகா ஸத³ரா து³க்க²விபாகா ஆயதிங்
ஜாதிஜராமரணியா.

வேதா³னி விசெய்ய கேவலானி, [ஸபி⁴யாதி ப⁴க³வா]
ஸமணானங் யானீத⁴த்தி² ப்ராஹ்மணானங்;
ஸப்ப³வேத³னாஸு வீதராகோ³, ஸப்ப³ங் வேத³மதிச்ச வேத³க³ ஸோ.

நரோதி ஸத்தோ நரோ மானவோ போஸோ புக³க³லோ ஜீவோ ஜாகு³ [ஜாது
(ஸ்யா.)] ஜந்து இந்த³கு³ [இந்த³க³ (ஸ்யா.)] மனுஜோ. இதா⁴தி இமிஸ்ஸா
தி³ட்டி²யா...பே... இமஸ்மிங் மனுஸ்ஸலோகேதி - வித்³வா ச யோ வேத³க³
நரோ இத⁴.

ப⁴வாப⁴வே ஸங்க³மிமங் விஸஜ்ஜாதி. ப⁴வாப⁴வேதி ப⁴வாப⁴வே
கம்மப⁴வே புனப்ப⁴வே காமப⁴வே, கம்மப⁴வே காமப⁴வே புனப்ப⁴வே
ரூபப⁴வே, கம்மப⁴வே ரூபப⁴வே புனப்ப⁴வே அரூபப⁴வே, கம்மப⁴வே
அரூபப⁴வே புனப்ப⁴வே புனப்புனப⁴வே, புனப்புனக³தியா புனப்புனஉபபத்தியா
புனப்புனபடிஸந்தி⁴யா புனப்புனஅத்தபா⁴வாபி⁴னிப்ப³த்தியா. ஸங்கா³தி
ஸத்த ஸங்கா³ - ராக³ஸங்கோ³, தோ³ஸஸங்கோ³, மோஹஸங்கோ³,
மானஸங்கோ³, தி³ட்டி²ஸங்கோ³, கிலேஸஸங்கோ³, து³ச்சரிதஸங்கோ³.
விஸஜ்ஜாதி ஸங்கே³ வோஸஜ்ஜெத்வா வா விஸஜ்ஜ. அத² வா, ஸங்கே³
ப³ந்தே⁴ விப³ந்தே⁴ ஆப³ந்தே⁴ லக்³கே³ லக்³கி³தே பலிபுத்³தே⁴ ப³ந்த⁴னே
போ²டயித்வா [மோசயித்வா (ஸ்யா.)] வா விஸஜ்ஜ. யதா² யானங் வா வய்ஹங்
வா ரத²ங் வா ஸகடங் வா ஸந்த³மானிகங் வா ஸஜ்ஜங் விஸஜ்ஜங் கரொந்தி
விகோபெந்தி - ஏவமேவ தே ஸங்கே³ வோஸஜ்ஜெத்வா வா விஸஜ்ஜ. அத²
வா, ஸங்கே³ ப³ந்தே⁴ விப³ந்தே⁴ ஆப³ந்தே⁴ லக்³கே³ லக்³கி³தே பலிபுத்³தே⁴
ப³ந்த⁴னே போ²டயித்வா வா விஸஜ்ஜாதி - ப⁴வாப⁴வே ஸங்க³மிமங்
விஸஜ்ஜ.

ஸோ வீததண்ஹோ அனீகோ⁴ நிராஸோ, அதாரி ஸோ ஜாதிஜரந்தி
ப்ருமீதி. தண்ஹாதி ரூபதண்ஹா...பே... த⁴ம்மதண்ஹா... யஸ்ஸேஸா
தண்ஹா பஹீனா ஸமுச்சி²ன்னா லூபஸந்தா படிபஸ்ஸத³தா⁴
அப⁴ப்ப³ப்பத்திகா ஞாணக்³கி³னா த³ட்டா⁴, ஸோ வுச்சதி வீததண்ஹோ
விக³ததண்ஹோ சத்ததண்ஹோ வந்ததண்ஹோ முத்ததண்ஹோ
பஹீனதண்ஹோ படினிஸ்ஸட்ட²தண்ஹோ வீதராகோ³ சத்தராகோ³

பஹீனராகோ³ படினிஸ்ஸட்ட²ராகோ³ நிச்சா²தோ நிப்³பு²தோ ஸீதிபு²⁴தோ
 ஸுக²ப்படிஸங்வேதீ³ ப்³ரஹ்மபு²⁴தேன அத்தனா விஹரதீதி - ஸோ
 வீததண்ஹோ. அனீகோ⁴தி ராகோ³ நீகோ⁴, தோ³ஸோ நீகோ⁴, மோஹோ
 நீகோ⁴, கோதோ⁴ நீகோ⁴, உபனாஹோ நீகோ⁴...பே...
 ஸப்³பா³குஸலாபி⁴ஸங்கா²ரா நீகா⁴. யஸ்ஸேதே நீகா⁴ பஹீனா
 ஸமுச்சி²ன்னா லுபஸந்தா படிபஸ்ஸத்³தா⁴ அப⁴ப்³பு³ப்பத்திகா ஞாணக்³கி³னா
 த³ட்³டா⁴, ஸோ வுச்சதி அனீகோ⁴. நிராஸோதி ஆஸா வுச்சதி தண்ஹா.
 யோ ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலங்.
 யஸ்ஸேஸா ஆஸா தண்ஹா பஹீனா ஸமுச்சி²ன்னா லுபஸந்தா
 படிபஸ்ஸத்³தா⁴ அப⁴ப்³பு³ப்பத்திகா ஞாணக்³கி³னா த³ட்³டா⁴, ஸோ வுச்சதி
 நிராஸோ. ஜாதீதி யா தேஸங் தேஸங் ஸத்தானங்...பே... ஆயதனானங்
 படிலாபோ⁴. ஜராதி யா தேஸங் தேஸங் ஸத்தானங் ...பே... இந்த³ரியானங்
 பரிபாகோ. அயங் வுச்சதி ஜரா. ஸோ வீததண்ஹோ அனீகோ⁴ நிராஸோ,
 அதாரி ஸோ ஜாதிஜரந்தி ப்³ருமீதி யோ ஸோ வீததண்ஹோ அனீகோ⁴ ச
 நிராஸோ ச, ஸோ கோ² ஜாதிஜராமரணங் அதரி உத்தரி பதரி ஸமதிக்கமி
 வீதிவத்தயீதி ப்³ருமி ஆசிக்கா²மி தே³ஸேமி பஞ்ஞபேமி பட்ட²பேமி விவராமி
 விப⁴ஜாமி உத்தானீகரோமி பகாஸேமீதி - ஸோ வீததண்ஹோ அனீகோ⁴
 நிராஸோ, அதாரி ஸோ ஜாதிஜரந்தி ப்³ருமி. தேனாஹ ப⁴க³வா -

“வித்³வா ச யோ வேத³க்³ நரோ இத⁴, ப⁴வாப⁴வே ஸங்க³மிமங்
 விஸஜ்ஜ;
 ஸோ வீததண்ஹோ அனீகோ⁴ நிராஸோ, அதாரி ஸோ ஜாதிஜரந்தி
 ப்³ருமீ”தி.

ஸஹ கா³தா²பரியோஸானா...பே... ஸத்தா² மே, ப⁴ந்தே ப⁴க³வா,
 ஸாவகோஹமஸ்மீதி.

மெத்தக்³மாணவபுச்சா²னித்³தே³ஸோ சதுத்தோ².

5. தோ⁴தகமாணவபுச்சா²னித்³தே³ஸோ

30. புச்சா²மி தங் ப⁴க³வா ப்³ருஹி மேதங், [இச்சாயஸ்மா தோ⁴தகோ]
 வாசாபி⁴கங்கா²மி மஹேஸி துய்ஹங்;
 தவ ஸுத்வான நிக்³கோ⁴ஸங், ஸிக்கே² நிப்³பா³னமத்தனோ.

புச்சா²மி தங் ப⁴க³வா ப்³ருஹி மேதந்தி. புச்சா²மீதி திஸ்ஸோ புச்சா² -
 அதி³ட்ட²ஜோதனா புச்சா², தி³ட்ட²ஸங்ஸந்த³னா புச்சா², விமதிச்சே²த³னா புச்சா²...
 பே... இமா திஸ்ஸோ புச்சா²...பே... நிப்³பா³னபுச்சா². புச்சா²மி தந்தி புச்சா²மி தங்
 யாசாமி தங் அஜ்ஜே²ஸாமி தங் பஸாதே³மி தங், கத²யஸ்ஸு மேதி - புச்சா²மி

தங். ப்⁴க³வாதி கா³ரவாதி⁴வசனமேதங்...பே... ஸச்சி²கா பஞ்ஞத்தி, யதி³த³ங்
ப்⁴க³வாதி. ப்³ருஹி மேதந்தி ப்³ருஹி ஆசிக்கா²ஹி தே³ஸேஹி பஞ்ஞபேஹி
பட்ட²பேஹி விவராஹி விப⁴ஜாஹி உத்தானீகரோஹி பகாஸேஹீதி - புச்சா²மி
தங் ப்⁴க³வா ப்³ருஹி மேதங்.

இச்சாயஸ்மா தோ⁴தகோதி. இச்சாதி பத³ஸந்தி⁴...பே... ஆயஸ்மாதி
பியவசனங் க³ருவசனங் ஸகா³ரவஸப்பதிஸ்ஸாதி⁴வசனமேதங் ஆயஸ்மாதி.
தோ⁴தகோதி தஸ்ஸ ப்³ராஹ்மணஸ்ஸ நாமங் ஸங்கா² ஸமஞ்ஞா பஞ்ஞத்தி
வோஹாரோ நாமங் நாமகம்மங் நாமதெ⁴ய்யங் நிருத்தி ப்³யஞ்ஜனங்
அபி⁴லாபோதி - இச்சாயஸ்மா தோ⁴தகோ.

வாசாபி⁴கங்கா²மி மஹேஸி துய்ஹந்தி துய்ஹங் வசனங் ப்³யப்பத²ங்
தே³ஸனங் அனுஸாஸனங் அனுஸிட்ட²ங் கங்கா²மி அபி⁴கங்கா²மி இச்சா²மி
ஸாதி³யாமி பத்த²யாமி பிஹயாமி அபி⁴ஜப்பாமி. மஹேஸீதி கிங் மஹேஸி
ப்⁴க³வா? மஹந்தங் ஸீலக்க²ந்த⁴ங் ஏஸீ க³வேஸீ பரியேஸீதி மஹேஸி...பே...
கஹங் நராஸபோ⁴தி மஹேஸீதி - வாசாபி⁴கங்கா²மி மஹேஸி துய்ஹங்.

தவ ஸுத்வான நிக்³கோ⁴ஸந்தி துய்ஹங் வசனங் ப்³யப்பத²ங் தே³ஸனங்
அனுஸாஸனங் அனுஸிட்ட²ங் ஸுத்வா ஸுணித்வா உக்³க³ஹெத்வா
உபதா⁴ரயித்வா உபலக்க²யித்வாதி - தவ ஸுத்வான நிக்³கோ⁴ஸங்.

ஸிக்கே² நிப்³பா³னமத்தனோதி. ஸிக்கா²தி திஸ்ஸோ ஸிக்கா² -
அதி⁴ஸீலஸிக்கா², அதி⁴சித்தஸிக்கா², அதி⁴பஞ்ஞாஸிக்கா²...பே... அயங்
அதி⁴பஞ்ஞாஸிக்கா². நிப்³பா³னமத்தனோதி அத்தனோ ராக்³ஸ்ஸ
நிப்³பா³பனாய, தோ³ஸஸ்ஸ நிப்³பா³பனாய, மோஹஸ்ஸ நிப்³பா³பனாய,
கோத⁴ஸ்ஸ நிப்³பா³பனாய , உபனாஹஸ்ஸ நிப்³பா³பனாய...பே...
ஸப்³பா³குஸலாபி⁴ஸங்கா²ரானங் ஸமாய உபஸமாய ஓபஸமாய
நிப்³பா³பனாய படினிஸ்ஸக்³கா³ய படிபஸ்ஸத்³தி⁴யா அதி⁴ஸீலம்பி
ஸிக்கெ²ய்ய, அதி⁴சித்தம்பி ஸிக்கெ²ய்ய, அதி⁴பஞ்ஞம்பி ஸிக்கெ²ய்ய. இமா
திஸ்ஸோ ஸிக்கா²யோ ஆவஜ்ஜந்தோ ஸிக்கெ²ய்ய, ஜானந்தோ ஸிக்கெ²ய்ய,
பஸ்ஸந்தோ ஸிக்கெ²ய்ய, பச்சவெக்க²ந்தோ ஸிக்கெ²ய்ய, சித்தங் பத³ஹந்தோ
ஸிக்கெ²ய்ய, ஸத்த³தா⁴ய அதி⁴முச்சந்தோ ஸிக்கெ²ய்ய, வீரியங்
பக்³க³ணஹந்தோ ஸிக்கெ²ய்ய, ஸதிங் உபட்ட²பெந்தோ ஸிக்கெ²ய்ய, சித்தங்
ஸமாத³ஹந்தோ ஸிக்கெ²ய்ய, பஞ்ஞாய பஜானந்தோ ஸிக்கெ²ய்ய,
அபி⁴ஞ்ஞெய்யங் அபி⁴ஜானந்தோ ஸிக்கெ²ய்ய, பரிஞ்ஞெய்யங் பரிஜானந்தோ
ஸிக்கெ²ய்ய, பஹாதப்³பங் பஜஹந்தோ ஸிக்கெ²ய்ய, பா⁴வேதப்³பங்
பா⁴வெந்தோ ஸிக்கெ²ய்ய, ஸச்சி²காதப்³பங் ஸச்சி²கரொந்தோ ஸிக்கெ²ய்ய,
ஆசரெய்ய ஸமாசரெய்ய ஸமாதா³ய வத்தெய்யாதி - ஸிக்கே²
நிப்³பா³னமத்தனோ. தேனாஹ ஸோ ப்³ராஹ்மணோ -

“புச்சா²மி தங் ப⁴க³வா ப்³ருஹி மேதங், [இச்சாயஸ்மா தோ⁴தகோ
வாசாபி⁴கங்கா²மி மஹேஸி துய்ஹங்;
தவ ஸுத்வான நிக்³கோ⁴ஸங், ஸிக்கே² நிப்³பா³னமத்தனோ”தி.

31. தேனஹாதப்பங் கரோஹி, [தோ⁴தகாதி ப⁴க³வா]
இதே⁴வ நிபகோ ஸதோ;
இதோ ஸுத்வான நிக்³கோ⁴ஸங், ஸிக்கே² நிப்³பா³னமத்தனோ.

தேனஹாதப்பங் கரோஹீதி ஆதப்பங் கரோஹி, உஸ்ஸாஹங் கரோஹி,
உஸ்ஸொள்ஹிங் கரோஹி, தா²மங் கரோஹி, தி⁴திங் கரோஹி, வீரியங்
கரோஹி, ச²ந்த³ங் ஜனேஹி ஸஞ்ஜனேஹி உபட்ட²பேஹி ஸமுட்ட²பேஹி
நிப்³புத்தேஹி அபி⁴னிப்³புத்தேஹீதி - தேனஹாதப்பங் கரோஹி.

தோ⁴தகாதி ப⁴க³வா தங் ப்³ராஹ்மணங் நாமேன ஆலபதி. ப⁴க³வாதி
கா³ரவாதி⁴வசனமேதங்...பே... ஸச்சிகா பஞ்ஞத்தி, யதி³த³ங் ப⁴க³வாதி -
தோ⁴தகாதி ப⁴க³வா.

இதே⁴வ நிபகோ ஸதோதி. இதா⁴தி இமிஸ்ஸா தி³ட்டி²யா இமிஸ்ஸா
கந்தியா இமிஸ்ஸா ருசியா இமஸ்மிங் ஆதா³யே இமஸ்மிங் த⁴ம்மே
இமஸ்மிங் வினயே இமஸ்மிங் த⁴ம்மவினயே இமஸ்மிங் பாவசனே
இமஸ்மிங் ப்³ரஹ்மசரியே இமஸ்மிங் ஸத்து²ஸாஸனே இமஸ்மிங்
அத்தபா⁴வே இமஸ்மிங் மனுஸ்ஸலோகே. நிபகோதி நிபகோ பண்டி³தோ
பஞ்ஞவா பு³த்தி⁴மா ஞாணீ விபா⁴வீ மேதா⁴வீ. ஸதோதி சதூஹி
காரணேஹி ஸதோ - காயே காயானுபஸ்ஸனாஸதிபட்டா²னங் பா⁴வெந்தோ
ஸதோ...பே... ஸோ வச்சதி ஸதோதி - இதே⁴வ நிபகோ ஸதோ.

இதோ ஸுத்வான நிக்³கோ⁴ஸந்தி இதோ மய்ஹங் வசனங் ப்³யப்பத²ங்
தே³ஸனங் அனுஸாஸனங் அனுஸிட்ட²ங் ஸுத்வா ஸுணித்வா
உக்³க³ணஹித்வா உபதா⁴ரயித்வா உபலக்க²யித்வாதி - இதோ ஸுத்வான
நிக்³கோ⁴ஸங்.

ஸிக்கே² நிப்³பா³னமத்தனோதி. ஸிக்கா²தி திஸ்ஸோ ஸிக்கா² -
அதி⁴ஸீலஸிக்கா², அதி⁴சித்தஸிக்கா², அதி⁴பஞ்ஞாஸிக்கா²...பே... அயங்
அதி⁴பஞ்ஞாஸிக்கா². நிப்³பா³னமத்தனோதி அத்தனோ ராக்³ஸ்ஸ
நிப்³பா³பனாய, தோ³ஸஸ்ஸ நிப்³பா³பனாய, மோஹஸ்ஸ நிப்³பா³பனாய,
கோத⁴ஸ்ஸ நிப்³பா³பனாய, உபனாஹஸ்ஸ நிப்³பா³பனாய...பே...
ஸப்³பா³குஸலாபி⁴ஸங்கா²ரானங் ஸமாய உபஸமாய ஓபஸமாய
நிப்³பா³பனாய படினிஸ்ஸக்³கா³ய படிபஸ்ஸத்³தி⁴யா அதி⁴ஸீலம்பி
ஸிக்கெ²ய்ய, அதி⁴சித்தம்பி ஸிக்கெ²ய்ய, அதி⁴பஞ்ஞம்பி ஸிக்கெ²ய்ய. இமா

திஸ்ஸோ ஸிக்கா²யோ ஆவஜ்ஜந்தோ ஸிக்கெ²ய்ய, ஜானந்தோ ஸிக்கெ²ய்ய...
பே... ஸச்சி²காதப்³பங் ஸச்சி²கரொந்தோ ஸிக்கெ²ய்ய, ஆசரெய்ய ஸமாசரெய்ய
ஸமாதா³ய வத்தெய்யாதி - ஸிக்கே² நிப்³பா³னமத்தனோ. தேனாஹ ப⁴க³வா -

“தேனஹாதப்பங் கரோஹி, [தோ⁴தகாதி ப⁴க³வா]
இதே⁴வ நிபகோ ஸதோ;
இதோ ஸுத்வான நிக்³கோ⁴ஸங், ஸிக்கே² நிப்³பா³னமத்தனோ”தி.

32. பஸ்ஸாமஹங் தே³வமனுஸ்ஸலோகே, அகிஞ்சனங்
ப்³ராஹ்மணமிரியமானங்;
தங் தங் நமஸ்ஸாமி ஸமந்தசக்கு², பமுஞ்ச மங் ஸக்க
கத²ங்கதா²ஹி.

பஸ்ஸாமஹங் தே³வமனுஸ்ஸலோகேதி. தே³வாதி தயோ தே³வா -
ஸம்முதிதே³வா, உபபத்திதே³வா, விஸுத்தி⁴தே³வா. கதமே ஸம்முதிதே³வா?
ஸம்முதிதே³வா வச்சந்தி ராஜானோ ச ராஜகுமாரா ச தே³வியோ ச. இமே
வச்சந்தி ஸம்முதிதே³வா. கதமே உபபத்திதே³வா? உபபத்திதே³வா வச்சந்தி
சாதுமஹாராஜிகா தே³வா தாவதிங்ஸா தே³வா யாமா தே³வா துஸிதா தே³வா
நிம்மானரதீ தே³வா பரனிம்மிதவஸவத்தீ தே³வா ப்³ராஹ்மகாயிகா தே³வா யே ச
தே³வா ததுத்தரி [தத்ருபரி (ஸ்யா.)]. இமே வச்சந்தி உபபத்திதே³வா. கதமே
விஸுத்தி⁴தே³வா? விஸுத்தி⁴தே³வா வச்சந்தி ததா²க³தஸாவகா
அரஹந்தோ கீ²ணாஸவா யே ச பச்சேகபுத்தா⁴. இமே வச்சந்தி
விஸுத்தி⁴தே³வா. ப⁴க³வா ஸம்முதிதே³வானஞ்ச உபபத்திதே³வானஞ்ச
விஸுத்தி⁴தே³வானஞ்ச தே³வோ ச அதிதே³வோ ச தே³வாதிதே³வோ ச
ஸீஹஸீஹோ நாக்³னாகோ³ க்³ணிக்³ணீ முனிமுனீ ராஜராஜா. பஸ்ஸாமஹங்
தே³வமனுஸ்ஸலோகேதி மனுஸ்ஸலோகே தே³வங் பஸ்ஸாமி அதிதே³வங்
பஸ்ஸாமி தே³வாதிதே³வங் பஸ்ஸாமி தக்²கா²மி ஓலோகேமி நிஜ்ஜா²யாமி
உபபரிக்கா²மீதி - பஸ்ஸாமஹங் தே³வமனுஸ்ஸலோகே.

ஆகிஞ்சனங் ப்³ராஹ்மணமிரியமானந்தி. அகிஞ்சனந்தி ராக்³கிஞ்சனங்
தோ³ஸகிஞ்சனங் மோஹகிஞ்சனங் மானகிஞ்சனங் தி³ட்டி²கிஞ்சனங்
கிலேஸகிஞ்சனங் து³ச்சரிதகிஞ்சனங், தே கிஞ்சனா புத்த⁴ஸஸ் ப⁴க³வதோ
பஹீனா உச்சி²ன்னமுலா தாலாவத்து²கதா அனபா⁴வங்கதா ஆயதிங்
அனுப்பாத⁴ம்மா, தஸ்மா புத்தோ⁴ அகிஞ்சனோ. ப்³ராஹ்மணோதி
ப⁴க³வா ஸத்தன்னங் த⁴ம்மானங் பா³ஹிதத்தா ப்³ராஹ்மணோ -
ஸக்காயதி³ட்டி² பா³ஹிதா ஹோதி, விசிகிச்சா² பா³ஹிதா ஹோதி,
ஸீலப்³பதபராமாஸோ பா³ஹிதோ ஹோதி, ராகோ³ பா³ஹிதோ ஹோதி,
தோ³ஸோ பா³ஹிதோ ஹோதி, மோஹோ பா³ஹிதோ ஹோதி, மானோ
பா³ஹிதோ ஹோதி, பா³ஹிதாஸ்ஸ ஹோந்தி பாபகா அகுஸலா த⁴ம்மா

ஸங்கிலேஸிகா போனோப⁴விகா ஸத³ரா து³க்க²விபாகா ஆயதிங்
ஜாதிஜராமரணியா.

பா³ஹித்வா ஸப்³பாபகானி, [ஸபி⁴யாதி ப⁴க³வா]
விமலோ ஸாது⁴ஸமாஹிதோ டி²தத்தோ;
ஸங்ஸாரமதிச்ச கேவலீ ஸோ, அஸிதோ தாதி³ பவுச்சதே ஸ
ப்³ரஹ்மாதி.

இரியமானந்தி சரந்தங் விஹரந்தங் இரியந்தங் வத்தெந்தங் பாலெந்தங்
யபெந்தங் யாபெந்தந்தி - அகிஞ்சனங் ப்³ராஹ்மணமிரியமானங்.

தங் தங் நமஸ்ஸாமி ஸமந்தசக்க²தி. தந்தி ப⁴க³வந்தங் ப⁴ணதி.
நமஸ்ஸாமீதி காயேன வா நமஸ்ஸாமி, வாசாய வா நமஸ்ஸாமி, சித்தேன
வா நமஸ்ஸாமி, அன்வத்த²படிபத்தியா வா நமஸ்ஸாமி,
த⁴ம்மானுத⁴ம்மபடிபத்தியா வா நமஸ்ஸாமி ஸக்கரோமி க³ருங் கரோமி
மானேமி பூஜேமி. ஸமந்தசக்க²தி ஸமந்தசக்கு² வச்சதி ஸப்³புஞ்ஞுதஞாணங்.
ப⁴க³வா ஸப்³புஞ்ஞுதஞாணேன உபேதோ ஸமுபேதோ உபாக³தோ
ஸமுபாக³தோ உபபன்னோ ஸமுபபன்னோ ஸமன்னாக³தோ.

“ந தஸ்ஸ அத்³தி³ட்ட²மித⁴த்தி² [அதி³ட்ட²மித⁴த்தி² (ஸ்யா. க.)
மஹானி. 156] கிஞ்சி, அதோ² அவிஞ்ஞாதமஜானிதப்³பங்;
ஸப்³பங் அபி⁴ஞ்ஞாஸி யத³த்தி² நெய்யங், ததா²க³தோ தேன
ஸமந்தசக்க²தி.”

தங் தங் நமஸ்ஸாமி ஸமந்தசக்கு².

பமுஞ்ச மங் ஸக்க கத²ங்கதா²ஹீதி. ஸக்காதி ஸக்கோ ப⁴க³வா
ஸக்யகுலா பப்³புஜிதோதிபி ஸக்கோ. அத² வா, அட்³டோ⁴ [அத்³தோ⁴ (ஸ்யா.
க.)] மஹத்³த⁴னோ த⁴னவாதிபி ஸக்கோ. தஸ்ஸிமானி த⁴னானி,
ஸெய்யதி²த³ங் - ஸத்³தா⁴த⁴னங் ஸீலத⁴னங் ஹிரித⁴னங் ஒத்தப்பத⁴னங்
ஸுதத⁴னங் சாக³த⁴னங் பஞ்ஞாத⁴னங் ஸதிபட்டா²னத⁴னங்
ஸம்மப்பதா⁴னத⁴னங் இத்³தி⁴பாத³த⁴னங் இந்த³ரியத⁴னங் ப³லத⁴னங்
பொஜ்ஜங்க³த⁴னங் மக்³க³த⁴னங் ப³லத⁴னங் நிப்³பா³னத⁴னங். இமேஹி
அனேகவிதே⁴ஹி த⁴னரதனேஹி அட்³டோ⁴ மஹத்³த⁴னோ த⁴னவாதிபி
ஸக்கோ. அத² வா, ஸக்கோ பஹு விஸவீ அலமத்தோ ஸுரோ வீரோ
விக்கந்தோ அபீ⁴ரு அச்ச²ம்பீ⁴ அனுத்ராஸீ அபலாயீ பஹீனப⁴யபே⁴ரவோ
விக³தலோமஹங்ஸோதிபி ஸக்கோ . கத²ங்கதா² வச்சதி விசிகிச்சா². து³க்கே²
கங்கா², து³க்க²ஸமுத³யே கங்கா², து³க்க²னிரோதே⁴ கங்கா²,
து³க்க²னிரோத⁴கா³மினியா படிபதா³ய கங்கா², புப்³பந்தே கங்கா², அபரந்தே
கங்கா², புப்³பந்தாபரந்தே கங்கா², இத³ப்பச்சயதாபடிச்சஸமுப்பன்னேஸு

த⁴ம்மேஸு கங்கா². யா ஏவருபா கங்கா² கங்கா²யனா கங்கா²யிதத்தங் விமதி
 விசிகிச்சா² த்³வெள்ளுகங் த்³வேதா⁴பதோ² ஸங்ஸயோ
 அனேகங்ஸக்³கா³ஹோ ஆஸப்பனா பரிஸப்பனா அபரியோகா³ஹனா
 ச²ம்பி⁴தத்தங் சித்தஸ்ஸ மனோவிலேகோ². பமுஞ்ச மங் ஸக்க
 கத²ங்கதா²ஹீதி முஞ்ச மங் பமுஞ்ச மங் மோசேஹி மங் பமோசேஹி மங்
 உத்³த⁴ர மங் ஸமுத்³த⁴ர மங் வுட்டா²பேஹி மங் கத²ங்கதா²ஸல்லதோதி -
 பமுஞ்ச மங் ஸக்க கத²ங்கதா²ஹி. தேனாஹ ஸோ ப்³ராஹ்மணோ -

“பஸ்ஸாமஹங் தே³வமனுஸ்ஸலோகே, அகிஞ்சனங்
 ப்³ராஹ்மணமிரியமானங்;
 தங் தங் நமஸ்ஸாமி ஸமந்தசக்கு², பமுஞ்ச மங் ஸக்க
 கத²ங்கதா²ஹீ”தி.

33. நாஹங் ஸஹிஸ்ஸாமி பமோசனாய, கத²ங்கதி²ங் தோ⁴தக கஞ்சி
 லோகே;
 த⁴ம்மஞ்ச ஸெட்ட²ங் ஆஜானமானோ, ஏவங் துவங் ஓக⁴மிமங்
 தரேஸி.

நாஹங் ஸஹிஸ்ஸாமி [ஸமீஹாமி (க.)] பமோசனாயாதி நாஹங் தங்
 ஸக்கோமி முஞ்சிதுங் பமுஞ்சிதுங் மோசேதுங் பமோசேதுங் உத்³த⁴ரிதுங்
 ஸமுத்³த⁴ரிதுங் உட்டா²பேதுங் ஸமுட்டா²பேதுங் கத²ங்கதா²ஸல்லதோதி.
 ஏவம்பி நாஹங் ஸஹிஸ்ஸாமி பமோசனாய. அத² வா, ந ஈஹாமி ந
 ஸமீஹாமி ந உஸ்ஸஹாமி ந வாயமாமி ந உஸ்ஸாஹங் கரோமி ந
 உஸ்ஸொள்ளிங் கரோமி ந தா²மங் கரோமி ந தி⁴திங் கரோமி ந விரியங்
 கரோமி ந ச²ந்த³ங் ஜனேமி ந ஸஞ்ஜனேமி ந நிப்³ப³த்தேமி ந
 அபி⁴னிப்³ப³த்தேமி அஸ்ஸத்³தே⁴ புக்³க³லே அச்சந்தி³கே குஸீதே
 ஹீனவிரியே அப்படிபஜ்ஜமானே த⁴ம்மதே³ஸனாயாதி. ஏவம்பி நாஹங்
 ஸஹிஸ்ஸாமி பமோசனாய. அத² வா, நத்த²ஞ்ஞோ கோசி மோசேதா. தே யதி³
 மோசெய்யுங் ஸகேன தா²மேன ஸகேன ப³லேன ஸகேன விரியேன ஸகேன
 பரக்கமேன ஸகேன புரிஸதா²மேன ஸகேன புரிஸப³லேன ஸகேன
 புரிஸவிரியேன ஸகேன புரிஸபரக்கமேன அத்தனா ஸம்மாபடிபத³ங்
 அனுலோமபடிபத³ங் அபச்சனீகபடிபத³ங் அன்வத்த²படிபத³ங்
 த⁴ம்மானுத⁴ம்மபடிபத³ங் படிபஜ்ஜமானா மோசெய்யுந்தி. ஏவம்பி நாஹங்
 ஸஹிஸ்ஸாமி பமோசனாய.

வுத்தஞ்ஹேதங் ப⁴க³வதா - “ஸோ வத, சுந்த³, அத்தனா பலிபபலிபன்னோ
 பரங் பலிபபலிபன்னங் உத்³த⁴ரிஸ்ஸதீதி நேதங் டா²னங் விஜ்ஜதி. ஸோ வத,
 சுந்த³, அத்தனா அத³ந்தோ அவினீதோ அபரினிப்³பு³தோ பரங் த³மெஸ்ஸதி

வினெஸ்ஸதி பரினிப்³பா³பெஸ்ஸதீதி நேதங் டா²னங் விஜ்ஜதீதி. ஏவம்பி நாஹங் ஸஹிஸ்ஸாமி பமோசனாய.

வுத்தஞ்ஹேதங் ப⁴க³வதா -

“அத்தனா ஹி [அத்தனாவ (ப³ஹூஸு) த⁴. ப. 165] கதங் பாபங்,
அத்தனா ஸங்கிலிஸ்ஸதி;
அத்தனா அகதங் பாபங், அத்தனாவ விஸுஜ்ஜ²தி;
ஸுத்³தி⁴ அஸுத்³தி⁴ பச்சத்தங், நாஞ்ஞோ அஞ்ஞங்
விஸோத⁴யே”தி.

ஏவம்பி நாஹங் ஸஹிஸ்ஸாமி பமோசனாய.

வுத்தஞ்ஹேதங் ப⁴க³வதா - “ஏவமேவ கோ², ப³ராஹ்மண, திட்ட²தேவ
நிப்³பா³னங் திட்ட²தி நிப்³பா³னகா³மிமக்³கோ³ திட்டா²மஹங் ஸமாத³பேதா, அத²
ச பன மம ஸாவகா மயா ஏவங் ஓவதி³யமானா ஏவங் அனுஸாஸியமானா
அப்பேகச்சே அச்சந்தனிட்ட²ங் நிப்³பா³னங் ஆராதெ⁴ந்தி ஏகச்சே நாராதெ⁴ந்தீதி.
எத்த² க்யாஹங், ப³ராஹ்மண கரோமி? மக்³க³க்கா²யீ, ப³ராஹ்மண, ததா²க³தோ.
மக்³க³ங் பு³த்³தோ⁴ ஆசிக்க²தி. அத்தனா படிபஜ்ஜமானா முச்செய்யுந்தி
[முஞ்செய்யுந்தி (ஸ்யா.)]. ஏவம்பி நாஹங் ஸஹிஸ்ஸாமி பமோசனாய”.

கத²ங்கதி²ங் தோ⁴தக கஞ்சி லோகேதி கத²ங்கதி²ங் புக்³க³லங் ஸகங்க²ங்
ஸகி²லங் ஸத்³வெள்ஹகங் ஸவிசிகிச்ச²ங். கஞ்சீதி கஞ்சி க²த்தியங் வா
ப³ராஹ்மணங் வா வெஸ்ஸங் வா ஸுத்³த³ங் வா க³ஹட்ட²ங் வா பப்³ப³ஜிதங்
வா தே³வங் வா மனுஸ்ஸங் வா. லோகேதி அபாயலோகே...பே...
ஆயதனலோகேதி - கத²ங்கதி²ங் தோ⁴தக கஞ்சி லோகே.

த⁴ம்மஞ்ச ஸெட்ட²ங் ஆஜானமாளோதி த⁴ம்மங் ஸெட்ட²ங் வுச்சதி
அமதங் நிப்³பா³னங். யோ ஸோ ஸப்³ப³ஸங்கா²ரஸமதோ²
ஸப்³ப³பதி⁴படினிஸ்ஸக்³கோ³ தண்ஹக்க²யோ விராகோ³ நிரோதோ⁴
நிப்³பா³னங். ஸெட்ட²ந்தி அக்³க³ங் ஸெட்ட²ங் விஸெட்ட²ங் பாமொக்க²ங்
உத்தமங் பவரங் த⁴ம்மங் ஆஜானமாளோ விஜானமாளோ படிவிஜானமாளோ
படிவிஜ்ஜ²மாளோதி - த⁴ம்மஞ்ச ஸெட்ட²ங் ஆஜானமாளோ.

ஏவங் துவங் ஓக⁴மிமங் தரேஸீதி ஏவங் காமோக⁴ங் ப⁴வோக⁴ங்
தி³ட்டோ²க⁴ங் அவிஜ்ஜோக⁴ங் தரெய்யாஸி உத்தரெய்யாஸி பதரெய்யாஸி
ஸமதிக்கமெய்யாஸி வீதிவத்தெய்யாஸீதி - ஏவங் துவங் ஓக⁴மிமங் தரேஸி.
தேனாஹ ப⁴க³வா -

“நாஹங் ஸஹிஸ்ஸாமி பமோசனாய, கத²ங்கதி²ங் தோ⁴தக கஞ்சி
லோகே;
த⁴ம்மஞ்ச ஸெட்ட²ங் ஆஜானமானோ, ஏவங் துவங் ஓக⁴மிமங்
தரேஸ்”தி.

34. அனுஸாஸ ப்ரஹ்மே கருணாயமானோ, விவேகத⁴ம்மங் யமஹங்
விஜஞ்ஞங்;
யதா²ஹங் ஆகாஸோவ [ஆகாஸோ ச (ஸ்யா.)] அப்யாபஜ்ஜமானோ
[அப்யாபஜ்ஜமானோ (ஸ்யா.)], இதே⁴வ ஸந்தோ அஸிதோ
சரெய்யங்.

அனுஸாஸ ப்ரஹ்மே கருணாயமானோதி அனுஸாஸ ப்ரஹ்மே
அனுக்³கண்ஹ ப்ரஹ்மே அனுகம்ப ப்ரஹ்மேதி - அனுஸாஸ ப்ரஹ்மே.
கருணாயமானோதி கருணாயமானோ அனுத³யமானோ [அனுத்³யமானோ
(பஹ்ஸ)] அனுரக்க²மானோ அனுக்³கண்ஹமானோ அனுகம்பமானோதி -
அனுஸாஸ ப்ரஹ்மே கருணாயமானோ.

விவேகத⁴ம்மங் யமஹங் விஜஞ்ஞந்தி விவேகத⁴ம்மங் வுச்சதி அமதங்
நிப்³பா³னங். யோ ஸோ ஸப்³ப³ஸங்கா²ரஸமதோ²
ஸப்³பூ³பதி⁴படினிஸ்ஸக்³கோ³ தண்ஹக்க²யோ விராகோ³ நிரோதோ⁴
நிப்³பா³னங். யமஹங் விஜஞ்ஞந்தி யமஹங் ஜானெய்யங் ஆஜானெய்யங்
விஜானெய்யங் படிவிஜானெய்யங் படிவிஜ்ஜெ²ய்யங் அதி⁴க³ச்செ²ய்யங்
ப²ஸ்ஸெய்யங் ஸச்சிகரெய்யந்தி - விவேகத⁴ம்மங் யமஹங் விஜஞ்ஞங்.

யதா²ஹங் ஆகாஸோவ அப்யாபஜ்ஜமானோதி யதா² ஆகாஸோ ந பஜ்ஜதி
ந க³ண்ஹதி [நத்தி²... ஸ்யா. ... பொத்த²கே] ந ப³ஜ்ஜ²தி ந பலிப³ஜ்ஜ²தி, ஏவங்
அபஜ்ஜமானோ அக³ண்ஹமானோ அப³ஜ்ஜ²மானோ அபலிப³ஜ்ஜ²மானோதி -
ஏவம்பி ஆகாஸோவ அப்யாபஜ்ஜமானோ. யதா² ஆகாஸோ ந ரஜ்ஜதி லாகா²ய
வா ஹலித்³தி³யா [ஹலித்³தே³ன (ஸ்யா.)] வா நீலியா [நீலேன (ஸ்யா.)] வா
மஞ்ஜெட்டா²ய வா ஏவங் அரஜ்ஜமானோ அது³ஸ்ஸமானோ அமுய்ஹமானோ
அகிலிஸ்ஸமானோதி [அகிலியமானோ (ஸ்யா.)] - ஏவம்பி ஆகாஸோவ
அப்யாபஜ்ஜமானோ. யதா² ஆகாஸோ ந குப்பதி ந ப்யாபஜ்ஜதி ந பதிலீயதி
[பதிட்டி²யதி (க.)] ந படிஹஞ்ஞதி, ஏவங் அகுப்பமானோ அப்யாபஜ்ஜமானோ
அப்பதிலீயமானோ அப்படிஹஞ்ஞமானோ அப்படிஹதமானோதி - ஏவம்பி
ஆகாஸோவ அப்யாபஜ்ஜமானோ.

இதே⁴வ ஸந்தோ அஸிதோ சரெய்யந்தி. இதே⁴வ ஸந்தோதி இதே⁴வ
ஸந்தோ இதே⁴வ ஸமானோ இதே⁴வ நிஸின்னோ ஸமானோ
இமஸ்மிங்யேவ ஆஸனே நிஸின்னோ ஸமானோ இமிஸ்ஸாயேவ பரிஸாய

நிஸின்னோ ஸமானோதி, ஏவம்பி - இதே⁴வ ஸந்தோ. அத² வா, இதே⁴வ ஸந்தோ உபஸந்தோ ஓபஸந்தோ நிப்³பு³தோ படிப்பஸ்ஸத்³தோ⁴தி, ஏவம்பி - இதே⁴வ ஸந்தோ. அஸிதோதி த்³வே நிஸ்ஸயா - தண்ஹானிஸ்ஸயோ ச தி³ட்டி²னிஸ்ஸயோ ச...பே... அயங் தண்ஹானிஸ்ஸயோ...பே... அயங் தி³ட்டி²னிஸ்ஸயோ... தண்ஹானிஸ்ஸயங் பஹாய தி³ட்டி²னிஸ்ஸயங் படினிஸ்ஸஜ்ஜித்வா சக்கு²ங் அனிஸ்ஸிதோ, ஸோதங் அனிஸ்ஸிதோ, கா⁴னங் அனிஸ்ஸிதோ, ஜிவ்ஹங் அனிஸ்ஸிதோ, காயங் அனிஸ்ஸிதோ, மனங் அனிஸ்ஸிதோ, ரூபே... ஸத்³தே³... க³ந்தே⁴ ... ரஸே... பொ²ட்ட²ப்³பே³... த⁴ம்மே... குலங்... க³ணங்... ஆவாஸங்... லாப⁴ங்... யஸங்... பஸங்ஸங்... ஸுக²ங்... சீவரங்... பிண்ட³பாதங்... ஸேனாஸனங்... கி³லானபச்சயபே⁴ஸஜ்ஜபரிக்கா²ரங்... காமதா⁴துங்... ரூபதா⁴துங்... அரூபதா⁴துங்... காமப⁴வங்... ரூபப⁴வங்... அரூபப⁴வங்... ஸஞ்ஞாப⁴வங்... அஸஞ்ஞாப⁴வங்... நேவஸஞ்ஞானாஸஞ்ஞாப⁴வங்... ஏகவோகாரப⁴வங்... சதுவோகாரப⁴வங்... பஞ்சவோகாரப⁴வங்... அதீதங்... அனாக³தங்... பச்சப்பன்னங்... தி³ட்ட²ஸுதமுதவிஞ்ஞாதப்³பே³ [தி³ட்ட²ங், ஸுதங், முதங், விஞ்ஞாதங், ஸப்³பே³. மஹானி. 46 பஸ்ஸிதப்³புங்] த⁴ம்மே அஸிதோ அனிஸ்ஸிதோ அனல்லீனோ அனுபக³தோ அனஜ்ஜோ²ஸிதோ அனதி⁴முத்தோ நிக்க²ந்தோ நிஸ்ஸடோ [நிஸ்ஸட்டோ² (ஸ்யா.)] விப்பமுத்தோ விஸங்யுத்தோ விமரியாதி³கதேன சேதஸா. சரெய்யந்தி சரெய்யங் விஹரெய்யங் இரியெய்யங் வத்தெய்யங் யபெய்யங் யாபெய்யந்தி - இதே⁴வ ஸந்தோ அஸிதோ சரெய்யங். தேனாஹ ஸோ ப்³ராஹ்மணோ -

“அனுஸாஸ ப்³ரஹ்மே கருணாயமானோ, விவேகத⁴ம்மங் யமஹங் விஜஞ்ஞங்;
யதா²ஹங் ஆகாஸோவ அப்³யாபஜ்ஜமானோ, இதே⁴வ ஸந்தோ அஸிதோ சரெய்ய”ந்தி.

35. கித்தயிஸ்ஸாமி தே ஸந்திங், [தோ⁴தகாதி ப⁴க³வா] தி³ட்டே² த⁴ம்மே அனீதிஹங்;
யங் விதி³த்வா ஸதோ சரங், தரே லோகே விஸத்திகங்.

கித்தயிஸ்ஸாமி தே ஸந்திந்தி ராக³ஸ்ஸ ஸந்திங், தோ³ஸ்ஸ ஸந்திங், மோஹஸ்ஸ ஸந்திங், கோத⁴ஸ்ஸ ஸந்திங், உபனாஹஸ்ஸ...பே... மக்க²ஸ்ஸ... பளாஸஸ்ஸ... இஸ்ஸாய... மச்ச²ரியஸ்ஸ... மாயாய... ஸாடெ²ய்யஸ்ஸ... த²ம்ப⁴ஸ்ஸ... ஸாரம்ப⁴ஸ்ஸ... மானஸ்ஸ... அதிமானஸ்ஸ... மத³ஸ்ஸ... பமாத³ஸ்ஸ... ஸப்³புகிலேஸானங்... ஸப்³புதுச்சரிதானங்... ஸப்³புத³ரதா²னங்... ஸப்³புபரிளாஹானங்... ஸப்³புஸந்தாபானங்... ஸப்³பாகுஸலாபி⁴ஸங்கா²ரானங் ஸந்திங் உபஸந்திங் ஓபஸந்திங் நிப்³புதிங் படிப்பஸ்ஸத்³தி⁴ங் கித்தயிஸ்ஸாமி பகித்தயிஸ்ஸாமி

ஆசிக்கி²ஸ்ஸாமி தே³ஸெஸ்ஸாமி பஞ்ஞபெஸ்ஸாமி பட்ட²பெஸ்ஸாமி
விவரிஸ்ஸாமி விப⁴ஜிஸ்ஸாமி உத்தானீகரிஸ்ஸாமி பகாஸிஸ்ஸாமீதி -
கித்தயிஸ்ஸாமி தே ஸந்திங்.

தோ⁴தகாதி ப⁴க³வாதி. தோ⁴தகாதி ப⁴க³வா தங் ப்³ராஹ்மணங்
நாமேன ஆலபதி. ப⁴க³வாதி கா³ரவாதி⁴வசனமேதங்...பே... ஸச்சி²கா
பஞ்ஞத்தி, யதி³த³ங் ப⁴க³வாதி - தோ⁴தகாதி ப⁴க³வா.

தி³ட்டே² த⁴ம்மே அனீதிஹந்தி. தி³ட்டே² த⁴ம்மேதி தி³ட்டே² த⁴ம்மே
ஞாதே த⁴ம்மே துலிதே த⁴ம்மே தீரிதே த⁴ம்மே விபு⁴தே த⁴ம்மே
விபா⁴விதே த⁴ம்மே ஸப்³பே³ ஸங்கா²ரா அனிச்சாதி...பே... யங் கிஞ்சி
ஸமுத³யத⁴ம்மங் ஸப்³ப³ங் தங் நிரோத⁴த⁴ம்மந்தி தி³ட்டே² த⁴ம்மே ஞாதே
த⁴ம்மே துலிதே த⁴ம்மே தீரிதே த⁴ம்மே விபா⁴விதே த⁴ம்மே விபு⁴தே
த⁴ம்மேதி, ஏவம்பி - தி³ட்டே² த⁴ம்மே...பே... அத² வா, து³க்கே² தி³ட்டே²
து³க்க²ங் கத²யிஸ்ஸாமி, ஸமுத³யே தி³ட்டே² ஸமுத³யங் கத²யிஸ்ஸாமி,
மக்³கே³ தி³ட்டே² மக்³க³ங் கத²யிஸ்ஸாமி, நிரோதே⁴ தி³ட்டே² நிரோத⁴ங்
கத²யிஸ்ஸாமீதி, ஏவம்பி - தி³ட்டே² த⁴ம்மே...பே... அத² வா, ஸந்தி³ட்டி²கங்
அகாலிகங் ஏஹிபஸ்ஸிகங் ஒபனெய்யிகங் [ஒபனயிகங் (ஸ்யா. க.)] பச்சத்தங்
வேதி³தப்³ப³ங் விஞ்ஞாஹீதி, ஏவம்பி - தி³ட்டே² த⁴ம்மே. அனீதிஹந்தி ந
இதிஹீதிஹங் ந இதிகிராய ந பரம்பராய ந பிடகஸம்பதா³ய ந தக்கஹேது ந
நயஹேது ந ஆகாரபரிவிதக்கேன ந தி³ட்டி²னிஜ்ஜா²னக்க²ந்தியா ஸாமங்
ஸயமபி⁴ஞ்ஞாதங் அத்தபச்சக்க²த⁴ம்மங், தங் கத²யிஸ்ஸாமீதி - தி³ட்டே²
த⁴ம்மே அனீதிஹங்.

யங் விதி³த்வா ஸதோ சரந்தி யங் விதி³தங் கத்வா துலயித்வா தீரயித்வா
விபா⁴வயித்வா விபு⁴தங் கத்வா; “ஸப்³பே³ ஸங்கா²ரா அனிச்சா”தி விதி³தங்
கத்வா துலயித்வா தீரயித்வா விபா⁴வயித்வா விபு⁴தங் கத்வா; “ஸப்³பே³
ஸங்கா²ரா து³க்கா²”தி...பே... “ஸப்³பே³ த⁴ம்மா அனத்தா”தி...பே... “யங் கிஞ்சி
ஸமுத³யத⁴ம்மங் ஸப்³ப³ங் தங் நிரோத⁴த⁴ம்ம”ந்தி விதி³தங் கத்வா
துலயித்வா தீரயித்வா விபா⁴வயித்வா விபு⁴தங் கத்வா . ஸதோதி சதூஹி
காரணேஹி ஸதோ - காயே காயானுபஸ்ஸனாஸதிபட்டா²னங் பா⁴வெந்தோ
ஸதோ...பே... ஸோ வச்சதி ஸதோ. சரந்தி சரந்தோ விஹரந்தோ இரியந்தோ
வத்தெந்தோ பாலெந்தோ யபெந்தோ யாபெந்தோதி - யங் விதி³த்வா ஸதோ
சரங் .

தரே லோகே விஸத்திகந்தி விஸத்திகா வச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங். விஸத்திகாதி
கேனட்டே²ன விஸத்திகா...பே... விஸடா வித்த²தாதி விஸத்திகா. லோகேதி
அபாயலோகே...பே... ஆயதனலோகே. தரே லோகே விஸத்திகந்தி லோகே

வேஸா விஸத்திகா, லோகே வேதங் விஸத்திகங் ஸதோ தரெய்ய உத்தரெய்ய
பதரெய்ய ஸமதிக்கமெய்ய வீதிவத்தெய்யாதி - தரே லோகே விஸத்திகங்.
தேனாஹ ப⁴க³வா -

“கித்தயிஸ்ஸாமி தே ஸந்திங், [தோ⁴தகாதி ப⁴க³வா]
தி³ட்டே² த⁴ம்மே அனீதிஹங்;
யங் விதி³த்வா ஸதோ சரங், தரே லோகே விஸத்திக”ந்தி.

36. தஞ்சாஹங் அபி⁴னந்தா³மி, மஹேஸி ஸந்திமுத்தமங்;
யங் விதி³த்வா ஸதோ சரங், தரே லோகே விஸத்திகங்.

தஞ்சாஹங் அபி⁴னந்தா³மீதி. தந்தி துய்ஹங் வசனங் ப்³யப்பத²ங்
தே³ஸனங் அனுஸாஸனங் அனுஸிட்ட²ங் நந்தா³மி அபி⁴னந்தா³மி மோதா³மி
அனுமோதா³மி இச்சா²மி ஸாதி³யாமி பத்த²யாமி பிஹயாமி அபி⁴ஜப்பாமீதி -
தஞ்சாஹங் அபி⁴னந்தா³மி.

மஹேஸிஸந்திமுத்தமந்தி. மஹேஸீதி கிங் மஹேஸி ப⁴க³வா?
மஹந்தங் ஸீலக்க²ந்த⁴ங் ஏஸீ க³வேஸீ பரியேஸீதி மஹேஸி, மஹந்தங்
ஸமாதி⁴க்க²ந்த⁴ங்...பே... கஹங் நராஸபோ⁴தி மஹேஸி. ஸந்திமுத்தமந்தி
ஸந்தி வுச்சதி அமதங் நிப்³பா³னங். யோ ஸோ ஸப்³புஸங்கா²ரஸமதோ²
ஸப்³பு³பதி⁴படினிஸ்ஸக்³கோ³ தண்ஹக்க²யோ விராகோ³ நிரோதோ⁴
நிப்³பா³னங். உத்தமந்தி அக்³க³ங் ஸெட்ட²ங் விஸெட்ட²ங் பாமொக்க²ங் உத்தமங்
பவரந்தி - மஹேஸி ஸந்திமுத்தமங்.

யங் விதி³த்வா ஸதோ சரந்தி யங் விதி³தங் கத்வா...பே... “ஸப்³பே³
ஸங்கா²ரா அனிச்சா”தி விதி³தங் கத்வா துலயித்வா தீரயித்வா விபா⁴வயித்வா
விபு⁴தங் கத்வா; “ஸப்³பே³ ஸங்கா²ரா து³க்கா²”தி... “ஸப்³பே³ த⁴ம்மா
அனத்தா”தி...பே... “யங் கிஞ்சி ஸமுத³யத⁴ம்மங் ஸப்³புங் தங்
நிரோத⁴த⁴ம்ம”ந்தி விதி³தங் கத்வா துலயித்வா தீரயித்வா விபா⁴வயித்வா
விபு⁴தங் கத்வா. ஸதோதி சதூஹி காரணேஹி ஸதோ - காயே
காயானுபஸ்ஸனாஸதிபட்டா²னங் பா⁴வெந்தோ ஸதோ...பே... ஸோ வுச்சதி
ஸதோ. சரந்தி சரந்தோ...பே... யாபெந்தோதி - யங் விதி³த்வா ஸதோ சரங்.

தரே லோகே விஸத்திகந்தி. விஸத்திகா வுச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங். விஸத்திகாதி
கேனட்டே²ன விஸத்திகா...பே... விஸடா வித்த²தாதி விஸத்திகா. லோகேதி
அபாயலோகே...பே... ஆயதனலோகே. தரே லோகே விஸத்திகந்தி லோகே
வேஸா விஸத்திகா, லோகே வேதங் விஸத்திகங் ஸதோ தரெய்யங்

உத்தரெய்யங்...பே... வீதிவத்தெய்யந்தி - தரே லோகே விஸத்திகங். தேனாஹ
ஸோ ப்ராஹ்மணோ -

“தஞ்சாஹங் அபி⁴னந்தா³மி, மஹேஸி ஸந்திமுத்தமங்;
யங் விதி³த்வா ஸதோ சரங், தரே லோகே விஸத்திக³ந்தி.

37. யங் கிஞ்சி ஸம்பஜானாஸி, [தோ⁴தகாதி ப⁴க³வா]
உத்³த⁴ங் அதோ⁴ திரியஞ்சாபி மஜ்ஜே²;
ஏதங் விதி³த்வா ஸங்கோ³தி லோகே, ப⁴வாப⁴வாய மாகாஸி
தண்ஹங்.

யங் கிஞ்சி ஸம்பஜானாஸீதி யங் கிஞ்சி ஸம்பஜானாஸி ஆஜானாஸி
படிவிஜானாஸி படிவிஜ்ஜ²ஸீதி - யங் கிஞ்சி ஸம்பஜானாஸி. தோ⁴தகாதி
ப⁴க³வாதி. தோ⁴தகாதி ப⁴க³வா தங் ப்ராஹ்மணங் நாமேன ஆலபதி.
ப⁴க³வாதி கா³ரவாதி⁴வசனமேதங்...பே... ஸச்சி²கா பஞ்ஞத்தி, யதி³த³ங்
ப⁴க³வாதி - தோ⁴தகாதி ப⁴க³வா.

உத்³த⁴ங் அதோ⁴ திரியஞ்சாபி மஜ்ஜே²தி. உத்³த⁴ந்தி அனாக³தங்;
அதோ⁴தி அதீதங்; திரியஞ்சாபி மஜ்ஜே²தி பச்சப்பன்னங். உத்³த⁴ந்தி
தே³வலோகோ; அதோ⁴தி அபாயலோகோ; திரியஞ்சாபி மஜ்ஜே²தி
மனுஸ்ஸலோகோ. அத² வா, உத்³த⁴ந்தி குஸலா த⁴ம்மா; அதோ⁴தி
அகுஸலா த⁴ம்மா; திரியஞ்சாபி மஜ்ஜே²தி அப்யாகதா த⁴ம்மா. உத்³த⁴ந்தி
அருபதா⁴து; அதோ⁴தி காமதா⁴து; திரியஞ்சாபி மஜ்ஜே²தி ரூபதா⁴து.
உத்³த⁴ந்தி ஸுகா² வேத³னா; அதோ⁴தி து³க்கா² வேத³னா; திரியஞ்சாபி
மஜ்ஜே²தி அது³க்க²மஸுகா² வேத³னா. உத்³த⁴ந்தி உத்³த⁴ங் பாத³தலா;
அதோ⁴தி அதோ⁴ கேஸமத்த²கா; திரியஞ்சாபி மஜ்ஜே²தி வேமஜ்ஜே²தி -
உத்³த⁴ங் அதோ⁴ திரியஞ்சாபி மஜ்ஜே².

ஏதங் விதி³த்வா ஸங்கோ³தி லோகேதி ஸங்கோ³ ஏஸோ லக்³க³னங் ஏதங்
ப³ந்த⁴னங் ஏதங் பலிபோ³தோ⁴ ஏஸோதி ஞத்வா ஜானித்வா துலயித்வா
தீரயித்வா விபா⁴வயித்வா விபு⁴தங் கத்வாதி - ஏதங் விதி³த்வா ஸங்கோ³தி
லோகே.

ப⁴வாப⁴வாய மாகாஸி தண்ஹந்தி. தண்ஹாதி ரூபதண்ஹா
ஸத்³த³தண்ஹா...பே... த⁴ம்மதண்ஹா. ப⁴வாப⁴வாயாதி ப⁴வாப⁴வாய
கம்மப⁴வாய புனப்³ப⁴வாய காமப⁴வாய, கம்மப⁴வாய காமப⁴வாய
புனப்³ப⁴வாய ரூபப⁴வாய, கம்மப⁴வாய ரூபப⁴வாய புனப்³ப⁴வாய
அருபப⁴வாய, கம்மப⁴வாய அருபப⁴வாய புனப்³ப⁴வாய
புனப்புனப்³ப⁴வாய, புனப்புன³தியா புனப்புனஉபபத்தியா புனப்புனபடிஸந்தி⁴யா
புனப்புனஅத்தபா⁴வாபி⁴னிப்³ப³த்தியா தண்ஹங் மாகாஸி மா ஜனேஸி மா

ஸஞ்ஜனேஸி மா நிப்³புத்தேஸி மாபி⁴னிப்³புத்தேஸி, பஜஹ வினோதே³ஹி
ப்³யந்தீகரோஹி அனபா⁴வங் க³மேஹீதி - ப⁴வாப⁴வாய மாகாஸி
தண்ஹந்தி. தேனாஹ ப⁴க³வா -

“யங் கிஞ்சி ஸம்பஜானாஸி, [தோ⁴தகாதி ப⁴க³வா]
உத்³த⁴ங் அதோ⁴ திரியஞ்சாபி மஜ்ஜே²;
ஏதங் விதி³த்வா ஸங்கோ³தி லோகே, ப⁴வாப⁴வாய மாகாஸி
தண்ஹ”ந்தி.

ஸஹ கா³தா²பரியோஸானா...பே... ஸத்தா² மே, ப⁴ந்தே ப⁴க³வா,
ஸாவகோஹமஸ்மீதி.

தோ⁴தகமாணவபுச்சா²னித்³தே³ஸோ பஞ்சமோ.

6. உபஸீவமாணவபுச்சா²னித்³தே³ஸோ

38. ஏகோ அஹங் ஸக்க மஹந்தமோக⁴ங், [இச்சாயஸ்மா உபஸீவோ]
அனிஸ்ஸிதோ நோ விஸஹாமி தாரிதுங்;
ஆரம்மணங் [ஆரமணங் (க.)] ப்³ருஹி ஸமந்தசக்கு², யங் நிஸ்ஸிதோ
ஓக⁴மிமங் தரெய்யங்.

ஏகோ அஹங் ஸக்க மஹந்தமோக⁴ந்தி. ஏகோதி புக்³க³லோ வா மே
து³தியோ நத்தி², த⁴ம்மோ வா மே து³தியோ நத்தி², யங் வா புக்³க³லங்
நிஸ்ஸாய த⁴ம்மங் வா நிஸ்ஸாய மஹந்தங் காமோக⁴ங் ப⁴வோக⁴ங்
தி³ட்டோ²க⁴ங் அவிஜ்ஜோக⁴ங் தரெய்யங் உத்தரெய்யங் பதரெய்யங்
ஸமதிக்கமெய்யங் வீதிவத்தெய்யந்தி. ஸக்காதி ஸக்கோ. ப⁴க³வா ஸக்யகுலா
பப்³புஜிதோதிபி ஸக்கோ. அத² வா, அட்³டோ⁴ மஹத்³த⁴னோ த⁴னவாதிபி
ஸக்கோ. தஸ்ஸிமானி த⁴னானி, ஸெய்யதி²த³ங் - ஸத்³தா⁴த⁴னங்
ஸீலத⁴னங் ஹிரித⁴னங் ஒத்தப்பத⁴னங் ஸுதத⁴னங் சாக³த⁴னங்
பஞ்ஞாத⁴னங் ஸதிபட்டா²னத⁴னங்...பே... நிப்³பா³னத⁴னங். இமேஹி
அனேகேஹி த⁴னரதனேஹி அட்³டோ⁴ மஹத்³த⁴னோ த⁴னவாதிபி
ஸக்கோ. அத² வா, ஸக்கோ பஹு விஸவீ அலமத்தோ ஸுரோ வீரோ
விக்கந்தோ அபீ⁴ரு அச²ம்பீ⁴ அனுத்ராஸீ அபலாயீ பஹீனப⁴யபே⁴ரவோ
விக³தலோமஹங்ஸோதிபி ஸக்கோதி - ஏகோ அஹங் ஸக்க
மஹந்தமோக⁴ங்.

இச்சாயஸ்மா உபஸீவோதி. இச்சாதி பத³ஸந்தி⁴...பே.... ஆயஸ்மாதி
பியவசனங்...பே.... உபஸீவோதி தஸ்ஸ ப்³ராஹ்மணஸ்ஸ நாமங்...பே...
அபி⁴லாபோதி - இச்சாயஸ்மா உபஸீவோ.

அனிஸ்ஸிதோ நோ விஸஹாமி தாரிதுந்தி. அனிஸ்ஸிதோதி புக்³லங்
வா அனிஸ்ஸிதோ த⁴ம்மங் வா அனிஸ்ஸிதோ நோ விஸஹாமி ந
உஸ்ஸஹாமி ந ஸக்கோமி ந படிப³லோ மஹந்தங் காமோக⁴ங்
ப⁴வோக⁴ங் தி³ட்டோ²க⁴ங் அவிஜ்ஜோக⁴ங் தரிதுங் உத்தரிதுங் பதரிதுங்
ஸமதிக்கமிதுங் வீதிவத்திதுந்தி - அனிஸ்ஸிதோ நோ விஸஹாமி தாரிதுங்.

ஆரம்மணங் ப்³ருஹி ஸமந்தசக்க²தி ஆரம்மணங் ஆலம்ப³ணங்
நிஸ்ஸயங் உபனிஸ்ஸயங் ப்³ருஹி ஆசிக்கா²ஹி தே³ஸேஹி பஞ்ஞபேஹி
பட்ட²பேஹி விவராஹி விப⁴ஜாஹி உத்தானீகரோஹி பகாஸேஹி.
ஸமந்தசக்க²தி ஸமந்தசக்கு² வுச்சதி ஸப்³ப³ஞ்ஞதஞாணங். ப⁴க³வா தேன
ஸப்³ப³ஞ்ஞதஞாணேன உபேதோ ஸமுபேதோ உபாக³தோ ஸமுபாக³தோ
உபபன்னோ ஸமுபபன்னோ ஸமன்னாக³தோ.

ந தஸ்ஸ அதி³ட்ட²மித⁴த்தி² கிஞ்சி, அதோ² அவிஞ்ஞாதமஜானிதப்³ப³ங்;
ஸப்³ப³ங் அபி⁴ஞ்ஞாஸி யத³த்தி² நெய்யங், ததா²க³தோ தேன
ஸமந்தசக்க²தி.

ஆரம்மணங் ப்³ருஹி ஸமந்தசக்கு².

யங் நிஸ்ஸிதோ ஓக⁴மிமங் தரெய்யந்தி. யங் நிஸ்ஸிதோதி யங்
புக்³லங் வா நிஸ்ஸிதோ த⁴ம்மங் வா நிஸ்ஸிதோ மஹந்தங் காமோக⁴ங்
ப⁴வோக⁴ங் தி³ட்டோ²க⁴ங் அவிஜ்ஜோக⁴ங் தரெய்யங் உத்தரெய்யங்
பதரெய்யங் ஸமதிக்கமெய்யங் வீதிவத்தெய்யந்தி - யங் நிஸ்ஸிதோ
ஓக⁴மிமங் தரெய்யங் . தேனாஹ ஸோ ப்³ராஹ்மணோ -

“ஏகோ அஹங் ஸக்க மஹந்தமோக⁴ங், [இச்சாயஸ்மா உபஸீவோ]
அனிஸ்ஸிதோ நோ விஸஹாமி தாரிதுங்;
ஆரம்மணங் ப்³ருஹி ஸமந்தசக்கு², யங் நிஸ்ஸிதோ ஓக⁴மிமங்
தரெய்ய”ந்தி.

39. ஆகிஞ்சஞ்ஞங் பெக்க²மானோ ஸதிமா, [உபஸீவாதி ப⁴க³வா]
நத்தீ²தி நிஸ்ஸாய தரஸ்ஸு ஓக⁴ங்;
காமே பஹாய விரதோ கதா²ஹி, தண்ஹக்க²யங்
நத்தமஹாபி⁴பஸ்ஸ ரத்தமஹாபி⁴பஸ்ஸ (ஸ்யா.) பஸ்ஸ
அபி⁴தா⁴னக³ந்தே² அப்யயவக்³கே³ .

ஆகிஞ்சஞ்ஞங் பெக்க²மானோ ஸதிமாதி ஸோ ப்³ராஹ்மணோ பகதியா
ஆகிஞ்சஞ்ஞாயதனஸமாபத்திங் லாபீ⁴யேவ நிஸ்ஸயங் ந ஜானாதி - “அயங்
மே நிஸ்ஸயோ”தி. தஸ்ஸ ப⁴க³வா நிஸ்ஸயஞ்ச ஆசிக்க²தி உத்தரிஞ்ச
நிய்யானபத²ங். ஆகிஞ்சஞ்ஞாயதனஸமாபத்திங் ஸதோ ஸமாபஜ்ஜித்வா ததோ

வுட்ட²ஹித்வா தத்த² ஜாதே சித்தசேதஸிகே த⁴ம்மே அனிச்சதோ
பெக்க²மானோ, து³க்க²தோ...பே... ரோக³தோ... க³ண்ட³தோ... ஸல்லதோ...
அக⁴தோ... ஆபா³த⁴தோ... பரதோ... பலோகதோ... ஈதிதோ... உபத்³த³வதோ...
ப⁴யதோ... உபஸக்³தோ... சலதோ... பப⁴ங்கு³தோ... அத்³து⁴வதோ...
அதாணதோ... அலேணதோ... அஸரணதோ... அஸரணீபூ⁴ததோ... ரித்ததோ...
துச்ச²தோ... ஸுஞ்ஞதோ... அனத்ததோ... ஆதீ³னவதோ... விபரிணாமத⁴ம்மதோ...
அஸாரகதோ... அக⁴மூலதோ... ப⁴வதோ... விப⁴வதோ... ஸாஸவதோ...
ஸங்க²ததோ... மாராமிஸதோ... ஜாதித⁴ம்மதோ... ஜராத⁴ம்மதோ...
ப்யாதி⁴த⁴ம்மதோ... மரணத⁴ம்மதோ...
ஸோகபரிதே³வது³க்க²தோ³மனஸ்ஸுபாயாஸத⁴ம்மதோ ...
ஸமுத³யத⁴ம்மதோ... அத்த²ங்க³மதோ... அஸ்ஸாத³தோ... ஆதீ³னவதோ...
நிஸ்ஸரணதோ பெக்க²மானோ த³க்க²மானோ ஓலோகயமானோ
நிஜ்ஜ²யமானோ உபபரிக்க²மானோ.

ஸதிமாதி யா ஸதி அனுஸ்ஸதி படிஸ்ஸதி...பே... ஸம்மாஸதி - அயங்
வுச்சதி ஸதி. இமாய ஸதியா உபேதோ ஹோதி...பே... ஸமன்னாக³தோ, ஸோ
வுச்சதி ஸதிமாதி - ஆகிஞ்சஞ்ஞங் பெக்க²மானோ ஸதிமா.

உபஸீவாதி ப⁴க³வாதி. உபஸீவாதி ப⁴க³வா தங் ப்³ராஹ்மணங் நாமேன
ஆலபதி. ப⁴க³வாதி கா³ரவாதி⁴வசனமேதங்...பே... ஸச்சி²கா பஞ்ஞத்தி,
யதி³த³ங் ப⁴க³வாதி - உபஸீவாதி ப⁴க³வா.

நத்தீ²தி நிஸ்ஸாய தரஸ்ஸு ஓக⁴ந்தி நத்தி² கிஞ்சீதி
ஆகிஞ்சஞ்ஞாயதனஸமாபத்தி. கிங்காரணா நத்தி² கிஞ்சீதி
ஆகிஞ்சஞ்ஞாயதனஸமாபத்தி? விஞ்ஞாணஞ்சாயதனஸமாபத்திங் ஸதோ
ஸமாபஜ்ஜித்வா ததோ வுட்ட²ஹித்வா தஞ்ஞேவ விஞ்ஞாணங் அபா⁴வேதி,
விபா⁴வேதி, அந்தரதா⁴பேதி, நத்தி² கிஞ்சீதி பஸ்ஸதி. தங்காரணா நத்தி²
கிஞ்சீதி ஆகிஞ்சஞ்ஞாயதனஸமாபத்திங் நிஸ்ஸாய உபனிஸ்ஸாய
ஆலம்ப³ணங் கரித்வா காமோக⁴ங் ப⁴வோக⁴ங் தி³ட்டோ²க⁴ங்
அவிஜ்ஜோக⁴ங் தரஸ்ஸு உத்தரஸ்ஸு பதரஸ்ஸு ஸமதிக்கமஸ்ஸு
வீதிவத்தஸ்ஸுதி - நத்தீ²தி நிஸ்ஸாய தரஸ்ஸு ஓக⁴ங்.

காமே பஹாய விரதோ கதா²ஹீதி. காமாதி உத்³தா³னதோ த்³வே காமா -
வத்து²காமா ச கிலேஸகாமா ச...பே... இமே வுச்சந்தி வத்து²காமா ...பே... இமே
வுச்சந்தி கிலேஸகாமா. காமே பஹாயாதி வத்து²காமே பரிஜானித்வா
கிலேஸகாமே பஹாய பஜஹித்வா வினோதெ³த்வா ப்யந்தீகரித்வா
அனபா⁴வங் க³மெத்வாதி - காமே பஹாய. விரதோ கதா²ஹீதி கத²ங்கதா²
வுச்சதி விசிகிச்சா². து³க்கே² கங்கா²...பே... ச²ம்பி⁴தத்தங் சித்தஸ்ஸ
மனோவிலேகோ² கத²ங்கதா²ய ஆரதோ விரதோ படிவிரதோ நிக்க²ந்தோ

நிஸ்ஸடோ விப்பமுத்தோ விஸஞ்ஞுத்தோ விமரியாதி³கதேன சேதஸா
விஹரதீதி - ஏவம்பி விரதோ கதா²ஹி...பே... அத² வா, த்³வத்திங்ஸாய
திரச்சா²னகதா²ய ஆரதோ விரதோ படிவிரதோ நிக்க²ந்தோ நிஸ்ஸடோ
விப்பமுத்தோ விஸஞ்ஞுத்தோ விமரியாதி³கதேன சேதஸா விஹரதீதி ஏவம்பி
விரதோ கதா²ஹிதி - காமே பஹாய விரதோ கதா²ஹி.

தண்ஹக்க²யங் நத்தமஹாபி⁴பஸ்ஸாதி. தண்ஹாதி ரூபதண்ஹா...பே...
த⁴ம்மதண்ஹா. நத்தங் வச்சதி ரத்தி. அஹோதி தி³வஸோ. ரத்திஞ்ச தி³வா ச
தண்ஹக்க²யங் ராக³க்க²யங் தோ³ஸக்க²யங் மோஹக்க²யங் க³திக்க²யங்
உபபத்திக்க²யங் படிஸந்தி⁴க்க²யங் ப⁴வக்க²யங் ஸங்ஸாரக்க²யங்
வட்டக்க²யங் பஸ்ஸ அபி⁴பஸ்ஸ த³க்க² ஓலோகய நிஜ்ஜா²ய உபபரிக்கா²தி -
தண்ஹக்க²யங் நத்தமஹாபி⁴பஸ்ஸ. தேனாஹ ப⁴க³வா -

“ஆகிஞ்சஞ்ஞங் பெக்க²மானோ ஸதிமா, [உபஸீவாதி ப⁴க³வா]
நத்தீதி நிஸ்ஸாய தரஸ்ஸ ஓக⁴ங்;
காமே பஹாய விரதோ கதா²ஹி, தண்ஹக்க²யங்
நத்தமஹாபி⁴பஸ்ஸா”தி.

40. ஸப்³பே³ஸு காமேஸு யோ வீதராகோ³, [இச்சாயஸ்மா உபஸீவோ]
ஆகிஞ்சஞ்ஞங் நிஸ்ஸிதோ ஹித்வா மஞ்ஞங்;
ஸஞ்ஞாவிமொக்கே² பரமேதி⁴முத்தோ, திட்டே² நு ஸோ தத்த²
அனானுயாயீ.

ஸப்³பே³ஸு காமேஸு யோ வீதராகோ³தி. ஸப்³பே³ஸுதி ஸப்³பே³ன
ஸப்³பங் ஸப்³பதா² ஸப்³பங் அஸேஸங் நிஸ்ஸேஸங்
பரியாதி³யனவசனமேதங் ஸப்³பே³ஸுதி. காமேஸுதி காமாதி உத்³தா³னதோ
த்³வே காமா - வத்து²காமா ச கிலேஸகாமா ச...பே... இமே வச்சந்தி வத்து²காமா...
பே... இமே வச்சந்தி கிலேஸகாமா. ஸப்³பே³ஸு காமேஸு யோ வீதராகோ³தி.
ஸப்³பே³ஸு காமேஸு யோ வீதராகோ³ விக³தராகோ³ சத்தராகோ³ வந்தராகோ³
முத்தராகோ³ பஹீனராகோ³ படினிஸ்ஸட்ட²ராகோ³ விக்க²ம்ப⁴னதோதி -
ஸப்³பே³ஸு காமேஸு யோ வீதராகோ³.

இச்சாயஸ்மா உபஸீவோதி. இச்சாதி பத³ஸந்தி⁴...பே... ஆயஸ்மாதி
பியவசனங்...பே... உபஸீவோதி தஸ்ஸ ப்³ராஹ்மணஸ்ஸ நாமங்...பே...
அபி⁴லாபோதி - இச்சாயஸ்மா உபஸீவோ.

ஆகிஞ்சஞ்ஞங் நிஸ்ஸிதோ ஹித்வா மஞ்ஞந்தி. ஹெட்டி²மா ச²
ஸமாபத்தியோ ஹித்வா சஜித்வா பரிச்சஜித்வா அதிக்மித்வா ஸமதிக்கமித்வா
வீதிவத்தித்வா ஆகிஞ்சஞ்ஞாயதனஸமாபத்திங் நிஸ்ஸிதோ அல்லீனோ

உபக³தோ ஸமுபக³தோ அஜ்ஜோ²ஸிதோ அதி⁴முத்தோதி - ஆகிஞ்சஞ்ஞங்
நிஸ்ஸிதோ ஹித்வா மஞ்ஞங்.

ஸஞ்ஞாவிமொக்கே² பரமேதி⁴முத்தோதி ஸஞ்ஞாவிமொக்கா² வுச்சந்தி
ஸத்த ஸஞ்ஞாஸமாபத்தியோ. தாஸங் ஸஞ்ஞாஸமாபத்தீனங்
ஆகிஞ்சஞ்ஞாயதனஸமாபத்திவிமொக்கோ² [விமொக்கா² (க.) ஏவமஞ்ஞோஸு
பதே³ஸு ப³ஹுவசனேனு] அக்³கோ³ ச ஸெட்டோ² ச விஸெட்டோ² ச
பாமொக்கோ² ச உத்தமோ ச பவரோ ச, பரமே அக்³கே³ ஸெட்டே² விஸெட்டே²
பாமொக்கே² உத்தமே பவரே அதி⁴முத்திவிமொக்கே²ன அதி⁴முத்தோ
தத்ராதி⁴முத்தோ தத³தி⁴முத்தோ தச்சரிதோ தப்³ப³ஹுலோ தக்³க³ருகோ
தன்னின்னோ தப்போணோ தப்பப்³பா⁴ரோ தத³தி⁴முத்தோ
தத³தி⁴பதெய்யோதி - ஸஞ்ஞாவிமொக்கே² பரமேதி⁴முத்தோ.

திட்டே² நு ஸோ தத்த² அனானுயாயீதி. திட்டே² நூதி ஸங்ஸயபுச்சா²
விமதிபுச்சா² த்³வெள்ஹகபுச்சா² அனேகங்ஸபுச்சா², “ஏவங் நு கோ², நனு கோ²,
கிங் நு கோ², கத²ங் நு கோ²”தி - திட்டே² நு. தத்தா²தி ஆகிஞ்சஞ்ஞாயதனே.
அனானுயாயீதி அனானுயாயீ அவிச்சமானோ [அவேத⁴மானோ (ஸ்யா.)]
அவிக்³ச்ச²மானோ அனந்தரதா⁴யமானோ அபரிஹாயமானோ...பே.... அத² வா,
அரஜ்ஜமானோ அது³ஸ்ஸமானோ அமுய்ஹமானோ அகிலிஸ்ஸமானோதி -
திட்டே² நு ஸோ தத்த² அனானுயாயீ. தேனாஹ ஸோ ப்³ராஹ்மணோ -

“ஸப்³பே³ஸு காமேஸு யோ வீதராகோ³, [இச்சாயஸ்மா உபஸீவோ]
ஆகிஞ்சஞ்ஞங் நிஸ்ஸிதோ ஹித்வா மஞ்ஞங்;
ஸஞ்ஞாவிமொக்கே² பரமேதி⁴முத்தோ, திட்டே² நு ஸோ தத்த²
அனானுயாயீ”தி.

41. ஸப்³பே³ஸு காமேஸு யோ வீதராகோ³, [உபஸீவாதி ப⁴க³வா]
ஆகிஞ்சஞ்ஞங் நிஸ்ஸிதோ ஹித்வா மஞ்ஞங்;
ஸஞ்ஞாவிமொக்கே² பரமேதி⁴முத்தோ, திட்டெ²ய்ய ஸோ தத்த²
அனானுயாயீ.

ஸப்³பே³ஸு காமேஸு யோ வீதராகோ³தி. ஸப்³பே³ஸுதி ஸப்³பே³ன
ஸப்³பங் ஸப்³பதா² ஸப்³பங் அஸேஸங் நிஸ்ஸேஸங்
பரியாதி³யனவசனமேதங் ஸப்³பே³ஸுதி. காமேஸுதி காமாதி உத்³தா³னதோ
த்³வே காமா - வத்து²காமா ச கிலேஸகாமா ச...பே.... இமே வுச்சந்தி வத்து²காமா...
பே.... இமே வுச்சந்தி கிலேஸகாமா. ஸப்³பே³ஸு காமேஸு யோ வீதராகோ³தி
ஸப்³பே³ஸு காமேஸு யோ வீதராகோ³...பே.... படினிஸ்ஸட்ட²ராகோ³
விக்க²ம்ப⁴னதோதி - ஸப்³பே³ஸு காமேஸு யோ வீதராகோ³.

உபஸீவாதி ப⁴க³வாதி. உபஸீவாதி ப⁴க³வா தங் ப்³ராஹ்மணங் நாமேன ஆலபதி. ப⁴க³வாதி கா³ரவாதி⁴வசனமேதங்...பே... ஸச்சி²கா பஞ்ஞத்தி, யதி³த³ங் ப⁴க³வாதி - உபஸீவாதி ப⁴க³வா.

ஆகிஞ்சஞ்ஞங் நிஸ்ஸிதோ ஹித்வா மஞ்ஞந்தி. ஹெட்டி²மா ச² ஸமாபத்தியோ ஹித்வா சஜித்வா பரிச்சஜித்வா அதிக்கமித்வா ஸமதிக்கமித்வா வீதிவத்தித்வா ஆகிஞ்சஞ்ஞாயதனஸமாபத்திங் நிஸ்ஸிதோ அல்லீனோ உபக³தோ ஸமுபக³தோ அஜ்ஜோ²ஸிதோ அதி⁴முத்தோதி - ஆகிஞ்சஞ்ஞங் நிஸ்ஸிதோ ஹித்வா மஞ்ஞங்.

ஸஞ்ஞாவிமொக்கே² பரமேதி⁴முத்தோதி ஸஞ்ஞாவிமொக்கா² வுச்சந்தி ஸத்த ஸஞ்ஞாஸமாபத்தியோ. தாஸங் ஸஞ்ஞாஸமாபத்தீனங் ஆகிஞ்சஞ்ஞாயதனஸமாபத்திவிமொக்கோ² அக்³கோ³ ச ஸெட்டோ² ச விஸெட்டோ² ச பாமொக்கோ² ச உத்தமோ ச பவரோ ச, பரமே அக்³கே³ ஸெட்டே² விஸெட்டே² பாமொக்கே² உத்தமே பவரே அதி⁴முத்திவிமொக்கே²ன அதி⁴முத்தோ தத்ராதி⁴முத்தோ தத³தி⁴முத்தோ...பே... தத³தி⁴பதெய்யோதி - ஸஞ்ஞாவிமொக்கே² பரமேதி⁴முத்தோ.

திட்டெ²ய்ய ஸோ தத்த² அனானுயாயீதி. திட்டெ²ய்யாதி திட்டெ²ய்ய ஸட்டி²கப்பஸஹஸ்ஸானி. தத்தா²தி ஆகிஞ்சஞ்ஞாயதனே. அனானுயாயீதி அனானுயாயீ அவிச்சமானோ அவிக்க³ச்ச²மானோ அனந்தரதா⁴யமானோ அபரிஹாயமானோ. அத² வா, அரஜ்ஜமானோ அது³ஸ்ஸமானோ அமுய்ஹமானோ அகிலிஸ்ஸமானோதி - திட்டெ²ய்ய ஸோ தத்த² அனானுயாயீ. தேனாஹ ப⁴க³வா -

“ஸப்³பே³ஸு காமேஸு யோ வீதிராகோ³, [உபஸீவாதி ப⁴க³வா] ஆகிஞ்சஞ்ஞங் நிஸ்ஸிதோ ஹித்வா மஞ்ஞங்; ஸஞ்ஞாவிமொக்கே² பரமேதி⁴முத்தோ, திட்டெ²ய்ய ஸோ தத்த² அனானுயாயீ”தி.

42. திட்டே² சே ஸோ தத்த² அனானுயாயீ, பூக³ம்பி வஸ்ஸானி [வஸ்ஸானங் (ஸ்யா. க.)] ஸமந்தசக்கு²; தத்தே²வ ஸோ ஸீதிஸியா விமுத்தோ, சவேத² விஞ்ஞாணங் ததா²வித⁴ஸ்ஸ.

திட்டே² சே ஸோ தத்த² அனானுயாயீதி ஸசே ஸோ திட்டெ²ய்ய ஸட்டி²கப்பஸஹஸ்ஸானி. தத்தா²தி ஆகிஞ்சஞ்ஞாயதனே. அனானுயாயீதி அனானுயாயீ அவிச்சமானோ அவிக்க³ச்ச²மானோ அனந்தரதா⁴யமானோ அபரிஹாயமானோ. அத² வா, அரஜ்ஜமானோ அது³ஸ்ஸமானோ

அமுய்ஹமானோ அகிலிஸ்ஸமானோதி - திட்டே² சே ஸோ தத்த²
அனானுயாயீ.

பூக³ம்பி வஸ்ஸானி ஸமந்தசக்கூ²தி. பூக³ம்பி வஸ்ஸானீதி பூக³ம்பி
வஸ்ஸானி ப³ஹுனி வஸ்ஸானி [ப³ஹுன்னங் வஸ்ஸானங் (ஸ்யா)]
ப³ஹுனி வஸ்ஸஸதானி ப³ஹுனி வஸ்ஸஸஹஸ்ஸானி ப³ஹுனி
வஸ்ஸஸதஸஹஸ்ஸானி ப³ஹுனி கப்பானி ப³ஹுனி கப்பஸதானி
ப³ஹுனி கப்பஸஹஸ்ஸானி ப³ஹுனி கப்பஸதஸஹஸ்ஸானி.
ஸமந்தசக்கூ²தி ஸமந்தசக்கு² வச்சதி ஸப்³ப³ஞ்ஞுதஞாணங்...பே... ததா²க³தோ
தேன ஸமந்தசக்கூ²தி - பூக³ம்பி வஸ்ஸானி ஸமந்தசக்கு².

தத்தே²வ ஸோ ஸீதிஸியா விமுத்தோ, சவேத² விஞ்ஞாணங்
ததா²வித⁴ஸ்ஸாதி தத்தே²வ ஸோ ஸீதிபா⁴வமனுப்பத்தோ நிச்சோ து⁴வோ
ஸஸ்ஸதோ அவிபரிணாமத⁴ம்மோ ஸஸ்ஸதிஸமங் ததே²வ திட்டெ²ய்ய.
அத² வா, தஸ்ஸ விஞ்ஞாணங் சவெய்ய உச்சி²ஜ்ஜெய்ய நஸ்ஸெய்ய
வினஸ்ஸெய்ய ந ப⁴வெய்யாதி புனப்³ப⁴வபடிஸந்தி⁴விஞ்ஞாணங்
நிப்³ப³த்தெய்ய காமதா⁴துயா வா ரூபதா⁴துயா வா அரூபதா⁴துயா வாதி
ஆகிஞ்சஞ்ஞாயதனங் ஸமாபன்னஸ்ஸ ஸஸ்ஸதஞ்ச உச்சே²த³ஞ்ச புச்ச²தி.
உதா³ஹு தத்தே²வ அனுபாதி³ஸேஸாய நிப்³பா³னதா⁴துயா பரினிப்³பா³யெய்ய .
அத² வா, தஸ்ஸ விஞ்ஞாணங் சவெய்ய புன படிஸந்தி⁴விஞ்ஞாணங்
நிப்³ப³த்தெய்ய காமதா⁴துயா வா ரூபதா⁴துயா வா அரூபதா⁴துயா வாதி,
ஆகிஞ்சஞ்ஞாயதனங் உபபன்னஸ்ஸ பரினிப்³பா³னஞ்ச படிஸந்தி⁴ஞ்ச புச்ச²தி.
ததா²வித⁴ஸ்ஸாதி ததா²வித⁴ஸ்ஸ தாதி³ஸஸ்ஸ தஸ்ஸண்டி²தஸ்ஸ
தப்பகாரஸ்ஸ தப்படிபா⁴க³ஸ்ஸ ஆகிஞ்சஞ்ஞாயதனங் உபபன்னஸ்ஸாதி -
தத்தே²வ ஸோ ஸீதிஸியா விமுத்தோ, சவேத² விஞ்ஞாணங் ததா²வித⁴ஸ்ஸ.
தேனாஹ ஸோ ப்³ராஹ்மணோ -

“திட்டே² சே ஸோ தத்த² அனானுயாயீ, பூக³ம்பி வஸ்ஸானி
ஸமந்தசக்கு²;
தத்தே²வ ஸோ ஸீதிஸியா விமுத்தோ, சவேத² விஞ்ஞாணங்
ததா²வித⁴ஸ்ஸா”தி.

43. அச்சி யதா² வாதவேகே³ன கி²த்தா, [உபஸீவாதி ப⁴க³வா]
அத்த²ங் பவேதி ந உபேதி ஸங்க²ங்;
ஏவங் முனீ நாமகாயா விமுத்தோ, அத்த²ங் பவேதி ந உபேதி
ஸங்க²ங்.

அச்சி யதா² வாதவேகே³ன கி²த்தாதி அச்சி வச்சதி ஜாலஸிகா². வாதாதி
புரத்தி²மா வாதா பச்சி²மா வாதா உத்தரா வாதா த³க்கி²ணா வாதா ஸரஜா வாதா

அரஜா வாதா ஸீதா வாதா உண்ஹா வாதா பரித்தா வாதா அதி⁴மத்தா வாதா
[காளவாதா (க.)] வேரம்ப⁴வாதா பக்க²வாதா ஸுபண்ணவாதா
தாலபண்ணவாதா விதூ⁴பனவாதா. வாதவேகே³ன கி²த்தாதி வாதவேகே³ன
கி²த்தா [கி²த்தங் (ஸ்யா.) ஏவமஞ்ஞேஸு பதே³ஸு நிக்³க³ஹீதந்தவஸேனு
உக்கி²த்தா நுன்னா பணுன்னா க²ம்பி⁴தா விக்க²ம்பி⁴தாதி - அச்சி யதா²
வாதவேகே³ன கி²த்தா. உபஸீவாதி ப⁴க³வாதி. உபஸீவாதி ப⁴க³வா தங்
ப்ராஹ்மணங் நாமேன ஆலபதி. ப⁴க³வாதி கா³ரவாதி⁴வசனமேதங்...பே...
ஸச்சி²கா பஞ்ஞத்தி, யதி³த³ங் ப⁴க³வாதி - உபஸீவாதி ப⁴க³வா.

அத்த²ங் பஸேதி ந உபேதி ஸங்க²ந்தி. அத்த²ங் பஸேதீதி அத்த²ங் பஸேதி,
அத்த²ங் க³மேதி, அத்த²ங் க³ச்ச²தி நிருஜ்ஜ²தி லுபஸமதி படிப்பஸஸம்ப⁴தி. ந
உபேதி ஸங்க²ந்தி ஸங்க²ங் [அமுகங் நாம தி³ஸங் க³தோதி ஸங்க²ங் (ஸ்யா.)]
ந உபேதி, உத்³தே³ஸங் ந உபேதி, க³ணனங் ந உபேதி, பண்ணத்திங் ந உபேதி,
“புரத்தி²மங் வா தி³ஸங் க³தா, பச்சி²மங் வா தி³ஸங் க³தா, உத்தரங் வா தி³ஸங்
க³தா, த³க்கி²ணங் வா தி³ஸங் க³தா உத்³த⁴ங் வா க³தா, அதோ⁴ வா க³தா,
திரியங் வா க³தா, விதி³ஸங் வா க³தா”தி, ஸோ ஹேது நத்தி², பச்சயோ நத்தி²,
காரணங் நத்தி², யேன ஸங்க²ங் க³ச்செ²ய்யாதி - அத்த²ங் பஸேதி ந உபேதி
ஸங்க²ங்.

ஏவங் முனீ நாமகாயா விமுத்தோதி. ஏவந்தி ஓபம்மஸம்படிபாத³னங்.
முனீதி மோனங் வச்சதி ஞாணங் ...பே... ஸங்க³ஜாலமதிச்ச ஸோ முனி.
நாமகாயா விமுத்தோதி ஸோ முனி பகதியா புப்³பே³வ ரூபகாயா விமுத்தோ.
தத³ங்க³ங் ஸமதிக்கமா [தத³ங்க³ங் ஸமதிக்கம்ம (க.)] விக்க²ம்ப⁴னப்பஹானேன
பஹீனோ. தஸ்ஸ முனினோ ப⁴வந்தங் ஆக³ம்ம சத்தாரோ அரியமக்க³கா³
படிலத்த⁴ ஹொந்தி. சதுன்னங் அரியமக்க³கா³னங் படிலத்த⁴த்தா நாமகாயோ
ச ரூபகாயோ ச பரிஞ்ஞாதா ஹொந்தி. நாமகாயஸ்ஸ ச ரூபகாயஸ்ஸ ச
பரிஞ்ஞாதத்தா நாமகாயா ச ரூபகாயா ச முத்தோ விமுத்தோ ஸுவிமுத்தோ
அச்சந்தஅனுபாதா³விமொக்கே²னாதி - ஏவங் முனீ நாமகாயா விமுத்தோ.

அத்த²ங் பஸேதி ந உபேதி ஸங்க²ந்தி. அத்த²ங் பஸேதீதி
அனுபாதி³ஸேஸாய நிப்³பா³னதா⁴துயா பரினிப்³பா³யதி. ந உபேதி ஸங்க²ந்தி
அனுபாதி³ஸேஸாய நிப்³பா³னதா⁴துயா பரினிப்³பு³தோ ஸங்க²ங் ந உபேதி,
உத்³தே³ஸங் ந உபேதி, க³ணனங் ந உபேதி, பண்ணத்திங் ந உபேதி -
க²த்தியோதி வா ப்ராஹ்மணோதி வா வெஸ்ஸோதி வா ஸுத்³தோ³தி வா
க³ஹட்டோ²தி வா பப்³பு³ஜிதோதி வா தே³வோதி வா மனுஸ்ஸோதி வா ரூபீதி
வா அரூபீதி வா ஸஞ்ஞீதி வா அஸஞ்ஞீதி வா நேவஸஞ்ஞீனாஸஞ்ஞீதி வா.
ஸோ ஹேது நத்தி² பச்சயோ நத்தி² காரணங் நத்தி² யேன ஸங்க²ங்
க³ச்செ²ய்யாதி - அத்த²ங் பஸேதி ந உபேதி ஸங்க²ங். தேனாஹு ப⁴க³வா -

“அச்சி யதா² வாதவேகே³ன கி²த்தா, [உபஸீவாதி ப⁴க³வா]
அத்த²ங் ப⁴லேதி ந உபேதி ஸங்க²ங்;
ஏவங் முனீ நாமகாயா விமுத்தோ, அத்த²ங் ப⁴லேதி ந உபேதி
ஸங்க²”ந்தி.

44. அத்த²ங்க³தோ ஸோ உத³ வா ஸோ நத்தி², உதா³ஹு வே
ஸஸ்ஸதியா அரோகோ³;
தங் மே முனீ ஸாது⁴ வியாகரோஹி, ததா² ஹி தே விதி³தோ ஏஸ
த⁴ம்மோ.

அத்த²ங்க³தோ ஸோ உத³ வா ஸோ நத்தி²தி ஸோ அத்த²ங்க³தோ
உதா³ஹு நத்தி² ஸோ நிருத்³தோ⁴ உச்சி²ன்னோ வினட்டோ²தி - அத்த²ங்க³தோ
ஸோ உத³ வா ஸோ நத்தி².

உதா³ஹு வே ஸஸ்ஸதியா அரோகோ³தி உதா³ஹு நிச்சோ து⁴வோ
ஸஸ்ஸதோ அவிபரிணாமத⁴ம்மோ ஸஸ்ஸதிஸமங் ததே²வ திட்டெ²ய்யாதி -
உதா³ஹு வே ஸஸ்ஸதியா அரோகோ³.

தங் மே முனீ ஸாது⁴ வியாகரோஹீதி. தந்தி யங் புச்சா²மி யங் யாசாமி
யங் அஜ்ஜே²ஸாமி யங் பஸாதே³மி. முனீதி மோனங் வுச்சதி ஞாணங்...பே...
ஸங்க³ஜாலமதிச்ச ஸோ முனி. ஸாது⁴ வியாகரோஹீதி ஸாது⁴
ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி
உத்தானீகரோஹி பகாஸேஹீதி - தங் மே முனீ ஸாது⁴ வியாகரோஹி.

ததா² ஹி தே விதி³தோ ஏஸ த⁴ம்மோதி ததா² ஹி தே விதி³தோ
துலிதோ தீரிதோ விபு⁴தோ விபா⁴விதோ ஏஸ த⁴ம்மோதி - ததா² ஹி தே
விதி³தோ ஏஸ த⁴ம்மோ. தேனாஹ ஸோ ப்³ராஹ்மணோ -

“அத்த²ங்க³தோ ஸோ உத³ வா ஸோ நத்தி², உதா³ஹு வே
ஸஸ்ஸதியா அரோகோ³;
தங் மே முனீ ஸாது⁴ வியாகரோஹி, ததா² ஹி தே விதி³தோ ஏஸ
த⁴ம்மோ”தி.

45. அத்த²ங்க³தஸ்ஸ ந பமாணமத்தி², [உபஸீவாதி ப⁴க³வா]
யேன நங் வஜ்ஜுங் தங் தஸ்ஸ நத்தி²;
ஸப்³பே³ஸு த⁴ம்மேஸு ஸமுஹதேஸு, ஸமுஹதா வாத³பதா²பி
ஸப்³பே³.

அத்த²ங்க³தஸ்ஸ ந பமாணமத்தி²தி அத்த²ங்க³தஸ்ஸ அனுபாதி³ஸேஸாய
நிப்³பா³னதா⁴துயா பரினிப்³புதஸ்ஸ ரூபபமாணங் நத்தி², வேத³னாபமாணங்

நத்தி², ஸஞ்ஞாபமாணங் நத்தி², ஸங்கா²ரபமாணங் நத்தி², விஞ்ஞாணபமாணங் நத்தி², ந அத்தி² ந ஸங்விஜ்ஜதி நுபலப்³ப⁴தி பஹீனங் ஸமுச்சி²ன்னங் ஓபஸந்தங் படிப்பஸ்ஸத்³த⁴ங் அப⁴ப்³பு³ப்பத்திகங் ஞாணக்³கி³னா த³ட³ட⁴ந்தி - அத்த²ங்³தஸ்ஸ ந பமாணமத்தி². உபஸீவாதி ப⁴க³வாதி உபஸீவாதி ப⁴க³வா தங் ப்³ராஹ்மணங் நாமேன ஆலபதி. ப⁴க³வாதி கா³ரவாதி⁴வசனமேதங்...பே... ஸச்சி²கா பஞ்ஞத்தி, யதி³த³ங் ப⁴க³வாதி - உபஸீவாதி ப⁴க³வா.

யேன நங் வஜ்ஜங் தங் தஸ்ஸ நத்தி²தி யேன தங் ராகே³ன [யேன ராகே³ன (ஸ்யா. க.) மஹானி. 94] வதெ³ய்யுங், யேன தோ³ஸேன வதெ³ய்யுங், யேன மோஹேன வதெ³ய்யுங், யேன மாணேன வதெ³ய்யுங், யாய தி³ட்டி²யா வதெ³ய்யுங், யேன உத்³த⁴ச்சேன வதெ³ய்யுங், யாய விசிகிச்சா²ய வதெ³ய்யுங், யேஹி அனுஸயேஹி வதெ³ய்யுங் - ரத்தோதி வா து³ட்டோ²தி வா மூள்ஹோதி வா வினிப³த்³தோ⁴தி வா பராமட்டோ²தி வா விக்ஹே²பக³தோதி வா அனிட்ட²ங்³தோதி [அனிட்டா²க³தோதி (க.)] வா தா²மக³தோதி வா, தே அபி⁴ஸங்கா²ரா பஹீனா. அபி⁴ஸங்கா²ரானங் பஹீனத்தா க³தியா யேன தங் வதெ³ய்யுங் - நேரயிகோதி வா திரச்சா²னயோனிகோதி வா பெத்திவிஸயிகோதி வா மனுஸ்ஸோதி வா தே³வோதி வா ரூபீதி வா அரூபீதி வா ஸஞ்ஞீதி வா அஸஞ்ஞீதி வா நேவஸஞ்ஞீனாஸஞ்ஞீதி வா, ஸோ ஹேது நத்தி² பச்சயோ நத்தி² காரணங் நத்தி² யேன வதெ³ய்யுங் கதெ³ய்யுங் ப⁴ணெய்யுங் தீ³பெய்யுங் வோஹரெய்யுந்தி - யேன நங் வஜ்ஜங் தங் தஸ்ஸ நத்தி².

ஸப்³பே³ஸு த⁴ம்மேஸு ஸமுஹதேஸுதி ஸப்³பே³ஸு த⁴ம்மேஸு ஸப்³பே³ஸு க²ந்தே⁴ஸு ஸப்³பே³ஸு ஆயதனேஸு ஸப்³பா³ஸு தா⁴தூஸு ஸப்³பா³ஸு க³தீஸு ஸப்³பா³ஸு உபபத்தீஸு ஸப்³பா³ஸு படிஸந்தீ⁴ஸு ஸப்³பே³ஸு ப⁴வேஸு ஸப்³பே³ஸு ஸங்ஸாரேஸு ஸப்³பே³ஸு வட்டேஸு ஊஹதேஸு ஸமுஹதேஸு உத்³த⁴தேஸு ஸமுத்³த⁴தேஸு உப்பாடிதேஸு ஸமுப்பாடிதேஸு பஹீனேஸு ஸமுச்சி²ன்னேஸு ஓபஸந்தேஸு படிப்பஸ்ஸத்³தே⁴ஸு அப⁴ப்³பு³ப்பத்திகேஸு ஞாணக்³கி³னா த³ட³டே⁴ஸுதி - ஸப்³பே³ஸு த⁴ம்மேஸு ஸமுஹதேஸு.

ஸமுஹதா வாத³பதா²பி ஸப்³பே³தி வாத³பதா² வுச்சந்தி கிலேஸா ச க²ந்தா⁴ ச அபி⁴ஸங்கா²ரா ச. தஸ்ஸ வாதா³ ச வாத³பதா² ச அதி⁴வசனானி ச அதி⁴வசனபதா² ச நிருத்தி ச நிருத்திபதா² ச பஞ்ஞத்தி ச பஞ்ஞத்திபதா² ச ஊஹதா ஸமுஹதா உத்³த⁴தா ஸமுத்³த⁴தா உப்பாடிதா ஸமுப்பாடிதா பஹீனா ஸமுச்சி²ன்னா ஓபஸந்தா படிப்பஸ்ஸத்³தா⁴ அப⁴ப்³பு³ப்பத்திகா ஞாணக்³கி³னா த³ட³டா⁴தி - ஸமுஹதா வாத³பதா²பி ஸப்³பே³. தேனாஹ ப⁴க³வா -

“அத்த²ங்க³தஸ்ஸ ந பமாணமத்தி², [உபஸீவாதி ப⁴க³வா]
யேன நங் வஜ்ஜுங் தங் தஸ்ஸ நத்தி²;
ஸப்³பே³ஸு த⁴ம்மேஸு ஸமுஹதேஸு, ஸமுஹதா வாத³பதா²பி
ஸப்³பே³”தி.

ஸஹ கா³தா²பரியோஸானா யே தே ப்³ராஹ்மணேன ஸத்³தி⁴ங்...பே...
பஞ்ஜலிகோ நமஸ்ஸமானோ நிஸின்னோ ஹோதி - ஸத்தா² மே, ப⁴ந்தே
ப⁴க³வா, ஸாவகோஹமஸ்மீதி.

உபஸீவமாணவபுச்சா²னித்³தே³ஸோ ச²ட்டோ².

7. நந்த³மாணவபுச்சா²னித்³தே³ஸோ

46. ஸந்தி லோகே முனயோ, [இச்சாயஸ்மா நந்தோ³]
ஜனா வத³ந்தி தயித³ங் கத²ங்ஸு;
ஞாணூபபன்னங் முனி நோ வத³ந்தி, உதா³ஹு வே
ஜீவிதேனூபபன்னங் [ஜீவிகேனூபபன்னங் (ஸ்யா.)] .

ஸந்தி லோகே முனயோதி. ஸந்தீதி ஸந்தி ஸங்விஜ்ஜந்தி அத்தி²
உபலப்³ப⁴ந்தி. லோகேதி அபாயலோகே...பே... ஆயதனலோகே. முனயோதி
முனிநாமகா ஆஜீவகா நிக³ண்டா² ஜடிலா தாபஸா . (தே³வா லோகே
முனயோதி ஸஞ்ஜானந்தி, ந ச தே முனயோ) [() எத்த³ந்தரே பாடோ² நத்தி²
ஸ்யா. பொத்த²கே] தி. ஸந்தி லோகே முனயோ. இச்சாயஸ்மா நந்தோ³தி.
இச்சாதி பத³ஸந்தி⁴...பே.... ஆயஸ்மாதி பியவசனங்...பே.... நந்தோ³தி தஸ்ஸ
ப்³ராஹ்மணஸ்ஸ நாமங்...பே... அபி⁴லாபோதி - இச்சாயஸ்மா நந்தோ³.

ஜனா வத³ந்தி தயித³ங் கத²ங்ஸுதி. ஜனாதி க²த்தியா ச ப்³ராஹ்மணா ச
வெஸ்ஸா ச ஸுத்³தா³ ச க³ஹட்டா² ச பப்³பிஜிதா ச தே³வா ச மனுஸ்ஸா ச.
வத³ந்தீதி கதெ²ந்தி ப⁴ணந்தி தீ³பயந்தி வோஹரந்தி. தயித³ங் கத²ங்ஸுதி
ஸங்ஸயபுச்சா² விமதிபுச்சா² த்³வெள்ஹகபுச்சா² அனேகங்ஸபுச்சா² “ஏவங் நு
கோ², ந நு கோ², கிங் நு கோ², கத²ங் நு கோ²”தி - ஜனா வத³ந்தி தயித³ங்
கத²ங்ஸு.

ஞாணூபபன்னங் முனி நோ வத³ந்தீதி . அட்ட² ஸமாபத்திஞாணேன வா
பஞ்சாபி⁴ஞ்ஞாஞாணேன வா உபேதங் ஸமுபேதங் உபாக³தங் ஸமுபாக³தங்
உபபன்னங் ஸமுபபன்னங் ஸமன்னாக³தங் முனிங் வத³ந்தி கதெ²ந்தி ப⁴ணந்தி
தீ³பயந்தி வோஹரந்தீதி - ஞாணூபபன்னங் முனி நோ வத³ந்தி.

உதா³ஹு வே ஜீவிதேனூபபன்னந்தி உதா³ஹு
அனேகவிவித⁴அதிபரமது³க்கரகாரிகலாக²ஜீவிதானுயோகே³ன உபேதங்

ஸமுபேதங் உபாகுதங் ஸமுபாகுதங் உபபன்னங் ஸமுபபன்னங்
ஸமன்னாகுதங் முனிங் வதந்தி கதெந்தி ப்⁴ணந்தி தீபயந்தி வோஹரந்தி -
உதாஹு வே ஜீவிதேனூபபன்னங். தேனாஹ ஸோ ப்³ராஹ்மணோ -

“ஸந்தி லோகே முனயோ, [இச்சாயஸ்மா நந்தோ]
ஜனா வதந்தி தயிதங் கதங்ஸு;
ஞாணூபபன்னங் முனி நோ வதந்தி, உதாஹு வே
ஜீவிதேனூபபன்னந்தி.

47. ந தி³ட்டி²யா ந ஸுதியா ந ஞானேன,
முனித⁴ நந்த³ குஸலா வதந்தி;
விஸேனிகத்வா [விஸேனிகத்வா (க.) மஹானி. 68] அனீகா⁴
நிராஸா, சரந்தி யே தே முனயோதி ப்³ருமி.

ந தி³ட்டி²யா ந ஸுதியா ந ஞானேனாதி. ந தி³ட்டி²யாதி ந
தி³ட்ட²ஸுத்தி⁴யா. ந ஸுதியாதி ந ஸுதஸுத்தி⁴யா. ந ஞானேனாதி நபி
அட்ட²ஸமாபத்திஞானேன நபி பஞ்சாபி⁴ஞ்ஞாஞானேன நபி
மிச்சா²ஞானேனாதி - ந தி³ட்டி²யா ந ஸுதியா ந ஞானேன.

முனித⁴ நந்த³ குஸலா வதந்தி. குஸலாதி யே தே கந்த⁴குஸலா
தா⁴துகுஸலா ஆயதனகுஸலா படிச்சஸமுப்பாத³குஸலா
ஸதிபட்டா²னகுஸலா ஸம்மப்பதா⁴னகுஸலா இத்தி⁴பாத³குஸலா
இந்த்³ரியகுஸலா ப்³லகுஸலா பொஜ்ஜங்க³குஸலா மக்³குஸலா ப்³லகுஸலா
நிப்பா³னகுஸலா தி³ட்ட²ஸுத்தி⁴யா வா ஸுதஸுத்தி⁴யா வா
அட்ட²ஸமாபத்திஞானேன வா பஞ்சாபி⁴ஞ்ஞாஞானேன வா மிச்சா²ஞானேன
வா தி³ட்டே²ன வா ஸுதேன வா உபேதங் ஸமுபேதங் உபாகுதங்
ஸமுபாகுதங் உபபன்னங் ஸமுபபன்னங் ஸமன்னாகுதங் முனிங் ந வதந்தி ந
கதெந்தி ந ப்⁴ணந்தி ந தீபயந்தி ந வோஹரந்தி - முனித⁴ நந்த³ குஸலா
வதந்தி.

விஸேனிகத்வா அனீகா⁴ நிராஸா, சரந்தி யே தே முனயோதி ப்³ருமீதி
ஸேனா வுச்சதி மாரஸேனா, காயதுச்சரிதங் மாரஸேனா, வசீதுச்சரிதங்
மாரஸேனா, மனோதுச்சரிதங் மாரஸேனா, ராகோ³ மாரஸேனா, தோ³ஸோ
மாரஸேனா, மோஹோ மாரஸேனா, கோதோ⁴...பே... உபனாஹோ... மக்கோ²...
பளாஸோ... இஸ்ஸா... மச்ச்²ரியங்... மாயா... ஸாடெ²ய்யங்... த்²ம்போ⁴...
ஸாரம்போ⁴... மானோ... அதிமானோ... மதோ³... பமாதோ³... ஸப்³பே³ கிலேஸா
ஸப்³பே³ துச்சரிதா ஸப்³பே³ த்³ரதா² ஸப்³பே³ பரிளாஹா ஸப்³பே³ ஸந்தாபா
ஸப்³பா³குஸலாபி⁴ஸங்கா²ரா மாரஸேனா. வுத்தஞ்ஹேதங் ப்⁴க³வதா -

“காமா தே பட²மா ஸேனா, துதியா அரதி வுச்சதி;

ததியா கு²ப்பிபாஸா தே, சதுத்தீ² தண்ஹா பவுச்சதி.

“பஞ்சமங் தி²னமித்³த⁴ங் தே, ச²ட்டா² பீ⁴ரு பவுச்சதி;
ஸத்தமீ விசிகிச்சா² தே, மக்கோ² த²ம்போ⁴ தே அட்ட²மோ;
லாபோ⁴ ஸிலோகோ ஸக்காரோ, மிச்சா²லத்³தோ⁴ ச யோ யஸோ.

“யோ சத்தானங் ஸமுக்கங்ஸே, பரே ச அவஜானாதி;
ஏஸா நமுசி தே ஸேனா [ஏஸா தே நமுசி ஸேனா (ஸ்யா. க.) ஸு. நி.
441], கண்ஹஸ்ஸாபி⁴ப்பஹாரினீ;
ந நங் அஸுரோ ஜினாதி, ஜெத்வா ச லப⁴தே ஸுக²ந்தி.

யதோ சதூஹி அரியமக்³கே³ஹி ஸப்³பா³ ச மாரஸேனா ஸப்³பே³ ச
படிஸேனிகரா [விஸேனிகத்வா (க.) மஹானி. 68] கிலேஸா ஜிதா ச பராஜிதா
ச ப⁴க்³கா³ விப்பலுக்³கா³ [விப்பலுக்³க³தா (ஸ்யா.) பஸ்ஸ மஹானி. 28]
பரம்முகா², தேன வச்சந்தி விஸேனிகத்வா. அனீகா⁴தி ராகோ³ நீகோ⁴,
தோ³ஸோ நீகோ⁴, மோஹோ நீகோ⁴, கோதோ⁴ நீகோ⁴, உபனாஹோ
நீகோ⁴...பே... ஸப்³பா³குஸலாபி⁴ஸங்கா²ரா நீகா⁴. யேஸங் ஏதே நீகா⁴
பஹீனா ஸமுச்சி²ன்னா ஓபஸந்தா படிப்பஸ்ஸத்³தா⁴ அப⁴ப்³பு³ப்பத்திகா
ஞாணக்³கி³னா த³ட்டா⁴ தே வச்சந்தி அனீகா⁴. நிராஸாதி ஆஸா வச்சதி
தண்ஹா. யோ ராகோ³ ஸாராகோ³...பே... அவிஜ்ஜா லோபோ⁴ அகுஸலமூலங்.
யேஸங் ஏஸா ஆஸா தண்ஹா பஹீனா ஸமுச்சி²ன்னா ஓபஸந்தா
படிப்பஸ்ஸத்³தா⁴ அப⁴ப்³பு³ப்பத்திகா ஞாணக்³கி³னா த³ட்டா⁴, தே வச்சந்தி
நிராஸா அரஹந்தோ கீ²ணாஸவா. விஸேனிகத்வா அனீகா⁴ நிராஸா, சரந்தி
யே தே முனயோதி ப்³ருமீதி யே தே விஸேனிகத்வாவ அனீகா⁴ ச நிராஸா ச
சரந்தி விஹரந்தி இரியந்தி வத்தெந்தி பாலெந்தி யபெந்தி யாபெந்தி, தே லோகே
முனயோதி ப்³ருமி ஆசிக்கா²மி தே³ஸேமி பஞ்ஞபேமி பட்ட²பேமி விவராமி
விப⁴ஜாமி உத்தானீகரோமி பகாஸேமீதி - விஸேனிகத்வா அனீகா⁴ நிராஸா,
சரந்தி யே தே முனயோதி ப்³ருமி. தேனாஹ ப⁴க்³வா -

“ந தி³ட்டி²யா ந ஸுதியா ந ஞானேன, முனீத⁴ நந்த³ குஸலா வத்³ந்தி;
விஸேனிகத்வா அனீகா⁴ நிராஸா, சரந்தி யே தே முனயோதி ப்³ருமீதி.

48. யே கேசிமே ஸமணப்³ராஹ்மணாஸே, [இச்சாயஸ்மா நந்தோ³]
தி³ட்ட²ஸ்ஸுதேனாபி வத்³ந்தி ஸுத்³தி⁴ங்;
ஸீலப்³புதேனாபி வத்³ந்தி ஸுத்³தி⁴ங், அனேகருபேன வத்³ந்தி
ஸுத்³தி⁴ங்.

கச்சிஸ்ஸு தே ப⁴க்³வா தத்த² யதா சரந்தா, அதாரு ஜாதிஞ்ச ஜரஞ்ச
மாரிஸ;

புச்சா²மி தங் ப⁴க³வா ப்ருஹி மேதங்.

யே கேசிமே ஸமணப்ராஹ்மணாஸேதி. யே கேசீதி ஸப்³பேன ஸப்³பங் ஸப்³பதா² ஸப்³பங் அஸேஸங் நிஸ்ஸேஸங் பரியாதி³யனவசனமேதங் - யே கேசீதி. ஸமணாதி யே கேசி இதோ ப்ஹித்தா⁴ பப்³பஜ்ஜபக்தா பரிப்³பாஜகஸமாபன்னா. ப்ராஹ்மணாதி யே கேசி போ⁴வாதி³காதி - யே கேசிமே ஸமணப்ராஹ்மணாஸே. இச்சாயஸ்மா நந்தோ³தி. இச்சாதி பத³ஸந்தி⁴...பே.... ஆயஸ்மாதி பியவசனங்...பே.... நந்தோ³தி. தஸ்ஸ ப்ராஹ்மணஸ்ஸ நாமங்...பே... அபி⁴லாபோதி - இச்சாயஸ்மா நந்தோ³.

தி³ட்ட²ஸ்ஸுதேனாபி வத³ந்தி ஸுத்தி⁴ந்தி தி³ட்டே²னபி ஸுத்தி⁴ங் விஸுத்தி⁴ங் பரிஸுத்தி⁴ங் முத்திங் விமுத்திங் பரிமுத்திங் வத³ந்தி கதெ²ந்தி ப⁴ணந்தி தீ³பயந்தி வோஹரந்தி ; ஸுதேனபி ஸுத்தி⁴ங் விஸுத்தி⁴ங் பரிஸுத்தி⁴ங் முத்திங் விமுத்திங் பரிமுத்திங் வத³ந்தி கதெ²ந்தி ப⁴ணந்தி தீ³பயந்தி வோஹரந்தி; தி³ட்ட²ஸ்ஸுதேனபி ஸுத்தி⁴ங் விஸுத்தி⁴ங் பரிஸுத்தி⁴ங் முத்திங் விமுத்திங் பரிமுத்திங் வத³ந்தி கதெ²ந்தி ப⁴ணந்தி தீ³பயந்தி வோஹரந்தி - தி³ட்ட²ஸ்ஸுதேனாபி வத³ந்தி ஸுத்தி⁴ங்.

ஸீலப்³புதேனாபி வத³ந்தி ஸுத்தி⁴ந்தி ஸீலேனபி ஸுத்தி⁴ங் விஸுத்தி⁴ங் பரிஸுத்தி⁴ங் முத்திங் விமுத்திங் பரிமுத்திங் வத³ந்தி கதெ²ந்தி ப⁴ணந்தி தீ³பயந்தி வோஹரந்தி; வதேனபி ஸுத்தி⁴ங் விஸுத்தி⁴ங் பரிஸுத்தி⁴ங் முத்திங் விமுத்திங் பரிமுத்திங் வத³ந்தி கதெ²ந்தி ப⁴ணந்தி தீ³பயந்தி வோஹரந்தி; ஸீலப்³புதேனாபி ஸுத்தி⁴ங் விஸுத்தி⁴ங் பரிஸுத்தி⁴ங் முத்திங் விமுத்திங் பரிமுத்திங் வத³ந்தி கதெ²ந்தி ப⁴ணந்தி தீ³பயந்தி வோஹரந்தி - ஸீலப்³புதேனாபி வத³ந்தி ஸுத்தி⁴ங்.

அனேகருபேன வத³ந்தி ஸுத்தி⁴ந்தி அனேகவித⁴கோதூஹலமங்க³லேன [அனேகவித⁴வத்த குதூஹலமங்க³லேன (ஸ்யா.)] ஸுத்தி⁴ங் விஸுத்தி⁴ங் பரிஸுத்தி⁴ங் முத்திங் விமுத்திங் பரிமுத்திங் வத³ந்தி கதெ²ந்தி ப⁴ணந்தி தீ³பயந்தி வோஹரந்தி - அனேகருபேன வத³ந்தி ஸுத்தி⁴ங்.

கச்சிஸு தே ப⁴க³வா தத்த² யதா சரந்தாதி. கச்சிஸ்ஸுதி ஸங்ஸயபுச்சா² விமதிபுச்சா² த்³வெஹ்ஹகபுச்சா² அனேகங்ஸபுச்சா², “ஏவங் நு கோ², ந நு கோ², கிங் நு கோ², கத²ங் நு கோ²”தி - கச்சிஸ்ஸு. தேதி தி³ட்டி²க³திகா. ப⁴க³வாதி கா³ரவாதி⁴வசனமேதங்...பே... ஸச்சி²கா பஞ்ஞத்தி, யதி³த³ங் ப⁴க³வாதி - கச்சிஸ்ஸு தே ப⁴க³வா. தத்த² யதா சரந்தாதி. தத்த²தி ஸகாய தி³ட்டி²யா ஸகாய க²ந்தியா ஸகாய ருசியா ஸகாய

லத்³தி⁴யா. யதாதி யத்தா படியத்தா [யதா படியதா (ஸ்யா:)] கு³த்தா கோ³பிதா
ரக்கி²தா ஸங்வுதா. சரந்தாதி சரந்தா விஹரந்தா இரியந்தா வத்தெந்தா
பாலெந்தா யபெந்தா யாபெந்தாதி - கச்சிஸ்ஸு தே ப⁴க³வா தத்த² யதா சரந்தா.

அதாரு ஜாதிஞ்ச ஜரஞ்ச மாரிஸாதி ஜாதிஜராமரணங் அதரிங்ஸு
உத்தரிங்ஸு பதரிங்ஸு ஸமதிக்கமிங்ஸு வீதிவத்திங்ஸு. மாரிஸாதி
பியவசனங் க³ருவசனங் ஸகா³ரவஸப்பதிஸ்ஸாதி⁴வசனமேதங் - மாரிஸாதி -
அதாரு ஜாதிஞ்ச ஜரஞ்ச மாரிஸ.

புச்சா²மி தங் ப⁴க³வா ப்³ருஹி மேதந்தி. புச்சா²மி தந்தி புச்சா²மி தங்
யாசாமி தங் அஜ்ஜே²ஸாமி தங், கத²யஸ்ஸு மேதி புச்சா²மி தங். ப⁴க³வாதி...
பே... ஸச்சி²கா பஞ்ஞத்தி, யதி³த³ங் ப⁴க³வாதி. ப்³ருஹி மேதந்தி ப்³ருஹி
ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி
உத்தானிகரோஹி பகாஸேஹீதி - புச்சா²மி தங் ப⁴க³வா ப்³ருஹி மேதங்.
தேனாஹ ஸோ ப்³ராஹ்மணோ -

“யே கேசிமே ஸமணப்³ராஹ்மணாஸே, [இச்சாயஸ்மா நந்தோ³]
தி³ட்ட²ஸ்ஸுதேனாபி வத³ந்தி ஸுத்³தி⁴ங்;
ஸீலப்³தேனாபி வத³ந்தி ஸுத்³தி⁴ங், அனேகருபேன வத³ந்தி
ஸுத்³தி⁴ங்.

“கச்சிஸ்ஸு தே ப⁴க³வா தத்த² யதா சரந்தா,
அதாரு ஜாதிஞ்ச ஜரஞ்ச மாரிஸ;
புச்சா²மி தங் ப⁴க³வா ப்³ருஹி மேத³ந்தி.

49. யே கேசிமே ஸமணப்³ராஹ்மணாஸே, [நந்தா³தி ப⁴க³வா]
தி³ட்ட²ஸ்ஸுதேனாபி வத³ந்தி ஸுத்³தி⁴ங்;
ஸீலப்³தேனாபி வத³ந்தி ஸுத்³தி⁴ங், அனேகருபேன வத³ந்தி
ஸுத்³தி⁴ங்;
கிஞ்சாபி தே தத்த² யதா சரந்தி, நாதரிங்ஸு ஜாதிஜரந்தி ப்³ருமி.

யே கேசிமே ஸமணப்³ராஹ்மணாஸேதி. யே கேசீதி ஸப்³பேன ஸப்³பங்
ஸப்³பதா² ஸப்³பங் அஸேஸங் நிஸ்ஸேஸங் பரியாதி³யனவசனமேதங் - யே
கேசீதி. ஸமணாதி யே கேசி இதோ ப்³ஹித்தா⁴ பப்³பஜ்ஜபக்தா
பரிப்³பாஜகஸமாபன்னா. ப்³ராஹ்மணாதி யே கேசி போ⁴வாதி³காதி - யே
கேசிமே ஸமணப்³ராஹ்மணாஸே. நந்தா³தி ப⁴க³வாதி. நந்தா³தி ப⁴க³வா
தங் ப்³ராஹ்மணங் நாமேன ஆலபதி. ப⁴க³வாதி கா³ரவாதி⁴வசனமேதங்...பே...
ஸச்சி²கா பஞ்ஞத்தி, யதி³த³ங் ப⁴க³வாதி - நந்தா³தி ப⁴க³வா.

திட்டஸ்தேனாபி வதந்தி ஸுத்திந்தி திட்டேனபி ஸுத்திந்தி
விஸுத்திந்தி பரிஸுத்திந்தி முத்திங் விமுத்திங் பரிமுத்திங் வதந்தி
கதெந்தி பணந்தி தீபயந்தி வோஹரந்தி; ஸுதேனபி ஸுத்திந்தி...பே...
திட்டஸ்தேனபி ஸுத்திந்தி விஸுத்திந்தி பரிஸுத்திந்தி முத்திங்
விமுத்திங் பரிமுத்திங் வதந்தி கதெந்தி பணந்தி தீபயந்தி வோஹரந்தி -
திட்டஸ்தேனாபி வதந்தி ஸுத்திந்தி.

ஸீலப்பதேனாபி வதந்தி ஸுத்திந்தி ஸீலேனபி ஸுத்திந்தி
விஸுத்திந்தி பரிஸுத்திந்தி முத்திங் விமுத்திங் பரிமுத்திங் வதந்தி
கதெந்தி பணந்தி தீபயந்தி வோஹரந்தி ; வதேனபி ஸுத்திந்தி...பே...
வோஹரந்தி; ஸீலப்பதேனாபி ஸுத்திந்தி விஸுத்திந்தி பரிஸுத்திந்தி
முத்திங் விமுத்திங் பரிமுத்திங் வதந்தி கதெந்தி பணந்தி தீபயந்தி
வோஹரந்தி - ஸீலப்பதேனாபி வதந்தி ஸுத்திந்தி.

அனேகரூபேன வதந்தி ஸுத்திந்தி அனேகவிதகோதூஹலமங்கலேன
ஸுத்திந்தி விஸுத்திந்தி பரிஸுத்திந்தி முத்திங் விமுத்திங் பரிமுத்திங்
வதந்தி கதெந்தி பணந்தி தீபயந்தி வோஹரந்தி - அனேகரூபேன வதந்தி
ஸுத்திந்தி.

கிஞ்சாபி தே தத்த யதா சரந்தி. கிஞ்சாபீதி பதஸந்தி
பதஸங்ஸக் கோ பதபாரிபூர் அக்கரஸமவாயோ ப்யஞ்ஜனஸிலிட்டதா
பதாநுபுப்பதாபேதங் - கிஞ்சாபீதி. தேதி திட்டிக் திகா. தத்தாதி ஸகாய
திட்டியா ஸகாய கந்தியா ஸகாய ருசியா ஸகாய லத்தியா. யதாதி யத்தா
படியத்தா குத்தா கோபிதா ரக்கிதா ஸங்வுதா. சரந்தி சரந்தி விஹரந்தி
இரியந்தி வத்தெந்தி பாலெந்தி யபெந்தி யாபெந்தி - கிஞ்சாபி தே தத்த யதா
சரந்தி.

நாதரிங்ஸ ஜாதிஜரந்தி ப்ருமீதி ஜாதிஜராமரணங் ந தரிங்ஸ ந
உத்தரிங்ஸ ந பதரிங்ஸ ந ஸமதிக்கமிங்ஸ ந வீதிவத்திங்ஸ,
ஜாதிஜராமரணா அனிக்கந்தா அனிஸ்ஸடா அனதிக்கந்தா அஸமதிக்கந்தா
அவீதிவத்தா, அந்தோஜாதிஜராமரணே பரிவத்தெந்தி, அந்தோஸங்ஸாரபதே
பரிவத்தெந்தி, ஜாதியா அனுகதா, ஜராய அனுஸடா, ப்யாதினா அபிபூதா,
மரணேன அப்பாஹதா அதாணா அலேணா அஸரணா அஸரணீபூதாதி
ப்ருமி ஆசிக்காமி தேஸேமி பஞ்ஞபேமி பட்டபேமி விவராமி விபஜாமி
உத்தானீகரோமி பகாஸேமீதி - நாதரிங்ஸ ஜாதிஜரந்தி ப்ருமி. தேனாஹ
பகவா -

“யே கேசிமே ஸமணப்ராஹ்மணாஸே, நந்தாதி பகவா
திட்டஸ்தேனாபி வதந்தி ஸுத்திந்தி;

ஸீலப்³ப³தேனாபி வத³ந்தி ஸுத்³தி⁴ங், அனேகருபேன வத³ந்தி
ஸுத்³தி⁴ங்;
கிஞ்சாபி தே தத்த² யதா சரந்தி, நாதரிங்ஸு ஜாதிஜரந்தி ப்³ருமீ⁴தி.

50. யே கேசிமே ஸமணப்³ராஹ்மணாஸே, [இச்சாயஸ்மா நந்தோ³]
தி³ட்ட²ஸ்ஸுதேனாபி வத³ந்தி ஸுத்³தி⁴ங்;
ஸீலப்³ப³தேனாபி வத³ந்தி ஸுத்³தி⁴ங், அனேகருபேன வத³ந்தி
ஸுத்³தி⁴ங்.

தே சே முனீ ப்³ருஸி அனோக⁴திண்ணே, அத² கோ சரஹி
தே³வமனுஸ்ஸலோகே;
அதாரி ஜாதிஞ்ச ஜரஞ்ச மாரிஸ, புச்சா²மி தங் ப்⁴க³வா ப்³ருஹி
மேதங்.

யே கேசிமே ஸமணப்³ராஹ்மணாஸேதி. யே கேசீதி ஸப்³பேன ஸப்³ப³ங்
ஸப்³ப³தா² ஸப்³ப³ங் அஸேஸங் நிஸ்ஸேஸங் பரியாதி³யனவசனமேதங் - யே
கேசீதி. ஸமணாதி யே கேசி இதோ ப்³ஹித்³தா⁴ பப்³ப³ஜ்ஜபக³தா
பரிப்³பா³ஜகஸமாபன்னா. ப்³ராஹ்மணாதி யே கேசி போ⁴வாதி³காதி - யே
கேசிமே ஸமணப்³ராஹ்மணாஸே. இச்சாயஸ்மா நந்தோ³தி. இச்சாதி
பத³ஸந்தி⁴...பே... இச்சாயஸ்மா நந்தோ³.

தி³ட்ட²ஸ்ஸுதேனாபி வத³ந்தி ஸுத்³தி⁴ந்தி தி³ட்டே²னபி ஸுத்³தி⁴ங்
விஸுத்³தி⁴ங் பரிஸுத்³தி⁴ங் முத்திங் விமுத்திங் பரிமுத்திங் வத³ந்தி
கதெ²ந்தி ப்⁴ணந்தி தீ³பயந்தி வோஹரந்தி; ஸுதேனாபி ஸுத்³தி⁴ங்...பே...
தி³ட்ட²ஸ்ஸுதேனாபி ஸுத்³தி⁴ங் விஸுத்³தி⁴ங் பரிஸுத்³தி⁴ங் முத்திங்
விமுத்திங் பரிமுத்திங் வத³ந்தி கதெ²ந்தி ப்⁴ணந்தி தீ³பயந்தி வோஹரந்தீதி -
தி³ட்ட²ஸ்ஸுதேனாபி வத³ந்தி ஸுத்³தி⁴ங்.

ஸீலப்³ப³தேனாபி வத³ந்தி ஸுத்³தி⁴ந்தி ஸீலேனாபி ஸுத்³தி⁴ங்
விஸுத்³தி⁴ங் பரிஸுத்³தி⁴ங் முத்திங் விமுத்திங் பரிமுத்திங் வத³ந்தி
கதெ²ந்தி ப்⁴ணந்தி தீ³பயந்தி வோஹரந்தி; வதேனாபி ஸுத்³தி⁴ங்...பே...
வோஹரந்தி; ஸீலப்³ப³தேனாபி ஸுத்³தி⁴ங் விஸுத்³தி⁴ங் பரிஸுத்³தி⁴ங்
முத்திங் விமுத்திங் பரிமுத்திங் வத³ந்தி கதெ²ந்தி ப்⁴ணந்தி தீ³பயந்தி
வோஹரந்தீதி - ஸீலப்³ப³தேனாபி வத³ந்தி ஸுத்³தி⁴ங்.

அனேகருபேன வத³ந்தி ஸுத்³தி⁴ந்தி அனேகவித⁴கோதூஹலமங்க³லேன
ஸுத்³தி⁴ங் விஸுத்³தி⁴ங் பரிஸுத்³தி⁴ங் முத்திங் விமுத்திங் பரிமுத்திங்
வத³ந்தி கதெ²ந்தி ப்⁴ணந்தி தீ³பயந்தி வோஹரந்தீதி - அனேகருபேன வத³ந்தி
ஸுத்³தி⁴ங்.

தே சே முனீ ப்ருஸி அனோக⁴திண்ணேதி. தே சேதி தி³ட்டி²க³திகே.
முனீதி மோனங் வச்சதி ஞாணங்...பே... ஸங்க³ஜாலமதிச்ச ஸோ முனி .
ப்ருஸி அனோக⁴திண்ணேதி காமோக⁴ங் ப⁴வோக⁴ங் தி³ட்டோ²க⁴ங்
அவிஜ்ஜோக⁴ங் அதிண்ணே அனதிக்கந்தே அஸமதிக்கந்தே அவீதிவத்தே
அந்தோஜாதிஜராமரணே பரிவத்தெந்தே அந்தோஸங்ஸாரபதே² பரிவத்தெந்தே
ஜாதியா அனு³க³தே ஜராய அனுஸடே ப்யாதி⁴னா அபி⁴பூ⁴தே மரணேன
அப்பா⁴ஹதே அதாணே அலேணே அஸரணே அஸரணீபூ⁴தே. ப்ருஸீதி
ப்ருஸி ஆசிக்க²ஸி தே³ஸேஸி பஞ்ஞபேஸி பட்ட²பேஸி விவரஸி விப⁴ஜஸி
உத்தானீகரோஸி பகாஸேஸீதி - தே சே முனீ ப்ருஸி அனோக⁴திண்ணே.

அத² கோ சரஹி தே³வமனுஸ்ஸலோகே, அதாரி ஜாதிஞ்ச ஜரஞ்ச
மாரிஸாதி அத² கோ ஏஸோ ஸதே³வகே லோகே ஸமாரகே ஸப்³ரஹ்மகே
ஸஸ்ஸமணப்³ராஹ்மணியா பஜாய ஸதே³வமனுஸ்ஸாய ஜாதிஜராமரணங்
அதரி உத்தரி பதரி ஸமதிக்கமி வீதிவத்தயி. மாரிஸாதி பியவசனங்
க³ருவசனங் ஸகா³ரவஸப்பதிஸ்ஸாதி⁴வசனமேதங் மாரிஸாதி - அத² கோ
சரஹி தே³வமனுஸ்ஸலோகே, அதாரி ஜாதிஞ்ச ஜரஞ்ச மாரிஸ.

புச்சா²மி தங் ப⁴க³வா ப்ருஹி மேதந்தி. புச்சா²மி தந்தி புச்சா²மி தங்
யாசாமி தங் அஜ்ஜே²ஸாமி தங் பஸாதே³மி தங். ப⁴க³வாதி
கா³ரவாதி⁴வசனமேதங்...பே... ஸச்சி²கா பஞ்ஞத்தி, யதி³த³ங் ப⁴க³வாதி.
ப்ருஹி மேதந்தி ப்ருஹி ஆசிக்கா²ஹி தே³ஸேஹி பஞ்ஞபேஹி பட்ட²பேஹி
விவராஹி விப⁴ஜாஹி உத்தானீகரோஹி பகாஸேஹீதி - புச்சா²மி தங்
ப⁴க³வா ப்ருஹி மேதங். தேனாஹ ஸோ ப்ராஹ்மணோ -

“யே கேசிமே ஸமணப்³ராஹ்மணாஸே, [இச்சாயஸ்மா நந்தோ³]
தி³ட்ட²ஸ்ஸுதேனாபி வத³ந்தி ஸுத்³தி⁴ங்;
ஸீலப்³புதேனாபி வத³ந்தி ஸுத்³தி⁴ங், அனேகருபேன வத³ந்தி
ஸுத்³தி⁴ங்.

தே சே முனீ ப்ருஸி அனோக⁴திண்ணே, அத² கோ சரஹி
தே³வமனுஸ்ஸலோகே;
அதாரி ஜாதிஞ்ச ஜரஞ்ச மாரிஸ, புச்சா²மி தங் ப⁴க³வா ப்ருஹி
மேத³ந்தி.

51. நாஹங் ஸப்³பே³ ஸமணப்³ராஹ்மணாஸே, [நந்தா³தி ப⁴க³வா]
ஜாதிஜராய நிவுதாதி ப்ருமி;
யே ஸீத⁴ தி³ட்ட²ங் வ ஸுதங் முதங் வா, ஸீலப்³புதங் வாபி
பஹாய ஸப்³பங்.

அனேகரூபம்பி பஹாய ஸப்³ப³ங், தண்ஹங் பரிஞ்ஞாய
அனாஸவாஸே [அனாஸவா யே (ஸ்யா. க.)] ;
தே வே நரா ஓக⁴திண்ணாதி ப்³ரூமி.

நாஹங் ஸப்³பே³ ஸமணப்³ராஹ்மணாஸே, நந்தா³தி ப்⁴க³வா
ஜாதிஜராய நிவுதாதி ப்³ரூமிதி நாஹங், நந்த³, ஸப்³பே³ ஸமணப்³ராஹ்மணா
ஜாதிஜராய ஆவுதா நிவுதா ஓவுதா பிஹிதா படிச்ச²ன்னா படிஞ்ஜிதாதி வதா³மி.
அத்தி² தே ஸமணப்³ராஹ்மணா யேஸங் ஜாதி ச ஜராமரணஞ்ச பஹீனா
உச்சி²ன்னமூலா தாலாவத்து²கதா அனபா⁴வங்கதா ஆயதிங்
அனுப்பாத³த⁴ம்மாதி ப்³ரூமி ஆசிக்கா²மி தே³ஸேமி பஞ்ஞபேமி பட்ட²பேமி
விவராமி விப⁴ஜாமி உத்தானீகரோமி பகாஸேமிதி - நாஹங் ஸப்³பே³
ஸமணப்³ராஹ்மணாஸே நந்தா³தி ப்⁴க³வா ஜாதிஜராய நிவுதாதி ப்³ரூமி.

யே ஸீத⁴ தி³ட்ட²ங் வ ஸுதங் முதங் வா, ஸீலப்³புதங் வாபி பஹாய
ஸப்³ப³ந்தி யே ஸப்³பா³ தி³ட்ட²ஸுத்³தி⁴யோ பஹாய ஜஹித்வா பஜஹித்வா
வினோதெ³த்வா ப்யந்தீகரித்வா அனபா⁴வங் க³மெத்வா. யே ஸப்³பா³
ஸுதஸுத்³தி⁴யோ பஹாய...பே... யே ஸப்³பா³ முதஸுத்³தி⁴யோ பஹாய, யே
ஸப்³பா³ தி³ட்ட²ஸுதமுதஸுத்³தி⁴யோ பஹாய யே ஸப்³பா³
ஸீலஸுத்³தி⁴யோ பஹாய, யே ஸப்³பா³ வதஸுத்³தி⁴யோ பஹாய, யே
ஸப்³பா³ ஸீலப்³புதஸுத்³தி⁴யோ பஹாய ஜஹித்வா பஜஹித்வா
வினோதெ³த்வா ப்யந்தீகரித்வா அனபா⁴வங் க³மெத்வாதி - யே ஸீத⁴
தி³ட்ட²ங்வ ஸுதங் முதங் வா, ஸீலப்³புதங் வாபி பஹாய ஸப்³ப³ங்.

அனேகரூபம்பி பஹாய ஸப்³ப³ந்தி அனேகவித⁴கோதூஹலமங்க³லேன
ஸுத்³தி⁴ங் விஸுத்³தி⁴ங் பரிஸுத்³தி⁴ங் முத்திங் விமுத்திங் பரிமுத்திங்
பஹாய ஜஹித்வா பஜஹித்வா வினோதெ³த்வா ப்யந்தீகரித்வா அனபா⁴வங்
க³மெத்வாதி - அனேகரூபம்பி பஹாய ஸப்³ப³ங்.

தண்ஹங் பரிஞ்ஞாய அனாஸவா ஸே, தே வே நரா ஓக⁴திண்ணாதி
ப்³ரூமிதி. தண்ஹாதி ரூபதண்ஹா ஸத்³த³தண்ஹா க³ந்த⁴தண்ஹா
ரஸதண்ஹா பொ²ட்ட²ப்³புதண்ஹா த⁴ம்மதண்ஹா. தண்ஹங் பரிஞ்ஞாயாதி
தண்ஹங் தீஹி பரிஞ்ஞாஹி பரிஜானித்வா - ஞாதபரிஞ்ஞாய, தீரணபரிஞ்ஞாய,
பஹானபரிஞ்ஞாய. கதமா ஞாதபரிஞ்ஞா? தண்ஹங் ஜானாதி [\[பஜானாதி](#)
[\(ஸ்யா.\) பரிஜானாதி \(க.\) மஹானி. 13\]](#) “அயங் ரூபதண்ஹா, அயங்
ஸத்³த³தண்ஹா, அயங் க³ந்த⁴தண்ஹா, அயங் ரஸதண்ஹா, அயங்
பொ²ட்ட²ப்³புதண்ஹா, அயங் த⁴ம்மதண்ஹா”தி ஜானாதி பஸ்ஸதி - அயங்
ஞாதபரிஞ்ஞா.

கதமா தீரணபரிஞ்ஞா? ஏவங் ஞாதங் கத்வா தண்ஹங் தீரேதி அனிச்சதோ து³க்க²தோ ரோக³தோ க³ண்ட³தோ...பே... நிஸ்ஸரணதோ தீரேதி - அயங் தீரணபரிஞ்ஞா.

கதமா பஹானபரிஞ்ஞா? ஏவங் தீரயித்வா தண்ஹங் பஜஹதி வினோதே³தி ப்³யந்தீகரோதி அனபா⁴வங் க³மேதி. வுத்தஞ்ஹேதங் ப⁴க³வதா - “யோ, பி⁴க்க²வே, தண்ஹாய ச²ந்த³ராகோ³ தங் பஜஹத². ஏவங் ஸா தண்ஹா பஹீனா ப⁴விஸ்ஸதி உச்சி²ன்னமூலா தாலாவத்து²கதா அனபா⁴வங்கதா ஆயதிங் அனுப்பாத³த⁴ம்மா”. அயங் பஹானபரிஞ்ஞா. தண்ஹங் பரிஞ்ஞாயாதி தண்ஹங் இமாவறி தீஹி பரிஞ்ஞாஹி பரிஜானித்வா. அனாஸவாதி சத்தாரோ ஆஸவா - காமாஸவோ, ப⁴வாஸவோ, தி³ட்டா²ஸவோ, அவிஜ்ஜாஸவோ. யேஸங் இமே ஆஸவா பஹீனா உச்சி²ன்னமூலா தாலாவத்து²கதா அனபா⁴வங்கதா ஆயதிங் அனுப்பாத³த⁴ம்மா, தே வுச்சந்தி அனாஸவா அரஹந்தோ கீ²ணாஸவா - தண்ஹங் பரிஞ்ஞாய அனாஸவா.

தே வே நரா ஓக⁴திண்ணாதி ப்³ருமீதி யே தண்ஹங் பரிஞ்ஞாய அனாஸவா, தே காமோக⁴ங் திண்ணா ப⁴வோக⁴ங் திண்ணா தி³ட்டோ²க⁴ங் திண்ணா அவிஜ்ஜோக⁴ங் திண்ணா ஸப்³புஸங்ஸாரபத²ங் திண்ணா உத்திண்ணா நித்திண்ணா அதிக்கந்தா ஸமதிக்கந்தா வீதிவத்தாதி ப்³ருமி ஆசிக்கா²மி தே³ஸேமி பஞ்ஞபேமி பட்ட²பேமி விவராமி விப⁴ஜாமி உத்தானீகரோமி பகாஸேமீதி - தண்ஹங் பரிஞ்ஞாய அனாஸவாஸே தே வே நரா ஓக⁴திண்ணாதி ப்³ருமி. தேனாஹ ப⁴க³வா -

“நாஹங் ஸப்³பே³ ஸமணப்³ராஹ்மணாஸே, நந்தா³தி ப⁴க³வா ஜாதிஜராய நிவுதாதி ப்³ருமி; யே ஸீத⁴ தி³ட்ட²ங் வ ஸுதங் முதங் வா, ஸீலப்³புதங் வாபி பஹாய ஸப்³புங்.

அனேகருபம்பி பஹாய ஸப்³புங், தண்ஹங் பரிஞ்ஞாய அனாஸவாஸே; தே வே நரா ஓக⁴திண்ணாதி ப்³ருமீதி.

52. ஏதாபி⁴னந்தா³மி வசோ மஹேஸினோ, ஸுகித்திதங் கோ³தமனூபதீ⁴கங்; யே ஸீத⁴ தி³ட்ட²ங் வ ஸுதங் முதங் வா, ஸீலப்³புதங் வாபி பஹாய ஸப்³புங்.

அனேகருபம்பி பஹாய ஸப்³புங், தண்ஹங் பரிஞ்ஞாய அனாஸவாஸே; அஹம்பி தே ஓக⁴திண்ணாதி ப்³ருமி.

ஏதாபி⁴னந்தா³மி வசோ மஹேஸினோதி. ஏதந்தி துய்ஹங் வசனங்
ப்³யப்பத²ங் தே³ஸனங் அனுஸாஸனங் அனுஸிட்ட²ங் நந்தா³மி அபி⁴னந்தா³மி
மோதா³மி அனுமோதா³மி இச்சா²மி ஸாதி³யாமி பத்த²யாமி பிஹயாமி
அபி⁴ஜப்பாமி. மஹேஸினோதி கிங் மஹேஸி ப⁴க³வா? மஹந்தங்
ஸீலக்க³ந்த⁴ங் ஏஸீ க³வேஸீ பரியேஸீதி மஹேஸி...பே... கஹங்
நராஸபோ⁴தி மஹேஸீதி - ஏதாபி⁴னந்தா³மி வசோ மஹேஸினோ.

ஸுகித்திதங் கோ³தமனூபதீ⁴கந்தி. ஸுகித்திதந்தி ஸுகித்திதங்
ஸுஆசிக்கி²தங் [ஸ்வாசிக்கி²தங் (க.)] ஸுதே³ஸிதங் ஸுபஞ்ஞபிதங்
ஸுபட்ட²பிதங் ஸுவிவடங் ஸுவிப⁴த்தங் ஸுஉத்தானீகதங் ஸுபகாஸிதங்.
கோ³தமனூபதீ⁴கந்தி உபதீ⁴ வுச்சந்தி கிலேஸா ச க³ந்தா⁴ ச
அபி⁴ஸங்கா²ரா ச. உபதி⁴ப்பஹானங் உபதி⁴ஹுபஸமங்
உபதி⁴னிஸ்ஸக்³ங் உபதி⁴படிப்பஸ்ஸத்த⁴ங் அமதங் நிப்³பா³னந்தி -
ஸுகித்திதங் கோ³தமனூபதீ⁴கங்.

யே ஸீத⁴ தி³ட்ட²ங் வ ஸுதங் முதங் வா, ஸீலப்³புதங் வாபி பஹாய
ஸப்³புந்தி யே ஸப்³பா³ தி³ட்ட²ஸுத்தி⁴யோ பஹாய ஜஹித்வா பஜஹித்வா
வினோதெ³த்வா ப்³யந்தீகரித்வா அனபா⁴வங் க³மெத்வா. யே ஸப்³பா³
ஸுதஸுத்தி⁴யோ...பே... யே ஸப்³பா³ முதஸுத்தி⁴யோ... யே ஸப்³பா³
தி³ட்ட²ஸுதமுதஸுத்தி⁴யோ... யே ஸப்³பா³ ஸீலஸுத்தி⁴யோ... யே ஸப்³பா³
வதஸுத்தி⁴யோ... யே ஸப்³பா³ ஸீலப்³புதஸுத்தி⁴யோ பஹாய ஜஹித்வா
பஜஹித்வா வினோதெ³த்வா ப்³யந்தீகரித்வா அனபா⁴வங் க³மெத்வாதி - யே
ஸீத⁴ தி³ட்ட²ங் வ ஸுதங் முதங் வா, ஸீலப்³புதங் வாபி பஹாய ஸப்³புங்.

அனேகரூபம்பி பஹாய ஸப்³புந்தி அனேகவித⁴கோதூஹலமங்க³லேன
ஸுத்தி⁴ங் விஸுத்தி⁴ங் பரிஸுத்தி⁴ங் முத்திங் விமுத்திங் பரிமுத்திங்
பஹாய ஜஹித்வா பஜஹித்வா வினோதெ³த்வா ப்³யந்தீகரித்வா அனபா⁴வங்
க³மெத்வாதி - அனேகரூபம்பி பஹாய ஸப்³புங்.

தண்ஹங் பரிஞ்ஞாய அனாஸவாஸே, அஹம்பி தே ஓக⁴திண்ணாதி
ப்³ருமீதி. தண்ஹாதி ரூபதண்ஹா ஸத்த³தண்ஹா க³ந்த⁴தண்ஹா
ரஸதண்ஹா பொ²ட்ட²ப்³புதண்ஹா த⁴ம்மதண்ஹா. தண்ஹங் பரிஞ்ஞாயாதி
தண்ஹங் தீஹி பரிஞ்ஞாஹி பரிஜானித்வா - ஞாதபரிஞ்ஞாய, தீரணபரிஞ்ஞாய
[திரணபரிஞ்ஞாய (ஸ்யா.)], பஹானபரிஞ்ஞாய. கதமா ஞாதபரிஞ்ஞா ? தண்ஹங்
ஜானாதி - அயங் ரூபதண்ஹா, அயங் ஸத்த³தண்ஹா, அயங் க³ந்த⁴தண்ஹா,
அயங் ரஸதண்ஹா, அயங் பொ²ட்ட²ப்³புதண்ஹா, அயங் த⁴ம்மதண்ஹாதி
ஜானாதி பஸ்ஸதி - அயங் ஞாதபரிஞ்ஞா.

கதமா தீரணபரிஞ்ஞா? ஏவங் ஞாதங் கத்வா தண்ஹங் தீரேதி [திரேதி
(ஸ்யா.)] அனிச்சதோ துக்க²தோ ரோக³தோ க³ண்ட³தோ ஸல்லதோ அக⁴தோ
ஆபா³த⁴தோ பரதோ பலோகதோ ஈதிதோ உபத்³த³வதோ ப⁴யதோ
உபஸக்³தோ சலதோ பய⁴ங்கு³தோ அத்³து⁴வதோ அதாணதோ அலேணதோ
அஸரணதோ அஸரணீபூ⁴ததோ ரித்ததோ துச்ச²தோ ஸுஞ்ஞதோ அனத்ததோ
ஆதீ³னவதோ விபரிணாமத⁴ம்மதோ அஸாரகதோ அக⁴மூலதோ வத⁴கதோ
விப⁴வதோ ஸாஸவதோ ஸங்க²ததோ மாராமிஸதோ ஜாதித⁴ம்மதோ
ஜராத⁴ம்மதோ ப்யாதி⁴த⁴ம்மதோ மரணத⁴ம்மதோ
ஸோகபரிதே³வதுக்க²தோ³மனஸ்ஸுபாயாஸத⁴ம்மதோ
ஸங்கிலேஸத⁴ம்மதோ ஸமுத³யதோ அத்த²ங்க³மதோ அஸ்ஸாத³தோ
ஆதீ³னவதோ நிஸ்ஸரணதோ தீரேதி - அயங் தீரணபரிஞ்ஞா.

கதமா பஹானபரிஞ்ஞா? ஏவங் தீரயித்வா தண்ஹங் பஜஹதி வினோதே³தி
ப்யந்தீகரோதி அனபா⁴வங் க³மேதி - அயங் பஹானபரிஞ்ஞா.

தண்ஹங் பரிஞ்ஞாயாதி தண்ஹங் இமாவறி தீஹி பரிஞ்ஞாஹி
பரிஜானித்வா. அனாஸவாதி சத்தாரோ ஆஸவா - காமாஸவோ,
ப⁴வாஸவோ, தி³ட்ட²ஸவோ, அவிஜ்ஜாஸவோ. யேஸங் இமே ஆஸவா
பஹீனா உச்சி²ன்னமூலா தாலாவத்து²கதா அனபா⁴வங்கதா ஆயதிங்
அனுப்பாத³த⁴ம்மா, தே வுச்சந்தி அனாஸவா அரஹந்தோ கீணாஸவா.
தண்ஹங் பரிஞ்ஞாய அனாஸவாஸே, அஹம்பி தே ஓக⁴திண்ணாதி.
ப்³ருமீதி யே தண்ஹங் பரிஞ்ஞாய அனாஸவா, அஹம்பி தே காமோக⁴ங்
திண்ணா ப⁴வோக⁴ங் திண்ணா தி³ட்டோ²க⁴ங் திண்ணா அவிஜ்ஜோக⁴ங்
திண்ணா ஸப்³ப³ஸங்ஸாரபத²ங் திண்ணா உத்திண்ணா நித்திண்ணா அதிக்ந்தா
ஸமதிக்கந்தா வீதிவத்தாதி ப்³ருமி வதா³மிதி - தண்ஹங் பரிஞ்ஞாய
அனாஸவாஸே, அஹம்பி தே ஓக⁴திண்ணாதி ப்³ருமி. தேனாஹ ஸோ
ப்³ராஹ்மணோ -

“ஏதாபி⁴னந்தா³மி வசோ மஹேஸினோ, ஸுகித்திதங்

கோ³தமனூபதீ⁴கங்;

யே ஸீத⁴ தி³ட்ட²ங் வ ஸுதங் முதங் வா, ஸீலப்³ப³தங் வாபி பஹாய
ஸப்³ப³ங்.

அனேகருபம்பி பஹாய ஸப்³ப³ங், தண்ஹங் பரிஞ்ஞாய அனாஸவாஸே;
அஹம்பி தே ஓக⁴திண்ணாதி ப்³ருமீ³தி.

நந்த³மாணவபுச்சா²னித்³தே³ஸோ ஸத்தமோ.

8. ஹேமகமாணவபுச்சா²னித்³தே³ஸோ

53. யே மே புப்³பே³ வியாகங்ஸு, [இச்சாயஸ்மா ஹேமகோ]
ஹுரங் கோ³தமஸாஸனா;
இச்சாஸி இதி ப⁴விஸ்ஸதி, ஸப்³பங் தங் இதிஹீதிஹங்;
ஸப்³பங் தங் தக்கவட்³ட⁴னங், நாஹங் தத்த² அபி⁴ரமிங்.

யே மே புப்³பே³ வியாகங்ஸு³தி யோ ச பா³வரீ ப்³ராஹ்மணோ யே சஞ்ஞே
தஸ்ஸ ஆசரியா, தே ஸகங் தி³ட்டி²ங் ஸகங் க²ந்திங் ஸகங் ருசிங் ஸகங்
லத்³தி⁴ங் ஸகங் அஜ்ஜா²ஸயங் ஸகங் அதி⁴ப்பாயங் ப்³யாகங்ஸு
ஆசிக்கி²ங்ஸு தே³ஸயிங்ஸு பஞ்ஞபிங்ஸு பட்ட²பிங்ஸு விவரிங்ஸு
விப⁴ஜிங்ஸு உத்தானீ²அகங்ஸு பகாஸேஸுந்தி - யே மே புப்³பே³
வியாகங்ஸு. இச்சாயஸ்மா ஹேமகோதி. இச்சாதி பத்³ஸந்தி⁴...பே...
பதா³னுபுப்³பதாபேதங் - இச்சாதி. ஆயஸ்மாதி பியவசனங்...பே.... ஹேமகோதி
தஸ்ஸ ப்³ராஹ்மணஸ்ஸ நாமங்...பே... அபி⁴லாபோதி - இச்சாயஸ்மா
ஹேமகோ.

ஹுரங் கோ³தமஸாஸனாதி ஹுரங் கோ³தமஸாஸனா பரங்
கோ³தமஸாஸனா புரே கோ³தமஸாஸனா பட²மதரங் கோ³தமஸாஸனா
புத்³த⁴ஸாஸனா ஜினஸாஸனா ததா²க³தஸாஸனா [ததா²க³தஸாஸனா
தே³வஸாஸனா (க:)] அரஹந்தஸாஸனாதி - ஹுரங் கோ³தமஸாஸனா.

இச்சாஸி இதி ப⁴விஸ்ஸதீதி ஏவங் கிர ஆஸி, ஏவங் கிர ப⁴விஸ்ஸதீதி
- இச்சாஸி இதி ப⁴விஸ்ஸதி.

ஸப்³பங் தங் இதிஹீதிஹந்தி ஸப்³பங் தங் இதிஹீதிஹங் இதிகிராய
பரங்பராய பிடகஸம்பதா³ய தக்கஹேது நயஹேது ஆகாரபரிவிதக்கேன
தி³ட்டி²னிஜ்ஜா²னக்க²ந்தியா ந ஸாமங் ஸயமபி⁴ஞ்ஞாதங் ந
அத்தபச்சக்க²த⁴ம்மங் கத²யிங்ஸு³தி - ஸப்³பங் தங் இதிஹீதிஹங்.

ஸப்³பங் தங் தக்கவட்³ட⁴னந்தி ஸப்³பங் தங் தக்கவட்³ட⁴னங்
விதக்கவட்³ட⁴னங் ஸங்கப்பவட்³ட⁴னங் காமவிதக்கவட்³ட⁴னங்
ப்³யாபாத³விதக்கவட்³ட⁴னங் விஹிங்ஸாவிதக்கவட்³ட⁴னங்
ஞாதிவிதக்கவட்³ட⁴னங் ஜனபத்³விதக்கவட்³ட⁴னங் அமராவிதக்கவட்³ட⁴னங்
பரானுத்³யதாபடிஸங்யுத்தவிதக்கவட்³ட⁴னங்
லாப⁴ஸக்காரஸிலோகபடிஸங்யுத்தவிதக்கவட்³ட⁴னங்
அனவஞ்ஞத்திபடிஸங்யுத்தவிதக்கவட்³ட⁴னந்தி - ஸப்³பங் தங்
தக்கவட்³ட⁴னங்.

நாஹங் தத்த² அபி⁴ரமிந்தி நாஹங் தத்த² அபி⁴ரமிங் ந விந்தி³ங்
நாதி⁴க³ச்சி²ங் ந படிஸபி⁴ந்தி - நாஹங் தத்த² அபி⁴ரமிங். தேனாஹ ஸோ

ப்ராஹ்மணோ -

“யே மே புப்³பே³ வியாகங்ஸு, [இச்சாயஸ்மா ஹேமகோ]
ஹுரங் கோ³தமஸாஸனா;
இச்சாஸி இதி ப⁴விஸ்ஸதி, ஸப்³பங் தங் இதிஹீதிஹங்;
ஸப்³பங் தங் தக்கவட்³ட்⁴னங், நாஹங் தத்த² அபி⁴ரமி”ந்தி.

54. த்வஞ்ச மே த⁴ம்மமக்கா²ஹி, தண்ஹானிக்³கா⁴தனங் முனி;
யங் விதி³த்வா ஸதோ சரங், தரே லோகே விஸத்திகங்.

த்வஞ்ச மே த⁴ம்மமக்கா²ஹீதி. த்வந்தி ப⁴க³வந்தங் ப⁴ணதி.
த⁴ம்மமக்கா²ஹீதி. த⁴ம்மந்தி ஆதி³கல்யாணங் மஜ்ஜே²கல்யாணங்
பரியோஸானகல்யாணங் ஸாத்த²ங் ஸப்³யஞ்ஜனங் கேவலபரிபுண்ணங்
பரிஸுத்³த⁴ங் ப்ராஹ்மசரியங், சத்தாரோ ஸதிபட்டா²னே சத்தாரோ
ஸம்மப்பதா⁴னே சத்தாரோ இத்³தி⁴பாதே³ பஞ்சிந்த்³ரியானி பஞ்ச ப³லானி
ஸத்த பொ³ஜ்ஜ²ங்கே³ அரியங் அட்ட²ங்கிகங் மக்³கங் நிப்³பா³னஞ்ச
நிப்³பா³னகா³மினிஞ்ச படிபத³ங் அக்கா²ஹி ஆசிக்கா²ஹி தே³ஸேஹி
பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி
பகாஸேஹீதி - த்வஞ்ச மே த⁴ம்மமக்கா²ஹி.

தண்ஹானிக்³கா⁴தனங் முனீதி. தண்ஹாதி - ரூபதண்ஹா...பே...
த⁴ம்மதண்ஹா. தண்ஹானிக்³கா⁴தனங் தண்ஹாபஹானங்
தண்ஹாபுபஸமங் தண்ஹாபடினிஸ்ஸக்³கங் தண்ஹாபடிப்பஸ்ஸத்³தி⁴ங்
அமதங் நிப்³பா³னங். முனீதி மோனங் வச்சதி ஞாணங்...பே... ஸங்க³ஜாலமதிச்ச
ஸோ முனீதி - தண்ஹானிக்³கா⁴தனங் முனி.

யங் விதி³த்வா ஸதோ சரந்தி யங் விதி³தங் கத்வா துலயித்வா தீரயித்வா
விபா⁴வயித்வா விபு⁴தங் கத்வா. “ஸப்³பே³ ஸங்கா²ரா அனிச்சா”தி விதி³தங்
கத்வா துலயித்வா தீரயித்வா விபா⁴வயித்வா விபு⁴தங் கத்வா, “ஸப்³பே³
ஸங்கா²ரா துக்கா²”தி...பே... “ஸப்³பே³ த⁴ம்மா அனத்தா”தி...பே... “யங் கிஞ்சி
ஸமுத³யத⁴ம்மங் ஸப்³பங் தங் நிரோத⁴த⁴ம்ம”ந்தி விதி³தங் கத்வா
துலயித்வா தீரயித்வா விபா⁴வயித்வா விபு⁴தங் கத்வா. ஸதோதி சதூஹி
காரணேஹி ஸதோ - காயே காயானுபஸ்ஸனாஸதிபட்டா²னங் பா⁴வெந்தோ
ஸதோ...பே... ஸோ வச்சதி ஸதோ. சரந்தி சரந்தோ விஹரந்தோ இரியந்தோ
வத்தெந்தோ பாலெந்தோ யபெந்தோ யாபெந்தோதி - யங் விதி³த்வா ஸதோ
சரங்.

தரே லோகே விஸத்திகந்தி விஸத்திகா வச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங். விஸத்திகாதி

கேனட்டே²ன விஸத்திகா...பே... விஸடா வித்த²தாதி விஸத்திகா. லோகேதி அபாயலோகே மனுஸ்ஸலோகே தே³வலோகே க²ந்த⁴லோகே தா⁴துலோகே ஆயதனலோகே. தரே லோகே விஸத்திகந்தி லோகே வேஸா விஸத்திகா லோகே வேதங் விஸத்திகங் ஸதோ தரெய்யங் உத்தரெய்யங் பதரெய்யங் ஸமதிக்கமெய்யங் வீதிவத்தெய்யந்தி - தரே லோகே விஸத்திகங். தேனாஹ ஸோ ப்³ராஹ்மணோ -

“த்வஞ்ச மே த⁴ம்மமக்கா²ஹி, தண்ஹானிக்³கா⁴தனங் முனி; யங் விதி³த்வா ஸதோ சரங், தரே லோகே விஸத்திக”ந்தி.

55. இத⁴ தி³ட்ட²ஸுதமுதவிஞ்ஞாதேஸு, பியருபேஸு ஹேமக; ச²ந்த³ராக³வினோத³னங், நிப்³பா³னபத³மச்சுதங்.

இத⁴ தி³ட்ட²ஸுதமுதவிஞ்ஞாதேஸுதி. தி³ட்ட²ந்தி சக்கு²னா தி³ட்ட²ங்; ஸுதந்தி ஸோதேன ஸுதங்; முதந்தி கா⁴னேன கா⁴யிதங் ஜிவ்ஹாய ஸாயிதங் காயேன பு²ட்ட²ங்; விஞ்ஞாதந்தி மனஸா விஞ்ஞாதந்தி - இத⁴ தி³ட்ட²ஸுதமுதவிஞ்ஞாதேஸு.

பியருபேஸு ஹேமகாதி கிஞ்ச லோகே பியருபங் ஸாதருபங்? சக்கு² [சக்குங் (ஸ்யா. க.)] லோகே பியருபங் ஸாதருபங், ஸோதங் லோகே...பே... கா⁴னங் லோகே... ஜிவ்ஹா லோகே... காயோ லோகே... மனோ லோகே பியருபங் ஸாதருபங்; ரூபா லோகே பியருபங் ஸாதருபங், ஸத்த³தா³ லோகே... க³ந்தா⁴ லோகே... ரஸா லோகே... பொ²ட்ட²ப்³பா³ லோகே... த⁴ம்மா லோகே பியருபங் ஸாதருபங்; சக்கு²விஞ்ஞாணங் லோகே பியருபங் ஸாதருபங், ஸோதவிஞ்ஞாணங் லோகே பியருபங் ஸாதருபங், கா⁴னவிஞ்ஞாணங் லோகே... ஜிவ்ஹாவிஞ்ஞாணங் லோகே... காயவிஞ்ஞாணங் லோகே... மனோவிஞ்ஞாணங் லோகே பியருபங் ஸாதருபங், சக்கு²ஸம்ப²ஸ்ஸோ லோகே... ஸோதஸம்ப²ஸ்ஸோ லோகே... கா⁴னஸம்ப²ஸ்ஸோ லோகே... ஜிவ்ஹாஸம்ப²ஸ்ஸோ லோகே... காயஸம்ப²ஸ்ஸோ லோகே... மனோஸம்ப²ஸ்ஸோ லோகே பியருபங் ஸாதருபங்; சக்கு²ஸம்ப²ஸ்ஸஜா வேத³னா லோகே பியருபங் ஸாதருபங்... ஸோதஸம்ப²ஸ்ஸஜா வேத³னா... கா⁴னஸம்ப²ஸ்ஸஜா வேத³னா... ஜிவ்ஹாஸம்ப²ஸ்ஸஜா வேத³னா... காயஸம்ப²ஸ்ஸஜா வேத³னா... மனோஸம்ப²ஸ்ஸஜா வேத³னா லோகே பியருபங் ஸாதருபங்; ரூபஸஞ்ஞா லோகே... ஸத்த³த³ஸஞ்ஞா லோகே... க³ந்த⁴ஸஞ்ஞா லோகே... ரஸஸஞ்ஞா லோகே... பொ²ட்ட²ப்³ப³ஸஞ்ஞா லோகே... த⁴ம்மஸஞ்ஞா லோகே பியருபங் ஸாதருபங், ரூபஸஞ்சேதனா லோகே... ஸத்த³த³ஸஞ்சேதனா லோகே... க³ந்த⁴ஸஞ்சேதனா லோகே... ரஸஸஞ்சேதனா லோகே... பொ²ட்ட²ப்³ப³ஸஞ்சேதனா லோகே... த⁴ம்மஸஞ்சேதனா லோகே பியருபங் ஸாதருபங்; ரூபதண்ஹா லோகே... ஸத்த³த³தண்ஹா லோகே...

க³ந்த⁴தண்ஹா லோகே... ரஸதண்ஹா லோகே ... பொ²ட்ட²ப்³ப³தண்ஹா லோகே... த⁴ம்மதண்ஹா லோகே பியரூபங் ஸாதரூபங்; ரூபவிதக்கோ லோகே... ஸத்³த³விதக்கோ லோகே... க³ந்த⁴விதக்கோ லோகே... ரஸவிதக்கோ லோகே... பொ²ட்ட²ப்³ப³விதக்கோ லோகே... த⁴ம்மவிதக்கோ லோகே பியரூபங் ஸாதரூபங்; ரூபவிசாரோ லோகே பியரூபங் ஸாதரூபங், ஸத்³த³விசாரோ லோகே... க³ந்த⁴விசாரோ லோகே... ரஸவிசாரோ லோகே... பொ²ட்ட²ப்³ப³விசாரோ லோகே... த⁴ம்மவிசாரோ லோகே பியரூபங் ஸாதரூபந்தி - பியரூபேஸு ஹேமக.

ச²ந்த³ராக³வினோத³னந்தி. ச²ந்த³ராகோ³தி யோ காமேஸு காமச்ச²ந்தோ³ காமராகோ³ காமனந்தீ³ காமதண்ஹா காமஸினேஹோ காமபரிளாஹோ காமமுச்சா² காமஜ்ஜோ²ஸானங் காமோகோ⁴ காமயோகோ³ காமுபாதா³னங் காமச்ச²ந்த³னீவரணங். ச²ந்த³ராக³வினோத³னந்தி ச²ந்த³ராக³ப்பஹானங் ச²ந்த³ராக³வூபஸமங் ச²ந்த³ராக³படினிஸ்ஸக்³க³ங் ச²ந்த³ராக³படிப்பஸ்ஸத்³த⁴ங் அமதங் நிப்³பா³னந்தி - ச²ந்த³ராக³வினோத³னங்.

நிப்³பா³னபத³மச்சுதந்தி நிப்³பா³னபத³ங் தாணபத³ங் லேணபத³ங் ஸரணபத³ங் அப⁴யபத³ங். அச்சுதந்தி நிச்சங் து⁴வங் ஸஸ்ஸதங் அவிபரிணாமத⁴ம்மந்தி - நிப்³பா³னபத³மச்சுதங். தேனாஹ ப⁴க³வா -

“இத⁴ தி³ட்ட²ஸுதமுதவிஞ்ஞாதேஸு, பியரூபேஸு ஹேமக; ச²ந்த³ராக³வினோத³னங், நிப்³பா³னபத³மச்சுத”ந்தி.

56. ஏதத³ஞ்ஞாய யே ஸதா, தி³ட்ட²த⁴ம்மாபி⁴னிப்³பு³தா;
உபஸந்தா ச தே ஸதா³, திண்ணா லோகே விஸத்திகங்.

ஏதத³ஞ்ஞாய யே ஸதாதி. ஏதந்தி அமதங் நிப்³பா³னங். யோ ஸோ ஸப்³ப³ஸங்கா²ரஸமதோ² ஸப்³பூ³பதி⁴படினிஸ்ஸக்³கோ³ தண்ஹக்க²யோ விராகோ³ நிரோதோ⁴ நிப்³பா³னங். அஞ்ஞாயாதி அஞ்ஞாய ஜானித்வா துலயித்வா தீரயித்வா விபா⁴வயித்வா விபூ⁴தங் கத்வா. “ஸப்³பே³ ஸங்கா²ரா அனிச்சா”தி அஞ்ஞாய ஜானித்வா துலயித்வா தீரயித்வா விபா⁴வயித்வா விபூ⁴தங் கத்வா. “ஸப்³பே³ ஸங்கா²ரா து³க்கா²”தி... “ஸப்³பே³ த⁴ம்மா அனத்தா”தி...பே... “யங் கிஞ்சி ஸமுத³யத⁴ம்மங் ஸப்³ப³ங் தங் நிரோத⁴த⁴ம்ம”ந்தி அஞ்ஞாய ஜானித்வா துலயித்வா தீரயித்வா விபா⁴வயித்வா விபூ⁴தங் கத்வா. யேதி அரஹந்தோ கீணாஸவா. ஸதாதி சதூஹி காரணேஹி ஸதா - காயே காயானுபஸ்ஸனாஸதிபட்டா²னங் பா⁴விதத்தா ஸதா...பே... தே வச்சந்தி ஸதாதி - ஏதத³ஞ்ஞாய யே ஸதா.

தி³ட்ட²த⁴ம்மாபி⁴னிப்³பு³தாதி. தி³ட்ட²த⁴ம்மாதி தி³ட்ட²த⁴ம்மா ஞாதத⁴ம்மா துலிதத⁴ம்மா தீரிதத⁴ம்மா விபூ⁴தத⁴ம்மா

விபா⁴விதத⁴ம்மா. “ஸப்³பே³ ஸங்கா²ரா அனிச்சா”தி தி³ட்ட²த⁴ம்மா...பே...
“யங் கிஞ்சி ஸமுத³யத⁴ம்மங் ஸப்³பங் தங் நிரோத⁴த⁴ம்ம”ந்தி
தி³ட்ட²த⁴ம்மா ஞாதத⁴ம்மா துலிதத⁴ம்மா தீரிதத⁴ம்மா விபு⁴தத⁴ம்மா
விபா⁴விதத⁴ம்மா. அபி⁴னிப்³புதாதி ராக³ஸ்ஸ நிப்³பா³பிதத்தா நிப்³புதா,
தோ³ஸ்ஸ நிப்³பா³பிதத்தா நிப்³புதா, மோஹஸ்ஸ நிப்³பா³பிதத்தா நிப்³புதா,
கோத⁴ஸ்ஸ...பே... உபனாஹஸ்ஸ... ஸப்³பா³குஸலாபி⁴ஸங்கா²ரானங்
ஸந்தத்தா ஸமிதத்தா ஓபஸமிதத்தா நிஜ்ஜா²தத்தா நிப்³புதத்தா விக³தத்தா
படிப்பஸத்³த⁴த்தா ஸந்தா உபஸந்தா ஓபஸந்தா நிப்³புதா
படிப்பஸ்ஸத்³தா⁴தி - தி³ட்ட²த⁴ம்மாபி⁴னிப்³புதா.

உபஸந்தா ச தே ஸதா³தி. உபஸந்தாதி ராக³ஸ்ஸ உபஸமிதத்தா
நிப்³பா³பிதத்தா உபஸந்தா...பே... தோ³ஸ்ஸ... மோஹஸ்ஸ... கோத⁴ஸ்ஸ...
உபனாஹஸ்ஸ...பே... ஸப்³பா³குஸலாபி⁴ஸங்கா²ரானங் ஸந்தத்தா ஸமிதத்தா
ஓபஸமிதத்தா நிஜ்ஜா²தத்தா நிப்³புதத்தா விக³தத்தா படிப்பஸத்³த⁴த்தா ஸந்தா
உபஸந்தா ஓபஸந்தா நிப்³புதா படிப்பஸ்ஸத்³தா⁴தி உபஸந்தா. தேதி
அரஹந்தோ கீ²ணாஸவா. ஸதா³தி ஸதா³ ஸப்³பகாலங் நிச்சகாலங்
து⁴வகாலங் ஸததங் ஸமிதங் அப்³போ³கிண்ணங் பொங்கா²னுபொங்க²ங்
உத³கூமிகஜாதங் அவீசிஸந்ததிஸஹிதங் ப²ஸ்ஸிதங் புரேப⁴த்தங்
பச்சா²ப⁴த்தங் புரிமயாமங் மஜ்ஜி²மயாமங் பச்சி²மயாமங் காளே ஜுண்ஹே
வஸ்ஸே ஹேமந்தே கி³ம்ஹே புரிமே வயோக²ந்தே⁴ மஜ்ஜி²மே
வயோக²ந்தே⁴ பச்சி²மே வயோக²ந்தே⁴தி - உபஸந்தா ச தே ஸதா³.

திண்ணா லோகே விஸத்திகந்தி விஸத்திகா வுச்சதி தண்ஹா. யோ
ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலங்.
விஸத்திகாதி கேனட்டே²ன விஸத்திகா...பே... விஸடா வித்த²தாதி விஸத்திகா.
லோகேதி அபாயலோகே...பே... ஆயதனலோகே. திண்ணா லோகே
விஸத்திகந்தி லோகே வேஸா விஸத்திகா லோகே வேதங் விஸத்திகங்
திண்ணா உத்திண்ணா நித்தி²ண்ணா அதிக்ந்தா ஸமதிக்கந்தா வீதிவத்தாதி -
திண்ணா லோகே விஸத்திகங். தேனாஹ ப⁴க³வா -

“ஏதத³ஞ்ஞாய யே ஸதா, தி³ட்ட²த⁴ம்மாபி⁴னிப்³புதா;
உபஸந்தா ச தே ஸதா³, திண்ணா லோகே விஸத்திக”ந்தி.

ஸஹ கா³தா²பரியோஸானா...பே... ஸத்தா² மே ப⁴ந்தே ப⁴க³வா,
ஸாவகோஹமஸ்மீதி.

ஹேமகமாணவபுச்சா²னித்³தே³ஸோ அட்ட²மோ.

9. தோதெ³ய்யமாணவபுச்சா²னித்³தே³ஸோ

57. யஸ்மிங் காமா ந வஸந்தி, [இச்சாயஸ்மா தோதெ³ய்யோ] தண்ஹா யஸ்ஸ ந விஜ்ஜதி;
கத²ங்கதா² ச யோ திண்ணோ, விமொக்கோ² தஸ்ஸ கீதி³ஸோ.

யஸ்மிங் காமா ந வஸந்தீதி யஸ்மிங் காமா ந வஸந்தி ந ஸங்வஸந்தி ந ஆவஸந்தி ந பரிவஸந்தீதி - யஸ்மிங் காமா ந வஸந்தி. இச்சாயஸ்மா தோதெ³ய்யோதி. இச்சாதி பத³ஸந்தி⁴...பே... பதா³னுபு³ப³தாபேதங் - இச்சாதி. ஆயஸ்மாதி பியவசனங்...பே.... தோதெ³ய்யோதி தஸ்ஸ ப்³ராஹ்மணஸ்ஸ நாமங்...பே... அபி⁴லாபோதி - இச்சாயஸ்மா தோதெ³ய்யோ.

தண்ஹா யஸ்ஸ ந விஜ்ஜதீதி தண்ஹா யஸ்ஸ நத்தி² ந ஸதி ந ஸங்விஜ்ஜதி நுபலப்³ப⁴தி ஞாணக்³கி³னா த³ட³டா⁴தி - தண்ஹா யஸ்ஸ ந விஜ்ஜதி.

கத²ங்கதா² ச யோ திண்ணோதி கத²ங்கதா² ச யோ திண்ணோ உத்திண்ணோ நித்தி²ண்ணோ அதிக்நதோ ஸமதிக்கந்தோ வீதிவத்தோதி - கத²ங்கதா² ச யோ திண்ணோ.

விமொக்கோ² தஸ்ஸ கீதி³ஸோதி விமொக்கோ² தஸ்ஸ கீதி³ஸோ கிங்ஸண்டி²தோ கிங்பகாரோ கிங்படிபா⁴கோ³ இச்சி²தப்³போ³தி விமொக்க²ங் புச்ச²தீதி - விமொக்கோ² தஸ்ஸ கீதி³ஸோ. தேனாஹ ஸோ ப்³ராஹ்மணோ -

“யஸ்மிங் காமா ந வஸந்தி, [இச்சாயஸ்மா தோதெ³ய்யோ] தண்ஹா யஸ்ஸ ந விஜ்ஜதி;
கத²ங்கதா² ச யோ திண்ணோ, விமொக்கோ² தஸ்ஸ கீதி³ஸோ”தி.

58. யஸ்மிங் காமா ந வஸந்தி, [தோதெ³ய்யாதி ப⁴க³வா] தண்ஹா யஸ்ஸ ந விஜ்ஜதி;
கத²ங்கதா² ச யோ திண்ணோ, விமொக்கோ² தஸ்ஸ நாபரோ.

யஸ்மிங் காமா ந வஸந்தீதி. யஸ்மிந்தி யஸ்மிங் புக்³க³லே அரஹந்தே கீணாஸவே. காமாதி உத்³தா³னதோ த்³வே காமா - வத்து²காமா ச கிலேஸகாமா ச...பே... இமே வச்சந்தி வத்து²காமா...பே... இமே வச்சந்தி கிலேஸகாமா. யஸ்மிங் காமா ந வஸந்தீதி யஸ்மிங் காமா ந வஸந்தி ந ஸங்வஸந்தி ந ஆவஸந்தி ந பரிவஸந்தீதி - யஸ்மிங் காமா ந வஸந்தி.

தோதெ³ய்யாதி ப⁴க³வாதி. தோதெ³ய்யாதி ப⁴க³வா தங் ப்³ராஹ்மணங் நாமேன ஆலபதி. ப⁴க³வாதி கா³ரவாதி⁴வசனமேதங்...பே... ஸச்சி²கா பஞ்ஞத்தி, யதி³த³ங் ப⁴க³வாதி - தோதெ³ய்யாதி ப⁴க³வா.

தண்ஹா யஸ்ஸ ந விஜ்ஜதீதி. தண்ஹாதி ரூபதண்ஹா ஸத்³த³தண்ஹா க³ந்த⁴தண்ஹா ரஸதண்ஹா பொ²ட்ட²ப³ப³தண்ஹா த⁴ம்மதண்ஹா. யஸ்ஸாதி அரஹதோ கீ²ணாஸவஸ்ஸ. தண்ஹா யஸ்ஸ ந விஜ்ஜதீதி தண்ஹா யஸ்ஸ நத்தி² ந ஸதி ந ஸங்விஜ்ஜதி நுபலப்³ப⁴தி, பஹீனா ஸமுச்சி²ன்னா ஓபஸந்தா படிப்பஸ்ஸத்³தா⁴ அப⁴ப்³ப³ப்பத்திகா ஞாணக்³கி³னா த³ட்³டா⁴தி - தண்ஹா யஸ்ஸ ந விஜ்ஜதி.

கத²ங்கதா² ச யோ திண்ணோதி கத²ங்கதா² வுச்சதி விசிகிச்சா². து³க்கே² கங்கா²...பே... ச²ம்பி⁴தத்தங் சித்தஸ்ஸ மனோவிலேகோ². யோதி யோ ஸோ அரஹங் கீ²ணாஸவோ. கத²ங்கதா² ச யோ திண்ணோதி கத²ங்கதா² ச யோ திண்ணோ உத்திண்ணோ நித்தி²ண்ணோ அதிக்கந்தோ ஸமதிக்கந்தோ வீதிவத்தோதி - கத²ங்கதா² ச யோ திண்ணோ.

விமொக்கோ² தஸ்ஸ நாபரோதி நத்தி² தஸ்ஸ அபரோ விமொக்கோ². யேன விமொக்கே²ன விமுச்செய்ய விமுத்தோ ஸோ. கதங் தஸ்ஸ விமொக்கே²ன கரணியந்தி - விமொக்கோ² தஸ்ஸ நாபரோ. தேனாஹ ப⁴க³வா

“யஸ்மிங் காமா ந வஸந்தி, [தோதெ³ய்யாதி ப⁴க³வா]
தண்ஹா யஸ்ஸ ந விஜ்ஜதி;
கத²ங்கதா² ச யோ திண்ணோ, விமொக்கோ² தஸ்ஸ நாபரோ”தி.

59. நிராஸஸோ ஸோ உத³ ஆஸஸானோ, பஞ்ஞாணவா ஸோ உத³ பஞ்ஞுகப்பீ;
முனிங் அஹங் ஸக்க யதா² விஜஞ்ஞங், தங் மே வியாசிக்க²
ஸமந்தசக்கு².

நிராஸஸோ ஸோ உத³ ஆஸஸானோதி நித்தண்ஹோ ஸோ, உதா³ஹு ஸதண்ஹோ ரூபே ஆஸீஸதி [ஆஸிங்ஸதி (ஸ்யா.)], ஸத்³தே³...பே... க³ந்தே⁴... ரஸே... பொ²ட்ட²ப³பே³... குலங்... க³ணங்... ஆவாஸங்... லாப⁴ங்... யஸங்... பஸங்ஸங்... ஸுக²ங்... சீவரங்... பிண்ட³பாதங்... ஸேனாஸனங்... கி³லானபச்சயபே⁴ஸஜ்ஜபரிக்கா²ரங்... காமதா⁴துங் ... ரூபதா⁴துங்... அரூபதா⁴துங்... காமப⁴வங்... ரூபப⁴வங்... அரூபப⁴வங்... ஸஞ்ஞாப⁴வங்... அஸஞ்ஞாப⁴வங்... நேவஸஞ்ஞானாஸஞ்ஞாப⁴வங்... ஏகவோகாரப⁴வங்... சதுவோகாரப⁴வங்... பஞ்சவோகாரப⁴வங்... அதீதங்... அனாக³தங்... பச்சுப்பன்னங்... தி³ட்ட²ஸுதமுதவிஞ்ஞாதப்³பே³ த⁴ம்மே ஆஸீஸதி ஸாதி³யதி பத்தே²தி பிஹேதி அபி⁴ஜப்பதீதி - நிராஸஸோ ஸோ உத³ ஆஸஸானோ.

பஞ்ஞாணவா ஸோ உத³ பஞ்ஞுகப்பீதி. பஞ்ஞாணவா ஸோதி பண்டி³தோ பஞ்ஞுவா பு³த்³தி⁴மா ஞாணீ விபா⁴வீ மேதா⁴வீ. உத³ பஞ்ஞுகப்பீதி உதா³ஹு

அட்ட²ஸமாபத்திஞானேன வா பஞ்சாபி⁴ஞ்ஞானேன வா மிச்சா²ஞானேன வா தண்ஹாகப்பங் வா தி³ட்டி²கப்பங் வா கப்பேதி ஜனேதி ஸஞ்ஜனேதி நிப்³பத்தேதி அபி⁴னிப்³பத்தேதி - பஞ்ஞானவா ஸோ உத³ பஞ்ஞுகப்பீ.

முனிங் அஹங் ஸக்க யதா² விஜஞ்ஞந்தி. ஸக்காதி ஸக்கோ ப⁴க³வா. ஸக்யகுலா பப்³பஜிதோதிபி ஸக்கோ. அத² வா, அட்³டோ⁴ மஹத்³த⁴னோ த⁴னவாதிபி ஸக்கோ. தஸ்ஸிமானி த⁴னானி, ஸெய்யதி²த³ங் - ஸத்³தா⁴த⁴னங் ஸீலத⁴னங் ஹிரித⁴னங் ஒத்தப்பத⁴னங் ஸுதத⁴னங் சாக³த⁴னங் பஞ்ஞாத⁴னங் ஸதிபட்டா²னத⁴னங் ஸம்மப்பதா⁴னத⁴னங் இத்தி⁴பாத³த⁴னங் இந்த்³ரியத⁴னங் ப³லத⁴னங் பொ³ஜ்ஜ²ங்க³த⁴னங் மக்³த⁴னங் ப²லத⁴னங் நிப்³பா³னத⁴னந்தி. தேஹி அனேகவிதே⁴ஹி த⁴னரதனேஹி அட்³டோ⁴ மஹத்³த⁴னோ த⁴னவாதிபி ஸக்கோ. அத² வா, பஹு விஸவீ அலமத்தோ ஸுரோ வீரோ விக்கந்தோ அபீ⁴ரு அச்ச²ம்பீ⁴ அனுத்ராஸீ அபலாயீ பஹீனப⁴யபே⁴ரவோ விக³தலோமஹங்ஸோதிபி ஸக்கோ. முனிங் அஹங் ஸக்க யதா² விஜஞ்ஞந்தி ஸக்க யதா²ஹங் முனிங் ஜானெய்யங் ஆஜானெய்யங் விஜானெய்யங் படிவிஜானெய்யங் படிவிஜ்ஜெ²ய்யந்தி - முனிங் அஹங் ஸக்க யதா² விஜஞ்ஞங்.

தங் மே வியாசிக்க² ஸமந்தசக்க²தி. தந்தி யங் புச்சா²மி யங் யாசாமி யங் அஜ்ஜே²ஸாமி யங் பஸாதே³மி. வியாசிக்கா²தி ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி பகாஸேஹி. ஸமந்தசக்க²தி ஸமந்தசக்கு² வுச்சதி ஸப்³பஞ்ஞுதஞ்ஞாணங்...பே... ததா²க³தோ தேன ஸமந்தசக்க²தி - தங் மே வியாசிக்க² ஸமந்தசக்கு². தேனாஹ ஸோ ப்³ராஹ்மணோ -

“நிராஸஸோ ஸோ உத³ ஆஸஸானோ, பஞ்ஞாணவா ஸோ உத³ பஞ்ஞுகப்பீ;

முனிங் அஹங் ஸக்க யதா² விஜஞ்ஞங், தங் மே வியாசிக்க² ஸமந்தசக்க²தி.

60. நிராஸஸோ ஸோ ந ச ஆஸஸானோ, பஞ்ஞாணவா ஸோ ந ச பஞ்ஞுகப்பீ;

ஏவம்பி தோதெ³ய்ய முனிங் விஜான, அகிஞ்சனங் காமப⁴வே அஸத்தங்.

நிராஸஸோ ஸோ ந ச ஆஸஸானோதி நித்தண்ஹோ ஸோ. ந ஸோ ஸதண்ஹோ ரூபே நாஸீஸதி. ஸத்³தே³...பே... க³ந்தே⁴... தி³ட்ட²ஸுதமுதவிஞ்ஞாதப்³பே³ த⁴ம்மே நாஸீஸதி ந இச்ச²தி ந ஸாதி³யதி ந பத்தே²தி ந பிஹேதி நாபி⁴ஜப்பதீதி - நிராஸஸோ ஸோ ந ச ஆஸஸானோ.

பஞ்ஞாணவா ஸோ ந ச பஞ்ஞுகப்பீதி. பஞ்ஞாணவாதி பண்டிதோ
பஞ்ஞுவா புத்தி⁴மா ஞாணீ விபா⁴வீ மேதா⁴வீ. ந ச பஞ்ஞுகப்பீதி
அட்ட²ஸமாபத்திஞாணேன வா பஞ்சாபி⁴ஞ்ஞாஞாணேன வா மிச்சா²ஞாணேன
வா தண்ஹாகப்பங் வா ந கப்பேதி தி³ட்டி²கப்பங் வா ந கப்பேதி ந ஜனேதி ந
ஸஞ்ஜனேதி ந நிப்ப³த்தேதி நாபி⁴னிப்ப³த்தேதி - பஞ்ஞாணவா ஸோ ந ச
பஞ்ஞுகப்பீ.

ஏவம்பி தோதெ³ய்ய முனிங் விஜானாதி. முனீதி மோனங் வச்சதி
ஞாணங்...பே... ஸங்க³ஜாலமதிச்ச ஸோ முனி. ஏவம்பி தோதெ³ய்ய முனிங்
விஜானாதி தோதெ³ய்ய, ஏவங் முனிங் ஜான படிஜான படிவிஜான படிவிஜா²தி
- ஏவம்பி தோதெ³ய்ய முனிங் விஜான.

அகிஞ்சனங் காமப⁴வே அஸத்தந்தி. அகிஞ்சனந்தி ராக³கிஞ்சனங்
தோ³ஸகிஞ்சனங் மோஹகிஞ்சனங் மானகிஞ்சனங் தி³ட்டி²கிஞ்சனங்
கிலேஸகிஞ்சனங் து³ச்சரிதகிஞ்சனங். யஸ்ஸேதானி [யஸ்ஸேதே (ஸ்யா.)]
கிஞ்சனானி [கிஞ்சனா (ஸ்யா.)] பஹீனானி ஸமுச்சி²ன்னானி லூபஸந்தானி
படிப்பஸ்ஸத்தா⁴னி அப⁴பு³பு³பத்திகானி ஞாணக்³கி³னா த³ட்டா⁴னி, ஸோ
வச்சதி அகிஞ்சனோ. காமாதி உத்தா³னதோ த்வே காமா - வத்து²காமா ச
கிலேஸகாமா ச...பே... இமே வச்சந்தி வத்து²காமா...பே... இமே வச்சந்தி
கிலேஸகாமா. ப⁴வாதி த்வே ப⁴வா - கம்மப⁴வோ ச படிஸந்தி⁴கோ ச
புனப்³ப⁴வோ...பே... அயங் படிஸந்தி⁴கோ புனப்³ப⁴வோ.

அகிஞ்சனங் காமப⁴வே அஸத்தந்தி அகிஞ்சனங் புக்³கலங் காமே ச
ப⁴வே ச அஸத்தங் அலக்³கங் அலக்³கி³தங் அபலிபுத்த⁴ங் நிக்²ந்தங்
நிஸ்ஸடங் விப்பமுத்தங் விஸஞ்ஞுத்தங் விமரியாதி³கதேன சேதஸா
விஹரந்தந்தி - அகிஞ்சனங் காமப⁴வே அஸத்தங். தேனாஹ ப⁴க³வா -

“நிராஸஸோ ஸோ ந ச ஆஸஸானோ, பஞ்ஞாணவா ஸோ ந ச
பஞ்ஞுகப்பீ;
ஏவம்பி தோதெ³ய்ய முனிங் விஜான, அகிஞ்சனங் காமப⁴வே
அஸத்தந்தி.

ஸஹ கா³தா²பரியோஸானா...பே... ஸத்தா² மே ப⁴ந்தே ப⁴க³வா,
ஸாவகோஹமஸ்மீதி.

தோதெ³ய்யமாணவபுச்சா²னித்³தே³ஸோ நவமோ.

10. கப்பமாணவபுச்சா²னித்³தே³ஸோ

ஓகே⁴ ஜாதே மஹப்³ப⁴யே;

ஜராமச்சுபரேதானங், தீ³பங் பப்³ருஹி மாரிஸ;

த்வஞ்ச மே தீ³பமக்கா²ஹி, யதா²யித³ங் நாபரங் ஸியா.

மஜ்ஜே² ஸரஸ்மிங் திட்ட²தந்தி ஸரோ வுச்சதி ஸங்ஸாரோ ஆக³மனங்
க³மனங் க³மனாக³மனங் காலங் க³தி ப⁴வாப⁴வோ சுதி ச உபபத்தி ச
நிப்³ப³த்தி ச பே⁴தோ³ ச ஜாதி ச ஜரா ச மரணஞ்ச. ஸங்ஸாரஸ்ஸ புரிமாபி
கோடி ந பஞ்ஞாயதி, பச்சி²மாபி கோடி ந பஞ்ஞாயதி; மஜ்ஜே²வ ஸங்ஸாரே
ஸத்தா டி²தா பதிட்டி²தா அல்லீனா உபக³தா அஜ்ஜோ²ஸிதா அதி⁴முத்தா.

கத²ங் ஸங்ஸாரஸ்ஸ புரிமா கோடி ந பஞ்ஞாயதி? எத்தகா ஜாதியோ
வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ
புரிமா கோடி ந பஞ்ஞாயதி. எத்தகானி ஜாதிஸதானி வட்டங் வத்தி, ததோ பரங்
ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந
பஞ்ஞாயதி. எத்தகானி ஜாதிஸஹஸ்ஸானி வட்டங் வத்தி, ததோ பரங் ந
வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி.
எத்தகானி ஜாதிஸதஸஹஸ்ஸானி வட்டங் வத்தி, ததோ பரங் ந வத்ததீதி
ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகா
ஜாதிகோடியோ வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி
ஸங்ஸாரஸ்ஸ புரிமா கோடி ந பஞ்ஞாயதி. எத்தகானி ஜாதிகோடிஸதானி
வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ
புரிமா கோடி ந பஞ்ஞாயதி. எத்தகானி ஜாதிகோடிஸஹஸ்ஸானி வட்டங்
வத்தி, ததோ பரங் ந வத்ததீதி, ஹேவங் நத்தி². ஏவம்பி ஸங்ஸாரஸ்ஸ புரிமா
கோடி ந பஞ்ஞாயதி. எத்தகானி ஜாதிகோடிஸதஸஹஸ்ஸானி வட்டங் வத்தி,
ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி
ந பஞ்ஞாயதி.

எத்தகானி வஸ்ஸானி வட்டங் வத்தி, ததோ பரங் ந வத்ததீதி ஹேவங்
நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகானி
வஸ்ஸஸதானி வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி
ஸங்ஸாரஸ்ஸ புரிமா கோடி ந பஞ்ஞாயதி. எத்தகானி வஸ்ஸஸஹஸ்ஸானி
வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ
புரிமா கோடி ந பஞ்ஞாயதி. எத்தகானி வஸ்ஸஸதஸஹஸ்ஸானி வட்டங்
வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா
கோடி ந பஞ்ஞாயதி. எத்தகா வஸ்ஸகோடியோ வட்டங் வத்தி, ததோ பரங் ந
வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி.
எத்தகானி வஸ்ஸகோடிஸதானி வட்டங் வத்தி, ததோ பரங் ந வத்ததீதி
ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகானி
வஸ்ஸகோடிஸஹஸ்ஸானி வட்டங் வத்தி, ததோ பரங் ந வத்ததீதி ஹேவங்

நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகானி வஸ்ஸகோடிஸதஸஹஸ்ஸானி வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி.

எத்தகானி கப்பானி வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகானி கப்பஸதானி வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகானி கப்பஸஹஸ்ஸானி வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகானி கப்பஸதஸஹஸ்ஸானி வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகா கப்பகோடியோ வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகானி கப்பகோடிஸதானி வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகானி கப்பகோடிஸஹஸ்ஸானி வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி. எத்தகானி கப்பகோடிஸதஸஹஸ்ஸானி வட்டங் வத்தி, ததோ பரங் ந வத்ததீதி ஹேவங் நத்தி², ஏவம்பி ஸங்ஸாரஸ்ஸ புரிமா கோடி ந பஞ்ஞாயதி.

வுத்தஞ்ஹேதங் ப்⁴க³வதா - “அனமதக்³கோ³யங், பி்⁴க்க²வே, ஸங்ஸாரோ, பு³பா³ கோடி ந பஞ்ஞாயதி அவிஜ்ஜானீவரணானங் ஸத்தானங் தண்ஹாஸங்யோஜனானங் ஸந்தா்⁴வதங் ஸங்ஸரதங். ஏவங் தீ³க்⁴ரத்தங் கோ², பி்⁴க்க²வே, து³க்க²ங் பச்சனுபு⁴தங் திப்³ப³ங் பச்சனுபு⁴தங் ப்யஸனங் பச்சனுபு⁴தங், கடஸீ வட்³டி⁴தா [கடஸீவவட்³டி⁴தங் (ஸ்யா.) பஸ்ஸ ஸங். நி. 2.124]. யாவஞ்சித³ங், பி்⁴க்க²வே, அலமேவ ஸப்³ப³ஸங்கா²ரேஸு நிப்³பி³ந்தி³துங் அலங் விரஜ்ஜிதுங் அலங் விமுச்சிது”ந்தி. ஏவம்பி ஸங்ஸாரஸ்ஸ புரிமா கோடி ந பஞ்ஞாயதி.

கத²ங் ஸங்ஸாரஸ்ஸ பச்சி²மா கோடி ந பஞ்ஞாயதி? எத்தகா ஜாதியோ வட்டங் வத்திஸ்ஸதி, ததோ பரங் ந வத்திஸ்ஸதீதி ஹேவங் நத்தி², ஏவம்பி ஸங்ஸாரஸ்ஸ பச்சி²மா கோடி ந பஞ்ஞாயதி. எத்தகானி ஜாதிஸதானி, எத்தகானி ஜாதிஸஹஸ்ஸானி, எத்தகானி ஜாதிஸதஸஹஸ்ஸானி, எத்தகா ஜாதிகோடியோ, எத்தகானி ஜாதிகோடிஸதானி, எத்தகானி ஜாதிகோடிஸஹஸ்ஸானி, எத்தகானி ஜாதிகோடிஸதஸஹஸ்ஸானி, எத்தகானி வஸ்ஸானி, எத்தகானி வஸ்ஸஸதானி, எத்தகானி வஸ்ஸஸஹஸ்ஸானி, எத்தகானி வஸ்ஸஸதஸஹஸ்ஸானி, எத்தகா வஸ்ஸகோடியோ, எத்தகானி வஸ்ஸகோடிஸதானி, எத்தகானி வஸ்ஸகோடிஸஹஸ்ஸானி, எத்தகானி வஸ்ஸகோடிஸதஸஹஸ்ஸானி, எத்தகானி கப்பானி, எத்தகானி கப்பஸதானி,

எத்தகானி கப்பஸஹஸ்ஸானி, எத்தகானி கப்பஸதஸஹஸ்ஸானி, எத்தகா கப்பகோடியோ, எத்தகானி கப்பகோடிஸதானி , எத்தகானி கப்பகோடிஸஹஸ்ஸானி, எத்தகானி கப்பகோடிஸதஸஹஸ்ஸானி வட்டங் வத்திஸ்ஸதி, ததோ பரங் ந வத்திஸ்ஸதீதி ஹேவங் நத்தி², ஏவம்பி ஸங்ஸாரஸ்ஸ பச்சி²மா கோடி ந பஞ்ஞாயதி. ஏவம்பி ஸங்ஸாரஸ்ஸ புரிமாபி கோடி ந பஞ்ஞாயதி, பச்சி²மாபி கோடி ந பஞ்ஞாயதி, மஜ்ஜே²வ ஸங்ஸாரே ஸத்தா டி²தா பதிட்டி²தா அல்லீனா உபக³தா அஜ்ஜோ²ஸிதா அதி²⁴முத்தாதி - மஜ்ஜே² ஸரஸ்மிங் திட்ட²தங். இச்சாயஸ்மா கப்போதி. இச்சாதி பத³ஸந்தி²⁴... பே.... ஆயஸ்மாதி பியவசனங்...பே.... கப்போதி தஸ்ஸ ப்³ராஹ்மணஸ்ஸ நாமங்...பே... அபி²⁴லாபோதி - இச்சாயஸ்மா கப்போ.

ஓகே² ஜாதே மஹப்³ப⁴யேதி காமோகே² ப⁴வோகே² தி³ட்டோ²கே² அவிஜ்ஜோகே² ஜாதே ஸஞ்ஜாதே நிப்³ப³த்தே அபி²⁴னிப்³ப³த்தே பாதுபு²⁴தே. மஹப்³ப⁴யேதி ஜாதிப⁴யே ஜராப⁴யே ப்யாதி²⁴ப⁴யே மரணப⁴யேதி - ஓகே² ஜாதே மஹப்³ப⁴யே.

ஜராமச்சுபரேதானந்தி ஜராய பு²ட்டா²னங் பரேதானங் ஸமோஹிதானங் ஸமன்னாக³தானங். மச்சுனா பு²ட்டா²னங் பரேதானங் ஸமோஹிதானங் ஸமன்னாக³தானங், ஜாதியா அனுக்³தானங் ஜராய அனுஸடானங் ப்யாதி²⁴னா அபி²⁴பு²⁴தானங் மரணேன அப்³பா⁴ஹதானங் அதாணானங் அலேணானங் அஸரணானங் அஸரணீபு²⁴தானந்தி - ஜராமச்சுபரேதானங்.

தீ³பங் பப்³ருஹி மாரிஸாதி தீ³பங் தாணங் லேணங் ஸரணங் க³திங் பராயனங் [க³திபராயனங் (ஸ்யா.) ஏவமுபரிபி] ப்³ருஹி ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி பகாஸேஹி. மாரிஸாதி பியவசனங் க³ருவசனங் ஸகா³ரவஸப்பதிஸ்ஸாதி²⁴வசனமேதங் மாரிஸாதி - தீ³பங் பப்³ருஹி மாரிஸ.

த்வஞ்ச மே தீ³பமக்கா²ஹீதி. த்வந்தி ப⁴க³வந்தங் ப⁴ணதி. தீ³பமக்கா²ஹீதி தீ³பங் தாணங் லேணங் ஸரணங் க³திங் பராயனங் அக்கா²ஹி ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி பகாஸேஹீதி - த்வஞ்ச மே தீ³பமக்கா²ஹி.

யதா²யித³ங் நாபரங் ஸியாதி யத²யித³ங் து³க்க²ங் இதே²⁴வ நிருஜ்ஜெ²ய்ய லுபஸமெய்ய அத்த²ங் க³ச்செ²ய்ய படிப்பஸ்ஸம்பெ²⁴ய்ய புனபடிஸந்தி²⁴கங் து³க்க²ங் ந நிப்³ப³த்தெய்ய, காமதா⁴துயா வா ரூபதா⁴துயா வா அரூபதா⁴துயா வா காமப⁴வே வா ரூபப⁴வே வா அரூபப⁴வே வா ஸஞ்ஞாப⁴வே வா அஸஞ்ஞாப⁴வே வா நேவஸஞ்ஞாநாஸஞ்ஞாப⁴வே வா ஏகவோகாரப⁴வே வா சதுவோகாரப⁴வே வா பஞ்சவோகாரப⁴வே வா புனக³தியா வா உபபத்தியா வா படிஸந்தி²⁴யா வா ப⁴வே வா ஸங்ஸாரே வா

வட்டே வா ந ஜனெய்ய ந ஸஞ்ஜனெய்ய ந நிப்³ப³த்தெய்ய
நாபி⁴னிப்³ப³த்தெய்ய. இதே⁴வ நிருஜ்ஜெ²ய்ய ஓபஸமெய்ய அத்த²ங்
க³ச்செ²ய்ய படிப்பஸ்ஸம்பெ⁴ய்யாதி - யதா²யித³ங் நாபரங் ஸியா. தேனாஹ
ஸோ ப்³ராஹ்மணோ -

“மஜ்ஜே² ஸரஸ்மிங் திட்ட²தங், [இச்சாயஸ்மா கப்போ]
ஓகே⁴ ஜாதே மஹப்³ப⁴யே;
ஜராமச்சபரேதானங், தீ³பங் பப்³ருஹி மாரிஸ;
த்வஞ்ச மே தீ³பமக்கா²ஹி, யதா²யித³ங் நாபரங் ஸியா”தி.

62. மஜ்ஜே² ஸரஸ்மிங் திட்ட²தங், [கப்பாதி ப⁴க³வா]
ஓகே⁴ ஜாதே மஹப்³ப⁴யே;
ஜராமச்சபரேதானங், தீ³பங் பப்³ருமி கப்ப தே.

மஜ்ஜே² ஸரஸ்மிங் திட்ட²தந்தி ஸரோ வுச்சதி ஸங்ஸாரோ ஆக³மனங்
க³மனங் க³மனாக³மனங் காலங் க³தி ப⁴வாப⁴வோ, சுதி ச உபபத்தி ச
நிப்³ப³த்தி ச பே⁴தோ³ ச ஜாதி ச ஜரா ச மரணஞ்ச. ஸங்ஸாரஸ்ஸ புரிமாபி
கோடி ந பஞ்ஞாயதி, பச்சி²மாபி கோடி ந பஞ்ஞாயதி. மஜ்ஜே²வ ஸங்ஸாரே
ஸத்தா டி²தா பதிட்டி²தா அல்லீனா உபக³தா அஜ்ஜோ²ஸிதா அதி⁴முத்தா.

கத²ங் ஸங்ஸாரஸ்ஸ புரிமா கோடி ந பஞ்ஞாயதி...பே... ஏவங்
ஸங்ஸாரஸ்ஸ புரிமா கோடி ந பஞ்ஞாயதி. கத²ங் ஸங்ஸாரஸ்ஸ பச்சி²மா
கோடி ந பஞ்ஞாயதி...பே... ஏவங் ஸங்ஸாரஸ்ஸ பச்சி²மா கோடி ந பஞ்ஞாயதி.
ஏவங் ஸங்ஸாரஸ்ஸ புரிமாபி கோடி ந பஞ்ஞாயதி, பச்சி²மாபி கோடி ந
பஞ்ஞாயதி. மஜ்ஜே²வ ஸங்ஸாரே ஸத்தா டி²தா பதிட்டி²தா அல்லீனா உபக³தா
அஜ்ஜோ²ஸிதா அதி⁴முத்தாதி - மஜ்ஜே² ஸரஸ்மிங் திட்ட²தங். கப்பாதி
ப⁴க³வாதி. கப்பாதி ப⁴க³வா தங் ப்³ராஹ்மணங் நாமேன ஆலபதி.
ப⁴க³வாதி கா³ரவாதி⁴வசனமேதங்...பே... ஸச்சி²கா பஞ்ஞுத்தி, யதி³த³ங்
ப⁴க³வாதி - கப்பாதி ப⁴க³வா.

ஓகே⁴ ஜாதே மஹப்³ப⁴யேதி காமோகே⁴ ப⁴வோகே⁴ தி³ட்டோ²கே⁴
அவிஜ்ஜோகே⁴ ஜாதே ஸஞ்ஜாதே நிப்³ப³த்தே அபி⁴னிப்³ப³த்தே பாதுபு⁴தே.
மஹப்³ப⁴யேதி ஜாதிப⁴யே ஜராப⁴யே ப்யாதி⁴ப⁴யே மரணப⁴யேதி -
ஓகே⁴ ஜாதே மஹப்³ப⁴யே.

ஜராமச்சபரேதானந்தி ஜராய பு²ட்டா²னங் பரேதானங் ஸமோஹிதானங்
ஸமன்னாக³தானங், மச்சுனா பு²ட்டா²னங் பரேதானங் ஸமோஹிதானங்
ஸமன்னாக³தானங் ஜாதியா அனுக்க³தானங் ஜராய அனுஸடானங் ப்யாதி⁴னா
அபி⁴பு⁴தானங் மரணேன அப்³பா⁴ஹதானங் அதாணானங் அலேணானங்
அஸரணானங் அஸரணீபு⁴தானந்தி - ஜராமச்சபரேதானங்.

தீபங் பப்ருமி கப்ப தேதி தீபங் தாணங் லேணங் ஸரணங் கதிங்
பராயனங் ப்ருமி ஆசிக்காமி தேஸேமி பஞ்ஞபேமி பட்டபேமி விவரமி
விபஜாமி உத்தானீகரோமி பகாஸேமீதி - தீபங் பப்ருமி கப்ப தே. தேனாஹ
பகவா -

“மஜ்ஜே² ஸரஸ்மிங் திட்ட²தங், [கப்பாதி பகவா]
ஓகே⁴ ஜாதே மஹப்பயே;
ஜராமச்சபரேதானங், தீபங் பப்ருமி கப்ப தே”தி.

63. அகிஞ்சனங் அனாதானங், ஏதங் தீபங் அனாபரங்;
நிப்பானங் இதி நங் ப்ருமி, ஜராமச்சபரிக்கயங்.

அகிஞ்சனங் அனாதானந்தி. கிஞ்சனந்தி - ராககிஞ்சனங் தோஸகிஞ்சனங்
மோஹகிஞ்சனங் மானகிஞ்சனங் தி³ட்டி²கிஞ்சனங் கிலேஸகிஞ்சனங்
துச்சரிதகிஞ்சனங்; கிஞ்சனப்பஹானங் கிஞ்சனவூபஸமங் [கிஞ்சனவூபஸமோ
(ஸ்யா.) ஏவமீதிஸேஸு டானேஸு] கிஞ்சனபடினிஸ்ஸக்³ங்
[கிஞ்சனபடினிஸ்ஸக்³கோ³ (ஸ்யா.)] கிஞ்சனபடிப்பஸ்ஸத்தி⁴ங் அமதங்
நிப்பானந்தி - அகிஞ்சனங். அனாதானந்தி ஆதானங் வச்சதி தண்ஹா. யோ
ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலங்.
ஆதானப்பஹானங் ஆதானவூபஸமங் ஆதானபடினிஸ்ஸக்³ங்
ஆதானபடிப்பஸ்ஸத்தி⁴ங் அமதங் நிப்பானந்தி - அகிஞ்சனங் அனாதானங்.

ஏதங் தீபங் அனாபரந்தி ஏதங் தீபங் தாணங் லேணங் ஸரணங் கதி
பராயனங். அனாபரந்தி தம்ஹா பரோ அஞ்ஞோ தீபோ நத்தி². அத² கோ² ஸோ
ஏவங் தீபோ அக்³கோ³ ச ஸெட்டோ² ச விஸெட்டோ² ச பாமொக்கோ² ச
உத்தமோ ச பவரோ சாதி - ஏதங் தீபங் அனாபரங்.

நிப்பானங் இதி நங் ப்ருமீதி வானங் வச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங். வானப்பஹானங்
வானவூபஸமங் வானபடினிஸ்ஸக்³ங் வானபடிப்பஸ்ஸத்தி⁴ங் அமதங்
நிப்பானங். இதீதி பதஸந்தி⁴ பதஸங்ஸக்³கோ³ பதபாரிபூரீ
அக்கரஸமவாயோ ப்யஞ்ஜனஸிலிட்ட²தா பதானுபுப்பதாபேதங் - இதீதி.
ப்ருமீதி ப்ருமி ஆசிக்காமி தேஸேமி பஞ்ஞபேமி பட்டபேமி விவரமி
விபஜாமி உத்தானீகரோமி பகாஸேமீதி - நிப்பானங் இதி நங் ப்ருமி.

ஜராமச்சபரிக்கயந்தி ஜராமரணஸ்ஸ பஹானங் வூபஸமங்
படினிஸ்ஸக்³ங் படிப்பஸ்ஸத்தி⁴ங் அமதங் நிப்பானந்தி -
ஜராமச்சபரிக்கயங். தேனாஹ பகவா -

“அகிஞ்சனங் அனாதானங், ஏதங் தீபங் அனாபரங்;

நிப்³பா³னங் இதி நங் ப்³ருமி, ஜராமச்சபரிக்க²ய³ந்தி.

64. ஏதத³ஞ்ஞாய யே ஸதா, தி³ட்ட²த⁴ம்மாபி⁴னிப்³பு³தா;
ந தே மாரவஸானுகா³, ந தே மாரஸ்ஸ பத்³த⁴கூ³ [பட்ட²கூ³ (ஸ்யா.
க.)] .

ஏதத³ஞ்ஞாய யே ஸதாதி. ஏதந்தி அமதங் நிப்³பா³னங். யோ ஸோ
ஸப்³பு³ஸங்கா²ரஸமதோ² ஸப்³பு³பதி⁴படினிஸ்ஸக்³கோ³ தண்ஹக்க²யோ
விராகோ³ நிரோதோ⁴ நிப்³பா³னங். அஞ்ஞாயாதி அஞ்ஞாய ஜானித்வா
துலயித்வா தீரயித்வா விபா⁴வயித்வா விபு⁴தங் கத்வா, “ஸப்³பே³ ஸங்கா²ரா
அனிச்சா”தி...பே... “யங் கிஞ்சி ஸமுத³யத⁴ம்மங், ஸப்³பு³ங் தங்
நிரோத⁴த⁴ம்ம”ந்தி அஞ்ஞாய ஜானித்வா துலயித்வா தீரயித்வா
விபா⁴வயித்வா விபு⁴தங் கத்வா. யேதி அரஹந்தோ கீணாஸவா. ஸதாதி
சதூஹி காரணேஹி ஸதா - காயே காயானுபஸ்ஸனாஸதிபட்டா²னங்
பா⁴வெந்தா [பா⁴விதத்தா (க.)] ஸதா...பே... தே வுச்சந்தி ஸதாதி - ஏதத³ஞ்ஞாய
யே ஸதா.

தி³ட்ட²த⁴ம்மாபி⁴னிப்³பு³தாதி. தி³ட்ட²த⁴ம்மாதி தி³ட்ட²த⁴ம்மா
ஞாதத⁴ம்மா துலிதத⁴ம்மா தீரிதத⁴ம்மா விபு⁴தத⁴ம்மா
விபா⁴விதத⁴ம்மா. அபி⁴னிப்³பு³தாதி ராக³ஸ்ஸ நிப்³பா³பிதத்தா நிப்³பு³தா,
தோ³ஸஸ்ஸ...பே... ஸப்³பா³குஸலாபி⁴ஸங்கா²ரானங் ஸந்தத்தா ஸமிதத்தா
ஔபஸமிதத்தா நிஜ்ஜா²தத்தா நிப்³பு³தத்தா படிப்பஸ்ஸத்³த⁴த்தா ஸந்தா
உபஸந்தா ஔபஸந்தா நிப்³பு³தா படிப்பஸ்ஸத்³தா⁴தி -
தி³ட்ட²த⁴ம்மாபி⁴னிப்³பு³தா.

ந தே மாரவஸானுகா³தி. மாரோதி யோ ஸோ மாரோ கண்ஹோ
அதி⁴பதி அந்தகூ³ நமுசி பமத்தப³ந்து⁴. ந தே மாரவஸானுகா³தி ந தே
மாரஸ்ஸ வஸே வத்தந்தி, நாபி மாரோ தேஸு வஸங் வத்தேதி . தே மாரஞ்ச
மாரபக்க²ஞ்ச மாரபாஸஞ்ச மாரப³ஸிஸஞ்ச [மாரப³ஸிஸஞ்ச (க.)] மாராமிஸஞ்ச
மாரவிஸயஞ்ச மாரனிவாஸஞ்ச மாரகோ³சரஞ்ச மாரப³ந்த⁴னஞ்ச
அபி⁴பு⁴ய்ய அபி⁴பு⁴வித்வா அஜ்ஜொ²த்த²ரித்வா பரியாதி³யித்வா மத்³தி³த்வா
சரந்தி விஹரந்தி இரியந்தி வத்தெந்தி பாலெந்தி யபெந்தி யாபெந்தீதி - ந தே
மாரவஸானுகா³.

ந தே மாரஸ்ஸ பத்³த⁴கூ³தி ந தே மாரஸ்ஸ பத்³தா⁴ பத்³த⁴சரா
[பட்ட² பட்ட²சரா (ஸ்யா. க.)] பரிசாரிகா ஸியா; பு³த்³த⁴ஸ்ஸ தே ப⁴க³வதோ
பத்³தா⁴ பத்³த⁴சரா பரிசாரிகா ஸியாதி - ந தே மாரஸ்ஸ பத்³த⁴கூ³.
தேனாஹ ப⁴க³வா -

“ஏதத்³ஞ்ஞாய யே ஸதா, தி³ட்ட²த⁴ம்மாபி⁴னிப்³பு³தா;
ந தே மாரவஸானுகா³, ந தே மாரஸ்ஸ பத்³த⁴கூ³”தி.

ஸஹ கா³தா²பரியோஸானா...பே... ஸத்தா² மே ப⁴ந்தே ப⁴க³வா,
ஸாவகோஹமஸ்மீதி.

கப்பமாணவபுச்சா²னித்³தே³ஸோ த³ஸமோ.

11. ஜதுகண்ணிமாணவபுச்சா²னித்³தே³ஸோ

65. ஸுத்வானஹங் வீர அகாமகாமிங், [இச்சாயஸ்மா ஜதுகண்ணி]
ஓகா⁴திக³ங் புட்டு²மகாமமாக³மங்;
ஸந்திபத³ங் ப்³ருஹி ஸஹஜனெத்த, யதா²தச்ச²ங் ப⁴க³வா ப்³ருஹி
மேதங்.

ஸுத்வானஹங் வீர அகாமகாமிந்தி ஸுத்வா ஸுணித்வா உக்³க³ஹெத்வா
உபதா⁴ரெத்வா உபலக்க²யித்வா. இதிபி ஸோ ப⁴க³வா அரஹங்...பே...
புத்³தோ⁴ ப⁴க³வாதி - ஸுத்வானஹங். வீராதி வீரோ ப⁴க³வா. வீரியவாதி
வீரோ, பஹுதி வீரோ, விஸவீதி வீரோ, அலமத்தோதி வீரோ, ஸுரோதி வீரோ,
விக்நந்தோ அபீ⁴ரு அச்ச²ம்பீ⁴ அனுத்ராஸீ அபலாயீ பஹீனப⁴யபே⁴ரவோ
விக³தலோமஹங்ஸோதி வீரோ.

விரதோ இத⁴ ஸப்³பாபகேஹி, நிரயது³க்க²ங் அதிச்ச வீரியவா

[விரியவா (ஸ்யா.) ஸு. நி. 536] ஸோ;

ஸோ வீரியவா பதா⁴னவா, வீரோ தாதி³ பவுச்சதே தத²த்தாதி.

ஸுத்வானஹங் வீர. அகாமகாமிந்தி. காமாதி உத்³தா³னதோ த்³வே காமா -
வத்து²காமா ச கிலேஸகாமா ச...பே... இமே வச்சந்தி வத்து²காமா...பே... இமே
வச்சந்தி கிலேஸகாமா. புத்³த⁴ஸ்ஸ ப⁴க³வதோ வத்து²காமா பரிஞ்ஞாதா,
கிலேஸகாமா பஹீனா. வத்து²காமானங் பரிஞ்ஞாதத்தா கிலேஸகாமானங்
பஹீனத்தா ப⁴க³வா ந காமே காமேதி, ந காமே பத்தே²தி, ந காமே பிஹேதி, ந
காமே அபி⁴ஜப்பதி. யே காமே காமெந்தி, காமே பத்தெ²ந்தி, காமே பிஹெந்தி,
காமே அபி⁴ஜப்பந்தி, தே காமகாமினோ ராக³ராகி³னோ ஸஞ்ஞாஸஞ்ஞினோ.
ப⁴க³வா ந காமே காமேதி, ந காமே பத்தே²தி, ந காமே பிஹேதி, ந காமே
அபி⁴ஜப்பதி. தஸ்மா புத்³தோ⁴ அகாமோ நிக்காமோ சத்தகாமோ வந்தகாமோ
முத்தகாமோ பஹீனகாமோ படினிஸ்ஸட்ட²காமோ வீதராகோ³ விக³தராகோ³
சத்தராகோ³ வந்தராகோ³ முத்தராகோ³ பஹீனராகோ³ படினிஸ்ஸட்ட²ராகோ³
நிச்சா²தோ நிப்³பு³தோ ஸீதிபூ⁴தோ ஸுக²ப்படிஸங்வேதீ³ ப்³ரஹ்மபூ⁴தேன
அத்தனா விஹரதீதி - ஸுத்வானஹங் வீர அகாமகாமிங்.

இச்சாயஸ்மா ஜதுகண்ணீதி. இச்சாதி பத³ஸந்தி⁴...பே...
பதா³னுபு³ப³தாபேதங் - இச்சாதி. ஆயஸ்மாதி பியவசனங்
ஸகா³ரவஸப்பதிஸ்ஸாதி⁴வசனமேதங் ஆயஸ்மாதி. ஜதுகண்ணீதி தஸ்ஸ
ப்³ராஹ்மணஸ்ஸ கொ³த்தங் ஸங்கா² ஸமஞ்ஞா பஞ்ஞத்தி வோஹாரோதி -
இச்சாயஸ்மா ஜதுகண்ணி.

ஓகா⁴திக³ங் புட்⁴மகாமமாக³மந்தி. ஓகா⁴திக³ந்தி ஓகா⁴திக³ங் ஓகா⁴ங்
அதிக்கந்தங் ஸமதிக்கந்தங் வீதிவத்தந்தி - ஓகா⁴திக³ங். புட்⁴ந்தி புட்⁴ங்
புச்சி²துங் யாசிதுங் அஜ்ஜே²ஸிதுங் பஸாதே³துங். அகாமமாக³மந்தி அகாமங்
புட்⁴ங் நிக்காமங் சத்தகாமங் வந்தகாமங் முத்தகாமங் பஹீனகாமங்
படினிஸ்ஸட்ட²காமங் வீதராக³ங் விக³தராக³ங் சத்தராக³ங் வந்தராக³ங்
முத்தராக³ங் பஹீனராக³ங் படினிஸ்ஸட்ட²ராக³ங் ஆக³ம்ஹா ஆக³தம்ஹா
உபாக³தம்ஹா ஸம்பத்தம்ஹா தயா ஸத்³தி⁴ங் ஸமாக³தம்ஹாதி -
ஓகா⁴திக³ங் புட்⁴மகாமமாக³மங்.

ஸந்திபத³ங் ப்³ருஹி ஸஹஜனெத்தாதி. ஸந்தீதி ஏகேன ஆகாரேன
ஸந்திபி ஸந்திபத³ம்பி [ஸந்திபத³ந்தி (க.)] தங்யேவ அமதங் நிப்³பா³னங். யோ
ஸோ ஸப்³ப³ஸங்கா²ரஸமதோ² ஸப்³பூ³பதி⁴படினிஸ்ஸக்³கோ³ தண்ஹக்க²யோ
விராகோ³ நிரோதோ⁴ நிப்³பா³னங் . வுத்தஞ்ஜேதங் ப⁴க³வதா - “ஸந்தமேதங்
பத³ங், பணீதமேதங் பத³ங், யதி³த³ங் ஸப்³ப³ஸங்கா²ரஸமதோ²
ஸப்³பூ³பதி⁴படினிஸ்ஸக்³கோ³ தண்ஹக்க²யோ விராகோ³ நிரோதோ⁴
நிப்³பா³ன³ந்தி. அதா²பரேனாகாரேன யே த⁴ம்மா ஸந்தாதி⁴க³மாய
ஸந்திபு³ஸனாய ஸந்திஸச்சி²கிரியாய ஸங்வத்தந்தி, ஸெய்யதி³த³ங் - சத்தாரோ
ஸதிபட்டா²னா சத்தாரோ ஸம்மப்பதா⁴னா சத்தாரோ இத்³தி⁴பாதா³
பஞ்சிந்த³ரியானி பஞ்ச ப³லானி ஸத்த பொ³ஜ்ஜ²ங்கா³ அரியோ அட்ட²ங்கிக³கோ
மக்³கோ³ - இமே வுச்சந்தி ஸந்திபதா³. ஸந்திபத³ங் தாணபத³ங் லேணபத³ங்
ஸரணபத³ங் அப⁴யபத³ங் அச்சதபத³ங் அமதபத³ங் நிப்³பா³னபத³ங் ப்³ருஹி
ஆசிக்கா²ஹி தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி
உத்தானீகரோஹி பகாஸேஹி. ஸஹஜனெத்தாதி நெத்தங் வுச்சதி
ஸப்³ப³ஞ்ஞதஞாணங். பு³த்³த⁴ஸ்ஸ ப⁴க³வதோ நெத்தஞ்ச ஜினபா⁴வோ ச
போ³தி⁴யா மூலே அபு³ப³ங் அசரிமங் ஏகஸ்மிங் க²ணே உப்பன்னோ, தஸ்மா
பு³த்³தோ⁴ ஸஹஜனெத்தோதி - ஸந்திபத³ங் ப்³ருஹி ஸஹஜனெத்த.

யதா²தச்ச²ங் ப⁴க³வா ப்³ருஹி மேதந்தி யதா²தச்ச²ங் வுச்சதி அமதங்
நிப்³பா³னங்...பே... நிரோதோ⁴ நிப்³பா³னங். ப⁴க³வாதி கா³ரவாதி⁴வசனங்...பே...
ஸச்சி²கா பஞ்ஞத்தி, யதி³த³ங் ப⁴க³வாதி. ப்³ருஹி மேதந்தி ப்³ருஹி
ஆசிக்கா²ஹி...பே... பகாஸேஹீதி - யதா²தச்ச²ங் ப⁴க³வா ப்³ருஹி மேதங்.
தேனாஹ ஸோ ப்³ராஹ்மணோ -

“ஸுத்வானஹங் வீர அகாமகாமிங், [இச்சாயஸ்மா ஜதுகண்ணி]
 ஓகா⁴திக³ங் புட்டு²மகாமமாக³மங்;
 ஸந்திபத³ங் ப்ருஹி ஸஹஜனெத்த, யதா²தச்ச²ங் ப⁴க³வா ப்ருஹி
 மேத”ந்தி.

66. ப⁴க³வா ஹி காமே அபி⁴பு⁴ய்ய இரியதி, ஆதி³ச்சோவ பத²விங்
 தேஜீ தேஜஸா;
 பரித்தபஞ்ஞஸ்ஸ மே பூ⁴ரிபஞ்ஞோ, ஆசிக்க² த⁴ம்மங் யமஹங்
 விஜஞ்ஞங்;
 ஜாதிஜராய இத⁴ விப்பஹானங்.

ப⁴க³வா ஹி காமே அபி⁴பு⁴ய்ய இரியதீதி. ப⁴க³வாதி
 கா³ரவாதி⁴வசனங்...பே... ஸச்சி²கா பஞ்ஞத்தி, யதி³த³ங் ப⁴க³வாதி. காமாதி
 உத்தா³னதோ த்வே காமா - வத்து²காமா ச கிலேஸகாமா ச...பே... இமே
 வச்சந்தி வத்து²காமா...பே... இமே வச்சந்தி கிலேஸகாமா. ப⁴க³வா வத்து²காமே
 பரிஜானித்வா கிலேஸகாமே பஹாய அபி⁴பு⁴ய்ய அபி⁴ப⁴வித்வா
 அஜ்ஜொ²த்த²ரித்வா பரியாதி³யித்வா சரதி விஹரதி இரியதி வத்தேதி பாலேதி
 யபேதி யாபேதீதி - ப⁴க³வா ஹி காமே அபி⁴பு⁴ய்ய இரியதி.

ஆதி³ச்சோவ பத²விங் தேஜீ தேஜஸாதி ஆதி³ச்சோ வச்சதி ஸூரியோ
 [ஸூரியோ (ஸ்யா.)]. பத²வீ வச்சதி ஜக³தீ [ஜரா (ஸ்யா.)]. யதா² ஸூரியோ தேஜீ
 தேஜேன ஸமன்னாக³தோ பத²விங் அபி⁴பு⁴ய்ய அபி⁴ப⁴வித்வா
 அஜ்ஜொ²த்த²ரித்வா பரியாதி³யித்வா ஸந்தாபயித்வா ஸப்³பங் ஆகாஸக³தங்
 தமக³தங் அபி⁴விஹச்ச அந்த⁴காரங் வித⁴மித்வா ஆலோகங் த்ஸ்ஸயித்வா
 ஆகாஸே அந்தலிக்கே² க³க³னபதே² [க³மனபதே² (ஸ்யா.) அட்ட²கதா²
 ஓலோகேதப்³பா³] க³ச்ச²தி, ஏவமேவ ப⁴க³வா ஞாணதேஜீ ஞாணதேஜேன
 ஸமன்னாக³தோ ஸப்³பங் அபி⁴ஸங்கா³ரஸமுத³யங்...பே... கிலேஸதமங்
 அவிஜ்ஜந்த⁴காரங் வித⁴மித்வா ஞாணாலோகங் த்ஸ்ஸெத்வா வத்து²காமே
 பரிஜானித்வா கிலேஸகாமே பஹாய அபி⁴பு⁴ய்ய அபி⁴ப⁴வித்வா
 அஜ்ஜொ²த்த²ரித்வா பரியாதி³யித்வா மத்³தி³த்வா சரதி விஹரதி இரியதி
 வத்தேதி பாலேதி யபேதி யாபேதீதி - ஆதி³ச்சோவ பத²விங் தேஜீ தேஜஸா.

பரித்தபஞ்ஞஸ்ஸ மே பூ⁴ரிபஞ்ஞோதி அஹமஸ்மி பரித்தபஞ்ஞோ
 ஓமகபஞ்ஞோ லாமகபஞ்ஞோ ச²துக்கபஞ்ஞோ. த்வம்பி மஹாபஞ்ஞோ
 புது²பஞ்ஞோ ஹாஸபஞ்ஞோ ஜவனபஞ்ஞோ திக்க²பஞ்ஞோ
 நிப்³பே³தி⁴கபஞ்ஞோ. பூ⁴ரி வச்சதி பத²வீ. ப⁴க³வா தாய பத²விஸமாய
 பஞ்ஞாய விபுலாய வித்த²தாய ஸமன்னாக³தோதி - பரித்தபஞ்ஞஸ்ஸ மே
 பூ⁴ரிபஞ்ஞோ.

ஆசிக்க² த⁴ம்மங் யமஹங் விஜஞ்ஞந்தி. த⁴ம்மந்தி ஆதி³கல்யாணங்
மஜ்ஜே²கல்யாணங் பரியோஸானகல்யாணங் ஸாத்த²ங் ஸப்³யஞ்ஞனங்
கேவலபரிபுண்ணங் பரிஸுத்³த⁴ங் ப்³ரஹ்மசரியங், சத்தாரோ ஸதிபட்டா²னே...
பே... நிப்³பா³னஞ்ச நிப்³பா³னகா³மினிஞ்ச படிபத³ங் ஆசிக்கா²ஹி தே³ஸேஹி
பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி
பகாஸேஹி. யமஹங் விஜஞ்ஞந்தி யமஹங் ஜானெய்யங் ஆஜானெய்யங்
விஜானெய்யங் படிஜானெய்யங் படிவிஜ்ஜே²ய்யங் அதி⁴க³ச்செ²ய்யங்
ப²ஸ்ஸெய்யங் ஸச்சிகரெய்யந்தி - ஆசிக்க² த⁴ம்மங் யமஹங் விஜஞ்ஞங்.

ஜாதிஜராய இத⁴ விப்பஹானந்தி இதே⁴வ ஜாதிஜராய மரணஸ்ஸ
பஹானங் ஓபஸமங் படினிஸ்ஸக்³க³ங் படிப்பஸ்ஸத்³தி⁴ங் அமதங்
நிப்³பா³னந்தி - ஜாதிஜராய இத⁴ விப்பஹானங். தேனாஹ ஸோ ப்³ராஹ்மணோ

“ப⁴க³வா ஹி காமே அபி⁴பு⁴ய்ய இரியதி, ஆதி³ச்சோவ பத²விங் தேஜீ
தேஜஸா;
பரித்தபஞ்ஞஸ்ஸ மே பூ⁴ரிபஞ்ஞோ, ஆசிக்க² த⁴ம்மங் யமஹங்
விஜஞ்ஞங்;
ஜாதிஜராய இத⁴ விப்பஹானந்தி.

67. காமேஸு வினய கே³த⁴ங், [ஜதுகண்ணீதி ப⁴க³வா]
நெக்க²ம்மங் த³ட்டு² கே²மதோ;
உக்³க³ஹிதங் நிரத்தங் வா, மா தே விஜ்ஜித்த² கிஞ்சனங்.

காமேஸு வினய கே³த⁴ந்தி. காமாதி உத்த³தா³னதோ த³வே காமா -
வத்து²காமா ச கிலேஸகாமா ச...பே... இமே வச்சந்தி வத்து²காமா...பே... இமே
வச்சந்தி கிலேஸகாமா. கே³த⁴ந்தி கே³தோ⁴ வச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங். காமேஸு வினய
கே³த⁴ந்தி காமேஸு கே³த⁴ங் வினய படிவினய பஜஹ வினோதே³ஹி
ப்³யந்தீகரோஹி அனபா⁴வங் க³மேஹீதி - காமேஸு வினய கே³த⁴ங்.
ஜதுகண்ணீதி ப⁴க³வா தங் ப்³ராஹ்மணங் கொ³த்தேன ஆலபதி. ப⁴க³வாதி
கா³ரவாதி⁴வசனமேதங்...பே... ஸச்சிகா பஞ்ஞத்தி, யதி³த³ங் ப⁴க³வாதி -
ஜதுகண்ணீதி ப⁴க³வா.

நெக்க²ம்மங் த³ட்டு² கே²மதோதி. நெக்க²ம்மந்தி ஸம்மாபடிபத³ங்
அனுலோமபடிபத³ங் அபச்சனீகபடிபத³ங் அன்வத்த²படிபத³ங்
த⁴ம்மானுத⁴ம்மபடிபத³ங் ஸீலேஸு பரிபூரகாரிதங் இந்த³ரியேஸு
குத்தத்³வாரதங் போ⁴ஜனே மத்தஞ்ஞதங் ஜாக³ரியானுயோக³ங்
ஸதிஸம்பஜஞ்ஞங் சத்தாரோ ஸதிபட்டா²னே சத்தாரோ ஸம்மப்பதா⁴னே

சத்தாரோ இத்³தி⁴பாதே³ பஞ்சிந்த்³ரியானி பஞ்ச ப்லானி ஸத்த பொ³ஜ்ஜ²ங்கே³
அரியங் அட்ட²ங்கிகங் மக்³கங் நிப்³பா³னஞ்ச நிப்³பா³னகா³மினிஞ்ச படிபத³ங்
கே²மதோ தாணதோ லேணதோ ஸரணதோ ஸரணீபு⁴ததோ அப⁴யதோ
அச்சததோ அமததோ நிப்³பா³னதோ த³ட்டு²ங் பஸ்ஸித்வா துலயித்வா
தீரயித்வா விபா⁴வயித்வா விபு⁴தங் கத்வாதி - நெக்க²ம்மங் த³ட்டு² கே²மதோ.

உக்³க³ஹிதங் நிரத்தங் வாதி. உக்³க³ஹிதந்தி தண்ஹாவஸேன
தி³ட்டி²வஸேன க³ஹிதங் பராமட்ட²ங் அபி⁴னிவிட்ட²ங் அஜ்ஜோ²ஸிதங்
அதி⁴முத்தங். நிரத்தங் வாதி நிரத்தங் வா முஞ்சிதப்³பங் விஜஹிதப்³பங்
வினோதி³தப்³பங் ப்யந்தீகாதப்³பங் அனபா⁴வங் க³மேதப்³பந்தி - உக்³க³ஹிதங்
நிரத்தங் வா.

மா தே விஜ்ஜித்த² கிஞ்சனந்தி ராக³கிஞ்சனங் தோ³ஸகிஞ்சனங்
மோஹகிஞ்சனங் மானகிஞ்சனங் தி³ட்டி²கிஞ்சனங் கிலேஸகிஞ்சனங்
து³ச்சரிதகிஞ்சனங். இத்³ங் கிஞ்சனங் [இமே கிஞ்சனா (க.)] துய்ஹங் மா
விஜ்ஜித்த² மா பவிஜ்ஜித்த² மா ஸங்விஜ்ஜித்த² பஜஹ வினோதே³ஹி
ப்யந்தீகரோஹி அனபா⁴வங் க³மேஹீதி - மா தே விஜ்ஜித்த² கிஞ்சனங்.
தேனாஹ ப⁴க³வா -

“காமேஸு வினய கே³த⁴ங், [ஜதுகண்ணீதி ப⁴க³வா]
நெக்க²ம்மங் த³ட்டு² கே²மதோ;
உக்³க³ஹிதங் நிரத்தங் வா, மா தே விஜ்ஜித்த² கிஞ்சன³ந்தி.

68. யங் புப்³பே³ தங் விஸோஸேஹி, பச்சா² தே மாஹு கிஞ்சனங்;
மஜ்ஜே² சே நோ க³ஹெஸ்ஸஸி, உபஸந்தோ சரிஸ்ஸஸி.

யங் புப்³பே³ தங் விஸோஸேஹீதி அதீதே ஸங்கா²ரே ஆரப்³ப⁴ யே
கிலேஸா உப்பஜ்ஜெய்யுங் தே கிலேஸே ஸோஸேஹி விஸோஸேஹி
ஸுக்கா²பேஹி விஸுக்கா²பேஹி அபீ³ஜங் கரோஹி பஜஹ வினோதே³ஹி
ப்யந்தீகரோஹி அனபா⁴வங் க³மேஹீதி - ஏவம்பி யங் புப்³பே³ தங்
விஸோஸேஹி. அத² வா, யே அதீதா கம்மாபி⁴ஸங்கா²ரா அவிபக்கவிபாகா
தே கம்மாபி⁴ஸங்கா²ரே ஸோஸேஹி விஸோஸேஹி ஸுக்கா²பேஹி
விஸுக்கா²பேஹி அபீ³ஜங் [அவீஜங் (ஸ்யா.)] கரோஹி பஜஹ வினோதே³ஹி
ப்யந்தீகரோஹி அனபா⁴வங் க³மேஹீதி - ஏவம்பி யங் புப்³பே³ தங்
விஸோஸேஹி.

பச்சா² தே மாஹு கிஞ்சனந்தி பச்சா² வுச்சதி அனாக³தே ஸங்கா²ரே
ஆரப்³ப⁴ ராக³கிஞ்சனங் தோ³ஸகிஞ்சனங் மோஹகிஞ்சனங் மானகிஞ்சனங்
தி³ட்டி²கிஞ்சனங் கிலேஸகிஞ்சனங் து³ச்சரிதகிஞ்சனங். இத்³ங் கிஞ்சனங்
துய்ஹங் மா அஹு மா அஹோஸி மா ஜனேஸி [மா ஜனேஹி (ஸ்யா.)]

ததா²வஸேஸேஸு த்³வீஸு பதே³ஸுபி¹ மா ஸஞ்ஜனேஸி
மாபி⁴னிப்³புத்தேஸி பஜஹ வினோதே³ஹி ப்³யந்தீகரோஹி அனபா⁴வங்
க³மேஹீதி - பச்சா² தே மாஹு கிஞ்சனங்.

மஜ்ஜே² சே நோ க³ஹெஸ்ஸஸீதி மஜ்ஜே² வுச்சதி பச்சப்பன்னங் ரூபங்
வேத³னா ஸஞ்ஞா ஸங்கா²ரா விஞ்ஞாணங். பச்சப்பன்னே ஸங்கா²ரே
தண்ஹாவஸேன தி³ட்டி²வஸேன ந க³ஹெஸ்ஸஸி ந தண்ஹிஸ்ஸஸி ந
பராமஸிஸ்ஸஸி ந நந்தி³ஸ்ஸஸி நாபி⁴னந்தி³ஸ்ஸஸி ந
அஜ்ஜோ²ஸிஸ்ஸஸி. அபி⁴னந்த³னங் அபி⁴வத³னங் அஜ்ஜோ²ஸானங்
கா³ஹங் பராமாஸங் அபி⁴னிவேஸங் பஜஹிஸ்ஸஸி வினோதே³ஸ்ஸஸி
ப்³யந்தீகரிஸ்ஸஸி அனபா⁴வங் க³மேஸ்ஸஸீதி - மஜ்ஜே² சே நோ
க³ஹெஸ்ஸஸி.

உபஸந்தோ சரிஸ்ஸஸீதி ராக³ஸ்ஸ உபஸமிதத்தா உபஸந்தோ
சரிஸ்ஸஸி, தோ³ஸஸ்ஸ...பே... ஸப்³பா³குஸலாபி⁴ஸங்கா²ரானங் ஸந்தத்தா
ஸமிதத்தா உபஸமிதத்தா லுபஸமிதத்தா நிஜ்ஜா²தத்தா நிப்³புத்தா விக³தத்தா
படிப்பஸ்ஸத்³த⁴த்தா ஸந்தோ உபஸந்தோ லுபஸந்தோ நிப்³புதோ
படிப்பஸ்ஸத்³தோ⁴ சரிஸ்ஸஸி விஹரிஸ்ஸஸி இரியிஸ்ஸஸி
வத்திஸ்ஸஸி பாலெஸ்ஸஸி யபெஸ்ஸஸி யாபெஸ்ஸஸீதி - உபஸந்தோ
சரிஸ்ஸஸி. தேனாஹ ப⁴க³வா -

“யங் புப்³பே³ தங் விஸோஸேஹி, பச்சா² தே மாஹு கிஞ்சனங்;
மஜ்ஜே² சே நோ க³ஹெஸ்ஸஸி, உபஸந்தோ சரிஸ்ஸஸீ”தி.

69. ஸப்³புஸோ நாமரூபஸ்மிங், வீதகே³த⁴ஸ்ஸ ப்³ராஹ்மண;
ஆஸவாஸ்ஸ ந விஜ்ஜந்தி, யேஹி மச்சவஸங் வஜே.

ஸப்³புஸோ நாமரூபஸ்மிங் வீதகே³த⁴ஸ்ஸ ப்³ராஹ்மணாதி.
ஸப்³புஸோதி ஸப்³பே³ன ஸப்³புங் ஸப்³புதா² ஸப்³புங் அஸேஸங்
நிஸ்ஸேஸங் பரியாதி³யனவசனமேதங் ஸப்³புஸோதி. நாமந்தி சத்தாரோ
அருபினோ க²ந்தா⁴. ரூபந்தி சத்தாரோ ச மஹாபூ⁴தா சதுன்னஞ்ச
மஹாபூ⁴தானங் உபாதா³ய ரூபங். கே³தோ⁴ வுச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங். ஸப்³புஸோ
நாமரூபஸ்மிங் வீதகே³த⁴ஸ்ஸ ப்³ராஹ்மணாதி ஸப்³புஸோ நாமரூபஸ்மிங்
வீதகே³த⁴ஸ்ஸ விக³தகே³த⁴ஸ்ஸ சத்தகே³த⁴ஸ்ஸ வந்தகே³த⁴ஸ்ஸ
முத்தகே³த⁴ஸ்ஸ பஹீனகே³த⁴ஸ்ஸ படினிஸ்ஸட்ட²கே³த⁴ஸ்ஸ
வீதராக³ஸ்ஸ விக³தராக³ஸ்ஸ சத்தராக³ஸ்ஸ வந்தராக³ஸ்ஸ முத்தராக³ஸ்ஸ
பஹீனராக³ஸ்ஸ படினிஸ்ஸட்ட²ராக³ஸ்ஸாதி - ஸப்³புஸோ நாமரூபஸ்மிங்
வீதகே³த⁴ஸ்ஸ ப்³ராஹ்மண.

ஆஸவாஸ்ஸ ந விஜ்ஜந்தீதி. ஆஸவாதி சத்தாரோ ஆஸவா -
காமாஸவோ, ப⁴வாஸவோ, தி³ட்டா²ஸவோ, அவிஜ்ஜாஸவோ. அஸ்ஸாதி
அரஹதோ கீ²ணாஸவஸ்ஸ. ந விஜ்ஜந்தீதி இமே ஆஸவா தஸ்ஸ நத்தி² ந
ஸந்தி ந ஸங்விஜ்ஜந்தி நுபலப்³ப⁴ந்தி பஹீனா ஸமுச்சி²ன்னா லுபஸந்தா
படிப்பஸ்ஸத்தா⁴ அப⁴ப்³புப்பத்திகா ஞாணக்³கி³னா த³ட்டா⁴தி -
ஆஸவாஸ்ஸ ந விஜ்ஜந்தி.

யேஹி மச்சவஸங் வஜேதி யேஹி ஆஸவேஹி மச்சனோ வா வஸங்
கச்செ²ய்ய, மரணஸ்ஸ வா வஸங் கச்செ²ய்ய, மாரபக்க²ஸ்ஸ வா வஸங்
கச்செ²ய்ய; தே ஆஸவா தஸ்ஸ நத்தி² ந ஸந்தி ந ஸங்விஜ்ஜந்தி
நுபலப்³ப⁴ந்தி பஹீனா ஸமுச்சி²ன்னா லுபஸந்தா படிப்பஸ்ஸத்தா⁴
அப⁴ப்³புப்பத்திகா ஞாணக்³கி³னா த³ட்டா⁴தி - யேஹி மச்சவஸங் வஜே.
தேனாஹ ப⁴க³வா -

“ஸப்³புஸோ நாமருபஸ்மிங், வீதகே³த⁴ஸ்ஸ ப்³ராஹ்மண;
ஆஸவாஸ்ஸ ந விஜ்ஜந்தி, யேஹி மச்சவஸங் வஜே”தி.

ஸஹ கா³தா²பரியோஸானா...பே... ஸத்தா² மே ப⁴ந்தே ப⁴க³வா,
ஸாவகோஹமஸ்மீதி.

ஜதுகண்ணிமாணவபுச்சா²னித்³தே³ஸோ ஏகாத³ஸமோ.

12. ப⁴த்³ராவுத⁴மாணவபுச்சா²னித்³தே³ஸோ

70. ஓகஞ்ஜஹங் தண்ஹச்சி²த³ங் அனேஜங், [இச்சாயஸ்மா
ப⁴த்³ராவுதோ⁴]
நந்தி³ஞ்ஜஹங் ஓக⁴திண்ணங் விமுத்தங்;
கப்பஞ்ஜஹங் அபி⁴யாசே ஸுமேத⁴ங், ஸுத்வான நாக³ஸ்ஸ
அபனமிஸ்ஸந்தி [அபக³மிஸ்ஸந்தி (க.)] இதோ.

ஓகஞ்ஜஹங் தண்ஹச்சி²த³ங் அனேஜந்தி. ஓகஞ்ஜஹந்தி ரூபதா⁴துயா
யோ ச²ந்தோ³ யோ ராகோ³ யா நந்தீ³ யா தண்ஹா யே உபாயுபாதா³னா
[உபாயுபாதா³னா (க.)] சேதஸோ அதி⁴ட்டா²னாபி⁴னிவேஸானுஸயா, தே
புத்³த⁴ஸ்ஸ ப⁴க³வதோ பஹீனா உச்சி²ன்னமூலா தாலாவத்து²கதா
அனபா⁴வங்கதா ஆயதிங் அனுப்பாத³த⁴ம்மா. தஸ்மா புத்³தோ⁴
ஓகஞ்ஜஹோ. வேத³னாதா⁴துயா...பே... ஸஞ்ஞாதா⁴துயா... ஸங்கா²ரதா⁴துயா...
விஞ்ஞாணதா⁴துயா யோ ச²ந்தோ³ யோ ராகோ³ யா நந்தீ³ யா தண்ஹா யே
உபாயுபாதா³னா சேதஸோ அதி⁴ட்டா²னாபி⁴னிவேஸானுஸயா, தே
புத்³த⁴ஸ்ஸ ப⁴க³வதோ பஹீனா உச்சி²ன்னமூலா தாலாவத்து²கதா

அனபா⁴வங்கதா ஆயதிங் அனுப்பாத³த⁴ம்மா. தஸ்மா பு³த்³தோ⁴
ஓகஞ்ஜஹோ.

தண்ஹச்சி²த³ந்தி. தண்ஹாதி ரூபதண்ஹா...பே... த⁴ம்மதண்ஹா. ஸா
தண்ஹா பு³த்³த⁴ஸ்ஸ ப⁴க³வதோ சி²ன்னா உச்சி²ன்னா ஸமுச்சி²ன்னா
வூபஸந்தா படிப்பஸ்ஸத்தா⁴ அப⁴ப்³பு³ப்பத்திகா ஞாணக்³கி³னா த³ட்³டா⁴.
தஸ்மா பு³த்³தோ⁴ தண்ஹச்சி²தோ³. அனேஜோதி ஏஜா வச்சதி தண்ஹா. யோ
ராகோ³ ஸாராகோ³ ...பே... அபி⁴ஜ்ஜா² லோபோ⁴ அகுஸலமூலங். ஸா ஏஜா
தண்ஹா பு³த்³த⁴ஸ்ஸ ப⁴க³வதோ பஹீனா உச்சி²ன்னமூலா தாலாவத்து²கதா
அனபா⁴வங்கதா ஆயதிங் அனுப்பாத³த⁴ம்மா. தஸ்மா பு³த்³தோ⁴ அனேஜோ.
ஏஜாய பஹீனத்தா அனேஜோ ப⁴க³வா லாபோ⁴பி ந இஞ்ஜதி, அலாபோ⁴பி ந
இஞ்ஜதி, யஸேபி ந இஞ்ஜதி, அயஸேபி ந இஞ்ஜதி, பஸங்ஸாயபி ந இஞ்ஜதி,
நிந்தா³யபி ந இஞ்ஜதி, ஸுகே²பி ந இஞ்ஜதி, து³க்கே²பி ந இஞ்ஜதி ந சலதி ந
வேத⁴தி ந பவேத⁴தி ந ஸம்பவேத⁴தீதி. தஸ்மா பு³த்³தோ⁴ அனேஜோதி -
ஓகஞ்ஜஹங் தண்ஹச்சி²த³ங் அனேஜங். இச்சாயஸ்மா ப⁴த்³ராவுதோ⁴தி.
இச்சாதி பத³ஸந்தி⁴...பே... ஆயஸ்மாதி, பியவசனங்...பே... ப⁴த்³ராவுதோ⁴தி
தஸ்ஸ ப்³ராஹ்மணஸ்ஸ நாமங்...பே... அபி⁴லாபோதி - இச்சாயஸ்மா
ப⁴த்³ராவுதோ⁴.

நந்தி³ஞ்ஜஹங் ஓக⁴திண்ணங் விமுத்தந்தி நந்தி³ வச்சதி தண்ஹா. யோ
ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலங். ஸா நந்தி³
ஸா தண்ஹா பு³த்³த⁴ஸ்ஸ ப⁴க³வதோ பஹீனா உச்சி²ன்னமூலா
தாலாவத்து²கதா அனபா⁴வங்கதா ஆயதிங் அனுப்பாத³த⁴ம்மா. தஸ்மா
பு³த்³தோ⁴ நந்தி³ஞ்ஜஹோ. ஓக⁴திண்ணந்தி ப⁴க³வா காமோக⁴ங் திண்ணோ
ப⁴வோக⁴ங் திண்ணோ தி³ட்டோ²க⁴ங் திண்ணோ அவிஜ்ஜோக⁴ங் திண்ணோ
ஸப்³பு³ஸங்ஸாரபத²ங் திண்ணோ உத்திண்ணோ நித்தி²ண்ணோ அதிக்கந்தோ
ஸமதிக்கந்தோ வீதிவத்தோ. ஸோ வுத்த²வாஸோ சிண்ணசரணோ...பே...
ஜாதிமரணஸங்ஸாரோ நத்தி² தஸ்ஸ புனப்³ப⁴வோதி - நந்தி³ஞ்ஜஹங்
ஓக⁴திண்ணங். விமுத்தந்தி ப⁴க³வதோ ராகா³ சித்தங் முத்தங் விமுத்தங்
ஸுவிமுத்தங், தோ³ஸா சித்தங்... மோஹா சித்தங்...பே...
ஸப்³பா³குஸலாபி⁴ஸங்கா²ரேஹி சித்தங் முத்தங் விமுத்தங் ஸுவிமுத்தந்தி -
நந்தி³ஞ்ஜஹங் ஓக⁴திண்ணங் விமுத்தங்.

கப்பஞ்ஜஹங் அபி⁴யாசே ஸுமேத⁴ந்தி. கப்பாதி த்³வே கப்பா -
தண்ஹாகப்போ ச தி³ட்டி²கப்போ ச...பே... அயங் தண்ஹாகப்போ...பே... அயங்
தி³ட்டி²கப்போ. பு³த்³த⁴ஸ்ஸ ப⁴க³வதோ தண்ஹாகப்போ பஹீனோ
தி³ட்டி²கப்போ படினிஸ்ஸட்டோ². தண்ஹாகப்பஸ்ஸ பஹீனத்தா
தி³ட்டி²கப்பஸ்ஸ படினிஸ்ஸட்ட²த்தா தஸ்மா பு³த்³தோ⁴ கப்பஞ்ஜஹோ .
அபி⁴யாசேதி யாசாமி அபி⁴யாசாமி அஜ்ஜே²ஸாமி ஸாதி³யாமி பத்த²யாமி

பிறையாமி ஜப்பாமி அபி⁴ஜப்பாமி. ஸுமேதா⁴ வச்சதி பஞ்ஞா. யா பஞ்ஞா பஜானநா...பே... அமோஹோ த⁴ம்மவிசயோ ஸம்மாதி³ட்டி². ப⁴க³வா இமாய மேதா⁴ய பஞ்ஞாய உபேதோ ஸமுபேதோ உபாக³தோ ஸமுபாக³தோ உபபன்னோ ஸமுபபன்னோ ஸமன்னாக³தோ. தஸ்மா பு³த³தோ⁴ ஸுமேதோ⁴தி - கப்பஞ்ஜஹங் அபி⁴யாசே ஸுமேத⁴ங்.

ஸுத்வான நாக³ஸ்ஸ அபனமிஸ்ஸந்தி இதோதி. நாக³ஸ்ஸாதி நாகோ³. ப⁴க³வா ஆகுங் ந கரோதீதி நாகோ³, ந க³ச்ச²தீதி நாகோ³, ந ஆக³ச்ச²தீதி நாகோ³...பே... ஏவங் ப⁴க³வா ந க³ச்ச²தீதி நாகோ³. ஸுத்வான நாக³ஸ்ஸ அபனமிஸ்ஸந்தி இதோதி துய்ஹங் வசனங் ப்³யப்பத²ங் தே³ஸனங் அனுஸாஸனங் அனுஸிட்ட²ங் ஸுத்வா ஸுணித்வா உக்³க³ஹெத்வா உபதா⁴ரயித்வா உபலக்க²யித்வா இதோ அபனமிஸ்ஸந்தி வஜிஸ்ஸந்தி பக்கமிஸ்ஸந்தி தி³ஸாவிதி³ஸங் க³மிஸ்ஸந்தீதி - ஸுத்வான நாக³ஸ்ஸ அபனமிஸ்ஸந்தி இதோ. தேனாஹ ஸோ ப்³ராஹ்மணோ -

“ஓகஞ்ஜஹங் தண்ஹச்சி²த³ங் அனேஜங், [இச்சாயஸ்மா ப⁴த³ராவுதோ⁴]
நந்தி³ஞ்ஜஹங் ஓக⁴திண்ணங் விமுத்தங்;
கப்பஞ்ஜஹங் அபி⁴யாசே ஸுமேத⁴ங், ஸுத்வான நாக³ஸ்ஸ அபனமிஸ்ஸந்தி இதோ”தி.

71. நானாஜனா ஜனபதே³ஹி ஸங்க³தா, தவ வீர வாக்யங் அபி⁴கங்க²மானா;
தேஸங் துவங் ஸாது⁴ வியாகரோஹி, ததா² ஹி தே விதி³தோ ஏஸ த⁴ம்மோ.

நானாஜனா ஜனபதே³ஹி ஸங்க³தாதி. நானாஜனாதி க²த்தியா ச ப்³ராஹ்மணா ச வெஸ்ஸா ச ஸுத்³தா³ ச க³ஹட்டா² ச பப்³பஜிதா ச தே³வா ச மனுஸ்ஸா ச. ஜனபதே³ஹி ஸங்க³தாதி அங்கா³ ச மக³தா⁴ ச கலிங்கா³ ச காஸியா ச கோஸலா ச வஜ்ஜியா ச மல்லா ச சேதியம்ஹா ச [சேதியம்ஹா ச ஸாக³ரம்ஹா ச (ஸ்யா.)] வங்ஸா ச குரும்ஹா ச பஞ்சாலா ச மச்சா² ச ஸுரஸேனா ச அஸ்ஸகா ச அவந்தியா ச யோனா [யோனகா (க.) மஹானி. 55] ச கம்போ³ஜா ச. ஸங்க³தாதி ஸங்க³தா ஸமாக³தா ஸமோஹிதா ஸன்னிபதிதாதி - நானாஜனா ஜனபதே³ஹி ஸங்க³தா.

தவ வீர வாக்யங் அபி⁴கங்க²மானாதி. வீராதி வீரோ. ப⁴க³வா வீரியவாதி வீரோ, பஹுதி வீரோ, விஸவீதி வீரோ, அலமத்தோதி வீரோ, விக³தலோமஹங்ஸோதிபி வீரோ.

விரதோ இத⁴ ஸப்³பாபகேஹி, நிரயது³க்க²ங் அதிச்ச வீரியவா ஸோ;
ஸோ வீரியவா பதா⁴னவா, வீரோ தாதி³ பவுச்சதே தத²த்தாதி.

தவ வீர வாக்யங் அபி⁴கங்க²மானாதி துய்ஹங் வசனங் ப்யப்பத²ங்
தே³ஸனங் அனுஸாஸனங் அனுஸிட்ட²ங். அபி⁴கங்க²மானாதி
அபி⁴கங்க²மானா இச்ச²மானா ஸாதி³யமானா பத்த²யமானா பிஹயமானா
அபி⁴ஜப்பமானாதி - தவ வீர வாக்யங் அபி⁴கங்க²மானா.

தேஸங் துவங் ஸாது⁴ வியாகரோஹீதி. தேஸந்தி தேஸங் க²த்தியானங்
ப்ராஹ்மணானங் வெஸ்ஸானங் ஸுத்³தா³னங் க³ஹட்டா²னங் பப்³பஜிதானங்
தே³வானங் மனுஸ்ஸானங். துவந்தி ப⁴க³வந்தங் ப⁴ணதி. ஸாது⁴
வியாகரோஹீதி ஸாது⁴ ஆசிக்கா²ஹி தே³ஸேஹி பஞ்ஞபேஹி பட்ட²பேஹி
விவராஹி விப⁴ஜாஹி உத்தானீகரோஹி பகாஸேஹீதி - தேஸங் துவங்
ஸாது⁴ வியாகரோஹி.

ததா² ஹி தே விதி³தோ ஏஸ த⁴ம்மோதி ததா² ஹி தே விதி³தோ
துலிதோ தீரிதோ விபு⁴தோ விபா⁴விதோ ஏஸ த⁴ம்மோதி - ததா² ஹி தே
விதி³தோ ஏஸ த⁴ம்மோ. தேனாஹ ஸோ ப்ராஹ்மணோ -

“நானாஜனா ஜனபதே³ஹி ஸங்க³தா, தவ வீர வாக்யங்
அபி⁴கங்க²மானா;

தேஸங் துவங் ஸாது⁴ வியாகரோஹி, ததா² ஹி தே விதி³தோ ஏஸ
த⁴ம்மோ”தி.

72. ஆதா³னதண்ஹங் வினயேத² ஸப்³பங், [ப⁴த்³ராவுதா⁴தி ப⁴க³வா]
உத்³த⁴ங் அதோ⁴ திரியஞ்சாபி மஜ்ஜே²;
யங் யஞ்ஹி லோகஸ்மிமுபாதி³யந்தி, தேனேவ மாரோ அன்வேதி
ஜந்துங்.

ஆதா³னதண்ஹங் வினயேத² ஸப்³பந்தி ஆதா³னதண்ஹங் வுச்சதி
ரூபதண்ஹா...பே... ஆதா³னதண்ஹாதி கிங்காரணா வுச்சதி ஆதா³னதண்ஹா?
தாய தண்ஹாய ரூபங் ஆதி³யந்தி உபாதி³யந்தி க³ண்ஹந்தி பராமஸந்தி
அபி⁴னிவிஸந்தி. வேத³னங்...பே... ஸஞ்ஞங்... ஸங்கா²ரே... விஞ்ஞாணங்...
க³திங்... உபபத்திங்... படிஸந்தி⁴ங்... ப⁴வங்... ஸங்ஸாரங்... வட்டங் ஆதி³யந்தி
உபாதி³யந்தி க³ண்ஹந்தி பராமஸந்தி அபி⁴னிவிஸந்தி. தங்காரணா வுச்சதி
ஆதா³னதண்ஹா. ஆதா³னதண்ஹங் வினயேத² ஸப்³பந்தி ஸப்³பங்
ஆதா³னதண்ஹங் வினயெய்ய படிவினயெய்ய பஜஹெய்ய வினோதே³ய்ய
ப்யந்தீகரெய்ய அனபா⁴வங் க³மெய்யாதி - ஆதா³னதண்ஹங் வினயேத²
ஸப்³பங். ப⁴த்³ராவுதா⁴தி ப⁴க³வாதி. ப⁴த்³ராவுதா⁴தி ப⁴க³வா தங்

ப்ராஹ்மணங் நாமேன ஆலபதி. ப⁴க³வாதி கா³ரவாதி⁴வசனமேதங்...பே...
ஸச்சிகா பஞ்ஞத்தி, யதி³த³ங் ப⁴க³வாதி - ப⁴த்³ராவுதா⁴தி ப⁴க³வா.

உத்³த⁴ங் அதோ⁴ திரியஞ்சாபி மஜ்ஜே²தி. உத்³த⁴ந்தி அனாக³தங்;
அதோ⁴தி அதீதங்; திரியஞ்சாபி மஜ்ஜே²தி பச்சப்பன்னங். உத்³த⁴ந்தி
தே³வலோகோ; அதோ⁴தி நிரயலோகோ; திரியஞ்சாபி மஜ்ஜே²தி
மனுஸ்ஸலோகோ. அத² வா, உத்³த⁴ந்தி குஸலா த⁴ம்மா; அதோ⁴தி
அகுஸலா த⁴ம்மா; திரியஞ்சாபி மஜ்ஜே²தி அப்யாகதா த⁴ம்மா. உத்³த⁴ந்தி
அருபதா⁴து; அதோ⁴தி காமதா⁴து; திரியஞ்சாபி மஜ்ஜே²தி ரூபதா⁴து.
உத்³த⁴ந்தி ஸுகா² வேத³னா; அதோ⁴தி துக்கா² வேத³னா; திரியஞ்சாபி
மஜ்ஜே²தி அதுக்க²மஸுகா² வேத³னா. உத்³த⁴ந்தி உத்³த⁴ங் பாத³தலா;
அதோ⁴தி அதோ⁴ கேஸமத்த²கா; திரியஞ்சாபி மஜ்ஜே²தி வேமஜ்ஜே²தி -
உத்³த⁴ங் அதோ⁴ திரியஞ்சாபி மஜ்ஜே².

யங் யஞ்ஹி லோகஸ்மிமுபாதி³யந்தீதி யங் யங் ரூபக³தங் வேத³னாக³தங்
ஸஞ்ஞாக³தங் ஸங்கா²ரக³தங் விஞ்ஞாணக³தங் ஆதி³யந்தி உபாதி³யந்தி
க³ண்ஹந்தி பராமஸந்தி அபி⁴னிவிஸந்தி. லோகஸ்மிந்தி அபாயலோகே...பே...
ஆயதனலோகேதி - யங் யஞ்ஹி லோகஸ்மிமுபாதி³யந்தி.

தேனேவ மாரோ அன்வேதி ஜந்துந்தி தேனேவ கம்மாபி⁴ஸங்கா²ரவஸேன
படிஸந்தி⁴கோ க³ந்த⁴மாரோ தா⁴துமாரோ ஆயதனமாரோ க³திமாரோ
உபபத்திமாரோ படிஸந்தி⁴மாரோ ப⁴வமாரோ ஸங்ஸாரமாரோ வட்டமாரோ
அன்வேதி அனுக்³ச்ச²தி அன்வாயிகோ ஹோதி. ஜந்துந்தி ஸத்தங் ஜனங் நரங்
மாணவங் [மானவங் (ஸ்யா.)] போஸங் புக்³லங் ஜீவங் ஜாகு³ங் ஜந்துங்
இந்த³கு³ங் மனுஜந்தி - தேனேவ மாரோ அன்வேதி ஜந்துங். தேனாஹ ப⁴க³வா

“ஆதா³னதண்ஹங் வினயேத² ஸப்³ப³ங், [ப⁴த்³ராவுதா⁴தி ப⁴க³வா]
உத்³த⁴ங் அதோ⁴ திரியஞ்சாபி மஜ்ஜே²;
யங் யஞ்ஹி லோகஸ்மிமுபாதி³யந்தி, தேனேவ மாரோ அன்வேதி
ஜந்து³ந்தி.

73. தஸ்மா பஜானங் ந உபாதி³யேத², பி⁴க்கு² ஸதோ கிஞ்சனங்
ஸப்³ப³லோகே;
ஆதா³னஸத்தே இதி பெக்க²மானோ, பஜங் இமங் மச்சதெ⁴ய்யே
விஸத்தங்.

தஸ்மா பஜானங் ந உபாதி³யேதா²தி. தஸ்மாதி தஸ்மா தங்காரணா
தங்ஹேது தப்பச்சயா தங்னிதா³னா, ஏதங் ஆதீ³னவங் ஸம்பஸ்ஸமானோ
ஆதா³னதண்ஹாயாதி - தஸ்மா. பஜானந்தி ஜானந்தோ பஜானந்தோ

ஆஜானந்தோ விஜானந்தோ படிவிஜானந்தோ படிவிஜ்ஜந்தோ “ஸப்³பே³
 ஸங்கா²ரா அனிச்சா”தி...பே... “யங் கிஞ்சி ஸமுத³யத⁴ம்மங் ஸப்³பங் தங்
 நிரோத⁴த⁴ம்ம”ந்தி ஜானந்தோ பஜானந்தோ ஆஜானந்தோ விஜானந்தோ
 படிவிஜானந்தோ படிவிஜ்ஜந்தோ. ந உபாதி³யேதா²தி ரூபங் நாதி³யெய்ய ந
 உபாதி³யெய்ய ந க³ண்ஹெய்ய ந பராமஸெய்ய நாபி⁴னிவிஸெய்ய;
 வேத³னங்...பே... ஸஞ்ஞங்... ஸங்கா²ரே... விஞ்ஞாணங்... க³திங் ... உபபத்திங்...
 படிஸந்தி⁴ங்... ப⁴வங்... ஸங்ஸாரங்... வட்டங் நாதி³யெய்ய ந உபாதி³யெய்ய ந
 க³ண்ஹெய்ய ந பராமஸெய்ய நாபி⁴னிவிஸெய்யாதி - தஸ்மா பஜானங் ந
 உபாதி³யேத².

பி⁴க்கு² ஸதோ கிஞ்சனங் ஸப்³ப³லோகேதி. பி⁴க்கூ²தி
 புது²ஜ்ஜனகல்யாணகோ வா பி⁴க்கு², ஸெக்கோ² வா பி⁴க்கு². ஸதோதி
 சதூஹி காரணேஹி ஸதோ - காயே காயானுபஸ்ஸனாஸதிபட்டா²னங்
 பா⁴வெந்தோ ஸதோ...பே... ஸோ வச்சதி ஸதோதி - பி⁴க்கு² ஸதோ.
 கிஞ்சனந்தி கிஞ்சி ரூபக³தங் வேத³னாக³தங் ஸஞ்ஞாக³தங் ஸங்கா²ரக³தங்
 விஞ்ஞாணக³தங். ஸப்³ப³லோகேதி ஸப்³ப³அபாயலோகே
 ஸப்³ப³மனுஸ்ஸலோகே ஸப்³ப³தே³வலோகே ஸப்³ப³க²ந்த⁴லோகே
 ஸப்³ப³தா⁴துலோகே ஸப்³ப³ஆயதனலோகேதி - பி⁴க்கு² ஸதோ கிஞ்சனங்
 ஸப்³ப³லோகே.

ஆதா³னஸத்தே இதி பெக்க²மானோதி ஆதா³னஸத்தா வச்சந்தி யே ரூபங்
 ஆதி³யந்தி உபாதி³யந்தி க³ண்ஹந்தி பராமஸந்தி அபி⁴னிவிஸந்தி; வேத³னங்...
 பே... ஸஞ்ஞங்... ஸங்கா²ரே... விஞ்ஞாணங்... க³திங்... உபபத்திங்... படிஸந்தி⁴ங்...
 ப⁴வங்... ஸங்ஸாரங்... வட்டங் ஆதி³யந்தி உபாதி³யந்தி க³ண்ஹந்தி பராமஸந்தி
 அபி⁴னிவிஸந்தி. இதீதி பத³ஸந்தி⁴...பே... பதா³னுபு³ப³தாபேதங் இதீதி.
 பெக்க²மானோதி பெக்க²மானோ த³க்க²மானோ தி³ஸ்ஸமானோ பஸ்ஸமானோ
 ஓலோகயமானோ நிஜ்ஜா²யமானோ உபபரிக்க²மானோதி - ஆதா³னஸத்தே இதி
 பெக்க²மானோ.

பஜங் இமங் மச்சதெ⁴ய்யே விஸத்தந்தி. பஜாதி ஸத்தாதி⁴வசனங்
 மச்சதெ⁴ய்யா வச்சந்தி கிலேஸா ச க²ந்தா⁴ ச அபி⁴ஸங்கா²ரா ச. பஜா
 மச்சதெ⁴ய்யே மாரதெ⁴ய்யே மரணதெ⁴ய்யே ஸத்தா விஸத்தா ஆஸத்தா
 லக்³கா³ லக்³கி³தா பலிபு³த்தா⁴. யதா² பி⁴த்திகி²லே வா நாக³த³ந்தே வா
 ப⁴ண்ட³ங் ஸத்தங் விஸத்தங் ஆஸத்தங் லக்³க³ங் லக்³கி³தங் பலிபு³த்த⁴ங்,
 ஏவமேவ பஜா மச்சதெ⁴ய்யே மாரதெ⁴ய்யே மரணதெ⁴ய்யே ஸத்தா
 விஸத்தா ஆஸத்தா லக்³கா³ லக்³கி³தா பலிபு³த்தா⁴தி - பஜங் இமங்
 மச்சதெ⁴ய்யே விஸத்தங். தேனாஹ ப⁴க³வா -

“தஸ்மா பஜானங் ந உபாதி³யேத², பி⁴க்கு² ஸதோ கிஞ்சனங்
ஸப்³புலோகே;
ஆதா³னஸத்தே இதி பெக்க²மானோ, பஜங் இமங் மச்சதெ⁴ய்யே
விஸத்த”ந்தி.

ஸஹ கா³தா²பரியோஸானா...பே... ஸத்தா² மே ப⁴ந்தே ப⁴க³வா,
ஸாவகோஹமஸ்மீதி.

ப⁴த்³ராவுத⁴மாணவபுச்சா²னித்³தே³ஸோ த்³வாத³ஸமோ.

13. உத³யமாணவபுச்சா²னித்³தே³ஸோ

74. ஜா²யிங் விரஜமாஸீனங், [இச்சாயஸ்மா உத³யோ]
கதகிச்சங் அனாஸவங்;
பாரகு³ங் ஸப்³புத⁴ம்மானங், அத்தி² பஞ்ஹேன ஆக³மங்;
அஞ்ஞாவிமொக்க²ங் பப்³ருஹி [ஸங்³புருஹி (ஸ்யா.)], அவிஜ்ஜாய
பபே⁴த³னங்.

ஜா²யிங் விரஜமாஸீனந்தி. ஜா²யிந்தி ஜா²யீ ப⁴க³வா. பட²மேனபி ஜா²னேன
ஜா²யீ, து³தியேனபி ஜா²னேன ஜா²யீ, ததியேனபி ஜா²னேன ஜா²யீ, சதுத்தே²னபி
ஜா²னேன ஜா²யீ, ஸவிதக்கஸவிசாரேனபி ஜா²னேன ஜா²யீ,
அவிதக்கவிசாரமத்தேனபி ஜா²னேன ஜா²யீ, அவிதக்கஅவிசாரேனபி ஜா²னேன
ஜா²யீ, ஸப்பீதிகேனபி ஜா²னேன ஜா²யீ, நிப்பீதிகேனபி ஜா²னேன ஜா²யீ,
ஸாதஸஹக³தேனபி ஜா²னேன ஜா²யீ, உபெக்கா²ஸஹக³தேனபி ஜா²னேன
ஜா²யீ, ஸுஞ்ஞதேனபி ஜா²னேன ஜா²யீ, அனிமித்தேனபி ஜா²னேன ஜா²யீ,
அப்பணிஹிதேனபி ஜா²னேன ஜா²யீ, லோகியேனபி ஜா²னேன ஜா²யீ,
லோகுத்தரேனபி ஜா²னேன ஜா²யீ ஜா²னரதோ ஏகத்தமனுயுத்தோ
ஸத³த்த²க³ருகோதி - ஜா²யிங். விரஜந்தி ராகோ³ ரஜோ, தோ³ஸோ ரஜோ,
மோஹோ ரஜோ, கோதோ⁴ ரஜோ, உபனாஹோ ரஜோ...பே...
ஸப்³பா³குஸலாபி⁴ஸங்கா²ரா ரஜா. தே ரஜா பு³த்³த⁴ஸ்ஸ ப⁴க³வதோ
பஹீனா உச்சி²ன்னமூலா தாலாவத்து²கதா அனபா⁴வங்கதா ஆயதிங்
அனுப்பாத³த⁴ம்மா. தஸ்மா பு³த்³தோ⁴ அரஜோ விரஜோ நிரஜோ ரஜாபக³தோ
ரஜவிப்பஹீனோ ரஜவிப்பயுத்தோ ஸப்³புரஜவீதிவத்தோ.

ராகோ³ ரஜோ ந ச பன ரேணு வச்சதி,
ராக³ஸ்ஸேதங் அதி⁴வசனங் ரஜோதி;
ஏதங் ரஜங் விப்பஜஹித்வா [படிவினோதி³த்வா (க.) மஹானி. 209]
சக்கு²மா, தஸ்மா ஜினோ விக³தரஜோதி வச்சதி.

தோ³ஸோ ரஜோ ந ச பன ரேணு வுச்சதி, தோ³ஸஸ்ஸேதங்
அதி⁴வசனங் ரஜோதி;
ஏதங் ரஜங் விப்பஜஹித்வா சக்கு²மா, தஸ்மா ஜினோ விக³தரஜோதி
வுச்சதி.

மோஹோ ரஜோ ந ச பன ரேணு வுச்சதி, மோஹஸ்ஸேதங்
அதி⁴வசனங் ரஜோதி;
ஏதங் ரஜங் விப்பஜஹித்வா சக்கு²மா, தஸ்மா ஜினோ விக³தரஜோதி
வுச்சதீதி. -

விரஜங் ...பே....

ஆஸீனந்தி நிஸின்னோ ப⁴க³வா பாஸாணகே சேதியேதி - ஆஸீனோ.

நக³ஸ்ஸ [\[நக³ரஸ்ஸ \(க.\)\]](#) பஸ்ஸே ஆஸீனங், முனிங் து³க்க²ஸ்ஸ
பாரகு³ங்;
ஸாவகா பயிருபாஸந்தி, தேவிஜ்ஜா மச்சுஹாயினோதி.

ஏவம்பி ப⁴க³வா ஆஸீனோ. அத² வா, ப⁴க³வா
ஸப்³பொ³ஸ்ஸுக்கபடிப்பஸ்ஸத்த⁴த்தா ஆஸீனோ வுத்த²வாஸோ
சிண்ணசரணோ...பே... ஜாதிமரணஸங்ஸாரோ நத்தி² தஸ்ஸ புனப்³ப⁴வோதி.
ஏவம்பி ப⁴க³வா ஆஸீனோதி - ஜா²யிங் விரஜமாஸீனங் .

இச்சாயஸ்மா உத³யோதி. இச்சாதி பத³ஸந்தி⁴...பே... ஆயஸ்மாதி
பியவசனங்...பே... உத³யோதி தஸ்ஸ ப்³ராஹ்மணஸ்ஸ நாமங்...பே...
அபி⁴லாபோதி - இச்சாயஸ்மா உத³யோ.

கதகிச்சங் அனாஸவந்தி பு³த்த⁴ஸ்ஸ ப⁴க³வதோ கிச்சாகிச்சங்
கரணியாகரணியங் பஹீனங் உச்சி²ன்னமூலங் தாலாவத்து²கதங்
அனபா⁴வங்கதங் ஆயதிங் அனுப்பாத³த⁴ம்மங். தஸ்மா பு³த்தோ⁴ கதகிச்சோ.

யஸ்ஸ ச விஸதா [\[யஸ்ஸ பரிபதா \(ஸ்யா.\) பஸ்ஸ மஹானி. 202\]](#)
நத்தி², சி²ன்னஸோதஸ்ஸ பி⁴க்கு²னோ;
கிச்சாகிச்சப்பஹீனஸ்ஸ, பரிளாஹோ ந விஜ்ஜதீதி.

கதகிச்சங் அனாஸவந்தி. ஆஸவாதி சத்தாரோ ஆஸவா - காமாஸவோ,
ப⁴வாஸவோ, தி³ட்டா²ஸவோ, அவிஜ்ஜாஸவோ. தே ஆஸவா பு³த்த⁴ஸ்ஸ
ப⁴க³வதோ பஹீனா உச்சி²ன்னமூலா தாலாவத்து²கதா அனபா⁴வங்கதா
ஆயதிங் அனுப்பாத³த⁴ம்மா. தஸ்மா பு³த்தோ⁴ அனாஸவோதி - கதகிச்சங்
அனாஸவங்.

பாரகுங் ஸப்³புத⁴ம்மானந்தி ப⁴க³வா ஸப்³புத⁴ம்மானங்
அபி⁴ஞ்ஞாபாரசு³ பரிஞ்ஞாபாரசு³ பஹானபாரசு³ பா⁴வனாபாரசு³
ஸச்சி²கிரியாபாரசு³ ஸமாபத்திபாரசு³. அபி⁴ஞ்ஞாபாரசு³ ஸப்³புத⁴ம்மானங்,
பரிஞ்ஞாபாரசு³ ஸப்³புது³க்கா²னங், பஹானபாரசு³ ஸப்³புகிலேஸானங்,
பா⁴வனாபாரசு³ சதுன்னங் மக்³கா³னங், ஸச்சி²கிரியாபாரசு³ நிரோத⁴ஸ்ஸ,
ஸமாபத்திபாரசு³ ஸப்³புஸமாபத்தீனங். ஸோ வஸிப்பத்தோ பாரமிப்பத்தோ
அரியஸ்மிங் ஸீலஸ்மிங்; வஸிப்பத்தோ பாரமிப்பத்தோ அரியஸ்மிங்
ஸமாதி⁴ஸ்மிங்; வஸிப்பத்தோ பாரமிப்பத்தோ அரியாய பஞ்ஞாய;
வஸிப்பத்தோ பாரமிப்பத்தோ அரியாய விமுத்தியா. ஸோ பாரக³தோ
பாரப்பத்தோ அந்தக³தோ அந்தப்பத்தோ கோடிக³தோ கோடிப்பத்தோ
பரியந்தக³தோ பரியந்தப்பத்தோ வோஸானக³தோ வோஸானப்பத்தோ
தாணக³தோ தாணப்பத்தோ லேணக³தோ லேணப்பத்தோ ஸரணக³தோ
ஸரணப்பத்தோ அப⁴யக³தோ அப⁴யப்பத்தோ அச்சுதக³தோ அச்சுதப்பத்தோ
அமதக³தோ அமதப்பத்தோ நிப்³பா³னக³தோ நிப்³பா³னப்பத்தோ. ஸோ
வுத்தவாஸோ சிண்ணசரணோ...பே... ஜாதிமரணஸங்ஸாரோ நத்தி² தஸ்ஸ
புனப்³ப⁴வோதி - பாரகுங் ஸப்³புத⁴ம்மானங்.

அத்தி² பஞ்ஹேன ஆக³மந்தி பஞ்ஹேன அத்தி²கோ ஆக³தொம்ஹி,
பஞ்ஹங் புச்சி²துகாமோ ஆக³தொம்ஹி, பஞ்ஹங் ஸோதுகாமோ
ஆக³தொம்ஹீதி, ஏவம்பி அத்தி² பஞ்ஹேன ஆக³மங். அத² வா,
பஞ்ஹத்தி²கானங் பஞ்ஹங் புச்சி²துகாமானங் பஞ்ஹங் ஸோதுகாமானங்
ஆக³மனங் அபி⁴க்கமனங் உபஸங்கமனங் பயிருபாஸனங் அத்தீ²தி, ஏவம்பி
அத்தி² பஞ்ஹேன ஆக³மங். அத² வா, பஞ்ஹாக³மோ துய்ஹங் அத்தி², த்வம்பி
பஹு த்வமஸி அலமத்தோ மயா புச்சி²தங் கதே²துங் விஸஜ்ஜேதுங்,
வஹஸ்ஸேதங் பா⁴ரந்தி, ஏவம்பி அத்தி² பஞ்ஹேன ஆக³மங்.

அஞ்ஞாவிமொக்க²ங் பப்³ருஹீதி அஞ்ஞாவிமொக்கோ² வுச்சதி
அரஹத்தவிமொக்கோ². அரஹத்தவிமொக்க²ங் பப்³ருஹி ஆசிக்கா²ஹி
தே³ஸேஹி பஞ்ஞபேஹி பட்ட²பேஹி விவராஹி விப⁴ஜாஹி
உத்தானீகரோஹி பகாஸேஹீதி - அஞ்ஞாவிமொக்க²ங் பப்³ருஹி.

அவிஜ்ஜாய பபே⁴த³னந்தி அவிஜ்ஜாய பே⁴த³னங் பபே⁴த³னங் பஹானங்
வூபஸமங் படினிஸ்ஸக்³க³ங் படிப்பஸ்ஸத்³த⁴ங் அமதங் நிப்³பா³னந்தி -
அவிஜ்ஜாய பபே⁴த³னங். தேனாஹ ஸோ ப்³ராஹ்மணோ -

“ஜா²யிங் விரஜமாஸீனங், [இச்சாயஸ்மா உத³யோ]
கதகிச்சங் அனாஸவங்;
பாரகுங் ஸப்³புத⁴ம்மானங், அத்தி² பஞ்ஹேன ஆக³மங்;

அஞ்ஞாவிமொக்க²ங் பப்³ருஹி, அவிஜ்ஜாய பபே⁴த³ன⁴ந்தி.

75. பஹானங் காமச்சந்தா³னங், [உத³யாதி ப⁴க³வா]
தோ³மனஸ்ஸான தூப⁴யங்;
தி²னஸ்ஸ [தி²னஸ்ஸ (ஸ்யா.)] ச பனூத³னங், குக்குச்சானங்
நிவாரணங்.

பஹானங் காமச்சந்தா³னந்தி. ச²ந்தோ³தி யோ காமேஸு காமச்சந்தோ³
காமராகோ³ காமனந்தீ³ காமதண்ணு³ காமஸினேஹோ காமபிபாஸா
காமபரிளாஹோ காமமுச்சா² காமஜ்ஜோ²ஸானங் காமோகோ⁴ காமயோகோ³
காமுபாதா³னங் காமச்சந்த³னீவரணங். பஹானங் காமச்சந்தா³னந்தி
காமச்சந்தா³னங் பஹானங் ஓபஸமங் படினிஸ்ஸக்³ங் படிப்பஸ்ஸத்தி⁴ங்
அமதங் நிப்³பா³னந்தி - பஹானங் காமச்சந்தா³னங். உத³யாதி ப⁴க³வாதி.
உத³யாதி ப⁴க³வா தங் ப்³ராஹ்மணங் நாமேன ஆலபதி. ப⁴க³வாதி
கா³ரவாதி⁴வசனமேதங்...பே... ஸச்சிகா பஞ்ஞத்தி, யதி³த³ங் ப⁴க³வாதி -
உத³யாதி ப⁴க³வா.

தோ³மனஸ்ஸான தூப⁴யந்தி. தோ³மனஸ்ஸாதி யங் சேதஸிகங்
அஸாதங் சேதஸிகங் து³க்க²ங் சேதோஸம்ப²ஸ்ஸஜங் அஸாதங் து³க்க²ங்
வேத³யிதங், சேதோஸம்ப²ஸ்ஸஜா அஸாதா து³க்கா² வேத³னா.
தோ³மனஸ்ஸான தூப⁴யந்தி காமச்சந்த³ஸ்ஸ ச தோ³மனஸ்ஸஸ்ஸ ச
உபி⁴ன்னங் பஹானங் ஓபஸமங் படினிஸ்ஸக்³ங் படிப்பஸ்ஸத்தி⁴ங்
அமதங் நிப்³பா³னந்தி - தோ³மனஸ்ஸான தூப⁴யங்.

தி²னஸ்ஸ ச பனூத³னந்தி. தி²னந்தி யா சித்தஸ்ஸ அகல்யதா
அகம்மஞ்ஞதா ஒலீயனா ஸல்லீயனா லீனா லீயனா லீயிதத்தங் தி²னங்
தி²யனா [தி²னங் தி²யனா (ஸ்யா.)] தி²யிதத்தங் சித்தஸ்ஸ. பனூத³னந்தி
தி²னஸ்ஸ ச பனூத³னங் பஹானங் ஓபஸமங் படினிஸ்ஸக்³ங்
படிப்பஸ்ஸத்தி⁴ங் அமதங் நிப்³பா³னந்தி - தி²னஸ்ஸ ச பனூத³னங்.

குக்குச்சானங் நிவாரணந்தி. குக்குச்சந்தி ஹத்த²குக்குச்சம்பி குக்குச்சங்,
பாத³குக்குச்சம்பி குக்குச்சங், ஹத்த²பாத³குக்குச்சம்பி குக்குச்சங். அகப்பியே
கப்பியஸஞ்ஞிதா, கப்பியே அகப்பியஸஞ்ஞிதா...பே... அவஜ்ஜே வஜ்ஜஸஞ்ஞிதா,
வஜ்ஜே அவஜ்ஜஸஞ்ஞிதா. யங் ஏவருபங் குக்குச்சங் குக்குச்சாயனா
குக்குச்சாயிதத்தங் சேதஸோ விப்படிஸாரோ மனோவிலேகோ², இத³ங் வச்சதி
குக்குச்சங். அபி ச, த்³வீஹி காரணேஹி உப்பஜ்ஜதி குக்குச்சங் சேதஸோ
விப்படிஸாரோ மனோவிலேகோ² - கதத்தா ச அகதத்தா ச. கத²ங் கதத்தா ச
அகதத்தா ச உப்பஜ்ஜதி குக்குச்சங் சேதஸோ விப்படிஸாரோ மனோவிலேகோ²?
“கதங் மே காயது³ச்சரிதங், அகதங் மே காயஸுச்சரித”ந்தி உப்பஜ்ஜதி குக்குச்சங்
சேதஸோ விப்படிஸாரோ மனோவிலேகோ² . “கதங் மே வசீது³ச்சரிதங், அகதங்
மே வசீஸுச்சரித”ந்தி...பே... “கதங் மே மனோது³ச்சரிதங், அகதங் மே

மனோஸுசரித”ந்தி...பே... “கதோ மே பாணாதிபாதோ, அகதா மே பாணாதிபாதா
வேரமணி”தி...பே... “கதங் மே அதி³ன்னாதா³னங், அகதா மே அதி³ன்னாதா³னா
வேரமணி”தி...பே... “கதோ மே காமேஸுமிச்சா²சாரோ, அகதா மே
காமேஸுமிச்சா²சாரா வேரமணி”தி...பே... “கதோ மே முஸாவாதோ³, அகதா மே
முஸாவாதா³ வேரமணி”தி...பே... “கதா மே பிஸுணா வாசா [பிஸுணவாசா (க)],
அகதா மே பிஸுணாய வாசாய வேரமணி”தி...பே... “கதா மே ப²ருஸா வாசா,
அகதா மே ப²ருஸாய வாசாய வேரமணி”தி...பே... “கதோ மே ஸம்ப²ப்பலாபோ,
அகதா மே ஸம்ப²ப்பலாபா வேரமணி”தி...பே... “கதா மே அபி⁴ஜ்ஜா², அகதா மே
அனபி⁴ஜ்ஜா²”தி...பே... “கதோ மே ப்³யாபாதோ³, அகதோ மே அப்³யாபாதோ³”தி...
பே... “கதா மே மிச்சா²தி³ட்டி², அகதா மே ஸம்மாதி³ட்டி²”தி , உப்பஜ்ஜதி
குக்குச்சங் சேதஸோ விப்படிஸாரோ மனோவிலேகோ². ஏவங் கதத்தா ச
அகதத்தா ச உப்பஜ்ஜதி குக்குச்சங் சேதஸோ விப்படிஸாரோ மனோவிலேகோ².

அத² வா, “ஸீலேஸும்ஹி அபரிபூரகாரீ”தி உப்பஜ்ஜதி குக்குச்சங் சேதஸோ
விப்படிஸாரோ மனோவிலேகோ²; “இந்த்³ரியேஸும்ஹி அகுத்தத்³வாரோ”தி...பே...
“போ⁴ஜ்ஜனே அமத்தஞ்ஞும்ஹி”தி... “ஜாக்³ரியங் அனநுயுத்தொம்ஹி”தி... “ந
ஸதிஸம்பஜஞ்ஞேன ஸமன்னாக³தொம்ஹி”தி... “அபா⁴விதா மே சத்தாரோ
ஸதிபட்டா²னாதி, சத்தாரோ ஸம்மப்பதா⁴னாதி சத்தாரோ இத்³தி⁴பாதா³தி,
பஞ்சிந்த்³ரியானீதி, பஞ்ச ப்³லானீதி, ஸத்த பொ³ஜ்ஜங்கா³தி, அரியோ
அட்ட²ங்கி³கோ மக்³கோ³”தி... “து³க்க²ங் மே அபரிஞ்ஞாதங், ஸமுத³யோ மே
அப்பஹீனோ, மக்³கோ³ மே அபா⁴விதோ, நிரோதோ⁴ மே அஸச்சி²கதோ”தி
உப்பஜ்ஜதி குக்குச்சங் சேதஸோ விப்படிஸாரோ மனோவிலேகோ².

குக்குச்சானங் நிவாரணந்தி குக்குச்சானங் ஆவரணங் நீவரணங் பஹானங்
உபஸமங் ஓபஸமங் படினிஸ்ஸக்³ங் படிப்பஸ்ஸத்³தி⁴ங் அமதங்
நிப்³பா³னந்தி - குக்குச்சானங் நிவாரணங். தேனாஹ ப⁴க³வா -

“பஹானங் காமச்சந்தா³னங், [உத³யாதி ப⁴க³வா]
தோ³மனஸ்ஸான துப⁴யங்;
தி²னஸ்ஸ ச பனுத³னங், குக்குச்சானங் நிவாரண”ந்தி.

76. உபெக்கா²ஸதிஸங்ஸுத்³தி⁴ங் , த⁴ம்மதக்கபுரேஜவங்;
அஞ்ஞாவிமொக்க²ங் பப்³ருமி, அவிஜ்ஜாய பபே⁴த³னங்.

உபெக்கா²ஸதிஸங்ஸுத்³தி⁴ந்தி. உபெக்கா²தி யா சதுத்தே² ஜா²னே
உபெக்கா² உபெக்க²னா அஜ்ஜ²பெக்க²னா சித்தஸமதா [சித்தஸமதோ² (ஸ்யா.)
மஹானி. 207] சித்தப்பஸ்ஸத்³தி⁴தா மஜ்ஜத்ததா சித்தஸ்ஸ. ஸதீதி யா
சதுத்தே² ஜா²னே உபெக்க²ங் ஆரப்³ப⁴ ஸதி அனுஸ்ஸதி...பே... ஸம்மாஸதி.

உபெக்கா²ஸ்திஸங்ஸுத்³த⁴ந்தி சதுத்தே² ஜா²னே உபெக்கா² ச ஸ்தி ச
ஸுத்³தா⁴ ஹோந்தி விஸுத்³தா⁴ ஸங்ஸுத்³தா⁴ பரிஸுத்³தா⁴
பரியோதா³தா அனங்க்ணா விக்³தூபக்கிலேஸா முது³பூ⁴தா கம்மனியா டி²தா
ஆனேஞ்ஜப்பத்தாதி - உபெக்கா²ஸ்திஸங்ஸுத்³த⁴ங்.

த⁴ம்மதக்கபுரேஜவந்தி த⁴ம்மதக்கோ வுச்சதி ஸம்மாஸங்கப்போ. ஸோ
ஆதி³தோ ஹோதி, புரதோ ஹோதி, புப்³பங்க்மோ ஹோதி
அஞ்ஞாவிமொக்க²ஸ்ஸாதி, ஏவம்பி த⁴ம்மதக்கபுரேஜவங். அத² வா,
த⁴ம்மதக்கோ வுச்சதி ஸம்மாதி³ட்டி². ஸா ஆதி³தோ ஹோதி, புரதோ ஹோதி,
புப்³பங்க்மோ ஹோதி அஞ்ஞாவிமொக்க²ஸ்ஸாதி , ஏவம்பி
த⁴ம்மதக்கபுரேஜவங். அத² வா, த⁴ம்மதக்கோ வுச்சதி சதுன்னங் மக்³கா³னங்
புப்³பா⁴க³விபஸ்ஸனா. ஸா ஆதி³தோ ஹோதி, புரதோ ஹோதி,
புப்³பங்க்மோ ஹோதி அஞ்ஞாவிமொக்க²ஸ்ஸாதி - ஏவம்பி
த⁴ம்மதக்கபுரேஜவங்.

அஞ்ஞாவிமொக்க²ங் பப்³ருமீதி அஞ்ஞாவிமொக்கோ² வுச்சதி
அரஹத்தவிமொக்கோ². அரஹத்தவிமொக்க²ங் பப்³ருமி ஆசிக்கா²மி தே³ஸேமி
பஞ்ஞபேமி பட்ட²பேமி விவராமி விப⁴ஜாமி உத்தானீகரோமி பகாஸேமீதி -
அஞ்ஞாவிமொக்க²ங் பப்³ருமி.

அவிஜ்ஜாய பபே⁴த³னந்தி. அவிஜ்ஜாதி து³க்கே² அஞ்ஞாணங்...பே....
அவிஜ்ஜா மோஹோ அகுஸலமூலங். பபே⁴த³னந்தி அவிஜ்ஜாய பபே⁴த³னங்
பஹானங் ஓபஸமங் படினிஸ்ஸக்³ங் படிப்பஸ்ஸத்³தி⁴ங் அமதங்
நிப்³பா³னந்தி - அவிஜ்ஜாய பபே⁴த³னங். தேனாஹ ப⁴க³வா -

“உபெக்கா²ஸ்திஸங்ஸுத்³த⁴ங், த⁴ம்மதக்கபுரேஜவங்;
அஞ்ஞாவிமொக்க²ங் பப்³ருமி, அவிஜ்ஜாய பபே⁴த³ன”ந்தி.

77. கிங்ஸு ஸங்யோஜனோ லோகோ, கிங்ஸு தஸ்ஸ விசாரணங்;
கிஸ்ஸஸ்ஸ விப்பஹானேன, நிப்³பா³னங் இதி வுச்சதி.

கிங்ஸு ஸங்யோஜனோ லோகோதி லோகஸ்ஸ ஸங்யோஜனங்
லக்³க³னங் ப³ந்த⁴னங் உபக்கிலேஸோ. கேன லோகோ யுத்தோ பயுத்தோ
ஆயுத்தோ ஸமாயுத்தோ லக்³கோ³ லக்³கி³தோ பலிபுத்³தோ⁴தி - கிங்ஸு
ஸங்யோஜனோ லோகோ.

கிங்ஸு தஸ்ஸ விசாரணந்தி கிங்ஸு தஸ்ஸ சாரணங் விசாரணங்
படிவிசாரணங். கேன லோகோ சரதி விசரதி படிவிசரதீதி - கிங்ஸு தஸ்ஸ
விசாரணங். கிஸ்ஸஸ்ஸ விப்பஹானேன நிப்³பா³னங் இதி வுச்சதீதி
கிஸ்ஸஸ்ஸ விப்பஹானேன ஓபஸமேன படினிஸ்ஸக்³கே³ன

படிப்பஸ்ஸத்தி⁴யா நிப்பா³னங் இதி வுச்சதி பவுச்சதி கதீ²யதி ப⁴ணீயதி
தீ³யதி வோஹரீயதீதி - கிஸ்ஸஸ்ஸ விப்பஹானேன நிப்பா³னங் இதி வுச்சதி.
தேனாஹ ஸோ ப்³ராஹ்மணோ -

“கிங்ஸு ஸங்யோஜனோ லோகோ, கிங்ஸு தஸ்ஸ விசாரணங்;
கிஸ்ஸஸ்ஸ விப்பஹானேன, நிப்பா³னங் இதி வுச்சதீ”தி.

78. நந்தி³ஸங்யோஜனோ லோகோ, விதக்கஸ்ஸ விசாரணா;
தண்ஹாய விப்பஹானேன, நிப்பா³னங் இதி வுச்சதி.

நந்தி³ஸங்யோஜனோ லோகோதி நந்தீ³ வுச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங், அயங் வுச்சதி நந்தீ³.
யா நந்தீ³ லோகஸ்ஸ ஸங்யோஜனங் லக்³க³னங் ப்³ந்த⁴னங் உபக்கிலேஸோ,
இமாய நந்தி³யா லோகோ யுத்தோ பயுத்தோ ஆயுத்தோ ஸமாயுத்தோ லக்³கோ³
லக்³கி³தோ பலிபு³த்தோ⁴தி - நந்தி³ஸங்யோஜனோ லோகோ.

விதக்கஸ்ஸ விசாரணாதி. விதக்காதி நவ விதக்கா - காமவிதக்கோ,
ப்³யாபாத்³விதக்கோ, விஹிங்ஸாவிதக்கோ, ஞாதிவிதக்கோ ஜனபத்³விதக்கோ ,
அமராவிதக்கோ, பரானுத்³யதாபடிஸங்யுத்தோ விதக்கோ,
லாப⁴ஸக்காரஸிலோகபடிஸங்யுத்தோ விதக்கோ,
அனவஞ்ஞத்திபடிஸங்யுத்தோ விதக்கோ. இமே வுச்சந்தி நவ விதக்கா. இமே
நவ விதக்கா லோகஸ்ஸ சாரணா விசாரணா படிவிசாரணா. இமேஹி நவஹி
விதக்கேஹி லோகோ சரதி விசரதி படிவிசரதீதி - விதக்கஸ்ஸ விசாரணா.

தண்ஹாய விப்பஹானேன நிப்பா³னங் இதி வுச்சதீதி. தண்ஹாதி
ரூபதண்ஹா...பே... த⁴ம்மதண்ஹா. தண்ஹாய விப்பஹானேன நிப்பா³னங்
இதி வுச்சதீதி தண்ஹாய விப்பஹானேன ஓபஸமேன படினிஸ்ஸக்³கே³ன
படிப்பஸ்ஸத்தி⁴யா நிப்பா³னங் இதி வுச்சதி பவுச்சதி கதீ²யதி ப⁴ணீயதி
தீ³யதி வோஹரீயதீதி - தண்ஹாய விப்பஹானேன நிப்பா³னங் இதி வுச்சதி.
தேனாஹ ப⁴க³வா -

“நந்தி³ஸங்யோஜனோ லோகோ, விதக்கஸ்ஸ விசாரணா;
தண்ஹாய விப்பஹானேன, நிப்பா³னங் இதி வுச்சதீ”தி.

79. கத²ங் ஸதஸ்ஸ சரதோ, விஞ்ஞாணங் உபருஜ்ஜதி;
ப⁴க³வந்தங் புட்டு²மாக³மா, தங் ஸுணோம வசோ தவ.

கத²ங் ஸதஸ்ஸ சரதோதி கத²ங் ஸதஸ்ஸ ஸம்பஜானஸ்ஸ சரதோ
விஹரதோ இரியதோ வத்தயதோ பாலயதோ யபயதோ யாபயதோதி - கத²ங்
ஸதஸ்ஸ சரதோ.

விஞ்ஞாணங் உபருஜ்ஜீதி விஞ்ஞாணங் நிருஜ்ஜீதி வுபஸம்மதி அத்தங்
கச்சீதி படிப்பஸ்ஸம்பீதி - விஞ்ஞாணங் உபருஜ்ஜீதி.

பீகவந்தங் புட்டுமாகுமதி புத்தங் பீகவந்தங் புட்டுங் புச்சிதுங்
யாசிதுங் அஜ்ஜேஸிதுங் பஸாதேதுங் ஆகம்ஹா ஆகதம்ஹா உபாகதம்ஹா
ஸம்பத்தம்ஹா, “தயா ஸத்திங் ஸமாகதம்ஹா”தி - பீகவந்தங்
புட்டுமாகுமா.

தங் ஸுணோம வசோ தவாதி. தந்தி துய்ஹங் வசனங் ப்யப்பதங்
தேஸனங் அனுஸாஸனங் அனுஸிட்டங் ஸுணோம உக்கண்ணஹாம
தாரேம உபதாரேம உபலக்கேமதி - தங் ஸுணோம வசோ தவ. தேனாஹ
ஸோ ப்ராஹ்மணோ -

“கதங் ஸதஸ்ஸ சரதோ, விஞ்ஞாணங் உபருஜ்ஜீதி;
பீகவந்தங் புட்டுமாகுமா, தங் ஸுணோம வசோ தவா”தி.

80. அஜ்ஜத்தஞ்ச பஹித்தா ச, வேதனங் நாபிநந்ததோ;
ஏவங் ஸதஸ்ஸ சரதோ, விஞ்ஞாணங் உபருஜ்ஜீதி.

அஜ்ஜத்தஞ்ச பஹித்தா ச வேதனங் நாபிநந்ததோதி அஜ்ஜத்தங்
வேதனாஸு வேதனானுபஸ்ஸீ விஹரந்தோ வேதனங் நாபிநந்ததி
நாபிவத்தி ந அஜ்ஜேஸேதி [ந அஜ்ஜேஸாய திட்டதி \(ஸ்யா.\)](#),
அபிநந்தனங் அபிவதனங் அஜ்ஜேஸானங் காஹங் பராமாஸங்
அபிநிவேஸங் பஜஹதி வினோதேதி ப்யந்தீகரோதி அனபாவங் கமேதி;
பஹித்தா வேதனாஸு வேதனானுபஸ்ஸீ விஹரந்தோ வேதனங்
நாபிநந்ததி நாபிவத்தி ந அஜ்ஜேஸேதி, அபிநந்தனங் அபிவதனங்
அஜ்ஜேஸானங் காஹங் பராமாஸங் அபிநிவேஸங் பஜஹதி வினோதேதி
ப்யந்தீகரோதி அனபாவங் கமேதி; அஜ்ஜத்தபஹித்தா வேதனாஸு
வேதனானுபஸ்ஸீ விஹரந்தோ வேதனங் நாபிநந்ததி நாபிவத்தி ந
அஜ்ஜேஸேதி, அபிநந்தனங் அபிவதனங் அஜ்ஜேஸானங் காஹங்
பராமாஸங் அபிநிவேஸங் பஜஹதி வினோதேதி ப்யந்தீகரோதி
அனபாவங் கமேதி. அஜ்ஜத்தங் ஸமுத்யதம்மானுபஸ்ஸீ வேதனாஸு
வேதனானுபஸ்ஸீ [இதங் பதங் நத்தி ஸ்யா. பொத்தகே](#) விஹரந்தோ
வேதனங் நாபிநந்ததி நாபிவத்தி ந அஜ்ஜேஸேதி, அபிநந்தனங்
அபிவதனங் அஜ்ஜேஸானங் காஹங் பராமாஸங் அபிநிவேஸங்
பஜஹதி வினோதேதி ப்யந்தீகரோதி அனபாவங் கமேதி; அஜ்ஜத்தங்
வயதம்மானுபஸ்ஸீ வேதனாஸு வேதனானுபஸ்ஸீ விஹரந்தோ...பே...
அஜ்ஜத்தங் ஸமுத்யவயதம்மானுபஸ்ஸீ வேதனாஸு வேதனானுபஸ்ஸீ
விஹரந்தோ...பே... பஹித்தா ஸமுத்யதம்மானுபஸ்ஸீ வேதனாஸு

வேத³னானுபஸ்ஸ் விஹரந்தோ வேத³னங் நாபி⁴னந்த³தி நாபி⁴வத³தி ந
அஜ்ஜோ²ஸேதி, அபி⁴னந்த³னங் அபி⁴வத³னங் அஜ்ஜோ²ஸானங் கா³ஹங்
பராமாஸங் அபி⁴னிவேஸங் பஜஹதி வினோதே³தி ப்யந்தீகரோதி
அனபா⁴வங் க³மேதி; ப³ஹித்³தா⁴ வயத⁴ம்மானுபஸ்ஸ் வேத³னாஸு
வேத³னானுபஸ்ஸ் விஹரந்தோ...பே... ப³ஹித்³தா⁴
ஸமுத்யவயத⁴ம்மானுபஸ்ஸ் வேத³னாஸு வேத³னானுபஸ்ஸ் விஹரந்தோ...
பே... அஜ்ஜ²த்தப³ஹித்³தா⁴ ஸமுத்யத⁴ம்மானுபஸ்ஸ் வேத³னாஸு
வேத³னானுபஸ்ஸ் விஹரந்தோ...பே... அஜ்ஜ²த்தப³ஹித்³தா⁴
வயத⁴ம்மானுபஸ்ஸ் வேத³னாஸு வேத³னானுபஸ்ஸ் விஹரந்தோ...பே...
அஜ்ஜ²த்தப³ஹித்³தா⁴ ஸமுத்யவயத⁴ம்மானுபஸ்ஸ் வேத³னாஸு
வேத³னானுபஸ்ஸ் விஹரந்தோ வேத³னங் நாபி⁴னந்த³தி நாபி⁴வத³தி ந
அஜ்ஜோ²ஸேதி, அபி⁴னந்த³னங் அபி⁴வத³னங் அஜ்ஜோ²ஸானங் கா³ஹங்
பராமாஸங் அபி⁴னிவேஸங் பஜஹதி வினோதே³தி ப்யந்தீகரோதி
அனபா⁴வங் க³மேதி. இமேஹி த்³வாத³ஸஹி ஆகாரேஹி வேத³னாஸு
வேத³னானுபஸ்ஸ் விஹரந்தோ...பே... அனபா⁴வங் க³மேதி.

அத² வா, வேத³னங் அனிச்சதோ பஸ்ஸந்தோ வேத³னங் நாபி⁴னந்த³தி
நாபி⁴வத³தி ந அஜ்ஜோ²ஸேதி, அபி⁴னந்த³னங் அபி⁴வத³னங்
அஜ்ஜோ²ஸானங் கா³ஹங் பராமாஸங் அபி⁴னிவேஸங் பஜஹதி வினோதே³தி
ப்யந்தீகரோதி அனபா⁴வங் க³மேதி. வேத³னங் து³க்க²தோ ரோக²தோ
க³ண்ட³தோ ஸல்லதோ அக⁴தோ ஆபாத⁴தோ...பே... நிஸ்ஸரணதோ
பஸ்ஸந்தோ வேத³னங் நாபி⁴னந்த³தி நாபி⁴வத³தி ந அஜ்ஜோ²ஸேதி,
அபி⁴னந்த³னங் அபி⁴வத³னங் அஜ்ஜோ²ஸானங் கா³ஹங் பராமாஸங்
அபி⁴னிவேஸங் பஜஹதி வினோதே³தி ப்யந்தீகரோதி அனபா⁴வங் க³மேதி.
இமேஹி சத்தாலீஸாய [\[த்³வாசத்தாளீஸாய \(ஸ்யா.\)\]](#) ஆகாரேஹி வேத³னாஸு
வேத³னானுபஸ்ஸ் விஹரந்தோ வேத³னங் நாபி⁴னந்த³தி நாபி⁴வத³தி ந
அஜ்ஜோ²ஸேதி, அபி⁴னந்த³னங் அபி⁴வத³னங் அஜ்ஜோ²ஸானங் கா³ஹங்
பராமாஸங் அபி⁴னிவேஸங் பஜஹதி வினோதே³தி ப்யந்தீகரோதி
அனபா⁴வங் க³மேதீதி - அஜ்ஜ²த்தஞ்ச ப³ஹித்³தா⁴ ச வேத³னங்
நாபி⁴னந்த³தோ.

ஏவங் ஸதஸ்ஸ சரதோதி ஏவங் ஸதஸ்ஸ ஸம்பஜானஸ்ஸ சரதோ
விஹரதோ இரியதோ வத்தயதோ பாலயதோ யபயதோ யாபயதோதி - ஏவங்
ஸதஸ்ஸ சரதோ.

விஞ்ஞாணங் உபருஜ்ஜ²தீதி புஞ்ஞாபி⁴ஸங்கா²ரஸஹக³தங் விஞ்ஞாணங்
அபுஞ்ஞாபி⁴ஸங்கா²ரஸஹக³தங் விஞ்ஞாணங்
ஆனேஞ்ஜாபி⁴ஸங்கா²ரஸஹக³தங் விஞ்ஞாணங் நிருஜ்ஜ²தி வுபஸம்மதி

அத்த²ங் க³ச்ச²தி படிப்பஸ்ஸம்ப⁴தீதி - விஞ்ஞாணங் உபருஜ்ஜ²தீ. தேனாஹ
ப⁴க³வா -

“அஜ்ஜ²த்தஞ்ச ப³ஹித்³தா⁴ ச, வேத³னங் நாபி⁴னந்த³தோ;
ஏவங் ஸதஸ்ஸ சரதோ, விஞ்ஞாணங் உபருஜ்ஜ²தீ”தி.

ஸஹ கா³தா²பரியோஸானா...பே... ஸத்தா² மே, ப⁴ந்தே ப⁴க³வா,
ஸாவகோஹமஸ்மீதி.

உத³யமாணவபுச்சா²னித்³தே³ஸோ தேரஸமோ.

14. போஸாலமாணவபுச்சா²னித்³தே³ஸோ

81. யோ அதீதங் ஆதி³ஸதி, [இச்சாயஸ்மா போஸாலோ]
அனேஜோ சி²ன்னஸங்ஸயோ;
பாரகு³ங் [பாரக³ (ஸ்யா. க.)] ஸப்³ப³த⁴ம்மானங், அத்தி² பஞ்ஹேன
ஆக³மங்.

யோ அதீதங் ஆதி³ஸதீதி. யோதி யோ ஸோ ப⁴க³வா ஸயம்பு⁴.
அனாசரியகோ புப்³பே³ அனநுஸ்ஸுதேஸு த⁴ம்மேஸு ஸாமங் ஸச்சானி
அபி⁴ஸம்புஜ்ஜி², தத்த² ச ஸப்³ப³ஞ்ஞுதங் பத்தோ, ப³லேஸு ச வஸீபா⁴வங்.
அதீதங் ஆதி³ஸதீதி ப⁴க³வா அத்தனோ ச பரேஸஞ்ச அதீதம்பி ஆதி³ஸதி,
அனாக³தம்பி ஆதி³ஸதி, பச்சப்பன்னம்பி ஆதி³ஸதி.

கத²ங் ப⁴க³வா அத்தனோ அதீதங் ஆதி³ஸதி? ப⁴க³வா அத்தனோ அதீதங்
ஏகம்பி ஜாதிங் ஆதி³ஸதி, த்வேபி ஜாதியோ ஆதி³ஸதி, திஸ்ஸோபி ஜாதியோ
ஆதி³ஸதி, சதஸ்ஸோபி ஜாதியோ ஆதி³ஸதி, பஞ்சபி ஜாதியோ ஆதி³ஸதி,
தஸ்பி ஜாதியோ ஆதி³ஸதி, வீஸம்பி ஜாதியோ ஆதி³ஸதி, திங்ஸம்பி
ஜாதியோ ஆதி³ஸதி, சத்தாலீஸம்பி ஜாதியோ ஆதி³ஸதி , பஞ்ஞாஸம்பி
ஜாதியோ ஆதி³ஸதி, ஜாதிஸதம்பி...பே... ஜாதிஸஹஸ்ஸம்பி...
ஜாதிஸதஸஹஸ்ஸம்பி... அனேகேபி ஸங்வட்டகப்பே... அனேகேபி
விவட்டகப்பே... அனேகேபி ஸங்வட்டவிவட்டகப்பே ஆதி³ஸதி - “அமுத்ராஸிங்
ஏவங்னாமோ ஏவங்கொத்தோ ஏவங்வண்ணோ ஏவமாஹாரோ
ஏவங்ஸுக²து³க்க²ப்படிஸங்வேதீ³ ஏவமாயுபரியந்தோ, ஸோ ததோ சுதோ
அமுத்ர உத³பாதி³ங்; தத்ராபாஸிங் ஏவங்னாமோ ஏவங்கொத்தோ
ஏவங்வண்ணோ ஏவமாஹாரோ ஏவங்ஸுக²து³க்க²ப்படிஸங்வேதீ³
ஏவமாயுபரியந்தோ, ஸோ ததோ சுதோ இது⁴பபன்னோ”தி. இதி ஸாகாரங்
ஸஉத்³தே³ஸங் அனேகவிஹிதங் புப்³பே³னிவாஸங் ஆதி³ஸதி. ஏவங் ப⁴க³வா
அத்தனோ அதீதங் ஆதி³ஸதி.

கத²ங் ப⁴க³வா பரேஸங் அதீதங் ஆதி³ஸதி? ப⁴க³வா பரேஸங் அதீதங் ஏகம்பி ஜாதிங் ஆதி³ஸதி, த்³வேபி ஜாதியோ ஆதி³ஸதி...பே... அனேகேபி ஸங்வட்டவிவட்டகப்பே ஆதி³ஸதி - “அமுத்ராஸி ஏவங்னாமோ ஏவங்கொத்தோ ஏவங்வண்ணோ ஏவமாஹாரோ ஏவங்ஸுக²து³க்க²ப்படிஸங்வேதீ³ ஏவமாயுபரியந்தோ, ஸோ ததோ சுதோ அமுத்ர உத³பாதி³; தத்ராபாஸி ஏவங்னாமோ ஏவங்கொத்தோ ஏவங்வண்ணோ ஏவமாஹாரோ ஏவங்ஸுக²து³க்க²ப்படிஸங்வேதீ³ ஏவமாயுபரியந்தோ, ஸோ ததோ சுதோ இது⁴பபன்னோ”தி. இதி ஸாகாரங் ஸஉத்³தே³ஸங் அனேகவிஹிதங் புப்³பே³னிவாஸங் ஆதி³ஸதி. ஏவங் ப⁴க³வா பரேஸங் அதீதங் ஆதி³ஸதி.

ப⁴க³வா பஞ்ச ஜாதகஸதானி பா⁴ஸந்தோ அத்தனோ ச பரேஸஞ்ச அதீதங் ஆதி³ஸதி, மஹாபதா³னியஸுத்தந்தங் [மஹாத⁴னியஸுத்தங் (ஸ்யா.)] பா⁴ஸந்தோ அத்தனோ ச பரேஸஞ்ச அதீதங் ஆதி³ஸதி, மஹாஸுத³ஸ்ஸனியஸுத்தந்தங் பா⁴ஸந்தோ அத்தனோ ச பரேஸஞ்ச அதீதங் ஆதி³ஸதி, மஹாகோ³விந்தி³யஸுத்தந்தங் பா⁴ஸந்தோ அத்தனோ ச பரேஸஞ்ச அதீதங் ஆதி³ஸதி, மக⁴தே³வியஸுத்தந்தங் பா⁴ஸந்தோ அத்தனோ ச பரேஸஞ்ச அதீதங் ஆதி³ஸதி.

வுத்தஞ்ஹேதங் ப⁴க³வதா - “அதீதங் கோ², சுந்த³, அத்³தா⁴னங் ஆரப்³ப⁴ ததா²க³தஸ்ஸ ஸதானுஸாரிஞாணங் [ஸதானுஸ்ஸரியஞாணங் (க.) பஸ்ஸ தீ³. நி. 3.187] ஹோதி. ஸோ யாவதகங் ஆகங்க²தி தாவதகங் அனுஸ்ஸரதி. அனாக³தஞ்ச கோ², சுந்த³...பே... பச்சுப்பன்னஞ்ச கோ², சுந்த³, அத்³தா⁴னங் ஆரப்³ப⁴ ததா²க³தஸ்ஸ போ³தி⁴ஜங் ஞாணங் உப்பஜ்ஜதி - ‘அயமந்திமா ஜாதி, நத்தி²தா³னி புனப்³ப⁴வோ””தி.

இந்த்³ரியபரோபரியத்தஞாணங் [இந்த்³ரியபரோபரியத்திஞாணங் (க.) அட்ட²கதா² ஒலோகேதப்³பா³] ததா²க³தஸ்ஸ ததா²க³தப³லங், ஸத்தானங் ஆஸயானுஸயஞாணங் ததா²க³தஸ்ஸ ததா²க³தப³லங், யமகபாடிஹீரே ஞாணங் [யமகபாடிஹிரியஞாணங் (ஸ்யா.)] ததா²க³தஸ்ஸ ததா²க³தப³லங், மஹாகருணாஸமாபத்தியா ஞாணங் ததா²க³தஸ்ஸ ததா²க³தப³லங், ஸப்³புஞ்ஞுதஞாணங் ததா²க³தஸ்ஸ ததா²க³தப³லங், அனாவரணஞாணங் ததா²க³தஸ்ஸ ததா²க³தப³லங், ஸப்³புத்த² அஸங்க³மப்படிஹதமனாவரணஞாணங் ததா²க³தஸ்ஸ ததா²க³தப³லங். ஏவங் ப⁴க³வா அத்தனோ ச பரேஸஞ்ச அதீதம்பி ஆதி³ஸதி அனாக³தம்பி ஆதி³ஸதி பச்சுப்பன்னம்பி ஆதி³ஸதி ஆசிக்க²தி தே³ஸேதி பஞ்ஞபேதி பட்ட²பேதி விவரதி விப⁴ஜதி உத்தானீகரோதி பகாஸேதீதி - யோ அதீதங் ஆதி³ஸதி.

இச்சாயஸ்மா போஸாலோதி. இச்சாதி பதஸந்தி⁴...பே... ஆயஸ்மாதி
பியவசனங்...பே... போஸாலோதி தஸ்ஸ ப்ராஹ்மணஸ்ஸ நாமங்...பே...
அபி⁴லாபோதி - இச்சாயஸ்மா போஸாலோ.

அனேஜோ சி²ன்னஸங்ஸயோதி ஏஜா வச்சதி தண்ஹா. யோ ராகோ³
ஸாராகோ³...பே... அபி⁴ஜ்ஜா² லோபோ⁴ அகுஸலமூலங். ஸா ஏஜா தண்ஹா
பு³த⁴ஸ்ஸ ப⁴க³வதோ பஹீனா உச்சி²ன்னமூலா தாலாவத்து²கதா
அனபா⁴வங்கதா ஆயதிங் அனுப்பாத³த⁴ம்மா. தஸ்மா பு³த⁴தோ⁴ அனேஜோ.
ஏஜாய பஹீனத்தா அனேஜோ. ப⁴க³வா லாபோ⁴பி ந இஞ்ஜதி...பே... து³க்கே²பி ந
இஞ்ஜதி ந சலதி ந வேத⁴தி நப்பவேத⁴தி ந ஸம்பவேத⁴தீதி அனேஜோ.
சி²ன்னஸங்ஸயோதி ஸங்ஸயோ வச்சதி விசிகிச்சா². து³க்கே² கங்கா²...பே...
ச²ம்பி⁴தத்தங் சித்தஸ்ஸ மனோவிலேகோ². ஸோ ஸங்ஸயோ பு³த⁴ஸ்ஸ
ப⁴க³வதோ பஹீனோ சி²ன்னோ உச்சி²ன்னோ ஸமுச்சி²ன்னோ லுபஸந்தோ
படினிஸ்ஸக்³கோ³ படிப்பஸ்ஸத்³தோ⁴ அப⁴பு³பு³பத்திகோ ஞாணக்³கி³னா
த³ட்³டோ⁴. தஸ்மா பு³த⁴தோ⁴ சி²ன்னஸங்ஸயோதி - அனேஜோ
சி²ன்னஸங்ஸயோ.

பாரகு³ங் ஸப்³பு³த⁴ம்மானந்தி ப⁴க³வா ஸப்³பு³த⁴ம்மானங்
அபி⁴ஞ்ஞாபாரசு³ பரிஞ்ஞாபாரசு³ பஹானபாரசு³ பா⁴வனாபாரசு³
ஸச்சிகிரியாபாரசு³ ஸமாபத்திபாரசு³ அபி⁴ஞ்ஞாபாரசு³ ஸப்³பு³த⁴ம்மானங்...
பே... ஜாதிமரணஸங்ஸாரோ நத்தி² தஸ்ஸ புனப்³ப⁴வோதி - பாரசு³
ஸப்³பு³த⁴ம்மானங்.

அத்தி² பஞ்ஹேன ஆக³மந்தி பஞ்ஹேன அத்தி²கோ ஆக³தொம்ஹி...பே...
“வஹஸ்ஸேதங் பா⁴ர”ந்தி - அத்தி² பஞ்ஹேன ஆக³மங். தேனாஹ ஸோ
ப்ராஹ்மணோ -

“யோ அதீதங் ஆதி³ஸதி, [இச்சாயஸ்மா போஸாலோ]
அனேஜோ சி²ன்னஸங்ஸயோ;
பாரகு³ங் ஸப்³பு³த⁴ம்மானங், அத்தி² பஞ்ஹேன ஆக³ம”ந்தி.

82. விபு⁴தருபஸஞ்ஞிஸ்ஸ, ஸப்³பு³காயப்பஹாயினோ;
அஜ்ஜ²த்தஞ்ச ப³ஹித்³தா⁴ ச, நத்தி² கிஞ்சீதி பஸ்ஸதோ;
ஞாணங் ஸக்கானுபுச்சா²மி, கத²ங் நெய்யோ ததா²விதோ⁴.

விபு⁴தருபஸஞ்ஞிஸ்ஸாதி கதமா ரூபஸஞ்ஞா? ரூபாவசரஸமாபத்திங்
ஸமாபன்னஸ்ஸ வா உபபன்னஸ்ஸ வா தி³ட்ட²த⁴ம்மஸு²க³விஹாரிஸ்ஸ
வா ஸஞ்ஞா ஸஞ்ஜானநா ஸஞ்ஜானிதத்தங் - அயங் ரூபஸஞ்ஞா.
விபு⁴தருபஸஞ்ஞிஸ்ஸாதி சதஸ்ஸோ அரூபஸமாபத்தியோ

படிஸத்த⁴ஸ்ஸ [லாபி⁴ஸ்ஸ (ஸ்யா.)] ரூபஸஞ்ஞா விபு⁴தா ஹோந்தி
விக³தா அதிகந்தா ஸமதிக்கந்தா வீதிவத்தாதி - விபு⁴தரூபஸஞ்ஞிஸ்ஸ.

ஸப்³பகாயப்பஹாயினோதி ஸப்³போ³ தஸ்ஸ படிஸந்தி⁴கோ ரூபகாயோ
பஹீனோ, தத³ங்க³ஸமதிக்கமா விக்³ம்ப⁴னப்பஹானேன பஹீனோ தஸ்ஸ
ரூபகாயோதி - ஸப்³பகாயப்பஹாயினோ.

அஜ்ஜத்தஞ்ச ப³ஹித்தா⁴ ச, நத்தி² கிஞ்சீதி பஸ்ஸதோதி. நத்தி² கிஞ்சீதி
ஆகிஞ்சஞ்ஞாயதனஸமாபத்தி. கிங்காரணா? நத்தி² கிஞ்சீதி
ஆகிஞ்சஞ்ஞாயதனஸமாபத்தி. யங் விஞ்ஞாணஞ்சாயதனஸமாபத்திங் ஸதோ
ஸமாபஜ்ஜித்வா ததோ வுட்ட²ஹித்வா தஞ்ஞேவ விஞ்ஞாணங் அபா⁴வேதி,
விபா⁴வேதி, அந்தரதா⁴பேதி, “நத்தி² கிஞ்சீ”தி பஸ்ஸதி - தங்காரணா நத்தி²
கிஞ்சீதி ஆகிஞ்சஞ்ஞாயதனஸமாபத்தீதி - அஜ்ஜத்தஞ்ச ப³ஹித்தா⁴ ச நத்தி²
கிஞ்சீதி பஸ்ஸதோ.

ஞாணங் ஸக்கானுபுச்சா²மீதி. ஸக்காதி - ஸக்கோ. ப⁴க³வா ஸக்யகுலா
பப்³பஜிதோதிபி ஸக்கோ ...பே... பஹீனப⁴யபே⁴ரவோ
விக³தலோமஹங்ஸோதிபி ஸக்கோ. ஞாணங் ஸக்கானுபுச்சா²மீதி தஸ்ஸ
ஞாணங் புச்சா²மி, பஞ்ஞங் புச்சா²மி, ஸம்புத்த³த⁴ங் புச்சா²மி. “கீதி³ஸங்
கிங்ஸண்டி²தங் கிங்பகாரங் கிங்படிபா⁴க³ங் ஞாணங் இச்சி²தப்³ப³ந்தி - ஞாணங்
ஸக்கானுபுச்சா²மி.

கத²ங் நெய்யோ ததா²விதோ⁴தி கத²ங் ஸோ நேதப்³போ³ வினேதப்³போ³
அனுனேதப்³போ³ பஞ்ஞபேதப்³போ³ நிஜ்ஜா²பேதப்³போ³ பெக்கே²தப்³போ³
பஸாதே³தப்³போ³? கத²ங் தேன [கத²மஸ்ஸ (ஸ்யா.)] உத்தரி ஞாணங்
உப்பாதே³தப்³போ³ங்? ததா²விதோ⁴தி ததா²விதோ⁴ தாதி³ஸோ தஸ்ஸண்டி²தோ
தப்பகாரோ தப்படிபா⁴கோ³ யோ ஸோ ஆகிஞ்சஞ்ஞாயதனஸமாபத்திலாபீ⁴தி -
கத²ங் நெய்யோ ததா²விதோ⁴. தேனாஹ ஸோ ப்³ராஹ்மணோ -

“விபு⁴தரூபஸஞ்ஞிஸ்ஸ, ஸப்³பகாயப்பஹாயினோ;
அஜ்ஜத்தஞ்ச ப³ஹித்தா⁴ ச, நத்தி² கிஞ்சீதி பஸ்ஸதோ;
ஞாணங் ஸக்கானுபுச்சா²மி, கத²ங் நெய்யோ ததா²விதோ⁴”தி.

83. விஞ்ஞாணட்டி²தியோ ஸப்³பா³, [போஸாலாதி ப⁴க³வா]
அபி⁴ஜானங் ததா²க³தோ;
திட்ட²ந்தமேனங் ஜானாதி, தி⁴முத்தங் தப்பராயணங்;

விஞ்ஞாணட்டி²தியோ ஸப்³பா³தி ப⁴க³வா அபி⁴ஸங்கா²ரவஸேன
சதஸ்ஸோ விஞ்ஞாணட்டி²தியோ ஜானாதி, படிஸந்தி⁴வஸேன ஸத்த
விஞ்ஞாணட்டி²தியோ ஜானாதி. கத²ங் ப⁴க³வா அபி⁴ஸங்கா²ரவஸேன

சதஸ்ஸோ விஞ்ஞாணட்டி²தியோ ஜானாதி? வுத்தஞ்ஹேதங் ப⁴க³வதா - “ரூபபயங் [ரூபபாயங் (ஸ்யா. க.) பஸ்ஸ ஸங். நி. 3.53] வா, பி⁴க்க²வே, விஞ்ஞாணங் திட்ட²மானங் திட்டெ²ய்ய [திட்ட²தி (ஸ்யா. க.)], ரூபாரம்மணங் ரூபப்பதிட்ட²ங் நந்தூ³பஸேசனங் வுத்தி⁴ங் விருள்ஹிங் வேபுல்லங் ஆபஜ்ஜெய்ய. வேத³னுபயங் வா, பி⁴க்க²வே...பே... ஸஞ்ஞபயங் வா, பி⁴க்க²வே...பே... ஸங்கா²ரூபயங் வா, பி⁴க்க²வே, விஞ்ஞாணங் திட்ட²மானங் திட்டெ²ய்ய, ஸங்கா²ராரம்மணங் ஸங்கா²ரப்பதிட்ட²ங் நந்தூ³பஸேசனங் வுத்தி⁴ங் விருள்ஹிங் வேபுல்லங் ஆபஜ்ஜெய்யா”தி. ஏவங் ப⁴க³வா அபி⁴ஸங்கா²ரவஸேன சதஸ்ஸோ விஞ்ஞாணட்டி²தியோ ஜானாதி.

கத²ங் ப⁴க³வா படிஸந்தி⁴வஸேன ஸத்த விஞ்ஞாணட்டி²தியோ ஜானாதி? வுத்தஞ்ஹேதங் ப⁴க³வதா - “ஸந்தி, பி⁴க்க²வே, ஸத்தா நானத்தகாயா நானத்தஸஞ்ஞினோ - ஸெய்யதா²பி மனுஸ்ஸா ஏகச்சே ச தே³வா ஏகச்சே ச வினிபாதிகா. அயங் பட²மா விஞ்ஞாணட்டி²தி.

“ஸந்தி , பி⁴க்க²வே, ஸத்தா நானத்தகாயா ஏகத்தஸஞ்ஞினோ, ஸெய்யதா²பி தே³வா ப்ரஹ்மகாயிகா பட²மாபி⁴னிப்³பத்தா. அயங் து³தியா விஞ்ஞாணட்டி²தி.

“ஸந்தி, பி⁴க்க²வே, ஸத்தா ஏகத்தகாயா நானத்தஸஞ்ஞினோ, ஸெய்யதா²பி தே³வா ஆப⁴ஸ்ஸரா. அயங் ததியா விஞ்ஞாணட்டி²தி.

“ஸந்தி , பி⁴க்க²வே, ஸத்தா ஏகத்தகாயா ஏகத்தஸஞ்ஞினோ, ஸெய்யதா²பி தே³வா ஸுப⁴கிணஹா. அயங் சதுத்தீ² [சதுத்தா² (ஸ்யா.) பஸ்ஸ அ. நி. 7.44] விஞ்ஞாணட்டி²தி.

“ஸந்தி, பி⁴க்க²வே, ஸத்தா ஸப்³பஸோ ரூபஸஞ்ஞானங் ஸமதிக்கமா படிக⁴ஸஞ்ஞானங் அத்த²ங்க³மா நானத்தஸஞ்ஞானங் அமனஸிகாரா, அனந்தோ ஆகாஸோதி ஆகாஸானஞ்சாயதனுபகா³. அயங் பஞ்சமீ [பஞ்சமா (ஸ்யா.)] விஞ்ஞாணட்டி²தி.

“ஸந்தி, பி⁴க்க²வே, ஸத்தா ஸப்³பஸோ ஆகாஸானஞ்சாயதனங் ஸமதிக்கம்ம, அனந்தங் விஞ்ஞாணந்தி விஞ்ஞாணஞ்சாயதனுபகா³. அயங் ச²ட்டி² [ச²ட்டோ² (ஸ்யா.)] விஞ்ஞாணட்டி²தி.

“ஸந்தி, பி⁴க்க²வே, ஸத்தா ஸப்³பஸோ விஞ்ஞாணஞ்சாயதனங் ஸமதிக்கம்ம, நத்தி² கிஞ்சீதி ஆகிஞ்சஞ்ஞாயதனுபகா³. அயங் ஸத்தமீ [ஸத்தமா (ஸ்யா.)] விஞ்ஞாணட்டி²தி”. ஏவங் ப⁴க³வா படிஸந்தி⁴வஸேன ஸத்த விஞ்ஞாணட்டி²தியோ ஜானாதீதி - விஞ்ஞாணட்டி²தியோ ஸப்³பா³.

போஸாலாதி ப்⁴க³வாதி. போஸாலாதி ப்⁴க³வா தங் ப்³ராஹ்மணங்
நாமேன ஆலபதி. ப்⁴க³வாதி கா³ரவாதி⁴வசனமேதங்...பே... ஸச்சி²கா
பஞ்ஞத்தி, யதி³த³ங் ப்⁴க³வாதி - போஸாலாதி ப்⁴க³வா.

அபி⁴ஜானங் ததா²க³தோதி. அபி⁴ஜானந்தி அபி⁴ஜானந்தோ
விஜானந்தோ படிவிஜானந்தோ படிவிஜ்ஜந்தோ ததா²க³தோ. வுத்தஞ்ஹேதங்
ப்⁴க³வதா - “அதீதங் சேபி கோ², சுந்த³, ஹோதி அபு⁴தங் அதச்ச²ங்
அனத்த²ஸஞ்ஹிதங், ந தங் ததா²க³தோ ப்³யாகரோதி. அதீதங் சேபி, சுந்த³,
ஹோதி பூ⁴தங் தச்ச²ங் அனத்த²ஸஞ்ஹிதங், தம்பி ததா²க³தோ ந ப்³யாகரோதி.
அதீதங் சேபி கோ², சுந்த³, ஹோதி பூ⁴தங் தச்ச²ங் அத்த²ஸஞ்ஹிதங், தத்ர
காலஞ்ஞா ததா²க³தோ ஹோதி தஸ்ஸேவ பஞ்ஹஸ்ஸ வெய்யாகரணாய.
அனாக³தங் சேபி, சுந்த³, ஹோதி...பே... பச்சப்பன்னங் சேபி, சுந்த³, ஹோதி
அபு⁴தங் அதச்ச²ங் அனத்த²ஸஞ்ஹிதங், ந தங் ததா²க³தோ ப்³யாகரோதி.
பச்சப்பன்னங் சேபி, சுந்த³, ஹோதி பூ⁴தங் தச்ச²ங் அனத்த²ஸஞ்ஹிதங், தம்பி
ததா²க³தோ ந ப்³யாகரோதி. பச்சப்பன்னங் சேபி, சுந்த³, ஹோதி பூ⁴தங் தச்ச²ங்
அத்த²ஸஞ்ஹிதங், தத்ர காலஞ்ஞா ததா²க³தோ ஹோதி தஸ்ஸ பஞ்ஹஸ்ஸ
வெய்யாகரணாய. இதி கோ², சுந்த³, அதீதானாக³தபச்சப்பன்னேஸு த⁴ம்மேஸு
ததா²க³தோ காலவாதீ³ பூ⁴தவாதீ³ அத்த²வாதீ³ த⁴ம்மவாதீ³ வினயவாதீ³.
தஸ்மா ததா²க³தோதி வுச்சதி.

“யங் கோ², சுந்த³, ஸதே³வகஸ்ஸ லோகஸ்ஸ ஸமாரகஸ்ஸ
ஸப்³ரஹ்மகஸ்ஸ ஸஸ்ஸமணப்³ராஹ்மணியா பஜாய ஸதே³வமனுஸ்ஸாய
திட்ட²ங் ஸுதங் முதங் விஞ்ஞாதங் பத்தங் பரியேஸிதங் அனுவிசரிதங்
மனஸா , ஸப்³பங் தங் ததா²க³தேன அபி⁴ஸம்புத்த⁴ங். தஸ்மா
ததா²க³தோதி வுச்சதி. யஞ்ச, சுந்த³, ரத்திங் ததா²க³தோ அனுத்தரங்
ஸம்மாஸம்போதி⁴ங் அபி⁴ஸம்புஜ்ஜதி, யஞ்ச ரத்திங் அனுபாதி³ஸேஸாய
நிப்பா³னதா⁴துயா பரினிப்பா³யதி, யங் ஏதஸ்மிங் அந்தரே பா⁴ஸதி லபதி
நித்தி³ஸதி ஸப்³பங் தங் ததே²வ ஹோதி நோ அஞ்ஞதா². தஸ்மா
ததா²க³தோதி வுச்சதி. யதா²வாதீ³, சுந்த³, ததா²க³தோ ததா²காரீ; யதா²காரீ
ததா²வாதீ³. இதி யதா²வாதீ³ ததா²காரீ, யதா²காரீ ததா²வாதீ³. தஸ்மா
ததா²க³தோதி வுச்சதி. ஸதே³வகே, சுந்த³, லோகே ஸமாரகே ஸப்³ரஹ்மகே
ஸஸ்ஸமணப்³ராஹ்மணியா பஜாய ஸதே³வமனுஸ்ஸாய ததா²க³தோ
அபி⁴பூ⁴ அனபி⁴பூ⁴தோ அஞ்ஞத³த்து³த³ஸோ வஸவத்தீ. தஸ்மா
ததா²க³தோதி வுச்சதி”தி - அபி⁴ஜானங் ததா²க³தோ.

திட்ட²ந்தமேனங் ஜானாதீதி ப்⁴க³வா இத⁴த்த²ஞ்ஞேவ [இத⁴ட்ட²ஞ்ஞேவ
(ஸ்யா.)] ஜானாதி கம்மாபி⁴ஸங்கா²ரவஸேன - “அயங் புக³க³லோ காயஸ்ஸ
பே⁴தா³ பரங் மரணா அபாயங் து³க்க³திங் வினிபாதங் நிரயங்
உபபஜ்ஜிஸ்ஸதி”தி. ப்⁴க³வா இத⁴த்த²ஞ்ஞேவ ஜானாதி

கம்மாபி⁴ஸங்கா²ரவஸேன - “அயங் புக்³க³லோ காயஸ்ஸ பே⁴தா³ பரங் மரணா திரச்சா²னயோனிங் உபபஜ்ஜிஸ்ஸதீ”தி. ப⁴க³வா இத⁴த்த²ஞ்ஞேவ ஜானாதி கம்மாபி⁴ஸங்கா²ரவஸேன - “அயங் புக்³க³லோ காயஸ்ஸ பே⁴தா³ பரங் மரணா பெத்திவிஸயங் உபபஜ்ஜிஸ்ஸதீ”தி. ப⁴க³வா இத⁴த்த²ஞ்ஞேவ ஜானாதி கம்மாபி⁴ஸங்கா²ரவஸேன - “அயங் புக்³க³லோ காயஸ்ஸ பே⁴தா³ பரங் மரணா மனுஸ்ஸேஸு உபபஜ்ஜிஸ்ஸதீ”தி. ப⁴க³வா இத⁴த்த²ஞ்ஞேவ ஜானாதி கம்மாபி⁴ஸங்கா²ரவஸேன - “அயங் புக்³க³லோ ஸுப்படிபன்னோ காயஸ்ஸ பே⁴தா³ பரங் மரணா ஸுக்திங் ஸக்³க³ங் லோகங் உபபஜ்ஜிஸ்ஸதீ”தி.

வுத்தஞ்ஞேதங் ப⁴க³வதா - “இத⁴ பனாஹங், ஸாரிபுத்த, ஏகச்சங் புக்³க³லங் ஏவங் சேதஸா சேதோ பரிச்ச பஜானாமி - ‘ததா²யங் புக்³க³லோ படிபன்னோ, ததா² ச இரியதி, தஞ்ச மக்³க³ங் ஸமாருள்ளேஹா, யதா² காயஸ்ஸ பே⁴தா³ பரங் மரணா அபாயங் து³க்³க³திங் வினிபாதங் நிரயங் உபபஜ்ஜிஸ்ஸதீ”தி.

“இத⁴ பனாஹங், ஸாரிபுத்த, ஏகச்சங் புக்³க³லங் ஏவங் சேதஸா சேதோ பரிச்ச பஜானாமி - ‘ததா²யங் புக்³க³லோ படிபன்னோ ததா² ச இரியதி தஞ்ச மக்³க³ங் ஸமாருள்ளேஹா, யதா² காயஸ்ஸ பே⁴தா³ பரங் மரணா திரச்சா²னயோனிங் உபபஜ்ஜிஸ்ஸதீ”தி.

“இத⁴ பனாஹங், ஸாரிபுத்த, ஏகச்சங் புக்³க³லங் ஏவங் சேதஸா சேதோ பரிச்ச பஜானாமி - ‘ததா²யங் புக்³க³லோ படிபன்னோ ததா² ச இரியதி தஞ்ச மக்³க³ங் ஸமாருள்ளேஹா, யதா² காயஸ்ஸ பே⁴தா³ பரங் மரணா பெத்திவிஸயங் உபபஜ்ஜிஸ்ஸதீ”தி.

“இத⁴ பனாஹங், ஸாரிபுத்த, ஏகச்சங் புக்³க³லங் ஏவங் சேதஸா சேதோ பரிச்ச பஜானாமி - ‘ததா²யங் புக்³க³லோ படிபன்னோ ததா² ச இரியதி தஞ்ச மக்³க³ங் ஸமாருள்ளேஹா, யதா² காயஸ்ஸ பே⁴தா³ பரங் மரணா மனுஸ்ஸேஸு உபபஜ்ஜிஸ்ஸதீ”தி.

“இத⁴ பனாஹங், ஸாரிபுத்த, ஏகச்சங் புக்³க³லங் ஏவங் சேதஸா சேதோ பரிச்ச பஜானாமி - ‘ததா²யங் புக்³க³லோ படிபன்னோ ததா² ச இரியதி தஞ்ச மக்³க³ங் ஸமாருள்ளேஹா, யதா² காயஸ்ஸ பே⁴தா³ பரங் மரணா ஸுக்திங் ஸக்³க³ங் லோகங் உபபஜ்ஜிஸ்ஸதீ”தி.

“இத⁴ பனாஹங், ஸாரிபுத்த, ஏகச்சங் புக்³க³லங் ஏவங் சேதஸா சேதோ பரிச்ச பஜானாமி - ‘ததா²யங் புக்³க³லோ படிபன்னோ ததா² ச இரியதி தஞ்ச மக்³க³ங் ஸமாருள்ளேஹா, யதா² ஆஸவானங் க²யா அனாஸவங்

சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா
ஸச்சி²கத்வா உபஸம்பஜ்ஜ விஹரதீ³தி - திட்ட²ந்தமேனங் ஜானாதி.

தி⁴முத்தங் தப்பராயணந்தி. தி⁴முத்தந்தி ஆகிஞ்சஞ்ஞாயதனங்.
தி⁴முத்தந்தி விமொக்கேன தி⁴முத்தங் தத்ராதி⁴முத்தங் தத³தி⁴முத்தங்
ததா³தி⁴பதெய்யங். அத² வா, ப⁴க³வா ஜானாதி - “அயங் புக்³க³லோ
ரூபாதி⁴முத்தோ ஸத்³தா³தி⁴முத்தோ க³ந்தா⁴தி⁴முத்தோ ரஸாதி⁴முத்தோ
பொ²ட்ட²ப³பா³தி⁴முத்தோ குலாதி⁴முத்தோ க³ணாதி⁴முத்தோ
ஆவாஸாதி⁴முத்தோ லாபா⁴தி⁴முத்தோ யஸாதி⁴முத்தோ
பஸங்ஸாதி⁴முத்தோ ஸுகா²தி⁴முத்தோ சீவராதி⁴முத்தோ
பிண்ட³பாதாதி⁴முத்தோ ஸேனாஸனாதி⁴முத்தோ
கி³லானபச்சயபே⁴ஸஜ்ஜபரிக்கா²ராதி⁴முத்தோ ஸுத்தந்தாதி⁴முத்தோ
வினயாதி⁴முத்தோ அபி⁴த⁴ம்மாதி⁴முத்தோ ஆரஞ்ஞுகங்கா³தி⁴முத்தோ
பிண்ட³பாதிகங்கா³தி⁴முத்தோ பங்ஸுகூலிகங்கா³தி⁴முத்தோ
தேசீவரிகங்கா³தி⁴முத்தோ ஸபதா³னசாரிகங்கா³தி⁴முத்தோ
க²லுபச்சா²ப⁴த்திகங்கா³தி⁴முத்தோ நேஸஜ்ஜிகங்கா³தி⁴முத்தோ
யதா²ஸந்த²திகங்கா³தி⁴முத்தோ பட²மஜ்ஜா²னாதி⁴முத்தோ
து³தியஜ்ஜா²னாதி⁴முத்தோ ததியஜ்ஜா²னாதி⁴முத்தோ
சதுத்த²ஜ்ஜா²னாதி⁴முத்தோ ஆகாஸானஞ்சாயதனஸமாபத்தாதி⁴முத்தோ
விஞ்ஞாணஞ்சாயதனஸமாபத்தாதி⁴முத்தோ
ஆகிஞ்சஞ்ஞாயதனஸமாபத்தாதி⁴முத்தோ
நேவஸஞ்ஞானாஸஞ்ஞாயதனஸமாபத்தாதி⁴முத்தோ”திதி⁴முத்தங்.

தப்பராயணந்தி ஆகிஞ்சஞ்ஞாயதனமயங் தப்பராயணங் கம்மபராயணங்
விபாகபராயணங் கம்மக³ருகங் படிஸந்தி⁴க³ருகங் . அத² வா, ப⁴க³வா
ஜானாதி - “அயங் புக்³க³லோ ரூபபராயணோ...பே...
நேவஸஞ்ஞானாஸஞ்ஞாயதனஸமாபத்திபராயணோ”தி - தி⁴முத்தங்
தப்பராயணங். தேனாஹ ப⁴க³வா -

“விஞ்ஞாணட்டி²தியோ ஸப்³பா³, [போஸாலாதி ப⁴க³வா]
அபி⁴ஜானங் ததா²க³தோ;
திட்ட²ந்தமேனங் ஜானாதி, தி⁴முத்தங் தப்பராயண”ந்தி.

84. ஆகிஞ்சஞ்ஞாஸம்ப⁴வங் ஞத்வா, நந்தி³ஸங்யோஜனங் இதி;
ஏவமேதங் அபி⁴ஞ்ஞாய, ததோ தத்த² விபஸ்ஸதி;
ஏதங் ஞாணங் தத²ங் தஸ்ஸ, ப்³ராஹ்மணஸ்ஸ வுஸீமதோ.

ஆகிஞ்சஞ்ஞாஸம்ப⁴வங் ஞத்வாதி ஆகிஞ்சஞ்ஞாஸம்ப⁴வோதி வுச்சதி
ஆகிஞ்சஞ்ஞாயதனஸங்வத்தனிகோ கம்மாபி⁴ஸங்கா²ரோ.

ஆகிஞ்சஞ்ஞாயதனஸங்வத்தனிகங் கம்மாபி⁴ஸங்கா²ரங்
ஆகிஞ்சஞ்ஞாஸம்ப⁴வோதி ஞத்வா, லக்³க³னந்தி ஞத்வா, ப³ந்த⁴னந்தி ஞத்வா,
பலிபோ³தோ⁴தி ஞத்வா ஜானித்வா துலயித்வா தீரயித்வா விபா⁴வயித்வா
விபு⁴தங் கத்வாதி - ஆகிஞ்சஞ்ஞாஸம்ப⁴வங் ஞத்வா.

நந்தி³ஸங்யோஜனங் இதீதி நந்தி³ஸங்யோஜனங் வச்சதி அருபராகோ³.
அருபராகே³ன தங் கம்மங் லக்³க³ங் லக்³கி³தங் பலிபு³த்³த⁴ங் அருபராக³ங்
நந்தி³ஸங்யோஜனந்தி ஞத்வா, லக்³க³னந்தி ஞத்வா, ப³ந்த⁴னந்தி ஞத்வா,
பலிபோ³தோ⁴தி ஞத்வா ஜானித்வா துலயித்வா தீரயித்வா விபா⁴வயித்வா
விபு⁴தங் கத்வா. இதீதி பத³ஸந்தி⁴ பத³ஸங்ஸக்³கோ³ பத³பாரிபுரீ
அக்²ரஸமவாயோ ப்யஞ்ஜனஸிலிட்ட²தா பதா³னுபு³ப³தாபேதங் இதீதி -
நந்தி³ஸங்யோஜனங் இதி.

ஏவமேதங் அபி⁴ஞ்ஞாயாதி ஏவங் ஏதங் அபி⁴ஞ்ஞாய ஜானித்வா
துலயித்வா தீரயித்வா விபா⁴வயித்வா விபு⁴தங் கத்வாதி - ஏவமேதங்
அபி⁴ஞ்ஞாய.

ததோ தத்த² விபஸ்ஸதீதி. தத்தா²தி ஆகிஞ்சஞ்ஞாயதனங் ஸமாபஜ்ஜித்வா
ததோ வுட்ட²ஹித்வா தத்த² ஜாதே சித்தசேதஸிகே த⁴ம்மே அனிச்சதோ
விபஸ்ஸதி, து³க்க²தோ விபஸ்ஸதி, ரோக³தோ...பே... நிஸ்ஸரணதோ
விபஸ்ஸதி த³க்க²தி ஓலோகேதி நிஜ்ஜா²யதி உபபரிக்க²தீதி - ததோ தத்த²
விபஸ்ஸதி.

ஏதங் ஞாணங் தத²ங் தஸ்ஸாதி ஏதங் ஞாணங் தச்ச²ங் பூ⁴தங் யாதா²வங்
அவிபரீதங் தஸ்ஸாதி - ஏதங் ஞாணங் தத²ங் தஸ்ஸ.

ப்³ராஹ்மணஸ்ஸ வுஸீமதோதி. ப்³ராஹ்மணோதி ஸத்தன்னங்
த⁴ம்மானங் பா³ஹிதத்தா ப்³ராஹ்மணோ...பே... அஸிதோ தாதி³ பவுச்சதே ஸ
ப்³ராஹ்மாதி. ப்³ராஹ்மணஸ்ஸ வுஸீமதோதி புது²ஜ்ஜனகல்யாணங் உபாதா³ய
ஸத்த ஸெக்கா² அப்பத்தஸ்ஸ பத்தியா அனதி⁴க³தஸ்ஸ அதி⁴க³மாய
அஸச்சி²கதஸ்ஸ ஸச்சி²கிரியாய வஸந்தி ஸங்வஸந்தி ஆவஸந்தி
பரிவஸந்தி; அரஹா வுஸிதவா கதகரணீயோ ஓஹிதபா⁴ரோ
அனுப்பத்தஸத³த்தோ² பரிக்²ணப⁴வஸங்யோஜனோ ஸம்மத³ஞ்ஞா
விமுத்தோ; ஸோ வுத்த²வாஸோ சிண்ணசரணோ...பே... ஜாதிமரணஸங்ஸாரோ;
நத்தி² தஸ்ஸ புனப்³ப⁴வோதி - ப்³ராஹ்மணஸ்ஸ வுஸீமதோ. தேனாஹ
ப⁴க³வா -

“ஆகிஞ்சஞ்ஞாஸம்ப⁴வங் ஞத்வா, நந்தி³ஸங்யோஜனங் இதி;
ஏவமேதங் அபி⁴ஞ்ஞாய, ததோ தத்த² விபஸ்ஸதி;
ஏதங் ஞாணங் தத²ங் தஸ்ஸ, ப்³ராஹ்மணஸ்ஸ வுஸீமதோ”தி.

ஸஹ கா³தா²பரியோஸானா...பே... ஸத்தா² மே, ப்⁴ந்தே ப்⁴க³வா,
ஸாவகோஹமஸ்மீதி.

போஸாலமாணவபுச்சா²னித்³தே³ஸோ சுத்³த³ஸமோ.

15. மோக்⁴ராஜமாணவபுச்சா²னித்³தே³ஸோ

85. த்³வாஹங் ஸக்கங் அபுச்சி²ஸ்ஸங், [இச்சாயஸ்மா மோக்⁴ராஜா]
ந மே ப்³யாகாஸி சக்கு²மா;
யாவததியஞ்ச தே³வீஸி [தே³விஸி (ஸ்யா.)], ப்³யாகரோதீதி மே
ஸுதங்.

த்³வாஹங் ஸக்கங் அபுச்சி²ஸ்ஸந்தி ஸோ ப்³ராஹ்மணோ த்³விக்க²த்துங்
பு³த்³த⁴ங் ப்⁴க³வந்தங் பஞ்ஹங் அபுச்சி². தஸ்ஸ ப்⁴க³வா பஞ்ஹங் புட்⁴டோ²
ந ப்³யாகாஸி - “தத³ந்தரா [சக்கு²ஸமனந்தரா (ஸ்யா.)] இமஸ்ஸ
ப்³ராஹ்மணஸ்ஸ இந்த³ரியபரிபாகோ ப்⁴விஸ்ஸதீ”தி. ஸக்கந்தி ஸக்கோ.
ப்⁴க³வா ஸக்யகுலா பப்³ப³ஜிதோதிபி ஸக்கோ. அத² வா, அட்³டோ⁴
மஹத்³த⁴னோ த⁴னவாதிபி ஸக்கோ. தஸ்ஸிமானி த⁴னானி,
ஸெய்யதி²த³ங் - ஸத்³தா⁴த⁴னங் ஸீலத⁴னங் ஹிரித⁴னங் ஒத்தப்பத⁴னங்
ஸுதத⁴னங் சாக³த⁴னங் பஞ்ஞாத⁴னங் ஸதிபட்டா²னத⁴னங்
ஸம்மப்பதா⁴னத⁴னங் இத்³தி⁴பாத³த⁴னங் இந்த³ரியத⁴னங் ப்³லத⁴னங்
பொ³ஜ்ஜ²ங்க³த⁴னங் மக்³க³த⁴னங் ப்³லத⁴னங் நிப்³பா³னத⁴னங். இமேஹி
அனேகவிதே⁴ஹி த⁴னரதனேஹி அட்³டோ⁴ மஹத்³த⁴னோ த⁴னவாதிபி
ஸக்கோ. அத² வா, ஸக்கோ பஹு விஸவீ அலமத்தோ ஸுரோ வீரோ
விக்கந்தோ அபீ⁴ரு அச்ச²ம்பீ⁴ அனுத்ராஸீ அபலாயீ பஹீனப்⁴யபே⁴ரவோ
விக³தலோமஹங்ஸோதிபி ஸக்கோ. த்³வாஹங் ஸக்கங் அபுச்சி²ஸ்ஸந்தி
த்³வாஹங் ஸக்கங் அபுச்சி²ஸ்ஸங் அயாசிஸ்ஸங் அஜ்ஜே²ஸிஸ்ஸங்
பஸாத³யிஸ்ஸந்தி - த்³வாஹங் ஸக்கங் அபுச்சி²ஸ்ஸங்.

இச்சாயஸ்மா மோக்⁴ராஜாதி. இச்சாதி பத³ஸந்தி⁴...பே... ஆயஸ்மாதி
பியவசனங்...பே... மோக்⁴ராஜாதி தஸ்ஸ ப்³ராஹ்மணஸ்ஸ நாமங்...பே...
அபி⁴லாபோதி - இச்சாயஸ்மா மோக்⁴ராஜா.

ந மே ப்³யாகாஸி சக்கு²மாதி. ந மே ப்³யாகாஸீதி ந மே ப்³யாகாஸி ந
ஆசிக்கி² ந தே³ஸேஸி ந பஞ்ஞபேஸி ந பட்ட²பேஸி ந விவரி ந விப்⁴ஜி ந
உத்தானீஅகாஸி ந பகாஸேஸி. சக்கு²மாதி ப்⁴க³வா பஞ்சஹி சக்கூ²ஹி
சக்கு²மா - மங்ஸசக்கு²னாபி சக்கு²மா, தி³ப்³ப³சக்கு²னாபி [தி³ப்³பே³ன சக்கு²னாபி
(க.)] சக்கு²மா, பஞ்ஞாசக்கு²னாபி சக்கு²மா, பு³த்³த⁴சக்கு²னாபி சக்கு²மா,
ஸமந்தசக்கு²னாபி சக்கு²மா.

கத²ங் ப்⁴க³வா மங்ஸசக்கு²னாபி சக்கு²மா? மங்ஸசக்கு²ம்ஹி ப்⁴க³வதோ பஞ்ச வண்ணா ஸங்விஜ்ஜந்தி - நீலோ ச வண்ணோ, பீதகோ ச வண்ணோ, லோஹிதகோ ச வண்ணோ, கண்ட்ஹோ ச வண்ணோ, ஓதா³தோ ச வண்ணோ. யத்த² ச அக்கி²லோமானி பதிட்டி²தானி தங் நீலங் ஹோதி ஸுனீலங் பாஸாதி³கங் த³ஸ்ஸனெய்யங் உமாபுப்ப²ஸமானங் [உம்மாரபுப்ப²ஸமானங் (ஸ்யா.) மஹானி. 156]. தஸ்ஸ பரதோ பீதகங் ஹோதி ஸுபீதகங் ஸுவண்ணவண்ணங் பாஸாதி³கங் த³ஸ்ஸனெய்யங் கணிகாரபுப்ப²ஸமானங். உப்⁴தோ ச அக்கி²கூடானி ப்⁴க³வதோ லோஹிதகானி ஹொந்தி ஸுலோஹிதகானி பாஸாதி³கானி த³ஸ்ஸனெய்யானி இந்த³கோ³பகஸமானானி. மஜ்ஜே² கண்ஹங் ஹோதி ஸுகண்ஹங் அலுக்க²ங் ஸினித்த³⁴ங் பாஸாதி³கங் த³ஸ்ஸனெய்யங் அத³தா³ரிட்ட²கஸமானங் [அளாரிட்ட²கஸமானங் (ஸ்யா.)]. தஸ்ஸ பரதோ ஓதா³தங் ஹோதி ஸுஓதா³தங் ஸேதங் பண்ட³ரங் பாஸாதி³கங் த³ஸ்ஸனெய்யங் ஓஸதி⁴தாரகஸமானங். தேன ப்⁴க³வா பாகதிகேன மங்ஸசக்கு²னா அத்தபா⁴வபரியாபன்னேன புரிமஸுசரிதகம்மாபி⁴னிப்ப³த்தேன ஸமந்தா யோஜனங் பஸ்ஸதி தி³வா சேவ ரத்திஞ்ச . யதா³ ஹி சதுரங்க³ஸமன்னாக³தோ அந்த⁴காரோ ஹோதி ஸுரீயோ ச அத்த²ங்க³தோ [அத்த²ங்க³மிதோ (ஸ்யா. க.)] ஹோதி; காளபக்கோ² ச உபோஸதோ² ஹோதி, திப்போ³ ச வனஸண்டோ³ ஹோதி, மஹா ச காளமேகோ⁴ [அகாலமேகோ⁴ (ஸ்யா. க.) பஸ்ஸ மஹானி. 156] அப்ப்⁴ட்டி²தோ ஹோதி. ஏவருபே சதுரங்க³ஸமன்னாக³தே அந்த⁴காரே ஸமந்தா யோஜனங் பஸ்ஸதி. நத்தி² ஸோ குட்டோ வா கவாடங் வா பாகாரோ வா பப்ப³தோ வா கச்சோ² வா லதா வா ஆவரணங் ரூபானங் த³ஸ்ஸனாய. ஏகங் சே திலப²லங் நிமித்தங் கத்வா திலவாஹே பக்கி²பெய்ய, தங்யேவ திலப²லங் உத்த³⁴ரெய்ய. ஏவங் பரிஸுத்த³⁴ங் ப்⁴க³வதோ பாகதிகங் மங்ஸசக்கு². ஏவங் ப்⁴க³வா மங்ஸசக்கு²னாபி சக்கு²மா.

கத²ங் ப்⁴க³வா தி³ப்பே³ன சக்கு²னாபி சக்கு²மா? ப்⁴க³வா தி³ப்பே³ன சக்கு²னா விஸுத்தே⁴ன அதிகந்தமானுஸகேன ஸத்தே பஸ்ஸதி சவமானே உபபஜ்ஜமானே ஹீனே பணீதே ஸுவண்ணே து³ப்ப³ண்ணே; ஸுக³தே து³க்க³தே யதா²கம்முபகே³ ஸத்தே பஜானாதி - “இமே வத பொ⁴ந்தோ ஸத்தா காயது³ச்சரிதேன ஸமன்னாக³தா வசீது³ச்சரிதேன ஸமன்னாக³தா மனோது³ச்சரிதேன ஸமன்னாக³தா அரியானங் உபவாத³கா மிச்சா²தி³ட்டி²கா மிச்சா²தி³ட்டி²கம்மஸமாதா³னா, தே காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபன்னா; இமே வா பன பொ⁴ந்தோ ஸத்தா காயஸுசரிதேன ஸமன்னாக³தா வசீஸுசரிதேன ஸமன்னாக³தா மனோஸுசரிதேன ஸமன்னாக³தா அரியானங் அனுபவாத³கா ஸம்மாதி³ட்டி²கா ஸம்மாதி³ட்டி²கம்மஸமாதா³னா, தே காயஸ்ஸ பே⁴தா³ பரங் மரணா ஸுக³திங் ஸக்க³ங் லோகங் உபபன்னா”தி. இதி தி³ப்பே³ன சக்கு²னா

விஸுத்³தே⁴ன அதிகந்தமானுஸகேன ஸத்தே பஸ்ஸதி சவமானே
 உபபஜ்ஜமானே ஹீனே பணீதே ஸுவண்ணே து³ப்³புண்ணே ஸுக³தே
 து³க்³தே, யதா²கம்முபகே³ ஸத்தே பஜானாதி. ஆகங்க²மானோ ச ப⁴க்³வா
 ஏகம்பி லோகதா⁴துங் பஸ்ஸெய்ய, த்³வேபி லோகதா⁴துயோ பஸ்ஸெய்ய,
 திஸ்ஸோபி லோகதா⁴துயோ பஸ்ஸெய்ய, சதஸ்ஸோபி லோகதா⁴துயோ
 பஸ்ஸெய்ய, பஞ்சபி லோகதா⁴துயோ பஸ்ஸெய்ய, த்³ஸபி லோகதா⁴துயோ
 பஸ்ஸெய்ய, வீஸம்பி லோகதா⁴துயோ பஸ்ஸெய்ய, திங்ஸம்பி
 லோகதா⁴துயோ பஸ்ஸெய்ய, சத்தாலீஸம்பி லோகதா⁴துயோ பஸ்ஸெய்ய,
 பஞ்ஞாஸம்பி லோகதா⁴துயோ பஸ்ஸெய்ய, ஸதம்பி லோகதா⁴துயோ
 பஸ்ஸெய்ய, ஸஹஸ்ஸிம்பி துளனிகங் லோகதா⁴துங் பஸ்ஸெய்ய,
 த்³விஸஹஸ்ஸிம்பி மஜ்ஜி²மிகங் லோகதா⁴துங் பஸ்ஸெய்ய,
 திஸஹஸ்ஸிம்பி லோகதா⁴துங் பஸ்ஸெய்ய, மஹாஸஹஸ்ஸிம்பி
 [திஸஹஸ்ஸிங் மஹாஸஹஸ்ஸம்பி (க.)] லோகதா⁴துங் பஸ்ஸெய்ய,
 யாவதகங் வா [யாவதா (ஸீ. க.)] பன ஆகங்கெ²ய்ய தாவதகங் பஸ்ஸெய்ய.
 ஏவங் பரிஸுத்³த⁴ங் ப⁴க்³வதோ தி³ப்³புச்சக்கு². ஏவங் ப⁴க்³வா தி³ப்³பேன
 சக்கு²னாபி சக்கு²மா.

கத²ங் ப⁴க்³வா பஞ்ஞாசக்கு²னாபி சக்கு²மா? ப⁴க்³வா மஹாபஞ்ஞோ
 புது²பஞ்ஞோ ஜவனபஞ்ஞோ ஹாஸபஞ்ஞோ திக்க²பஞ்ஞோ
 நிப்³பேதி⁴கபஞ்ஞோ பஞ்ஞாபபே⁴த³குஸலோ பபி⁴ன்னஞானோ
 அதி⁴க³தபடிஸம்பி⁴த³ப்பத்தோ சதுவேஸாரஜ்ஜப்பத்தோ த்³ஸப³லதா⁴ரீ
 புரிஸாஸபோ⁴ புரிஸஸீஹோ புரிஸனாகோ³ புரிஸாஜஞ்ஞோ
 புரிஸதோ⁴ரய்ஹோ அனந்தஞானோ அனந்ததேஜோ அனந்தயஸோ
 அட்³டோ⁴ மஹத்³த⁴னோ த⁴னவா நேதா வினேதா அனுனேதா பஞ்ஞாபேதா
 நிஜ்ஜா²பேதா பெக்கே²தா பஸாதே³தா. ஸோ ஹி ப⁴க்³வா அனுப்பன்னஸ்ஸ
 மக்³க்³ஸ்ஸ உப்பாதே³தா அஸஞ்ஜாதஸ்ஸ மக்³க்³ஸ்ஸ ஸஞ்ஜனேதா
 அனக்கா²தஸ்ஸ மக்³க்³ஸ்ஸ அக்கா²தா, மக்³க்³ஞ்ஞா மக்³க்³விதூ³
 மக்³க்³கோவிதோ³ மக்³கா³னுகா³ ச பன ஏதரஹி ஸாவகா விஹரந்தி பச்சா²
 ஸமன்னாக³தா.

ஸோ ஹி ப⁴க்³வா ஜானங் ஜானாதி, பஸ்ஸங் பஸ்ஸதி, சக்கு²பூ⁴தோ
 ஞாணபூ⁴தோ த⁴ம்மபூ⁴தோ ப்³ரஹ்மபூ⁴தோ வத்தா பவத்தா அத்த²ஸ்ஸ
 நின்னேதா அமதஸ்ஸ தா³தா த⁴ம்மஸ்ஸாமீ [த⁴ம்மஸாமி (ஸ்யா. க.)]
 ததா²க்³தோ. நத்தி² தஸ்ஸ ப⁴க்³வதோ அஞ்ஞாதங் அதி³ட்ட²ங் அவிதி³தங்
 அஸச்சி²கதங் அப²ஸ்ஸிதங் [அபு²ஸிதங் (ஸ்யா. க.)] பஞ்ஞாய. அதீதங்
 அனாக³தங் பச்சப்பன்னங் [அதீதானாக³தபச்சப்பன்னங் (ஸ்யா.)] உபாதா³ய
 ஸப்³பே³ த⁴ம்மா ஸப்³பா³காரேன புத்³த⁴ஸ்ஸ ப⁴க்³வதோ ஞாணமுகே²
 ஆபாத²ங் ஆகச்ச²ந்தி. யங் கிஞ்சி நெய்யங் நாம அத்தி² ஜானிதப்³பங் [அத்தி²

த⁴ம்மங் ஜானிதப்³பங் (க.) அத்தத்தோ² வா பரத்தோ² வா உப⁴யத்தோ² வா தி³ட்ட²த⁴ம்மிகோ வா அத்தோ² ஸம்பராயிகோ வா அத்தோ² உத்தானோ வா அத்தோ² க³ம்பீ⁴ரோ வா அத்தோ² கூ³ள்ளோ வா அத்தோ² படிச்ச²ன்னோ வா அத்தோ² நெய்யோ வா அத்தோ² நீதோ வா அத்தோ² அனவஜ்ஜோ வா அத்தோ² நிக்கிலேஸோ வா அத்தோ² வோதா³னோ வா அத்தோ² பரமத்தோ² வா [பரமத்தோ² வா அத்தோ² (க.)], ஸப்³பங் தங் அந்தோ பு³த்த⁴ஞாணே பரிவத்தி.

ஸப்³பங் காயகம்மங் பு³த்த⁴ஸ்ஸ ப⁴க³வதோ ஞாணானுபரிவத்தி, ஸப்³பங் வசீகம்மங் ஞாணானுபரிவத்தி, ஸப்³பங் மனோகம்மங் ஞாணானுபரிவத்தி. அதீதே பு³த்த⁴ஸ்ஸ ப⁴க³வதோ அப்படிஹதங் ஞாணங், அனாக³தே அப்படிஹதங் ஞாணங், பச்சப்பன்னே அப்படிஹதங் ஞாணங், யாவதகங் நெய்யங் தாவதகங் ஞாணங், யாவதகங் ஞாணங் தாவதகங் நெய்யங். நெய்யபரியந்திகங் ஞாணங், ஞாணபரியந்திகங் நெய்யங், நெய்யங் அதிக்மித்வா ஞாணங் நப்பவத்தி, ஞாணங் அதிக்மித்வா நெய்யபதோ² நத்தி². அஞ்ஞமஞ்ஞபரியந்தட்டா²யினோ தே த⁴ம்மா. யதா² த்³வின்னங் ஸமுக்³க³படலானங் ஸம்மாபு²ஸிதானங் ஹெட்டி²மங் ஸமுக்³க³படலங் உபரிமங் நதிவத்தி, உபரிமங் ஸமுக்³க³படலங் ஹெட்டி²மங் நதிவத்தி, அஞ்ஞமஞ்ஞபரியந்தட்டா²யினோ; ஏவமேவ பு³த்த⁴ஸ்ஸ ப⁴க³வதோ நெய்யஞ்ச ஞாணஞ்ச அஞ்ஞமஞ்ஞபரியந்தட்டா²யினோ. யாவதகங் நெய்யங் தாவதகங் ஞாணங், யாவதகங் ஞாணங் தாவதகங் நெய்யங், நெய்யபரியந்திகங் ஞாணங், ஞாணபரியந்திகங் நெய்யங். நெய்யங் அதிக்மித்வா ஞாணங் நப்பவத்தி, ஞாணங் அதிக்மித்வா நெய்யபதோ² நத்தி². அஞ்ஞமஞ்ஞபரியந்தட்டா²யினோ தே த⁴ம்மா.

ஸப்³பு⁴ம்மேஸு பு³த்த⁴ஸ்ஸ ப⁴க³வதோ ஞாணங் பவத்தி. ஸப்³பே³ த⁴ம்மா பு³த்த⁴ஸ்ஸ ப⁴க³வதோ ஆவஜ்ஜனபடிபு³த்தா⁴ ஆகங்க²படிபு³த்தா⁴ மனஸிகாரபடிபு³த்தா⁴ சித்துப்பாத³படிபு³த்தா⁴. ஸப்³பு³ஸத்தேஸு பு³த்த⁴ஸ்ஸ ப⁴க³வதோ ஞாணங் பவத்தி. ஸப்³பே³ஸஞ்ச ஸத்தானங் ப⁴க³வா ஆஸயங் ஜானாதி, அனுஸயங் ஜானாதி, சரிதங் ஜானாதி, அதி⁴முத்திங் ஜானாதி, அப்பரஜக்கே² மஹாரஜக்கே² திக்கி²ந்த்³ரியே முதி³ந்த்³ரியே ஸ்வாகாரே த்³வாகாரே ஸுவிஞ்ஞாபயே து³விஞ்ஞாபயே ப⁴ப்³பா³ப⁴ப்³பே³ ஸத்தே ஜானாதி. ஸதே³வகோ லோகோ ஸமாரகோ ஸப்³ரஹ்மகோ ஸஸ்ஸமணப்³ராஹ்மணீ பஜா ஸதே³வமனுஸ்ஸா அந்தோபு³த்த⁴ஞாணே பரிவத்தி.

யதா² யே கேசி மச்ச²கச்ச²பா அந்தமஸோ திமிதிமிங்க³லங் [திமிதிபிங்க³லங் (க.)] உபாதா³ய அந்தோமஹாஸமுத்³தே³ பரிவத்தந்தி, ஏவமேவ ஸதே³வகோ லோகோ ஸமாரகோ லோகோ ஸப்³ரஹ்மகோ லோகோ

ஸஸ்ஸமணப்³ராஹ்மணீ பஜா ஸதே³வமனுஸ்ஸா அந்தோபு³த்த⁴ஞாணே பரிவத்ததி. யதா² யே கேசி பக்³ீ அந்தமஸோ க³ருளங் வேனதெய்யங் உபாதா³ய ஆகாஸஸ்ஸ பதே³ஸே பரிவத்தந்தி, ஏவமேவ யேபி தே ஸாரிபுத்தஸமா பஞ்ஞாய ஸமன்னாக³தா தேபி பு³த்த⁴ஞாணஸ்ஸ பதே³ஸே பரிவத்தந்தி; பு³த்த⁴ஞாணங் தே³வமனுஸ்ஸானங் பஞ்ஞங் ப²ரித்வா அபி⁴ப⁴வித்வா திட்ட²தி.

யேபி தே க²த்தியபண்டி³தா ப்³ராஹ்மணபண்டி³தா க³ஹபதிபண்டி³தா ஸமணபண்டி³தா நிபுணா கதபரப்பவாதா³ வாலவேதி⁴ருபா வோபி⁴ந்த³ந்தா [தே பி⁴ந்த³ந்தா (ஸ்யா. க.)] மஞ்ஞே சரந்தி பஞ்ஞாக³தேன தி³ட்டி²க³தானி, தே பஞ்ஞே அபி⁴ஸங்க²ரித்வா அபி⁴ஸங்க²ரித்வா ததா²க³தங் உபஸங்கமித்வா புச்ச²ந்தி கூ³ள்ஹானி ச படிச்ச²ன்னானி. கதி²தா விஸஜ்ஜிதா ச தே பஞ்ஞா ப⁴க³வதா [ப⁴க³வதோ (க.)] ஹொந்தி நித்³தி³ட்ட²காரணா. உபக்கி²த்தகா ச தே ப⁴க³வதோ ஸம்பஜ்ஜந்தி. அத² கோ² ப⁴க³வாவ தத்த² அதிரோசதி - யதி³த³ங் பஞ்ஞாயாதி. ஏவங் ப⁴க³வா பஞ்ஞாசக்கு²னாபி சக்கு²மா.

கத³ங் ப⁴க³வா பு³த்த⁴சக்கு²னாபி சக்கு²மா? ப⁴க³வா பு³த்த⁴சக்கு²னா லோகங் வோலோகெந்தோ [ஓலோகெந்தோ (க.)] அத³த³ஸ ஸத்தே அப்பரஜக்கே² மஹாரஜக்கே² திக்கி²ந்த³ரியே முதி³ந்த³ரியே ஸ்வாகாரே த³வாகாரே ஸுவிஞ்ஞாபயே து³விஞ்ஞாபயே அப்பேகச்சே பரலோகவஜ்ஜப⁴யத³ஸ்ஸாவினோ [பர ... த³ஸ்ஸாவினே (க.)] விஹரந்தே. ஸெய்யதா²பி நாம உப்பலினியங் வா பது³மினியங் வா புண்ட³ரீகினியங் வா அப்பேகச்சானி உப்பலானி வா பது³மானி வா புண்ட³ரீகானி வா உத³கே ஜாதானி உத³கே ஸங்வட்³டா⁴னி உத³கானுக்³க³தானி அந்தோனிமுக்³க³போஸீனி [அந்தோனிம்முக்³க³போஸீனி (க.)], அப்பேகச்சானி உப்பலானி வா பது³மானி வா புண்ட³ரீகானி வா உத³கே ஜாதானி உத³கே ஸங்வட்³டா⁴னி ஸமோத³கங் டி²தானி, அப்பேகச்சானி உப்பலானி வா பது³மானி வா புண்ட³ரீகானி வா உத³கே ஜாதானி உத³கே ஸங்வட்³டா⁴னி உத³கா அச்சுக்³க³ம்ம திட்ட²ந்தி அனுபலித்தானி உத³கேன; ஏவமேவங் ப⁴க³வா பு³த்த⁴சக்கு²னா லோகங் வோலோகெந்தோ அத³த³ஸ ஸத்தே அப்பரஜக்கே² மஹாரஜக்கே² திக்கி²ந்த³ரியே முதி³ந்த³ரியே ஸ்வாகாரே த³வாகாரே ஸுவிஞ்ஞாபயே து³விஞ்ஞாபயே அப்பேகச்சே பரலோகவஜ்ஜப⁴யத³ஸ்ஸாவினோ விஹரந்தே. ஜானாதி ப⁴க³வா - “அயங் புக்³க³லோ ராக³சரிதோ, அயங் தோ³ஸசரிதோ, அயங் மோஹசரிதோ, அயங் விதக்கசரிதோ, அயங் ஸத்த³தா⁴சரிதோ, அயங் ஞாணசரிதோ”தி. ராக³சரிதஸ்ஸ ப⁴க³வா புக்³க³லஸ்ஸ அஸுப⁴கத³ங் கதே²தி; தோ³ஸசரிதஸ்ஸ ப⁴க³வா புக்³க³லஸ்ஸ மெத்தாபா⁴வனங் ஆசிக்க²தி; மோஹசரிதஸ்ஸ ப⁴க³வா புக்³க³லஸ்ஸ உத³தே³ஸே பரிபுச்சா³ய காலேன த⁴ம்மஸ்ஸவனே காலேன

த⁴ம்மஸாகச்சா²ய க³ருஸங்வாஸே நிவேஸேதி; விதக்கசரிதஸ்ஸ ப⁴க³வா
புக்க³லஸ்ஸ ஆனாபானஸ்ஸதிங் ஆசிக்க²தி; ஸத்த³தா⁴சரிதஸ்ஸ ப⁴க³வா
புக்க³லஸ்ஸ பஸாத³னீயங் நிமித்தங் ஆசிக்க²தி புத்த³த⁴ஸுபோ³தி⁴ங்
[புத்த³த⁴ஸுபுத்த³த⁴தங் (க.)] த⁴ம்மஸுத⁴ம்மதங் ஸங்க⁴ஸுப்படிபத்திங்
ஸீலானி ச; அத்தனோ ஞாணசரிதஸ்ஸ ப⁴க³வா புக்க³லஸ்ஸ
விபஸ்ஸனானிமித்தங் ஆசிக்க²தி அனிச்சாகாரங் துக்க²காரங் அனத்தாகாரங்.

“ஸேலே யதா² பப்³புதமுத்த³த⁴னிட்டி²தோ, யதா²பி பஸ்ஸே ஜனதங்
ஸமந்ததோ;
ததூ²பமங் த⁴ம்மமயங் ஸுமேத⁴, பாஸாத³மாருய்ஹ ஸமந்தசக்கு²;
ஸோகாவதிண்ணங் [ஸோகாவகிண்ணங் (ஸ்யா.)] ஜனதமபேதஸோகோ,
அவெக்க²ஸ்ஸ ஜாதிஜராபி⁴பூ⁴த²”ந்தி.

ஏவங் ப⁴க³வா புத்த³த⁴சக்கு²னாபி சக்கு²மா.

கத²ங் ப⁴க³வா ஸமந்தசக்கு²னாபி சக்கு²மா? ஸமந்தசக்கு² வுச்சதி
ஸப்³புஞ்ஞுதஞாணங். ப⁴க³வா ஸப்³புஞ்ஞுதஞாணேன உபேதோ ஸமுபேதோ
உபாக³தோ ஸமுபாக³தோ உபபன்னோ ஸமுபபன்னோ ஸமன்னாக³தோ.

“ந தஸ்ஸ அத்³தி³ட்ட²மித⁴த்தி² கிஞ்சி, அதோ²
அவிஞ்ஞாதமஜானிதப்³பங்;
ஸப்³பங் அபி⁴ஞ்ஞாஸி யதத்தி² நெய்யங், ததா²க³தோ தேன
ஸமந்தசக்க²”தி.

ஏவங் ப⁴க³வா ஸமந்தசக்கு²னாபி சக்கு²மாதி - ந மே ப்யாகாஸி சக்கு²மா.

யாவததியஞ்ச தே³வீஸி, ப்யாகரோதீதி மே ஸுதந்தி யாவததியங்
புத்தோ⁴ ஸஹத⁴ம்மிகங் பஞ்ஹங் புட்டோ² ப்யாகரோதி நோ
ஸங்ஸாரேதீதி [ஸம்பாயதீதி (ஸ்யா.)] - ஏவங் மயா உக்³க³ஹிதங், ஏவங் மயா
உபதா⁴ரிதங், ஏவங் மயா உபலக்கி²தங். தே³வீஸீதி ப⁴க³வா சேவ இஸி சாதி
- தே³வீஸி. யதா² ராஜா பப்³புஜிதா வுச்சந்தி ராஜிஸயோ, ப்³ராஹ்மணா
பப்³புஜிதா வுச்சந்தி ப்³ராஹ்மணிஸயோ, ஏவமேவ ப⁴க³வா தே³வோ சேவ
இஸி சாதி - தே³வீஸி.

அத² வா, ப⁴க³வா பப்³புஜிதோதிபி இஸி. மஹந்தங் ஸீலக்க²ந்த⁴ங் ஏஸீ
க³வேஸீ பரியேஸீதிபி இஸி. மஹந்தங் ஸமாதி⁴க்க²ந்த⁴ங்...பே... மஹந்தங்
பஞ்ஞாக்க²ந்த⁴ங்... மஹந்தங் விமுத்திக்க²ந்த⁴ங்... மஹந்தங்
விமுத்திஞாணத³ஸ்ஸனக்க²ந்த⁴ங் ஏஸீ க³வேஸீ பரியேஸீதிபி இஸி.
மஹதோ தமோகாயஸ்ஸ பதா³லனங் ஏஸீ க³வேஸீ பரியேஸீதிபி இஸி.
மஹதோ விபல்லாஸஸ்ஸ பபே⁴த³னங் ஏஸீ க³வேஸீ பரியேஸீதிபி இஸி.

மஹதோ தண்ஹாஸல்லஸ்ஸ அப்³பு³ஹனங்... மஹதோ
தி³ட்டி²ஸங்கா⁴டஸ்ஸ வினிவேட²னங்... மஹதோ மானத்³த⁴ஜஸ்ஸ
பபாதனங்... மஹதோ அபி⁴ஸங்கா²ரஸ்ஸ ஓபஸமங்... மஹதோ ஓக⁴ஸ்ஸ
நித்த²ரணங்... மஹதோ பா⁴ரஸ்ஸ நிக்கே²பனங்... மஹதோ
ஸங்ஸாரவட்டஸ்ஸ உபச்சே²த³ங்... மஹதோ ஸந்தாபஸ்ஸ நிப்³பா³பனங்...
மஹதோ பரிளாஹஸ்ஸ படிப்பஸ்ஸத்³தி⁴ங்... மஹதோ த⁴ம்மத்³த⁴ஜஸ்ஸ
உஸ்ஸாபனங் ஏஸீ க³வேஸீ பரியேஸீதிபி இஸி. மஹந்தே ஸதிபட்டா²னே...
மஹந்தே ஸம்மப்பதா⁴னே... மஹந்தானி இந்த³ரியானி... மஹந்தானி ப³லானி...
மஹந்தே பொ³ஜ்ஜ²ங்கே³... மஹந்தங் அரியங் அட்ட²ங்கி³கங் மக்³க³ங்...
மஹந்தங் பரமத்த²ங் ந்¹அதங் நிப்³பா³னங் ஏஸீ க³வேஸீ பரியேஸீதிபி இஸி.
மஹேஸக்கே²ஹி வா ஸத்தேஹி ஏஸிதோ க³வேஸிதோ பரியேஸிதோ -
“கஹங் பு³த்தோ⁴, கஹங் ப⁴க³வா, கஹங் தே³வதே³வோ, கஹங்
நராஸபோ⁴”திபி இஸீதி - யாவததியஞ்ச தே³வீஸி ப்யாகரோதீதி மே ஸுதங்.
தேனாஹ ஸோ ப்³ராஹ்மணோ -

“த்³வாஹங் ஸக்கங் அபுச்சி²ஸ்ஸங், [இச்சாயஸ்மா மோக⁴ராஜா
ந மே ப்யாகாஸி சக்ஞ²மா;
யாவததியஞ்ச தே³வீஸி, ப்யாகரோதீதி மே ஸுத”ந்தி.

86. அயங் லோகோ பரோ லோகோ, ப்³ரஹ்மலோகோ ஸதே³வகோ;
தி³ட்டி²ங் தே நாபி⁴ஜானாதி, கோ³தமஸ்ஸ யஸஸ்ஸினோ.

அயங் லோகோ பரோ லோகோதி. அயங் லோகோதி மனுஸ்ஸலோகோ.
பரோ லோகோதி மனுஸ்ஸலோகங் ட²பெத்வா ஸப்³போ³ பரோ லோகோதி -
அயங் லோகோ பரோ லோகோ.

ப்³ரஹ்மலோகோ ஸதே³வகோதி ஸதே³வகோ லோகோ ஸமாரகோ
ஸப்³ரஹ்மகோ ஸஸ்ஸமணப்³ராஹ்மணீ பஜா ஸதே³வமனுஸ்ஸாதி -
ப்³ரஹ்மலோகோ ஸதே³வகோ.

தி³ட்டி²ங் தே நாபி⁴ஜானாதீதி துய்ஹங் தி³ட்டி²ங் க²ந்திங் ருசிங்
லத்³தி⁴ங் அஜ்ஜா²ஸயங் அதி⁴ப்பாயங் லோகோ ந ஜானாதி - “அயங்
ஏவங்தி³ட்டி²கோ ஏவங்க²ந்திகோ ஏவங்ருசிகோ ஏவங்லத்³தி⁴கோ
ஏவங்அஜ்ஜா²ஸயோ ஏவங்அதி⁴ப்பாயோ”தி ந ஜானாதி ந பஸ்ஸதி ந த³க்க²தி
நாதி⁴க³ச்ச²தி ந விந்த³தி ந படிப⁴தீதி - தி³ட்டி²ங் தே நாபி⁴ஜானாதி.

கோ³தமஸ்ஸ யஸஸ்ஸினோதி ப⁴க³வா யஸப்பத்தோதி யஸஸ்ஸீ. அத²
வா, ப⁴க³வா ஸக்கதோ க³ருகதோ மானிதோ பூஜிதோ அபசிதோ லாபீ⁴
சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரானந்திபி
யஸஸ்ஸீதி - கோ³தமஸ்ஸ யஸஸ்ஸினோ. தேனாஹ ஸோ ப்³ராஹ்மணோ -

“அயங் லோகோ பரோ லோகோ, ப்³ரஹ்மலோகோ ஸதே³வகோ;
தி³ட்டி²ங் தே நாபி⁴ஜானாதி, கோ³தமஸ்ஸ யஸஸ்ஸினோ”தி.

87. ஏவங் அபி⁴க்கந்தத³ஸ்ஸாவிங், அத்தி² பஞ்ஹேன ஆக³மங்;
கத²ங் லோகங் அவெக்க²ந்தங், மச்சராஜா ந பஸ்ஸதி.

ஏவங் அபி⁴க்கந்தத³ஸ்ஸாவிந்தி ஏவங் அபி⁴க்கந்தத³ஸ்ஸாவிங்
அக்³த³ஸ்ஸாவிங் ஸெட்ட²த³ஸ்ஸாவிங் விஸெட்ட²த³ஸ்ஸாவிங்
பாமொக்க²த³ஸ்ஸாவிங் உத்தமத³ஸ்ஸாவிங் பரமத³ஸ்ஸாவிந்தி - ஏவங்
அபி⁴க்கந்தத³ஸ்ஸாவிங்.

அத்தி² பஞ்ஹேன ஆக³மந்தி பஞ்ஹேன அத்தி²கோ ஆக³தொம்ஹி...பே...
வஹஸ்ஸேதங் பா⁴ரந்தி, ஏவம்பி அத்தி² பஞ்ஹேன ஆக³மங்.

கத²ங் லோகங் அவெக்க²ந்தந்தி கத²ங் லோகங் அவெக்க²ந்தங்
பச்சவெக்க²ந்தங் துலயந்தங் தீரயந்தங் விபா⁴வயந்தங் விபு⁴தங் கரொந்தந்தி -
கத²ங் லோகங் அவெக்க²ந்தங்.

மச்சராஜா ந பஸ்ஸதீதி மச்சராஜா ந பஸ்ஸதி ந த³க்க²தி நாதி⁴கச்ச²தி ந
விந்த³தி ந படிப⁴தீதி - மச்சராஜா ந பஸ்ஸதி. தேனாஹ ஸோ
ப்³ராஹ்மணோ -

“ஏவங் அபி⁴க்கந்தத³ஸ்ஸாவிங், அத்தி² பஞ்ஹேன ஆக³மங்;
கத²ங் லோகங் அவெக்க²ந்தங், மச்சராஜா ந பஸ்ஸதீ”தி.

88. ஸுஞ்ஞதோ லோகங் அவெக்க²ஸ்ஸு, மோக⁴ராஜ ஸதா³ ஸதோ;
அத்தானுதி³ட்டி²ங் ஊஹச்ச, ஏவங் மச்சதரோ ஸியா;
ஏவங் லோகங் அவெக்க²ந்தங், மச்சராஜா ந பஸ்ஸதி.

ஸுஞ்ஞதோ லோகங் அவெக்க²ஸ்ஸுதி. லோகோதி நிரயலோகோ
திரச்சா²னலோகோ பெத்திவிஸயலோகோ மனுஸ்ஸலோகோ தே³வலோகோ
கந்த⁴லோகோ தா⁴துலோகோ ஆயதனலோகோ அயங் லோகோ பரோ
லோகோ ப்³ரஹ்மலோகோ ஸதே³வகோ [ஸதே³வகோ லோகோ (க.)].
அஞ்ஞதரோ பி⁴க்கு² ப⁴க³வந்தங் ஏதத³வோச - “லோகோ லோகோதி, ப⁴ந்தே,
வுச்சதி. கித்தாவதா நு கோ², ப⁴ந்தே, லோகோதி வுச்சதீ”தி? “லுஜ்ஜதீதி கோ²,
பி⁴க்கு², தஸ்மா லோகோதி வுச்சதி. கிஞ்ச லுஜ்ஜதி? சக்கு² கோ² பி⁴க்கு²
லுஜ்ஜதி, ரூபா லுஜ்ஜந்தி, சக்கு²விஞாணங் லுஜ்ஜதி, சக்கு²ஸம்ப²ஸ்ஸோ
லுஜ்ஜதி, யம்பித³ங் [யமித³ங் (க.) பஸ்ஸ ஸங். நி. 4.82]
சக்கு²ஸம்ப²ஸ்ஸபச்சயா உப்பஜ்ஜதி வேத³யிதங் ஸுக²ங் வா து³க்க²ங் வா
அது³க்க²மஸுக²ங் வா தம்பி லுஜ்ஜதி; ஸோதங் லுஜ்ஜதி, கந்தா⁴ லுஜ்ஜந்தி...

பே... காயோ லுஜ்ஜதி , பொ²ட்ட²ப³பா³ லுஜ்ஜந்தி; மனோ லுஜ்ஜதி, த⁴ம்மா லுஜ்ஜந்தி, மனோவிஞ்ஞாணங் லுஜ்ஜதி, மனோஸம்ப²ஸ்ஸோ லுஜ்ஜதி; யம்பித³ங் மனோஸம்ப²ஸ்ஸபச்சயா உப்பஜ்ஜதி வேத³யிதங் ஸுக²ங் வா து³க்க²ங் வா அது³க்க²மஸுக²ங் வா தம்பி லுஜ்ஜதி. லுஜ்ஜதீதி கோ², பி⁴க்கு², தஸ்மா லோகோதி வுச்சதி”.

ஸுஞ்ஞதோ லோகங் அவெக்க²ஸ்ஸுதி த்³வீஹி காரணேஹி ஸுஞ்ஞதோ லோகங் அவெக்க²தி - அவஸியபவத்தஸல்லக்க²ணவஸேன [அவஸ்ஸியபவத்த ... (ஸ்யா.)] வா துச்ச²ஸங்கா²ரஸமனுபஸ்ஸனாவஸேன வா. கத²ங் அவஸியபவத்தஸல்லக்க²ணவஸேன ஸுஞ்ஞதோ லோகங் அவெக்க²தி? ரூபே வஸோ ந லப்³ப⁴தி, வேத³னாய வஸோ ந லப்³ப⁴தி, ஸஞ்ஞாய வஸோ ந லப்³ப⁴தி, ஸங்கா²ரேஸு வஸோ ந லப்³ப⁴தி, விஞ்ஞாணே வஸோ ந லப்³ப⁴தி. வுத்தஞ்ஹேதங் ப⁴க³வதா [பஸ்ஸ ஸங். நி. 3.59] - “ரூபங், பி⁴க்க²வே, அனத்தா. ரூபஞ்ச ஹித³ங், பி⁴க்க²வே, அத்தா அப⁴விஸ்ஸ, நயித³ங் ரூபங் ஆபா³தா⁴ய ஸங்வத்தெய்ய; லப்³பே⁴த² ச ரூபே - ‘ஏவங் மே ரூபங் ஹோது, ஏவங் மே ரூபங் மா அஹோஸீதி. யஸ்மா ச கோ², பி⁴க்க²வே, ரூபங் அனத்தா, தஸ்மா ரூபங் ஆபா³தா⁴ய ஸங்வத்ததி ந ச லப்³ப⁴தி ரூபே - ‘ஏவங் மே ரூபங் ஹோது, ஏவங் மே ரூபங் மா அஹோஸீதி.

“வேத³னா அனத்தா. வேத³னா ச ஹித³ங், பி⁴க்க²வே, அத்தா அப⁴விஸ்ஸ, நயித³ங் வேத³னா ஆபா³தா⁴ய ஸங்வத்தெய்ய; லப்³பே⁴த² ச வேத³னாய - ‘ஏவங் மே வேத³னா ஹோது, ஏவங் மே வேத³னா மா அஹோஸீதி. யஸ்மா ச கோ², பி⁴க்க²வே, வேத³னா அனத்தா, தஸ்மா வேத³னா ஆபா³தா⁴ய ஸங்வத்ததி, ந ச லப்³ப⁴தி வேத³னாய - ‘ஏவங் மே வேத³னா ஹோது, ஏவங் மே வேத³னா மா அஹோஸீதி.

“ஸஞ்ஞா அனத்தா. ஸஞ்ஞா ச ஹித³ங், பி⁴க்க²வே, அத்தா அப⁴விஸ்ஸ, நயித³ங் ஸஞ்ஞா ஆபா³தா⁴ய ஸங்வத்தெய்ய; லப்³பே⁴த² ச ஸஞ்ஞாய - ‘ஏவங் மே ஸஞ்ஞா ஹோது, ஏவங் மே ஸஞ்ஞா மா அஹோஸீதி. யஸ்மா ச கோ², பி⁴க்க²வே, ஸஞ்ஞா அனத்தா, தஸ்மா ஸஞ்ஞா ஆபா³தா⁴ய ஸங்வத்ததி, ந ச லப்³ப⁴தி ஸஞ்ஞாய - ‘ஏவங் மே ஸஞ்ஞா ஹோது, ஏவங் மே ஸஞ்ஞா மா அஹோஸீதி.

“ஸங்கா²ரா அனத்தா. ஸங்கா²ரா ச ஹித³ங், பி⁴க்க²வே, அத்தா அப⁴விஸ்ஸங்ஸு, நயித³ங் ஸங்கா²ரா ஆபா³தா⁴ய ஸங்வத்தெய்யுங்; லப்³பே⁴த² ச ஸங்கா²ரேஸு - ‘ஏவங் மே ஸங்கா²ரா ஹோந்து, ஏவங் மே ஸங்கா²ரா மா அஹேஸுந்தி. யஸ்மா ச கோ², பி⁴க்க²வே , ஸங்கா²ரா அனத்தா, தஸ்மா ஸங்கா²ரா ஆபா³தா⁴ய ஸங்வத்தந்தி, ந ச லப்³ப⁴தி

ஸங்கா²ரேஸு - 'ஏவங் மே ஸங்கா²ரா ஹொந்து, ஏவங் மே ஸங்கா²ரா மா அஹேஸு'ந்தி.

“விஞ்ஞாணங் அனத்தா. விஞ்ஞாணஞ்ச ஹித³ங், பி⁴க்க²வே, அத்தா அப⁴விஸ்ஸ, நயித³ங் விஞ்ஞாணங் ஆபா³தா⁴ய ஸங்வத்தெய்ய; லப்³பே⁴த² ச விஞ்ஞாணே - 'ஏவங் மே விஞ்ஞாணங் ஹொது, ஏவங் மே விஞ்ஞாணங் மா அஹொஸீ'தி. யஸ்மா ச கோ², பி⁴க்க²வே, விஞ்ஞாணங் அனத்தா, தஸ்மா விஞ்ஞாணங் ஆபா³தா⁴ய ஸங்வத்ததி, ந ச லப்³ப⁴தி விஞ்ஞாணே - 'ஏவங் மே விஞ்ஞாணங் ஹொது, ஏவங் மே விஞ்ஞாணங் மா அஹொஸீ'”தி.

வுத்தஞ்ஹேதங் ப⁴க³வதா - “நாயங், பி⁴க்க²வே, காயோ தும்ஹாகங், நபி அஞ்ஞேஸங் [பரேஸங் (ஸ்யா.) பஸ்ஸ ஸங். நி. 2.37]. புராணமித³ங், பி⁴க்க²வே, கம்மங் அபி⁴ஸங்க²தங் அபி⁴ஸஞ்சேதயிதங் வேத³னியங் த³ட்ட²ப்³ப³ங். தத்ர கோ², பி⁴க்க²வே, ஸுதவா அரியஸாவகோ படிச்சஸமுப்பாத³ங்யேவ ஸாது⁴கங் யோனிஸோ மனஸி கரோதி - 'இதி இமஸ்மிங் ஸதி இத³ங் ஹொதி, இமஸ்ஸுப்பாதா³ இத³ங் உப்பஜ்ஜதி; இமஸ்மிங் அஸதி இத³ங் ந ஹொதி, இமஸ்ஸ நிரோதா⁴ இத³ங் நிருஜ்ஜ²தி, யதி³த³ங் - அவிஜ்ஜாபச்சயா ஸங்கா²ரா, ஸங்கா²ரபச்சயா விஞ்ஞாணங், விஞ்ஞாணபச்சயா நாமரூபங், நாமரூபபச்சயா ஸளாயதனங், ஸளாயதனபச்சயா ப²ஸ்ஸோ, ப²ஸ்ஸபச்சயா வேத³னா, வேத³னாபச்சயா தண்ஹா, தண்ஹாபச்சயா உபாதா³னங், உபாதா³னபச்சயா ப⁴வோ, ப⁴வபச்சயா ஜாதி, ஜாதிபச்சயா ஜராமரணங் ஸோகபரிதே³வது³க்க²தோ³மனஸ்ஸுபாயாஸா ஸம்ப⁴வந்தி - ஏவமேதஸ்ஸ கேவலஸ்ஸ து³க்க²க்க²ந்த⁴ஸ்ஸ ஸமுத³யோ ஹொதி”.

“அவிஜ்ஜாய த்வேவ அஸேஸவிராக³னிரோதா⁴ ஸங்கா²ரனிரோதோ⁴, ஸங்கா²ரனிரோதா⁴ விஞ்ஞாணனிரோதோ⁴ ...பே... ஜாதினிரோதா⁴ ஜராமரணங் ஸோகபரிதே³வது³க்க²தோ³மனஸ்ஸுபாயாஸா நிருஜ்ஜ²ந்தி , ஏவமேதஸ்ஸ கேவலஸ்ஸ து³க்க²க்க²ந்த⁴ஸ்ஸ நிரோதோ⁴ ஹொதீ”தி. ஏவங் அவஸியபவத்தஸல்லக்க²ணவஸேன ஸுஞ்ஞுதோ லோகங் அவெக்க²தி.

கத²ங் துச்ச²ஸங்கா²ரஸமனுபஸ்ஸனாவஸேன ஸுஞ்ஞுதோ லோகங் அவெக்க²தி? ரூபே ஸாரோ ந லப்³ப⁴தி, வேத³னாய ஸாரோ ந லப்³ப⁴தி, ஸஞ்ஞாய ஸாரோ ந லப்³ப⁴தி, ஸங்கா²ரேஸு ஸாரோ ந லப்³ப⁴தி, விஞ்ஞாணே ஸாரோ ந லப்³ப⁴தி; ரூபங் அஸ்ஸாரங் நிஸ்ஸாரங் ஸாராபக³தங் நிச்சஸாரஸாரேன வா ஸுக²ஸாரஸாரேன வா அத்தஸாரஸாரேன வா நிச்சேன வா து⁴வேன வா ஸஸ்ஸதேன வா அவிபரிணாமத⁴ம்மேன வா. வேத³னா அஸ்ஸாரா நிஸ்ஸாரா ஸாராபக³தா... பே... ஸஞ்ஞா அஸ்ஸாரா நிஸ்ஸாரா ஸாராபக³தா... ஸங்கா²ரா அஸ்ஸாரா

நிஸ்ஸாரா ஸாராபக³தா... விஞ்ஞாணங் அஸ்ஸாரங் நிஸ்ஸாரங் ஸாராபக³தங்
நிச்சஸாரஸாரேன வா ஸுக²ஸாரஸாரேன வா அத்தஸாரஸாரேன வா
நிச்சேன வா து⁴வேன வா ஸஸ்ஸதேன வா அவிபரிணாமத⁴ம்மேன வா.
யதா² நளோ அஸ்ஸாரோ நிஸ்ஸாரோ ஸாராபக³தோ, யதா² ச ஏரண்டோ³...பே...
யதா² ச உது³ம்ப³ரோ அஸ்ஸாரோ நிஸ்ஸாரோ ஸாராபக³தோ, யதா² ச
ஸேதக³ச்சோ² [ஸேதவச்சோ² (க.)] அஸ்ஸாரோ நிஸ்ஸாரோ ஸாராபக³தோ,
யதா² ச பாலிப⁴த³த³கோ [பாளிப⁴த³த³கோ (க.)] அஸ்ஸாரோ நிஸ்ஸாரோ
ஸாராபக³தோ, யதா² ச பே²ணபிண்டோ³ [பே²ணுபிண்டோ³ (ஸ்யா.)] அஸ்ஸாரோ
நிஸ்ஸாரோ ஸாராபக³தோ, யதா² ச உத³கபு³பு³ளங் [பு³பு³லகங் (ஸ்யா.)]
அஸ்ஸாரங் நிஸ்ஸாரங் ஸாராபக³தங், யதா² ச மரீசி அஸ்ஸாரா நிஸ்ஸாரா
ஸாராபக³தா, யதா² கத³லிக்க²ந்தோ⁴ அஸ்ஸாரோ நிஸ்ஸாரோ ஸாராபக³தோ,
யதா² மாயா அஸ்ஸாரா நிஸ்ஸாரா ஸாராபக³தா - ஏவமேவ ரூபங்
அஸ்ஸாரங் நிஸ்ஸாரங் ஸாராபக³தங் நிச்சஸாரஸாரேன வா
ஸுக²ஸாரஸாரேன வா அத்தஸாரஸாரேன வா நிச்சேன வா து⁴வேன வா
ஸஸ்ஸதேன வா அவிபரிணாமத⁴ம்மேன வா. வேத³னா அஸ்ஸாரா
நிஸ்ஸாரா ஸாராபக³தா...பே... ஸஞ்ஞா அஸ்ஸாரா நிஸ்ஸாரா ஸாராபக³தா...
ஸங்கா²ரா அஸ்ஸாரா நிஸ்ஸாரா ஸாராபக³தா... விஞ்ஞாணங் அஸ்ஸாரங்
நிஸ்ஸாரங் ஸாராபக³தங் நிச்சஸாரஸாரேன வா ஸுக²ஸாரஸாரேன வா
அத்தஸாரஸாரேன வா நிச்சேன வா து⁴வேன வா ஸஸ்ஸதேன வா
அவிபரிணாமத⁴ம்மேன வா. ஏவங் துச்ச²ஸங்கா²ரஸமனுபஸ்ஸனாவஸேன
ஸுஞ்ஞதோ லோகங் அவெக்க²தி. இமேஹி த³வீஹி காரணேஹி ஸுஞ்ஞதோ
லோகங் அவெக்க²தி.

அபி ச, ச²ஹாகாரேஹி ஸுஞ்ஞதோ லோகங் அவெக்க²தி. சக்கு² ஸுஞ்ஞங்
[ஸ்யா. ... பொத்த²கே இமஸ்மிங் டா²னே அஞ்ஞதா² தி³ஸ்ஸதி] அத்தேன வா
அத்தனியேன வா நிச்சேன வா து⁴வேன வா ஸஸ்ஸதேன வா
அவிபரிணாமத⁴ம்மேன வா, ஸோதங் ஸுஞ்ஞங்...பே... கா⁴னங் ஸுஞ்ஞங்...
ஜிவ்ஹா ஸுஞ்ஞா... காயோ ஸுஞ்ஞோ... மனோ ஸுஞ்ஞோ அத்தேன வா
அத்தனியேன வா நிச்சேன வா து⁴வேன வா ஸஸ்ஸதேன வா
அவிபரிணாமத⁴ம்மேன வா. ரூபா ஸுஞ்ஞா...பே... ஸத³தா³ ஸுஞ்ஞா...
க³ந்தா⁴ ஸுஞ்ஞா... ரஸா ஸுஞ்ஞா... பொ²ட்ட²ப³பா³ ஸுஞ்ஞா... த⁴ம்மா
ஸுஞ்ஞா அத்தேன வா அத்தனியேன வா நிச்சேன வா து⁴வேன வா
ஸஸ்ஸதேன வா அவிபரிணாமத⁴ம்மேன வா . சக்கு²விஞ்ஞாணங்
ஸுஞ்ஞங்...பே... மனோவிஞ்ஞாணங் ஸுஞ்ஞங்... சக்கு²ஸம்ப²ஸ்ஸோ
ஸுஞ்ஞோ ... மனோஸம்ப²ஸ்ஸோ ஸுஞ்ஞோ... சக்கு²ஸம்ப²ஸ்ஸஜா வேத³னா
ஸுஞ்ஞா... மனோஸம்ப²ஸ்ஸஜா வேத³னா ஸுஞ்ஞா... ரூபஸுஞ்ஞா ஸுஞ்ஞா...
த⁴ம்மஸுஞ்ஞா ஸுஞ்ஞா... ரூபஸுஞ்சேதனா ஸுஞ்ஞா... த⁴ம்மஸுஞ்சேதனா
ஸுஞ்ஞா... ரூபதண்ஹா ஸுஞ்ஞா... ரூபவிதக்கோ ஸுஞ்ஞோ... ரூபவிசாரோ

ஸுஞ்ஞோ... த⁴ம்மவிசாரோ ஸுஞ்ஞோ அத்தேன வா அத்தனியேன வா நிச்சேன வா து⁴வேன வா ஸஸ்ஸதேன வா அவிபரிணாமத⁴ம்மேன வா. ஏவங் ச²ஹாகாரேஹி ஸுஞ்ஞதோ லோகங் அவெக்க²தி.

அபி ச, த³ஸஹாகாரேஹி ஸுஞ்ஞதோ லோகங் அவெக்க²தி. ரூபங் ரித்ததோ துச்ச²தோ ஸுஞ்ஞதோ அனத்ததோ அஸாரகதோ வத⁴கதோ விப⁴வதோ அக⁴மூலதோ ஸாஸவதோ ஸங்க²ததோ; வேத³னங்...பே... ஸஞ்ஞங்... ஸங்கா²ரே... விஞ்ஞாணங்... சுதிங்... உபபத்திங்... படிஸந்தி⁴ங்... ப⁴வங்... ஸங்ஸாரவட்டங் ரித்ததோ துச்ச²தோ ஸுஞ்ஞதோ அனத்ததோ அஸாரகதோ வத⁴கதோ விப⁴வதோ அக⁴மூலதோ ஸாஸவதோ ஸங்க²ததோ. ஏவங் த³ஸஹாகாரேஹி ஸுஞ்ஞதோ லோகங் அவெக்க²தி.

அபி ச, த³வாத³ஸஹாகாரேஹி ஸுஞ்ஞதோ லோகங் அவெக்க²தி. ரூபங் ந ஸத்தோ ந ஜீவோ ந நரோ ந மாணவோ ந இத்தீ² ந புரிஸோ ந அத்தா ந அத்தனியங் நாஹங் ந மம ந கோசி ந கஸ்ஸசி; வேத³னா...பே... ஸஞ்ஞா... ஸங்கா²ரா... விஞ்ஞாணங் ந ஸத்தோ ந ஜீவோ ந நரோ ந மாணவோ ந இத்தீ² ந புரிஸோ ந அத்தா ந அத்தனியங் நாஹங் ந மம ந கோசி ந கஸ்ஸசி. ஏவங் த³வாத³ஸஹாகாரேஹி ஸுஞ்ஞதோ லோகங் அவெக்க²தி.

வுத்தஞ்ஹேதங் ப⁴க³வதா - “யங், பி⁴க்க²வே, ந தும்ஹாகங் தங் பஜஹத². தங் வோ பஹீனங் தீ³க⁴ரத்தங் ஹிதாய ஸுகா²ய ப⁴விஸ்ஸதி. கிஞ்ச, பி⁴க்க²வே, ந தும்ஹாகங்? ரூபங், பி⁴க்க²வே, ந தும்ஹாகங்; தங் பஜஹத². தங் வோ பஹீனங் தீ³க⁴ரத்தங் ஹிதாய ஸுகா²ய ப⁴விஸ்ஸதி. வேத³னா, பி⁴க்க²வே, ந தும்ஹாகங்; தங் பஜஹத². ஸா வோ பஹீனா தீ³க⁴ரத்தங் ஹிதாய ஸுகா²ய ப⁴விஸ்ஸதி. ஸஞ்ஞா, பி⁴க்க²வே, ந தும்ஹாகங்; தங் பஜஹத². ஸா வோ பஹீனா தீ³க⁴ரத்தங் ஹிதாய ஸுகா²ய ப⁴விஸ்ஸதி. ஸங்கா²ரா, பி⁴க்க²வே, ந தும்ஹாகங்; தே பஜஹத². தே வோ பஹீனா தீ³க⁴ரத்தங் ஹிதாய ஸுகா²ய ப⁴விஸ்ஸந்தி. விஞ்ஞாணங், பி⁴க்க²வே, ந தும்ஹாகங்; தங் பஜஹத². தங் வோ பஹீனங் தீ³க⁴ரத்தங் ஹிதாய ஸுகா²ய ப⁴விஸ்ஸதி. ஸெய்யதா²பி [தங் கிங் மஞ்ஞத² (ஸ்யா. க.) பஸ்ஸ ஸங். நி. 3.33], பி⁴க்க²வே, யங் இமஸ்மிங் ஜேதவனே திணகட்ட²ஸாகா²பலாஸங் தங் ஜனோ ஹரெய்ய வா ட³ஹெய்ய வா யதா²பச்சயங் வா கரெய்ய. அபி நு தும்ஹாகங் ஏவமஸ்ஸ - ‘அம்ஹே ஜனோ ஹரதி வா ட³ஹதி வா யதா²பச்சயங் வா கரோதீ²தி? ‘நோ ஹேதங், ப⁴ந்தே’. ‘தங் கிஸ்ஸ ஹேது’? ‘ந ஹி நோ ஏதங், ப⁴ந்தே, அத்தா வா அத்தனியங் வா’தி. ஏவமேவ கோ², பி⁴க்க²வே, யங் ந தும்ஹாகங் தங் பஜஹத²; தங் வோ பஹீனங் தீ³க⁴ரத்தங் ஹிதாய ஸுகா²ய ப⁴விஸ்ஸதி. கிஞ்ச, பி⁴க்க²வே, ந தும்ஹாகங்? ரூபங், பி⁴க்க²வே, ந தும்ஹாகங்; தங் பஜஹத². தங் வோ பஹீனங் தீ³க⁴ரத்தங் ஹிதாய ஸுகா²ய ப⁴விஸ்ஸதி. வேத³னா...பே... ஸஞ்ஞா... ஸங்கா²ரா...

விஞ்ஞாணங், பி⁴க்க²வே, ந தும்ஹாகங்; தங் பஜஹத². தங் வோ பஹீனங்
தீ³க⁴ரத்தங் ஹிதாய ஸுகா²ய ப⁴விஸ்ஸதீ²தி. ஏவம்பி ஸுஞ்ஞதோ லோகங்
அவெக்க²தி.

ஆயஸ்மா ஆனந்தோ³ ப⁴க³வந்தங் ஏதத³வோச - “ஸுஞ்ஞோ [ஸுஞ்ஞதோ
(க.) பஸ்ஸ ஸங். நி. 4.85] லோகோ, ஸுஞ்ஞோ லோகோ²தி, ப⁴ந்தே, வச்சதி.
கித்தாவதா நு கோ², ப⁴ந்தே, ஸுஞ்ஞோ லோகோதி வச்சதீ²தி? “யஸ்மா ச
கோ², ஆனந்த³, ஸுஞ்ஞங் அத்தேன வா அத்தனியேன வா, தஸ்மா ஸுஞ்ஞோ
லோகோதி வச்சதி. கிஞ்சானந்த³, ஸுஞ்ஞங் அத்தேன வா அத்தனியேன வா?
சக்கு² கோ², ஆனந்த³, ஸுஞ்ஞங் அத்தேன வா அத்தனியேன வா. ரூபா
ஸுஞ்ஞா...பே... சக்கு²விஞ்ஞாணங் ஸுஞ்ஞங்... சக்கு²ஸம்ப²ஸ்ஸோ
ஸுஞ்ஞோ... யம்பித³ங் சக்கு²ஸம்ப²ஸ்ஸபச்சயா உப்பஜ்ஜதி வேத³யிதங்
ஸுக²ங் வா து³க்க²ங் வா அது³க்க²மஸுக²ங் வா தம்பி ஸுஞ்ஞங் அத்தேன வா
அத்தனியேன வா. ஸோதங் ஸுஞ்ஞங்... ஸத்த³தா³ ஸுஞ்ஞா... கா⁴னங்
ஸுஞ்ஞங்... க³ந்தா⁴ ஸுஞ்ஞா... ஜிவ்ஹா ஸுஞ்ஞா... ரஸா ஸுஞ்ஞா... காயோ
ஸுஞ்ஞோ ... பொ²ட்ட²ப³பா³ ஸுஞ்ஞா... மனோ ஸுஞ்ஞோ... த⁴ம்மா ஸுஞ்ஞா...
மனோவிஞ்ஞாணங் ஸுஞ்ஞங்... மனோஸம்ப²ஸ்ஸோ ஸுஞ்ஞோ... யம்பித³ங்
ஸுஞ்ஞங் மனோஸம்ப²ஸ்ஸபச்சயா உப்பஜ்ஜதி வேத³யிதங் ஸுக²ங் வா
து³க்க²ங் வா அது³க்க²மஸுக²ங் வா தம்பி ஸுஞ்ஞங் அத்தேன வா
அத்தனியேன வா. யஸ்மா ச கோ², ஆனந்த³, ஸுஞ்ஞங் அத்தேன வா
அத்தனியேன வா, தஸ்மா ஸுஞ்ஞோ லோகோதி வச்சதீ²தி. ஏவம்பி
ஸுஞ்ஞதோ லோகங் அவெக்க²தி.

“ஸுத்த³த⁴ங் த⁴ம்மஸமுப்பாத³ங், ஸுத்த³த⁴ஸங்கா²ரஸந்ததிங்;
பஸ்ஸந்தஸ்ஸ யதா²பூ⁴தங், ந ப⁴யங் ஹோதி கா³மணி.

“திணகட்ட²ஸமங் லோகங், யதா³ பஞ்ஞாய பஸ்ஸதி;
நாஞ்ஞங் [ந அஞ்ஞங் (ஸீ. ஸ்யா. க.)] பத்த²யதே கிஞ்சி,
அஞ்ஞத்ரப்படிஸந்தி⁴யா”தி.

ஏவம்பி ஸுஞ்ஞதோ லோகங் அவெக்க²தி.

வுத்தஞ்ஹேதங் ப⁴க³வதா [பஸ்ஸ ஸங். நி. 4.246] - “ஏவமேவ கோ²,
பி⁴க்க²வே, பி⁴க்கு² ரூபங் ஸமன்னேஸதி யாவதா ரூபஸ்ஸ க³தி, வேத³னங்
ஸமன்னேஸதி யாவதா வேத³னாய க³தி, ஸுஞ்ஞங் ஸமன்னேஸதி யாவதா
ஸுஞ்ஞாய க³தி, ஸங்கா²ரே ஸமன்னேஸதி யாவதா ஸங்கா²ரானங் க³தி,
விஞ்ஞாணங் ஸமன்னேஸதி யாவதா விஞ்ஞாணஸ்ஸ க³தி . தஸ்ஸ ரூபங்
[தஸ்ஸ பி⁴க்கு²னோ ரூபங் (ஸ்யா.)] ஸமன்னேஸதோ யாவதா ரூபஸ்ஸ
க³தி, வேத³னங்...பே... ஸுஞ்ஞங்... ஸங்கா²ரே... விஞ்ஞாணங் ஸமன்னேஸதோ

யாவதா விஞ்ஞாணஸ்ஸ க³தி, யம்பிஸ்ஸ தங் ஹோதி அஹந்தி வா மமந்தி வா அஸ்மீதி வா, தம்பி தஸ்ஸ ந ஹோதீ³தி. ஏவம்பி ஸுஞ்ஞதோ லோகங் அவெக்க²தி.

ஸுஞ்ஞதோ லோகங் அவெக்க²ஸ்ஸுதி ஸுஞ்ஞதோ லோகங் அவெக்க²ஸ்ஸு பச்சவெக்க²ஸ்ஸு த³க்க²ஸ்ஸு துலேஹி தீரேஹி விபா⁴வேஹி விபு⁴தங் கரோஹீதி - ஸுஞ்ஞதோ லோகங் அவெக்க²ஸ்ஸு.

மோக⁴ராஜ ஸதா³ ஸதோதி. மோக⁴ராஜாதி ப⁴க³வா தங் ப்³ராஹ்மணங் நாமேன ஆலபதி. ஸதா³தி ஸப்³ப³காலங்...பே... பச்சி²மே வயோக²ந்தே⁴. ஸதோதி சதுஹி காரணேஹி ஸதோ - காயே காயானுபஸ்ஸனாஸதிபட்டா²னங் பா⁴வெந்தோ ஸதோ...பே... ஸோ வுச்சதி ஸதோதி - மோக⁴ராஜ ஸதா³ ஸதோ.

அத்தானுதி³ட்டி²ங் ஊஹச்சாதி அத்தானுதி³ட்டி² வுச்சதி வீஸதிவத்து²கா ஸக்காயதி³ட்டி². இத்⁴ அஸ்ஸுதவா புது²ஜ்ஜனோ அரியானங் அத³ஸ்ஸாவீ அரியத்⁴ம்மஸ்ஸ அகோவிதோ³ அரியத்⁴ம்மே அவினீதோ ஸப்புரிஸானங் அத³ஸ்ஸாவீ ஸப்புரிஸத்⁴ம்மஸ்ஸ அகோவிதோ³ ஸப்புரிஸத்⁴ம்மே அவினீதோ ரூபங் அத்ததோ ஸமனுபஸ்ஸதி ரூபவந்தங் வா அத்தானங் அத்தனி வா ரூபங் ரூபஸ்மிங் வா அத்தானங், வேத³னங்...பே... ஸஞ்ஞங்... ஸங்கா²ரே... விஞ்ஞாணங் அத்ததோ ஸமனுபஸ்ஸதி விஞ்ஞாணவந்தங் வா அத்தானங் அத்தனி வா விஞ்ஞாணங் விஞ்ஞாணஸ்மிங் வா அத்தானங். யா ஏவரூபா தி³ட்டி² தி³ட்டி²க³தங் தி³ட்டி²க³ஹனங் தி³ட்டி²கந்தாரோ தி³ட்டி²விஸுகாயிகங் தி³ட்டி²விப்பந்தி³தங் தி³ட்டி²ஸங்யோஜனங் கா³ஹோ படிக்கா³ஹோ அபி⁴னிவேஸோ பராமாஸோ கும்மக்க³கோ³ மிச்சா²பதோ² மிச்ச²த்தங் தித்தா²யதனங் விபரியேஸக்கா³ஹோ விபரீதக்கா³ஹோ விபல்லாஸக்கா³ஹோ மிச்சா²கா³ஹோ அயாதா²வகஸ்மிங் யாதா²வகந்தி கா³ஹோ யாவதா த்³வாஸட்டி² தி³ட்டி²க³தானி, அயங் அத்தானுதி³ட்டி². அத்தானுதி³ட்டி²ங் ஊஹச்சாதி அத்தானுதி³ட்டி²ங் ஊஹச்ச ஸமுஹச்ச [உஹச்ச ஸமுஹச்ச (க.) ஸத்த³னீதியா பன ஸமேதி] உத்³த்⁴ரித்வா ஸமுத்³த்⁴ரித்வா உப்பாடயித்வா ஸமுப்பாடயித்வா பஜஹித்வா வினோதெ³த்வா ப்யந்தீகரித்வா அனபா⁴வங் க³மெத்வாதி - அத்தானுதி³ட்டி²ங் ஊஹச்ச.

ஏவங் மச்சுதரோ ஸியாதி ஏவங் மச்சுபி தரெய்யாஸி, ஜராபி தரெய்யாஸி, மரணம்பி தரெய்யாஸி உத்தரெய்யாஸி பதரெய்யாஸி ஸமதிக்கமெய்யாஸி வீதிவத்தெய்யாஸீதி - ஏவங் மச்சுதரோ ஸியா.

ஏவங் லோகங் அவெக்க²ந்தந்தி ஏவங் லோகங் அவெக்க²ந்தங்
பச்சவெக்க²ந்தங் துலயந்தங் தீரயந்தங் விபா⁴வயந்தங் விபு⁴தங் கரொந்தந்தி -
ஏவங் லோகங் அவெக்க²ந்தங்.

மச்சுராஜா ந பஸ்ஸதீதி மச்சுபி மச்சுராஜா, மாரோபி மச்சுராஜா, மரணம்பி
மச்சுராஜா. ந பஸ்ஸதீதி மச்சுராஜா ந பஸ்ஸதீ ந த³க்க²தி நாதி⁴க³ச்ச²தி ந
விந்த³தி ந படிப⁴தி. வுத்தஞ்ஹேதங் ப⁴க³வதா - “ஸெய்யதா²பி, பி⁴க்க²வே,
ஆரஞ்ஞிகோ மிகோ³ அரஞ்ஞே பவனே சரமானோ விஸ்ஸத்தோ² க³ச்ச²தி
விஸ்ஸத்தோ² [விஸ்ஸட்டோ² (க.)] திட்ட²தி விஸ்ஸத்தோ² நிஸீத³தி
விஸ்ஸத்தோ² ஸெய்யங் கப்பேதி. தங் கிஸ்ஸ ஹேது? அனாபாத²க³தோ
[அனாபாதக³தோ (க.)], பி⁴க்க²வே, லுத்த³த³ஸ்ஸ. ஏவமேவ கோ², பி⁴க்க²வே,
பி⁴க்கு² விவிச்சேவ காமேஹி விவிச்ச அகுஸலேஹி த⁴ம்மேஹி
ஸவிதக்கங் ஸவிசாரங் விவேகஜங் பீதிஸுக²ங் பட²மங் ஜா²னங் உபஸம்பஜ்ஜ
விஹரதி. அயங் வுச்சதி, பி⁴க்க²வே, ‘பி⁴க்கு² அந்த⁴மகாஸி [அந்தமகாஸி
(க.) பஸ்ஸ ம. நி. 1.271] மாரங், அபத³ங் வதி⁴த்வா மாரசக்கு²ங் அத³ஸ்ஸனங்
க³தோ பாபிமதோ’.

“புன சபரங், பி⁴க்க²வே, பி⁴க்கு² விதக்கவிசாரானங் லுபஸமா அஜ்ஜ²த்தங்
ஸம்பஸாத³னங் சேதஸோ ஏகோதி³பா⁴வங் அவிதக்கங் அவிசாரங்
ஸமாதி⁴ஜங் பீதிஸுக²ங் து³தியங் ஜா²னங்...பே.... ததியங் ஜா²னங்... சதுத்த²ங்
ஜா²னங் உபஸம்பஜ்ஜ விஹரதி. அயங் வுச்சதி, பி⁴க்க²வே, ‘பி⁴க்கு²
அந்த⁴மகாஸி மாரங், அபத³ங் வதி⁴த்வா மாரசக்கு²ங் அத³ஸ்ஸனங் க³தோ
பாபிமதோ’.

“புன சபரங், பி⁴க்க²வே, பி⁴க்கு² ஸப்³ப³ஸோ ரூபஸஞ்ஞானங்
ஸமதிக்கமா, படி⁴ஸஞ்ஞானங் அத்த²ங்க³மா, நானத்தஸஞ்ஞானங்
அமனஸிகாரா, அனந்தோ ஆகாஸோதி ஆகாஸானஞ்சாயதனங் உபஸம்பஜ்ஜ
விஹரதி. அயங் வுச்சதி, பி⁴க்க²வே, ‘பி⁴க்கு² அந்த⁴மகாஸி மாரங், அபத³ங்
வதி⁴த்வா மாரசக்கு²ங் அத³ஸ்ஸனங் க³தோ பாபிமதோ’.

“புன சபரங், பி⁴க்க²வே, பி⁴க்கு² ஸப்³ப³ஸோ ஆகாஸானஞ்சாயதனங்
ஸமதிக்கம்ம அனந்தங் விஞ்ஞாணந்தி விஞ்ஞாணஞ்சாயதனங் உபஸம்பஜ்ஜ
விஹரதி...பே....

“புன சபரங், பி⁴க்க²வே, ஸப்³ப³ஸோ விஞ்ஞாணஞ்சாயதனங் ஸமதிக்கம்ம
நத்தி² கிஞ்சீதி ஆகிஞ்சஞ்ஞாயதனங் உபஸம்பஜ்ஜ விஹரதி...பே....

“புன சபரங், பி⁴க்க²வே, ஸப்³ப³ஸோ ஆகிஞ்சஞ்ஞாயதனங் ஸமதிக்கம்ம
நேவஸஞ்ஞானாஸஞ்ஞாயதனங் உபஸம்பஜ்ஜ விஹரதி...பே....

“புன சபரங், பி⁴க்க²வே, ஸப்³ப³ஸோ நேவஸஞ்ஞானாஸஞ்ஞாயதனங்
 ஸமதிக்கம்ம ஸஞ்ஞாவேத³யிதனிரோத⁴ங் உபஸம்பஜ்ஜ விஹரதி; பஞ்ஞாய
 சஸ்ஸ தி³ஸ்வா ஆஸவா பரிக்²ணா ஹொந்தி. அயங் வுச்சதி, பி⁴க்க²வே,
 ‘பி⁴க்கு² அந்த⁴மகாஸி மாரங், அபத³ங் வதி⁴த்வா மாரசக்கு²ங் அத³ஸ்ஸனங்
 க³தோ பாபிமதோ, திண்ணோ லோகே விஸத்திக³ந்தி. ஸோ விஸ்ஸத்தோ²
 க³ச்ச²தி விஸ்ஸத்தோ² திட்ட²தி விஸ்ஸத்தோ² நிஸீத³தி விஸ்ஸத்தோ²
 ஸெய்யங் கப்பேதி. தங் கிஸ்ஸ ஹேது? அனாபாத²க³தோ பி⁴க்கு²
 பாபிமதோ”தி - மச்சுராஜா ந பஸ்ஸதி. தேனாஹ ப⁴க³வா -

“ஸுஞ்ஞதோ லோகங் அவெக்க²ஸ்ஸு, மோக⁴ராஜ ஸதா³ ஸதோ;
 அத்தானுதி³ட்டி²ங் ஊஹச்ச, ஏவங் மச்சுதரோ ஸியா;

ஏவங் லோகங் அவெக்க²ந்தங், மச்சுராஜா ந பஸ்ஸதீ”தி.

ஸஹ கா³தா²பரியோஸானா...பே... ஸத்தா² மே, ப⁴ந்தே ப⁴க³வா,
 ஸாவகோஹமஸ்மீதி.

மோக⁴ராஜமாணவபுச்சா²னித்³தே³ஸோ பன்னரஸமோ.

16. பிங்கி³யமாணவபுச்சா²னித்³தே³ஸோ

89. ஜிண்ணோஹமஸ்மி அப³லோ வீதவண்ணோ [\[விவண்ணோ \(ஸ்யா.\)\]](#),
 [இச்சாயஸ்மா பிங்கி³யோ]
 நெத்தா ந ஸுத்தா⁴ ஸவனங் ந பா²ஸு;
 மாஹங் நஸ்ஸங் மோமுஹோ அந்தராவ [\[அந்தராய \(ஸ்யா. க.\)\]](#),
 ஆசிக்க² த⁴ம்மங் யமஹங் விஜஞ்ஞங்;
 ஜாதிஜராய இத⁴ விப்பஹானங்.

ஜிண்ணோஹமஸ்மி அப³லோ வீதவண்ணோதி. ஜிண்ணோஹமஸ்மீதி
 ஜிண்ணோ வுட்³டோ⁴ மஹல்லகோ அத்³த⁴க³தோ வயோஅனுப்பத்தோ
 வீஸவஸ்ஸஸதிகோ ஜாதியா. அப³லோதி து³ப்³ப³லோ அப்பப³லோ
 அப்பதா²மோ. வீதவண்ணோதி வீதவண்ணோ விக³தவண்ணோ
 விக³ச்சி²தவண்ணோ. யா ஸா புரிமா ஸுபா⁴ வண்ணனிபா⁴ ஸா
 அந்தரஹிதா, ஆதீ³னவோ பாதுபு⁴தோதி - ஜிண்ணோஹமஸ்மி அப³லோ
 வீதவண்ணோ.

இச்சாயஸ்மா பிங்கி³யோதி. இச்சாதி பத³ஸந்தி⁴...பே.... ஆயஸ்மாதி
 பியவசனங்...பே.... பிங்கி³யோதி தஸ்ஸ ப்³ராஹ்மணஸ்ஸ நாமங்...பே...
 அபி⁴லாபோதி - இச்சாயஸ்மா பிங்கி³யோ.

நெத்தா ந ஸுத்தா⁴ ஸவனங் ந பா²ஸுதி நெத்தா அஸுத்தா⁴
அவிஸுத்தா⁴ அபரிஸுத்தா⁴ அவோதா³தா. நோ ததா² சக்கு²னா ரூபே
பஸ்ஸாமீதி - நெத்தா ந ஸுத்தா⁴. ஸவனங் ந பா²ஸுதி ஸோதங்
அஸுத்தா⁴ங் அவிஸுத்தா⁴ங் அபரிஸுத்தா⁴ங் அவோதா³தங். நோ ததா²
ஸோதேன ஸத்த³ங் ஸுணோமீதி - நெத்தா ந ஸுத்தா⁴ ஸவனங் ந பா²ஸு.

மாஹங் நஸ்ஸங் மோமுஹோ அந்தராவாதி. மாஹங் நஸ்ஸந்தி
மாஹங் நஸ்ஸ மாஹங் வினஸ்ஸங் மாஹங் பனஸ்ஸங். மோமுஹோதி
மோஹமுஹோ அவிஜ்ஜாக³தோ அஞ்ஞாணீ அவிபா⁴வீ துப்பஞ்ஞோ.
அந்தராவாதி துய்ஹங் த⁴ம்மங் தி³ட்டி²ங் படிபத³ங் மக்³க³ங் அனஞ்ஞாய
அனதி⁴க³ந்த்வா அவிதி³த்வா அப்படிபி⁴த்வா அப²ஸ்ஸயித்வா
அஸச்சி²கரித்வா அந்தராயேவ காலங்கரெய்யந்தி - மாஹங் நஸ்ஸங்
மோமுஹோ அந்தராவ.

ஆசிக்க² த⁴ம்மங் யமஹங் விஜஞ்ஞந்தி. த⁴ம்மந்தி ஆதி³கல்யாணங்
மஜ்ஜே²கல்யாணங் பரியோஸானகல்யாணங் ஸாத்த²ங் ஸப்யஞ்ஜனங்
கேவலபரிபுண்ணங் பரிஸுத்த⁴ங் ப்³ரஹ்மசரியங், சத்தாரோ ஸதிபட்டா²னே,
சத்தாரோ ஸம்மப்பதா⁴னே, சத்தாரோ இத்தி⁴பாதே³, பஞ்சிந்த்³ரியானி, பஞ்ச
ப³லானி, ஸத்த பொ³ஜ்ஜ²ங்கே³, அரியங் அட்ட²ங்கிக்³ங் மக்³க³ங், நிப்³பா³னஞ்ச
நிப்³பா³னகா³மினிஞ்ச படிபத³ங் ஆசிக்கா²ஹி தே³ஸேஹி பஞ்ஞபேஹி
பட்ட²பேஹி விவராஹி விப⁴ஜாஹி உத்தானீகரோஹி பகாஸேஹீதி - ஆசிக்க²
த⁴ம்மங். யமஹங் விஜஞ்ஞந்தி யமஹங் ஜானெய்யங் ஆஜானெய்யங்
விஜானெய்யங் படிவிஜானெய்யங் படிவிஜ்ஜெ²ய்யங் அதி⁴க³ச்செ²ய்யங்
ப²ஸ்ஸெய்யங் ஸச்சி²கரெய்யந்தி - ஆசிக்க² த⁴ம்மங் யமஹங் விஜஞ்ஞங்.

ஜாதிஜராய இத⁴ விப்பஹானந்தி இதே⁴வ ஜாதிஜராமரணஸ்ஸ
பஹானங் ஓபஸமங் படினிஸ்ஸக்³ங் படிப்பஸ்ஸத்தி⁴ங் அமதங்
நிப்³பா³னந்தி - ஜாதிஜராய இத⁴ விப்பஹானங். தேனாஹ ஸோ ப்³ரஹ்மணோ

“ஜிண்ணோஹமஸ்மி அப³லோ வீதவண்ணோ, [இச்சாயஸ்மா
பிங்கியோ]

நெத்தா ந ஸுத்தா⁴ ஸவனங் ந பா²ஸு;

மாஹங் நஸ்ஸங் மோமுஹோ அந்தராவ, ஆசிக்க² த⁴ம்மங் யமஹங்
விஜஞ்ஞங்;

ஜாதிஜராய இத⁴ விப்பஹானந்தி.

90. தி³ஸ்வான ரூபேஸு விஹஞ்ஞமானே, [பிங்கியாதி ப⁴க³வா]
ரூப்பந்தி ரூபேஸு ஜனா பமத்தா;

தஸ்மா துவங் பிங்கி³ய அப்பமத்தோ, ஜஹஸ்ஸு ரூபங்
அபுனப்³ப⁴வாய.

தி³ஸ்வான ரூபேஸு விஹஞ்ஞமானேதி. ரூபந்தி சத்தாரோ ச
மஹாபூ⁴தா சதுன்னஞ்ச மஹாபூ⁴தானங் உபாதா³ய ரூபங். ஸத்தா
ரூபஹேது ரூபப்பச்சயா ரூபகாரணா ஹஞ்ஞந்தி விஹஞ்ஞந்தி உபஹஞ்ஞந்தி
உபகா⁴தியந்தி [உபகா⁴தயந்தி (ஸ்யா. க.)]. ரூபே ஸதி விவித⁴கம்மகாரணா
[விவித⁴கம்மகாரணானி (க.)] காரெந்தி. கஸாஹிபி தாளெந்தி, வெத்தேஹிபி
தாளெந்தி, அட்³ட⁴த³ண்ட³கேஹிபி தாளெந்தி, ஹத்த²ம்பி சி²ந்த³ந்தி, பாத³ம்பி
சி²ந்த³ந்தி, ஹத்த²பாத³ம்பி சி²ந்த³ந்தி, கண்ணம்பி சி²ந்த³ந்தி, நாஸம்பி சி²ந்த³ந்தி,
கண்ணனாஸம்பி சி²ந்த³ந்தி, பி³லங்க³தா²லிகம்பி கரொந்தி, ஸங்க²முண்டிகம்பி
கரொந்தி, ராஹு²முக²ம்பி கரொந்தி, ஜோதிமாலிகம்பி கரொந்தி,
ஹத்த²பஜ்ஜோதிகம்பி கரொந்தி, ஏரகவத்திகம்பி கரொந்தி, சீரகவாஸிகம்பி
கரொந்தி, ஏணெய்யகம்பி கரொந்தி, ப³ளிஸமங்ஸிகம்பி கரொந்தி,
கஹாபணிகம்பி கரொந்தி, கா²ராபதச்சிகம்பி [கா²ராபடிச்சிகம்பி (க.)] கரொந்தி,
பலிக⁴பரிவத்திகம்பி கரொந்தி, பலாலபீட²கம்பி கரொந்தி, தத்தேனபி தேலேன
ஓஸிஞ்சந்தி, ஸுனகே²ஹிபி கா²தா³பெந்தி, ஜீவந்தம்பி ஸுலே உத்தாஸெந்தி,
அஸினாபி ஸீஸங் சி²ந்த³ந்தி. ஏவங் ஸத்தா ரூபஹேது ரூபப்பச்சயா
ரூபகாரணா ஹஞ்ஞந்தி விஹஞ்ஞந்தி உபஹஞ்ஞந்தி உபகா⁴தியந்தி. ஏவங்
ஹஞ்ஞமானே விஹஞ்ஞமானே உபஹஞ்ஞமானே உபகா⁴தியமானே தி³ஸ்வா
பஸ்ஸித்வா துலயித்வா தீரயித்வா விபா⁴வயித்வா விபூ⁴தங் கத்வாதி -
தி³ஸ்வான ரூபேஸு விஹஞ்ஞமானே.

பிங்கியாதி ப⁴க³வாதி. பிங்கியாதி ப⁴க³வா தங் ப்³ராஹ்மணங் நாமேன
ஆலபதி. ப⁴க³வாதி கா³ரவாதி⁴வசனமேதங்...பே... ஸச்சிகா பஞ்ஞத்தி,
யதி³த³ங் ப⁴க³வாதி - பிங்கியாதி ப⁴க³வா.

ரூப்பந்தி ரூபேஸு ஜனா பமத்தாதி. ரூப்பந்தீதி ரூப்பந்தி குப்பந்தி பீளயந்தி
[பீளியந்தி (ஸ்யா. க.)] க⁴ட்டயந்தி, ப்யாதி⁴தா தோ³மனஸ்ஸிதா ஹொந்தி.
சக்கு²ரோகே³ன ரூப்பந்தி குப்பந்தி பீளயந்தி க⁴ட்டயந்தி, ப்யாதி⁴தா
தோ³மனஸ்ஸிதா ஹொந்தி. ஸோதரோகே³ன...பே... காயரோகே³ன...பே...
ட³ங்ஸமகஸவாதாதபஸரீஸபஸம்ப²ஸ்ஸேஹி ரூப்பந்தி குப்பந்தி பீளயந்தி
க⁴ட்டயந்தி, ப்யாதி⁴தா தோ³மனஸ்ஸிதா ஹொந்தீதி - ரூப்பந்தி ரூபேஸு.

அத² வா, சக்கு²ஸ்மிங் ஹீயமானே ஹாயமானே பரிஹாயமானே வேமானே
[விஹாயமானே (க.)] விக³ச்ச²மானே அந்தரதா⁴யமானே ரூப்பந்தி...பே...
தோ³மனஸ்ஸிதா ஹொந்தி. ஸோதஸ்மிங்...பே... கா⁴னஸ்மிங்... ஜிவ்ஹாய...
காயஸ்மிங்... ரூபஸ்மிங்... ஸத்³த³ஸ்மிங்... க³ந்த⁴ஸ்மிங்... ரஸஸ்மிங்...
பொ²ட்ட²ப்³ப³ஸ்மிங்... குலஸ்மிங்... க³ணஸ்மிங்... ஆவாஸஸ்மிங்... லாப⁴ஸ்மிங்...

யஸஸ்மிங்... பஸங்ஸாய... ஸுக²ஸ்மிங்... சீவரஸ்மிங்... பிண்ட³பாதஸ்மிங்...
ஸேனாஸனஸ்மிங்... கி³லானபச்சயபே⁴ஸஜ்ஜபரிக்கா²ரஸ்மிங் ஹீயமானே
ஹாயமானே பரிஹாயமானே வேமானே விக³ச்ச²மானே அந்தரதா⁴யமானே
ருப்பந்தி குப்பந்தி பீளயந்தி க⁴ட்டயந்தி, ப்யாதி⁴தா தோ³மனஸ்ஸிதா
ஹொந்தீதி - ஏவம்பி ருப்பந்தி ரூபேஸு.

ஜனாதி க²த்தியா ச ப்³ராஹ்மணா ச வெஸ்ஸா ச ஸுத்த³தா³ ச க³ஹட்டா² ச
பப்³ப³ஜிதா ச தே³வா ச மனுஸ்ஸா ச. பமத்தாதி பமாதோ³ வத்தப்³போ³
காயது³ச்சரிதேன வா வசீது³ச்சரிதேன வா மனோது³ச்சரிதேன வா பஞ்சஸு
காமகு³ணேஸு சித்தஸ்ஸ வோஸக்³கோ³ வோஸக்³கா³னுப்பதா³னங்
குஸலானங் வா த⁴ம்மானங் பா⁴வனாய அஸக்கச்சகிரியதா
அஸாதச்சகிரியதா அனட்டி²தகிரியதா ஓலீனவுத்திதா நிக்கி²த்தச்ச²ந்த³தா
நிக்கி²த்தது⁴ரதா அனாஸேவனா அபா⁴வனா அப³ஹுலீகம்மங்
[அப³ஹுலிகம்மங் (க.)] அனதி⁴ட்டா²னங் அனநுயோகோ³ பமாதோ³. யோ
ஏவரூபோ பமாதோ³ பமஜ்ஜனா பமஜ்ஜிதத்தங் - அயங் வுச்சதி பமாதோ³.
இமினா பமாதே³ன ஸமன்னாக³தா ஜனா பமத்தாதி - ருப்பந்தி ரூபேஸு ஜனா
பமத்தா.

தஸ்மா துவங் பிங்கி³ய அப்பமத்தோதி. தஸ்மாதி தஸ்மா தங்காரணா
தங்ஹேது தப்பச்சயா தங்னிதா³னா ஏவங் ஆதீ³னவங் ஸம்பஸ்ஸமானோ
ரூபேஸுதி - தஸ்மா துவங் பிங்கி³ய. அப்பமத்தோதி ஸக்கச்சகாரீ
ஸாதச்சகாரீ...பே... அப்பமாதோ³ குஸலேஸு த⁴ம்மேஸுதி - தஸ்மா துவங்
பிங்கி³ய அப்பமத்தோ.

ஜஹஸ்ஸு ரூபங் அபுனப்³ப⁴வாயாதி. ரூபந்தி சத்தாரோ ச மஹாபூ⁴தா
சதுன்னஞ்ச மஹாபூ⁴தானங் உபாதா³ய ரூபங். ஜஹஸ்ஸு ரூபந்தி
ஜஹஸ்ஸு ரூபங், பஜஹஸ்ஸு ரூபங், வினோதே³ஹி ரூபங், ப்யந்தீகரோஹி
ரூபங், அனபா⁴வங் க³மேஹி ரூபங். அபுனப்³ப⁴வாயாதி யதா² தே ரூபங்
இதே⁴வ நிருஜ்ஜெ²ய்ய, புனபடிஸந்தி⁴கோ ப⁴வோ ந நிப்³ப³த்தெய்ய
காமதா⁴துயா வா ரூபதா⁴துயா வா அரூபதா⁴துயா வா, காமப⁴வே வா
ரூபப⁴வே வா அரூபப⁴வே வா, ஸஞ்ஞாப⁴வே வா அஸஞ்ஞாப⁴வே வா
நேவஸஞ்ஞானாஸஞ்ஞாப⁴வே வா, ஏகவோகாரப⁴வே வா
சதுவோகாரப⁴வே வா பஞ்சவோகாரப⁴வே வா, புன க³தியா வா உபபத்தியா
வா படிஸந்தி⁴யா வா ப⁴வே வா ஸங்ஸாரே வா வட்டே வா ந ஜனெய்ய ந
ஸஞ்ஜனெய்ய ந நிப்³ப³த்தெய்ய நாபி⁴னிப்³ப³த்தெய்ய, இதே⁴வ நிருஜ்ஜெ²ய்ய
ஔபஸமெய்ய அத்த²ங் க³ச்செ²ய்ய படிப்பஸ்ஸம்பெ⁴ய்யாதி - ஜஹஸ்ஸு
ரூபங் அபுனப்³ப⁴வாய. தேனாஹ ப⁴க³வா -

“தி³ஸ்வான ரூபேஸு விஹஞ்ஞமானே, [பிங்கி³யாதி ப⁴க³வா]

ருப்பந்தி ரூபேஸு ஜனா பமத்தா;
தஸ்மா துவங் பிங்கிய அப்பமத்தோ, ஜஹஸ்ஸு ரூபங்
அபுனப்³ப⁴வாயா”தி.

91. தி³ஸா சதஸ்ஸோ விதி³ஸா சதஸ்ஸோ, உத்³த⁴ங் அதோ⁴ த³ஸ
தி³ஸா இமாயோ;
ந துய்ஹங் அதி³ட்ட²ங் அஸ்ஸுதங் அமுதங், அதோ² அவிஞ்ஞாதங்
கிஞ்சி நமத்தி² லோகே;
ஆசிக்க² த⁴ம்மங் யமஹங் விஜஞ்ஞங், ஜாதிஜராய இத⁴
விப்பஹானங்.

தி³ஸா சதஸ்ஸோ விதி³ஸா சதஸ்ஸோ, உத்³த⁴ங் அதோ⁴ த³ஸ
தி³ஸா இமாயோதி த³ஸ தி³ஸா.

ந துய்ஹங் அதி³ட்ட²ங் அஸ்ஸுதங் அமுதங், அதோ² அவிஞ்ஞாதங்
கிஞ்சி நமத்தி² லோகேதி ந துய்ஹங் அதி³ட்ட²ங் அஸ்ஸுதங் அமுதங்
அவிஞ்ஞாதங் கிஞ்சி அத்தத்தோ² வா பரத்தோ² வா உப⁴யத்தோ² வா
தி³ட்ட²த⁴ம்மிகோ வா அத்தோ² ஸம்பராயிகோ வா அத்தோ² உத்தானோ வா
அத்தோ² க³ம்பீ⁴ரோ வா அத்தோ² கூ³ள்ளோ வா அத்தோ² படிச்ச²ன்னோ வா
அத்தோ² நெய்யோ வா அத்தோ² நீதோ வா அத்தோ² அனவஜ்ஜோ வா அத்தோ²
நிக்கிலேஸோ வா அத்தோ² வோதா³னோ வா அத்தோ² பரமத்தோ² வா நத்தி² ந
ஸதி ந ஸங்விஜ்ஜதி நுபலப்³ப⁴தீதி - ந துய்ஹங் அதி³ட்ட²ங் அஸ்ஸுதங்
அமுதங், அதோ² அவிஞ்ஞாதங் கிஞ்சி நமத்தி² லோகே.

ஆசிக்க² த⁴ம்மங் யமஹங் விஜஞ்ஞந்தி. த⁴ம்மந்தி ஆதி³கல்யாணங்...
பே... நிப்³பா³னஞ்ச நிப்³பா³னகா³மினிஞ்ச படிபத³ங் ஆசிக்கா²ஹி தே³ஸேஹி
பஞ்ஞபேஹி பட்ட²பேஹி விவராஹி விப⁴ஜாஹி உத்தானீகரோஹி
பகாஸேஹி. யமஹங் விஜஞ்ஞந்தி யமஹங் ஜானெய்யங் ஆஜானெய்யங்
விஜானெய்யங் படிவிஜானெய்யங் படிவிஜ்ஜெ²ய்யங் அதி⁴க³ச்செ²ய்யங்
ப²ஸ்ஸெய்யங் ஸச்சி²கரெய்யந்தி - ஆசிக்க² த⁴ம்மங் யமஹங் விஜஞ்ஞங்.

ஜாதிஜராய இத⁴ விப்பஹானந்தி இதே⁴வ ஜாதிஜராமரணஸ்ஸ
பஹானங் ஓபஸமங் படினிஸ்ஸக்³ங் படிப்பஸ்ஸத்³தி⁴ங் அமுதங்
நிப்³பா³னந்தி - ஜாதிஜராய இத⁴ விப்பஹானங். தேனாஹ ஸோ ப்³ராஹ்மணோ

“தி³ஸா சதஸ்ஸோ விதி³ஸா சதஸ்ஸோ, உத்³த⁴ங் அதோ⁴ த³ஸ
தி³ஸா இமாயோ;
ந துய்ஹங் அதி³ட்ட²ங் அஸ்ஸுதங் அமுதங், அதோ² அவிஞ்ஞாதங்
கிஞ்சி நமத்தி² லோகே;

ஆசிக்க² த்⁴ம்மங் யமஹங் விஜஞ்ஞங், ஜாதிஜராய இத⁴
விப்பஹான⁴ந்தி.

92. தண்ஹாதி⁴பன்னே மனுஜே பெக்க²மானோ, பிங்கி³யாதி ப⁴க³வா
ஸந்தாபஜாதே ஜரஸா பரேதே;
தஸ்மா துவங் பிங்கி³ய அப்பமத்தோ, ஜஹஸ்ஸு தண்ஹங்
அபுனப்³ப⁴வாய.

தண்ஹாதி⁴பன்னே மனுஜே பெக்க²மானோதி. தண்ஹாதி ரூபதண்ஹா...
பே... த்⁴ம்மதண்ஹா. தண்ஹாதி⁴பன்னேதி தண்ஹாதி⁴பன்னே [\[தண்ஹாய
அதி⁴பன்னே \(க.\)\]](#) தண்ஹானுகே³ தண்ஹானுக³தே தண்ஹானுஸடே
தண்ஹாய பன்னே படிபன்னே அபி⁴பூ⁴தே பரியாதி³ன்னசித்தே. மனுஜேதி
ஸத்தாதி⁴வசனங். பெக்க²மானோதி பெக்க²மானோ த³க்க²மானோ
ஓலோகயமானோ நிஜ்ஜா²யமானோ உபபரிக்க²மானோதி - தண்ஹாதி⁴பன்னே
மனுஜே பெக்க²மானோ. பிங்கி³யாதி ப⁴க³வாதி. பிங்கி³யாதி ப⁴க³வா தங்
ப்³ராஹ்மணங் நாமேன ஆலபதி. ப⁴க³வாதி கா³ரவாதி⁴வசனமேதங்...பே...
ஸச்சி²கா பஞ்ஞத்தி, யதி³த³ங் ப⁴க³வாதி - பிங்கி³யாதி ப⁴க³வா.

ஸந்தாபஜாதே ஜரஸா பரேதேதி. ஸந்தாபஜாதேதி ஜாதியா ஸந்தாபஜாதே,
ஜராய ஸந்தாபஜாதே, ப்³யாதி⁴னா ஸந்தாபஜாதே, மரணேன ஸந்தாபஜாதே,
ஸோகபரிதே³வது³க்க²தோ³மனஸ்ஸுபாயாஸேஹி ஸந்தாபஜாதே, நேரயிகேன
து³க்கே²ன ஸந்தாபஜாதே...பே... தி³ட்டி²ப்³யஸனேன து³க்கே²ன ஸந்தாபஜாதே
ஈதிஜாதே உபத்³த³வஜாதே உபஸக்³க³ஜாதேதி - ஸந்தாபஜாதே. ஜரஸா
பரேதேதி ஜராய பு²ட்டே² பரேதே ஸமோஹிதே ஸமன்னாக³தே. ஜாதியா
அனுக³தே ஜராய அனுஸடே ப்³யாதி⁴னா அபி⁴பூ⁴தே மரணேன
அப்³பா⁴ஹதே அதாணே அலேணே அஸரணே அஸரணிபூ⁴தேதி -
ஸந்தாபஜாதே ஜரஸா பரேதே.

தஸ்மா துவங் பிங்கி³ய அப்பமத்தோதி. தஸ்மாதி தஸ்மா தங்காரணா
தங்ஹேது தப்பச்சயா தங்னிதா³னா ஏவங் ஆதீ³னவங் ஸம்பஸ்ஸமானோ
தண்ஹாயாதி - தஸ்மா துவங் பிங்கி³ய. அப்பமத்தோதி ஸக்கச்சகாரீ...பே...
அப்பமாதோ³ குஸலேஸு த்⁴ம்மேஸுதி - தஸ்மா துவங் பிங்கி³ய
அப்பமத்தோ.

ஜஹஸ்ஸு தண்ஹங் அபுனப்³ப⁴வாயாதி. தண்ஹாதி ரூபதண்ஹா...பே...
த்⁴ம்மதண்ஹா. ஜஹஸ்ஸு தண்ஹந்தி ஜஹஸ்ஸு தண்ஹங் பஜஹஸ்ஸு
தண்ஹங் வினோதே³ஹி தண்ஹங் ப்³யந்தீகரோஹி தண்ஹங் அனபா⁴வங்
க³மேஹி தண்ஹங். அபுனப்³ப⁴வாயாதி யதா² தே...பே... புனபடிஸந்தி⁴கோ
ப⁴வோ ந நிப்³ப³த்தெய்ய காமதா⁴துயா வா ரூபதா⁴துயா வா

அருபதா⁴துயா வா, காமப⁴வே வா ரூபப⁴வே வா அருபப⁴வே வா,
 ஸஞ்ஞாப⁴வே வா அஸஞ்ஞாப⁴வே வா நேவஸஞ்ஞானாஸஞ்ஞாப⁴வே
 வா, ஏகவோகாரப⁴வே வா சதுவோகாரப⁴வே வா பஞ்சவோகாரப⁴வே வா,
 புனக³தியா வா உபபத்தியா வா படிஸந்தி⁴யா வா ப⁴வே வா ஸங்ஸாரே வா
 வட்டே வா ந ஜனெய்ய ந ஸஞ்ஜனெய்ய ந நிப்³புத்தெய்ய
 நாபி⁴னிப்³புத்தெய்ய, இதே⁴வ நிருஜ்ஜெ²ய்ய வுபஸமெய்ய அத்த²ங்
 க³ச்செ²ய்ய படிப்பஸ்ஸம்பெ⁴ய்யாதி - ஜஹஸ்ஸு தண்ஹங் அபுனப்³ப⁴வாய.
 தேனாஹ ப⁴க³வா -

“தண்ஹாதி⁴பன்னே மனுஜே பெக்க²மானோ, [பிங்கியாதி ப⁴க³வா]
 ஸந்தாபஜாதே ஜரஸா பரேதே;
 தஸ்மா துவங் பிங்கிய அப்பமத்தோ, ஜஹஸ்ஸு தண்ஹங்
 அபுனப்³ப⁴வாயா”தி.

ஸஹ கா³தா²பரியோஸானா யே தே ப்³ராஹ்மணேன ஸத்தி⁴ங்
 ஏகச்சந்தா³ ஏகபயோகா³ ஏகாதி⁴ப்பாயா ஏகவாஸனவாஸிதா, தேஸங்
 அனேகபாணஸஹஸ்ஸானங் விரஜங் வீதமலங் த⁴ம்மசக்கு²ங் உத³பாதி³ -
 “யங் கிஞ்சி ஸமுத³யத⁴ம்மங் ஸப்³புங் தங் நிரோத⁴த⁴ம்ம”ந்தி. தஸ்ஸ ச
 ப்³ராஹ்மணஸ்ஸ விரஜங் வீதமலங் த⁴ம்மசக்கு²ங் உத³பாதி³ - “யங் கிஞ்சி
 ஸமுத³யத⁴ம்மங் ஸப்³புங் தங் நிரோத⁴த⁴ம்ம”ந்தி. ஸஹ
 த⁴ம்மசக்கு²ஸ்ஸ படிஸாபா⁴ அஜினஜடாவாகசீரதித³ண்ட³கமண்ட³லுகேஸா ச
 மஸ்ஸு ச அந்தரஹிதா ப⁴ண்டு³காஸாயவத்த²வஸனோ
 ஸங்கா⁴டிபத்தசீவரத⁴ரோ அன்வத்த²படிபத்தியா பஞ்ஜலிகோ ப⁴க³வந்தங்
 நமஸ்ஸமாமனோ நிஸின்னோ ஹோதி - “ஸத்தா² மே ப⁴ந்தே ப⁴க³வா,
 ஸாவகோஹமஸ்மீ”தி.

பிங்கியமாணவபுச்சா²னித்³தே³ஸோ [ஸிங்கியபஞ்ஹங் (க.)] ஸோளஸமோ.

17. பாராயனத்து²திகா³தா²னித்³தே³ஸோ

93. இத³மவோச ப⁴க³வா மக³தே⁴ஸு விஹரந்தோ பாஸாணகே
 சேதியே, பரிசாரகஸோளஸானங் [பரிசாரிதஸோளஸன்னங் (ஸ்யா. க.)]
 ப்³ராஹ்மணானங் அஜ்ஜி²ட்டோ² புட்டோ² புட்டோ² பஞ்ஹங் ப்³யாகாஸி.

இத³மவோச ப⁴க³வாதி இத³ங் பாராயனங் அவோச. ப⁴க³வாதி
 கா³ரவாதி⁴வசனமேதங்...பே... ஸச்சி²கா பஞ்ஞத்தி, யதி³த³ங் ப⁴க³வாதி -
 இத³மவோச ப⁴க³வா. மக³தே⁴ஸு விஹரந்தோதி மக³த⁴னாமகே ஜனபதே³
 விஹரந்தோ இரியந்தோ வத்தெந்தோ பாலெந்தோ யபெந்தோ யாபெந்தோ.
 பாஸாணகே சேதியேதி பாஸாணகசேதியங் வுச்சதி புத்த³தா⁴ஸனந்தி -
 மக³தே⁴ஸு விஹரந்தோ பாஸாணகே சேதியே. பரிசாரகஸோளஸானங்

ப்³ராஹ்மணானந்தி பிங்கி³யோ [ஸிங்கி³யோ (க.)] ப்³ராஹ்மணோ பா³வரிஸ்ஸ ப்³ராஹ்மணஸ்ஸ பத்³தோ⁴ பத்³த⁴சரோ பரிசாரகோ [பரிசாரிகோ (ஸ்யா. க.)] ஸிஸ்ஸோ. பிங்கி³யேன [தேன (க.)] தே ஸோளஸாதி - ஏவம்பி பரிசாரகஸோளஸானங் ப்³ராஹ்மணானங். அத² வா, தே ஸோளஸ ப்³ராஹ்மணா பு³த்³த⁴ஸ்ஸ ப்⁴க³வதோ பத்³தா⁴ பத்³த⁴சரா பரிசாரகா ஸிஸ்ஸாதி - ஏவம்பி பரிசாரகஸோளஸானங் ப்³ராஹ்மணானங்.

அஜ்ஜி²ட்டோ² புட்டோ² புட்டோ² பஞ்ஹங் ப்யாகாஸீதி. அஜ்ஜி²ட்டோ²தி அஜ்ஜி²ட்டோ² அஜ்ஜே²ஸிதோ. புட்டோ² புட்டோ²தி புட்டோ² புட்டோ² புச்சி²தோ புச்சி²தோ யாசிதோ யாசிதோ அஜ்ஜே²ஸிதோ அஜ்ஜே²ஸிதோ பஸாதி³தோ பஸாதி³தோ. பஞ்ஹங் ப்யாகாஸீதி பஞ்ஹங் ப்யாகாஸி ஆசிக்கி² தே³ஸேஸி பஞ்ஞபேஸி பட்ட²பேஸி விவரி விப⁴ஜி உத்தானீஆகாஸி பகாஸேஸீதி - அஜ்ஜி²ட்டோ² புட்டோ² புட்டோ² பஞ்ஹங் ப்யாகாஸி. தேனேதங் வுச்சதி -

“இத³மவோச ப்⁴க³வா மக³தே⁴ஸு விஹரந்தோ பாஸாணகே சேதியே, பரிசாரகஸோளஸானங் ப்³ராஹ்மணானங் அஜ்ஜி²ட்டோ² புட்டோ² புட்டோ² பஞ்ஹங் ப்யாகாஸீ”தி.

94. ஏகமேகஸ்ஸ சேபி பஞ்ஹஸ்ஸ அத்த²மஞ்ஞாய த⁴ம்மமஞ்ஞாய த⁴ம்மானுத⁴ம்மங் படிபஜ்ஜெய்ய, க³ச்செ²ய்யேவ ஜராமரணஸ்ஸ பாரங். பாரங்க³மனீயா இமே த⁴ம்மாதி. தஸ்மா இமஸ்ஸ த⁴ம்மபரியாயஸ்ஸ “பாராயன”ந்தேவ அதி⁴வசனங்.

ஏகமேகஸ்ஸ சேபி பஞ்ஹஸ்ஸாதி ஏகமேகஸ்ஸ சேபி அஜிதபஞ்ஹஸ்ஸ, ஏகமேகஸ்ஸ சேபி திஸ்ஸமெத்தெய்யபஞ்ஹஸ்ஸ, ஏகமேகஸ்ஸ சேபி புண்ணகபஞ்ஹஸ்ஸ, ஏகமேகஸ்ஸ சேபி மெத்தகூ³பஞ்ஹஸ்ஸ, ஏகமேகஸ்ஸ சேபி தோ⁴தகபஞ்ஹஸ்ஸ, ஏகமேகஸ்ஸ சேபி உபஸீவபஞ்ஹஸ்ஸ, ஏகமேகஸ்ஸ சேபி நந்த³கபஞ்ஹஸ்ஸ, ஏகமேகஸ்ஸ சேபி ஹேமகபஞ்ஹஸ்ஸ, ஏகமேகஸ்ஸ சேபி தோதெ³ய்யபஞ்ஹஸ்ஸ, ஏகமேகஸ்ஸ சேபி கப்பபஞ்ஹஸ்ஸ, ஏகமேகஸ்ஸ சேபி ஜதுகண்ணிபஞ்ஹஸ்ஸ, ஏகமேகஸ்ஸ சேபி ப்⁴த்³ராவுத⁴பஞ்ஹஸ்ஸ, ஏகமேகஸ்ஸ சேபி உத³யபஞ்ஹஸ்ஸ, ஏகமேகஸ்ஸ சேபி போஸாலபஞ்ஹஸ்ஸ, ஏகமேகஸ்ஸ சேபி மோக⁴ராஜபஞ்ஹஸ்ஸ, ஏகமேகஸ்ஸ சேபி பிங்கி³யபஞ்ஹஸ்ஸாதி - ஏகமேகஸ்ஸ சேபி பஞ்ஹஸ்ஸ.

அத்த²மஞ்ஞாய த⁴ம்மமஞ்ஞாயாதி ஸ்வேவ பஞ்ஹோ த⁴ம்மோ, விஸஜ்ஜனங் [விஸ்ஸஜ்ஜனங் (க.)] அத்தோ²தி அத்த²ங் அஞ்ஞாய ஜானித்வா துலயித்வா தீரயித்வா விபா⁴வயித்வா விபூ⁴தங் கத்வாதி - அத்த²மஞ்ஞாய.

த⁴ம்மமஞ்ஞாயாதி த⁴ம்மங் அஞ்ஞாய ஜானித்வா துலயித்வா தீரயித்வா
விபா⁴வயித்வா விபு⁴தங் கத்வாதி - த⁴ம்மமஞ்ஞாயாதி - அத்த²மஞ்ஞாய
த⁴ம்மமஞ்ஞாய. த⁴ம்மானுத⁴ம்மங் படிபஜ்ஜெய்யாதி ஸம்மாபடிபத³ங்
அனுலோமபடிபத³ங் அபச்சனீகபடிபத³ங் அன்வத்த²படிபத³ங்
த⁴ம்மானுத⁴ம்மபடிபத³ங் படிபஜ்ஜெய்யாதி - த⁴ம்மானுத⁴ம்மங்
படிபஜ்ஜெய்ய. க³ச்செ²ய்யேவ ஜராமரணஸ்ஸ பாரந்தி ஜராமரணஸ்ஸ பாரங்
வுச்சதி அமதங் நிப்³பா³னங். யோ ஸோ ஸப்³பு³ஸங்கா²ரஸமதோ²
ஸப்³பு³பதி⁴ப்படினிஸ்ஸக்³கோ³ தண்ஹக்க²யோ விராகோ³ நிரோதோ⁴
நிப்³பா³னங். க³ச்செ²ய்யேவ ஜராமரணஸ்ஸ பாரந்தி ஜராமரணஸ்ஸ பாரங்
க³ச்செ²ய்ய, பாரங் அதி⁴க³ச்செ²ய்ய, பாரங் அதி⁴ப²ஸ்ஸெய்ய, பாரங்
ஸச்சி²கரெய்யாதி - க³ச்செ²ய்யேவ ஜராமரணஸ்ஸ பாரங். பாரங்க³மனீயா
இமே த⁴ம்மாதி இமே த⁴ம்மா பாரங்க³மனீயா. பாரங் பாபெந்தி பாரங்
ஸம்பாபெந்தி பாரங் ஸமனுபாபெந்தி, ஜராமணஸ்ஸ தரணாய [\[தாரணாய](#)
[\(ஸ்யா.\)\]](#) ஸங்வத்தந்தீதி - பாரங்க³மனீயா இமே த⁴ம்மாதி.

தஸ்மா இமஸ்ஸ த⁴ம்மபரியாயஸ்ஸாதி. தஸ்மாதி தஸ்மா தங்காரணா
தங்ஹேது தப்பச்சயா தங்னிதா³னாதி - தஸ்மா. இமஸ்ஸ
த⁴ம்மபரியாயஸ்ஸாதி இமஸ்ஸ பாராயனஸ்ஸாதி - தஸ்மா இமஸ்ஸ
த⁴ம்மபரியாயஸ்ஸ. பாராயனந்தேவ அதி⁴வசனந்தி பாரங் வுச்சதி அமதங்
நிப்³பா³னங்...பே... நிரோதோ⁴ நிப்³பா³னங். அயனங் வுச்சதி மக்³கோ³,
ஸெய்யதி²த³ங் - ஸம்மாதி³ட்டி²...பே... ஸம்மாஸமாதி⁴. அதி⁴வசனந்தி
ஸங்கா² ஸமஞ்ஞா பஞ்ஞத்தி வோஹாரோ நாமங் நாமகம்மங் நாமதெ⁴ய்யங்
நிருத்தி ப்³யஞ்ஜனங் அபி⁴லாபோதி - பாராயனந்தேவ அதி⁴வசனங்.
தேனேதங் வுச்சதி -

“ஏகமேகஸ்ஸ சேபி பஞ்ஹஸ்ஸ அத்த²மஞ்ஞாய த⁴ம்மமஞ்ஞாய
த⁴ம்மானுத⁴ம்மங் படிபஜ்ஜெய்ய, க³ச்செ²ய்யேவ ஜராமரணஸ்ஸ பாரங்.
பாரங்க³மனீயா இமே த⁴ம்மாதி. தஸ்மா இமஸ்ஸ த⁴ம்மபரியாயஸ்ஸ
‘பாராயன’ந்தேவ அதி⁴வசன’ந்தி.

95. அஜிதோ திஸ்ஸமெத்தெய்யோ, புண்ணகோ அத² மெத்தகூ³;
தோ⁴தகோ உபஸீவோ ச, நந்தோ³ ச அத² ஹேமகோ.
96. தோதெ³ய்யகப்பா து³ப⁴யோ, ஜதுகண்ணீ ச பண்டி³தோ;
ப⁴த்³ராவுதோ⁴ உத³யோ ச, போஸாலோ சாபி ப்³ராஹ்மணோ;
மோக⁴ராஜா ச மேதா⁴வீ, பிங்கி³யோ ச மஹாஇஸி.
97. ஏதே புத்³த⁴ங் உபாக³ச்சுங், ஸம்பன்னசரணங் இஸிங்;
புச்சந்தா நிபுணே பஞ்ஹே, புத்³த⁴ஸெட்ட²ங் உபாக³முங்.

ஏதே புத்த⁴ங் உபாகச்சுந்தி. ஏதேதி ஸோளஸ பாராயனியா ப்ராஹ்மணா. புத்தோ⁴தி யோ ஸோ ப⁴க³வா ஸயம்பு⁴ அனாசரியகோ புப்பே³ அனநுஸ்ஸுதேஸு த⁴ம்மேஸு ஸாமங் ஸச்சானி அபி⁴ஸம்புஜ்ஜி², தத்த² ச ஸப்ப³ஞ்ஞுதங் பத்தோ ப்லேஸு ச வஸீபா⁴வங். புத்தோ⁴தி கேனட்டே²ன புத்தோ⁴? புஜ்ஜி²தா ஸச்சானீதி புத்தோ⁴, போ³தே⁴தா பஜாயாதி புத்தோ⁴, ஸப்ப³ஞ்ஞுதாய புத்தோ⁴, ஸப்ப³த³ஸ்ஸாவிதாய புத்தோ⁴, அபி⁴ஞ்ஞெய்யதாய புத்தோ⁴, விஸவிதாய புத்தோ⁴, கீணாஸவஸங்கா²தேன புத்தோ⁴, நிருபலேபஸங்கா²தேன புத்தோ⁴, ஏகந்தவீதராகோ³தி புத்தோ⁴, ஏகந்தவீதோ³ஸோதி புத்தோ⁴, ஏகந்தவீதமோஹோதி புத்தோ⁴, ஏகந்தனிக்கிலேஸோதி புத்தோ⁴, ஏகாயனமக்³ங் க³தோதி புத்தோ⁴, ஏகோ அனுத்தரங் ஸம்மாஸம்போ³தி⁴ங் அபி⁴ஸம்புத்தோ⁴தி புத்தோ⁴, அபுத்தி⁴விஹதத்தா புத்தி⁴படிலாபா⁴தி புத்தோ⁴. புத்தோ⁴தி நேதங் நாமங் மாதரா கதங் ந பிதரா கதங் ந பா⁴தரா கதங் ந ப⁴கி³னியா கதங் ந மித்தாமச்சேஹி கதங் ந ஞாதிஸாலோஹிதேஹி கதங் ந ஸமணப்ராஹ்மணேஹி கதங் ந தே³வதாஹி கதங். விமொக்க²ந்திகமேதங் புத்தா⁴னங் ப⁴க³வந்தானங் போ³தி⁴யா மூலே ஸஹ ஸப்ப³ஞ்ஞுதஞாணஸ்ஸ படிலாபா⁴ ஸச்சி²கா பஞ்ஞுத்தி , யதி³த³ங் புத்தோ⁴தி. ஏதே புத்த⁴ங் உபாகச்சுந்தி ஏதே புத்த⁴ங் உபாகமிங்ஸு உபஸங்கமிங்ஸு பயிருபாஸிங்ஸு பரிபுச்சிங்ஸு பரிபஞ்ஹிங்ஸுதி - ஏதே புத்த⁴ங் உபாகச்சுங்.

ஸம்பன்னசரணங் இஸிந்தி சரணங் வச்சதி ஸீலாசாரனிப்ப³த்தி. ஸீலஸங்வரோபி சரணங், இந்த்³ரியஸங்வரோபி சரணங், போ⁴ஜனே மத்தஞ்ஞுதாபி சரணங், ஜாக்³ரியானுயோகோ³பி சரணங், ஸத்தபி ஸத்த⁴ம்மா சரணங், சத்தாரிபி ஜா²னானி சரணங். ஸம்பன்னசரணந்தி ஸம்பன்னசரணங் ஸெட்ட²சரணங் விஸெட்ட²சரணங் [விஸிட்ட²சரணங் (க.)] பாமொக்க²சரணங் உத்தமசரணங் பவரசரணங். இஸீதி இஸி ப⁴க³வா மஹந்தங் ஸீலக்க²ந்த⁴ங் ஏஸீ க³வேஸீ பரியேஸீதி இஸி...பே... மஹேஸக்கே²ஹி வா ஸத்தேஹி ஏஸிதோ க³வேஸிதோ பரியேஸிதோ - “கஹங் புத்தோ⁴, கஹங் ப⁴க³வா, கஹங் தே³வதே³வோ கஹங் நராஸபோ⁴”தி - இஸீதி - ஸம்பன்னசரணங் இஸிங்.

புச்சந்தா நிபுணே பஞ்ஹேதி. புச்சந்தாதி புச்சந்தா யாசந்தா அஜ்ஜே²ஸந்தா பஸாதெ³ந்தா. நிபுணே பஞ்ஹேதி க³ம்பீ⁴ரே துத்த³த³ஸே து³ரனுபோ³தே⁴ ஸந்தே பணீதே அதக்காவசரே நிபுணே பண்டி³தவேத³னீயே பஞ்ஹேதி - புச்சந்தா நிபுணே பஞ்ஹே.

புத்த⁴ஸெட்ட²ங் உபாகமுந்தி. புத்தோ⁴தி யோ ஸோ ப⁴க³வா...பே... ஸச்சி²கா பஞ்ஞுத்தி, யதி³த³ங் புத்தோ⁴தி. ஸெட்ட²ந்தி அக்³ங் ஸெட்ட²ங்

விஸெட்ட²ங் பாமொக்க²ங் உத்தமங் பவரங் பு³த³த⁴ங் உபாக³முங்
உபாக³மிங்ஸு உபஸங்கமிங்ஸு பயிருபாஸிங்ஸு பரிபுச்சி²ங்ஸு
பரிபஞ்ஹிங்ஸுதி - பு³த³த⁴ஸெட்ட²ங் உபாக³முங். தேனேதங் வுச்சதி -

“ஏதே பு³த³த⁴ங் உபாக³ச்ச²ங், ஸம்பன்னசரணங் இஸிங்;
புச்ச²ந்தா நிபுணே பஞ்ஹே, பு³த³த⁴ஸெட்ட²ங் உபாக³மு”ந்தி.

98. தேஸங் பு³த³தோ⁴ பப்³யாகாஸி, பஞ்ஹங் புட்டோ² யதா²தத²ங்;
பஞ்ஹானங் வெய்யாகரணேன, தோஸேஸி ப்³ராஹ்மணே முனி.

தேஸங் பு³த³தோ⁴ பப்³யாகாஸீதி. தேஸந்தி ஸோளஸானங்
பாராயனியானங் ப்³ராஹ்மணானங். பு³த³தோ⁴தி யோ ஸோ ப⁴க³வா...பே...
ஸச்சி²கா பஞ்ஞத்தி, யதி³த³ங் பு³த³தோ⁴தி. பப்³யாகாஸீதி தேஸங் பு³த³தோ⁴
பப்³யாகாஸி ஆசிக்கி² தே³ஸேஸி பஞ்ஞபேஸி பட்ட²பேஸி விவரி விப⁴ஜி
உத்தானீஅகாஸி பகாஸேஸீதி - தேஸங் பு³த³தோ⁴ பப்³யாகாஸி.

பஞ்ஹங் புட்டோ² யதா²தத²ந்தி. பஞ்ஹங் புட்டோ²தி பஞ்ஹங் புட்டோ²
புச்சி²தோ யாசிதோ அஜ்ஜே²ஸிதோ பஸாதி³தோ. யதா²தத²ந்தி யதா²
ஆசிக்கி²தப்³ப³ங் ததா² ஆசிக்கி², யதா² தே³ஸிதப்³ப³ங் ததா² தே³ஸேஸி, யதா²
பஞ்ஞபேதப்³ப³ங் ததா² பஞ்ஞபேஸி, யதா² பட்ட²பேதப்³ப³ங் ததா² பட்ட²பேஸி,
யதா² விவரிதப்³ப³ங் ததா² விவரி, யதா² விப⁴ஜிதப்³ப³ங் ததா² விப⁴ஜி, யதா²
உத்தானீகாதப்³ப³ங் ததா² உத்தானீஅகாஸி, யதா² பகாஸிதப்³ப³ங் ததா²
பகாஸேஸீதி - பஞ்ஹங் புட்டோ² யதா²தத²ங்.

பஞ்ஹானங் வெய்யாகரணேனாதி பஞ்ஹானங் வெய்யாகரணேன
ஆசிக்க²னேன தே³ஸனேன பஞ்ஞபனேன பட்ட²பனேன விவரணேன
விப⁴ஜனேன உத்தானீகம்மேன பகாஸனேனாதி - பஞ்ஹானங்
வெய்யாகரணேன.

தோஸேஸி ப்³ராஹ்மணே முனீதி. தோஸேஸீதி தோஸேஸி
விதோஸேஸி பஸாதே³ஸி ஆராதே⁴ஸி அத்தமனே அகாஸி. ப்³ராஹ்மணேதி
ஸோளஸ பாராயனியே ப்³ராஹ்மணே. முனீதி மோனங் வுச்சதி ஞாணங்...பே...
ஸங்க³ஜாலமதிச்ச ஸோ முனீதி - தோஸேஸி ப்³ராஹ்மணே முனி. தேனேதங்
வுச்சதி -

“தேஸங் பு³த³தோ⁴ பப்³யாகாஸி, பஞ்ஹங் புட்டோ² யதா²தத²ங்;
பஞ்ஹானங் வெய்யாகரணேன, தோஸேஸி ப்³ராஹ்மணே முனீதி.

99. தே தோஸிதா சக்கு²மதா, பு³த³தோ⁴னாதி³ச்சப³ந்து⁴னா;
ப்³ராஹ்மசரியமசரிங்ஸு, வரபஞ்ஞஸ்ஸ ஸந்திகே.

தே தோஸிதா சக்கு²மதாதி. தேதி ஸோளஸ பாராயனியா ப்³ராஹ்மணா. தோஸிதாதி தோஸிதா விதோஸிதா பஸாதி³தா ஆராதி⁴தா அத்தமனா கதாதி - தே தோஸிதா. சக்கு²மதாதி ப்⁴க³வா பஞ்சஹி சக்கூ²ஹி சக்கு²மா - மங்ஸசக்கு²னாபி சக்கு²மா, தி³ப்³ப³சக்கு²னாபி சக்கு²மா, பஞ்ஞாசக்கு²னாபி சக்கு²மா, பு³த்³த⁴சக்கு²னாபி சக்கு²மா, ஸமந்தசக்கு²னாபி சக்கு²மா. கத²ங் ப்⁴க³வா மங்ஸசக்கு²னாபி சக்கு²மா...பே... ஏவங் ப்⁴க³வா ஸமந்தசக்கு²னாபி சக்கு²மாதி - தே தோஸிதா சக்கு²மதா.

பு³த்³தே⁴னாதி³ச்சப³ந்து⁴னாதி. பு³த்³தே⁴தி யோ ஸோ ப்⁴க³வா...பே... ஸச்சி²கா பஞ்ஞத்தி, யதி³த³ங் பு³த்³தே⁴தி. ஆதி³ச்சப³ந்து⁴னாதி ஆதி³ச்சோ வச்சதி ஸூரியோ. ஸோ கோ³தமோ கொ³த்தேன, ப்⁴க³வாபி கோ³தமோ கொ³த்தேன, ப்⁴க³வா ஸூரியஸ்ஸ கொ³த்தஞாதகோ கொ³த்தப³ந்து⁴. தஸ்மா பு³த்³தே⁴ ஆதி³ச்சப³ந்து⁴தி - பு³த்³தே⁴னாதி³ச்சப³ந்து⁴னா.

ப்³ரஹ்மசரியமசரிங்ஸூதி ப்³ரஹ்மசரியங் வச்சதி அஸத்³த⁴ம்மஸமாபத்தியா ஆரதி விரதி படிவிரதி வேரமணீ விரமணங் அகிரியா அகரணங் அனஜ்ஜா²பத்தி வேலாஅனதிக்கமோ ஸேதுகா⁴தோ. அபி ச, நிப்பரியாயவஸேன ப்³ரஹ்மசரியங் வச்சதி அரியோ அட்ட²ங்கி³கோ மக்³கோ³, ஸெய்யதி²த³ங் - ஸம்மாதி³ட்டி², ஸம்மாஸங்கப்போ, ஸம்மாவாசா, ஸம்மாகம்மந்தோ, ஸம்மாஆஜீவோ, ஸம்மாவாயாமோ, ஸம்மாஸதி, ஸம்மாஸமாதி⁴. ப்³ரஹ்மசரியமசரிங்ஸூதி ப்³ரஹ்மசரியங் சரிங்ஸூ அசரிங்ஸூ ஸமாதா³ய வத்திங்ஸூதி - ப்³ரஹ்மசரியமசரிங்ஸூ.

வரபஞ்ஞஸ்ஸ ஸந்திகேதி வரபஞ்ஞஸ்ஸ அக்³க³பஞ்ஞஸ்ஸ ஸெட்ட²பஞ்ஞஸ்ஸ விஸெட்ட²பஞ்ஞஸ்ஸ பாமொக்க³பஞ்ஞஸ்ஸ உத்தமபஞ்ஞஸ்ஸ பவரபஞ்ஞஸ்ஸ. ஸந்திகேதி ஸந்திகே ஸாமந்தா ஆஸன்னே அவிதூ³ரே உபகட்டே²தி - வரபஞ்ஞஸ்ஸ ஸந்திகே. தேனேதங் வச்சதி -

“தே தோஸிதா சக்கு²மதா, பு³த்³தே⁴னாதி³ச்சப³ந்து⁴னா;
ப்³ரஹ்மசரியமசரிங்ஸூ, வரபஞ்ஞஸ்ஸ ஸந்திகே”தி.

100. ஏகமேகஸ்ஸ பஞ்ஹஸ்ஸ, யதா² பு³த்³தே⁴ன தே³ஸிதங்;
ததா² யோ படிபஜ்ஜெய்ய, க³ச்சே² பாரங் அபாரதோ.

ஏகமேகஸ்ஸ பஞ்ஹஸ்ஸாதி ஏகமேகஸ்ஸ அஜிதபஞ்ஹஸ்ஸ,
ஏகமேகஸ்ஸ திஸ்ஸமெத்தெய்யபஞ்ஹஸ்ஸ...பே... ஏகமேகஸ்ஸ
பிங்கியபஞ்ஹஸ்ஸாதி - ஏகமேகஸ்ஸ பஞ்ஹஸ்ஸ.

யதா² பு³த்³தே⁴ன தே³ஸிதந்தி. பு³த்³தோ⁴தி யோ ஸோ ப⁴க³வா
ஸயம்பூ⁴...பே... ஸச்சி²கா பஞ்ஞத்தி, யதி³த³ங் பு³த்³தோ⁴தி. யதா² பு³த்³தே⁴ன
தே³ஸிதந்தி யதா² பு³த்³தே⁴ன ஆசிக்கி²தங் தே³ஸிதங் பஞ்ஞபிதங் பட்ட²பிதங்
விவரிதங் விப⁴ஜிதங் [விப⁴த்தங் (ஸ்யா.)] உத்தானிகதங் பகாஸிதந்தி - யதா²
பு³த்³தே⁴ன தே³ஸிதங்.

ததா² யோ படிபஜ்ஜெய்யாதி ஸம்மாபடிபத³ங் அனுலோமபடிபத³ங்
அபச்சனிகபடிபத³ங் அன்வத்த²படிபத³ங் த⁴ம்மானுத⁴ம்மபடிபத³ங்
படிபஜ்ஜெய்யாதி - ததா² யோ படிபஜ்ஜெய்ய.

க³ச்சே² பாரங் அபாரதோதி பாரங் வுச்சதி அமதங் நிப்³பா³னங்...பே...
நிரோதோ⁴ நிப்³பா³னங்; அபாரங் வுச்சந்தி கிலேஸா ச க²ந்தா⁴ ச
அபி⁴ஸங்கா²ரா ச. க³ச்சே² பாரங் அபாரதோதி அபாரதோ பாரங் க³ச்செ²ய்ய,
பாரங் அதி⁴க³ச்செ²ய்ய, பாரங் ப²ஸ்ஸெய்ய, பாரங் ஸச்சி²கரெய்யாதி - க³ச்சே²
பாரங் அபாரதோ. தேனேதங் வுச்சதி -

“ஏகமேகஸ்ஸ பஞ்ஹஸ்ஸ, யதா² பு³த்³தே⁴ன தே³ஸிதங்;
ததா² யோ படிபஜ்ஜெய்ய, க³ச்சே² பாரங் அபாரதோ”தி.

101. அபாரா பாரங் க³ச்செ²ய்ய, பா⁴வெந்தோ மக்³க³முத்தமங்;
மக்³கோ³ ஸோ பாரங் க³மனாய, தஸ்மா பாராயனங் இதி.

அபாரா பாரங் க³ச்செ²ய்யாதி அபாரங் வுச்சந்தி கிலேஸா ச க²ந்தா⁴ ச
அபி⁴ஸங்கா²ரா ச; பாரங் வுச்சதி அமதங் நிப்³பா³னங்...பே... தண்ஹக்க²யோ
விராகோ³ நிரோதோ⁴ நிப்³பா³னங். அபாரா பாரங் க³ச்செ²ய்யாதி அபாரா பாரங்
க³ச்செ²ய்ய, பாரங் அதி⁴க³ச்செ²ய்ய, பாரங் ப²ஸ்ஸெய்ய, பாரங்
ஸச்சி²கரெய்யாதி - அபாரா பாரங் க³ச்செ²ய்ய.

பா⁴வெந்தோ மக்³க³முத்தமந்தி மக்³க³முத்தமங் வுச்சதி அரியோ
அட்ட²ங்கி³கோ மக்³கோ³, ஸெய்யதி²த³ங் - ஸம்மாதி³ட்டி²...பே...
ஸம்மாஸமாதி⁴. மக்³க³முத்தமந்தி மக்³க³ங் அக்³க³ங் ஸெட்ட²ங் விஸெட்ட²ங்
பாமொக்க²ங் உத்தமங் பவரங். பா⁴வெந்தோதி பா⁴வெந்தோ ஆஸேவந்தோ
ப³ஹுலீகரொந்தோதி - பா⁴வெந்தோ மக்³க³முத்தமங்.

மக்³கோ³ ஸோ பாரங் க³மனாயாதி -

மக்³கோ³ பந்தோ² பதோ² பஜ்ஜோ [அத்³தோ⁴ (க.)], அஞ்ஜஸங்
வடுமாயனங்;

நாவா உத்தரஸேது ச, குல்லோ ச பி⁴ஸி ஸங்கமோ [ஸங்க³மோ
(ஸ்யா. க.) பஸ்ஸ-தா⁴துமாலாயங் மக்³க³தா⁴துவண்ணனாயங்].

பாரங் க³மனாயாதி பாரங் க³மனாய பாரங் ஸம்பாபனாய பாரங்
ஸமனுபாபனாய ஜராமரணஸ்ஸ தரணாயாதி - மக்³கோ³ ஸோ பாரங் க³மனாய.

தஸ்மா பாராயனங் இதீதி. தஸ்மாதி தஸ்மா தங்காரணா தங்ஹேது
தப்பச்சயா தங்னிதா³னா. பாரங் வுச்சதி அமதங் நிப்³பா³னங்...பே... நிரோதோ⁴
நிப்³பா³னங். அயனங் வுச்சதி மக்³கோ³. இதீதி பத³ஸந்தி⁴...பே...
பதா³னுபு³ப³தாபேதங் இதீதி - தஸ்மா பாராயனங் இதி. தேனேதங் வுச்சதி -

“அபாரா பாரங் க³ச்செ²ய்ய, பா⁴வெந்தோ மக்³க³முத்தமங்;
மக்³கோ³ ஸோ பாரங் க³மனாய, தஸ்மா பாராயனங் இதீ”தி.

பாராயனத்து²திகா³தா²னித்³தே³ஸோ ஸத்தரஸமோ.

18. பாராயனானுகீ³திகா³தா²னித்³தே³ஸோ

102. பாராயனமனுகா³யிஸ்ஸங் , [இச்சாயஸ்மா பிங்கி³யோ
யதா²த்³த³க்கி² ததா²க்கா²ஸி, விமலோ பூ⁴ரிமேத⁴ஸோ;
நிக்காமோ நிப்³ப³னோ நாகோ³, கிஸ்ஸ ஹேது முஸா ப⁴ணே.

பாராயனமனுகா³யிஸ்ஸந்தி கீ³தமனுகா³யிஸ்ஸங் கதி²தமனுகத³யிஸ்ஸங்
[கதி²தமனுகா³யிஸ்ஸங் (ஸ்யா.) ஏவங் ஸப்³ப³பதே³ஸு அனுகா³யிஸ்ஸந்தி
ஆக³தங்] ப⁴ணிதமனுப⁴ணிஸ்ஸங் லபிதமனুলபிஸ்ஸங்
பா⁴ஸிதமனுபா⁴ஸிஸ்ஸந்தி - பாராயனமனுகா³யிஸ்ஸங். இச்சாயஸ்மா
பிங்கி³யோதி. இச்சாதி பத³ஸந்தி⁴...பே... பதா³னுபு³ப³தாபேதங் - இச்சாதி.
ஆயஸ்மாதி பியவசனங் க³ருவசனங் ஸகா³ரவஸப்பதிஸ்ஸாதி⁴வசனமேதங் -
ஆயஸ்மாதி. பிங்கி³யோதி தஸ்ஸ தே²ரஸ்ஸ நாமங் ஸங்கா² ஸமஞ்ஞா
பஞ்ஞத்தி வோஹாரோ நாமங் நாமகம்மங் நாமதெ⁴ய்யங் நிருத்தி ப்யஞ்ஜனங்
அபி⁴லாபோதி - இச்சாயஸ்மா பிங்கி³யோ.

யதா²த்³த³க்கி² ததா²க்கா²ஸீதி யதா² அத்³த³க்கி² ததா² அக்கா²ஸி ஆசிக்கி²
தே³ஸேஸி பஞ்ஞபேஸி பட்ட²பேஸி விவரி விப⁴ஜி உத்தானீஅகாஸி
பகாஸேஸி. “ஸப்³பே³ ஸங்கா²ரா அனிச்சா”தி யதா² அத்³த³க்கி² ததா² அக்கா²ஸி
ஆசிக்கி² தே³ஸேஸி பஞ்ஞபேஸி பட்ட²பேஸி விவரி விப⁴ஜி உத்தானீஅகாஸி
பகாஸேஸி. “ஸப்³பே³ ஸங்கா²ரா து³க்கா²”தி...பே... “ஸப்³பே³ த⁴ம்மா
அனத்தா”தி... “யங் கிஞ்சி ஸமுத³யத⁴ம்மங் ஸப்³ப³ங் தங் நிரோத⁴த⁴ம்ம”ந்தி
யதா² அத்³த³க்கி² ததா² அக்கா²ஸி ஆசிக்கி² தே³ஸேஸி பஞ்ஞபேஸி பட்ட²பேஸி
விவரி விப⁴ஜி உத்தானீஅகாஸி பகாஸேஸீதி - யதா²த்³த³க்கி² ததா²க்கா²ஸி.

விமலோ பூ⁴ரிமேத⁴ஸோதி. விமலோதி ராகோ³ மலங், தோ³ஸோ
மலங், மோஹோ மலங், கோதோ⁴... உபனாஹோ...பே...

ஸப்³பா³குஸலாபி⁴ஸங்கா²ரா மலா. தே மலா பு³த்³த⁴ஸ்ஸ ப⁴க³வதோ பஹீனா உச்சி²ன்னமுலா தாலாவத்து²கதா அனபா⁴வங்கதா ஆயதிங் அனுப்பாத³த⁴ம்மா. அமலோ பு³த்³தோ⁴ விமலோ நிம்மலோ மலாபக³தோ மலவிப்பஹீனோ மலவிமுத்தோ ஸப்³ப³மலவிதிவத்தோ. பூ⁴ரி வச்சதி பத்²வீ. ப⁴க³வா தாய [ப⁴க³வா இமாய (ஸ்யா.)] பத்²விஸமாய பஞ்ஞாய விபுலாய வித்த²தாய ஸமன்னாக³தோ. மேதா⁴ வச்சதி பஞ்ஞா. யா பஞ்ஞா பஜானநா... பே... அமோஹோ த⁴ம்மவிசயோ ஸம்மாதி³ட்டி². ப⁴க³வா இமாய மேதா⁴ய பஞ்ஞாய உபேதோ ஸமுபேதோ உபாக³தோ ஸமுபாக³தோ உபபன்னோ ஸமுபபன்னோ ஸமன்னாக³தோ, தஸ்மா பு³த்³தோ⁴ ஸுமேத⁴ஸோதி - விமலோ பூ⁴ரிமேத⁴ஸோ.

நிக்காமோ நிப்³ப³னோ நாகோ³தி. காமாதி உத்³தா³னதோ த்³வே காமா - வத்து²காமா ச கிலேஸகாமா ச...பே... இமே வச்சந்தி வத்து²காமா...பே... இமே வச்சந்தி கிலேஸகாமா. பு³த்³த⁴ஸ்ஸ ப⁴க³வதோ வத்து²காமா பரிஞ்ஞாதா கிலேஸகாமா பஹீனா வத்து²காமானங் பரிஞ்ஞாதத்தா கிலேஸகாமானங் பஹீனத்தா. ப⁴க³வா ந காமே காமேதி ந காமே இச்ச²தி ந காமே பத்தே²தி ந காமே பிஹேதி ந காமே அபி⁴ஜப்பதி. யே காமே காமெந்தி காமே இச்ச²ந்தி காமே பத்தெ²ந்தி காமே பிஹெந்தி காமே அபி⁴ஜப்பந்தி தே காமகாமினோ ராக³ராகி³னோ ஸஞ்ஞஸஞ்ஞினோ. ப⁴க³வா ந காமே காமேதி ந காமே இச்ச²தி ந காமே பத்தே²தி ந காமே பிஹேதி ந காமே அபி⁴ஜப்பதி. தஸ்மா பு³த்³தோ⁴ அகாமோ நிக்காமோ சத்தகாமோ வந்தகாமோ முத்தகாமோ பஹீனகாமோ படினிஸ்ஸட்ட²காமோ வீதராகோ³ விக³தராகோ³ சத்தராகோ³ வந்தராகோ³ முத்தராகோ³ பஹீனராகோ³ படினிஸ்ஸட்ட²ராகோ³ நிச்சா²தோ நிப்³பு³தோ ஸீதிபூ⁴தோ ஸுக²ப்படிஸங்வேதீ³ ப்³ரஹ்மபூ⁴தேன அத்தனா விஹரதீதி - நிக்காமோ.

நிப்³ப³னோதி ராகோ³ வனங், தோ³ஸோ வனங், மோஹோ வனங், கோதோ⁴ வனங், உபனாஹோ வனங்...பே... ஸப்³பா³குஸலாபி⁴ஸங்கா²ரா வனா. தே வனா பு³த்³த⁴ஸ்ஸ ப⁴க³வதோ பஹீனா உச்சி²ன்னமுலா தாலாவத்து²கதா அனபா⁴வங்கதா ஆயதிங் அனுப்பாத³த⁴ம்மா. தஸ்மா பு³த்³தோ⁴ அவனோ விவனோ நிப்³ப³னோ வனாபக³தோ வனவிப்பஹீனோ வனவிமுத்தோ ஸப்³ப³வனவிதிவத்தோதி - நிப்³ப³னோ. நாகோ³தி நாகோ³; ப⁴க³வா ஆகு³ங் ந கரோதீதி நாகோ³, ந கச்ச²தீதி நாகோ³, ந ஆகச்ச²தீதி நாகோ³...பே... ஏவங் ப⁴க³வா ந ஆகச்ச²தீதி நாகோ³தி - நிக்காமோ நிப்³ப³னோ நாகோ³.

கிஸ்ஸ ஹேது முஸா ப⁴ணேதி. கிஸ்ஸ ஹேதுதி கிஸ்ஸ ஹேது கிங்ஹேது கிங்காரணா கிங்னிதா³னா கிங்பச்சயாதி - கிஸ்ஸ ஹேது. முஸா ப⁴ணேதி முஸா ப⁴ணைய்ய கதெ²ய்ய தீபெய்ய வோஹரெய்ய; முஸா

ப⁴ணேதி மோஸவஜ்ஜங் ப⁴ணெய்ய, முஸாவாத³ங் ப⁴ணெய்ய,
 அனரியவாத³ங் ப⁴ணெய்ய. இதே⁴கச்சோ ஸபா⁴க³தோ [ஸப⁴க்³தோ
 (ஸ்யா.)] வா பரிஸாக³தோ [பரிஸக்³தோ (ஸ்யா.)] வா ஞாதிமஜ்ஜ²க³தோ வா
 பூக³மஜ்ஜ²க³தோ வா ராஜகுலமஜ்ஜ²க³தோ வா அபி⁴னீதோ ஸக்கி²புட்டோ² -
 “ஏஹம்போ⁴ [ஏஹி போ⁴ (ஸ்யா.) பஸ்ஸ ம. நி. 3.112] புரிஸ, யங் ஜானாஸி
 தங் வதே³ஹீ”தி, ஸோ அஜானங் வா ஆஹ - “ஜானாமீ”தி, ஜானங் வா ஆஹ -
 “ந ஜானாமீ”தி, அபஸ்ஸங் வா ஆஹ - “பஸ்ஸாமீ”தி, பஸ்ஸங் வா ஆஹ - “ந
 பஸ்ஸாமீ”தி. இதி அத்தஹேது வா பரஹேது வா ஆமிஸகிஞ்சிக்க²ஹேது வா
 ஸம்பஜானமுஸா பா⁴ஸதி, இத³ங் வச்சதி மோஸவஜ்ஜங்.

அபி ச, தீஹாகாரேஹி முஸாவாதோ³ ஹோதி. புப்³பே³வஸ்ஸ ஹோதி -
 “முஸா ப⁴ணிஸ்ஸ”ந்தி, ப⁴ணந்தஸ்ஸ ஹோதி - “முஸா ப⁴ணாமீ”தி,
 ப⁴ணிதஸ்ஸ ஹோதி - “முஸா மயா ப⁴ணித”ந்தி - இமேஹி தீஹாகாரேஹி
 முஸாவாதோ³ ஹோதி. அபி ச, சதூஹாகாரேஹி முஸாவாதோ³ ஹோதி.
 புப்³பே³வஸ்ஸ ஹோதி - “முஸா ப⁴ணிஸ்ஸ”ந்தி, ப⁴ணந்தஸ்ஸ ஹோதி -
 “முஸா ப⁴ணாமீ”தி, ப⁴ணிதஸ்ஸ ஹோதி - “முஸா மயா ப⁴ணித”ந்தி,
 வினிதா⁴ய தி³ட்டி²ங் - இமேஹி சதூஹாகாரேஹி முஸாவாதோ³ ஹோதி.
 அபி ச, பஞ்சஹாகாரேஹி...பே... ச²ஹாகாரேஹி... ஸத்தஹாகாரேஹி...
 அட்ட²ஹாகாரேஹி முஸாவாதோ³ ஹோதி. புப்³பே³வஸ்ஸ ஹோதி - “முஸா
 ப⁴ணிஸ்ஸ”ந்தி, ப⁴ணந்தஸ்ஸ ஹோதி - “முஸா ப⁴ணாமீ”தி,
 ப⁴ணிதஸ்ஸ ஹோதி - “முஸா மயா ப⁴ணித”ந்தி, வினிதா⁴ய தி³ட்டி²ங்,
 வினிதா⁴ய க²ந்திங், வினிதா⁴ய ருசிங், வினிதா⁴ய ஸஞ்ஞங், வினிதா⁴ய
 பா⁴வங் - இமேஹி அட்ட²ஹாகாரேஹி முஸாவாதோ³ ஹோதி
 மோஸவஜ்ஜங். கிஸ்ஸ ஹேது முஸா ப⁴ணெய்ய கதெ²ய்ய தீ³பெய்ய
 வோஹரெய்யாதி - கிஸ்ஸ ஹேது முஸா ப⁴ணே. தேனாஹ தே²ரோ
 பிங்கி³யோ -

“பாராயனமனுகா³யிஸ்ஸங், [இச்சாயஸ்மா பிங்கி³யோ]
 யதா²த்³த³க்கி² ததா²க்கா²ஸி, விமலோ பூ⁴ரிமேத⁴ஸோ;
 நிக்காமோ நிப்³ப³னோ நாகோ³, கிஸ்ஸ ஹேது முஸா ப⁴ணே”தி.

103. பஹீனமலமோஹஸ்ஸ, மானமக்க²ப்பஹாயினோ;
 ஹந்தா³ஹங் கித்தயிஸ்ஸாமி, கி³ரங் வண்ணாபஸங்ஹிதங்.

பஹீனமலமோஹஸ்ஸாதி . மலந்தி ராகோ³ மலங், தோ³ஸோ மலங்,
 மோஹோ மலங், மானோ மலங், தி³ட்டி² மலங், கிலேஸோ மலங்,
 ஸப்³ப³து³ச்சரிதங் மலங், ஸப்³ப³ப⁴வகா³மிகம்மங் மலங்.

மோஹோதி யங் துக்கே² அஞ்ஞாணங்...பே... அவிஜ்ஜாலங்கீ³ மோஹோ
அகுஸலமுலங். அயங் வுச்சதி மோஹோ. மலஞ்ச மோஹோ ச ப³த்⁴த்⁴ஸ்ஸ
ப⁴க³வதோ பஹீனா உச்சி²ன்னமுலா தாலாவத்து²கதா அனபா⁴வங்கதா
ஆயதிங் அனுப்பாத³த்⁴ம்மா. தஸ்மா ப³த்³தோ⁴ பஹீனமலமோஹோதி -
பஹீனமலமோஹஸ்ஸ.

மானமக்க²ப்பஹாயினோதி. மானோதி ஏகவிதே⁴ன மானோ - யா
சித்தஸ்ஸ உன்னதி [உண்ணதி (ஸ்யா. க.)]. துவிதே⁴ன மானோ -
அத்துக்கங்ஸனமானோ, பரவம்ப⁴னமானோ. திவிதே⁴ன மானோ -
ஸெய்யோஹமஸ்மீதி மானோ, ஸதி³ஸோஹமஸ்மீதி மானோ,
ஹீனோஹமஸ்மீதி மானோ. சதுப்பி³தே⁴ன மானோ - லாபே⁴ன மானங்
ஜனேதி, யஸேன மானங் ஜனேதி, பஸங்ஸாய மானங் ஜனேதி, ஸுகே²ன
மானங் ஜனேதி. பஞ்சவிதே⁴ன மானோ - லாபி⁴ம்ஹி மனாபிகானங்
ரூபானந்தி மானங் ஜனேதி, லாபி⁴ம்ஹி மனாபிகானங் ஸத்த³தா³னங்...பே...
க³ந்தா⁴னங்... ரஸானங்... பொ²ட்ட²ப்³பா³னந்தி மானங் ஜனேதி. ச²ப்³பி³தே⁴ன
மானோ - சக்கு²ஸம்பதா³ய மானங் ஜனேதி, ஸோதஸம்பதா³ய...பே...
கா⁴னஸம்பதா³ய... ஜிவ்ஹாஸம்பதா³ய... காயஸம்பதா³ய... மனோஸம்பதா³ய
மானங் ஜனேதி. ஸத்தவிதே⁴ன மானோ - மானோ, அதிமானோ,
மானாதிமானோ, ஓமானோ, அவமானோ, அஸ்மிமானோ, மிச்சா²மானோ.
அட்ட²விதே⁴ன மானோ - லாபே⁴ன மானங் ஜனேதி, அலாபே⁴ன ஓமானங்
ஜனேதி, யஸேன மானங் ஜனேதி, அயஸேன ஓமானங் ஜனேதி, பஸங்ஸாய
மானங் ஜனேதி, நிந்தா³ய ஓமானங் ஜனேதி, ஸுகே²ன மானங் ஜனேதி ,
துக்கே²ன ஓமானங் ஜனேதி. நவவிதே⁴ன மானோ - ஸெய்யஸ்ஸ
ஸெய்யோஹமஸ்மீதி மானோ, ஸெய்யஸ்ஸ ஸதி³ஸோஹமஸ்மீதி மானோ,
ஸெய்யஸ்ஸ ஹீனோஹமஸ்மீதி மானோ, ஸதி³ஸஸ்ஸ
ஸெய்யோஹமஸ்மீதி மானோ, ஸதி³ஸஸ்ஸ ஸதி³ஸோஹமஸ்மீதி மானோ,
ஸதி³ஸஸ்ஸ ஹீனோஹமஸ்மீதி மானோ, ஹீனஸ்ஸ ஸெய்யோஹமஸ்மீதி
மானோ, ஹீனஸ்ஸ ஸதி³ஸோஹமஸ்மீதி மானோ, ஹீனஸ்ஸ
ஹீனோஹமஸ்ஸீதி மானோ. த³ஸவிதே⁴ன மானோ - இதே⁴கச்சோ மானங்
ஜனேதி ஜாதியா வா கொ³த்தேன வா கோலபுத்தியேன வா
வண்ணபொக்க²ரதாய வா த⁴னேன வா அஜ்ஜே²னேன வா கம்மாயதனேன வா
ஸிப்பாயதனேன வா விஜ்ஜாட்டா²னேன [விஜ்ஜாட்டா²னேன (க.)] வா ஸுதேன
வா படிபா⁴னேன வா அஞ்ஞதரஞ்ஞதரேன வா வத்து²னா. யோ ஏவருபோ
மானோ மஞ்ஞனா மஞ்ஞிதத்தங் உன்னதி உன்னமோ த⁴ஜோ
ஸம்பக்³கா³ஹோ கேதுகம்யதா சித்தஸ்ஸ - அயங் வுச்சதி மானோ.

மக்கோ²தி யோ மக்கோ² மக்கா²யனா மக்கா²யிதத்தங் நிட்டு²ரியங்
நிட்டு²ரியகம்மங் [நித்து²ரியகம்மங் (க.) பஸ்ஸ விப⁴. 892] - அயங் வுச்சதி

மக்கோ². பு³த்³தோ⁴ஸ்ஸ ப⁴க³வதோ மானோ ச மக்கோ² ச பஹீனா
உச்சி²ன்னமுலா தாலாவத்து²கதா அனபா⁴வங்கதா ஆயதிங்
அனுப்பாத³தோ⁴ம்மா. தஸ்மா பு³த்³தோ⁴ மானமக்க²ப்பஹாயீதி -
மானமக்க²ப்பஹாயினோ.

ஹந்தா³ஹங் கித்தயிஸ்ஸாமி கி³ரங் வண்ணூபஸங்ஹிதந்தி.
ஹந்தா³ஹந்தி பத³ஸந்தி⁴ பத³ஸங்ஸக்³கோ³ பத³பாரிபூரீ அக்க²ரஸமவாயோ
ப்³யஞ்ஜனஸிலிட்ட²தா பதா³னுபு³ப³தாபேதங் - ஹந்தா³ஹந்தி. கித்தயிஸ்ஸாமி
கி³ரங் வண்ணூபஸங்ஹிதந்தி வண்ணேன உபேதங் ஸமுபேதங் உபாக³தங்
ஸமுபாக³தங் உபபன்னங் ஸமுபபன்னங் ஸமன்னாக³தங் வாசங் கி³ரங்
ப்³யப்பத²ங் உதீ³ரணங் [ஓதீ³ரணங் (ஸ்யா.)] கித்தயிஸ்ஸாமி தே³ஸெஸ்ஸாமி
பஞ்ஞபெஸ்ஸாமி பட்ட²பெஸ்ஸாமி விவரிஸ்ஸாமி விப⁴ஜிஸ்ஸாமி
உத்தானீகரிஸ்ஸாமி பகாஸெஸ்ஸாமீதி - ஹந்தா³ஹங் கித்தயிஸ்ஸாமி கி³ரங்
வண்ணூபஸங்ஹிதங். தேனாஹ தே²ரோ பிங்கி³யோ -

“பஹீனமலமோஹஸ்ஸ, மானமக்க²ப்பஹாயினோ;
ஹந்தா³ஹங் கித்தயிஸ்ஸாமி, கி³ரங் வண்ணூபஸங்ஹித”ந்தி.

104. தமோனுதோ³ பு³த்³தோ⁴ ஸமந்தசக்ஞ², லோகந்தக்³
ஸப்³ப³ப⁴வாதிவத்தோ;
அனாஸவோ ஸப்³ப³து³க்க²ப்பஹீனோ, ஸச்சவ்ஹயோ ப்³ரஹ்மே
உபாஸிதோ மே.

தமோனுதோ³ பு³த்³தோ⁴ ஸமந்தசக்ஞ²தி. தமோனுதோ³தி ராக³தமங்
தோ³ஸதமங் மோஹதமங் மானதமங் தி³ட்டி²தமங் கிலேஸதமங் து³ச்சரிததமங்
அந்த⁴கரணங் அஞ்ஞாணகரணங் பஞ்ஞானிரோதி⁴கங் விகா⁴தபக்கி²கங்
அனிப்³பா³னஸங்வத்தனிகங் நுதி³ பனுதி³ பஜஹி வினோதே³ஸி ப்³யந்தீ²அகாஸி
அனபா⁴வங் க³மேஸி. பு³த்³தோ⁴தி யோ ஸோ ப⁴க³வா...பே... ஸச்சி²கா
பஞ்ஞத்தி; யதி³த³ங் பு³த்³தோ⁴தி. ஸமந்தசக்ஞ² வுச்சதி ஸப்³ப³ஞ்ஞுதஞ்ஞாணங்...
பே... ததா²க³தோ தேன ஸமந்தசக்ஞ²தி - தமோனுதோ³ பு³த்³தோ⁴
ஸமந்தசக்ஞ².

லோகந்தக்³ ஸப்³ப³ப⁴வாதிவத்தோதி. லோகோதி ஏகோ லோகோ -
ப⁴வலோகோ. த்³வே லோகா - ப⁴வலோகோ ச ஸம்ப⁴வலோகோ ச;
ஸம்பத்திப⁴வலோகோ ச ஸம்பத்திஸம்ப⁴வலோகோ ச;
விபத்திப⁴வலோகோ ச விபத்திஸம்ப⁴வலோகோ ச [த்³வே லோகா ஸம்பத்தி
ச ப⁴வலோகோ விபத்தி ச ப⁴வலோகோ (ஸ்யா.)]. தயோ லோகா -
திஸ்ஸோ வேத³னா. சத்தாரோ லோகா - சத்தாரோ ஆஹாரா. பஞ்ச லோகா -
பஞ்சபாதா³னக்க²ந்தா⁴. ச² லோகா - ச² அஜ்ஜ²த்திகானி ஆயதனானி. ஸத்த

லோகா - ஸத்தவிஞ்ஞாண்டி²தியோ . அட்ட² லோகா - அட்ட² லோகத⁴ம்மா.
 நவ லோகா - நவ ஸத்தாவாஸா. த³ஸ லோகா - த³ஸ ஆயதனானி. த³வாத³ஸ
 லோகா - த³வாத³ஸாயதனானி. அட்டா²ரஸ லோகா - அட்டா²ரஸ தா⁴துயோ.
 லோகந்தகூ³தி ப⁴க³வா லோகஸ்ஸ அந்தக³தோ அந்தப்பத்தோ கோடிக³தோ
 கோடிப்பத்தோ... நிப்பா³னக³தோ நிப்பா³னப்பத்தோ. ஸோ வுத்த²வாஸோ
 சிண்ணசரணோ... ஜாதிமரணஸங்ஸாரோ நத்தி² தஸ்ஸ புனப்ப⁴வோதி -
 லோகந்தகூ³.

ஸப்ப³ப⁴வாதிவத்தோதி. ப⁴வாதி த்வே ப⁴வா - கம்மப⁴வோ ச
 படிஸந்தி⁴கோ ச புனப்ப⁴வோ. கதமோ கம்மப⁴வோ?
 புஞ்ஞாபி⁴ஸங்கா²ரோ அபுஞ்ஞாபி⁴ஸங்கா²ரோ ஆனேஞ்ஜாபி⁴ஸங்கா²ரோ -
 அயங் கம்மப⁴வோ. கதமோ படிஸந்தி⁴கோ புனப்ப⁴வோ? படிஸந்தி⁴கா
 ரூபா வேத³னா ஸஞ்ஞா ஸங்கா²ரா விஞ்ஞாணங் - அயங் படிஸந்தி⁴கோ
 புனப்ப⁴வோ. ப⁴க³வா கம்மப⁴வஞ்ச படிஸந்தி⁴கஞ்ச புனப்ப⁴வங்
 அதிவத்தோ [\[உபாதிவத்தோ \(க.\)\]](#) அதிகந்தோ வீதிவத்தோதி - லோகந்தகூ³
 ஸப்ப³ப⁴வாதிவத்தோ.

அனாஸவோ ஸப்ப³பு³துக்க²ப்பஹீனோதி. அனாஸவோதி சத்தாரோ
 ஆஸவா - காமாஸவோ, ப⁴வாஸவோ, தி³ட்டா²ஸவோ, அவிஜ்ஜாஸவோ. தே
 ஆஸவா பு³த்த⁴ஸ்ஸ ப⁴க³வதோ பஹீனா உச்சி²ன்னமுலா தாலாவத்து²கதா
 அனபா⁴வங்கதா ஆயதிங் அனுப்பாத³த⁴ம்மா. தஸ்மா பு³த்தோ⁴
 அனாஸவோ. ஸப்ப³பு³துக்க²ப்பஹீனோதி ஸப்ப³ங் தஸ்ஸ படிஸந்தி⁴கங்
 ஜாதிதுக்க²ங் ஜராதுக்க²ங் ப்யாதி⁴துக்க²ங் மரணதுக்க²ங்
 ஸோகபரிதே³வதுக்க²தோ³மனஸ்ஸபாயாஸதுக்க²ங் ...பே...
 தி³ட்டி²ப்யஸனதுக்க²ங் பஹீனங் ஸமுச்சி²ன்னங் லூபஸந்தங்
 படிப்பஸ்ஸத்த⁴ங் அப⁴பு³புப்பத்திகங் ஞாணக்கி³னா த³ட்ட⁴ங். தஸ்மா
 பு³த்தோ⁴ ஸப்ப³பு³துக்க²ப்பஹீனோதி - அனாஸவோ ஸப்ப³பு³துக்க²ப்பஹீனோ.

ஸச்சவ்ஹயோ ப்ரஹ்மே உபாஸிதோ மேதி. ஸச்சவ்ஹயோதி
 ஸச்சவ்ஹயோ ஸதி³ஸனாமோ ஸதி³ஸவ்ஹயோ ஸச்சஸதி³ஸவ்ஹயோ.
 விபஸ்ஸீ ப⁴க³வா, ஸிகீ² ப⁴க³வா, வெஸ்ஸபூ⁴ ப⁴க³வா, ககுஸந்தோ⁴
 ப⁴க³வா, கோணாக³மனோ ப⁴க³வா, கஸ்ஸபோ ப⁴க³வா. தே பு³த்தா⁴
 ப⁴க³வந்தோ ஸதி³ஸனாமா ஸதி³ஸவ்ஹயா. ப⁴க³வாபி ஸக்யமுனி தேஸங்
 பு³த்தா⁴னங் ப⁴க³வந்தானங் ஸதி³ஸனாமோ ஸதி³ஸவ்ஹயோதி - தஸ்மா
 பு³த்தோ⁴ ஸச்சவ்ஹயோ.

ப்ரஹ்மே உபாஸிதோ மேதி ஸோ மயா ப⁴க³வா ஆஸிதோ உபாஸிதோ
 பயிருபாஸிதோ பரிபுச்சி²தோ பரிபஞ்ஹிதோதி - ஸச்சவ்ஹயோ ப்ரஹ்மே
 உபாஸிதோ மே. தேனாஹ தே²ரோ பிங்கியோ -

“தமோனுதோ³ புத்தோ⁴ ஸமந்தசக்கு², லோகந்தக்³
ஸப்³பு³ப⁴வாதிவத்தோ;
அனாஸவோ ஸப்³பு³து³க்க²ப்பஹீனோ, ஸச்சவ்ஹயோ ப்³ரஹ்மே
உபாஸிதோ மே”தி.

105. தி³ஜோ யதா² குப்³பு³னகங் பஹாய, ப்³ஹு³பு²லங் கானநமாவஸெய்ய;
ஏவமஹங் அப்பத³ஸ்ஸே பஹாய, மஹோத³தி⁴ங் ஹங்ஸோரிவ
அஜ்ஜ²பத்தோ [அஜ்ஜ பத்தோ (க.)] .

தி³ஜோ யதா² குப்³பு³னகங் பஹாய, ப்³ஹு³பு²லங் கானநமாவஸெய்யாதி
. தி³ஜோ வுச்சதி பக்கீ². கிங்காரணா தி³ஜோ வுச்சதி பக்கீ²? த்³விக்க²த்துங்
ஜாயதீதி தி³ஜோ, மாதுகுச்சி²ம்ஹா ச அண்ட³கோஸம்ஹா ச. தங்காரணா
தி³ஜோ வுச்சதி பக்கீ²தி - தி³ஜோ. யதா² குப்³பு³னகங் பஹாயாதி யதா² தி³ஜோ
குப்³பு³னகங் பரித்தவனகங் அப்பபு²லங் அப்பபு⁴க்க²ங் அப்போத³கங் பஹாய
ஜஹித்வா அதிக்கமித்வா ஸமதிக்கமித்வா வீதிவத்தெத்வா அஞ்ஞங்
ப்³ஹு³பு²லங் ப்³ஹு³பு⁴க்க²ங் ப்³ஹு³த³கங் [ப்³ஹு³ருக்க²ங் (ஸ்யா.)] மஹந்தங்
கானநங் வனஸண்ட³ங் அதி⁴கச்செ²ய்ய விந்தெ³ய்ய படிபெ⁴ய்ய, தஸ்மிஞ்ச
வனஸண்டே³ வாஸங் கப்பெய்யாதி - தி³ஜோ யதா² குப்³பு³னகங் பஹாய
ப்³ஹு³பு²லங் கானநங் ஆவஸெய்ய.

ஏவமஹங் அப்பத³ஸ்ஸே பஹாய, மஹோத³தி⁴ங் ஹங்ஸோரிவ
அஜ்ஜ²பத்தோதி. ஏவந்தி ஒபம்மஸம்படிபாத³னங். அப்பத³ஸ்ஸே பஹாயாதி
யோ ச பா³வரீ ப்³ராஹ்மணோ யே சஞ்ஞே தஸ்ஸ ஆசரியா புத்த⁴ங்
பு⁴க³வந்தங் உபாத³ய அப்பத³ஸ்ஸா பரித்தத³ஸ்ஸா தோ²கத³ஸ்ஸா
ஓமகத³ஸ்ஸா லாமகத³ஸ்ஸா ச²துக்கத³ஸ்ஸா [ஜதுக்கத³ஸ்ஸா (ஸ்யா.),
ஜதுகத³ஸ்ஸா (ஸீ. அட்ட².)] வா. தே அப்பத³ஸ்ஸே பரித்தத³ஸ்ஸே
தோ²கத³ஸ்ஸே ஓமகத³ஸ்ஸே லாமகத³ஸ்ஸே ச²துக்கத³ஸ்ஸே பஹாய
பஜஹித்வா அதிக்கமித்வா ஸமதிக்கமித்வா வீதிவத்தெத்வா புத்த⁴ங்
பு⁴க³வந்தங் அப்பமாணத³ஸ்ஸங் அக்க³த³ஸ்ஸங் ஸெட்ட²த³ஸ்ஸங்
விஸெட்ட²த³ஸ்ஸங் பாமொக்க²த³ஸ்ஸங் உத்தமத³ஸ்ஸங் பவரத³ஸ்ஸங்
அஸமங் அஸமஸமங் அப்படிஸமங் அப்படிபா⁴க³ங் அப்படிபுக்க³லங்
தேவாதிதேவங் நராஸப⁴ங் புரிஸஸீஹங் புரிஸனாக³ங் புரிஸாஜஞ்ஞங்
புரிஸனிஸப⁴ங் புரிஸதோ⁴ரய்ஹங் து³ஸபு³லதா⁴ரிங் [து³ஸபு³லங் தாதி³ங்
(ஸ்யா.)] அதி⁴கச்சி²ங் விந்தி³ங் படிபி⁴ங். யதா² ச ஹங்ஸோ மஹந்தங்
மானஸகங் [மானுஸகதங் (ஸ்யா.)] வா ஸரங் அனோதத்தங் வா த்³ஹங்
மஹாஸமுத்த³ங் வா அக்கோ²பு⁴ங் அமிதோத³கங் ஜலராஸிங்
அதி⁴கச்செ²ய்ய விந்தெ³ய்ய படிபெ⁴ய்ய, ஏவமேவ புத்த⁴ங் பு⁴க³வந்தங்
அக்கோ²பு⁴ங் அமிததேஜங் பபி⁴ன்னஞாணங் விவடசக்கு²ங்

பஞ்ஞாபபே⁴த³குஸலங் அதி⁴க³தபடிஸம்பி⁴த³ங் சதுவேஸாரஜ்ஜப்பத்தங்
 ஸுத்தா⁴தி⁴முத்தங் ஸேதபச்சத்தங் அத்வயபா⁴ணிங் தாதி³ங்
 ததா²படிஞ்ஞங் அபரித்தங் மஹந்தங் க³ம்பீ⁴ரங் அப்பமெய்யங்
 துப்பரியோகாஹங் பஹுதரதனங் ஸாக்ரஸமங் ச²ளங்கு³பெக்கா²ய
 ஸமன்னாக³தங் அதுலங் விபுலங் அப்பமெய்யங், தங் தாதி³ஸங் பவத³தங்
 மக்³க³வாதி³னங் [பவரமக்³க³வாதி³னங் (க.)] மேருமிவ நகா³னங் க³ருளமிவ
 தி³ஜானங் ஸீஹமிவ மிகா³னங் உத³தி⁴மிவ அண்ணவானங் அதி⁴க³ச்சி²ங்,
 தங் ஸத்தா²ரங் ஜினபவரங் மஹேஸிந்தி - ஏவமஹங் அப்பத³ஸ்ஸே பஹாய
 மஹோத³தி⁴ங் ஹங்ஸோரிவ அஜ்ஜ²பத்தோ. தேனாஹ தே²ரோ பிங்கி³யோ -

“தி³ஜோ யதா² குப்³ப³னகங் பஹாய, ப³ஹுப்ப²லங் கானநமாவஸெய்ய;
 ஏவமஹங் அப்பத³ஸ்ஸே பஹாய, மஹோத³தி⁴ங் ஹங்ஸோரிவ
 அஜ்ஜ²பத்தோ”தி.

106. யே மே புப்³பே³ வியாகங்ஸு,
 ஹுரங் கோ³தமஸாஸனா ‘இச்சாஸி இதி ப⁴விஸ்ஸதி’;
 ஸப்³ப³ங் தங் இதிஹீதிஹங், ஸப்³ப³ங் தங் தக்கவட்³ட⁴னங்.

யே மே புப்³பே³ வியாகங்ஸுதி. யேதி யோ ச பா³வரீ ப்ராஹ்மணோ யே
 சஞ்ஞே தஸ்ஸ ஆசரியா, தே ஸகங் தி³ட்டி²ங் ஸகங் க²ந்திங் ஸகங் ருசிங்
 ஸகங் லத்³தி⁴ங் ஸகங் அஜ்ஜா²ஸயங் ஸகங் அதி⁴ப்பாயங் ப்யாகங்ஸு
 ஆசிக்கி²ங்ஸு தே³ஸயிங்ஸு பஞ்ஞபிங்ஸு பட்ட²பிங்ஸு விவரிங்ஸு
 விப⁴ஜிங்ஸு உத்தானீஅகங்ஸு பகாஸேஸுந்தி - யே மே புப்³பே³
 வியாகங்ஸு.

ஹுரங் கோ³தமஸாஸனாதி ஹுரங் கோ³தமஸாஸனா, பரங்
 கோ³தமஸாஸனா, புரே கோ³தமஸாஸனா, பட்²மதரங் கோ³தமஸாஸனா
 புத்³த⁴ஸாஸனா ஜினஸாஸனா ததா²க³தஸாஸனா [ததா²க³தஸாஸனா
 தே³வஸாஸனா (ஸ்யா. க.)] அரஹந்தஸாஸனாதி - ஹுரங் கோ³தமஸாஸனா.

இச்சாஸி இதி ப⁴விஸ்ஸதீதி ஏவங் கிர ஆஸி, ஏவங் கிர ப⁴விஸ்ஸதீதி
 - இச்சாஸி இதி ப⁴விஸ்ஸதி.

ஸப்³ப³ங் தங் இதிஹீதிஹந்தி ஸப்³ப³ங் தங் இதிஹீதிஹங் இதிகிராய
 பரம்பராய பிடகஸம்பதா³ய தக்கஹேது நயஹேது ஆகாரபரிவிதக்கேன
 தி³ட்டி²னிஜ்ஜா²னக்க²ந்தியா ந ஸாமங் ஸயமபி⁴ஞ்ஞாதங் ந அத்தபச்சக்க²ங்
 த⁴ம்மங் யங் கத²யிங்ஸுதி - ஸப்³ப³ங் தங் இதிஹீதிஹங்.

ஸப்³ப³ங் தங் தக்கவட்³ட⁴னந்தி ஸப்³ப³ங் தங் தக்கவட்³ட⁴னங்
 விதக்கவட்³ட⁴னங் ஸங்கப்பவட்³ட⁴னங் காமவிதக்கவட்³ட⁴னங்

ப்யாபாத்³விதக்கவட்³ட⁴னங் விஹிங்ஸாவிதக்கவட்³ட⁴னங்
 ஞாதிவிதக்கவட்³ட⁴னங் ஜனபத்³விதக்கவட்³ட⁴னங் அமராவிதக்கவட்³ட⁴னங்
 பரானுத்³யதாபடிஸங்யுத்தவிதக்கவட்³ட⁴னங்
 லாப⁴ஸக்காரஸிலோகபடிஸங்யுத்தவிதக்கவட்³ட⁴னங்
 அனவஞ்ஞத்திபடிஸங்யுத்தவிதக்கவட்³ட⁴னந்தி - ஸப்³பங் தங்
 தக்கவட்³ட⁴னங். தேனாஹ தே²ரோ பிங்கி³யோ -

“யே மே புப்³பே³ வியாகங்ஸு, ஹுரங் கோ³தமஸாஸனா;
 ‘இச்சாஸி இதி ப⁴விஸ்ஸ’தி;
 ஸப்³பங் தங் இதிஹீதிஹங், ஸப்³பங் தங் தக்கவட்³ட⁴ன”ந்தி.

107. ஏகோ தமோனுதா³ஸீனோ, ஜுதிமா ஸோ பப⁴ங்கரோ;
 கோ³தமோ பூ⁴ரிபஞ்ஞானோ, கோ³தமோ பூ⁴ரிமேத⁴ஸோ.

ஏகோ தமோனுதா³ஸீனோதி. ஏகோதி ப⁴க³வா பப்³பஜ்ஜஸங்கா²தேன
 ஏகோ, அது³தியட்டே²ன ஏகோ, தண்ஹாய பஹானட்டே²ன ஏகோ,
 ஏகந்தவீதராகோ³தி ஏகோ, ஏகந்தவீததோ³ஸோதி ஏகோ, ஏகந்தவீதமோஹோதி
 ஏகோ, ஏகந்தனிக்கிலேஸோதி ஏகோ, ஏகாயனமக்³ங் க³தோதி ஏகோ, ஏகோ
 அனுத்தரங் ஸம்மாஸம்போ³தி⁴ங் அபி⁴ஸம்புத்³தோ⁴தி ஏகோ.

கத²ங் ப⁴க³வா பப்³பஜ்ஜஸங்கா²தேன ஏகோ? ப⁴க³வா த்ஹரோவ
 ஸமானோ ஸுஸு காளகேஸோ ப⁴த்³ரேன யொப்³பனேன ஸமன்னாக³தோ
 பட²மேன வயஸா அகாமகானங் மாதாபிதூனங் அஸ்ஸுமுகா²னங்
 ரோத³ந்தானங் விலபந்தானங் ஞாதிஸங்க⁴ங் ஸப்³பங்
 க⁴ராவாஸபலிபோ³த⁴ங் சி²ந்தி³த்வா புத்ததா³ரபலிபோ³த⁴ங் சி²ந்தி³த்வா
 ஞாதிபலிபோ³த⁴ங் சி²ந்தி³த்வா மித்தாமச்சபலிபோ³த⁴ங் சி²ந்தி³த்வா
 கேஸமஸ்ஸுங் ஓஹாரெத்வா காஸாயானி வத்தா²னி அச்சா²தெத்வா
 அகா³ரஸ்மா அனகா³ரியங் பப்³பஜித்வா அகிஞ்சனபா⁴வங் உபக³ந்த்வா ஏகோ
 சரதி விஹரதி இரியதி வத்தேதி பாலேதி யபேதி யாபேதி. ஏவங் ப⁴க³வா
 பப்³பஜ்ஜஸங்கா²தேன ஏகோ.

கத²ங் ப⁴க³வா அது³தியட்டே²ன ஏகோ? ஏவங் பப்³பஜிதோ ஸமானோ
 ஏகோ அரஞ்ஞவனபத்தா²னி பந்தானி ஸேனாஸனானி படிஸேவதி
 அப்பஸத்³தா³னி அப்பனிக்³கோ⁴ஸானி விஜனவாதானி
 மனுஸ்ஸராஹஸ்ஸெய்யகானி [\[மனுஸ்ஸராஹஸ்ஸெய்யகானி \(ஸ்யா. க.\)\]](#)
 படிஸல்லானஸாருப்பானி [\[படிஸல்லாணஸாருப்பானி \(க.\)\]](#). ஸோ ஏகோ
 க³ச்ச²தி, ஏகோ திட்ட²தி, ஏகோ நிஸீத³தி , ஏகோ ஸெய்யங் கப்பேதி, ஏகோ
 கா³மங் பிண்டா³ய பவிஸதி, ஏகோ அபி⁴க்கமதி, ஏகோ படிக்கமதி, ஏகோ

ரஹோ நிஸீததி, ஏகோ சங்கமங் அதி⁴ட்டா²தி, ஏகோ சரதி விஹரதி இரியதி
வத்தேதி பாலேதி யபேதி யாபேதி. ஏவங் ப⁴க³வா அது³தியட்டே²ன ஏகோ.

கத²ங் ப⁴க³வா தண்ஹாய பஹானட்டே²ன ஏகோ? ஸோ ஏவங் ஏகோ
அது³தியோ அப்பமத்தோ ஆதாபீ பஹிதத்தோ விஹரந்தோ நஜ்ஜா நேரஞ்ஜராய
தீரே போ³தி⁴ருக்க²முலே மஹாபதா⁴னங் பத³ஹந்தோ மாரங் ஸஸேனங்
கண்ஹங் நமுசிங் பமத்தப³ந்து⁴ங் வித⁴மித்வா தண்ஹாஜாலினிங் [தண்ஹங்
ஜாலினிங் (ஸ்யா.)] விஸடங் [ஸரிதங் (ஸ்யா.) மஹானி. 191] விஸத்திகங்
பஜஹி வினோதே³ஸி ப்யந்தீஅகாஸி அனபா⁴வங் க³மேஸி.

“தண்ஹாது³தியோ புரிஸோ, தீ³க⁴மத்³தா⁴ன ஸங்ஸரங்;
இத்த²பா⁴வஞ்ஞதா²பா⁴வங், ஸங்ஸாரங் நாதிவத்ததி.

“ஏதமாதீ³னவங் [ஏவமாதீ³னவங் (க.) பஸ்ஸ இதிவு. 15] ஞத்வா,
தண்ஹங் [தண்ஹா (ஸ்யா. க.) மஹானி. 191] து³க்க²ஸ்ஸ ஸம்ப⁴வங்;
வீததண்ஹோ அனாதா³னோ, ஸதோ பி⁴க்கு² பரிப³பஜே”தி.

ஏவங் ப⁴க³வா தண்ஹாய பஹானட்டே²ன ஏகோ.

கத²ங் ப⁴க³வா ஏகந்தவீதராகோ³தி ஏகோ? ராக³ஸ்ஸ பஹீனத்தா
ஏகந்தவீதராகோ³தி ஏகோ, தோ³ஸஸ்ஸ பஹீனத்தா ஏகந்தவீததோ³ஸோதி
ஏகோ, மோஹஸ்ஸ பஹீனத்தா ஏகந்தவீதமோஹோதி ஏகோ, கிலேஸானங்
பஹீனத்தா ஏகந்தனிக்கிலேஸோதி ஏகோ.

கத²ங் ப⁴க³வா ஏகாயனமக்³கங் க³தோதி ஏகோ? ஏகாயனமக்³கோ³ வுச்சதி
சத்தாரோ ஸதிபட்டா²னா...பே... அரியோ அட்ட²ங்கி³கோ மக்³கோ³.

“ஏகாயனங் ஜாதிக²யந்தத³ஸ்ஸீ, மக்³கங் பஜானாதி ஹிதானுகம்பீ;
ஏதேன மக்³கே³ன தரிங்ஸு [அதரிங்ஸு (க.) பஸ்ஸ ஸங். நி. 5.409;
மஹானி. 191] புப்³பே³, தரிஸ்ஸந்தி யே ச தரந்தி ஓக⁴”ந்தி.

ஏவங் ப⁴க³வா ஏகாயனமக்³கங் க³தோதி ஏகோ.

கத²ங் ப⁴க³வா ஏகோ அனுத்தரங் ஸம்மாஸம்போ³தி⁴ங்
அபி⁴ஸம்புத்³தோ⁴தி ஏகோ. போ³தி⁴ வுச்சதி சதுஸு மக்³கே³ஸு ஞாணங்
பஞ்ஞா பஞ்ஞிந்த³ரியங் பஞ்ஞாப³லங் த⁴ம்மவிசயஸம்பொ³ஜ்ஜ²ங்கோ³
வீமங்ஸா விபஸ்ஸனா ஸம்மாதி³ட்டி². ப⁴க³வா தேன போ³தி⁴ஞாணேன
“ஸப்³பே³ ஸங்கா²ரா அனிச்சா”தி புஜ்ஜி², “ஸப்³பே³ ஸங்கா²ரா து³க்கா²”தி
புஜ்ஜி², “ஸப்³பே³ த⁴ம்மா அனத்தா”தி புஜ்ஜி²...பே... “யங் கிஞ்சி
ஸமுதயத⁴ம்மங் ஸப்³பங் தங் நிரோத⁴த⁴ம்ம”ந்தி புஜ்ஜி². அத² வா, யங்

புஜ்ஜி²தப்³ப³ங் அனுபுஜ்ஜி²தப்³ப³ங் படிபுஜ்ஜி²தப்³ப³ங் ஸம்புஜ்ஜி²தப்³ப³ங்
அதி⁴க³ந்தப்³ப³ங் ப²ஸ்ஸிதப்³ப³ங் ஸச்சி²காதப்³ப³ங் ஸப்³ப³ங் தங் தேன
போ³தி⁴ஞாணேன புஜ்ஜி² அனுபுஜ்ஜி² படிபுஜ்ஜி² ஸம்புஜ்ஜி² அதி⁴க³ச்சி²
ப²ஸ்ஸேஸி ஸச்சா²காஸி. ஏவங் ப⁴க³வா ஏகோ அனுத்தரங்
ஸம்மாஸம்போ³தி⁴ங் அபி⁴ஸம்பு³த்தோ⁴தி ஏகோ.

தமோனுதோ³தி ப⁴க³வா ராக³தமங் தோ³ஸதமங் மோஹதமங்
தி³ட்டி²தமங் கிலேஸதமங் து³ச்சரிததமங் அந்த⁴கரணங் அசக்கு²கரணங்
அஞ்ஞாணகரணங் பஞ்ஞானிரோதி⁴கங் விகா⁴தபக்கி²கங்
அனிப்³பா³னஸங்வத்தனிகங் நுதி³ பனுதி³ பஜஹி வினோதே³ஸி ப்யந்தீஅகாஸி
அனபா⁴வங் க³மேஸி. ஆஸீனோதி நிஸின்னோ ப⁴க³வா பாஸாணகே
சேதியேதி - ஆஸீனோ [ஆஸினோ (க.)].

நக³ஸ்ஸ பஸ்ஸே ஆஸீனங், முனிங் து³க்க³ஸ்ஸ பாரகு³ங்;
ஸாவகா பயிருபாஸந்தி, தேவிஜ்ஜா மச்சுஹாயினோதி.

ஏவம்பி ப⁴க³வா ஆஸீனோ...பே... அத² வா, ப⁴க³வா
ஸப்³பொ³ஸ்ஸுக்கபடிப்பஸ்ஸத்³த⁴த்தா ஆஸீனோ ஸோ வுத்த²வாஸோ
சிண்ணசரணோ...பே... ஜாதிமரணஸங்ஸாரோ நத்தி² தஸ்ஸ புனப்³ப⁴வோதி,
ஏவம்பி ப⁴க³வா ஆஸீனோதி - ஏகோ தமோனுதா³ஸீனோ.

ஜாதிமா ஸோ பப⁴ங்கரோதி. ஜாதிமாதி ஜாதிமா மதிமா பண்டி³தோ
பஞ்ஞவா பு³த்தி⁴மா ஞாணீ விபா⁴வீ மேதா⁴வீ. பப⁴ங்கரோதி பப⁴ங்கரோ
ஆலோககரோ ஓபா⁴ஸகரோ தீ³பங்கரோ பதீ³பகரோ உஜ்ஜோதகரோ
பஜ்ஜோதகரோதி - ஜாதிமா ஸோ பப⁴ங்கரோ.

கோ³தமோ பூ⁴ரிபஞ்ஞாணோதி கோ³தமோ பூ⁴ரிபஞ்ஞாணோ
ஞாணபஞ்ஞாணோ பஞ்ஞாத⁴ஜோ பஞ்ஞாகேது பஞ்ஞாதி⁴பதெய்யோ
விசயப³ஹுலோ பவிசயப³ஹுலோ ஒக்கா²யனப³ஹுலோ
ஸமொக்கா²யனத⁴ம்மோ விபூ⁴தவிஹாரீ தச்சரிதோ தப்³ப³ஹுலோ
தக்³க³ருகோ தன்னின்னோ தப்போணோ தப்பப்³பா⁴ரோ தத³தி⁴முத்தோ
தத³தி⁴பதெய்யோ.

த⁴ஜோ ரத²ஸ்ஸ பஞ்ஞாணங், தூ⁴மோ [து⁴மோ (ஸ்யா.)]
பஞ்ஞாணமக்³கி³னோ;
ராஜா ரட்ட²ஸ்ஸ பஞ்ஞாணங், ப⁴த்தா பஞ்ஞாணமித்தி²யாதி.

ஏவமேவ கோ³தமோ பூ⁴ரிபஞ்ஞாணோ ஞாணபஞ்ஞாணோ பஞ்ஞாத⁴ஜோ
பஞ்ஞாகேது பஞ்ஞாதி⁴பதெய்யோ விசயப³ஹுலோ பவிசயப³ஹுலோ
ஒக்கா²யனப³ஹுலோ ஸமொக்கா²யனத⁴ம்மோ விபூ⁴தவிஹாரீ தச்சரிதோ

தப்³பு³ஹு³லோ தக்³ரு³கோ தன்னின்னோ தப்போனோ தப்பப்பா⁴ரோ
தத³தி⁴முத்தோ தத³தி⁴பதெய்யோதி - கோ³தமோ பூ⁴ரிபஞ்ஞானோ.

கோ³தமோ பூ⁴ரிமேத⁴ஸோதி பூ⁴ரி வுச்சதி பத²வீ. ப⁴க³வா தாய
பத²விஸமாய பஞ்ஞாய விபுலாய வித்த²தாய ஸமன்னாக³தோ. மேதா⁴ வுச்சதி
பஞ்ஞா. யா பஞ்ஞா பஜானநா...பே... அமோஹோ த⁴ம்மவிசயோ
ஸம்மாதி³ட்டி². ப⁴க³வா இமாய மேதா⁴ய உபேதோ ஸமுபேதோ உபாக³தோ
ஸமுபாக³தோ உபபன்னோ ஸமுபபன்னோ ஸமன்னாக³தோ, தஸ்மா
பு³த³தோ⁴ ஸுமேத⁴ஸோதி [பூ⁴ரிமேத⁴ஸோதி \(ஸ்யா.\) ஏவமுபரிபி](#) -
கோ³தமோ பூ⁴ரிமேத⁴ஸோ. தேனாஹ தே²ரோ பிங்கி³யோ -

“ஏகோ தமோனுதா³ஸீனோ, ஜுதிமா ஸோ பப⁴ங்கரோ;
கோ³தமோ பூ⁴ரிபஞ்ஞானோ, கோ³தமோ பூ⁴ரிமேத⁴ஸோ”தி.

108. யோ மே த⁴ம்மமதே³ஸேஸி, ஸந்தி³ட்டி²கமகாலிகங்;
தண்ஹக்க²யமனீதிகங், யஸ்ஸ நத்தி² உபமா க்வசி.

யோ மே த⁴ம்மமதே³ஸேஸீதி. யோதி யோ ஸோ ப⁴க³வா ஸயம்பூ⁴
அனாசரியகோ பு³பே³ அனநுஸ்ஸுதேஸு த⁴ம்மேஸு ஸாமங் ஸச்சானி
அபி⁴ஸம்புஜ்ஜி², தத்த² ச ஸப்³பு³ஞ்ஞுதங் பத்தோ ப³லேஸு ச வஸீபா⁴வங்.
த⁴ம்மமதே³ஸேஸீதி. த⁴ம்மந்தி ஆதி³கல்யாணங் மஜ்ஜே²கல்யாணங்
பரியோஸானகல்யாணங் ஸாத்த²ங் ஸப்³யஞ்ஞனங் கேவலபரிபுண்ணங்
பரிஸுத்த⁴ங் ப்³ரஹ்மசரியங், சத்தாரோ ஸதிபட்டா²னே...பே... அரியங்
அட்ட²ங்கி³கங் மக்³கங் நிப்³பா³னஞ்ச நிப்³பா³னகா³மினிஞ்ச படிபத³ங் ஆசிக்கி²
தே³ஸேஸி பஞ்ஞபேஸி பட்ட²பேஸி விவரி விப⁴ஜி உத்தானீஅகாஸி
பகாஸேஸீதி - யோ மே த⁴ம்மமதே³ஸேஸி.

ஸந்தி³ட்டி²கமகாலிகந்தி ஸந்தி³ட்டி²கங் அகாலிகங் ஏஹிபஸ்ஸிகங்
ஓபனெய்யிகங் பச்சத்தங் வேதி³தப்³பங் விஞ்ஞாஹீதி - ஏவங் ஸந்தி³ட்டி²கங்.
அத² வா, யோ தி³ட்டே²வ த⁴ம்மே அரியங் அட்ட²ங்கி³கங் மக்³கங் பா⁴வேதி,
தஸ்ஸ மக்³கஸ்ஸ அனந்தரா ஸமனந்தரா அதி⁴கச்ச²தேவ ப²லங் விந்த³தி
படிபப⁴தீதி, ஏவம்பி ஸந்தி³ட்டி²கங். அகாலிகந்தி யதா² மனுஸ்ஸா காலிகங்
த⁴னங் த³த்வா அனந்தரா ந லப⁴ந்தி காலங் ஆக³மெந்தி, நேவாயங்
த⁴ம்மோ. யோ தி³ட்டே²வ த⁴ம்மே அரியங் அட்ட²ங்கி³கங் மக்³கங்
பா⁴வேதி, தஸ்ஸ மக்³கஸ்ஸ அனந்தரா ஸமனந்தரா அதி⁴கச்ச²தேவ ப²லங்
விந்த³தி படிபப⁴தி, ந பரத்த² ந பரலோகே, ஏவங் அகாலிகந்தி -
ஸந்தி³ட்டி²கமகாலிகங்.

தண்ஹக்க²யமனீதிகந்தி. தண்ஹாதி ரூபதண்ஹா...பே... த்⁴ம்மதண்ஹா. தண்ஹக்க²யந்தி தண்ஹக்க²யங் ராக³க்க²யங் தோ³ஸக்க²யங் மோஹக்க²யங் க³திக்க²யங் உபபத்திக்க²யங் படிஸந்தி⁴க்க²யங் ப்⁴வக்க²யங் ஸங்ஸாரக்க²யங் வட்டக்க²யங். அனீதிகந்தி ஈதி வுச்சந்தி கிலேஸா ச க²ந்தா⁴ ச அபி⁴ஸங்கா²ரா ச. ஈதிப்பஹானங் ஈதிவூபஸமங் ஈதிபடினிஸ்ஸக்³ங் ஈதிபடிப்பஸ்ஸத்³தி⁴ங் அமதங் நிப்³பா³னந்தி - தண்ஹக்க²யமனீதிகங்.

யஸ்ஸ நத்தி² உபமா க்வசீதி. யஸ்ஸாதி நிப்³பா³னஸ்ஸ. நத்தி² உபமாதி உபமா நத்தி², உபனிதா⁴ நத்தி², ஸதி³ஸங் நத்தி², படிபா⁴கோ³ நத்தி² ந ஸதி ந ஸங்விஜ்ஜதி நுபலப்³ப⁴தி. க்வசீதி க்வசி கிம்ஹிசி கத்த²சி அஜ்ஜ²த்தங் வா ப³ஹித்³தா⁴ வா அஜ்ஜ²த்தப்³ஹித்³தா⁴ வாதி - யஸ்ஸ நத்தி² உபமா க்வசி. தேனாஹ தே²ரோ பிங்கி³யோ -

“யோ மே த்⁴ம்மமதே³ஸேஸி, ஸந்தி³ட்டி²கமகாலிகங்;
தண்ஹக்க²யமனீதிகங், யஸ்ஸ நத்தி² உபமா க்வசீ”தி.

109. கிங் நு தம்ஹா விப்பவஸி, முஹுத்தமபி பிங்கி³ய;
கோ³தமா பூ⁴ரிபஞ்ஞாணா, கோ³தமா பூ⁴ரிமேத⁴ஸா.

கிங் நு தம்ஹா விப்பவஸீதி கிங் நு பு³த்³த⁴ம்ஹா விப்பவஸி அபேஸி அபக³ச்சி² [அபக³ச்ச³ஸி (ஸ்யா. க.)] வினா ஹோஸீதி - கிங் நு தம்ஹா விப்பவஸி.

முஹுத்தமபி பிங்கி³யாதி முஹுத்தம்பி க²ணம்பி லயம்பி வயம்பி அத்³த⁴ம்பீதி - முஹுத்தமபி. பிங்கி³யாதி பா³வரீ தங் நத்தாரங் நாமேன ஆலபதி.

கோ³தமா பூ⁴ரிபஞ்ஞாணாதி கோ³தமா பூ⁴ரிபஞ்ஞாணா ஞாணபஞ்ஞாணா பஞ்ஞாத⁴ஜா பஞ்ஞாகேதும்ஹா பஞ்ஞாதி⁴பதெய்யம்ஹா விசயப்³ஹுலா பவிசயப்³ஹுலா ஒக்கா²யனப்³ஹுலா ஸமொக்கா²யனத⁴ம்மா விபூ⁴தவிஹாரிம்ஹா தச்சரிதா தப்³ப³ஹுலா தக்³க³ருகா தன்னின்னா தப்போணா தப்பப்³பா⁴ரா தத³தி⁴முத்தா தத³தி⁴பதெய்யம்ஹாதி - கோ³தமா பூ⁴ரிபஞ்ஞாணா.

கோ³தமா பூ⁴ரிமேத⁴ஸாதி பூ⁴ரி வுச்சதி பத²வீ. ப்⁴க³வா தாய பத²விஸமாய பஞ்ஞாய விபுலாய வித்த²தாய ஸமன்னாக³தோ. மேதா⁴ வுச்சதி பஞ்ஞா. யா பஞ்ஞா பஜானநா...பே... அமோஹோ த்⁴ம்மவிசயோ ஸம்மாதி³ட்டி². ப்⁴க³வா இமாய மேதா⁴ய பஞ்ஞாய உபேதோ ஸமுபேதோ உபாக³தோ ஸமுபாக³தோ உபபன்னோ ஸமுபபன்னோ ஸமன்னாக³தோ,

தஸ்மா பு³த³தோ⁴ ஸுமேத⁴ஸோதி - கோ³தமா பூ⁴ரிமேத⁴ஸா. தேனாஹு
ஸோ ப்³ராஹ்மணோ -

“கிங்னு தம்ஹா விப்பவஸி, முஹுத்தமபி பிங்கி³ய;
கோ³தமா பூ⁴ரிபஞ்ஞாணா, கோ³தமா பூ⁴ரிமேத⁴ஸா”தி.

110. யோ தே த⁴ம்மமதே³ஸேஸி, ஸந்தி³ட்டி²கமகாலிகங்;
தண்ஹக்க²யமனீதிகங், யஸ்ஸ நத்தி² உபமா க்வசி.

யோ தே த⁴ம்மமதே³ஸேஸீதி யோ ஸோ ப⁴க³வா...பே... தத்த² ச
ஸப்³புஞ்ஞதங் பத்தோ ப³லேஸு ச வஸ்பா⁴வங். த⁴ம்மமதே³ஸேஸீதி
த⁴ம்மந்தி ஆதி³கல்யாணங் மஜ்ஜே²கல்யாணங்...பே... நிப்³பா³னஞ்ச
நிப்³பா³னகா³மினிஞ்ச படிபத³ங் ஆசிக்கி² தே³ஸேஸி பஞ்ஞபேஸி பட்ட²பேஸி
விவரி விப⁴ஜி உத்தானீஅகாஸி பகாஸேஸீதி - யோ தே த⁴ம்மமதே³ஸேஸி.

ஸந்தி³ட்டி²கமகாலிகந்தி ஸந்தி³ட்டி²கங் அகாலிகங் ஏஹிபஸ்ஸிகங்
ஓபனெய்யிகங் பச்சத்தங் வேதி³தப்³பங் விஞ்ஞாஹீதி - ஏவங் ஸந்தி³ட்டி²கங்.
அத² வா, யோ தி³ட்டே²வ த⁴ம்மே அரியங் அட்ட²ங்கிகங் மக்³கங் பா⁴வேதி,
தஸ்ஸ மக்³கஸ்ஸ அனந்தரா ஸமனந்தரா அதி⁴கச்ச²தேவ ப²லங் விந்த³தி
படிலப⁴தீதி - ஏவம்பி ஸந்தி³ட்டி²கங். அகாலிகந்தி யதா² மனுஸ்ஸா காலிகங்
த⁴னங் த³த்வா அனந்தரா ந லப⁴ந்தி, காலங் ஆக³மெந்தி, நேவாயங்
த⁴ம்மோ. யோ தி³ட்டே²வ த⁴ம்மே அரியங் அட்ட²ங்கிகங் மக்³கங்
பா⁴வேதி; தஸ்ஸ மக்³கஸ்ஸ அனந்தரா ஸமனந்தரா அதி⁴கச்ச²தேவ ப²லங்
விந்த³தி படிலப⁴தி, ந பரத்த² ந பரலோகே, ஏவங் அகாலிகந்தி -
ஸந்தி³ட்டி²கமகாலிகங்.

தண்ஹக்க²யமனீதிகந்தி . தண்ஹாதி ரூபதண்ஹா...பே... த⁴ம்மதண்ஹா.
தண்ஹக்க²யந்தி தண்ஹக்க²யங் ராக³க்க²யங் தோ³ஸக்க²யங் மோஹக்க²யங்
கதிக்க²யங் உபபத்திக்க²யங் படிஸந்தி⁴க்க²யங் ப⁴வக்க²யங் ஸங்ஸாரக்க²யங்
வட்டக்க²யங். அனீதிகந்தி ஈதி வுச்சந்தி கிலேஸா ச க²ந்தா⁴ ச
அபி⁴ஸங்கா²ரா ச. ஈதிப்பஹானங் ஈதிவூபஸமங் ஈதிபடினிஸ்ஸக்க³ங்
ஈதிபடிப்பஸ்ஸத்தி⁴ங் அமதங் நிப்³பா³னந்தி - தண்ஹக்க²யமனீதிகங்.

யஸ்ஸ நத்தி² உபமா க்வசீதி. யஸ்ஸாதி நிப்³பா³னஸ்ஸ. நத்தி² உபமாதி
உபமா நத்தி², உபனிதா⁴ நத்தி², ஸதி³ஸங் நத்தி², படிபா⁴கோ³ நத்தி² ந ஸதி
ந ஸங்விஜ்ஜதி நுபலப்³ப⁴தி. க்வசீதி க்வசி கிம்ஹிசி கத்த²சி அஜ்ஜ²த்தங் வா
ப³ஹித்தா⁴ வா அஜ்ஜ²த்தப³ஹித்தா⁴ வாதி - யஸ்ஸ நத்தி² உபமா க்வசி.
தேனாஹு ஸோ ப்³ராஹ்மணோ -

“யோ தே த⁴ம்மமதே³ஸேஸி, ஸந்தி³ட்டி²கமகாலிகங்;

தண்ணுக்க²யமனீதிகங், யஸ்ஸ நத்தி² உபமா க்வசீ²தி.

111. நாஹங் தம்ஹா விப்பவஸாமி, முஹுத்தமபி ப்³ராஹ்மண;
கோ³தமா பூ²ரிபஞ்ஞாணா, கோ³தமா பூ²ரிமேத²ஸா.

நாஹங் தம்ஹா விப்பவஸாமீதி நாஹங் ப³த³த²ம்ஹா விப்பவஸாமி
அபேமி அபக³ச்சா²மி வினா ஹோமீதி - நாஹங் தம்ஹா விப்பவஸாமி.

முஹுத்தமபி ப்³ராஹ்மணாதி முஹுத்தம்பி க²ணம்பி லயம்பி வயம்பி
அத³த²ம்பீதி முஹுத்தமபி. ப்³ராஹ்மணாதி கா³ரவேன மாதுலங் ஆலபதி.

கோ³தமா பூ²ரிபஞ்ஞாணாதி கோ³தமா பூ²ரிபஞ்ஞாணா ஞாணபஞ்ஞாணா
பஞ்ஞாத²ஜா பஞ்ஞாகேதும்ஹா பஞ்ஞாதி²பதெய்யம்ஹா விசயப³ஹுலா
பவிசயப³ஹுலா ஒக்கா²யனப³ஹுலா ஸமொக்கா²யனத²ம்மா
விபூ²தவிஹாரிம்ஹா தச்சரிதா தப்³ப³ஹுலா தக்³க³ருகா தன்னின்னா
தப்போணா தப்பப்³பா²ரா தத³தி²முத்தா தத³தி²பதெய்யம்ஹாதி - கோ³தமா
பூ²ரிபஞ்ஞாணா.

கோ³தமா பூ²ரிமேத²ஸாதி பூ²ரி வுச்சதி பத²வீ. ப²க³வா தாய
பத²விஸமாய பஞ்ஞாய விபுலாய வித்த²தாய ஸமன்னாக³தோ. மேதா² வுச்சதி
பஞ்ஞா. யா பஞ்ஞா பஜானநா...பே... அமோஹோ த²ம்மவிசயோ
ஸம்மாதி³ட்டி². ப²க³வா இமாய மேதா²ய பஞ்ஞாய உபேதோ ஸமுபேதோ
உபாக³தோ ஸமுபாக³தோ உபபன்னோ ஸமுபபன்னோ ஸமன்னாக³தோ.
தஸ்மா ப³த³தோ² ஸுமேத²ஸோதி - கோ³தமா பூ²ரிமேத²ஸா. தேனாஹ
தே²ரோ பிங்கி³யோ -

“நாஹங் தம்ஹா விப்பவஸாமி, முஹுத்தமபி ப்³ராஹ்மண;
கோ³தமா பூ²ரிபஞ்ஞாணா, கோ³தமா பூ²ரிமேத²ஸா”தி.

112. யோ மே த²ம்மமதே³ஸேஸி, ஸந்தி³ட்டி²கமகாலிகங்;
தண்ணுக்க²யமனீதிகங் , யஸ்ஸ நத்தி² உபமா க்வசி.

யோ மே த²ம்மமதே³ஸேஸீதி யோ ஸோ ப²க³வா ஸயம்பூ²
அனாசரியகோ புப்³பே³ அனநுஸ்ஸுதேஸு த²ம்மேஸு ஸாமங் ஸச்சானி
அபி²ஸம்ப³ஜ்ஜி², தத்த² ச ஸப்³ப³ஞ்ஞுதங் பத்தோ ப³லேஸு ச வஸீபா²வங்.
த²ம்மமதே³ஸேஸீதி. த²ம்மந்தி ஆதி³கல்யாணங் மஜ்ஜே²கல்யாணங்
பரியோஸானகல்யாணங் ஸாத்த²ங் ஸப்³யஞ்ஞுனங் கேவலபரிபுண்ணங்
பரிஸுத்³த²ங் ப்³ரஹ்மசரியங், சத்தாரோ ஸதிபட்டா²னே சத்தாரோ
ஸம்மப்பதா²னே சத்தாரோ இத்த³தி²பாதே³ பஞ்சிந்த³ரியானி பஞ்ச ப³லானி
ஸத்த பொ³ஜ்ஜ²ங்கே³ அரியங் அட்ட²ங்கி³கங் மக்³க³ங் நிப்³பா³னஞ்ச

நிப்பா³னகா³மினிஞ்ச படிபத³ங் ஆசிக்கி² தே³ஸேஸி பஞ்ஞபேஸி பட்ட²பேஸி
விவரி விப⁴ஜி உத்தானீஅகாஸி பகாஸேஸீதி - யோ மே த⁴ம்மமதே³ஸேஸி.

ஸந்தி³ட்டி²கமகாலிகந்தி ஸந்தி³ட்டி²கங் அகாலிகங் ஏஹிபஸ்ஸிகங்
ஓபனெய்யிகங் பச்சத்தங் வேதி³தப்³ப³ங் விஞ்ஞாஹீதி, ஏவங் ஸந்தி³ட்டி²கங்.
அத² வா, யோ தி³ட்டே²வ த⁴ம்மே அரியங் அட்ட²ங்கிகங் மக்³க³ங் பா⁴வேதி,
தஸ்ஸ மக்³க³ஸ்ஸ அனந்தரா ஸமனந்தரா அதி⁴க³ச்ச²தேவ ப²லங் விந்த³தி
படிபப⁴தீதி, ஏவம்பி ஸந்தி³ட்டி²கங். அகாலிகந்தி யதா² மனுஸ்ஸா காலிகங்
த⁴னங் த³த்வா அனந்தரா ந லப⁴ந்தி, காலங் ஆக³மெந்தி, நேவாயங்
த⁴ம்மோ. யோ தி³ட்டே²வ த⁴ம்மே அரியங் அட்ட²ங்கிகங் மக்³க³ங்
பா⁴வேதி, தஸ்ஸ மக்³க³ஸ்ஸ அனந்தரா ஸமனந்தரா அதி⁴க³ச்ச²தேவ ப²லங்
விந்த³தி படிபப⁴தி, ந பரத்த² ந பரலோகே, ஏவங் அகாலிகந்தி -
ஸந்தி³ட்டி²கமகாலிகங்.

தண்ஹக்க²யமனீதிகந்தி . தண்ஹாதி ரூபதண்ஹா...பே... த⁴ம்மதண்ஹா.
தண்ஹக்க²யந்தி தண்ஹக்க²யங் ராக³க்க²யங் தோ³ஸக்க²யங் மோஹக்க²யங்
க³திக்க²யங் உபபத்திக்க²யங் படிஸந்தி⁴க்க²யங் ப⁴வக்க²யங் ஸங்ஸாரக்க²யங்
வட்டக்க²யங். அனீதிகந்தி ஈதி வுச்சந்தி கிலேஸா ச க²ந்தா⁴ ச
அபி⁴ஸங்கா²ரா ச. ஈதிப்பஹானங் ஈதிவூபஸமங் ஈதிபடிப்பஸ்ஸத்தி⁴ங்
அமதங் நிப்பா³னந்தி - தண்ஹக்க²யமனீதிகங்.

யஸ்ஸ நத்தி² உபமா க்வசீதி. யஸ்ஸாதி நிப்பா³னஸ்ஸ. நத்தி² உபமாதி
உபமா நத்தி², உபனிதா⁴ நத்தி², ஸதி³ஸங் நத்தி², படிபா⁴கோ³ நத்தி² ந அத்தி²
ந ஸங்விஜ்ஜதி நுபலப்³ப⁴தி. க்வசீதி க்வசி கிம்ஹிசி கத்த²சி அஜ்ஜத்தங் வா
ப³ஹித்தா⁴ வா அஜ்ஜத்தப³ஹித்தா⁴ வாதி - யஸ்ஸ நத்தி² உபமா க்வசி.
தேனாஹ தே²ரோ பிங்கியோ -

“யோ மே த⁴ம்மமதே³ஸேஸி, ஸந்தி³ட்டி²கமகாலிகங்;
தண்ஹக்க²யமனீதிகங், யஸ்ஸ நத்தி² உபமா க்வசீ”தி.

113. பஸ்ஸாமி நங் மனஸா சக்கு²னாவ, ரத்திந்தி³வங் ப்³ராஹ்மண
அப்பமத்தோ;

நமஸ்ஸமானோ விவஸேமி [நமஸ்ஸமானோவ வஸேமி \(ஸீ. அட்ட².\)](#)
... [விவஸாமி \(ஸ்யா.\)](#) ரத்திங், தேனேவ மஞ்ஞாமி அவிப்பவாஸங்.

பஸ்ஸாமி நங் மனஸா சக்கு²னாவாதி யதா² சக்கு²மா புரிஸோ ஆலோகே
ரூபக³தானி பஸ்ஸெய்ய த³க்கெ²ய்ய ஒலோகெய்ய நிஜ்ஜா²யெய்ய
உபபரிக்கெ²ய்ய, ஏவமேவாஹங் பு³த்த⁴ங் ப⁴க³வந்தங் மனஸா பஸ்ஸாமி
த³க்கா²மி ஒலோகேமி நிஜ்ஜா²யாமி உபபரிக்கா²மீதி - பஸ்ஸாமி நங் மனஸா
சக்கு²னாவ.

ரத்திந்தி³வங் ப்³ராஹ்மண அப்பமத்தோதி ரத்திஞ்ச தி³வா ச
பு³த்தா⁴னுஸ்ஸதிங் மனஸா பா⁴வெந்தோ அப்பமத்தோதி - ரத்திந்தி³வங்
ப்³ராஹ்மண அப்பமத்தோ.

நமஸ்ஸமானோ விவஸேமி ரத்திந்தி. நமஸ்ஸமானோதி காயேன வா
நமஸ்ஸமானோ, வாசாய வா நமஸ்ஸமானோ, சித்தேன வா நமஸ்ஸமானோ,
அன்வத்த²படிபத்தியா வா நமஸ்ஸமானோ, த⁴ம்மானுத⁴ம்மபடிபத்தியா வா
நமஸ்ஸமானோ ஸக்காரமானோ க³ருகாரமானோ மானயமானோ பூஜயமானோ
ரத்திந்தி³வங் விவஸேமி அதினாமேமி அதிகக்கமேமீதி - நமஸ்ஸமானோ
விவஸேமி ரத்திங்.

தேனேவ மஞ்ஞாமி அவிப்பவாஸந்தி தாய பு³த்தா⁴னுஸ்ஸதியா
பா⁴வெந்தோ அவிப்பவாஸோதி தங் மஞ்ஞாமி, அவிப்பவுட்டோ²தி தங்
மஞ்ஞாமி ஜானாமி. ஏவங் ஜானாமி ஏவங் ஆஜானாமி ஏவங் விஜானாமி ஏவங்
படிவிஜானாமி ஏவங் படிவிஜ்ஜா²மீதி - தேனேவ மஞ்ஞாமி அவிப்பவாஸங்.
தேனாஹ தே²ரோ பிங்கி³யோ -

“பஸ்ஸாமி நங் மனஸா சக்கு²னாவ, ரத்திந்தி³வங் ப்³ராஹ்மண
அப்பமத்தோ;
நமஸ்ஸமானோ விவஸேமி ரத்திங், தேனேவ மஞ்ஞாமி
அவிப்பவாஸ²ந்தி.

114. ஸத்³தா⁴ ச பீதி ச மனோ ஸதி ச, நாபெந்திமே
கோ³தமஸாஸனம்ஹா;
யங் யங் தி³ஸங் வஜதி பூ⁴ரிபஞ்ஞோ, ஸ தேன தேனேவ
நதோஹமஸ்மி.

ஸத்³தா⁴ ச பீதி ச மனோ ஸதி சாதி. ஸத்³தா⁴தி யா ச ப⁴க³வந்தங்
ஆரப்³ப⁴ ஸத்³தா⁴ ஸத்³த³ஹனா [ஸத்³த⁴ஹனா (க.)] ஓகப்பனா
அபி⁴ப்பஸாதோ³ ஸத்³தா⁴ ஸத்³தி⁴ந்த்³ரியங் ஸத்³தா⁴ப³லங். பீதீதி யா
ப⁴க³வந்தங் ஆரப்³ப⁴ பீதி பாமோஜ்ஜங் [பாமுஜ்ஜங் (ஸ்யா.)] மோத³னா
ஆமோத³னா பமோத³னா ஹாஸோ பஹாஸோ வித்தி துட்டி² ஓத³க்யங்
அத்தமனதா சித்தஸ்ஸ. மனோதி யஞ்ச ப⁴க³வந்தங் ஆரப்³ப⁴ சித்தங் மனோ
மானஸங் ஹத்யங் பண்ட³ரங் மனோ மனாயதனங் மனிந்த்³ரியங் விஞ்ஞாணங்
விஞ்ஞாணக்க²ந்தோ⁴ தஜ்ஜா மனோவிஞ்ஞாணதா⁴து. ஸதீதி யா
ப⁴க³வந்தங் ஆரப்³ப⁴ ஸதி அனுஸ்ஸதி ஸம்மாஸதீதி - ஸத்³தா⁴ ச பீதி ச
மனோ ஸதி ச.

நாபெந்திமே கோ³தமஸாஸனம்ஹாதி இமே சத்தாரோ த⁴ம்மா
கோ³தமஸாஸனா பு³த்த⁴ஸாஸனா ஜினஸாஸனா ததா²க³தஸாஸனா

அரஹந்தஸாஸனா நாபெந்தி ந க³ச்ச²ந்தி ந விஜஹந்தி ந வினாஸெந்தீதி - நாபெந்திமே கோ³தமஸாஸனம்ஹா.

யங் யங் தி³ஸங் வஜதி பூ⁴ரிபஞ்ஞோதி. யங் யங் தி³ஸந்தி புரத்தி²மங் வா தி³ஸங் பச்சி²மங் வா தி³ஸங் த³க்கி²ணங் வா தி³ஸங் உத்தரங் வா தி³ஸங் வஜதி க³ச்ச²தி கமதி அபி⁴க்கமதி. பூ⁴ரிபஞ்ஞோதி பூ⁴ரிபஞ்ஞோ மஹாபஞ்ஞோ திக்க²பஞ்ஞோ புது²பஞ்ஞோ ஹாஸபஞ்ஞோ ஜவனபஞ்ஞோ நிப்³பேதி⁴கபஞ்ஞோ . பூ⁴ரி வச்சதி பத²வீ. ப்⁴க³வா தாய பத²விஸமாய பஞ்ஞாய விபுலாய வித்த²தாய ஸமன்னாக³தோதி - யங் யங் தி³ஸங் வஜதி பூ⁴ரிபஞ்ஞோ.

ஸ தேன தேனேவ நதோஹமஸ்மீதி ஸோ யேன பு³த்தோ⁴ தேன தேனேவ நதோ தன்னின்னோ தப்போணோ தப்பப்³பா⁴ரோ தத³தி⁴முத்தோ தத³தி⁴பதெய்யோதி - ஸ தேன தேனேவ நதோஹமஸ்மி. தேனாஹ தே²ரோ பிங்கி³யோ -

“ஸத்த³தா⁴ ச பீதி ச மனோ ஸதி ச, நாபெந்திமே கோ³தமஸாஸனம்ஹா;
யங் யங் தி³ஸங் வஜதி பூ⁴ரிபஞ்ஞோ, ஸ தேன தேனேவ நதோஹமஸ்மீ”தி.

115. ஜிண்ணஸ்ஸ மே து³ப்³ப³லதா²மகஸ்ஸ, தேனேவ காயோ ந பலேதி தத்த²;
ஸங்கப்பயந்தாய வஜாமி நிச்சங், மனோ ஹி மே ப்³ராஹ்மண தேன யுத்தோ.

ஜிண்ணஸ்ஸ மே து³ப்³ப³லதா²மகஸ்ஸாதி ஜிண்ணஸ்ஸ வுட்³ட⁴ஸ்ஸ மஹல்லகஸ்ஸ அத்³த⁴க³தஸ்ஸ வயோஅனுப்பத்தஸ்ஸ.
து³ப்³ப³லதா²மகஸ்ஸாதி து³ப்³ப³லதா²மகஸ்ஸ அப்பதா²மகஸ்ஸ பரித்ததா²மகஸ்ஸாதி - ஜிண்ணஸ்ஸ மே து³ப்³ப³லதா²மகஸ்ஸ.

தேனேவ காயோ ந பலேதி தத்தா²தி காயோ யேன பு³த்தோ⁴ தேன ந பலேதி ந வஜதி ந க³ச்ச²தி நாதிக்கமதீதி - தேனேவ காயோ ந பலேதி தத்த².

ஸங்கப்பயந்தாய வஜாமி நிச்சந்தி ஸங்கப்பக³மனேன விதக்கக³மனேன ஞாணக³மனேன பஞ்ஞாக³மனேன பு³த்தி⁴க³மனேன வஜாமி க³ச்சா²மி அதிக்மாமீதி - ஸங்கப்பயந்தாய வஜாமி நிச்சங்.

மனோ ஹி மே ப்³ராஹ்மண தேன யுத்தோதி. மனோதி யங் சித்தங் மனோ மானஸங்...பே... தஜ்ஜா மனோவிஞ்ஞாணதா⁴து. மனோ ஹி மே

ப்ராஹ்மண தேன யுத்தோதி மனோ யேன புத்தோ⁴ தேன யுத்தோ பயுத்தோ
ஸங்யுத்தோதி - மனோ ஹி மே ப்ராஹ்மண தேன யுத்தோ. தேனாஹ தே²ரோ
பிங்கியோ -

“ஜிண்ணஸ்ஸ மே து³ப்³லதா²மகஸ்ஸ, தேனேவ காயோ ந பவேதி
தத்த²;

ஸங்கப்பயந்தாய வஜாமி நிச்சங், மனோ ஹி மே ப்ராஹ்மண தேன
யுத்தோ”தி.

116. பங்கே ஸயானோ பரிபுந்த³மானோ, தீ³பா தீ³பங் உபல்லவிங்;
அத²த³ஸாஸிங் ஸம்புத்த⁴ங், ஓக⁴திண்ணமனாஸவங்.

பங்கே ஸயானோ பரிபுந்த³மானோதி. பங்கே ஸயானோதி காமபங்கே
காமகத்த³மே காமகிலேஸே காமப³ளிலே காமபரிளாஹே காமபலிபோ³தே⁴
ஸேமானோ ஸயமானோ வஸமானோ ஆவஸமானோ பரிவஸமானோ
[அவஸேமானோ பரிஸேமானோ (ஸ்யா.)] தி - பங்கே ஸயானோ.
பரிபுந்த³மானோதி தண்ஹாபுந்த³னாய பந்த³மானோ, தி³ட்டி²பந்த³னாய
பந்த³மானோ , கிலேஸபந்த³னாய பந்த³மானோ, பயோக³பந்த³னாய
பந்த³மானோ, விபாகபந்த³னாய பந்த³மானோ, மனோது³ச்சரிதபந்த³னாய
பந்த³மானோ, ரத்தோ ராகே³ன பந்த³மானோ, து³ட்டோ² தோ³ஸேன
பந்த³மானோ, மூள்ஹோ மோஹேன பந்த³மானோ, வினிபுந்தோ⁴ மானேன
பந்த³மானோ, பராமட்டோ² தி³ட்டி²யா பந்த³மானோ, விக்³கே²பக³தோ
உத³த⁴ச்சேன பந்த³மானோ, அனிட்ட²ங்க³தோ விசிகிச்சா²ய பந்த³மானோ,
தா²மக³தோ அனுஸயேஹி பந்த³மானோ, லாபே⁴ன பந்த³மானோ,
அலாபே⁴ன பந்த³மானோ, யஸேன பந்த³மானோ, அயஸேன பந்த³மானோ,
பஸங்ஸாய பந்த³மானோ, நிந்தா³ய பந்த³மானோ, ஸுகே²ன பந்த³மானோ,
து³க்கே²ன பந்த³மானோ, ஜாதியா பந்த³மானோ, ஜராய பந்த³மானோ,
ப்யாதி⁴னா பந்த³மானோ, மரணேன பந்த³மானோ,
ஸோகபரிதே³வது³க்க²தோ³மனஸ்ஸபாயாஸேஹி பந்த³மானோ, நேரயிகேன
து³க்கே²ன பந்த³மானோ, திரச்சா²னயோனிகேன து³க்கே²ன பந்த³மானோ,
பெத்திவிஸயிகேன து³க்கே²ன பந்த³மானோ, மானுஸிகேன து³க்கே²ன...பே...
க³ப்³போ⁴க்கந்திமூலகேன து³க்கே²ன... க³ப்³ப⁴ட்டி²திமூலகேன து³க்கே²ன...
க³ப்³ப⁴வுட்டா²னமூலகேன து³க்கே²ன... ஜாதஸ்ஸுபனிபுந்த⁴கேன து³க்கே²ன...
ஜாதஸ்ஸ பராத்தெ⁴ய்யகேன து³க்கே²ன... அத்துபக்கமேன து³க்கே²ன...
பருபக்கமேன து³க்கே²ன... ஸங்கா²ரது³க்கே²ன... விபரிணாமது³க்கே²ன...
சக்கு²ரோகே³ன து³க்கே²ன... ஸோதரோகே³ன து³க்கே²ன... கா⁴னரோகே³ன
து³க்கே²ன... ஜிவ்ஹாரோகே³ன து³க்கே²ன... காயரோகே³ன து³க்கே²ன...
ஸீஸரோகே³ன து³க்கே²ன... கண்ணரோகே³ன து³க்கே²ன... முக²ரோகே³ன
து³க்கே²ன... தந்தரோகே³ன து³க்கே²ன... ஒட்ட²ரோகே³ன து³க்கே²ன... காலேன...

ஸாலேன... பினாலேன... டா³ஹேன [தா³ஹேன (க.) மஹானி. 11] ... ஜரேன...
குச்சி²ரோகே³ன... முச்சா²ய... பக்க²ந்தி³காய... ஸாலாய... விஸூசிகாய... குட்டே²ன...
கண்ணே³ன... கிலாலேன... ஸோலேன... அபமாரேன ... த³த³து³யா... கண்டு³யா...
கச்சு²யா... ரக²ஸாய... விதச்சி²காய... லோஹிதபித்தேன [லோஹிதேன. பித்தேன
(ஸ்யா. க.)] ... மது⁴மேஹேன... அங்ஸாய... பிளகாய... ப⁴க³ந்த³லேன
[ப⁴க³ந்த³லாய (ஸ்யா.)] ... பித்தஸமுட்டா²னேன ஆபா³தே⁴ன...
ஸெம்ஹஸமுட்டா²னேன ஆபா³தே⁴ன... வாதஸமுட்டா²னேன ஆபா³தே⁴ன...
ஸன்னிபாதிகேன ஆபா³தே⁴ன... உதுபரிணாமஜேன ஆபா³தே⁴ன...
விஸமபரிஹாரஜேன ஆபா³தே⁴ன... ஓபக்கமிகேன ஆபா³தே⁴ன...
கம்மவிபாகஜேன ஆபா³தே⁴ன... ஸீதேன... உண்ஹேன... ஜிக⁴ச்சா²ய ...
பிபாஸாய... உச்சாரேன... பஸ்ஸாவேன...
டங்ஸமகஸவாதாதபஸரீஸபஸம்ப²ஸேன து³க்கே²ன... மாதாமரணேன
து³க்கே²ன... பிதுமரணேன து³க்கே²ன... புத்தமரணேன து³க்கே²ன... தீ⁴துமரணேன
து³க்கே²ன... ஞாதிப்யஸனேன து³க்கே²ன... போ⁴க³ப்யஸனேன து³க்கே²ன...
ரோக³ப்யஸனேன து³க்கே²ன... ஸீலப்யஸனேன து³க்கே²ன... தி³ட்டி²ப்யஸனேன
து³க்கே²ன ப²ந்த³மானோ பரிப²ந்த³மானோ பவேத⁴மானோ
ஸம்பவேத⁴மானோதி - பங்கே ஸயானோ பரிப²ந்த³மானோ.

தீ³பா தீ³பங் உபல்லவிந்தி ஸத்தா²ரதோ ஸத்தா²ரங் த⁴ம்மக்கா²னதோ
த⁴ம்மக்கா²னங் க³ணதோ க³ணங் தி³ட்டி²யா தி³ட்டி²ங் படிபதா³ய படிபத³ங்
மக்க³தோ மக்க³ங் பல்லவிங் உபல்லவிங் ஸம்பல்லவிந்தி - தீ³பா தீ³பங்
உபல்லவிங்.

அத²த³ஸாஸிங் ஸம்பு³த்த⁴ந்தி. அதா²தி பத³ஸந்தி⁴ பத³ஸங்ஸக்கோ³
பத³பாரிபுரீ அக்க²ரஸமவாயோ ப்யஞ்ஜனஸிலிட்ட²தா பதா³னுபு³பதாபேதங் -
அதா²தி. அத²த³ஸாஸிந்தி அத²த³ஸங் அத²த³க்கி²ங் அபஸ்ஸிங் படிவிஜ்ஜி²ங்.
பு³த்தோ⁴தி யோ ஸோ ப⁴க³வா ஸயம்பு⁴ அனாசரியகோ...பே... ஸச்சி²கா
பஞ்ஞத்தி, யதி³த³ங் பு³த்தோ⁴தி - அத²த³ஸாஸிங் ஸம்பு³த்த⁴ங்.

ஓக⁴திண்ணமனாஸவந்தி. ஓக⁴திண்ணந்தி ப⁴க³வா காமோக⁴ங்
திண்ணோ, ப⁴வோக⁴ங் திண்ணோ, தி³ட்டோ²க⁴ங் திண்ணோ,
அவிஜ்ஜோக⁴ங் திண்ணோ, ஸப்³ப³ஸங்ஸாரபத²ங் திண்ணோ உத்திண்ணோ
நித்திண்ணோ அதிக்ந்தோ ஸமதிக்கந்தோ வீதிவத்தோ, ஸோ வுத்த²வாஸோ
சிண்ணசரணோ...பே... ஜாதிமரணஸங்ஸாரோ, நத்தி² தஸ்ஸ புனப்³ப⁴வோதி -
ஓக⁴திண்ணங். அனாஸவந்தி சத்தாரோ ஆஸவா - காமாஸவோ,
ப⁴வாஸவோ, தி³ட்டா²ஸவோ, அவிஜ்ஜாஸவோ. தே ஆஸவா பு³த்த⁴ஸ்ஸ
ப⁴க³வதோ பஹீனா உச்சி²ன்னமுலா தாலாவத்து²கதா அனபா⁴வங்கதா
ஆயதிங் அனுப்பாத²த⁴ம்மா. தஸ்மா பு³த்தோ⁴ அனாஸவாதி -
ஓக⁴திண்ணமனாஸவங். தேனாஹ தே²ரோ பிங்கியோ -

“பங்கே ஸயானோ பரிபந்த்மானோ, தீபா தீபங் உபல்லவிங்;
அதத்த்ஸாஸிங் ஸம்புத்த்ங், ஓகத்திண்ணமனாஸவ”ந்தி.

117. யதா² அஹு வக்கலி முத்தஸத்தோ⁴, ப⁴த்ராவுதோ⁴
ஆளவிகோ³தமோ ச;
ஏவமேவ த்வம்பி பமுஞ்சஸ்ஸு ஸத்த⁴ங், க³மிஸ்ஸஸி த்வங்
பிங்கிய மச்சதெ⁴ய்யஸ்ஸ பாரங்.

யதா² அஹு வக்கலி முத்தஸத்தோ⁴, ப⁴த்ராவுதோ⁴
ஆளவிகோ³தமோ சாதி யதா² வக்கலித்தே²ரோ [வக்கலி (ஸ்யா.)] ஸத்தோ⁴
ஸத்தா⁴க³ருகோ ஸத்தா⁴புப்பங்க³மோ ஸத்தா⁴தி⁴முத்தோ
ஸத்தா⁴தி⁴பதெய்யோ அரஹத்தப்பத்தோ, யதா² ப⁴த்ராவுதோ⁴ தே²ரோ
ஸத்தோ⁴ ஸத்தா⁴க³ருகோ ஸத்தா⁴புப்பங்க³மோ ஸத்தா⁴தி⁴முத்தோ
ஸத்தா⁴தி⁴பதெய்யோ அரஹத்தப்பத்தோ, யதா² ஆளவிகோ³தமோ தே²ரோ
ஸத்தோ⁴ ஸத்தா⁴க³ருகோ ஸத்தா⁴புப்பங்க³மோ ஸத்தா⁴தி⁴முத்தோ
ஸத்தா⁴தி⁴பதெய்யோ அரஹத்தப்பத்தோதி - யதா² அஹு வக்கலி
முத்தஸத்தோ⁴ ப⁴த்ராவுதோ⁴ ஆளவிகோ³தமோ ச.

ஏவமேவ த்வம்பி பமுஞ்சஸ்ஸு ஸத்த⁴ந்தி ஏவமேவ த்வங் ஸத்த⁴ங்
முஞ்சஸ்ஸு பமுஞ்சஸ்ஸு ஸம்பமுஞ்சஸ்ஸு அதி⁴முஞ்சஸ்ஸு
ஓகப்பேஹி. “ஸப்பே³ ஸங்கா²ரா அனிச்சா”தி ஸத்த⁴ங் முஞ்சஸ்ஸு
பமுஞ்சஸ்ஸு ஸம்பமுஞ்சஸ்ஸு அதி⁴முஞ்சஸ்ஸு ஓகப்பேஹி. “ஸப்பே³
ஸங்கா²ரா துக்கா²தி...பே... “ஸப்பே³ த⁴ம்மா அனத்தா”தி ஸத்த⁴ங்
முஞ்சஸ்ஸு பமுஞ்சஸ்ஸு ஸம்பமுஞ்சஸ்ஸு அதி⁴முஞ்சஸ்ஸு
ஓகப்பேஹி... “யங் கிஞ்சி ஸமுத்யத⁴ம்மங் ஸப்பங் தங் நிரோத⁴த⁴ம்ம”ந்தி
ஸத்த⁴ங் முஞ்சஸ்ஸு பமுஞ்சஸ்ஸு, ஸம்பமுஞ்சஸ்ஸு
அதி⁴முஞ்சஸ்ஸு ஓகப்பேஹீதி - ஏவமேவ த்வம்பி பமுஞ்சஸ்ஸு ஸத்த⁴ங்.

க³மிஸ்ஸஸி த்வங் பிங்கிய மச்சதெ⁴ய்யஸ்ஸ பாரந்தி மச்சதெ⁴ய்யங்
வுச்சந்தி கிலேஸா ச க²ந்தா⁴ ச அபி⁴ஸங்கா²ரா ச. மச்சதெ⁴ய்யஸ்ஸ பாரங்
வுச்சதி அமதங் நிப்பா³னங், யோ ஸோ ஸப்பஸங்கா²ரஸமதோ²
ஸப்பூ³பதி⁴படினிஸ்ஸக்கோ³ தண்ணக்க²யோ விராகோ³ நிரோதோ⁴
நிப்பா³னங். க³மிஸ்ஸஸி த்வங் பிங்கிய மச்சதெ⁴ய்யஸ்ஸ பாரந்தி த்வங்
பாரங் க³மிஸ்ஸஸி, பாரங் அதி⁴க³மிஸ்ஸஸி, பாரங் ப²ஸ்ஸிஸ்ஸஸி, பாரங்
ஸச்சிகரிஸ்ஸஸீதி - க³மிஸ்ஸஸி த்வங் பிங்கிய மச்சதெ⁴ய்யஸ்ஸ பாரங்.
தேனாஹ ப⁴க³வா -

“யதா² அஹு வக்கலி முத்தஸத்தோ⁴, ப⁴த்ராவுதோ⁴
ஆளவிகோ³தமோ ச;

ஏவமேவ த்வம்பி பமுஞ்சஸ்ஸு ஸத்த்⁴ங்,
க³மிஸ்ஸஸி த்வங் பிங்கிய மச்சதெ⁴ய்யஸ்ஸ பார³ந்தி.

118. ஏஸ பி⁴ய்யோ பஸீதா³மி, ஸுத்வான முனினோ வசோ;
விவடச்ச²தோ³ [விவடச்ச²த³னோ (க.) ஸத்த்³த³னீதிபத³மாலா
ஓலோகேதப்³பா³] ஸம்புத்³தோ⁴, அகி²லோ படிபா⁴னவா
[படிபா⁴னவா (ஸ்யா.)] .

ஏஸ பி⁴ய்யோ பஸீதா³மீதி ஏஸ பி⁴ய்யோ பஸீதா³மி, பி⁴ய்யோ
பி⁴ய்யோ ஸத்த்³த³ஹாமி, பி⁴ய்யோ பி⁴ய்யோ ஓகப்பேமி, பி⁴ய்யோ
பி⁴ய்யோ அதி⁴முச்சாமி; “ஸப்³பே³ ஸங்கா²ரா அனிச்சா”தி பி⁴ய்யோ
பி⁴ய்யோ பஸீதா³மி, பி⁴ய்யோ பி⁴ய்யோ ஸத்த்³த³ஹாமி , பி⁴ய்யோ
பி⁴ய்யோ ஓகப்பேமி, பி⁴ய்யோ பி⁴ய்யோ அதி⁴முச்சாமி; “ஸப்³பே³
ஸங்கா²ரா து³க்கா²”தி பி⁴ய்யோ பி⁴ய்யோ பஸீதா³மி...பே... “ஸப்³பே³ த⁴ம்மா
அனத்தா”தி பி⁴ய்யோ பி⁴ய்யோ பஸீதா³மி...பே... “யங் கிஞ்சி
ஸமுத்யத⁴ம்மங் ஸப்³பங் தங் நிரோத⁴த⁴ம்ம”ந்தி பி⁴ய்யோ பி⁴ய்யோ
பஸீதா³மி, பி⁴ய்யோ பி⁴ய்யோ ஸத்த்³த³ஹாமி, பி⁴ய்யோ பி⁴ய்யோ
ஓகப்பேமி, பி⁴ய்யோ பி⁴ய்யோ அதி⁴முச்சாமீதி - ஏஸ பி⁴ய்யோ பஸீதா³மி.

ஸுத்வான முனினோ வசோதி. முனீதி மோனங் வச்சதி ஞாணங்...பே...
ஸங்க³ஜாலமதிச்ச ஸோ முனி. ஸுத்வான முனினோ வசோதி துய்ஹங்
வசனங் ப்யப்பத²ங் தே³ஸனங் அனுஸாஸனங் அனுஸிட்ட²ங் ஸுத்வான
உக்³க³ஹெத்வான உபதா⁴ரயித்வான உபலக்க²யித்வானாதி - ஸுத்வான
முனினோ வசோ.

விவடச்ச²தோ³ ஸம்புத்³தோ⁴தி. ச²த³னந்தி பஞ்ச ச²த³னானி -
தண்ஹாச²த³னங், தி³ட்டி²ச²த³னங், கிலேஸச²த³னங், து³ச்சரிதச²த³னங்,
அவிஜ்ஜாச²த³னங். தானி ச²த³னானி புத்³த⁴ஸ்ஸ ப⁴க³வதோ விவடானி
வித்³த⁴ங்ஸிதானி ஸமுக்³கா⁴டிதானி பஹீனானி ஸமுச்சி²ன்னானி
லுபஸந்தானி படிப்பஸ்ஸத்தா⁴னி அப⁴ப்³புப்பத்திகானி ஞாணக்³கி³னா
த³ட்டா⁴னி. தஸ்மா புத்³தோ⁴ விவடச்ச²தோ³. புத்³தோ⁴தி யோ ஸோ
ப⁴க³வா...பே... ஸச்சி²கா பஞ்ஞத்தி, யதி³த³ங் புத்³தோ⁴தி - விவடச்ச²தோ³
ஸம்புத்³தோ⁴.

அகி²லோ படிபா⁴னவாதி. அகி²லோதி ராகோ³ கி²லோ, தோ³ஸோ கி²லோ,
மோஹோ கி²லோ, கோதோ⁴ கி²லோ, உபனாஹோ...பே...
ஸப்³பா³குஸலாபி⁴ஸங்கா²ரா கி²லா. தே கி²லா புத்³த⁴ஸ்ஸ ப⁴க³வதோ
பஹீனா உச்சி²ன்னமூலா தாலாவத்து²கதா அனபா⁴வங்கதா ஆயதிங்
அனுப்பாத³த⁴ம்மா. தஸ்மா புத்³தோ⁴ அகி²லோ.

படிபா⁴னவாதி தயோ படிபா⁴னவந்தோ - பரியத்தி படிபா⁴னவா,
பரிபுச்சா²படிபா⁴னவா, அதி⁴க³மபடிபா⁴னவா. கதமோ பரியத்திபடிபா⁴னவா?
இதே⁴கச்சஸ்ஸ பு³த³த⁴வசனங் [பகதியா (க.)] பரியாபுதங் [பரியாபுடங் (ஸ்யா.
க.)] ஹோதி ஸுத்தங் கெய்யங் வெய்யாகரணங் கா³தா² உதா³னங் இதிவுத்தகங்
ஜாதகங் அப³பு⁴தத⁴ம்மங் வேத³ல்லங். தஸ்ஸ பரியத்திங் நிஸ்ஸாய
படிபா⁴தி [படிபா⁴யதி (க.)] - அயங் பரியத்திபடிபா⁴னவா.

கதமோ பரிபுச்சா²படிபா⁴னவா? இதே⁴கச்சோ பரிபுச்சி²தா ஹோதி அத்தே²
ச ஞாயே ச லக்கணே ச காரணே ச டா²னாடா²னே ச. தஸ்ஸ பரிபுச்ச²ங்
நிஸ்ஸாய படிபா⁴தி - அயங் பரிபுச்சா²படிபா⁴னவா.

கதமோ அதி⁴க³மபடிபா⁴னவா? இதே⁴கச்சஸ்ஸ அதி⁴க³தா ஹோந்தி
சத்தாரோ ஸதிபட்டா²னா, சத்தாரோ ஸம்மப்பதா⁴னா, சத்தாரோ இத்தி⁴பாதா³,
பஞ்சிந்த³ரியானி, பஞ்ச ப³லானி, ஸத்த பொ³ஜ்ஜ²ங்கா³, அரியோ அட்ட²ங்கிகோ
மக்கோ³, சத்தாரோ அரியமக்கா³, சத்தாரி ஸாமஞ்ஞப²லானி, சதஸ்ஸோ
படிஸம்பி⁴தா³யோ, ச² அபி⁴ஞ்ஞாயோ. தஸ்ஸ அத்தோ² ஞாதோ, த⁴ம்மோ
ஞாதோ, நிருத்தி ஞாதா. அத்தே² ஞாதே அத்தோ² படிபா⁴தி, த⁴ம்மே ஞாதே
த⁴ம்மோ படிபா⁴தி, நிருத்தியா ஞாதாய நிருத்தி படிபா⁴தி. இமேஸு தீஸு
ஞானேஸு ஞாணங் படிபா⁴னபடிஸம்பி⁴தா³. ப⁴க³வா இமாய
படிபா⁴னபடிஸம்பி⁴தா³ய உபேதோ ஸமுபேதோ உபாக³தோ ஸமுபாக³தோ
உபபன்னோ ஸமுபபன்னோ ஸமன்னாக³தோ. தஸ்மா பு³த³தோ⁴ படிபா⁴னவா.
யஸ்ஸ பரியத்தி நத்தி², பரிபுச்சா² நத்தி², அதி⁴க³மோ நத்தி², கிங் தஸ்ஸ
படிபா⁴யிஸ்ஸதீதி - அகி²லோ படிபா⁴னவா . தேனாஹு தே²ரோ பிங்கியோ -

“ஏஸ பி⁴ய்யோ பஸீதா³மி, ஸுத்வான முனினோ வசோ;
விவடச்ச²தோ³ ஸம்பு³த³தோ⁴, அகி²லோ படிபா⁴னவா”தி.

119. அதி⁴தே³வே [அதிதே³வே (க.)] அபி⁴ஞ்ஞாய, ஸப்³பங் வேதி³
பரோபரங் [பரோவரங் (ஸீ. அட்ட².)] ;

பஞ்ஹானந்தகரோ ஸத்தா², கங்கீனங் படிஜானதங்.

அதி⁴தே³வே அபி⁴ஞ்ஞாயாதி. தே³வாதி தயோ தே³வா - ஸம்முதிதே³வா
[ஸம்மபி⁴தே³வா (ஸ்யா.)], உபபத்திதே³வா, விஸுத்தி⁴தே³வா. கதமே
ஸம்முதிதே³வா? ஸம்முதிதே³வா வுச்சந்தி ராஜானோ [கதமே ஸம்மதிதே³வா
ராஜானோ (ஸ்யா.) ஏவமுபரிபி] ச ராஜகுமாரோ ச தே³வியோ ச. இமே வுச்சந்தி
ஸம்முதிதே³வா. கதமே உபபத்திதே³வா? உபபத்திதே³வா வுச்சந்தி
சாதுமஹாராஜிகா தே³வா தாவதிங்ஸா தே³வா...பே... ப்³ரஹ்மகாயிகா தே³வா,
யே ச தே³வா தது³த்தரி. இமே வுச்சந்தி உபபத்திதே³வா. கதமே
விஸுத்தி⁴தே³வா? விஸுத்தி⁴தே³வா வுச்சந்தி ததா²க³தா ததா²க³தஸாவகா
அரஹந்தோ கீணாஸவா, யே ச பச்சேகஸம்பு³த³தா⁴. இமே வுச்சந்தி

விஸுத்³தி⁴தே³வா. ப⁴க³வா ஸம்முதிதே³வே அதி⁴தே³வாதி அபி⁴ஞ்ஞாய
உபபத்திதே³வே அதி⁴தே³வாதி அபி⁴ஞ்ஞாய, விஸுத்³தி⁴தே³வே
அதி⁴தே³வாதி அபி⁴ஞ்ஞாய ஜானித்வா துலயித்வா தீரயித்வா
விபா⁴வயித்வா விபு⁴தங் கத்வாதி - அதி⁴தே³வே அபி⁴ஞ்ஞாய.

ஸப்³பங் வேதி³ பரோபரந்தி ப⁴க³வா அத்தனோ ச பரேஸஞ்ச
அதி⁴தே³வகரே த⁴ம்மே வேதி³ அஞ்ஞாஸி அப²ஸ்ஸி படிவிஜ்ஜி². கதமே
அத்தனோ அதி⁴தே³வகரா த⁴ம்மா? ஸம்மாபடிபதா³ அனுலோமபடிபதா³
அபச்சனீகபடிபதா³ அன்வத்த²படிபதா³ த⁴ம்மானுத⁴ம்மபடிபதா³ ஸீலேஸு
பரிபூரகாரிதா இந்த்³ரியேஸு குத்தத்³வாரதா போ⁴ஜனே மத்தஞ்ஞுதா
ஜாக்³ரியானுயோகோ³ ஸதிஸம்பஜஞ்ஞங் சத்தாரோ ஸதிபட்டா²னா...பே...
அரியோ அட்ட²ங்கி³கோ மக்³கோ³. இமே வச்சந்தி அத்தனோ அதி⁴தே³வகரா
த⁴ம்மா.

கதமே பரேஸங் அதி⁴தே³வகரா த⁴ம்மா? ஸம்மாபடிபதா³...பே... அரியோ
அட்ட²ங்கி³கோ மக்³கோ³. இமே வச்சந்தி பரேஸங் அதி⁴தே³வகரா த⁴ம்மா.
ஏவங் ப⁴க³வா அத்தனோ ச பரேஸஞ்ச அதி⁴தே³வகரே த⁴ம்மே வேதி³
அஞ்ஞாஸி அப²ஸ்ஸி படிவிஜ்ஜி²தி - ஸப்³பங் வேதி³ பரோபரங்.

பஞ்ஞானந்தகரோ ஸத்தா²தி ப⁴க³வா பாராயனிகபஞ்ஞானங் அந்தகரோ
பரியந்தகரோ பரிச்சே²த³கரோ பரிவடுமகரோ; ஸபி⁴யபஞ்ஞானங்
[பரிஸபஞ்ஞானங் (ஸ்யா.), பிங்கியபஞ்ஞானங் (க.)] அந்தகரோ பரியந்தகரோ
பரிச்சே²த³கரோ பரிவடுமகரோ; ஸக்கபஞ்ஞானங்...பே... ஸுயாமபஞ்ஞானங்...
பி⁴க்கு²பஞ்ஞானங்... பி⁴க்கு²னீபஞ்ஞானங்... உபாஸகபஞ்ஞானங்...
உபாஸிகாபஞ்ஞானங்... ராஜபஞ்ஞானங்... க²த்தியபஞ்ஞானங்...
ப்³ராஹ்மணபஞ்ஞானங்... வெஸ்ஸபஞ்ஞானங்... ஸுத்³த³பஞ்ஞானங்...
தே³வபஞ்ஞானங்... ப்³ரஹ்மபஞ்ஞானங் அந்தகரோ பரியந்தகரோ
பரிச்சே²த³கரோ பரிவடுமகரோதி - பஞ்ஞானந்தகரோ. ஸத்தா²தி ப⁴க³வா
ஸத்த²வாஹோ. யதா² ஸத்த²வாஹோ ஸத்தே² கந்தாரங் தாரேதி,
சோரகந்தாரங் தாரேதி, வாகந்தாரங் தாரேதி, து³ப்³பி⁴க்க²கந்தாரங் தாரேதி,
நிருத³கந்தாரங் தாரேதி உத்தாரேதி நித்தா²ரேதி [நித்தாரேதி (ஸ்யா. க.)]
பதாரேதி, கே²மந்தபூ⁴மிங் ஸம்பாபேதி; ஏவமேவ ப⁴க³வா ஸத்த²வாஹோ
ஸத்தே² கந்தாரங் தாரேதி, ஜாதிகந்தாரங் தாரேதி, ஜராகந்தாரங்...பே...
ப்³யாதி⁴கந்தாரங்... மரணகந்தாரங்...
ஸோகபரிதே³வது³க்க²தோ³மனஸ்ஸுபாயாஸகந்தாரங் தாரேதி, ராக³கந்தாரங்
தாரேதி, தோ³ஸகந்தாரங்... மோஹகந்தாரங்... மானகந்தாரங்... தி³ட்டி²கந்தாரங்...
கிலேஸகந்தாரங்... து³ச்சரிதகந்தாரங் தாரேதி, ராக³க³ஹனங் தாரேதி,
தோ³ஸக³ஹனங் தாரேதி, மோஹக³ஹனங்... தி³ட்டி²க³ஹனங்...
கிலேஸக³ஹனங்... து³ச்சரிதக³ஹனங் தாரேதி உத்தாரேதி நித்தா²ரேதி பதாரேதி;

கே²மந்தங் அமதங் நிப்³பா³னங் ஸம்பாபேதீதி - ஏவம்பி ப்⁴க³வா
ஸத்த²வாஹோ.

அத² வா, ப்⁴க³வா நேதா வினேதா அனுனேதா பஞ்ஞபேதா நிஜ்ஜா²பேதா
பெக்க²தா பஸாதே³தாதி, ஏவங் ப்⁴க³வா ஸத்த²வாஹோ. அத² வா, ப்⁴க³வா
அனுப்பன்னஸ்ஸ மக்³க³ஸ்ஸ உப்பாதே³தா, அஸஞ்ஜாதஸ்ஸ மக்³க³ஸ்ஸ
ஸஞ்ஜனேதா, அனக்கா²தஸ்ஸ மக்³க³ஸ்ஸ அக்கா²தா, மக்³க³ஞ்ஞா மக்³க³விதூ³
மக்³க³கோவிதோ³ மக்³கா³னுகா³ ச பன ஏதரஹி ஸாவகா விஹரந்தி பச்சா²
ஸமன்னாக³தாதி, ஏவம்பி ப்⁴க³வா ஸத்த²வாஹோதி - பஞ்ஹானந்தகரோ
ஸத்தா².

கங்கீ²னங் படிஜானதந்தி ஸகங்கா² ஆக³ந்த்வா நிக்கங்கா² ஸம்பஜ்ஜந்தி,
ஸல்லேகா² ஆக³ந்த்வா நில்லேகா² ஸம்பஜ்ஜந்தி, ஸத்³வெள்ஹகா ஆக³ந்த்வா
நித்³வேளஹகா ஸம்பஜ்ஜந்தி, ஸவிசிகிச்சா² ஆக³ந்த்வா நிப்³பி³சிகிச்சா²
ஸம்பஜ்ஜந்தி, ஸராகா³ ஆக³ந்த்வா வீதராகா³ ஸம்பஜ்ஜந்தி, ஸதோ³ஸா
ஆக³ந்த்வா வீததோ³ஸா ஸம்பஜ்ஜந்தி, ஸமோஹா ஆக³ந்த்வா வீதமோஹா
ஸம்பஜ்ஜந்தி, ஸகிலேஸா ஆக³ந்த்வா நிக்கிலேஸா ஸம்பஜ்ஜந்தீதி - கங்கீ²னங்
படிஜானதங். தேனாஹ தே²ரோ பிங்கியோ -

“அதி்⁴தே³வே அபி்⁴ஞ்ஞாய, ஸப்³ப³ங் வேதி³ பரோபரங்;
பஞ்ஹானந்தகரோ ஸத்தா², கங்கீ²னங் படிஜானத”ந்தி.

120. அஸங்ஹீரங் அஸங்குப்பங், யஸ்ஸ நத்தி² உபமா க்வசி;
அத்³தா்⁴ க³மிஸ்ஸாமி ந மெத்த² கங்கா², ஏவங் மங் தா்⁴ரேஹி
அதி்⁴முத்தசித்தங்.

அஸங்ஹீரங் அஸங்குப்பந்தி அஸங்ஹீரங் வுச்சதி அமதங் நிப்³பா³னங்.
யோ ஸோ ஸப்³ப³ஸங்கா²ரஸமதோ² ஸப்³பூ³பதி்⁴படினிஸ்ஸக்³கோ³
தண்ஹக்க²யோ விராகோ³ நிரோதோ்⁴ நிப்³பா³னங். அஸங்ஹீரந்தி ராகே³ன
தோ³ஸேன மோஹேன கோதே்⁴ன உபனாஹேன மக்கே²ன பளாஸேன
இஸ்ஸாய மச்ச²ரியேன மாயாய ஸாடெ²ய்யேன த²ம்பே்⁴ன ஸாரம்பே்⁴ன
மானேன அதிமானேன மதே³ன பமாதே³ன ஸப்³ப³கிலேஸேஹி
ஸப்³ப³து³ச்சரிதேஹி ஸப்³ப³பரிளாஹேஹி ஸப்³பா³ஸவேஹி ஸப்³ப³த³ரதே²ஹி
ஸப்³ப³ஸந்தாபேஹி ஸப்³பா³குஸலாபி்⁴ஸங்கா²ரேஹி அஸங்ஹாரியங்
நிப்³பா³னங் நிச்சங் து்⁴வங் ஸஸ்ஸதங் அவிபரிணாமத்⁴ம்மந்தி -
அஸங்ஹீரங்.

அஸங்குப்பந்தி அஸங்குப்பங் வுச்சதி அமதங் நிப்³பா³னங். யோ ஸோ
ஸப்³ப³ஸங்கா²ரஸமதோ²...பே... நிரோதோ்⁴ நிப்³பா³னங். நிப்³பா³னஸ்ஸ
[யஸ்ஸ (ஸ்யா.)] ந உப்பாதோ³ பஞ்ஞாயதி, வயோ நத்தி², ந தஸ்ஸ

அஞ்ஞத²த்தங் [தஸ்ஸ அஞ்ஞத³த்து² (ஸ்யா.)] பஞ்ஞாயதி. நிப்³பா³னங் நிச்சங் து⁴வங் ஸஸ்ஸதங் அவிபரிணாமத⁴ம்மந்தி - அஸங்ஹீரங் அஸங்குப்பங்.

யஸ்ஸ நத்தி² உபமா க்வசீதி. யஸ்ஸாதி நிப்³பா³னஸ்ஸ. நத்தி² உபமாதி உபமா நத்தி², உபனிதா⁴ நத்தி², ஸதி³ஸங் நத்தி², படிபா⁴கோ³ நத்தி², ந ஸதி ந ஸங்விஜ்ஜதி நுபலப்³ப⁴தி. க்வசீதி க்வசி கிம்ஹிசி கத்த²சி அஜ்ஜ²த்தங் வா ப³ஹித்³தா⁴ வா அஜ்ஜ²த்தப³ஹித்³தா⁴ வாதி - யஸ்ஸ நத்தி² உபமா க்வசி.

அத்தா⁴ க³மிஸ்ஸாமி ந மெத்த² கங்கா²தி. அத்தா⁴தி ஏகங்ஸவசனங் நிஸ்ஸங்ஸயவசனங் நிக்கங்க²வசனங் அத்³வெஜ்ஜ²வசனங் அத்³வெஹ்ஹகவசனங் நியோக³வசனங் அபண்ணகவசனங் அவிரத்³த⁴வசனங் அவத்தா²பனவசனமேதங் - அத்தா⁴தி. க³மிஸ்ஸாமீதி க³மிஸ்ஸாமி அதி⁴க³மிஸ்ஸாமி ப²ஸ்ஸிஸ்ஸாமி ஸச்சிகரிஸ்ஸாமீதி - அத்தா⁴ க³மிஸ்ஸாமி. ந மெத்த² கங்கா²தி. எத்தா²தி நிப்³பா³னே கங்கா² நத்தி², விசிகிச்சா² நத்தி², த்³வெஹ்ஹகங் நத்தி², ஸங்ஸயோ நத்தி², ந ஸதி ந ஸங்விஜ்ஜதி நுபலப்³ப⁴தி, பஹீனோ ஸமுச்சி²ன்னோ லுபஸந்தோ படிப்பஸ்ஸத்³தோ⁴ அப⁴ப³புப்பத்திகோ ஞாணக்³கி³னா த³ட்³டோ⁴தி - அத்தா⁴ க³மிஸ்ஸாமி ந மெத்த² கங்கா².

ஏவங் மங் தா⁴ரேஹி அதி⁴முத்தசித்தந்தி. ஏவங் மங் தா⁴ரேஹீதி ஏவங் மங் உபலக்கே²ஹி. அதி⁴முத்தசித்தந்தி நிப்³பா³னநின்னங் நிப்³பா³னபோணங் நிப்³பா³னப்³பா⁴ரங் நிப்³பா³னாதி⁴முத்தந்தி - ஏவங் மங் தா⁴ரேஹி அதி⁴முத்தசித்தந்தி. தேனாஹ தே²ரோ பிங்கியோ -

“அஸங்ஹீரங் அஸங்குப்பங், யஸ்ஸ நத்தி² உபமா க்வசி; அத்தா⁴ க³மிஸ்ஸாமி ந மெத்த² கங்கா², ஏவங் மங் தா⁴ரேஹி அதி⁴முத்தசித்த”ந்தி.

பாராயனானுகீ³திகா³தா²னித்³தே³ஸோ அட்டா²ரஸமோ.

பாராயனவக்³கோ³ ஸமத்தோ.

க²க்³க³விஸாணஸுத்தோ

க²க்³க³விஸாணஸுத்தனித்³தே³ஸோ

பட²மவக்³கோ³

121. ஸப்³பே³ஸு பூ⁴தேஸு நிதா⁴ய த³ண்ட³ங், அவிஹேட²யங்
அஞ்ஞதரம்பி தேஸங்;
ந புத்தமிச்செ²ய்ய குதோ ஸஹாயங், ஏகோ சரே
க²க்³க³விஸாணகப்போ.

ஸப்³பே³ஸு பூ⁴தேஸு நிதா⁴ய த³ண்ட³ந்தி. ஸப்³பே³ஸுதி ஸப்³பே³ன
ஸப்³ப³ங் ஸப்³ப³தா² ஸப்³ப³ங் அஸேஸங் நிஸ்ஸேஸங்
பரியாதி³யனவசனமேதங் - ஸப்³பே³ஸுதி. பூ⁴தேஸுதி பூ⁴தா வுச்சந்தி தஸா
ச தா²வரா ச. தஸாதி யேஸங் தஸிததண்ஹா அப்பஹீனா, யேஸஞ்ச
ப⁴யபே⁴ரவா அப்பஹீனா. கிங்காரணா வுச்சந்தி தஸா? தே தஸந்தி
உத்தஸந்தி பரிதஸந்தி பா⁴ஸந்தி ஸந்தாஸங் ஆபஜ்ஜந்தி, தங்காரணா
வுச்சந்தி தஸா. தா²வராதி யேஸங் தஸிததண்ஹா பஹீனா, யேஸஞ்ச
ப⁴யபே⁴ரவா பஹீனா. கிங்காரணா வுச்சந்தி தா²வரா? தே ந தஸந்தி ந
உத்தஸந்தி ந பரிதஸந்தி ந பா⁴யந்தி ந ஸந்தாஸங் ஆபஜ்ஜந்தி, தங்காரணா
வுச்சந்தி தா²வரா. த³ண்ட³ந்தி தயோ த³ண்டா³ - காயத³ண்டோ³ வசீத³ண்டோ³
மனோத³ண்டோ³. திவித⁴ங் காயது³ச்சரிதங் காயத³ண்டோ³, சதுப்³பி³த⁴ங்
வசீது³ச்சரிதங் வசீத³ண்டோ³, திவித⁴ங் மனோது³ச்சரிதங் மனோத³ண்டோ³.
ஸப்³பே³ஸு பூ⁴தேஸு நிதா⁴ய த³ண்ட³ந்தி ஸப்³பே³ஸு பூ⁴தேஸு
த³ண்ட³ங் நிதா⁴ய நித³ஹித்வா.

அவிஹேட²யங் அஞ்ஞதரம்பி தேஸந்தி ஏகமேகம்பி ஸத்தங் பாணிநா வா
லெட்³டு³னா வா த³ண்டே³ன வா ஸத்தே²ன வா அந்து³யா [அருயா (ஸ்யா.),
அத்³து³யா (க.)] வா ரஜ்ஜயா வா அவிஹேட²யந்தோ, ஸப்³பே³பி ஸத்தே
பாணிநா வா லெட்³டு³னா வா த³ண்டே³ன வா ஸத்தே²ன வா அந்து³யா வா
ரஜ்ஜயா வா அவிஹேட²யந்தோதி - அவிஹேட²யங் அஞ்ஞதரம்பி தேஸங்.

ந புத்தமிச்செ²ய்ய குதோ ஸஹாயந்தி. நாதி படிக்கே²போ; புத்தாதி
சத்தாரோ புத்தா - அத்ரஜோ புத்தோ, கெ²த்தஜோ புத்தோ, தி³ன்னகோ புத்தோ,
அந்தேவாஸிகோ புத்தோ. ஸஹாயந்தி ஸஹாயா வுச்சந்தி யேஹி ஸஹ
ஆக³மனங் பா²ஸு, க³மனங் பா²ஸு, க³மனாக³மனங் பா²ஸு, டா²னங் பா²ஸு,
நிஸஜ்ஜனங் பா²ஸு, ஸயனங் [நிபஜ்ஜனங் (ஸ்யா.)] பா²ஸு, ஆலபனங் பா²ஸு,
ஸல்லபனங் பா²ஸு, உல்லபனங் பா²ஸு, ஸமுல்லபனங் பா²ஸு . ந
புத்தமிச்செ²ய்ய குதோ ஸஹாயந்தி புத்தம்பி ந இச்செ²ய்ய ந ஸாதி³யெய்ய ந

பத்த²யெய்ய ந பிறையெய்ய நாபி⁴ஜப்பெய்ய, குதோ மித்தங் வா ஸந்தி³ட்ட²ங்
வா ஸம்ப⁴த்தங் வா ஸஹாயங் வா இச்செ²ய்ய [இச்சி²ஸ்ஸதி (ஸ்யா.)
ஏவமீதி³ஸேஸு பதே³ஸு அனாக³தவிப⁴த்தியா] ஸாதி³யெய்ய பத்த²யெய்ய
பிறையெய்ய அபி⁴ஜப்பெய்யாதி - ந புத்தமிச்செ²ய்ய குதோ ஸஹாயங்.

ஏகோ சரே க²க்³விஸாணகப்போதி. ஏகோதி ஸோ
பச்சேகஸம்பு³த்தோ⁴ பப்³புஜ்ஜாஸங்கா²தேன ஏகோ, அது³தியட்டே²ன ஏகோ,
தண்ஹாய பஹானட்டே²ன [தண்ஹாபஹானட்டே²ன (ஸ்யா.) மஹானி. 191]
ஏகோ, ஏகந்தவீதராகோ³தி ஏகோ, ஏகந்தவீதோ³ஸோதி ஏகோ,
ஏகந்தவீதமோஹோதி ஏகோ, ஏகந்தனிக்கிலேஸோதி ஏகோ, ஏகாயனமக்³ங்
க³தோதி ஏகோ, ஏகோ அனுத்தரங் பச்சேகஸம்போ³தி⁴ங்
அபி⁴ஸம்பு³த்தோ⁴தி ஏகோ.

கத²ங் ஸோ பச்சேகஸம்பு³த்தோ⁴ பப்³புஜ்ஜாஸங்கா²தேன ஏகோ? ஸோ
பச்சேகஸம்பு³த்தோ⁴ ஸப்³புங் க⁴ராவாஸபலிபோ³த⁴ங் சி²ந்தி³த்வா
புத்ததா³ரபலிபோ³த⁴ங் சி²ந்தி³த்வா ஞாதிபலிபோ³த⁴ங் சி²ந்தி³த்வா
ஸன்னிதி⁴பலிபோ³த⁴ங் சி²ந்தி³த்வா கேஸமஸ்ஸுங் ஓஹாரெத்வா
காஸாயானி வத்தா²னி அச்சா²தெ³த்வா அகா³ரஸ்மா அனகா³ரியங் பப்³புஜித்வா
அகிஞ்சனபா⁴வங் உபக³ந்த்வா ஏகோ சரதி விஹரதி இரியதி வத்தேதி பாலேதி
யபேதி யாபேதீதி - ஏவங் ஸோ பச்சேகஸம்பு³த்தோ⁴ பப்³புஜ்ஜாஸங்கா²தேன
ஏகோ.

கத²ங் ஸோ பச்சேகஸம்பு³த்தோ⁴ அது³தியட்டே²ன ஏகோ? ஸோ ஏவங்
பப்³புஜிதோ ஸமானோ ஏகோ அரஞ்ஞவனபத்தா²னி பந்தானி ஸேனாஸனானி
படிஸேவதி அப்பஸத்தா³னி அப்பனிக்⁴கோ⁴ஸானி விஜனவாதானி
மனுஸ்ஸராஹஸ்ஸெய்யகானி படிஸல்லானஸாருப்பானி. ஸோ ஏகோ
க³ச்ச²தி, ஏகோ திட்ட²தி, ஏகோ நிஸீத³தி, ஏகோ ஸெய்யங் கப்பேதி, ஏகோ
கா³மங் பிண்டா³ய பவிஸதி, ஏகோ அபி⁴க்கமதி, ஏகோ படிக்கமதி, ஏகோ
ரஹோ நிஸீத³தி, ஏகோ சங்கமங் அதி⁴ட்டா²தி, ஏகோ சரதி விஹரதி இரியதி
வத்தேதி பாலேதி யபேதி யாபேதீதி - ஏவங் ஸோ பச்சேகஸம்பு³த்தோ⁴
அது³தியட்டே²ன ஏகோ.

கத²ங் ஸோ பச்சேகஸம்பு³த்தோ⁴ தண்ஹாய பஹானட்டே²ன ஏகோ?
ஸோ ஏவங் ஏகோ அது³தியோ அப்பமத்தோ ஆதாபீ பஹிதத்தோ விஹரந்தோ
மஹாபதா⁴னங் பத³ஹந்தோ மாரங் ஸஸேனகங் நமுசிங் கண்ஹங்
பமத்தப³ந்து⁴ங் வித⁴மெத்வா ச தண்ஹாஜாலினிங் விஸரிதங் விஸத்திகங்
பஜஹி வினோதே³ஸி ப்³யந்தீஅகாஸி அனபா⁴வங்க³மேஸி.

“தண்ஹாது³தியோ புரிஸோ, தீ³க⁴மத்தா⁴ன ஸங்ஸரங்;
இத்த²பா⁴வஞ்ஞதா²பா⁴வங், ஸங்ஸாரங் நாதிவத்ததி.

“ஏதமாதீனவங் குத்வா, தண்ஹங் துக்க²ஸ்ஸ ஸம்ப⁴வங்;
வீததண்ஹோ அனாதா³னோ, ஸதோ பி⁴க்கு² பரிப்³பஜே”தி.

ஏவங் ஸோ பச்சேகஸம்பு³த்தோ⁴ தண்ஹாய பஹானட்டே²ன ஏகோ.

கத²ங் ஸோ பச்சேகஸம்பு³த்தோ⁴ ஏகந்தவீதராகோ³தி ஏகோ? ராக³ஸ்ஸ பஹீனத்தா ஏகந்தவீதராகோ³தி ஏகோ, தோ³ஸ்ஸ பஹீனத்தா ஏகந்தவீததோ³ஸோதி ஏகோ, மோஹஸ்ஸ பஹீனத்தா ஏகந்தவீதமோஹோதி ஏகோ, கிலேஸானங் பஹீனத்தா ஏகந்தனிக்கிலேஸோதி ஏகோ. ஏவங் ஸோ பச்சேகஸம்பு³த்தோ⁴ ஏகந்தவீதராகோ³தி ஏகோ.

கத²ங் ஸோ பச்சேகஸம்பு³த்தோ⁴ ஏகாயனமக்³கங் க³தோதி ஏகோ?
ஏகாயனமக்³கோ³ வுச்சதி சத்தாரோ ஸதிபட்டா²னா, சத்தாரோ ஸம்மப்பதா⁴னா,
சத்தாரோ இத்³தி⁴பாதா³, பஞ்சிந்த்³ரியானி, பஞ்ச ப³லானி, ஸத்த பொ³ஜ்ஜங்கா³
அரியோ அட்ட²ங்கிகோ மக்³கோ³.

“ஏகாயனங் ஜாதிக²யந்தத³ஸ்ஸீ, மக்³கங் பஜானாதி ஹிதானுகம்பீ;
ஏதேன மக்³கே³ன தரிங்ஸு புப்³பே³, தரிஸ்ஸந்தி யே ச தரந்தி
ஓக⁴”ந்தி.

ஏவங் ஸோ பச்சேகஸம்பு³த்தோ⁴ ஏகாயனமக்³கங் க³தோதி ஏகோ.

கத²ங் ஸோ பச்சேகஸம்பு³த்தோ⁴ ஏகோ அனுத்தரங்
பச்சேகஸம்போ³தி⁴ங் அபி⁴ஸம்பு³த்தோ⁴தி ஏகோ? போ³தி⁴ வுச்சதி சதுஸு
மக்³கே³ஸு ஞாணங். பஞ்ஞா பஞ்ஞிந்த்³ரியங் பஞ்ஞாப³லங்
த⁴ம்மவிசயஸம்பொ³ஜ்ஜங்கோ³ வீமங்ஸா விபஸ்ஸனா ஸம்மாதி³ட்டி². ஸோ
பச்சேகஸம்பு³த்தோ⁴ மக்³கப்பச்சேகஸம்பு³த்தோ⁴ ஞாணபச்சேகஸம்பு³த்தோ⁴
“ஸப்³பே³ ஸங்கா²ரா அனிச்சா”தி பு³ஜ்ஜி², “ஸப்³பே³ ஸங்கா²ரா து³க்கா²”தி
பு³ஜ்ஜி², “ஸப்³பே³ த⁴ம்மா அனத்தா”தி பு³ஜ்ஜி², “அவிஜ்ஜாபச்சயா ஸங்கா²ரா”தி
பு³ஜ்ஜி², “ஸங்கா²ரபச்சயா விஞ்ஞாண”ந்தி பு³ஜ்ஜி², “விஞ்ஞாணபச்சயா
நாமரூப”ந்தி பு³ஜ்ஜி², “நாமரூபபச்சயா ஸளாயதன”ந்தி பு³ஜ்ஜி²,
“ஸளாயதனபச்சயா ப²ஸ்ஸோ”தி பு³ஜ்ஜி², “ப²ஸ்ஸபச்சயா வேத³னா”தி பு³ஜ்ஜி²,
“வேத³னாபச்சயா தண்ஹா”தி பு³ஜ்ஜி², “தண்ஹாபச்சயா உபாதா³ன”ந்தி பு³ஜ்ஜி²,
“உபாதா³னபச்சயா ப⁴வோ”தி பு³ஜ்ஜி², “ப⁴வபச்சயா ஜாதீ”தி பு³ஜ்ஜி²,
“ஜாதிபச்சயா ஜராமரண”ந்தி பு³ஜ்ஜி²; “அவிஜ்ஜானிரோதா⁴
ஸங்கா²ரனிரோதோ⁴”தி பு³ஜ்ஜி², “ஸங்கா²ரனிரோதா⁴
விஞ்ஞாணனிரோதோ⁴”தி பு³ஜ்ஜி², “விஞ்ஞாணனிரோதா⁴
நாமரூபனிரோதோ⁴”தி பு³ஜ்ஜி², “நாமரூபனிரோதா⁴ ஸளாயதனநிரோதோ⁴”தி
பு³ஜ்ஜி², “ஸளாயதனநிரோதா⁴ ப²ஸ்ஸனிரோதோ⁴”தி பு³ஜ்ஜி²,
“ப²ஸ்ஸனிரோதா⁴ வேத³னானிரோதோ⁴”தி பு³ஜ்ஜி², “வேத³னானிரோதா⁴

தண்ஹானிரோதோ⁴”தி பு³ஜ்ஜி², “தண்ஹானிரோதா⁴ உபாதா³னநிரோதோ⁴”தி பு³ஜ்ஜி², “உபாதா³னநிரோதா⁴ ப⁴வனிரோதோ⁴”தி பு³ஜ்ஜி², “ப⁴வனிரோதா⁴ ஜாதினிரோதோ⁴”தி பு³ஜ்ஜி², “ஜாதினிரோதா⁴ ஜராமரணனிரோதோ⁴”தி பு³ஜ்ஜி²; “இத³ங் து³க்க²”ந்தி பு³ஜ்ஜி², “அயங் து³க்க²ஸமுத³யோ”தி பு³ஜ்ஜி², “அயங் து³க்க²னிரோதோ⁴”தி பு³ஜ்ஜி², “அயங் து³க்க²னிரோத⁴கா³மினீ படிபதா³”தி பு³ஜ்ஜி²; “இமே ஆஸவா”தி பு³ஜ்ஜி², “அயங் ஆஸவஸமுத³யோ”தி பு³ஜ்ஜி²...பே... “அயங் ஆஸவனிரோத⁴கா³மினீ படிபதா³”தி பு³ஜ்ஜி²; “இமே த⁴ம்மா அபி⁴ஞ்ஞய்யா”தி பு³ஜ்ஜி², “இமே த⁴ம்மா பஹாதப்³பா³”தி பு³ஜ்ஜி², “இமே த⁴ம்மா ஸச்சி²காதப்³பா³”தி பு³ஜ்ஜி², “இமே த⁴ம்மா பா⁴வேதப்³பா³”தி பு³ஜ்ஜி²; ச²ன்னங் ப²ஸ்ஸாயதனானங் ஸமுத³யஞ்ச அத்த²ங்க³மஞ்ச அஸ்ஸாத³ஞ்ச ஆதீ³னவஞ்ச நிஸ்ஸரணஞ்ச பு³ஜ்ஜி², பஞ்சன்னங் உபாதா³னக்க²ந்தா⁴னங் ஸமுத³யஞ்ச...பே... நிஸ்ஸரணஞ்ச பு³ஜ்ஜி², சதுன்னங் மஹாபூ⁴தானங் ஸமுத³யஞ்ச அத்த²ங்க³மஞ்ச அஸ்ஸாத³ஞ்ச ஆதீ³னவஞ்ச நிஸ்ஸரணஞ்ச பு³ஜ்ஜி², “யங் கிஞ்சி ஸமுத³யத⁴ம்மங் ஸப்³பங் தங் நிரோத⁴த⁴ம்ம”ந்தி பு³ஜ்ஜி².

அத² வா, யங் பு³ஜ்ஜி²தப்³பங் அனுபு³ஜ்ஜி²தப்³பங் படிபு³ஜ்ஜி²தப்³பங் ஸம்பு³ஜ்ஜி²தப்³பங் அதி⁴க³ந்தப்³பங் ப²ஸ்ஸிதப்³பங் ஸச்சி²காதப்³பங், ஸப்³பங் தங் தேன பச்சேகபோ³தி⁴ஞாணேன பு³ஜ்ஜி² அனுபு³ஜ்ஜி² படிபு³ஜ்ஜி² ஸம்பு³ஜ்ஜி² அதி⁴க³ச்சி² ப²ஸ்ஸேஸி ஸச்சா²காஸீதி ஏவங் ஸோ பச்சேகஸம்பு³த³தோ⁴ ஏகோ அனுத்தரங் பச்சேகஸம்போ³தி⁴ங் அபி⁴ஸம்பு³த³தோ⁴தி - ஏகோ.

சரேதி அட்ட² சரியாயோ - இரியாபத²சரியா, ஆயதனசரியா, ஸதிசரியா, ஸமாதி⁴சரியா, ஞாணசரியா, மக்³க³சரியா, பத்திசரியா, லோகத்த²சரியா. இரியாபத²சரியாதி சதூஸு இரியாபதே²ஸு. ஆயதனசரியாதி ச²ஸு அஜ்ஜ²த்திகபா³ஹிரேஸு ஆயதனேஸு. ஸதிசரியாதி சதூஸு ஸதிபட்டா²னேஸு. ஸமாதி⁴சரியாதி சதூஸு ஜா²னேஸு. ஞாணசரியாதி சதூஸு அரியஸச்சேஸு. மக்³க³சரியாதி சதூஸு அரியமக்³கே³ஸு. பத்திசரியாதி சதூஸு ஸாமஞ்ஞப²லேஸு. லோகத்த²சரியாதி ததா²க³தேஸு அரஹந்தேஸு ஸம்மாஸம்பு³த³தோ⁴ஸு பதே³ஸதோ பச்சேகஸம்பு³த³தோ⁴ஸு பதே³ஸதோ ஸாவகேஸு. இரியாபத²சரியா ச பணிதி⁴ஸம்பன்னானங், ஆயதனசரியா ச இந்த்³ரியேஸு கு³த்தத்³வாரானங் , ஸதிசரியா ச அப்பமாத³விஹாரீனங், ஸமாதி⁴சரியா ச அதி⁴சித்தமனுயத்தானங், ஞாணசரியா ச பு³த்தி⁴ஸம்பன்னானங், மக்³க³சரியா ச ஸம்மாபடிபன்னானங், பத்திசரியா ச அதி⁴க³தப²லானங், லோகத்த²சரியா ச ததா²க³தானங் அரஹந்தானங் ஸம்மாஸம்பு³த³தா⁴னங் பதே³ஸதோ பச்சேகபு³த்தா⁴னங் பதே³ஸதோ ஸாவகானங். இமா அட்ட² சரியாயோ. அபராபி அட்ட² சரியாயோ - அதி⁴முச்சந்தோ ஸத்தா⁴ய சரதி, பக்³க³ண்ணந்தோ வீரியேன சரதி,

உபட்ட²பெந்தோ ஸதியா சரதி, அவிக்கே²பங் கரொந்தோ ஸமாதி⁴னா சரதி, பஜானந்தோ பஞ்ஞாய சரதி, விஜானந்தோ விஞ்ஞாணசரியாய சரதி. ஏவங் படிபன்னஸ்ஸ குஸலா த⁴ம்மா ஆயாபெந்தீதி - ஆயதனசரியாய சரதி. ஏவங் படிபன்னோ விஸேஸமதி⁴க³ச்ச²தீதி - விஸேஸசரியாய சரதி. இமா அட்ட² சரியாயோ.

அபராபி அட்ட² சரியாயோ - த³ஸ்ஸனசரியா ச ஸம்மாதி³ட்டி²யா, அபி⁴ரோபனசரியா ச ஸம்மாஸங்கப்பஸ்ஸ , பரிக்க³ஹசரியா ச ஸம்மாவாசாய, ஸமுட்டா²னசரியா ச ஸம்மாகம்மந்தஸ்ஸ, வோதா³னசரியா ச ஸம்மாஆஜீவஸ்ஸ, பக்க³ஹசரியா ச ஸம்மாவாயாமஸ்ஸ, உபட்டா²னசரியா ச ஸம்மாஸதியா, அவிக்கே²பசரியா ச ஸம்மாஸமாதி⁴ஸ்ஸ. இமா அட்ட² சரியாயோ.

க²க³க³விஸாணகப்போதி யதா² க²க³க³ஸ்ஸ நாம விஸாணங் ஏகங் ஹோதி அது³தியங், ஏவமேவ ஸோ பச்சேகஸம்பு³த்தோ⁴ தக்கப்போ தஸ்ஸதி³ஸோ தப்படிபா⁴கோ³. யதா² அதிலோணங் வச்சதி லோணகப்போ, அதிதித்தகங் வச்சதி தித்தகப்போ, அதிமது⁴ரங் வச்சதி மது⁴ரகப்போ, அதிஉண்ணஹங் வச்சதி அக்க³கி³கப்போ , அதிஸீதலங் வச்சதி ஹிமகப்போ, மஹாஉத³கக்க²ந்தோ⁴ வச்சதி ஸமுத்த³கப்போ, மஹாபி⁴ஞ்ஞாப³லப்பத்தோ ஸாவகோ வச்சதி ஸத்து²கப்போதி; ஏவமேவ ஸோ பச்சேகஸம்பு³த்தோ⁴ தத்த² தக்கப்போ தஸ்ஸதி³ஸோ தப்படிபா⁴கோ³ ஏகோ அது³தியோ முத்தப³ந்த⁴னோ ஸம்மா லோகே சரதி விஹரதி இரியதி வத்தேதி பாலேதி யபேதி யாபேதீதி - ஏகோ சரே க²க³க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“ஸப்பே³ஸு பூ⁴தேஸு நிதா⁴ய த³ண்ட³ங், அவிஹே²யங் அஞ்ஞதரம்பி தேஸங்;
ந புத்தமிச்செ²யய குதோ ஸஹாயங், ஏகோ சரே
க²க³க³விஸாணகப்போ”தி.

122. ஸங்ஸக்³க³ஜாதஸ்ஸ ப⁴வந்தி ஸ்னேஹா, ஸ்னேஹன்வயங் து³க்க²மித³ங் பஹோதி;
ஆதீ³னவங் ஸ்னேஹஜங் பெக்க²மானோ, ஏகோ சரே
க²க³க³விஸாணகப்போ.

ஸங்ஸக்³க³ஜாதஸ்ஸ ப⁴வந்தி ஸ்னேஹாதி. ஸங்ஸக்³கா³தி த்³வே ஸங்ஸக்³கா³ - த³ஸ்ஸனஸங்ஸக்³கோ³ ச ஸவனஸங்ஸக்³கோ³ ச. கதமோ த³ஸ்ஸனஸங்ஸக்³கோ³? இதே⁴கச்சோ பஸ்ஸதி இத்தி²ங் வா குமாரிங் வா அபி⁴ருபங் த³ஸ்ஸனீயங் பாஸாதி³கங் பரமாய வண்ணபொக்க²ரதாய

ஸமன்னாக³தங். தி³ஸ்வா பஸ்ஸித்வா அனுப்³யஞ்ஜனஸோ நிமித்தங்
 க³ண்ஹாதி - கேஸா வா ஸோப⁴னா [ஸோப⁴னா (ஸ்யா.)] முக²ங் வா
 ஸோப⁴னங் அக்²ீ வா ஸோப⁴னா கண்ணா வா ஸோப⁴னா நாஸா வா
 ஸோப⁴னா ஒட்டா² வா ஸோப⁴னா த³ந்தா வா ஸோப⁴னா முக²ங் வா
 ஸோப⁴னங் கீ³வா வா ஸோப⁴னா த²னா வா ஸோப⁴னா உரங் வா
 ஸோப⁴னங் உத³ரங் வா ஸோப⁴னங் கடி வா ஸோப⁴னா ஊரு வா
 ஸோப⁴னா ஜங்கா⁴ வா ஸோப⁴னா ஹத்தா² வா ஸோப⁴னா பாதா³ வா
 ஸோப⁴னா அங்கு³லியோ வா ஸோப⁴னா நகா² வா ஸோப⁴னாதி. தி³ஸ்வா
 பஸ்ஸித்வா அபி⁴னந்த³தி அபி⁴வத³தி அபி⁴பத்தே²தி அனுப்பாதே³தி
 [அனுஸ்ஸரதி (க.)] அனுப³ந்த⁴தி ராக³ப³ந்த⁴னங் - அயங்
 த³ஸ்ஸனஸங்ஸக்³கோ³.

கதமோ ஸவனஸங்ஸக்³கோ³? இதே⁴கச்சோ ஸுணாதி - “அஸுகஸ்மிங்
 நாம கா³மே வா நிக³மே வா இத்தீ² வா குமாரீ வா அபி⁴ருபா த³ஸ்ஸனீயா
 பாஸாதி³கா பரமாய வண்ணபொக்க²ரதாய ஸமன்னாக³தா”தி . ஸுத்வா
 ஸுணித்வா அபி⁴னந்த³தி அபி⁴வத³தி அபி⁴பத்தே²தி அனுப்பாதே³தி
 அனுப³ந்த⁴தி ராக³ப³ந்த⁴னங் - அயங் ஸவனஸங்ஸக்³கோ³.

ஸ்னேஹாதி த³வே ஸ்னேஹா - தண்ஹாஸ்னேஹோ ச
 தி³ட்டி²ஸ்னேஹோ ச. கதமோ தண்ஹாஸ்னேஹோ? யாவதா
 தண்ஹாஸங்கா²தேன ஸீமகதங் [ஸீமகதங் மரியாதி³கதங் (ஸ்யா.)] ஓதி⁴கதங்
 பரியந்திகதங் பரிக்க³ஹிதங் மமாயிதங் - “இத³ங் மம, ஏதங் மம, எத்தகங் மம,
 எத்தாவதா மம”. ரூபா ஸத்தா³ க³ந்தா⁴ ரஸா பொ²ட்ட²ப்³பா³ அத்த²ரணா
 பாவுரணா தா³ஸிதா³ஸா அஜேளகா குக்குடஸூகரா ஹத்தி²க³வாஸ்ஸவளவா
 கெ²த்தங் வத்து² ஹிரஞ்ஞங் ஸுவண்ணங் கா³மனிக³மராஜதா⁴னியோ
 ரட்ட²ஞ்ச ஜனபதோ³ ச கோஸோ ச கொட்டா²கா³ரஞ்ச, கேவலம்பி
 மஹாபத²விங் தண்ஹாவஸேன மமாயதி, யாவதா அட்ட²ஸததண்ஹாவிசரிதங்
 - அயங் தண்ஹாஸ்னேஹோ.

கதமோ தி³ட்டி²ஸ்னேஹோ? வீஸதிவத்து²கா ஸக்காயதி³ட்டி², த³ஸவத்து²கா
 மிச்சா²தி³ட்டி², த³ஸவத்து²கா அந்தக்³கா³ஹிகாதி³ட்டி². யா ஏவரூபா தி³ட்டி²
 தி³ட்டி²க³தங் தி³ட்டி²க³ஹனங் தி³ட்டி²கந்தாரோ தி³ட்டி²விஸூகாயிகங்
 தி³ட்டி²விப்ப²ந்தி³தங் தி³ட்டி²ஸங்யோஜனங் கா³ஹோ படிக்க³கா³ஹோ
 [பதிட்டா²ஹோ (க.)] அபி⁴னிவேஸோ பராமாஸோ கும்மக்³கோ³ மிச்சா²பதோ²
 மிச்ச²த்தங் தித்தா²யதனங் விபரியாஸக்³கா³ஹோ விபரீதக்³கா³ஹோ
 விபல்லாஸக்³கா³ஹோ மிச்சா²கா³ஹோ அயாதா²வகஸ்மிங் யாதா²வகந்தி
 கா³ஹோ, யாவதா த³வாஸட்டி² தி³ட்டி²க³தானி - அயங் தி³ட்டி²ஸ்னேஹோ.

ஸங்ஸக்³க³ஜாதஸ்ஸ ப்⁴வந்தி ஸ்னேஹாதி

த³ஸ்ஸனஸங்ஸக்³க³பச்சயா ச ஸவனஸங்ஸக்³க³பச்சயா ச

தண்ஹாஸ்னேஹோ ச தி³ட்டி²ஸ்னேஹோ ச ப்⁴வந்தி ஸம்ப்⁴வந்தி ஜாயந்தி

ஸஞ்ஜாயந்தி நிப்³புத்தந்தி அபி⁴னிப்³புத்தந்தி பாதுப்⁴வந்தீதி -

ஸங்ஸக்³க³ஜாதஸ்ஸ ப்⁴வந்தி ஸ்னேஹா.

ஸ்னேஹன்வயங் து³க்க²மித³ங் பஹோதீதி. ஸ்னேஹோதி த³வே

ஸ்னேஹா - தண்ஹாஸ்னேஹோ ச தி³ட்டி²ஸ்னேஹோ ச...பே... அயங்

தண்ஹாஸ்னேஹோ...பே... அயங் தி³ட்டி²ஸ்னேஹோ. து³க்க²மித³ங் பஹோதீதி

இதே⁴கச்சோ காயேன து³ச்சரிதங் சரதி, வாசாய து³ச்சரிதங் சரதி, மனஸா

து³ச்சரிதங் சரதி, பாணம்பி ஹனதி, அதி³ன்னம்பி ஆதி³யதி, ஸந்தி⁴ம்பி

சி²ந்த³தி, நில்லோபம்பி [விலோபம்பி (ஸ்யா.) பஸ்ஸ மஹானி. 170] ஹரதி,

ஏகாக³ரிகம்பி கரோதி, பரிபந்தே²பி திட்ட²தி, பரதா³ரம்பி க³ச்ச²தி, முஸாபி

ப்⁴ணதி. தமேனங் க³ஹெத்வா ரஞ்ஞோ த³ஸ்ஸெந்தி - “அயங், தே³வ, சோரோ

ஆகு³சாரீ. இமஸ்ஸ யங் இச்ச²ஸி தங் த³ண்ட³ங் பணேஹீ”தி. தமேனங் ராஜா

தங் பரிபா⁴ஸதி. ஸோ பரிபா⁴ஸபச்சயாபி து³க்க²ங் தோ³மனஸ்ஸங்

[து³க்க²தோ³மனஸ்ஸங் (ஸ்யா.)] படிஸங்வேதே³தி. ஏதங் ப்⁴யங் து³க்க²ங்

தோ³மனஸ்ஸங் குதோ ஜாதங்? தஸ்ஸ ஸ்னேஹபச்சயா ச நந்தி³பச்சயா ச

ராக³பச்சயா ச நந்தி³ராக³பச்சயா ச ஜாதங்.

எத்தகேனபி ராஜா ந துஸ்ஸதி. தமேனங் ராஜா ப³ந்தா⁴பேதி -

அந்து³ப³ந்த⁴னேன வா ரஜ்ஜு³ப³ந்த⁴னேன வா ஸங்க²லிக³ப³ந்த⁴னேன வா

வெத்தப³ந்த⁴னேன வா லதா³ப³ந்த⁴னேன வா பக்கே²ப³ப³ந்த⁴னேன வா

பரிக்கே²ப³ப³ந்த⁴னேன வா கா³ம³ப³ந்த⁴னேன வா நிக³ம³ப³ந்த⁴னேன வா

ரட்ட²ப³ந்த⁴னேன வா ஜனபத³ப³ந்த⁴னேன வா, அந்தமஸோ ஸவசனீயம்பி

கரோதி - “ந தே லப்³பா⁴ இதோ பக்கமிது”ந்தி. ஸோ ப³ந்த⁴னபச்சயாபி

து³க்க²ங் தோ³மனஸ்ஸங் படிஸங்வேதே³தி. ஏதங் ப்⁴யங் து³க்க²ங்

தோ³மனஸ்ஸங் குதோ ஜாதங்? தஸ்ஸ ஸ்னேஹபச்சயா ச நந்தி³பச்சயா ச

ராக³பச்சயா ச நந்தி³ராக³பச்சயா ச ஜாதங்.

எத்தகேனபி ராஜா ந துஸ்ஸதி. தமேனங் ராஜா தஸ்ஸேவ [தஸ்ஸ

(ஸ்யா.)] த⁴னங் ஆஹராபேதி - ஸதங் வா ஸஹஸ்ஸங் வா

ஸதஸஹஸ்ஸங் வா. ஸோ த⁴னஜானிபச்சயாபி து³க்க²ங் தோ³மனஸ்ஸங்

படிஸங்வேதே³தி. ஏதங் ப்⁴யங் து³க்க²ங் தோ³மனஸ்ஸங் குதோ ஜாதங்?

தஸ்ஸ ஸ்னேஹபச்சயா ச நந்தி³பச்சயா ச ராக³பச்சயா ச நந்தி³ராக³பச்சயா ச

ஜாதங்.

எத்தகேனபி ராஜா ந துஸ்ஸதி. தமேனங் ராஜா விவிதா⁴ கம்மகாரணா

[விவிதா⁴னி கம்மகரணானி (க.)] காராபேதி - கஸாஹிபி தாளேதி,

வெத்தேஹிபி தாளேதி, அட்³ட⁴த³ண்டே³ஹிபி தாளேதி, ஹத்த²ம்பி சி²ந்த³தி, பாத³ம்பி சி²ந்த³தி, ஹத்த²பாத³ம்பி சி²ந்த³தி, கண்ணம்பி சி²ந்த³தி, நாஸம்பி சி²ந்த³தி, கண்ணாஸம்பி சி²ந்த³தி, பி³லங்க³தா²லிகம்பி கரோதி, ஸங்க²முண்டி³கம்பி கரோதி, ராஹு²மு²கம்பி கரோதி, ஜோதிமாலிகம்பி கரோதி, ஹத்த²பஜ்ஜோதிகம்பி கரோதி, ஏரகவத்திகம்பி [ஏரகவட்டிகம்பி (ஸ்யா. க.) பஸ்ஸ ம. நி. 1.169] கரோதி, சீரகவாஸிகம்பி கரோதி, ஏனெய்யகம்பி கரோதி, ப³ளிஸமங்ஸிகம்பி கரோதி, கஹாபணிகம்பி கரோதி, கா²ராபதச்சி²கம்பி [கா²ராபடிச்சி²கம்பி (க.)] கரோதி, பலிக⁴பரிவத்திகம்பி கரோதி, பலாலபீட²கம்பி கரோதி, தத்தேனபி தேலேன ஒஸிஞ்சதி, ஸுனகே²ஹிபி கா²தா³பேதி, ஜீவந்தம்பி ஸுலே உத்தாஸேதி, அஸினாபி ஸீஸங் சி²ந்த³தி. ஸோ கம்மகாரணபச்சயாபி து³க்க²ங் தோ³மனஸ்ஸங் படிஸங்வேதே³தி. ஏதங் ப⁴யங் து³க்க²ங் தோ³மனஸ்ஸங் குதோ ஜாதங்? தஸ்ஸ ஸ்னேஹபச்சயா ச நந்தி³பச்சயா ச ராக³பச்சயா ச நந்தி³ராக³பச்சயா ச ஜாதங். ராஜா இமேஸங் சதுன்னங் த³ண்டா³னங் இஸ்ஸரோ.

ஸோ ஸகேன கம்மேன காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபஜ்ஜதி. தமேனங் நிரயபாலா பஞ்சவித⁴ப³ந்த⁴னங் நாம கம்மகாரணங் கரொந்தி [காரெந்தி (ஸ்யா. க.) பஸ்ஸ ம. நி. 3.267] - தத்தங் அயோகி²லங் ஹத்தே² க³மெந்தி, தத்தங் அயோகி²லங் து³தியே ஹத்தே² க³மெந்தி, தத்தங் அயோகி²லங் பாதே³ க³மெந்தி, தத்தங் அயோகி²லங் து³தியே பாதே³ க³மெந்தி, தத்தங் அயோகி²லங் மஜ்ஜே² உரஸ்மிங் க³மெந்தி. ஸோ தத்த² து³க்கா² திப்³பா³ [திப்பா (ஸ்யா.)] க²ரா கடுகா வேத³னா வேதே³தி; ந ச தாவ காலங் கரோதி யாவ ந தங் பாபகம்மங் ப³யந்தீஹோதி. ஏதங் ப⁴யங் து³க்க²ங் தோ³மனஸ்ஸங் குதோ ஜாதங்? தஸ்ஸ ஸ்னேஹபச்சயா ச நந்தி³பச்சயா ச ராக³பச்சயா ச நந்தி³ராக³பச்சயா ச ஜாதங்.

தமேனங் நிரயபாலா ஸங்வேஸெத்வா [ஸங்வேஸித்வா (ஸ்யா. க.) பஸ்ஸ ம. நி. 3.267] குடா²ரீஹி [குதா⁴ரீஹி (ஸ்யா. க.)] தச்ச²ந்தி...பே... தமேனங் நிரயபாலா உத்³த⁴ங்பாத³ங் அதோ⁴ஸிரங் க³ஹெத்வா வாஸீஹி தச்ச²ந்தி. தமேனங் நிரயபாலா ரதே² யோஜெத்வா ஆதி³த்தாய பத²வியா ஸம்பஜ்ஜலிதாய ஸஜோதிபூ⁴தாய [ஸஞ்ஜோதிபூ⁴தாய (ஸ்யா.)] ஸாரெந்திபி பச்சாஸாரெந்திபி. தமேனங் நிரயபாலா மஹந்தங் அங்கா³ரபப்³தங் ஆதி³த்தங் ஸம்பஜ்ஜலிதங் ஸஜோதிபூ⁴தங் ஆரோபெந்திபி ஓரோபெந்திபி. தமேனங் நிரயபாலா உத்³த⁴ங்பாத³ங் அதோ⁴ஸிரங் க³ஹெத்வா தத்தாய லோஹகும்பி⁴யா பக்கி²பந்தி ஆதி³த்தாய ஸம்பஜ்ஜலிதாய ஸஜோதிபூ⁴தாய. ஸோ தத்த² பே²ணுத்³தே³ஹகங் பச்சதி. ஸோ தத்த² பே²ணுத்³தே³ஹகங் பச்சமானோ ஸகிம்பி உத்³த⁴ங் க³ச்ச²தி, ஸகிம்பி அதோ⁴ க³ச்ச²தி, ஸகிம்பி திரியங் க³ச்ச²தி. ஸோ தத்த² து³க்கா² திப்³பா³ க²ரா கடுகா வேத³னா வேதே³தி; ந ச தாவ

காலங்கரோதி யாவ ந தங் பாபகம்மங் ப்யந்தீஹோதி. ஏதங் ப்யங் துக்கங்
தோமனஸ்ஸங் குதோ ஜாதங்? தஸ்ஸ ஸ்னேஹபச்சயா ச நந்திபச்சயா ச
ராகபச்சயா ச நந்திராகபச்சயா ச ஜாதங்.

தமேனங் நிரயபாலா மஹானிரயே பக்கிபந்தி. ஸோ கோ² பன
மஹானிரயோ -

சதுக்கண்ணோ சதுத்வாரோ, விபத்தோ பா⁴கஸோ மிதோ;
அயோபாகாரபரியந்தோ, அயஸா படிசுஜ்ஜிதோ.

தஸ்ஸ அயோமயா பூ⁴மி, ஜலிதா தேஜஸா யதா;
ஸமந்தா யோஜனஸதங், பரித்வா திட்ட²தி ஸப்³பதா³.

கத³ரியாதபனா [கத³ரியா தாபனா (க.) மஹானி. 170] கோ⁴ரா,
அச்சிமந்தோ து³ராஸதா³;
லோமஹங்ஸனரூபா ச, பெ⁴ஸ்மா படிப⁴யா து³கா².

புரத்தி²மாய ச பி⁴த்தியா, அச்சிக்க²ந்தோ⁴ ஸமுட்டி²தோ;
ட³ஹந்தோ பாபகம்மந்தே, பச்சி²மாய படிஹஞ்ஞதி.

பச்சி²மாய ச பி⁴த்தியா, அச்சிக்க²ந்தோ⁴ ஸமுட்டி²தோ;
ட³ஹந்தோ பாபகம்மந்தே, புரிமாய படிஹஞ்ஞதி.

த³க்கி²ணாய ச பி⁴த்தியா, அச்சிக்க²ந்தோ⁴ ஸமுட்டி²தோ;
ட³ஹந்தோ பாபகம்மந்தே, உத்தராய படிஹஞ்ஞதி.

உத்தராய ச பி⁴த்தியா, அச்சிக்க²ந்தோ⁴ ஸமுட்டி²தோ;
ட³ஹந்தோ பாபகம்மந்தே, த³க்கி²ணாய படிஹஞ்ஞதி.

ஹெட்ட²தோ ச ஸமுட்டா²ய, அச்சிக்க²ந்தோ⁴ ப⁴யானகோ;
ட³ஹந்தோ பாபகம்மந்தே, ச²த³னஸ்மிங் படிஹஞ்ஞதி.

ச²த³னம்ஹா ஸமுட்டா²ய, அச்சிக்க²ந்தோ⁴ ப⁴யானகோ;
ட³ஹந்தோ பாபகம்மந்தே, பூ⁴மியங் படிஹஞ்ஞதி.

அயோகபாலமாதி³த்தங், ஸந்தத்தங் ஜலிதங் யதா²;
ஏவங் அவீசினிரயோ, ஹெட்டா² உபரி பஸ்ஸதோ.

தத்த² ஸத்தா மஹாலுத்தா³, மஹாகிப்பி³ஸகாரினோ;
அச்சந்தபாபகம்மந்தா, பச்சந்தி ந ச மிய்யரே [மீயரே (க.)].

ஜாதவேத³ஸமோ காயோ, தேஸங் நிரயவாஸினங்;

பஸ்ஸ கம்மானங் து³ள்ஹத்தங், ந ப⁴ஸ்மா ஹோதி நபி மஸி.

புரத்தி²மேனபி தா⁴வந்தி, ததோ தா⁴வந்தி பச்சி²மங்;
உத்தரேனபி தா⁴வந்தி, ததோ தா⁴வந்தி து³க்கி²ணங்.

யங் யங் தி³ஸங் பதா⁴வந்தி, தங் தங் து³வாரங் பிதீ⁴யதி;
அபி⁴னிக்க²மிதாஸா தே, ஸத்தா மொக்க²க³வேஸினோ.

ந தே ததோ நிக்க²மிதுங், லப⁴ந்தி கம்மபச்சயா;
தேஸஞ்ச பாபகம்மந்தங், அவிபக்கங் கதங் ப³ஹுந்தி.

ஏதங் ப⁴யங் து³க்க²ங் தோ³மனஸ்ஸங் குதோ ஜாதங்? தஸ்ஸ
ஸ்னேஹபச்சயா ச நந்தி³பச்சயா ச ராக³பச்சயா ச நந்தி³ராக³பச்சயா ச ஜாதங்.

யானி ச நேரயிகானி து³க்கா²னி யானி ச திரச்சா²னயோனிகானி து³க்கா²னி
யானி ச பெத்திவிஸயிகானி து³க்கா²னி யானி ச மானுஸிகானி து³க்கா²னி,
தானி குதோ ஜாதானி குதோ ஸஞ்ஜாதானி குதோ நிப்³புத்தானி குதோ
அபி⁴னிப்³புத்தானி குதோ பாதுபு⁴தானி? தஸ்ஸ ஸ்னேஹபச்சயா ச
நந்தி³பச்சயா ச ராக³பச்சயா ச நந்தி³ராக³பச்சயா ச ப⁴வந்தி ஸம்ப⁴வந்தி
ஜாயந்தி ஸஞ்ஜாயந்தி நிப்³புத்தந்தி அபி⁴னிப்³புத்தந்தி பாதுப⁴வந்தீதி -
ஸ்னேஹன்வயங் து³க்க²மித³ங் பஹோதி.

ஆதீ³னவங் ஸ்னேஹஜங் பெக்க²மானோதி. ஸ்னேஹோதி து³வே
ஸ்னேஹா - தண்ஹாஸ்னேஹோ ச தி³ட்டி²ஸ்னேஹோ ச...பே... அயங்
தண்ஹாஸ்னேஹோ...பே... அயங் தி³ட்டி²ஸ்னேஹோ. ஆதீ³னவங்
ஸ்னேஹஜங் பெக்க²மானோதி தண்ஹாஸ்னேஹோ ச தி³ட்டி²ஸ்னேஹோ ச
ஆதீ³னவங் ஸ்னேஹஜங் பெக்க²மானோ து³க்க²மானோ ஓலோகயமானோ
நிஜ்ஜா²யமானோ உபபரிக்க²மானோதி - ஆதீ³னவங் ஸ்னேஹஜங் பெக்க²மானோ,
ஏகோ சரே க²க்³க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“ஸங்ஸக்³க³ஜாதஸ்ஸ ப⁴வந்தி ஸ்னேஹா, ஸ்னேஹன்வயங்
து³க்க²மித³ங் பஹோதி;
ஆதீ³னவங் ஸ்னேஹஜங் பெக்க²மானோ, ஏகோ சரே
க²க்³க³விஸாணகப்போ”தி.

¹²³. மித்தே ஸுஹஜ்ஜே அனுகம்பமானோ, ஹாபேதி அத்த²ங்

படிபு³த்த⁴சித்தோ [படிபு³ந்த⁴சித்தோ (க)] ;

ஏதங் ப⁴யங் ஸந்த²வே [ஸந்த²வே (க)] பெக்க²மானோ, ஏகோ சரே
க²க்³க³விஸாணகப்போ.

மித்தே ஸுஹஜ்ஜே அனுகம்பமானோ, ஹாபேதி அத்த²ங்
படிப³த்த⁴சித்தோதி. மித்தாதி த³வே மித்தா - அகா³ரிகமித்தோ ச
அனாகா³ரிகமித்தோ [பப்³பஜிதமித்தோ (க.) ஏவமுபரிபி] ச. கதமோ
அகா³ரிகமித்தோ? இதே⁴கச்சோ து³த³த³ங் த³தா³தி, து³ச்சஜங் சஜதி, து³க்கரங்
கரோதி, து³க்க²மங் க²மதி, கு³ய்ஹமஸ்ஸ ஆசிக்க²தி, கு³ய்ஹமஸ்ஸ
பரிகூ³ஹதி [பரிகு³ய்ஹதி (ஸ்யா. க.)], ஆபதா³ஸு ந விஜஹதி, ஜீவிதம்பிஸ்ஸ
அத்த²ய பரிச்சத்தங் ஹோதி, கீ²ணே நாதிமஞ்ஞதி - அயங் அகா³ரிகமித்தோ.

கதமோ அனாகா³ரிகமித்தோ? இத⁴ பி⁴க்கு² பியோ ச ஹோதி மனாபோ ச
க³ரு ச பா⁴வனீயோ ச வத்தா ச வசனக்க²மோ ச க³ம்பீ⁴ரஞ்ச கத²ங் கத்தா,
நோ ச அட்ட²னே நியோஜேதி அதி⁴ஸீலே ஸமாத³பேதி, சதுன்னங்
ஸதிபட்ட²னானங் பா⁴வனானுயோகே³ ஸமாத³பேதி, சதுன்னங்
ஸம்மப்பதா⁴னானங்...பே... சதுன்னங் இத்தி⁴பாதா³னங்... பஞ்சன்னங்
இந்த³ரியானங்... பஞ்சன்னங் ப³லானங்... ஸத்தன்னங் பொ³ஜ்ஜ²ங்கா³னங்...
அரியஸ்ஸ அட்ட²ங்கிக்³ஸஸ்ஸ மக்³க³ஸஸ்ஸ பா⁴வனானுயோகே³ ஸமாத³பேதி -
அயங் அனாகா³ரிகமித்தோ.

ஸுஹஜ்ஜா வுச்சந்தி யேஹி ஸஹ ஆக³மனங் பா²ஸு க³மனங் பா²ஸு
ட²னங் பா²ஸு நிஸஜ்ஜனங் [நிஸஜ்ஜா (க.)] பா²ஸு ஸயனங் பா²ஸு
ஆலபனங் பா²ஸு ஸல்லபனங் பா²ஸு உல்லபனங் பா²ஸு ஸமுல்லபனங்
பா²ஸு. மித்தே ஸுஹஜ்ஜே அனுகம்பமானோ ஹாபேதி அத்த²ந்தி மித்தே ச
ஸுஹஜ்ஜே ச ஸந்தி³ட்டே² ச ஸம்ப⁴த்தே ச ஸஹாயே ச அனுகம்பமானோ
அனுபெக்க²மானோ அனுக்³ண்ஹமானோ அத்தத்த²ம்பி பரத்த²ம்பி
உப⁴யத்த²ம்பி ஹாபேதி, தி³ட்ட²த⁴ம்மிகம்பி அத்த²ங் ஹாபேதி,
ஸம்பராயிகம்பி அத்த²ங் ஹாபேதி, பரமத்த²ம்பி ஹாபேதி பஹாபேதி
பரிஹாபேதி பரித⁴ங்ஸேதி பரிவஜ்ஜேதி [பரிஸஜ்ஜேதி (ஸ்யா.)]
அந்தரதா⁴பேதீதி - மித்தே ஸுஹஜ்ஜே அனுகம்பமானோ ஹாபேதி அத்த²ங்.

படிப³த்த⁴சித்தோதி த³வீஹி காரணேஹி படிப³த்த⁴சித்தோ ஹோதி -
அத்தானங் வா நீசங் ட²பெந்தோ பரங் உச்சங் ட²பெந்தோ படிப³த்த⁴சித்தோ
ஹோதி, அத்தானங் வா உச்சங் ட²பெந்தோ பரங் நீசங் ட²பெந்தோ
படிப³த்த⁴சித்தோ ஹோதி. கத²ங் அத்தானங் நீசங் ட²பெந்தோ பரங் உச்சங்
ட²பெந்தோ படிப³த்த⁴சித்தோ ஹோதி? தும்ஹே மே ப³ஹுபகாரா, அஹங்
தும்ஹே நிஸ்ஸாய லபா⁴மி
சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங். யம்பி [யேபி
(க.) ஏவங் துளனி. க²க்க³விஸாணஸுத்தனித்தே³ஸ 151] மே அஞ்ஞே தா³துங்
வா காதுங் வா மஞ்ஞந்தி தும்ஹே நிஸ்ஸாய தும்ஹே ஸம்பஸ்ஸந்தா. யம்பி
மே போராணங் மாதாபெத்திகங் நாமகொ³த்தங், தம்பி மே அந்தரஹிதங்.
தும்ஹேஹி அஹங் ஞாயாமி - அஸுகஸ்ஸ குலுபகோ, அஸுகாய

குலுபகோதி . ஏவங் அத்தானங் நீசங் ட²பெந்தோ பரங் உச்சங் ட²பெந்தோ படிப³த்த⁴சித்தோ ஹோதி.

கத²ங் அத்தானங் உச்சங் ட²பெந்தோ பரங் நீசங் ட²பெந்தோ படிப³த்த⁴சித்தோ ஹோதி? அஹங் தும்ஹாகங் ப³ஹுபகாரோ, தும்ஹே மங் ஆக³ம்ம பு³த்த⁴ங் ஸரணங் க³தா, த⁴ம்மங் ஸரணங் க³தா, ஸங்க⁴ங் ஸரணங் க³தா, பாணாதிபாதா படிவிரதா, அதி³ன்னாதா³னா படிவிரதா, காமேஸுமிச்சா²சாரா படிவிரதா, முஸாவாதா³ படிவிரதா, ஸுராமேரயமஜ்ஜபமாத³ட்டா²னா படிவிரதா; அஹங் தும்ஹாகங் உத்³தே³ஸங் தே³மி, பரிபுச்ச²ங் தே³மி, உபோஸத²ங் ஆசிக்கா²மி, நவகம்மங் அதி⁴ட்டா²மி. அத² பன தும்ஹே மங் உஜ்ஜி²த்வா [பரிச்சஜித்வா (ஸ்யா.)] அஞ்ஞே ஸக்கரோத² க³ருங் கரோத² மானேத² பூஜேதா²தி. ஏவங் அத்தானங் உச்சங் ட²பெந்தோ பரங் நீசங் ட²பெந்தோ படிப³த்த⁴சித்தோ ஹோதி - மித்தே ஸுஹஜ்ஜே அனுகம்பமானோ, ஹாபேதி அத்த²ங் படிப³த்த⁴சித்தோ.

ஏதங் ப⁴யங் ஸந்த²வே பெக்க²மானோதி. ப⁴யந்தி ஜாதிப⁴யங் ஜராப⁴யங் ப்யாதி⁴ப⁴யங் மரணப⁴யங் ராஜப⁴யங் சோரப⁴யங் அக்³கி³ப⁴யங் உத³கப⁴யங் அத்தானுவாத³ப⁴யங் பரானுவாத³ப⁴யங் த³ண்ட³ப⁴யங் து³க்³க³திப⁴யங் ஊமிப⁴யங் கும்பி⁴லப⁴யங் ஆவட்டப⁴யங் ஸுஸுமாரப⁴யங் [ஸுங்ஸுமாரப⁴யங் (ஸ்யா.)] ஆஜீவிகப⁴யங் அஸிலோகப⁴யங் பரிஸஸாரஜ்ஜப⁴யங் மத³னப⁴யங் ப⁴யானகங் ச²ம்பி⁴தத்தங் லோமஹங்ஸோ சேதஸோ உப்³பே³கோ³ உத்ராலோ. ஸந்த²வேதி த³வே ஸந்த²வா - தண்ஹாஸந்த²வோ ச தி³ட்டி²ஸந்த²வோ ச... பே... அயங் தண்ஹாஸந்த²வோ...பே... அயங் தி³ட்டி²ஸந்த²வோ. ஏதங் ப⁴யங் ஸந்த²வே பெக்க²மானோதி ஏதங் ப⁴யங் ஸந்த²வே பெக்க²மானோ த³க்க²மானோ ஓலோகயமானோ நிஜ்ஜ²யமானோ உபபரிக்க²மானோதி - ஏதங் ப⁴யங் ஸந்த²வே பெக்க²மானோ, ஏகோ சரே க²க்³க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“மித்தே ஸுஹஜ்ஜே அனுகம்பமானோ, ஹாபேதி அத்த²ங் படிப³த்த⁴சித்தோ;
ஏதங் ப⁴யங் ஸந்த²வே பெக்க²மானோ, ஏகோ சரே க²க்³க³விஸாணகப்போ”தி.

124. வங்ஸோ விஸாலோவ யதா² விஸத்தோ, புத்தேஸு தா³ரேஸு ச யா அபெக்கா²;
வங்ஸக்களீரோவ [வங்ஸே களீரோவ (க.)] அஸஜ்ஜமானோ, ஏகோ சரே க²க்³க³விஸாணகப்போ.

வங்ஸோ விஸாலோவ யதா² விஸத்தோதி வங்ஸோ வுச்சதி
வேளுகு³ம்போ³. யதா² வேளுகு³ம்பு³ஸ்மிங் போராணகா வங்ஸா ஸத்தா
[வேளுகு³ம்பு³ஸ்மிங் கண்டகா ஜடிதா ஸங்ஸிப்பு³பி³தா (ஸ்யா.)] விஸத்தா
ஆஸத்தா லக்³கா³ லக்³கி³தா பலிபு³த்தா⁴, ஏவமேவ விஸத்திகா வுச்சதி
தண்ஹா. யோ ராகோ³ ஸாராகோ³ அனுனயோ அனுரோதோ⁴ நந்தீ³
நந்தி³ராகோ³ சித்தஸ்ஸ ஸாராகோ³ இச்சா² முச்சா² அஜ்ஜோ²ஸானங் கே³தோ⁴
பலிகே³தோ⁴ ஸங்கோ³ பங்கோ ஏஜா மாயா ஜனிகா ஸஞ்ஜனநீ ஸிப்பு³பி³னீ
ஜாலினீ ஸரிதா விஸத்திகா ஸுத்தங் விஸடா ஆயுஹனீ து³தியா பணிதி⁴
ப⁴வனெத்தி வனங் வனதோ² ஸந்த²வோ ஸினேஹோ அபெக்கா² படிபு³ந்து⁴
ஆஸா ஆஸீஸனா ஆஸீஸிதத்தங் ரூபாஸா ஸத்தா³ஸா க³ந்தா⁴ஸா
ரஸாஸா பொ²ட்ட²பு³பா³ஸா லாபா⁴ஸா த⁴னாஸா புத்தாஸா ஜீவிதாஸா
ஜப்பா பஜப்பா அபி⁴ஜப்பா ஜப்பனா ஜப்பிதத்தங் லோலுப்பங் லோலுப்பாயனா
லோலுப்பாயிதத்தங் புச்ச²ஞ்ஜிகதா ஸாது⁴கம்யதா அத⁴ம்மராகோ³
விஸமலோபோ⁴ நிகந்தி நிகாமனா பத்த²னா பிறனா ஸம்பத்த²னா
காமதண்ஹா ப⁴வதண்ஹா விப⁴வதண்ஹா ரூபதண்ஹா அரூபதண்ஹா
நிரோத⁴தண்ஹா ரூபதண்ஹா ஸத்த³தண்ஹா க³ந்த⁴தண்ஹா ரஸதண்ஹா
பொ²ட்ட²பு³பு³தண்ஹா த⁴ம்மதண்ஹா ஓகோ⁴ யோகோ³ க³ந்தோ² உபாதா³னங்
ஆவரணங் நீவரணங் ச²த³னங் ப³ந்த⁴னங் உபக்கிலேஸோ அனுஸயோ
பரியுட்டா²னங் லதா வேவிச்ச²ங் து³க்க²மூலங் து³க்க²னிதா³னங்
து³க்க²ப்பப⁴வோ மாரபாஸோ மாரபு³ஸிஸங் மாரவிஸயோ மாரனிவாஸோ
மாரபு³ந்த⁴னங் தண்ஹானதீ³ தண்ஹாஜாலங் தண்ஹாக³த்து³லங்
தண்ஹாஸமுத்தோ³ அபி⁴ஜ்ஜா² லோபோ⁴ அகுஸலமூலங்.

விஸத்திகாதி கேனட்டே²ன விஸத்திகா? விஸாலாதி விஸத்திகா
விஸதாதி விஸத்திகா, விஸடாதி விஸத்திகா, விஸமாதி விஸத்திகா,
விஸக்கதீதி விஸத்திகா, விஸங்ஹரதீதி விஸத்திகா, விஸங்வாதி³காதி
விஸத்திகா, விஸமூலாதி விஸத்திகா, விஸப²லாதி விஸத்திகா,
விஸபரிபோ⁴கா³தி விஸத்திகா. விஸாலா வா பன தண்ஹா ரூபே ஸத்தே³
க³ந்தே⁴ ரஸே பொ²ட்ட²பு³பே³ குலே க³ணே ஆவாஸே லாபே⁴ யஸே
பஸங்ஸாய ஸுகே² சீவரே பிண்ட³பாதே ஸேனாஸனே
கி³லானபச்சயபே⁴ஸஜ்ஜபரிக்கா²ரே காமதா⁴துயா ரூபதா⁴துயா
அரூபதா⁴துயா காமப⁴வே ரூபப⁴வே அரூபப⁴வே ஸஞ்ஞாப⁴வே
அஸஞ்ஞாப⁴வே நேவஸஞ்ஞானாஸஞ்ஞாப⁴வே ஏகவோகாரப⁴வே
சதுவோகாரப⁴வே பஞ்சவோகாரப⁴வே அதீதே அனாக³தே பச்சுப்பன்னே
தி³ட்ட²ஸுதமுதவிஞ்ஞாதப்பு³பே³ஸு த⁴ம்மேஸு விஸதா வித்த²தாதி -
விஸத்திகாதி - வங்ஸோ விஸாலோவ யதா² விஸத்தோ.

புத்தேஸு தா³ரேஸு ச யா அபெக்கா²தி. புத்தாதி சத்தாரோ புத்தா -
அத்ரஜோ புத்தோ, கெ²த்தஜோ புத்தோ, தி³ன்னகோ புத்தோ, அந்தேவாஸிகோ

புத்தோ. தா³ரா வச்சந்தி ப⁴ரியாயோ. அபெக்கா² வச்சந்தி தண்ஹா. யோ
ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலந்தி - புத்தேஸு
தா³ரேஸு ச யா அபெக்கா².

வங்ஸக்களீரோவ அஸஜ்ஜமானோதி வங்ஸோ வச்சதி வேளுகு³ம்போ³.
யதா² வேளுகு³ம்பு³ஸ்மிங் தருணகா களீரகா [தருணகளீரா (ஸ்யா.)] அஸத்தா
அலக்³கா³ அக³தி⁴தா [அபலிவெட்டி²தா (ஸ்யா.)] அபலிபு³த்தா⁴ நிக்க²ந்தா
நிஸ்ஸடா விப்பமுத்தா ஏவமேவ. ஸஜ்ஜாதி த்³வே ஸஜ்ஜனா -
தண்ஹாஸஜ்ஜனா ச தி³ட்டி²ஸஜ்ஜனா ச...பே... அயங் தண்ஹாஸஜ்ஜனா...பே...
அயங் தி³ட்டி²ஸஜ்ஜனா. தஸ்ஸ பச்சேகஸம்பு³த்த⁴ஸ்ஸ தண்ஹாஸஜ்ஜனா
பஹீனா, தி³ட்டி²ஸஜ்ஜனா படினிஸ்ஸட்டா². தண்ஹாஸஜ்ஜனாய பஹீனத்தா
தி³ட்டி²ஸஜ்ஜனாய படினிஸ்ஸட்ட²த்தா ஸோ பச்சேகஸம்பு³த்தோ⁴ ரூபே ந
ஸஜ்ஜதி ஸத்³தே³ ந ஸஜ்ஜதி க³ந்தே⁴ ந ஸஜ்ஜதி ரஸே ந ஸஜ்ஜதி
பொ²ட்ட²பு³பே³ ந ஸஜ்ஜதி குலே...பே... க³ணே... ஆவாஸே... லாபோ⁴... யஸே...
பஸங்ஸாய... ஸுகே²... சீவரே... பிண்ட³பாதே... ஸேனாஸனே...
கி³லானபச்சயபே⁴ஸஜ்ஜபரிக்கா²ரே... காமதா⁴துயா... ரூபதா⁴துயா...
அரூபதா⁴துயா... காமப⁴வே... ரூபப⁴வே... அரூபப⁴வே... ஸஞ்ஞாப⁴வே...
அஸஞ்ஞாப⁴வே... நேவஸஞ்ஞானாஸஞ்ஞாப⁴வே... ஏகவோகாரப⁴வே...
சதுவோகாரப⁴வே... பஞ்சவோகாரப⁴வே... அதீதே... அனாக³தே... பச்சுப்பன்னே...
தி³ட்ட²ஸுதமுதவிஞ்ஞாதப்³பே³ஸு த⁴ம்மேஸு ந ஸஜ்ஜதி ந க³ண்ஹாதி ந
ப³ஜ்ஜ²தி ந பலிப³ஜ்ஜ²தி ந முச்ச²தி; நிக்க²ந்தோ நிஸ்ஸடோ விப்பமுத்தோ
விஸஞ்ஞுத்தோ விமரியாதி³கதேன சேதஸா விஹரதீதி - வங்ஸக்களீரோவ
அஸஜ்ஜமானோ, ஏகோ சரே க²க்³க³விஸாணகப்போ. தேனாஹ ஸோ
பச்சேகஸம்பு³த்தோ⁴ -

“வங்ஸோ விஸாலோவ யதா² விஸத்தோ, புத்தேஸு தா³ரேஸு ச யா
அபெக்கா²;
வங்ஸக்களீரோவ அஸஜ்ஜமானோ, ஏகோ சரே
க²க்³க³விஸாணகப்போ”தி.

125. மிகோ³ அரஞ்ஞம்ஹி யதா² அபு³த்தோ⁴ [அபு³ந்தோ⁴ (ஸ்யா. க.)],
யேனிச்ச²கங் க³ச்ச²தி கோ³சராய;
விஞ்ஞா நரோ ஸேரிதங் பெக்க²மானோ, ஏகோ சரே
க²க்³க³விஸாணகப்போ.

மிகோ³ அரஞ்ஞம்ஹி யதா² அபு³த்தோ⁴, யேனிச்ச²கங் க³ச்ச²தி
கோ³சராயாதி. மிகோ³தி த்³வே மிகா³ - ஏணிமிகோ³ ச பஸத³மிகோ³ ச. யதா²
ஆரஞ்ஞிகோ [ஆரஞ்ஞிகோ (ஸ்யா. க.)] மிகோ³ அரஞ்ஞே பவனே சரமானோ

[அரஞ்ஞே வஸமானோ (ஸ்யா:)] விஸ்ஸத்தோ² க³ச்ச²தி விஸ்ஸத்தோ² திட்ட²தி விஸ்ஸத்தோ² நிஸீத³தி விஸ்ஸத்தோ² ஸெய்யங் கப்பேதி.

வுத்தஞ்ஞேதங் ப்⁴க³வதா - “ஸெய்யதா²பி, பி்⁴க்க²வே, ஆரஞ்ஞிகோ மிகோ³ அரஞ்ஞே பவனே சரமானோ விஸ்ஸத்தோ² க³ச்ச²தி விஸ்ஸத்தோ² திட்ட²தி விஸ்ஸத்தோ² நிஸீத³தி விஸ்ஸத்தோ² ஸெய்யங் கப்பேதி. தங் கிஸ்ஸ ஹேது? அனாபாத²க³தோ, பி்⁴க்க²வே, லுத்³த³ஸ்ஸ. ஏவமேவ கோ², பி்⁴க்க²வே, பி்⁴க்கு² விவிச்சேவ காமேஹி விவிச்ச அகுஸலேஹி த்⁴ம்மேஹி ஸவிதக்கங் ஸவிசாரங் விவேகஜங் பீதிஸுக²ங் பட²மங் ஜா²னங் உபஸம்பஜ்ஜ விஹரதி. அயங் வுச்சதி, பி்⁴க்க²வே, ‘பி்⁴க்கு² அந்த்⁴மகாஸி மாரங், அபத³ங் [பரங் (க.) ம. நி. 1.271] வதி்⁴த்வா மாரசக்கு²ங் அத³ஸ்ஸனங் க³தோ பாபிமதோ’.

“புன சபரங், பி்⁴க்க²வே, பி்⁴க்கு² விதக்கவிசாரானங் ஓபஸமா அஜ்ஜ²த்தங் ஸம்பஸாத³னங் சேதஸோ ஏகோதி³பா்⁴வங் அவிதக்கங் அவிசாரங் ஸமாதி்⁴ஜங் பீதிஸுக²ங் து³தியங் ஜா²னங் உபஸம்பஜ்ஜ விஹரதி . அயங் வுச்சதி, பி்⁴க்க²வே, ‘பி்⁴க்கு² அந்த்⁴மகாஸி மாரங், அபத³ங் வதி்⁴த்வா மாரசக்கு²ங் அத³ஸ்ஸனங் க³தோ பாபிமதோ’.

“புன சபரங், பி்⁴க்க²வே, பி்⁴க்கு² பீதியா ச விராகா³ உபெக்க²கோ ச விஹரதி ஸதோ ச ஸம்பஜானோ ஸுக²ஞ்ச காயேன படிஸங்வேதே³தி, யங் தங் அரியா ஆசிக்க²ந்தி ‘உபெக்க²கோ ஸதிமா ஸுக²விஹாரீ’தி ததியங் ஜா²னங் உபஸம்பஜ்ஜ விஹரதி. அயங் வுச்சதி, பி்⁴க்க²வே, ‘பி்⁴க்கு² அந்த்⁴மகாஸி மாரங், அபத³ங் வதி்⁴த்வா மாரசக்கு²ங் அத³ஸ்ஸனங் க³தோ பாபிமதோ’.

“புன சபரங், பி்⁴க்க²வே, பி்⁴க்கு² ஸுக²ஸ்ஸ ச பஹானா து³க்க²ஸ்ஸ ச பஹானா புப்³பே³வ ஸோமனஸ்ஸதோ³மனஸ்ஸானங் அத்த²ங்க³மா அது³க்க²மஸுக²ங் உபெக்க²ஸதிபாரிஸுத்³தி்⁴ங் சதுத்த²ங் ஜா²னங் உபஸம்பஜ்ஜ விஹரதி. அயங் வுச்சதி, பி்⁴க்க²வே, ‘பி்⁴க்கு² அந்த்⁴மகாஸி மாரங், அபத³ங் வதி்⁴த்வா மாரசக்கு²ங் அத³ஸ்ஸனங் க³தோ பாபிமதோ’.

“புன சபரங், பி்⁴க்க²வே, பி்⁴க்கு² ஸப்³ப³ஸோ ஞபஸஞ்ஞானங் ஸமதிக்கமா படிக்⁴ஸஞ்ஞானங் அத்த²ங்க³மா நானத்தஸஞ்ஞானங் அமனஸிகாரா ‘அனந்தோ ஆகாஸோ’தி ஆகாஸானஞ்சாயதனங் உபஸம்பஜ்ஜ விஹரதி. அயங் வுச்சதி, பி்⁴க்க²வே, ‘பி்⁴க்கு² அந்த்⁴மகாஸி மாரங், அபத³ங் வதி்⁴த்வா மாரசக்கு²ங் அத³ஸ்ஸனங் க³தோ பாபிமதோ’.

“புன சபரங், பி்⁴க்க²வே , பி்⁴க்கு² ஸப்³ப³ஸோ ஆகாஸானஞ்சாயதனங் ஸமதிக்கம்ம ‘அனந்தங் விஞ்ஞாணந்தி விஞ்ஞாணஞ்சாயதனங் உபஸம்பஜ்ஜ விஹரதி...பே.....

“புன சபரங், பி⁴க்க²வே, ஸப்³ப³ஸோ விஞ்ஞாணஞ்சாயதனங் ஸமதிக்கம்ம
நத்தி² கிஞ்சீதி ஆகிஞ்சஞ்ஞாயதனங் உபஸம்பஜ்ஜ விஹரதி...பே....

“புன சபரங், பி⁴க்க²வே, ஸப்³ப³ஸோ ஆகிஞ்சஞ்ஞாயதனங் ஸமதிக்கம்ம
நேவஸஞ்ஞானாஸஞ்ஞாயதனங் உபஸம்பஜ்ஜ விஹரதி...பே....

“புன சபரங், பி⁴க்க²வே, ஸப்³ப³ஸோ நேவஸஞ்ஞானாஸஞ்ஞாயதனங்
ஸமதிக்கம்ம ஸஞ்ஞாவேத³யிதனிரோத⁴ங் உபஸம்பஜ்ஜ விஹரதி, பஞ்ஞாய
சஸ்ஸ தி³ஸ்வா ஆஸவா பரிக்²ணா ஹொந்தி. அயங் வுச்சதி, பி⁴க்க²வே,
‘பி⁴க்கு² அந்த⁴மகாஸி மாரங், அபத³ங் வதி⁴த்வா மாரசக்கு²ங் அத³ஸ்ஸனங்
க³தோ பாபிமதோ’, திண்ணோ லோகே விஸத்திகங். ஸோ விஸ்ஸத்தோ²
க³ச்ச²தி விஸ்ஸத்தோ² திட்ட²தி விஸ்ஸத்தோ² நிஸீத³தி விஸ்ஸத்தோ²
ஸெய்யங் கப்பேதி. தங் கிஸ்ஸ ஹேது? அனாபாத²க³தோ, பி⁴க்க²வே,
பாபிமதோ”தி - மிகோ³ அரஞ்ஞும்ஹி யதா² அபத்³தோ⁴, யேனிச்ச²கங் க³ச்ச²தி
கோ³சராய.

விஞ்ஞா நரோ ஸேரிதங் பெக்க²மானோதி. விஞ்ஞாதி பண்டி³தோ பஞ்ஞவா
புத்³தி⁴மா ஞாணி விபா⁴வீ மேதா⁴வீ. நரோதி ஸத்தோ மாணவோ போஸோ
புக்³லோ ஜீவோ ஜாகு³ ஜந்து இந்த³கு³ மனுஜோ. ஸேரீதி த்வே ஸேரீ -
த⁴ம்மோபி ஸேரீ புக்³லோபி ஸேரீ. கதமோ த⁴ம்மோ ஸேரீ? சத்தாரோ
ஸதிபட்ட²னா சத்தாரோ ஸம்மப்பதா⁴னா சத்தாரோ இத்³தி⁴பாதா³
பஞ்சிந்த³ரியானி பஞ்ச ப³லானி ஸத்த பொ³ஜ்ஜ²ங்கா³ அரியோ அட்ட²ங்கிகோ
மக்³கோ³ - அயங் த⁴ம்மோ ஸேரீ. கதமோ புக்³லோ ஸேரீ? யோ இமினா
ஸேரினா த⁴ம்மேன ஸமன்னாக³தோ, ஸோ வுச்சதி புக்³லோ ஸேரீ.
விஞ்ஞா நரோ ஸேரிதங் பெக்க²மானோதி விஞ்ஞா நரோ ஸேரிதங் த⁴ம்மங்
பெக்க²மானோ, த³க்க²மானோ ஓலோகயமானோ நிஜ்ஜா²யமானோ
உபபரிக்க²மானோதி - விஞ்ஞா நரோ ஸேரிதங் பெக்க²மானோ, ஏகோ சரே
க²க்³விஸாணகப்போ. தேனாஹ ஸோ பச்சேகஸம்புத்³தோ⁴ -

“மிகோ³ அரஞ்ஞும்ஹி யதா² அபத்³தோ⁴, யேனிச்ச²கங் க³ச்ச²தி
கோ³சராய;

விஞ்ஞா நரோ ஸேரிதங் பெக்க²மானோ, ஏகோ சரே
க²க்³விஸாணகப்போ”தி.

126. ஆமந்தனா ஹொதி ஸஹாயமஜ்ஜே², வாஸே டா²னே க³மனே
சாரிகாய;
அனபி⁴ஜ்ஜி²தங் ஸேரிதங் பெக்க²மானோ, ஏகோ சரே
க²க்³விஸாணகப்போ.

ஆமந்தனா ஹோதி ஸஹாயமஜ்ஜே², வாஸே டா²னே க³மனே
சாரிகாயாதி ஸஹாயா வுச்சந்தி யேஹி ஸஹ ஆக³மனங் பா²ஸு க³மனங்
பா²ஸு க³மனாக³மனங் பா²ஸு டா²னங் பா²ஸு நிஸஜ்ஜனங் பா²ஸு ஸயனங்
பா²ஸு ஆலபனங் பா²ஸு ஸல்லபனங் பா²ஸு உல்லபனங் பா²ஸு
ஸமுல்லபனங் பா²ஸு. ஆமந்தனா ஹோதி ஸஹாயமஜ்ஜே², வாஸே டா²னே
க³மனே சாரிகாயாதி ஸஹாயமஜ்ஜே² வாஸேபி டா²னேபி க³மனேபி
சாரிகாயபி அத்தத்த²மந்தனா பரத்த²மந்தனா உப⁴யத்த²மந்தனா
தி³ட்ட²த⁴ம்மிகத்த²மந்தனா ஸம்பராயிகத்த²மந்தனா பரமத்த²மந்தனா
உப⁴யத்த²மந்தனா (க.) தி - ஆமந்தனா ஹோதி ஸஹாயமஜ்ஜே², வாஸே
டா²னே க³மனே சாரிகாய.

அனபி⁴ஜ்ஜி²தங் ஸேரிதங் பெக்க²மானோதி அனபி⁴ஜ்ஜி²தங் ஏதங் வத்து²
பா³லானங் அஸப்புரிஸானங் தித்தி²யானங் தித்த²யஸாவகானங், யதி³த³ங் -
ப⁴ண்டு³காஸாயவத்த²வஸனதா. அபி⁴ஜ்ஜி²தங் ஏதங் வத்து² பண்டி³தானங்
ஸப்புரிஸானங் பு³த்த⁴ஸாவகானங் பச்சேகபு³த்தா⁴னங், யதி³த³ங் -
ப⁴ண்டு³காஸாயவத்த²வஸனதா. ஸேரீதி த்³வே ஸேரீ - த⁴ம்மோபி ஸேரீ
புக்³க³லோபி ஸேரீ. கதமோ த⁴ம்மோ ஸேரீ? சத்தாரோ ஸதிபட்டா²னா ...பே...
அரியோ அட்ட²ங்கி³கோ மக்³கோ³ - அயங் த⁴ம்மோ ஸேரீ. கதமோ புக்³க³லோ
ஸேரீ? யோ இமினா ஸேரினா த⁴ம்மேன ஸமன்னாக³தோ, ஸோ வுச்சதி
புக்³க³லோ ஸேரீ. அனபி⁴ஜ்ஜி²தங் ஸேரிதங் பெக்க²மானோதி ஸேரிதங்
த⁴ம்மங் பெக்க²மானோ த³க்க²மானோ ஓலோகயமானோ நிஜ்ஜா²யமானோ
உபபரிக்க²மானோதி - அனபி⁴ஜ்ஜி²தங் ஸேரிதங் பெக்க²மானோ, ஏகோ சரே
க²க்³க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“ஆமந்தனா ஹோதி ஸஹாயமஜ்ஜே², வாஸே டா²னே க³மனே
சாரிகாய;

அனபி⁴ஜ்ஜி²தங் ஸேரிதங் பெக்க²மானோ, ஏகோ சரே
க²க்³க³விஸாணகப்போ”தி.

127. கி²ட்³டா³ [கி²ட்³டா (க.)] ரதீ ஹோதி ஸஹாயமஜ்ஜே², புத்தேஸு ச
விபுலங் ஹோதி பேமங்;

பியவிப்பயோக³ங் [விப்பயோக³ம்பி (க.)] விஜிகு³ச்ச²மானோ, ஏகோ சரே
க²க்³க³விஸாணகப்போ.

கி²ட்³டா³ ரதீ ஹோதி ஸஹாயமஜ்ஜே²தி. கி²ட்³டா³தி த்³வே கி²ட்³டா³ -
காயிகா ச கி²ட்³டா³ வாசஸிகா ச கி²ட்³டா³. கதமா காயிகா கி²ட்³டா³?
ஹத்தீ²ஹிபி கீளந்தி, அஸ்ஸேஹிபி கீளந்தி, ரதே²ஹிபி கீளந்தி, த⁴னூஹிபி
கீளந்தி, த²ருஹிபி கீளந்தி, அட்ட²பதே³ஹிபி கீளந்தி, த³ஸபதே³ஹிபி கீளந்தி,
ஆகாஸேபி கீளந்தி, பரிஹாரபதே²பி கீளந்தி, ஸந்திகாயபி கீளந்தி, க³லிகாயபி

கீளந்தி, க⁴டிகாயபி கீளந்தி, ஸலாகஹத்தே²னபி கீளந்தி, அக்கே²னபி கீளந்தி, பங்க³சீரேனபி கீளந்தி, வங்ககேனபி கீளந்தி, மொக்க²சிகாயபி கீளந்தி, சிங்கு³லகேனபி கீளந்தி, பத்தாள்ஹகேனபி கீளந்தி, ரத²கேனபி கீளந்தி, த⁴னுகேனபி கீளந்தி, அக்க²ரிகாயபி கீளந்தி, மனேஸிகாயபி கீளந்தி, யதா²வஜ்ஜேனபி கீளந்தி. அயங் காயிகா கி²ட்³டா³.

கதமா வாசஸிகா கி²ட்³டா³? முக²பே⁴ரிகங் முகா²லம்ப³ரங்
முக²டி³ண்டி³மகங் [முக²தெ³ண்டி³மகங் (ஸ்யா.), முக²தி³ந்தி³மகங் (க.)]
முக²சலிமகங் முக²கேரகங் [முக²பே⁴ருகங் (ஸ்யா.)] முக²த³த³த³ரிகங் நாடகங்
லாஸங் கீதங் த³வகம்மங். அயங் வாசஸிகா கி²ட்³டா³.

ரதீதி அனுக்கண்டி²தாதி⁴வசனமேதங் ரதீதி. ஸஹாயா வுச்சந்தி யேஹி
ஸஹ ஆக³மனங் பா²ஸு க³மனங் பா²ஸு க³மனாக³மனங் பா²ஸு டா²னங்
பா²ஸு நிஸஜ்ஜனங் பா²ஸு ஸயனங் பா²ஸு ஆலபனங் பா²ஸு ஸல்லபனங்
பா²ஸு உல்லபனங் பா²ஸு ஸமுல்லபனங் பா²ஸு. கி²ட்³டா³ ரதீ ஹோதி
ஸஹாயமஜ்ஜே²தி கி²ட்³டா³ ச ரதி ச ஸஹாயமஜ்ஜே² ஹோதீதி - கி²ட்³டா³ ரதீ
ஹோதி ஸஹாயமஜ்ஜே².

புத்தேஸு ச விபுலங் ஹோதி பேமந்தி. புத்தாதி சத்தாரோ புத்தா -
அத்ரஜோ புத்தோ, கெ²த்தஜோ புத்தோ , தி³ன்னகோ புத்தோ, அந்தேவாஸிகோ
புத்தோ. புத்தேஸு ச விபுலங் ஹோதிங் பேமந்தி புத்தேஸு ச அதி⁴மத்தங்
ஹோதி பேமந்தி - புத்தேஸு ச விபுலங் ஹோதி பேமங்.

பியவிப்பயோக³ங் விஜிகு³ச்ச²மானோதி த்³வே பியா - ஸத்தா வா
ஸங்கா²ரா வா. கதமே ஸத்தா பியா? இத⁴ யஸ்ஸ தே ஹோந்தி அத்த²காமா
ஹிதகாமா பா²ஸுகாமா யோக³க்கே²மகாமா மாதா வா பிதா வா பா⁴தா வா
ப⁴கி³னீ வா புத்தோ வா தீ⁴தா வா மித்தா வா அமச்சா வா ஞாதீ வா
ஸாலோஹிதா வா, இமே ஸத்தா பியா.

கதமே ஸங்கா²ரா பியா? மனாபிகா ரூபா மனாபிகா ஸத்³தா³ மனாபிகா
க³ந்தா⁴ மனாபிகா ரஸா மனாபிகா பொ²ட்ட²ப்³பா³, இமே ஸங்கா²ரா பியா.
பியவிப்பயோக³ங் விஜிகு³ச்ச²மானோதி பியானங் விப்பயோக³ங்
விஜிகு³ச்ச²மானோ அட்டியமானோ ஹராயமானோதி - பியவிப்பயோக³ங்
விஜிகு³ச்ச²மானோ, ஏகோ சரே க²க்³க³விஸாணகப்போ. தேனாஹ ஸோ
பச்சேகஸம்புத்³தோ⁴ -

“கி²ட்³டா³ ரதீ ஹோதி ஸஹாயமஜ்ஜே², புத்தேஸு ச விபுலங் ஹோதி
பேமங்;
பியவிப்பயோக³ங் விஜிகு³ச்ச²மானோ, ஏகோ சரே
க²க்³க³விஸாணகப்போ”தி.

128. சாதுத்³தி³ஸோ அப்படி⁴கோ⁴ ச ஹோதி, ஸந்துஸ்ஸமானோ
இதரீதரேன;
பரிஸ்ஸயானங் ஸஹிதா அச²ம்பீ⁴, ஏகோ சரே
க²க்³க³விஸாணகப்போ.

சாதுத்³தி³ஸோ அப்படி⁴கோ⁴ ச ஹோதீதி. சாதுத்³தி³ஸோதி ஸோ
பச்சேகஸம்புத்³தோ⁴ மெத்தாஸஹக³தேன சேதஸா ஏகங் தி³ஸங் ப²ரித்வா
விஹரதி, ததா² து³தியங், ததா² ததியங், ததா² சதுத்த²ங். இதி உத்³த⁴மதோ⁴
திரியங் ஸப்³பு³தி⁴ ஸப்³பு³த்ததாய ஸப்³பா³வந்தங் லோகங்
மெத்தாஸஹக³தேன சேதஸா விபுலேன மஹக்³க³தேன அப்பமானேன
அவேரேன அப்³யாபஜ்ஜேன [அப்³யாபஜ்ஜே²ன (ஸ்யா.) பஸ்ஸ தீ³. நி. 3.308]
ப²ரித்வா விஹரதி. கருணாஸஹக³தேன...பே... முதி³தாஸஹக³தேன...பே...
உபெக்கா²ஸஹக³தேன சேதஸா ஏகங் தி³ஸங் ப²ரித்வா விஹரதி, ததா²
து³தியங், ததா² ததியங்...பே... அப்³யாபஜ்ஜேன ப²ரித்வா விஹரதி.
சாதுத்³தி³ஸோ அப்படி⁴கோ⁴ ச ஹோதீதி மெத்தாய பா⁴விதத்தா யே
புரத்தி²மாய தி³ஸாய ஸத்தா தே அப்படிகூலா [அப்படி⁴குலா (பு³ஹு³ஸு)]
ஹொந்தி, யே த³க்கி²ணாய தி³ஸாய ஸத்தா தே அப்படிகூலா ஹொந்தி , யே
பச்சி²மாய தி³ஸாய ஸத்தா தே அப்படிகூலா ஹொந்தி, யே உத்தராய தி³ஸாய
ஸத்தா தே அப்படிகூலா ஹொந்தி, யே புரத்தி²மாய அனுதி³ஸாய ஸத்தா தே
அப்படிகூலா ஹொந்தி, யே த³க்கி²ணாய அனுதி³ஸாய ஸத்தா தே அப்படிகூலா
ஹொந்தி, யே பச்சி²மாய அனுதி³ஸாய ஸத்தா தே அப்படிகூலா ஹொந்தி, யே
உத்தராய அனுதி³ஸாய ஸத்தா தே அப்படிகூலா ஹொந்தி, யே ஹெட்டி²மாய
தி³ஸாய ஸத்தா தே அப்படிகூலா ஹொந்தி, யே உபரிமாய தி³ஸாய ஸத்தா
தே அப்படிகூலா ஹொந்தி, யே தி³ஸாஸு விதி³ஸாஸு ஸத்தா தே
அப்படிகூலா ஹொந்தி; கருணாய பா⁴விதத்தா முதி³தாய பா⁴விதத்தா
உபெக்கா²ய பா⁴விதத்தா யே புரத்தி²மாய தி³ஸாய ஸத்தா தே அப்படிகூலா
ஹொந்தி...பே... யே தி³ஸாஸு விதி³ஸாஸு ஸத்தா தே அப்படிகூலா
ஹொந்தீதி - சாதுத்³தி³ஸோ அப்படி⁴கோ⁴ ச ஹோதி.

ஸந்துஸ்ஸமானோ இதரீதரேனாதி ஸோ பச்சேகஸம்புத்³தோ⁴
ஸந்துட்டோ² ஹோதி இதரீதரேன சீவரேன, இதரீதரசீவரஸந்துட்டி²யா ச
வண்ணவாதீ³, ந ச சீவரஹேது அனேஸனங் அப்பதிருபங் [அப்படி⁴ருபங் (ஸ்யா.)]
ஆபஜ்ஜதி. அலத்³தா⁴ ச சீவரங் ந பரிதஸ்ஸதி, லத்³தா⁴ ச சீவரங்
அக³தி⁴தோ அமுச்சி²தோ அனஜ்ஜா²பஸன்னோ [அனஜ்ஜோ²பன்னோ (ஸ்யா.)]
ஆதீ³னவத³ஸ்ஸாவீ நிஸ்ஸரணபஞ்ஞோ பரிபு⁴ஞ்ஜதி. தாய ச பன
இதரீதரசீவரஸந்துட்டி²யா நேவத்தானுக்கங்ஸேதி ந பரங் வம்பே⁴தி. யோ ஹி
தத்த² த³க்கோ² அனலஸோ ஸம்பஜானோ பதிஸ்ஸதோ, அயங் வுச்சதி

பச்சேகஸம்பு³த்³தோ⁴ போராணே அக்³க்³ஞ்ஞே அரியவங்ஸே டி²தோ.
ஸந்துட்டோ² ஹோதி இதரீதரேன பிண்ட³பாதேன...பே...

ஸந்துட்டோ² ஹோதி இதரீதரேன ஸேனாஸனேன...பே... ஸந்துட்டோ²
ஹோதி இதரீதரேன கி³லானபச்சயபே⁴ஸஜ்ஜபரிக்கா²ரேன,
இதரீதரகி³லானபச்சயபே⁴ஸஜ்ஜபரிக்கா²ரஸந்துட்டி²யா ச வண்ணவாதீ³, ந ச
கி³லானபச்சயபே⁴ஸஜ்ஜபரிக்கா²ரஹேது அனேஸனங் அப்பதிருபங் ஆபஜ்ஜதி.
அலத்³தா⁴ ச கி³லானபச்சயபே⁴ஸஜ்ஜபரிக்கா²ரானங் ந பரிதஸ்ஸதி. லத்³தா⁴
ச கி³லானபச்சயபே⁴ஸஜ்ஜபரிக்கா²ரங் அக்³தி⁴தோ அமுச்சி²தோ
அனஜ்ஜா²பன்னோ ஆதீ³னவத்³ஸ்ஸாவீ நிஸ்ஸரணபஞ்ஞோ பரிபு⁴ஞ்ஜதி. தாய
ச இதரீதரகி³லானபச்சயபே⁴ஸஜ்ஜபரிக்கா²ரஸந்துட்டி²யா
நேவத்தானுக்கங்ஸேதி ந பரங் வம்பே⁴தி. யோ ஹி தத்த² துக்கோ²
அனலஸோ ஸம்பஜானோ பதிஸ்ஸதோ, அயங் வச்சதி பச்சேகஸம்பு³த்³தோ⁴
போராணே அக்³க்³ஞ்ஞே அரியவங்ஸே டி²தோதி - ஸந்துஸ்ஸமானோ
இதரீதரேன.

பரிஸ்ஸயானங் ஸஹிதா அசு²ம்பீ⁴தி. பரிஸ்ஸயாதி த்³வே பரிஸ்ஸயா -
பாகடபரிஸ்ஸயா ச படிச்ச²ன்னபரிஸ்ஸயா ச. கதமே பாகடபரிஸ்ஸயா?
ஸீஹா ப்³யக்³கா⁴ தீ³பீ அச்சா² தரச்சா² கோகா மஹிங்ஸா [கோ³மஹிஸா
(ஸ்யா.) மஹானி. 5] ஹத்தீ² அஹீ விச்சி²கா ஸதபதீ³, சோரா வா அஸ்ஸு
மானவா வா கதகம்மா வா அகதகம்மா வா, சக்கு²ரோகோ³ ஸோதரோகோ³
கா⁴னரோகோ³ ஜிவ்ஹாரோகோ³ காயரோகோ³ ஸீஸரோகோ³ கண்ணரோகோ³
முக²ரோகோ³ த்³ந்தரோகோ³ காலோ ஸாலோ பினாலோ டா³ஹோ ஜரோ
குச்சி²ரோகோ³ முச்சா² பக்க²ந்தி³கா ஸாலா விஸூசிகா குட்ட²ங் க்³ண்டோ³
கிலாலோ ஸோஸோ அபமாரோ த்³த்³து³ கண்டு³ கச்ச² ரக²ஸா விதச்சி²கா
லோஹிதபித்தங் மது⁴மேஹோ அங்ஸா பிளகா ப⁴க்³ந்த³லா,
பித்தஸமுட்டா²னா ஆபா³தா⁴ ஸெம்ஹஸமுட்டா²னா ஆபா³தா⁴
வாதஸமுட்டா²னா ஆபா³தா⁴ ஸன்னிபாதிகா ஆபா³தா⁴ உதுபரிணாமஜா
ஆபா³தா⁴ விஸமபரிஹாரஜா ஆபா³தா⁴ ஓபக்கமிகா ஆபா³தா⁴
கம்மவிபாகஜா ஆபா³தா⁴, ஸீதங் உண்ணங் ஜிக⁴ச்சா² பிபாஸா உச்சாரோ
பஸ்ஸாவோ ட³ங்ஸமகஸவாதாதபஸரீஸபஸம்ப²ஸ்ஸா இதி வா. இமே
வுச்சந்தி பாகடபரிஸ்ஸயா.

கதமே படிச்ச²ன்னபரிஸ்ஸயா? காயது³ச்சரிதங் வசீது³ச்சரிதங்
மனோது³ச்சரிதங் காமச்ச²ந்த³னீவரணங் ப்³யாபாத³னீவரணங்
தி²னமித்³த⁴னீவரணங் உத்³த⁴ச்சகுக்குச்சனீவரணங் விசிகிச்சா²னீவரணங்
ராகோ³ தோ³ஸோ மோஹோ கோதோ⁴ உபனாஹோ மக்கோ² பளாஸோ
இஸ்ஸா மச்ச²ரியங் மாயா ஸாடெ²ய்யங் த²ம்போ⁴ ஸாரம்போ⁴ மானோ
அதிமானோ மதோ³ பமாதோ³, ஸப்³பே³ கிலேஸா ஸப்³பே³ து³ச்சரிதா ஸப்³பே³

த³ரதா² ஸப்³பே³ பரிளாஹா ஸப்³பே³ ஸந்தாபா ஸப்³பா³குஸலாபி⁴ஸங்கா²ரா.
இமே வுச்சந்தி படிச்ச²ன்னபரிஸ்ஸயா.

பரிஸ்ஸயாதி கேனட்டே²ன பரிஸ்ஸயா? பரிஸஹந்தீதி பரிஸ்ஸயா,
பரிஹானாய ஸங்வத்தந்தீதி பரிஸ்ஸயா, தத்ராஸயாதி பரிஸ்ஸயா. கத²ங்
பரிஸஹந்தீதி பரிஸ்ஸயா? தே பரிஸ்ஸயா தங் புக்³க³லங் ஸஹந்தி
பரிஸஹந்தி அபி⁴ப⁴வந்தி அஜ்ஜொ²த்த²ரந்தி பரியாதி³யந்தி மத்³த³ந்தி. ஏவங்
பரிஸஹந்தீதி - பரிஸ்ஸயா.

கத²ங் பரிஹானாய ஸங்வத்தந்தீதி பரிஸ்ஸயா? தே பரிஸ்ஸயா
குஸலானங் த⁴ம்மானங் அந்தராயாய பரிஹானாய ஸங்வத்தந்தி. கதமேஸங்
குஸலானங் த⁴ம்மானங்? ஸம்மாபடிபதா³ய அனுலோமபடிபதா³ய
அபச்சனீகபடிபதா³ய அன்வத்த²படிபதா³ய த⁴ம்மானுத⁴ம்மபடிபதா³ய ஸீலேஸு
பரிபூரகாரிதாய இந்த³ரியேஸு குத்தத்³வாரதாய போ⁴ஜனே மத்தஞ்ஞதாய
ஜாக³ரியானுயோக³ஸ்ஸ ஸதிஸம்பஜஞ்ஞஸ்ஸ சதுன்னங் ஸதிபட்டா²னானங்
பா⁴வனானுயோக³ஸ்ஸ, சதுன்னங் ஸம்மப்பதா⁴னானங்... சதுன்னங்
இத்³தி⁴பாதா³னங்... பஞ்சன்னங் இந்த³ரியானங்... பஞ்சன்னங் ப³லானங்...
ஸத்தன்னங் பொ³ஜ்ஜங்கா³னங்... அரியஸ்ஸ அட்ட²ங்கி³கஸ்ஸ மக்³க³ஸ்ஸ
பா⁴வனானுயோக³ஸ்ஸ - இமேஸங் குஸலானங் த⁴ம்மானங் அந்தராயாய
பரிஹானாய ஸங்வத்தந்தி. ஏவங் பரிஹானாய ஸங்வத்தந்தீதி - பரிஸ்ஸயா.

கத²ங் தத்ராஸயாதி பரிஸ்ஸயா? தத்தே²தே [தத்ர தே (க.)] பாபகா
அகுஸலா த⁴ம்மா உப்பஜ்ஜந்தி அத்தபா⁴வஸன்னிஸ்ஸயா. யதா² பி³லே
பி³லாஸயா பாணா ஸயந்தி, த³கே த³காஸயா [உத³கே உத³காஸயா (ஸ்யா.)]
பாணா ஸயந்தி, வனே வனாஸயா பாணா ஸயந்தி , ருக்கே² ருக்கா²ஸயா
பாணா ஸயந்தி; ஏவமேவ தத்தே²தே பாபகா அகுஸலா த⁴ம்மா உப்பஜ்ஜந்தி
அத்தபா⁴வஸன்னிஸ்ஸயாதி. ஏவம்பி தத்ராஸயாதி - பரிஸ்ஸயா.

வுத்தஞ்ஹேதங் ப⁴க³வதா - “ஸாந்தேவாஸிகோ, பி⁴க்க²வே, பி⁴க்கு²
ஸாசரியகோ து³க்க²ங் ந பா²ஸு விஹரதி. கத²ஞ்ச, பி⁴க்க²வே, பி⁴க்கு²
ஸாந்தேவாஸிகோ ஸாசரியகோ து³க்க²ங் ந பா²ஸு விஹரதி? இத⁴,
பி⁴க்க²வே, பி⁴க்கு² சக்கு²னா ரூபங் தி³ஸ்வா உப்பஜ்ஜந்தி யே பாபகா
அகுஸலா த⁴ம்மா, ஸரஸங்கப்பா ஸங்ஞ்ஞோஜனீயா [ஸஞ்ஞோஜனிகா (க.)],
த்யஸ்ஸ அந்தோ வஸந்தி அன்வாஸ்ஸவந்தி பாபகா அகுஸலா த⁴ம்மாதி.
தஸ்மா ஸாந்தேவாஸிகோ வுச்சதி. தேன ஸமுதா³சரேன ஸமுதா³சரந்தி நங்
பாபகா அகுஸலா த⁴ம்மாதி. தஸ்மா ஸாசரியகோதி வுச்சதி.

“புன சபரங், பி⁴க்க²வே, பி⁴க்கு²னோ ஸோதேன ஸத்³த³ங் ஸுத்வா...பே...
கா⁴னேன க³ந்த⁴ங் கா⁴யித்வா...பே... ஜிவ்ஹாய ரஸங் ஸாயித்வா...பே...

காயேன பொ²ட்ட²ப³ப³ங் பு²ஸித்வா...பே... மனஸா த⁴ம்மங் விஞ்ஞாய
 உப்பஜ்ஜந்தி யே பாபகா அகுஸலா த⁴ம்மா ஸரஸங்கப்பா ஸங்யோஜனீயா,
 த்யஸ்ஸ அந்தோ வஸந்தி அன்வாஸ்ஸவந்தி பாபகா அகுஸலா த⁴ம்மாதி.
 தஸ்மா ஸாந்தேவாஸிகோதி வுச்சதி. தேன ஸமுதா³சரேன ஸமுதா³சரந்தி நங்
 பாபகா அகுஸலா த⁴ம்மாதி. தஸ்மா ஸாசரியகோதி வுச்சதி. ஏவங் கோ²,
 பி⁴க்க²வே, பி⁴க்கு² ஸாந்தேவாஸிகோ ஸாசரியகோ து³க்க²ங் ந பா²ஸு
 விஹரதி²தி. ஏவம்பி, தத்ராஸயாதி - பரிஸ்ஸயா.

வுத்தஞ்ஹேதங் ப⁴க³வதா - “தயோமே, பி⁴க்க²வே, அந்தராமலா
 அந்தராமித்தா அந்தராஸபத்தா அந்தராவத⁴கா அந்தராபச்சத்தி²கா. கதமே
 தயோ ? லோபோ⁴, பி⁴க்க²வே, அந்தராமலோ [அந்தராமலங் (ஸ்யா. க.)
 பஸ்ஸ இதிவு. 88] அந்தராமித்தோ அந்தராஸபத்தோ அந்தராவத⁴கோ
 அந்தராபச்சத்தி²கோ, தோ³ஸோ, பி⁴க்க²வே...பே... மோஹோ, பி⁴க்க²வே,
 அந்தராமலோ அந்தராமித்தோ அந்தராஸபத்தோ அந்தராவத⁴கோ
 அந்தராபச்சத்தி²கோ. இமே கோ², பி⁴க்க²வே, தயோ அந்தராமலா
 அந்தராமித்தா அந்தராஸபத்தா அந்தராவத⁴கா அந்தராபச்சத்தி²கா”தி.

அனத்த²ஜனநோ லோபோ⁴, லோபோ⁴ சித்தப்பகோபனோ;
 ப⁴யமந்தரதோ ஜாதங், தங் ஜனோ நாவபு³ஜ்ஜ²தி.

லுத்³தோ⁴ அத்த²ங் ந ஜானாதி, லுத்³தோ⁴ த⁴ம்மங் ந பஸ்ஸதி;
 அந்த⁴தமங் ததா³ ஹோதி, யங் லோபோ⁴ ஸஹதே நரங்.

அனத்த²ஜனநோ தோ³ஸோ, தோ³ஸோ சித்தப்பகோபனோ;
 ப⁴யமந்தரதோ ஜாதங், தங் ஜனோ நாவபு³ஜ்ஜ²தி.

து³ட்டோ² அத்த²ங் ந ஜானாதி, து³ட்டோ² த⁴ம்மங் ந பஸ்ஸதி;
 அந்த⁴தமங் ததா³ ஹோதி, யங் தோ³ஸோ ஸஹதே நரங்.

அனத்த²ஜனநோ மோஹோ, மோஹோ சித்தப்பகோபனோ;
 ப⁴யமந்தரதோ ஜாதங், தங் ஜனோ நாவபு³ஜ்ஜ²தி.

மூள்ஹோ அத்த²ங் ந ஜானாதி, மூள்ஹோ த⁴ம்மங் ந பஸ்ஸதி;
 அந்த⁴தமங் ததா³ ஹோதி, யங் மோஹோ ஸஹதே நரந்தி.

ஏவம்பி, தத்ராஸயாதி - பரிஸ்ஸயா.

வுத்தஞ்ஹேதங் ப⁴க³வதா - “தயோ கோ², மஹாராஜ, புரிஸஸ்ஸ த⁴ம்மா
 அஜ்ஜத்தங் உப்பஜ்ஜமானா உப்பஜ்ஜந்தி அஹிதாய து³க்கா²ய
 அபா²ஸுவிஹாராய . கதமே தயோ? லோபோ⁴ கோ², மஹாராஜ, புரிஸஸ்ஸ
 த⁴ம்மோ அஜ்ஜத்தங் உப்பஜ்ஜமானோ உப்பஜ்ஜதி அஹிதாய து³க்கா²ய

அபா²ஸுவிஹாராய; தோ³ஸோ கோ², மஹாராஜ...பே... மோஹோ கோ²,
மஹாராஜ, புரிஸஸ்ஸ த⁴ம்மோ அஜ்ஜ²த்தங் உப்பஜ்ஜமானோ உப்பஜ்ஜதி
அஹிதாய து³க்கா²ய அபா²ஸுவிஹாராய. இமே கோ², மஹாராஜ, தயோ
புரிஸஸ்ஸ த⁴ம்மா அஜ்ஜ²த்தங் உப்பஜ்ஜமானா உப்பஜ்ஜந்தி அஹிதாய
து³க்கா²ய அபா²ஸுவிஹாராய.

“லோபோ⁴ தோ³ஸோ ச மோஹோ ச, புரிஸங் பாபசேதஸங்;
ஹிங்ஸந்தி அத்தஸம்பு⁴தா, தசஸாரங்வ ஸம்ப²ல”ந்தி [ஸப²லந்தி (க.)
பஸ்ஸ இதிவு. 50].

ஏவம்பி, தத்ராஸயாதி - பரிஸ்ஸயா.

வுத்தஞ்ஹேதங் ப⁴க³வதா -

“ராகோ³ ச தோ³ஸோ ச இதோனிதா³னா, அரதீ ரதீ லோமஹங்ஸோ
இதோஜா;
இதோ ஸமுட்டா²ய மனோவிதக்கா, குமாரகா
த⁴ங்கமிவொஸ்ஸஜந்தீ”தி [சங்கமிவொஸ்ஸஜ்ஜந்தீதி (ஸ்யா. க.)
பஸ்ஸ ஸு. நி. 273-274].

ஏவம்பி, தத்ராஸயாதி - பரிஸ்ஸயா.

பரிஸ்ஸயானங் ஸஹிதாதி பரிஸ்ஸயே ஸஹிதா ஆராதி⁴தா
அஜ்ஜொ²த்த²ரிதா பரியாதி³தா படினிஸ்ஸதாதி - பரிஸ்ஸயானங் ஸஹிதா.
அச²ம்பீ⁴தி ஸோ பச்சேகஸம்பு³த்தோ⁴ அபீ⁴ரு அச்ச²ம்பீ⁴ அனுத்ராஸீ
அபலாயீ பஹீனப⁴யபே⁴ரவோ விக³தலோமஹங்ஸோ விஹரதீதி -
பரிஸ்ஸயானங் ஸஹிதா அச்ச²ம்பீ⁴, ஏகோ சரே க²க்³க³விஸாணகப்போ.
தேனாஹ ஸோ பச்சேகஸம்பு³த்தோ⁴ -

“சாதுத்³தி³ஸோ அப்படிகோ⁴ ச ஹோதி, ஸந்துஸ்ஸமானோ
இதரீதரேன;
பரிஸ்ஸயானங் ஸஹிதா அச²ம்பீ⁴, ஏகோ சரே
க²க்³க³விஸாணகப்போ”தி.

129. து³ஸ்ஸங்க³ஹா பப்³ப³ஜிதாபி ஏகே, அதோ² க³ஹட்டா²
க⁴ரமாவஸந்தா;
அப்பொஸ்ஸுக்கோ பரபுத்தேஸு ஹுத்வா, ஏகோ சரே
க²க்³க³விஸாணகப்போ.

து³ஸ்ஸங்க³ஹா பப்³புஜிதாபி ஏகேதி பப்³புஜிதாபி இதே⁴கச்சே
 நிஸ்ஸயேபி தி³ய்யமானே உத்³தே³ஸேபி தி³ய்யமானே பரிபுச்சா²யபி
 [பரிபுச்சே²பி (க.)] தி³ய்யமானே சீவரேபி தி³ய்யமானே பத்தேபி தி³ய்யமானே
 லோஹதா²லகேபி தி³ய்யமானே த⁴ம்மகரணேபி [த⁴ம்மகரகேபி (ஸ்யா.)]
 தி³ய்யமானே பரிஸ்ஸாவனேபி தி³ய்யமானே த²விகேபி தி³ய்யமானே
 உபாஹனேபி தி³ய்யமானே காயப³ந்த⁴னேபி தி³ய்யமானே ந ஸுணந்தி ந
 ஸோதங் ஓத³ஹந்தி ந அஞ்ஞாசித்தங் உபட்ட²பெந்தி, அனஸ்ஸவா அவசனகரா
 படி³லோமவுத்தினோ அஞ்ஞேனேவ முக²ங் கரொந்தீதி - து³ஸ்ஸங்க³ஹா
 பப்³புஜிதாபி ஏகே.

அதோ² க³ஹட்டா² க⁴ரமாவஸந்தாதி க³ஹட்டா²பி இதே⁴கச்சே
 ஹத்தி²ம்ஹிபி தி³ய்யமானே...பே... ரதே²பி கெ²த்தேபி வத்து²ம்ஹிபி ஹிரஞ்ஞேபி
 ஸுவண்ணேபி தி³ய்யமானே கா³மேபி...பே... நிக³மேபி நக³ரேபி... ரட்டே²பி...
 ஜனபதே³பி தி³ய்யமானே ந ஸுணந்தி ந ஸோதங் ஓத³ஹந்தி ந அஞ்ஞாசித்தங்
 உபட்ட²பெந்தி, அனஸ்ஸவா அவசனகரா படி³லோமவுத்தினோ அஞ்ஞேனேவ
 முக²ங் கரொந்தீதி - அதோ² க³ஹட்டா² க⁴ரமாவஸந்தா.

அப்பொஸ்ஸுக்கோ பரபுத்தேஸு ஹுத்வாதி அத்தானங் ட²பெத்வா
 ஸப்³பே³ இமஸ்மிங் அத்தே² பரபுத்தா. தேஸு பரபுத்தேஸு அப்பொஸ்ஸுக்கோ
 ஹுத்வா அப்³யாவடோ ஹுத்வா அனபெக்கோ² ஹுத்வாதி -
 அப்பொஸ்ஸுக்கோ பரபுத்தேஸு ஹுத்வா, ஏகோ சரே க²க்³க³விஸாணகப்போ.
 தேனாஹ ஸோ பச்சேகஸம்புத்³தோ⁴ -

“து³ஸ்ஸங்க³ஹா பப்³புஜிதாபி ஏகே, அதோ² க³ஹட்டா²
 க⁴ரமாவஸந்தா;
 அப்பொஸ்ஸுக்கோ பரபுத்தேஸு ஹுத்வா, ஏகோ சரே
 க²க்³க³விஸாணகப்போ”தி.

130. ஓரோபயித்வா [வோரோபயித்வா (ஸ்யா.)] கி³ஹிப்³யஞ்ஜனானி,
 ஸஞ்சி²ன்னபத்தோ [ஸங்ஸீனபத்தோ (ஸீ. அட்ட².)] யதா²
 கோவிளாரோ;
 செ²த்வான வீரோ கி³ஹிப்³ந்த⁴னானி, ஏகோ சரே
 க²க்³க³விஸாணகப்போ.

ஓரோபயித்வா கி³ஹிப்³யஞ்ஜனானீதி கி³ஹிப்³யஞ்ஜனானி வச்சந்தி கேஸா
 ச மஸ்ஸு ச மாலா ச க³ந்த⁴ஞ்ச விலேபனஞ்ச ஆப⁴ரணஞ்ச பிலந்த⁴னஞ்ச
 வத்த²ஞ்ச பாருபனஞ்ச வேட²னஞ்ச உச்சா²த³னங் பரிமத்³த³னங் ந்ஹாபனங்
 [ந்ஹாபனங் (ஸ்யா.)] ஸம்பா³ஹனங் ஆதா³ஸங் அஞ்ஜனங்
 மாலாக³ந்த⁴விலேபனங் முக²சுண்ணங் முக²லேபனங் ஹத்த²ப³ந்த⁴ங்

ஸிகா²ப³ந்த்⁴ங் த³ண்ட³ங் நாளிகங் [நூலிகங் (க.) பஸ்ஸ தீ³. நி. 1.16] க²க்³க³ங்
ச²த்தங் சித்ருபாஹனங் உண்ஹீஸங் மணிங் வாஸபீஜனிங் ஓதா³தானி
வத்தா²னி தீ³க⁴த³ஸானி [தீ³க⁴ரஸ்ஸானி (ஸ்யா.)] இதி வா. ஓரோபயித்வா
கி³ஹிப்³யஞ்ஜனானீதி கி³ஹிப்³யஞ்ஜனானி ஓரோபயித்வா ஸமோரோபயித்வா
நிக்கி²பித்வா படிபஸ்ஸம்ப⁴யித்வாதி - ஓரோபயித்வா கி³ஹிப்³யஞ்ஜனானி.

ஸஞ்சி²ன்னபத்தோ யதா² கோவிளாரோதி யதா² கோவிளாரஸ்ஸ பத்தானி
சி²ன்னானி ஸஞ்சி²ன்னானி பதிதானி பரிபதிதானி, ஏவமேவ தஸ்ஸ
பச்சேகஸம்பு³த்த⁴ஸ்ஸ கி³ஹிப்³யஞ்ஜனானி சி²ன்னானி ஸஞ்சி²ன்னானி
பதிதானீதி - ஸஞ்சி²ன்னபத்தோ யதா² கோவிளாரோ.

செ²த்வான வீரோ கி³ஹிப³ந்த்⁴னானீதி. வீரோதி வீரியவாதி வீரோ,
பஹுதி வீரோ, விஸவீதி வீரோ, அலமத்தோதி வீரோ, ஸுரோதி வீரோ,
விக்ஶந்தோ அபீ⁴ரு அச்ச²ம்பீ⁴ அனுத்ராஸீ அபலாயீ பஹீனப⁴யபே⁴ரவோதி
வீரோ, விக³தலோமஹங்ஸோதி வீரோ.

விரதோ இத⁴ [ஆரதோ இதே⁴வ (ஸ்யா.) பஸ்ஸ ஸு. நி. 536]

ஸப்³ப³பாகேஹி, நிரயது³க்க²ங் அதிச்ச வீரியவா ஸோ;

ஸோ வீரியவா பதா⁴னவா, தீ⁴ரோ [வீரோ (ஸ்யா. க.) பஸ்ஸ ஸு. நி.
536] தாதி³ பவுச்சதே தத²த்தா.

கி³ஹிப³ந்த்⁴னானி வுச்சந்தி புத்தா ச ப⁴ரியா ச தா³ஸா ச தா³ஸீ ச
அஜேளகா ச குக்குடஸூகரா ச ஹத்தி²க³வாஸ்ஸவளவா ச கெ²த்தஞ்ச வத்து²
ச ஹிரஞ்ஞஞ்ச ஸுவண்ணஞ்ச கா³மனிக³மராஜதா⁴னியோ ச ரட்ட²ஞ்ச
ஜனபதோ³ ச கோஸோ ச கொட்டா²கா³ரஞ்ச, யங் கிஞ்சி ரஜனீயவத்து².

செ²த்வான வீரோ கி³ஹிப³ந்த்⁴னானீதி ஸோ பச்சேகஸம்பு³த்தோ⁴
வீரோ கி³ஹிப³ந்த்⁴னானி சி²ந்தி³த்வா ஸமுச்சி²ந்தி³த்வா ஜஹித்வா
வினோதெ³த்வா ப்³யந்தீகரித்வா அனபா⁴வங் க³மெத்வாதி - செ²த்வான வீரோ
கி³ஹிப³ந்த்⁴னானி, ஏகோ சரே க²க்³க³விஸாணகப்போ. தேனாஹ ஸோ
பச்சேகஸம்பு³த்தோ⁴ -

“ஓரோபயித்வா கி³ஹிப்³யஞ்ஜனானி, ஸஞ்சி²ன்னபத்தோ யதா²
கோவிளாரோ,
செ²த்வான வீரோ கி³ஹிப³ந்த்⁴னானி;
ஏகோ சரே க²க்³க³விஸாணகப்போ”தி.

பட²மோ வக்³கோ³.

து³தியவக்³கோ³

131. ஸசே லபே⁴த² நிபகங் ஸஹாயங், ஸத்³தி⁴ங் சரங்
ஸாது⁴விஹாரி தீ⁴ரங்;
அபி⁴பு⁴ய்ய ஸப்³பா³னி பரிஸ்ஸயானி, சரெய்ய தேனத்தமனோ
ஸதீமா.

ஸசே லபே⁴த² நிபகங் ஸஹாயந்தி ஸசே நிபகங் பண்டி³தங்
பஞ்ஞவந்தங் பு³த்³தி⁴மந்தங் ஞாணிங் விபா⁴விங் மேதா⁴விங் ஸஹாயங்
லபே⁴ய்ய படிஸபே⁴ய்ய அதி⁴க³ச்செ²ய்ய விந்தெ³ய்யாதி - ஸசே லபே⁴த²
நிபகங் ஸங்ஹாயங்.

ஸத்³தி⁴ங் சரங் ஸாது⁴விஹாரி தீ⁴ரந்தி. ஸத்³தி⁴ங் சரந்தி ஏகதோ
சரங். ஸாது⁴விஹாரிந்தி பட²மேனபி ஜா²னேன ஸாது⁴விஹாரிங்,
து³தியேனபி ஜா²னேன... ததியேனபி ஜா²னேன... சதுத்தே²னபி ஜா²னேன
ஸாது⁴விஹாரிங், மெத்தாயபி சேதோவிமுத்தியா ஸாது⁴விஹாரிங்,
கருணாயபி...பே... முதி³தாயபி... உபெக்காயபி சேதோவிமுத்தியா
ஸாது⁴விஹாரிங், ஆகாஸானஞ்சாயதனஸமாபத்தியாபி ஸாது⁴விஹாரிங் ,
விஞ்ஞாணஞ்ச ஆயதனஸமாபத்தியாபி...பே...
ஆகிஞ்சஞ்ஞாயதனஸமாபத்தியாபி...பே...
நேவஸஞ்ஞானாஸஞ்ஞாயதனஸமாபத்தியாபி ஸாது⁴விஹாரிங்,
நிரோத⁴ஸமாபத்தியாபி ஸாது⁴விஹாரிங், ப²லஸமாபத்தியாபி
ஸாது⁴விஹாரிங். தீ⁴ரந்தி தீ⁴ரங் பண்டி³தங் பஞ்ஞவந்தங் பு³த்³தி⁴மந்தங்
ஞாணிங் விபா⁴விங் மேதா⁴விந்தி - ஸத்³தி⁴ங் சரங் ஸாது⁴விஹாரி
தீ⁴ரங்.

அபி⁴பு⁴ய்ய ஸப்³பா³னி பரிஸ்ஸயானீதி. பரிஸ்ஸயாதி த்³வே
பரிஸ்ஸயா - பாகடபரிஸ்ஸயா ச படிச்ச²ன்னபரிஸ்ஸயா ச...பே... இமே
வுச்சந்தி பாகடபரிஸ்ஸயா...பே... இமே வுச்சந்தி படிச்ச²ன்னபரிஸ்ஸயா...பே...
ஏவம்பி, தத்ராஸயாதி - பரிஸ்ஸயா. அபி⁴பு⁴ய்ய ஸப்³பா³னி
பரிஸ்ஸயானீதி ஸப்³பே³ பரிஸ்ஸயே அபி⁴பு⁴ய்ய அபி⁴ப⁴வித்வா
அஜ்ஜொ²த்த²ரித்வா பரியாதி³யித்வா மத்³தி³த்வாதி - அபி⁴பு⁴ய்ய ஸப்³பா³னி
பரிஸ்ஸயானி.

சரெய்ய தேனத்தமனோ ஸதீமாதி ஸோ பச்சேகஸம்பு³த்³தோ⁴ தேன
நிபகேன பண்டி³தேன பஞ்ஞவந்தேன பு³த்³தி⁴மந்தேன ஞாணிநா விபா⁴விநா
மேதா⁴விநா ஸஹாயேன ஸத்³தி⁴ங் அத்தமனோ துட்ட²மனோ
ஹட்ட²மனோ பஹட்ட²மனோ உத³க்³மனோ முதி³தமனோ சரெய்ய
விஹரெய்ய இரியெய்ய வத்தெய்ய பாலெய்ய யபெய்ய யாபெய்யாதி - சரெய்ய
தேனத்தமனோ. ஸதீமாதி ஸோ பச்சேகஸம்பு³த்³தோ⁴ ஸதிமா ஹோதி
பரமேன ஸதினேபக்கேன ஸமன்னாக³தோ, சிரகதம்பி சிரபா⁴ஸிதம்பி ஸரிதா

அனுஸ்ஸரிதாதி - சரெய்ய தேனத்தமனோ ஸதீமா. தேனாஹ ஸோ
பச்சேகஸம்புத்³தோ⁴ -

“ஸசே லபே⁴த² நிபகங் ஸஹாயங், ஸத்³தி⁴ங் சரங் ஸாது⁴விஹாரி
தீ⁴ரங்;
அபி⁴பு⁴ய்ய ஸப்³பா³னி பரிஸ்ஸயானி, சரெய்ய தேனத்தமனோ
ஸதீமா”தி.

132. நோ சே லபே⁴த² நிபகங் ஸஹாயங், ஸத்³தி⁴ங் சரங்
ஸாது⁴விஹாரி தீ⁴ரங்;
ராஜாவ ரட்ட²ங் விஜிதங் பஹாய, ஏகோ சரே க²க்³க³விஸாணகப்போ.

நோ சே லபே⁴த² நிபகங் ஸஹாயந்தி நோ சே நிபகங் பண்டி³தங்
பஞ்ஞவந்தங் புத்³தி⁴மந்தங் ஞாணிங் விபா⁴விங் மேதா⁴விங் ஸஹாயங்
லபெ⁴ய்ய படி³லபெ⁴ய்ய அதி⁴க³ச்செ²ய்ய விந்தெ³ய்யாதி - நோ சே லபே⁴த²
நிபகங் ஸஹாயங்.

ஸத்³தி⁴ங் சரங் ஸாது⁴விஹாரி தீ⁴ரந்தி. ஸத்³தி⁴ங் சரந்தி ஏகதோ
சரங். ஸாது⁴விஹாரிந்தி பட²மேனபி ஜா²னேன ஸாது⁴விஹாரிங்...பே...
நிரோத⁴ஸமாபத்தியாபி ஸாது⁴விஹாரிங், ப²லஸமாபத்தியாபி
ஸாது⁴விஹாரிங். தீ⁴ரந்தி தீ⁴ரங் பண்டி³தங் பஞ்ஞவந்தங் புத்³தி⁴மந்தங்
ஞாணிங் விபா⁴விங் மேதா⁴விந்தி - ஸத்³தி⁴ங் சரங் ஸாது⁴விஹாரி
தீ⁴ரங்.

ராஜாவ ரட்ட²ங் விஜிதங் பஹாயாதி ராஜா க²த்தியோ
முத்³தா⁴பி⁴ஸித்தோ விஜிதஸங்கா³மோ நிஹதபச்சாமித்தோ
லத்³தா⁴தி⁴ப்பாயோ பரிபுண்ணகோஸகொட்டா²கா³ரோ ரட்ட²ஞ்ச ஜனபத³ஞ்ச
கோஸஞ்ச கொட்டா²கா³ரஞ்ச பஹுதஹிரஞ்ஞஸுவண்ணங் நக³ரஞ்ச
பரிச்சஜித்வா கேஸமஸ்ஸுங் ஓஹாரெத்வா காஸாயானி வத்தா²னி
அச்சா²தெ³த்வா அகா³ரஸ்மா அனகா³ரியங் பப்³ப³ஜித்வா அகிஞ்சனபா⁴வங்
உபக³ந்த்வா ஏகோ சரதி விஹரதி இரியதி வத்தேதி பாலேதி யபேதி யாபேதி.
ஏவங் பச்சேகஸம்புத்³தோ⁴பி ஸப்³ப³ங் க⁴ராவாஸபலிபோ³த⁴ங் சி²ந்தி³த்வா
புத்ததா³ரபலிபோ³த⁴ங் சி²ந்தி³த்வா ஞாதிபலிபோ³த⁴ங் சி²ந்தி³த்வா
மித்தாமச்சபலிபோ³த⁴ங் சி²ந்தி³த்வா கேஸமஸ்ஸுங் ஓஹாரெத்வா
காஸாயானி வத்தா²னி அச்சா²தெ³த்வா அகா³ரஸ்மா அனகா³ரியங் பப்³ப³ஜித்வா
அகிஞ்சனபா⁴வங் உபக³ந்த்வா ஏகோ சரதி விஹரதி இரியதி வத்தேதி பாலேதி
யபேதி யாபேதி - ராஜாவ ரட்ட²ங் விஜிதங் பஹாய, ஏகோ சரே
க²க்³க³விஸாணகப்போ. தேனாஹ ஸோ பச்சேகஸம்புத்³தோ⁴ -

“நோ சே லபே⁴த² நிபகங் ஸஹாயங், ஸத்³தி⁴ங் சரங்
ஸாது⁴விஹாரி தீ⁴ரங்;
ராஜாவ ரட்ட²ங் விஜிதங் பஹாய, ஏகோ சரே க²க்³க³விஸாணகப்போ”தி.

133. அத்தா⁴ பஸங்ஸாம ஸஹாயஸம்பத³ங், ஸெட்டா² ஸமா
ஸேவிதப்³பா³ ஸஹாயா;
ஏதே அலத்தா⁴ அனவஜ்ஜபோ⁴ஜீ, ஏகோ சரே
க²க்³க³விஸாணகப்போ.

அத்தா⁴ பஸங்ஸாம ஸஹாயஸம்பத³ந்தி. அத்தா⁴தி ஏகங்ஸவசனங்
நிஸ்ஸங்ஸயவசனங் நிக்கங்க²வசனங் அத்³வெஜ்ஜ²வசனங்
அத்³வெஹகவசனங் நியோக³வசனங் அபண்ணகவசனங் அவிரத்³த⁴வசனங்
அவத்தா²பனவசனமேதங் - அத்தா⁴தி. ஸஹாயஸம்பத³ந்தி ஸஹாயஸம்பதா³
வுச்சதி யோ ஸோ ஸஹாயோ அஸெக்கே²ன ஸீலக்க²ந்தே⁴ன
ஸமன்னாக³தோ ஹோதி, அஸெக்கே²ன ஸமாதி⁴க்க²ந்தே⁴ன... அஸெக்கே²ன
பஞ்ஞாக்க²ந்தே⁴ன ... அஸெக்கே²ன விமுத்திக்க²ந்தே⁴ன... அஸெக்கே²ன
விமுத்திஞாணத³ஸ்ஸனக்க²ந்தே⁴ன ஸமன்னாக³தோ ஹோதி. அத்தா⁴
பஸங்ஸாம ஸஹாயஸம்பத³ந்தி ஸஹாயஸம்பத³ங் பஸங்ஸாம தோ²மேம
கித்தேம வண்ணேமாதி - அத்தா⁴ பஸங்ஸாம ஸஹாயஸம்பத³ங்.

ஸெட்டா² ஸமா ஸேவிதப்³பா³ ஸஹாயாதி ஸெட்டா² ஹொந்தி
ஸஹாயா ஸீலேன ஸமாதி⁴னா பஞ்ஞாய விமுத்தியா
விமுத்திஞாணத³ஸ்ஸனேன; ஸமா ஸதி³ஸா ஹொந்தி ஸஹாயா ஸீலேன
ஸமாதி⁴னா பஞ்ஞாய விமுத்தியா விமுத்திஞாணத³ஸ்ஸனேன. ஸெட்டா²
வா ஸஹாயா ஸதி³ஸா வா ஸஹாயா ஸேவிதப்³பா³ ப⁴ஜிதப்³பா³
பயிருபாஸிதப்³பா³ பரிபுச்சிதப்³பா³ பரிபஞ்ஹிதப்³பா³தி - ஸெட்டா² ஸமா
ஸேவிதப்³பா³ ஸஹாயா.

ஏதே அலத்தா⁴ அனவஜ்ஜபோ⁴ஜீதி அத்தி² புக்³க³லோ ஸாவஜ்ஜபோ⁴ஜீ
அத்தி² புக்³க³லோ அனவஜ்ஜபோ⁴ஜீதி. கதமோ ச புக்³க³லோ ஸாவஜ்ஜபோ⁴ஜீ?
இதே⁴கச்சோ புக்³க³லோ குஹனாய லபனாய நேமித்திகதாய நிப்பேஸிகதாய
லாபே⁴ன லாப⁴ங் நிஜிகீஸனதாய [\[நிஜிகிங்ஸனதாய \(ஸ்யா.\)\]](#) தா³ருதா³னேன
வேளுதா³னேன பத்ததா³னேன புப்பதா³னேன ப²லதா³னேன ஸினானதா³னேன
சுண்ணதா³னேன மத்திகாதா³னேன தந்தகட்ட²தா³னேன முகோ²த³கதா³னேன
சாடுகம்யதாய [\[பாதுகம்யதாய \(ஸ்யா.\)\]](#) மஹானி. 159] முக்³க³ஸூப்யதாய
[\[முக்³க³ஸூபதாய \(ஸ்யா.\)\]](#) பாரிப⁴ட்யதாய பீட²மத்³தி³கதாய வத்து²விஜ்ஜாய
திரச்சா²னவிஜ்ஜாய அங்க³விஜ்ஜாய நக்க²த்தவிஜ்ஜாய தூ³தக³மனேன
பஹிணக³மனேன ஜங்க⁴பேஸனியேன வேஜ்ஜகம்மேன நவகம்மேன
[\[தூ³தகம்மேன \(ஸ்யா. க.\)\]](#) மஹானி. 159] பிண்ட³படிபிண்ட³கேன

தா³னா³னுப்பதா³னேன , அத⁴ம்மேன விஸமேன லத்³தா⁴ லபி⁴த்வா
அதி⁴க³ந்த்வா விந்தி³த்வா படி⁴லபி⁴த்வா ஜீவிகங் [ஜீவிதங் (க.)] கப்பேதி. அயங்
வுச்சதி புக்³கலோ ஸாவஜ்ஜபோ⁴ஜீ.

கதமோ ச புக்³கலோ அனவஜ்ஜபோ⁴ஜீ? இதே⁴கச்சோ புக்³கலோ ந
குஹனாய ந லபனாய ந நேமித்திகதாய ந நிப்பேஸிகதாய ந லாபே⁴ன
லாப⁴ங் நிஜிகீஸனதாய ந தா³ருதா³னேன ந வேளுதா³னேன ந பத்ததா³னேன
ந புப்பதா³னேன ந ப²லதா³னேன ந ஸினானதா³னேன ந சுண்ணதா³னேன ந
மத்திகாதா³னேன ந த³ந்தகட்ட²தா³னேன ந முகோ²த³கதா³னேன ந
சாடுகம்யதாய ந முக்³கஸூப்யதாய ந பாரிப⁴ட்யதாய ந பீட²மத்³தி³கதாய ந
வத்து²விஜ்ஜாய ந திரச்சா²னவிஜ்ஜாய ந அங்க³விஜ்ஜாய ந நக்²த்தவிஜ்ஜாய ந
தூ³தக³மனேன ந பஹிணக³மனேன ந ஜங்க⁴பேஸனியேன ந வேஜ்ஜகம்மேன
ந நவகம்மேன ந பிண்ட³படிபிண்ட³கேன ந தா³னா³னுப்பதா³னேன, த⁴ம்மேன
ஸமேன லத்³தா⁴ லபி⁴த்வா அதி⁴க³ந்த்வா விந்தி³த்வா படி⁴லபி⁴த்வா
ஜீவிகங் கப்பேதி. அயங் வுச்சதி புக்³கலோ அனவஜ்ஜபோ⁴ஜீ.

ஏதே அலத்³தா⁴ அனவஜ்ஜபோ⁴ஜீதி ஏதே அனவஜ்ஜபோ⁴ஜீ அலத்³தா⁴
அலபி⁴த்வா அனதி⁴க³ந்த்வா அவிந்தி³த்வா அப்படி⁴லபி⁴த்வாதி - ஏதே
அலத்³தா⁴ அனவஜ்ஜபோ⁴ஜீ, ஏகோ சரே க²க்³கவிஸாணகப்போ. தேனாஹ
ஸோ பச்சேகஸம்புத்³தோ⁴ -

“அத்³தா⁴ பஸங்ஸாம ஸஹாயஸம்பத³ங், ஸெட்டா² ஸமா
ஸேவிதப்³பா³ ஸஹாயா;
ஏதே அலத்³தா⁴ அனவஜ்ஜபோ⁴ஜீ, ஏகோ சரே
க²க்³கவிஸாணகப்போ”தி.

134. தி³ஸ்வா ஸுவண்ணஸ்ஸ பப⁴ஸ்ஸரானி, கம்மாரபுத்தேன
ஸுனிட்டி²தானி;
ஸங்க⁴ட்டயந்தானி [ஸங்க⁴ட்டமானானி (ஸு. நி. 48)] து³வே
பு⁴ஜஸ்மிங், ஏகோ சரே க²க்³கவிஸாணகப்போ.

தி³ஸ்வா ஸுவண்ணஸ்ஸ பப⁴ஸ்ஸரானி² தி³ஸ்வா பஸ்ஸித்வா
துலயித்வா தீரயித்வா விபா⁴வயித்வா விபு⁴தங் கத்வா. ஸுவண்ணஸ்ஸாதி
ஜாதருபஸ்ஸ. பப⁴ஸ்ஸரானி² பரிஸுத்³தா⁴னி பரியோதா³தானி² - தி³ஸ்வா
ஸுவண்ணஸ்ஸ பப⁴ஸ்ஸரானி.

கம்மாரபுத்தேன ஸுனிட்டி²தானி² கம்மாரபுத்தோ வுச்சதி
ஸுவண்ணகாரோ. கம்மாரபுத்தேன ஸுனிட்டி²தானி² கம்மாரபுத்தேன
ஸுனிட்டி²தானி ஸுகதானி ஸுபரிகம்மகதானி² - கம்மாரபுத்தேன
ஸுனிட்டி²தானி.

ஸங்க⁴ட்டயந்தானி து³வே பு⁴ஜஸ்மிந்தி பு⁴ஜோ வச்சதி ஹத்தோ².
யதா² ஏகஸ்மிங் ஹத்தே² த்³வே நூபுரானி [\[து⁴வரானி \(ஸ்யா.\)\]](#) க⁴ட்டெந்தி
[\[க⁴ட்டெந்தி \(ஸ்யா.\)\]](#); ஏவமேவ ஸத்தா தண்ஹாவஸேன தி³ட்டி²வஸேன நிரயே
க⁴ட்டெந்தி, திரச்சா²னயோனியங் க⁴ட்டெந்தி, பெத்திவிஸயே க⁴ட்டெந்தி,
மனுஸ்ஸலோகே க⁴ட்டெந்தி, தே³வலோகே க⁴ட்டெந்தி, க³தியா க³திங்
உபபத்தியா உபபத்திங் படிஸந்தி⁴யா படிஸந்தி⁴ங் ப⁴வேன ப⁴வங்
ஸங்ஸாரேன ஸங்ஸாரங் வட்டேன வட்டங் க⁴ட்டெந்தி ஸங்க⁴ட்டெந்தி
ஸங்க⁴ட்டெந்தா சரந்தி விஹரந்தி இரியந்தி வத்தெந்தி பாலெந்தி யபெந்தி
யாபெந்தீதி - ஸங்க⁴ட்டயந்தானி து³வே பு⁴ஜஸ்மிங், ஏகோ சரே
க²க்³க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“தி³ஸ்வா ஸுவண்ணஸ்ஸ பப⁴ஸ்ஸரானி, கம்மாரபுத்தேன
ஸுனிட்டி²தானி;
ஸங்க⁴ட்டயந்தானி து³வே பு⁴ஜஸ்மிங், ஏகோ சரே
க²க்³க³விஸாணகப்போ”.

135. ஏவங் து³தீயேன ஸஹா மமஸ்ஸ, வாசாபி⁴லாபோ அபி⁴ஸஜ்ஜனா
வா;
ஏதங் ப⁴யங் ஆயதிங் பெக்க²மானோ, ஏகோ சரே
க²க்³க³விஸாணகப்போ.

ஏவங் து³தீயேன ஸஹா மமஸ்ஸாதி தண்ஹாது³தியோ வா ஹோதி
புக்³க³லது³தியோ வா. கத²ங் தண்ஹாது³தியோ ஹோதி? தண்ஹாதி
ரூபதண்ஹா...பே... த⁴ம்மதண்ஹா. யஸ்ஸேஸா தண்ஹா அப்பஹீனா, ஸோ
வுச்சதி தண்ஹாது³தியோ.

தண்ஹாது³தியோ புரிஸோ, தீ³க⁴மத்தா⁴ன ஸங்ஸரங்;
இத்த²பா⁴வஞ்ஞதா²பா⁴வங், ஸங்ஸாரங் நாதிவத்ததீதி.

ஏவங் தண்ஹாது³தியோ வா ஹோதி.

கத²ங் புக்³க³லது³தியோ ஹோதி? இதே⁴கச்சோ ந அத்த²ஹேது
[\[அத்த²ஹேது \(ஸ்யா.\)\]](#) ந காரணஹேது உத்³த⁴தோ அலுபஸந்தசித்தோ
ஏகஸ்ஸ வா து³தியோ ஹோதி, த்³வின்னங் வா ததியோ ஹோதி, திண்ணங்
வா சதுத்தோ² ஹோதி. தத்த² ப³ஹுங் ஸம்ப²ப்பலாபங் பலபதி; ஸெய்யதி²த³ங்
- ராஜகத²ங் சோரகத²ங் மஹாமத்தகத²ங் ஸேனாகத²ங் ப⁴யகத²ங்
யுத்³த⁴கத²ங் அன்னகத²ங் பானகத²ங் வத்த²கத²ங் ஸயனகத²ங் மாலாகத²ங்
க³ந்த⁴கத²ங் ஞாதிகத²ங் யானகத²ங் கா³மகத²ங் நிக³மகத²ங் நக³ரகத²ங்
ஜனபத³கத²ங் இத்தி²கத²ங் [\[இத்தி²கத²ங் புரிஸகத²ங் \(ஸ்யா. க.\) தீ³. நி. 1.17, 201;](#)

ஸங். நி. 5.1080 பஸ்ஸிதப்³ப³ங் ஸூரகத²ங் விஸிகா²கத²ங் கும்ப⁴ட்டா²னகத²ங் பு³ப³பேதகத²ங் நானத்தகத²ங் லோகக்கா²யிகங் ஸமுத்³த³க்கா²யிகங் இதிப⁴வாப⁴வகத²ங் கதே²தி. ஏவங் புக்³க³லது³தியோ ஹோதீதி - ஏவங் து³தீயேன ஸஹா மமஸ்ஸ.

வாசாபி⁴லாபோ அபி⁴ஸஜ்ஜனா வாதி வாசாபி⁴லாபோ வுச்சதி பா³த்திங்ஸ திரச்சா²னகதா², ஸெய்யதி²த³ங் - ராஜகத²ங்...பே... இதிப⁴வாப⁴வகத²ங். அபி⁴ஸஜ்ஜனா வாதி த்³வே ஸஜ்ஜனா - தண்ஹாஸஜ்ஜனா ச தி³ட்டி²ஸஜ்ஜனா ச...பே... அயங் தண்ஹாஸஜ்ஜனா...பே... அயங் தி³ட்டி²ஸஜ்ஜனாதி - வாசாபி⁴லாபோ அபி⁴ஸஜ்ஜனா வா.

ஏதங் ப⁴யங் ஆயதிங் பெக்க²மானோதி. ப⁴யந்தி ஜாதிப⁴யங் ஜராப⁴யங் ப்யாதி⁴ப⁴யங் மரணப⁴யங் ராஜப⁴யங் சோரப⁴யங் அக்³கி³ப⁴யங் உத³கப⁴யங் அத்தானுவாத³ப⁴யங் பரானுவாத³ப⁴யங் த³ண்ட³ப⁴யங் து³க்³க³திப⁴யங் ஊமிப⁴யங் கும்பி⁴லப⁴யங் ஆவட்டப⁴யங் ஸுஸுமாரப⁴யங் ஆஜீவகப⁴யங் அஸிலோகப⁴யங் பரிஸஸாரஜ்ஜப⁴யங் மத³னப⁴யங் ப⁴யானகங் ச²ம்பி⁴தத்தங் லோமஹங்ஸோ சேதஸோ உப்³பே³கோ³ உத்ராலோ. ஏதங் ப⁴யங் ஆயதிங் பெக்க²மானோதி ஏதங் ப⁴யங் ஆயதிங் பெக்க²மானோ த³க்க²மானோ ஓலோகயமானோ நிஜ்ஜ²யமானோ உபபரிக்க²மானோதி - ஏதங் ப⁴யங் ஆயதிங் பெக்க²மானோ, ஏகோ சரே க²க்³க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“ஏவங் து³தீயேன ஸஹா மமஸ்ஸ, வாசாபி⁴லாபோ அபி⁴ஸஜ்ஜனா வா;

ஏதங் ப⁴யங் ஆயதிங் பெக்க²மானோ, ஏகோ சரே க²க்³க³விஸாணகப்போ”.

136. காமா ஹி சித்ரா மது⁴ரா மனோரமா, விருபருபேன மதெ²ந்தி சித்தங்;
ஆதீ³னவங் காமகு³ணேஸு தி³ஸ்வா, ஏகோ சரே க²க்³க³விஸாணகப்போ.

காமா ஹி சித்ரா மது⁴ரா மனோரமாதி. காமாதி உத்³தா³னதோ த்³வே காமா - வத்து²காமா ச கிலேஸகாமா ச...பே... இமே வுச்சந்தி வத்து²காமா...பே... இமே வுச்சந்தி கிலேஸகாமா. சித்ராதி நானாவண்ணா ரூபா நானாவண்ணா ஸத்³தா³ நானாவண்ணா க³ந்தா⁴ நானாவண்ணா ரஸா நானாவண்ணா பொ²ட்ட²ப்³பா³ இட்டா² கந்தா மனாபா பியரூபா காமுபஸங்ஹிதா ரஜனீயா. மது⁴ராதி வுத்தஞ்ஹேதங் ப⁴க³வதா [ம. நி. 1.167 பஸ்ஸிதப்³ப³ங்] - “பஞ்சிமே , பி⁴க்க²வே, காமகு³ணா. கதமே பஞ்ச? சக்கு²விஞ்ஞெய்யா ரூபா இட்டா² கந்தா

மனாபா பியரூபா காமுபஸங்ஹிதா ரஜனியா, ஸோதவிஞ்ஞெய்யா ஸத்³தா³...
 பே... கா⁴னவிஞ்ஞெய்யா க³ந்தா⁴... ஜிவ்ஹாவிஞ்ஞெய்யா ரஸா...
 காயவிஞ்ஞெய்யா பொ²ட்ட²ப³பா³ இட்டா² கந்தா மனாபா பியரூபா
 காமுபஸங்ஹிதா ரஜனியா. இமே கோ², பி⁴க்க²வே, பஞ்ச காமகு³ணா. யங்
 கோ², பி⁴க்க²வே, இமே பஞ்ச காமகு³ணே படிச்ச உப்பஜ்ஜதி ஸுக²ங்
 ஸோமனஸ்ஸங், இத³ங் வுச்சதி காமஸுக²ங் மிள்ஹஸுக²ங் [மீள்ஹஸுக²ங்
 (பஸ்ஸ ம. நி. 3.328)] புது²ஜ்ஜனஸுக²ங் அனரியஸுக²ங், ந ஸேவிதப்³ப³ங் ந
 பா⁴வேதப்³ப³ங் ந ப³ஹுலீகாதப்³ப³ங், 'பா⁴யிதப்³ப³ங் ஏதஸ்ஸ ஸுக²ஸ்ஸா'தி
 வதா³மீ'தி - காமா ஹி சித்ரா மது⁴ரா மனோரமாதி. மனோதி யங் சித்தங்...
 பே... தஜ்ஜா மனோவிஞ்ஞாணதா⁴து. மனோ ரமெந்தி தோ²மெந்தி தோஸெந்தி
 பஹாஸெந்தீதி - காமா ஹி சித்ரா மது⁴ரா மனோரமா.

விருபருபேன மதெ²ந்தி சித்தந்தி நானாவண்ணேஹி ரூபேஹி...பே...
 நானாவண்ணேஹி பொ²ட்ட²ப³பே³ஹி சித்தங் மதெ²ந்தி தோஸெந்தி
 பஹாஸெந்தீதி - விருபருபேன மதெ²ந்தி சித்தங்.

ஆதீ³னவங் காமகு³ணேஸு தி³ஸ்வாதி. வுத்தஞ்ஹேதங் ப⁴க³வதா - “கோ
 ச, பி⁴க்க²வே, காமானங் ஆதீ³னவோ? இத⁴, பி⁴க்க²வே, குலபுத்தோ யேன
 ஸிப்பட்டா²னேன ஜீவிகங் கப்பேதி, யதி³ முத்³தா³ய யதி³ க³ணனாய யதி³
 ஸங்கா²னேன யதி³ கஸியா யதி³ வணிஜ்ஜாய யதி³ கோ³ரக்கே²ன யதி³
 இஸ்ஸத்தே²ன [இஸ்ஸட்டே²ன (ஸ்யா.), இஸ்ஸத்தேன (க.) பஸ்ஸ ம. நி.
 1.167] யதி³ ராஜபோரிஸேன யதி³ ஸிப்பஞ்ஞுதரேன, ஸீதஸ்ஸ புரக்க²தோ
 உண்ஹஸ்ஸ புரக்க²தோ ட³ங்ஸமகஸவாதாதபஸரீஸபஸம்ப²ஸ்ஸேஹி
 ஸம்ப²ஸ்ஸமானோ [ரிஸ்ஸமானோ (ம. நி. 1.167)] கு²ப்பிபாஸாய மீயமானோ;
 அயங், பி⁴க்க²வே, காமானங் ஆதீ³னவோ ஸந்தி³ட்டி²கோ து³க்க²க்க²ந்தோ⁴
 காமஹேது காமனிதா³னங் காமாதி⁴கரணங் காமானமேவ ஹேது.

“தஸ்ஸ சே, பி⁴க்க²வே, குலபுத்தஸ்ஸ ஏவங் உட்ட²ஹதோ க⁴டதோ
 வாயமதோ தே போ⁴கா³ நாபி⁴னிப்ப²ஜ்ஜந்தி, ஸோ ஸோசதி கிலமதி
 பரிதே³வதி உரத்தாளிங் கந்த³தி, ஸம்மோஹங் ஆபஜ்ஜதி - ‘மோக⁴ங் வத மே
 உட்ட²னங், அப²லோ வத மே வாயாமோதி. அயம்பி, பி⁴க்க²வே, காமானங்
 ஆதீ³னவோ ஸந்தி³ட்டி²கோ து³க்க²க்க²ந்தோ⁴ காமஹேது காமனிதா³னங்
 காமாதி⁴கரணங் காமானமேவ ஹேது.

“தஸ்ஸ சே, பி⁴க்க²வே, குலபுத்தஸ்ஸ ஏவங் உட்ட²ஹதோ க⁴டதோ
 வாயமதோ தே போ⁴கா³ அபி⁴னிப்ப²ஜ்ஜந்தி, ஸோ தேஸங் போ⁴கா³னங்
 ஆரக்கா²தி⁴கரணங் து³க்க²ங் தோ³மனஸ்ஸங் [து³க்க²தோ³மனஸ்ஸங் (ஸ்யா.
 க.)] படிஸங்வேதே³தி - ‘கிந்தி மே போ⁴கே³ நேவ ராஜானோ ஹரெய்யங், ந
 சோரா ஹரெய்யங், ந அக்³கி³ ட³ஹெய்ய, ந உத³கங் வஹெய்ய, ந அப்பியா

தாயாதா ஹரெய்யுந்தி. தஸ்ஸ ஏவங் ஆரக்கதோ கோபயதோ தே போகே³
ராஜானோ வா ஹரந்தி சோரா வா ஹரந்தி அக்கி³ வா டஹதி உதகங் வா
வஹதி அப்பியா வா தாயாதா ஹரந்தி. ஸோ ஸோசதி...பே... ஸம்மோஹங்
ஆபஜ்ஜதி - 'யம்பி மே அஹோஸி தம்பி நோ நத்தீ²தி. அயம்பி, பி⁴க்கவே,
காமானங் ஆதீனவோ ஸந்தி³ட்டி²கோ துக்கக்கந்தோ⁴ காமஹேது
காமனிதானங் காமாதி⁴கரணங் காமானமேவ ஹேது.

“புன சபரங், பி⁴க்கவே, காமஹேது காமனிதானங் காமாதி⁴கரணங்
காமானமேவ ஹேது ராஜானோபி ராஜஹி விவதந்தி, கத்தியாபி கத்தியேஹி
விவதந்தி, ப்ராஹ்மணாபி ப்ராஹ்மணேஹி விவதந்தி, கஹபதீபி கஹபதீஹி
விவதந்தி, மாதாபி புத்தேன விவததி, புத்தோபி மாதரா விவததி, பிதாபி
புத்தேன விவததி, புத்தோபி பிதரா விவததி, பா⁴தாபி ப⁴கினியா விவததி,
ப⁴கினீபி பா⁴தரா விவததி, ஸஹாயோபி ஸஹாயேன விவததி. தே தத்த²
கலஹவிக்³ஹவிவாதாபன்னா அஞ்ஞமஞ்ஞங் பாணீஹிபி உபக்கமந்தி
லெட்³ஹிபி உபக்கமந்தி துண்டே³ஹிபி உபக்கமந்தி ஸத்தே²ஹிபி
உபக்கமந்தி. தே தத்த² மரணம்பி நிகச்சந்தி மரணமத்தம்பி துக்கங். அயம்பி,
பி⁴க்கவே, காமானங் ஆதீனவோ ஸந்தி³ட்டி²கோ துக்கக்கந்தோ⁴
காமஹேது காமனிதானங் காமாதி⁴கரணங் காமானமேவ ஹேது.

“புன சபரங், பி⁴க்கவே, காமஹேது காமனிதானங் காமாதி⁴கரணங்
காமானமேவ ஹேது அஸிசம்மங் கஹேத்வா த⁴னுக்லாபங் ஸன்னய்ஹித்வா
உப⁴தொப்யுள்ளுங் [உப⁴தோவியுள்ளுங் (ஸ்யா.) பஸ்ஸ ம. நி. 1.168]
ஸங்கா³மங் பக்கந்தந்தி, உஸுஸுபி கிப்பமானேஸு ஸத்தீஸுபி
கிப்பமானாஸு அஸீஸுபி விஜ்ஜோதலந்தேஸு. தே தத்த² உஸுஹிபி
விஜ்ஜந்தி ஸத்தீஹிபி [ஸத்தியாபி (ம. நி. 1.167, 178)] விஜ்ஜந்தி அஸினாபி
ஸீஸங் சிந்தந்தி. தே தத்த² மரணம்பி நிகச்சந்தி மரணமத்தம்பி துக்கங்.
அயம்பி, பி⁴க்கவே, காமானங் ஆதீனவோ ஸந்தி³ட்டி²கோ துக்கக்கந்தோ⁴
காமஹேது காமனிதானங் காமாதி⁴கரணங் காமானமேவ ஹேது.

“புன சபரங், பி⁴க்கவே, காமஹேது காமனிதானங் காமாதி⁴கரணங்
காமானமேவ ஹேது அஸிசம்மங் கஹேத்வா த⁴னுக்லாபங் ஸன்னய்ஹித்வா
அத்தா³வலேபனா [அத்தா⁴வலேபனா (ஸ்யா.)] உபகாரியோ பக்கந்தந்தி,
உஸுஸுபி கிப்பமானேஸு ஸத்தீஸுபி கிப்பமானாஸு, அஸீஸுபி
விஜ்ஜோதலந்தேஸு. தே தத்த² உஸுஹிபி விஜ்ஜந்தி ஸத்தீஹிபி விஜ்ஜந்தி
சுகணகாயபி [சுகணடியாபி (ஸ்யா.), பக்கட்டியா (ஸீ. அட்ட².) பஸ்ஸ ம. நி.
1.168] ஓஸிஞ்சந்தி அபி⁴வக்கேனபி ஓமத்தந்தி அஸினாபி ஸீஸங் சிந்தந்தி.
தே தத்த² மரணம்பி நிகச்சந்தி மரணமத்தம்பி துக்கங். அயம்பி, பி⁴க்கவே,
காமானங் ஆதீனவோ ஸந்தி³ட்டி²கோ துக்கக்கந்தோ⁴ காமஹேது
காமனிதானங் காமாதி⁴கரணங் காமானமேவ ஹேது.

“புன சபரங், பி⁴க்க²வே, காமஹேது காமனிதா³னங் காமாதி⁴கரணங்
காமானமேவ ஹேது ஸந்தி⁴ம்பி சி²ந்த³ந்தி நில்லோபம்பி ஹரந்தி
ஏகாகா³ரிகம்பி கரொந்தி பரிபந்தே²பி திட்ட²ந்தி பரதா³ரம்பி க³ச்ச²ந்தி. தமேனங்
ராஜானோ க³ஹேத்வா விவிதா⁴ கம்மகாரணா காரெந்தி - கஸாஹிபி
தாளெந்தி, வெத்தேஹிபி தாளெந்தி, அட்³ட⁴த³ண்ட³கேஹிபி தாளெந்தி,
ஹத்த²ம்பி சி²ந்த³ந்தி...பே... அஸினாபி ஸீஸங் சி²ந்த³ந்தி. தே தத்த² மரணம்பி
நிக³ச்ச²ந்தி மரணமத்தம்பி து³க்க²ங். அயம்பி, பி⁴க்க²வே, காமானங் ஆதீ³னவோ
ஸந்தி³ட்டி²கோ து³க்க²க்க²ந்தோ⁴ காமஹேது காமனிதா³னங் காமாதி⁴கரணங்
காமானமேவ ஹேது.

“புன சபரங், பி⁴க்க²வே, காமஹேது காமனிதா³னங் காமாதி⁴கரணங்
காமானமேவ ஹேது காயேன து³ச்சரிதங் சரந்தி வாசாய து³ச்சரிதங் சரந்தி
மனஸா து³ச்சரிதங் சரந்தி. தே காயேன து³ச்சரிதங் சரித்வா வாசாய து³ச்சரிதங்
சரித்வா மனஸா து³ச்சரிதங் சரித்வா காயஸ்ஸ பே⁴தா³ பரங் மரணா அபாயங்
து³க்க³திங் வினிபாதங் நிரயங் உபபஜ்ஜந்தி. அயம்பி, பி⁴க்க²வே, காமானங்
ஆதீ³னவோ ஸம்பராயிகோ து³க்க²க்க²ந்தோ⁴ காமஹேது காமனிதா³னங்
காமாதி⁴கரணங் காமானமேவ ஹேது”.

ஆதீ³னவங் காமகு³ணேஸு தி³ஸ்வாதி காமகு³ணேஸு ஆதீ³னவங்
தி³ஸ்வா பஸ்ஸித்வா துலயித்வா தீரயித்வா விபா⁴வயித்வா விபு⁴தங்
கத்வாதி - ஆதீ³னவங் காமகு³ணேஸு தி³ஸ்வா, ஏகோ சரே
க²க்க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“காமா ஹி சித்ரா மது⁴ரா மனோரமா, விருபருபேன மதெ²ந்தி சித்தங்;
ஆதீ³னவங் காமகு³ணேஸு தி³ஸ்வா, ஏகோ சரே
க²க்க³விஸாணகப்போ”தி.

137. ஈதீ ச க³ண்டோ³ ச உபத்த³வோ ச, ரோகோ³ ச ஸல்லஞ்ச ப⁴யஞ்ச
மேதங்;
ஏதங் ப⁴யங் காமகு³ணேஸு தி³ஸ்வா, ஏகோ சரே
க²க்க³விஸாணகப்போ.

ஈதீ ச க³ண்டோ³ ச உபத்த³வோ ச, ரோகோ³ ச ஸல்லஞ்ச ப⁴யஞ்ச
மேதந்தி வுத்தஞ்ஹேதங் ப⁴க³வதா - “ப⁴யந்தி, பி⁴க்க²வே, காமானமேதங்
அதி⁴வசனங். து³க்க²ந்தி, பி⁴க்க²வே, காமானமேதங் அதி⁴வசனங். ரோகோ³தி,
பி⁴க்க²வே, காமானமேதங் அதி⁴வசனங். க³ண்டோ³தி, பி⁴க்க²வே,
காமானமேதங் அதி⁴வசனங். ஸல்லந்தி, பி⁴க்க²வே, காமானமேதங்
அதி⁴வசனங். ஸங்கோ³தி, பி⁴க்க²வே, காமானமேதங் அதி⁴வசனங்.
பங்கோ³தி, பி⁴க்க²வே, காமானமேதங் அதி⁴வசனங். க³ப்போ⁴தி, பி⁴க்க²வே,

காமானமேதங் அதி⁴வசனங். கஸ்மா ச, பி⁴க்க²வே, ப⁴யந்தி காமானமேதங் அதி⁴வசனங்? யஸ்மா ச காமராக³ரத்தாயங், பி⁴க்க²வே, ச²ந்த³ராக³வினிப³த்தோ⁴ [ச²ந்த³ராக³வினிப³ந்தோ⁴ (ஸ்யா. க.) பஸ்ஸ அ. நி. 8.56] தி³ட்ட²த⁴ம்மிகாபி ப⁴யா ந பரிமுச்சதி, ஸம்பராயிகாபி ப⁴யா ந பரிமுச்சதி, தஸ்மா ப⁴யந்தி காமானமேதங் அதி⁴வசனங். கஸ்மா ச, பி⁴க்க²வே, து³க்க²ந்தி...பே... ரோகோ³தி... க³ண்டோ³தி... ஸல்லந்தி... ஸங்கோ³தி... பங்கோதி... க³ப்போ⁴தி காமானமேதங் அதி⁴வசனங்? யஸ்மா ச காமராக³ரத்தாயங், பி⁴க்க²வே, ச²ந்த³ராக³வினிப³த்தோ⁴ தி³ட்ட²த⁴ம்மிகாபி க³ப்பா⁴ ந பரிமுச்சதி, ஸம்பராயிகாபி க³ப்பா⁴ ந பரிமுச்சதி, தஸ்மா க³ப்போ⁴தி காமானமேதங் அதி⁴வசன²ந்தி.

ப⁴யங் து³க்க²ஞ்ச ரோகோ³ ச, க³ண்டோ³ ஸல்லஞ்ச ஸங்கோ³ ச; பங்கோ க³ப்போ⁴ ச உப⁴யங், ஏதே காமா பவுச்சந்தி; யத்த² ஸத்தோ புது²ஜ்ஜனோ.

ஓதிண்ணோ ஸாதருபேன, புன க³ப்பா⁴ய க³ச்ச²தி; யதோ ச பி⁴க்கு² ஆதாபீ, ஸம்பஜஞ்ஞங் ந ரிச்சதி நு ரிஞ்சதி (ஸ்யா. க.) ஸங். நி. 4.251].

ஸோ இமங் பலிபத²ங் து³க்க³ங், அதிக்கம்ம ததா²விதோ⁴; பஜங் ஜாதிஜருபேதங், ப²ந்த³மானங் அவெக்க²தீதி.

ஈதீ ச க³ண்டோ³ ச உபத்³த³வோ ச, ரோகோ³ ச ஸல்லஞ்ச ப⁴யஞ்ச மேதங்.

ஏதங் ப⁴யங் காமகு³ணேஸு தி³ஸ்வாதி ஏதங் ப⁴யங் காமகு³ணேஸு தி³ஸ்வா பஸ்ஸித்வா துலயித்வா தீரயித்வா விபா⁴வயித்வா விபு⁴தங் கத்வாதி - ஏதங் ப⁴யங் காமகு³ணேஸு தி³ஸ்வா, ஏகோ சரே க²க்க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“ஈதீ ச க³ண்டோ³ ச உபத்³த³வோ ச, ரோகோ³ ச ஸல்லஞ்ச ப⁴யஞ்ச மேதங்;

ஏதங் ப⁴யங் காமகு³ணேஸு தி³ஸ்வா, ஏகோ சரே க²க்க³விஸாணகப்போ”தி.

138. ஸீதஞ்ச உண்ஹஞ்ச கு²த³ங் பிபாஸங், வாதாதபே ட³ங்ஸஸரீஸபே [ட³ங்ஸஸிரிங்ஸபே (ஸ்யா.), ட³ங்ஸமகஸஸரீஸபே (க.)] ச; ஸப்பா³னிபேதானி அபி⁴ஸம்ப⁴வித்வா, ஏகோ சரே க²க்க³விஸாணகப்போ.

ஸீதஞ்ச உண்ஹஞ்ச கு²த³ங் பிபாஸந்தி. ஸீதந்தி த்³வீஹி காரணேஹி ஸீதங் ஹோதி - அப்³ப⁴ந்தரதா⁴துப்பகோபவஸேன வா ஸீதங் ஹோதி ப³ஹித்³தா⁴ உதுவஸேன வா ஸீதங் ஹோதி. உண்ஹந்தி த்³வீஹி காரணேஹி உண்ஹங் ஹோதி - அப்³ப⁴ந்தரதா⁴துப்பகோபவஸேன வா உண்ஹங் ஹோதி ப³ஹித்³தா⁴ உதுவஸேன வா உண்ஹங் ஹோதி. கு²தா³ [கு²த்தா³ (ஸ்யா. க.)] வுச்சதி சா²தகோ. பிபாஸா வுச்சதி உத³கபிபாஸாதி - ஸீதஞ்ச உண்ஹஞ்ச கு²த³ங் பிபாஸங்.

வாதாதபே ட³ங்ஸஸரீஸபே சாதி. வாதாதி புரத்தி²மா வாதா பச்சி²மா வாதா உத்தரா வாதா த³க்கி²ணா வாதா ஸரஜா வாதா அரஜா வாதா ஸீதா வாதா உண்ஹா வாதா பரித்தா வாதா அதி⁴மத்தா வாதா வேரம்ப⁴வாதா பக்க²வாதா ஸுபண்ணவாதா தாலபண்ணவாதா [தாலவண்ட³வாதா (க.) துளனி. உபஸீவமாணவபுச்சா²னித்³தே³ஸ 43] விதூ⁴பனவாதா. ஆதபோ வுச்சதி ஸூரியஸந்தாபோ. ட³ங்ஸா வுச்சந்தி பிங்க³லமக்கி²கா. ஸரீஸபா வுச்சந்தி அஹீதி - வாதாதபே ட³ங்ஸஸரீஸபே ச.

ஸப்³பா³னிபேதானி அபி⁴ஸம்ப⁴வித்வாதி அபி⁴ப⁴வித்வா அஜ்ஜொ²த்த²ரித்வா பரியாதி³யித்வா மத்³தி³த்வாதி - ஸப்³பா³னிபேதானி அபி⁴ஸம்ப⁴வித்வா, ஏகோ சரே க²க்³க³விஸாணகப்போ. தேனாஹ ஸோ பச்சேகஸம்பு³த்³தோ⁴ -

“ஸீதஞ்ச உண்ஹஞ்ச கு²த³ங் பிபாஸங், வாதாதபே ட³ங்ஸஸரீஸபே ச; ஸப்³பா³னிபேதானி அபி⁴ஸம்ப⁴வித்வா, ஏகோ சரே க²க்³க³விஸாணகப்போ”தி.

139. நாகோ³வ யூதா²னி விவஜ்ஜயித்வா, ஸஞ்ஜாதக²ந்தோ⁴ பது³ம் உளாரோ;

யதா²பி⁴ரந்தங் விஹரே [வீஹரங் (ஸு. நி. 53)] அரஞ்ஞே, ஏகோ சரே க²க்³க³விஸாணகப்போ.

நாகோ³வ யூதா²னி விவஜ்ஜயித்வாதி நாகோ³ வுச்சதி ஹத்தி²னாகோ³. பச்சேகஸம்பு³த்³தோ⁴பி நாகோ³. கிங்காரணா பச்சேகஸம்பு³த்³தோ⁴ நாகோ³? ஆகு³ங் ந கரோதீதி நாகோ³; ந க³ச்ச²தீதி நாகோ³; ந ஆக³ச்ச²தீதி நாகோ³. கத²ங் ஸோ பச்சேகஸம்பு³த்³தோ⁴ ஆகு³ங் ந கரோதீதி நாகோ³? ஆகு³ வுச்சதி பாபகா அகுஸலா த⁴ம்மா ஸங்கிலேஸிகா போனோப⁴விகா ஸத³ரா து³க்க²விபாகா ஆயதிங் ஜாதிஜராமரணியா.

ஆகு³ங் ந கரோதி கிஞ்சி லோகே, ஸப்³ப³ஸங்யோகே³ விஸஜ்ஜ ப³ந்த⁴னானி;

ஸப்³ப³த்த² ந ஸஜ்ஜதி விமுத்தோ, நாகோ³ தாதி³ பவுச்சதே தத²த்தா.

ஏவங் ஸோ பச்சேகஸம்புத்தோ⁴ ஆகுங் ந கரோதீதி நாகோ³.

கத²ங் ஸோ பச்சேகஸம்புத்தோ⁴ ந கச்சத்தீதி நாகோ³? ஸோ பச்சேகஸம்புத்தோ⁴ ந சந்தாக³திங் கச்சத்தி, ந தோ³ஸாக³திங் கச்சத்தி, ந மோஹாக³திங் கச்சத்தி, ந ப⁴யாக³திங் கச்சத்தி, ந ராக³வஸேன கச்சத்தி, ந தோ³ஸவஸேன கச்சத்தி, ந மோஹவஸேன கச்சத்தி, ந மானவஸேன கச்சத்தி, ந தி³ட்டி²வஸேன கச்சத்தி, ந உத்த⁴ச்சவஸேன கச்சத்தி, ந விசிகிச்சாவஸேன கச்சத்தி, ந அனுஸயவஸேன கச்சத்தி, ந வக்கே³ஹி கப்பேஹி யாயதி நீயதி [நிய்யதி \(ஸ்யா. க.\)](#) வ்யஹதி ஸங்ஹரீயதி. ஏவங் ஸோ பச்சேகஸம்புத்தோ⁴ ந கச்சத்தீதி நாகோ³.

கத²ங் ஸோ பச்சேகஸம்புத்தோ⁴ ந ஆகச்சத்தீதி நாகோ³? ஸோதாபத்திமக்கே³ன யே கிலேஸா பஹீனா தே கிலேஸே ந புனேதி ந பச்சேதி ந பச்சாகச்சத்தி, ஸகதா³கா³மிமக்கே³ன...பே... அனாகா³மிமக்கே³ன...பே... அரஹத்தமக்கே³ன யே கிலேஸா பஹீனா தே கிலேஸே ந புனேதி ந பச்சேதி ந பச்சாகச்சத்தி. ஏவங் ஸோ பச்சேகஸம்புத்தோ⁴ ந ஆகச்சத்தீதி நாகோ³.

நாகோ³வ யூதா²னி விவஜ்ஜயித்வாதி யதா² ஸோ ஹத்தி²னாகோ³ யூதா²னி விவஜ்ஜெத்வா பரிவஜ்ஜெத்வா அபி⁴னிவஜ்ஜெத்வா ஏகோவ அரஞ்ஞவனமஜ்ஜோ²கா³ஹெத்வா [\[அரஞ்ஞே வனமஜ்ஜேஸ்ஸ அஜ்ஜோ²கா³ஹெத்வா \(ஸ்யா.\)\]](#) சரதி விஹரதி இரியதி வத்தேதி பாலேதி யபேதி யாபேதி, பச்சேகஸம்புத்தோ⁴பி கணங் விவஜ்ஜெத்வா பரிவஜ்ஜெத்வா அபி⁴வஜ்ஜெத்வா ஏகோ [\[ஏகோ சரே கக்க³விஸாணகப்போ \(ஸ்யா.\)\]](#) அரஞ்ஞவனபத்தா²னி பந்தானி ஸேனாஸனானி படிஸேவதி அப்பஸத்தா³னி அப்பனிக்கோ⁴ஸானி விஜனவாதானி மனுஸ்ஸராஹஸ்ஸெய்யகானி படிஸல்லானஸாருப்பானி. ஸோ ஏகோ கச்சத்தி ஏகோ திட்ட²தி ஏகோ நிஸீத்தி ஏகோ ஸெய்யங் கப்பேதி ஏகோ கா³மங் பிண்டா³ய பவிஸதி ஏகோ படிக்கமதி ஏகோ ரஹோ நிஸீத்தி ஏகோ சங்கமங் அதி⁴ட்டா²தி ஏகோ சரதி விஹரதி இரியதி வத்தேதி பாலேதி யபேதி யாபேதி - நாகோ³வ யூதா²னி விவஜ்ஜயித்வா.

ஸஞ்ஜாதக²ந்தோ⁴ பது³மீ உளாரோதி யதா² ஸோ ஹத்தி²னாகோ³ ஸஞ்ஜாதக்க²ந்தோ⁴ ஸத்தரதனோ வா ஹோதி அட்ட²ரதனோ வா, பச்சேகஸம்புத்தோ⁴பி ஸஞ்ஜாதக்க²ந்தோ⁴ அஸெக்கே²ன ஸீலக்க²ந்தே⁴ன அஸெக்கே²ன ஸமாதி⁴க்க²ந்தே⁴ன அஸெக்கே²ன பஞ்ஞாக்க²ந்தே⁴ன அஸெக்கே²ன விமுத்திக்க²ந்தே⁴ன அஸெக்கே²ன விமுத்திஞாணத³ஸ்ஸனக்க²ந்தே⁴ன. யதா² ஸோ ஹத்தி²னாகோ³ பது³மீ, பச்சேகஸம்புத்தோ⁴பி ஸத்தஹி பொ³ஜ்ஜ²ங்க³புப்பே²ஹி பது³மீ, ஸதிஸம்பொ³ஜ்ஜ²ங்க³புப்பே²ன த⁴ம்மவிசயஸம்பொ³ஜ்ஜ²ங்க³புப்பே²ன

வீரியஸம்பொ³ஜ்ஜ²ங்க³புப்பே²ன பீதிஸம்பொ³ஜ்ஜ²ங்க³புப்பே²ன,
 பீதிஸம்பொ³ஜ்ஜ²ங்க³புப்பே²ன பஸ்ஸத்³தி⁴ஸம்பொ³ஜ்ஜ²ங்க³புப்பே²ன
 ஸமாதி⁴ஸம்பொ³ஜ்ஜ²ங்க³புப்பே²ன உபெக்கா²ஸம்பொ³ஜ்ஜ²ங்க³புப்பே²ன. யதா²
 ஸோ ஹத்தி²னாகோ³ உளாரோ தா²மேன ப³லேன ஜவேன ஸு²ரேன,
 பச்சேகஸம்பு³த்³தோ⁴பி உளாரோ ஸீலேன ஸமாதி⁴னா பஞ்ஞாய விமுத்தியா
 விமுத்திஞாணத³ஸ்ஸனேனாதி - ஸஞ்ஜாதக²ந்தோ⁴ பது³மீ உளாரோ.

யதா²பி⁴ரந்தங் விஹரே அரஞ்ஞேதி யதா² ஸோ ஹத்தி²னாகோ³
 யதா²பி⁴ரந்தங் அரஞ்ஞே விஹரதி, பச்சேகஸம்பு³த்³தோ⁴பி யதா²பி⁴ரந்தங்
 அரஞ்ஞே விஹரதி. பட²மேனபி ஜா²னேன யதா²பி⁴ரந்தங் அரஞ்ஞே விஹரதி,
 து³தியேனபி ஜா²னேன...பே... ததியேனபி ஜா²னேன... சதுத்தே²னபி ஜா²னேன
 யதா²பி⁴ரந்தங் அரஞ்ஞே விஹரதி; மெத்தாயபி சேதோவிமுத்தியா
 யதா²பி⁴ரந்தங் அரஞ்ஞே விஹரதி, கருணாயபி சேதோவிமுத்தியா...
 முதி³தாயபி சேதோவிமுத்தியா... உபெக்கா²யபி சேதோவிமுத்தியா
 யதா²பி⁴ரந்தங் அரஞ்ஞே விஹரதி; ஆகாஸானஞ்சாயதனஸமாபத்தியாபி
 யதா²பி⁴ரந்தங் அரஞ்ஞே விஹரதி, விஞ்ஞாணஞ்சாயதனஸமாபத்தியாபி...
 ஆகிஞ்சஞ்ஞாயதனஸமாபத்தியாபி...
 நேவஸஞ்ஞானாஸஞ்ஞாயதனஸமாபத்தியாபி... நிரோத⁴ஸமாபத்தியாபி...
 ப²லஸமாபத்தியாபி யதா²பி⁴ரந்தங் அரஞ்ஞே விஹரதீதி - யதா²பி⁴ரந்தங்
 விஹரே அரஞ்ஞே, ஏகோ சரே க²க்³க³விஸாணகப்போ. தேனாஹ ஸோ
 பச்சேகஸம்பு³த்³தோ⁴ -

“நாகோ³வ யூதா²னி விவஜ்ஜயித்வா, ஸஞ்ஜாதக²ந்தோ⁴ பது³மீ
 உளாரோ;
 யதா²பி⁴ரந்தங் விஹரே அரஞ்ஞே, ஏகோ சரே
 க²க்³க³விஸாணகப்போ”தி.

140. அட்டா²னதங் ஸங்க³ணிகாரதஸ்ஸ, யங் ப²ஸ்ஸயே [பு²ஸ்ஸயே
 (ஸ்யா. க.)] ஸாமயிகங் [ஆஸாமாயிகங் (க.)] விமுத்திங்;
 ஆதி³ச்சப³ந்து⁴ஸ்ஸ வசோ நிஸம்ம, ஏகோ சரே
 க²க்³க³விஸாணகப்போ.

அட்டா²னதங் ஸங்க³ணிகாரதஸ்ஸ, யங் ப²ஸ்ஸயே ஸாமயிகங்
 விமுத்திந்தி வுத்தஞ்ஞேதங் ப⁴க³வதா - “யாவதானந்த³ [ஸோ வதானந்த³ (ம.
 நி. 3.186)], பி⁴க்கு² ஸங்க³ணிகாராமோ ஸங்க³ணிகரதோ ஸங்க³ணிகாராமதங்
 அனுயுத்தோ, க³ணாராமோ க³ணரதோ க³ணஸம்முதி³தோ (க³ணாராமதங்
 அனுயுத்தோ) [() நத்தி² ம. நி. 3.186], யங் தங் நெக்க²ம்மஸுக²ங்
 பவிவேகஸுக²ங் உபஸமஸுக²ங் ஸம்போ³தி⁴ஸுக²ங், தஸ்ஸ ஸுக²ஸ்ஸ
 நிகாமலாபீ⁴ ப⁴விஸ்ஸதி அகிச்ச²லாபீ⁴ அகஸிரலாபீ⁴தி - நேதங் டா²னங்

விஜ்ஜதி. யோ ச கோ² ஸோ, ஆனந்த³, பி⁴க்கு² ஏகோ க³ணஸ்மா லுபகட்டோ²
 விஹரதி, தஸ்ஸேதங் பி⁴க்கு²னோ பாடிகங்க²ங். யங் தங் நெக்க²ம்மஸுக²ங்
 பவிவேகஸுக²ங் உபஸமஸுக²ங் ஸம்போ³தி⁴ஸுக²ங், தஸ்ஸ ஸுக²ஸ்ஸ
 நிகாமலாபீ⁴ ப⁴விஸ்ஸதி அகிச்ச²லாபீ⁴ அகஸிரலாபீ⁴தி - டா²னமேதங்
 விஜ்ஜதி. யாவதானந்த³, பி⁴க்கு² ஸங்க³ணிகாராமோ ஸங்க³ணிகரதோ
 ஸங்க³ணிகாராமதங் அனுயுத்தோ, க³ணாராமோ க³ணரதோ க³ணஸம்முதி³தோ
 (க³ணாராமதங் அனுயுத்தோ,) ஸாமாயிகங் [ஸாமாயிகங் (ஸ்யா. க.)] வா கந்தங்
 சேதோவிமுத்திங் உபஸம்பஜ்ஜ விஹரிஸ்ஸதி, அஸாமாயிகங் வா அகுப்பந்தி
 - நேதங் டா²னங் விஜ்ஜதி. யோ ச கோ² ஸோ, ஆனந்த³, பி⁴க்கு² ஏகோ
 க³ணஸ்மா லுபகட்டோ² விஹரதி, தஸ்ஸேதங் பி⁴க்கு²னோ பாடிகங்க²ங்
 ஸாமாயிகங் வா கந்தங் சேதோவிமுத்திங் உபஸம்பஜ்ஜ விஹரிஸ்ஸதி,
 அஸாமாயிகங் வா அகுப்பந்தி, டா²னமேதங் விஜ்ஜதி - அட்டா²னதங்
 ஸங்க³ணிகாரதஸ்ஸ, யங் ப²ஸ்ஸயே ஸாமாயிகங் விமுத்திங்.

ஆதி³ச்சப³ந்து⁴ஸ்ஸ வசோ நிஸம்மாதி ஆதி³ச்சோ வுச்சதி ஸூரியோ.
 ஸோ கோ³தமோ கொ³த்தேன. பச்சேகஸம்பு³த்தோ⁴பி கோ³தமோ கொ³த்தேன.
 ஸோ பச்சேகஸம்பு³த்தோ⁴ ஸூரியஸ்ஸ கொ³த்தஞாதகோ கொ³த்தப³ந்து⁴,
 தஸ்மா பச்சேகஸம்பு³த்தோ⁴ ஆதி³ச்சப³ந்து⁴. **ஆதி³ச்சப³ந்து⁴ஸ்ஸ வசோ**
நிஸம்மாதி ஆதி³ச்சப³ந்து⁴ஸ்ஸ வசனங் ப்யப்பத²ங் தே³ஸனங்
 அனுஸாஸனங் அனுஸிட்ட²ங் ஸுத்வா ஸுணித்வா உக்³க³ஹேத்வா
 உபதா⁴ரயித்வா உபலக்க²யித்வாதி - ஆதி³ச்சப³ந்து⁴ஸ்ஸ வசோ நிஸம்ம,
 ஏகோ சரே க²க்³க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“அட்டா²னதங் ஸங்க³ணிகாரதஸ்ஸ, யங் ப²ஸ்ஸயே ஸாமாயிகங்
 விமுத்திங்;
 ஆதி³ச்சப³ந்து⁴ஸ்ஸ வசோ நிஸம்ம, ஏகோ சரே
 க²க்³க³விஸாணகப்போ”தி.

து³தியோ வக்³கோ³.

ததியவக்³கோ³

141. தி³ட்டி²விஸுகாணி உபாதிவத்தோ, பத்தோ நியாமங்
 படிலத்த⁴மக்³கோ³;
 உப்பன்னஞாணொம்ஹி அனஞ்ஞனெய்யோ, ஏகோ சரே
 க²க்³க³விஸாணகப்போ.

தி³ட்டி²விஸுகாணி உபாதிவத்தோதி தி³ட்டி²விஸுகாணி வுச்சந்தி
 வீஸதிவத்து²கா ஸக்காயதி³ட்டி². இத்⁴ அஸ்ஸுதவா புது²ஜ்ஜனோ அரியானங்
 அத³ஸ்ஸாவீ அரியத⁴ம்மஸ்ஸ அகோவிதோ³ அரியத⁴ம்மே அவினீதோ

ஸப்புரிஸானங் அத்³ஸ்ஸாவீ ஸப்புரிஸத⁴ம்மஸ்ஸ அகோவிதோ³
 ஸப்புரிஸத⁴ம்மே அவினீதோ ரூபங் அத்ததோ ஸமனுபஸ்ஸதி ரூபவந்தங்
 வா அத்தானங் அத்தனி வா ரூபங் ரூபஸ்மிங் வா அத்தானங், வேத³னங்...பே...
 ஸஞ்ஞங்... ஸங்கா²ரே... விஞ்ஞாணங் அத்ததோ ஸமனுபஸ்ஸதி
 விஞ்ஞாணவந்தங் வா அத்தானங் அத்தனி வா விஞ்ஞாணங் விஞ்ஞாணஸ்மிங்
 வா அத்தானங். யா ஏவரூபா தி³ட்டி² தி³ட்டி²க³தங் தி³ட்டி²க³ஹனங்
 தி³ட்டி²கந்தாரோ தி³ட்டி²விஸுகாயிகங் தி³ட்டி²விப்ப²ந்தி³தங்
 தி³ட்டி²ஸங்யோஜனங் கா³ஹோ படிக்கா³ஹோ அபி⁴னிவேஸோ பராமாஸோ
 கும்மக்கோ³ மிச்சா²பதோ² மிச்ச²த்தங் தித்தா²யதனங் விபரியேஸக்கா³ஹோ
 விபரீதக்கா³ஹோ விபல்லாஸக்கா³ஹோ மிச்சா²கா³ஹோ, அயாதா²வகஸ்மிங்
 யாதா²வகந்தி கா³ஹோ, யாவதா த்³வாஸட்டி² தி³ட்டி²க³தானி - இமானி
 தி³ட்டி²விஸுகானி. தி³ட்டி²விஸுகானி உபாதிவத்தோதி தி³ட்டி²விஸுகானி
 உபாதிவத்தோ அதிகந்தோ ஸமதிக்கந்தோ வீதிவத்தோதி - தி³ட்டி²விஸுகானி
 உபாதிவத்தோ.

பத்தோ நியாமங் படிஸத்த⁴மக்கோ³தி நியாமா வச்சந்தி சத்தாரோ
 மக்கா³; அரியோ அட்ட²ங்கிக்கோ மக்கோ³, ஸெய்யதி²த³ங் - ஸம்மாதி³ட்டி²
 ஸம்மாஸங்கப்போ ஸம்மாவாசா ஸம்மாகம்மந்தோ ஸம்மாஆஜீவோ
 ஸம்மாவாயாமோ ஸம்மாஸதி ஸம்மாஸமாதி⁴. சதூஹி அரியமக்கே³ஹி
 ஸமன்னாக³தோ நியாமங் பத்தோ ஸம்பத்தோ அதி⁴க³தோ ப²ஸ்ஸிதோ
 ஸச்சி²கதோதி - பத்தோ நியாமங். படிஸத்த⁴மக்கோ³தி லத்த⁴மக்கோ³
 படிஸத்த⁴மக்கோ³ அதி⁴க³தமக்கோ³ ப²ஸ்ஸிதமக்கோ³ ஸச்சி²கதமக்கோ³தி -
 பத்தோ நியாமங் படிஸத்த⁴மக்கோ³.

உப்பன்னஞாணொம்ஹி அனஞ்ஞெய்யோதி தஸ்ஸ
 பச்சேகஸம்புத்த⁴ஸ்ஸ ஞாணங் உப்பன்னங் ஸமுப்பன்னங் நிப்ப³த்தங்
 அபி⁴னிப்ப³த்தங் பாதுபூ⁴தங். “ஸப்³பே³ ஸங்கா²ரா அனிச்சா”தி ஞாணங்
 உப்பன்னங் ஸமுப்பன்னங் நிப்ப³த்தங் அபி⁴னிப்ப³த்தங் பாதுபூ⁴தங், “ஸப்³பே³
 ஸங்கா²ரா துக்கா²”தி...பே... “ஸப்³பே³ த⁴ம்மா அனத்தா”தி... “யங் கிஞ்சி
 ஸமுத³யத⁴ம்மங் ஸப்³பங் தங் நிரோத⁴த⁴ம்ம”ந்தி ஞாணங் உப்பன்னங்
 ஸமுப்பன்னங் நிப்ப³த்தங் அபி⁴னிப்ப³த்தங் பாதுபூ⁴தந்தி -
 உப்பன்னஞாணொம்ஹி. அனஞ்ஞெய்யோதி ஸோ பச்சேகஸம்புத்த⁴தோ⁴ ந
 பரனெய்யோ

ந பரப்பத்தியோ ந பரப்பச்சயோ ந பரபடிபுத்த⁴க³, யதா²பூ⁴தங் [\[தங் \(க.\)\]](#)
 ஜானாதி பஸ்ஸதி அஸம்மூள்ஹோ ஸம்பஜானோ படிஸ்ஸதோ. “ஸப்³பே³
 ஸங்கா²ரா அனிச்சா”தி ந பரனெய்யோ ந பரப்பத்தியோ ந பரப்பச்சயோ ந
 பரபடிபுத்த⁴க³, யதா²பூ⁴தங் ஜானாதி பஸ்ஸதி அஸம்மூள்ஹோ
 ஸம்பஜானோ படிஸ்ஸதோ. “ஸப்³பே³ ஸங்கா²ரா துக்கா²”தி...பே... “ஸப்³பே³

த⁴ம்மா அனத்தா”தி...பே... “யங் கிஞ்சி ஸமுத³யத⁴ம்மங் ஸப்³பங் தங்
 நிரோத⁴த⁴ம்ம”ந்தி ந பரனெய்யோ ந பரப்பத்தியோ ந பரப்பச்சயோ ந
 பரபடிப³த³த⁴க³, யதா²பூ⁴தங் ஜானாதி பஸ்ஸதி அஸம்மூள்ளோ
 ஸம்பஜானோ படிஸ்ஸதோதி - உப்பன்னஞாணொம்ஹி அனஞ்ஞனெய்யோ,
 ஏகோ சரே க²க³க³விஸாணகப்போ. தேனாஹ ஸோ பச்சேகஸம்பு³த³தோ⁴ -

“தி³ட்ட²விஸுகானி உபாதிவத்தோ, பத்தோ நியாமங்
 படிஸத்த⁴மக்கோ³;
 உப்பன்னஞாணொம்ஹி அனஞ்ஞனெய்யோ, ஏகோ சரே
 க²க³க³விஸாணகப்போ”தி.

142. நில்லோலுபோ நிக்குஹோ நிப்பிபாஸோ, நிம்மக்கோ²
 நித்த³த⁴ந்தகஸாவமோஹோ;
 நிராஸஸோ [\[நிராஸயோ \(ஸீ. அட்ட².\) ஸு. நி. 56\]](#) ஸப்³பலோகே
 ப⁴வித்வா, ஏகோ சரே க²க³க³விஸாணகப்போ.

நில்லோலுபோ நிக்குஹோ நிப்பிபாஸோதி லோலுப்பங் வச்சதி தண்ஹா.
 யோ ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலங். ஸா
 லோலுப்பா தண்ஹா தஸ்ஸ பச்சேகஸம்பு³த³த⁴ஸ்ஸ பஹீனா
 உச்சி²ன்னமூலா தாலாவத்து²கதா அனபா⁴வங்கதா ஆயதிங்
 அனுப்பாத³த⁴ம்மா. தஸ்மா பச்சேகஸம்பு³த³தோ⁴ நில்லோலுபோ.

நிக்குஹோதி தீணி குஹனவத்து²னி - பச்சயபடிஸேவனஸங்கா²தங்
 குஹனவத்து², இரியாபத²ஸங்கா²தங் குஹனவத்து², ஸாமந்தஜப்பனஸங்கா²தங்
 குஹனவத்து².

கதமங் பச்சயபடிஸேவனஸங்கா²தங் குஹனவத்து²? இத⁴ க³ஹபதிகா
 பி⁴க்குங் [\[பி⁴க்க² \(க.\) மஹானி. 87\]](#) நிமந்தெந்தி
 சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரேஹி, ஸோ
 பாபிச்சோ² இச்சா²பகதோ அத்தி²கோ
 சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரானங்
 பி⁴ய்யோகம்யதங் உபாதா³ய சீவரங் பச்சக்கா²தி, பிண்ட³பாதங் பச்சக்கா²தி,
 ஸேனாஸனங் பச்சக்கா²தி, கி³லானபச்சயபே⁴ஸஜ்ஜபரிக்கா²ரங் பச்சக்கா²தி.
 ஸோ ஏவமாஹ - “கிங் ஸமணஸ்ஸ மஹக்கே⁴ன சீவரேன! ஏதங்
 ஸாருப்பங் யங் ஸமணோ ஸுஸானா வா ஸங்காரகூடா வா பாபணிகா வா
 நந்தகானி உச்சினித்வா ஸங்கா⁴டிகங் கரித்வா தா⁴ரெய்ய. கிங் ஸமணஸ்ஸ
 மஹக்கே⁴ன பிண்ட³பாதேன! ஏதங் ஸாருப்பங் யங் ஸமணோ
 உஞ்சா²சரியாய பிண்டி³யாலோபேன ஜீவிகங் கப்பெய்ய. கிங் ஸமணஸ்ஸ
 மஹக்கே⁴ன ஸேனாஸனேன! ஏதங் ஸாருப்பங் யங் ஸமணோ

ருக்க²முலிகோ வா அஸ்ஸ ஸோஸானிகோ வா அப்³போ⁴காஸிகோ வா. கிங்
 ஸமணஸ்ஸ மஹக்³கே⁴ன கி³லானபச்சயபே⁴ஸஜ்ஜபரிக்கா²ரேன! ஏதங்
 ஸாருப்பங் யங் ஸமணோ பூதிமுத்தேன வா ஹரிதகீக்³ண்டே³ன வா
 ஓஸத⁴ங் கரெய்யா”தி. தது³பாதா³ய லூக²ங் சீவரங் தா⁴ரேதி லூக²ங்
 பிண்ட³பாதங் பரிபு⁴ஞ்ஜதி லூக²ங் ஸேனாஸனங் படிஸேவதி லூக²ங்
 கி³லானபச்சயபே⁴ஸஜ்ஜபரிக்கா²ரங் படிஸேவதி. தமேனங் க³ஹபதிகா ஏவங்
 ஜானந்தி - “அயங் ஸமணோ அப்பிச்சோ² ஸந்துட்டோ² பவிவித்தோ
 அஸங்ஸட்டோ² ஆரத்³த⁴வீரியோ து⁴தவாதோ³”தி. பி⁴ய்யோ பி⁴ய்யோ
 நிமந்தெந்தி சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரேஹி.
 ஸோ ஏவமாஹ - “திண்ணங் ஸம்முகீ²பா⁴வா ஸத்³தோ⁴ குலபுத்தோ
 ப³ஹுங் புஞ்ஞங் பஸவதி, ஸத்³தா⁴ய ஸம்முகீ²பா⁴வா ஸத்³தோ⁴
 குலபுத்தோ ப³ஹுங் புஞ்ஞங் பஸவதி, தெ³ய்யத⁴ம்மஸ்ஸ ஸம்முகீ²பா⁴வா
 ஸத்³தோ⁴ குலபுத்தோ ப³ஹுங் புஞ்ஞங் பஸவதி, த³க்கி²னெய்யானங்
 ஸம்முகீ²பா⁴வா ஸத்³தோ⁴ குலபுத்தோ ப³ஹுங் புஞ்ஞங் பஸவதி.
 தும்ஹாகஞ்சேவாயங் ஸத்³தா⁴ அத்தி², தெ³ய்யத⁴ம்மோ ச ஸங்விஜ்ஜதி,
 அஹஞ்ச படிக்க³ஹகோ. ஸசேஹங் ந படிக்க³ஹேஸ்ஸாமி, ஏவங் தும்ஹே
 புஞ்ஞேன பரிபா³ஹிரா ப⁴விஸ்ஸத² [ப⁴விஸ்ஸந்தி (மஹானி. 87)]. ந
 மய்ஹங் இமினா அத்தோ². அபி ச, தும்ஹாகங்யேவ அனுக்³ம்பாய
 படிக்க³ஹ்ஹாமீ”தி. தது³பாதா³ய ப³ஹும்பி சீவரங் படிக்க³ஹ்ஹாதி, ப³ஹும்பி
 பிண்ட³பாதங் படிக்க³ஹ்ஹாதி, ப³ஹும்பி ஸேனாஸனங் படிக்க³ஹ்ஹாதி,
 ப³ஹும்பி கி³லானபச்சயபே⁴ஸஜ்ஜபரிக்கா²ரங் படிக்க³ஹ்ஹாதி. யா ஏவருபா
 பா⁴குடிகா பா⁴குடியங் குஹனா குஹாயனா குஹிதத்தங் - இத³ங்
 பச்சயபடிஸேவனஸங்கா²தங் குஹனவத்து².

கதமங் இரியாபத²ஸங்கா²தங் குஹனவத்து²? இதே⁴கச்சோ பாபிச்சோ²
 இச்சா²பகதோ ஸம்பா⁴வனாதி⁴ப்பாயோ “ஏவங் மங் ஜனோ
 ஸம்பா⁴வெஸ்ஸதீ”தி க³மனங் ஸண்ட²பேதி டா²னங் ஸண்ட²பேதி நிஸஜ்ஜங்
 [நிஸஜ்ஜனங் (க.)] ஸண்ட²பேதி ஸயனங் ஸண்ட²பேதி, பணிதா⁴ய க³ச்ச²தி
 பணிதா⁴ய திட்ட²தி பணிதா⁴ய நிஸீத³தி பணிதா⁴ய ஸெய்யங் கப்பேதி
 ஸமாஹிதோ விய க³ச்ச²தி ஸமாஹிதோ விய திட்ட²தி ஸமாஹிதோ விய
 நிஸீத³தி ஸமாஹிதோ விய ஸெய்யங் கப்பேதி, ஆபாத²கஜ்ஜா²யீவ
 [ஆபாத²கஜ்ஜா²யீ ச (க.)] ஹோதி. யா ஏவருபா இரியாபத²ஸ்ஸ ஆட²பனா
 ட²பனா ஸண்ட²பனா பா⁴குடிகா பா⁴குடியங் குஹனா குஹாயனா
 குஹிதத்தங் [குஹாயிதத்தங் (ஸ்யா. க.), விஸுத்³தி⁴மக்³க்ட்ட²கதா²
 ஒலோகேதப்³பா³] - இத³ங் இரியாபத²ஸங்கா²தங் குஹனவத்து².

கதமங் ஸாமந்தஜப்பனஸங்கா²தங் குஹனவத்து²? இதே⁴கச்சோ பாபிச்சோ²
 இச்சா²பகதோ ஸம்பா⁴வனாதி⁴ப்பாயோ “ஏவங் மங் ஜனோ
 ஸம்பா⁴வெஸ்ஸதீ”தி அரியத⁴ம்மே ஸன்னிஸ்ஸிதவாசங் பா⁴ஸதி. “யோ

ஏவருபங் சீவரங் தா⁴ரேதி ஸோ ஸமணோ மஹேஸக்கோ²தி ப⁴ணதி; யோ ஏவருபங் பத்தங் தா⁴ரேதி...பே... லோஹதா²லகங் தா⁴ரேதி... த⁴ம்மகரணங் தா⁴ரேதி... பரிஸ்ஸாவனங் தா⁴ரேதி... குஞ்சிகங் தா⁴ரேதி... உபாஹனங் தா⁴ரேதி... காயப³ந்த⁴னங் தா⁴ரேதி... ஆயோக³ங் [ஆயோக³ப³ந்த⁴னங் (ஸ்யா. க.) மஹானி. 87] தா⁴ரேதி ஸோ ஸமணோ மஹேஸக்கோ²தி ப⁴ணதி; “யஸ்ஸ ஏவருபா உபஜ்ஜா²யோ ஸோ ஸமணோ மஹேஸக்கோ²தி ப⁴ணதி; யஸ்ஸ ஏவருபோ ஆசரியோ ...பே... ஏவருபா ஸமானுபஜ்ஜா²யகா... ஸமானாசரியகா... மித்தா... ஸந்தி³ட்டா²... ஸம்ப⁴த்தா... ஸஹாயா ஸோ ஸமணோ மஹேஸக்கோ²தி ப⁴ணதி; யோ ஏவருபே விஹாரே வஸதி... அட்³ட⁴யோகே³ வஸதி... பாஸாதே³ வஸதி... ஹம்மியே வஸதி... கு³ஹாயங் வஸதி... லேணே வஸதி... குடியங் வஸதி... கூடாகா³ரே வஸதி... அட்டே வஸதி... மாளே வஸதி... உத்³த³ண்டே³ [உட்டண்டே³ (க.)] வஸதி... உபட்டா²னஸாலாயங் வஸதி... மண்ட³பே வஸதி... ருக்க²முலே வஸதி ஸோ ஸமணோ மஹேஸக்கோ²தி ப⁴ணதி.

அத² வா, கோரஜிககோரஜிகோ பா⁴குடிகபா⁴குடிகோ குஹககுஹகோ லபகலபகோ முக²ஸம்பா⁴விகோ “அயங் ஸமணோ இமாஸங் ஏவருபானங் ஸந்தானங் விஹாரஸமாபத்தீனங் லாபீ⁴”தி தாதி³ஸங் க³ம்பீ⁴ரங் கூ³ள்ஹங் நிபுணங் படிச்ச²ன்னங் லோகுத்தரங் ஸுஞ்ஞதாபடிஸஞ்ஞத்தங் கத²ங் கதே²தி. யா ஏவருபா பா⁴குடிகா பா⁴குடியங் குஹனா குஹாயனா குஹிதத்தங், இத³ங் ஸாமந்தஜப்பனஸங்கா²தங் குஹனவத்து². தஸ்ஸ பச்சேகஸம்பு³த்⁴ஸ³ இமானி தீணி குஹனவத்தூ²னி பஹீனானி ஸமுச்சி²ன்னானி ஓபஸந்தானி படிப்பஸ்ஸத்³தா⁴னி அப⁴ப்³பு³ப்பத்திகானி ஞாணக்³கி³னா த³ட்³டா⁴னி. தஸ்மா ஸோ பச்சேகஸம்பு³த்³தோ⁴ நிக் குஹோ.

நிப்பிபாஸோதி பிபாஸா வுச்சதி தண்ஹா. யோ ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலங். ஸா பிபாஸா தண்ஹா தஸ்ஸ பச்சேகஸம்பு³த்³த⁴ஸ³ பஹீனா உச்சி²ன்னமூலா தாலாவத்து²கதா அனபா⁴வங்கதா ஆயதிங் அனுப்பாத³த்⁴ம்மா. தஸ்மா பச்சேகஸம்பு³த்³தோ⁴ நிப்பிபாஸோதி - நில்லோலுபோ நிக் குஹோ நிப்பிபாஸோ.

நிம்மக்கோ² நித்³த்⁴ந்தகஸாவமோஹோதி. மக்கோ²தி யோ மக்கோ² மக்கா²யனா [மக்கி²யனா (க.) பஸ்ஸ விப⁴. 892] மக்கா²யிதத்தங் நிட்டு²ரியங் நிட்டு²ரியகம்மங். கஸாவோதி ராகோ³ கஸாவோ, தோ³ஸோ கஸாவோ, மோஹோ கஸாவோ, கோதோ⁴...பே... உபனாஹோ... மக்கோ²... பளாஸோ... ஸப்³பா³குஸலாபி⁴ஸங்கா²ரா கஸாவா. மோஹோதி து³க்கே² அஞ்ஞாணங், து³க்க²ஸமுத³யே அஞ்ஞாணங், து³க்க²னிரோதே⁴ அஞ்ஞாணங், து³க்க²னிரோத⁴கா³மினியா படிபதா³ய அஞ்ஞாணங், புப்³பு³ந்தே அஞ்ஞாணங், அபரந்தே அஞ்ஞாணங், புப்³பு³ந்தாபரந்தே அஞ்ஞாணங்,

இத³ப்பச்சயதாபடிச்சஸமுப்பன்னேஸு த⁴ம்மேஸு அஞ்ஞாணங். யங் ஏவருபங்
 அஞ்ஞாணங் அத³ஸ்ஸனங் அனபி⁴ஸமயோ அனநுபோ³தோ⁴
 அப்படிவேதோ⁴ அஸங்கா³ஹனா அபரியோகா³ஹனா அஸமபெக்க²னா
 அபச்சவெக்க²னா அபச்சக்க²கம்மங் து³ம்மெஜ்ஜ²ங் பா³ல்யங் அஸம்பஜஞ்ஞங்
 மோஹோ பமோஹோ ஸம்மோஹோ அவிஜ்ஜா அவிஜ்ஜோகோ⁴
 அவிஜ்ஜாயோகோ³ அவிஜ்ஜானுஸயோ அவிஜ்ஜாபரியுட்டா²னங் அவிஜ்ஜாலங்கீ³
 மோஹோ அகுஸலமூலங். தஸ்ஸ பச்சேகஸம்பு³த்⁴த்⁴ஸ்ஸ மக்கோ² ச
 கஸாவோ ச மோஹோ ச வந்தா ஸங்வந்தா நித்³த்⁴ந்தா பஹீனா
 ஸமுச்சி²ன்னா வுபஸந்தா படிப்பஸ்ஸத்³தா⁴ அப⁴ப்³ப்³ப்பத்திகா
 ஞாணக்கி³னா த³ட்³டா⁴தி. ஸோ பச்சேகஸம்பு³த்⁴தோ⁴ நிம்மக்கோ²
 நித்³த்⁴ந்தகஸாவமோஹோ.

நிராஸஸோ ஸப்³பலோகே ப⁴வித்வாதி ஆஸா வுச்சதி தண்ஹா. யோ
 ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலங்.
 ஸப்³பலோகேதி ஸப்³ப³அபாயலோகே ஸப்³ப³மனுஸ்ஸலோகே
 ஸப்³ப³தே³வலோகே ஸப்³ப³க²ந்த⁴லோகே ஸப்³ப³தா⁴துலோகே
 ஸப்³ப³ஆயதனலோகே. நிராஸஸோ ஸப்³பலோகே ப⁴வித்வாதி
 ஸப்³பலோகே நிராஸஸோ ப⁴வித்வா நித்தண்ஹோ ப⁴வித்வா நிப்பிபாஸோ
 ப⁴வித்வாதி - நிராஸஸோ ஸப்³பலோகே ப⁴வித்வா, ஏகோ சரே
 க²க்³க³விஸாணகப்போ. தேனாஹ ஸோ பச்சேகஸம்பு³த்⁴தோ⁴ -

“நில்லோலுபோ நிக்குஹோ நிப்பிபாஸோ, நிம்மக்கோ²
 நித்³த்⁴ந்தகஸாவமோஹோ;
 நிராஸஸோ ஸப்³பலோகே ப⁴வித்வா, ஏகோ சரே
 க²க்³க³விஸாணகப்போ”தி.

143. பாபங் ஸஹாயங் பரிவஜ்ஜயேத², அனத்த²த்³ஸ்ஸிங் விஸமே
 நிவிட்ட²ங்;
 ஸயங் ந ஸேவே பஸுதங் பமத்தங், ஏகோ சரே
 க²க்³க³விஸாணகப்போ.

பாபங் ஸஹாயங் பரிவஜ்ஜயேதா²தி. பாபஸஹாயோ வுச்சதி யோ ஸோ
 ஸஹாயோ த³ஸவத்து²காய மிச்சா²தி³ட்டி²யா ஸமன்னாக³தோ - நத்தி²
 தி³ன்னங், நத்தி² யிட்ட²ங், நத்தி² ஹுதங், நத்தி² ஸுகதது³க்கடானங் கம்மானங்
 ப²லங் விபாகோ, நத்தி² அயங் லோகோ, நத்தி² பரோ லோகோ, நத்தி² மாதா,
 நத்தி² பிதா, நத்தி² ஸத்தா ஓபபாதிகா, நத்தி² லோகே ஸமணப்³ராஹ்மணா
 ஸம்மக்³தா ஸம்மாபடிபன்னா யே இமஞ்ச லோகங் பரஞ்ச லோகங் ஸயங்
 அபி⁴ஞ்ஞா ஸச்சி²கத்வா பவேதெ³ந்தீதி. அயங் பாபஸஹாயோ. பாபங்

ஸஹாயங் பரிவஜ்ஜயேதா²தி. பாபங் ஸஹாயங் வஜ்ஜெய்ய பரிவஜ்ஜெய்யாதி - பாபங் ஸஹாயங் பரிவஜ்ஜயேத².

அனத்த²த³ஸ்ஸிங் விஸமே நிவிட்ட²ந்தி அனத்த²த³ஸ்ஸீ வுச்சதி யோ ஸோ ஸஹாயோ த³ஸவத்து²காய மிச்சா²தி³ட்டி²யா ஸமன்னாக³தோ - நத்தி² தி³ன்னங், நத்தி² யிட்ட²ங்...பே... யே இமஞ்ச லோகங் பரஞ்ச லோகங் ஸயங் அபி⁴ஞ்ஞா ஸச்சி²கத்வா பவேதெ³ந்தீதி. விஸமே நிவிட்ட²ந்தி விஸமே காயகம்மே நிவிட்ட²ங், விஸமே வசீகம்மே நிவிட்ட²ங், விஸமே மனோகம்மே நிவிட்ட²ங், விஸமே பாணாதிபாதே நிவிட்ட²ங், விஸமே அதி³ன்னாதா³னே நிவிட்ட²ங், விஸமே காமேஸுமிச்சா²சாரே நிவிட்ட²ங், விஸமே முஸாவாதே³ நிவிட்ட²ங், விஸமாய பிஸுணாய வாசாய [பிஸுணவாசாய (க.)] நிவிட்ட²ங், விஸமாய ப²ருஸாய வாசாய [ப²ருஸவாசாய (க.)] நிவிட்ட²ங், விஸமே ஸம்பப்பலாபே நிவிட்ட²ங், விஸமாய அபி⁴ஜ்ஜா²ய நிவிட்ட²ங், விஸமே ப்யாபாதே³ நிவிட்ட²ங், விஸமாய மிச்சா²தி³ட்டி²யா நிவிட்ட²ங், விஸமேஸு ஸங்கா²ரேஸு நிவிட்ட²ங் விஸமேஸு பஞ்சஸு காமகு³ணேஸு நிவிட்ட²ங், விஸமேஸு பஞ்சஸு நீவரணேஸு நிவிட்ட²ங் வினிவிட்ட²ங் ஸத்தங் அல்லீனங் உபக³தங் அஜ்ஜோ²ஸிதங் அதி⁴முத்தந்தி - அனத்த²த³ஸ்ஸிங் விஸமே நிவிட்ட²ங்.

ஸயங் ந ஸேவே பஸுதங் பமத்தந்தி. பஸுதந்தி யோபி காமே ஏஸதி க³வேஸதி பரியேஸதி தச்சரிதோ தப்³ஹுலோ தக்³ருகோ தன்னினோ தப்போணோ தப்பப்³பா⁴ரோ தத³தி⁴முத்தோ தத³தி⁴பதெய்யோ, ஸோபி காமப்பஸுதோ. யோபி தண்ஹாவஸேன ரூபே பரியேஸதி, ஸத்³தே³...பே... க³ந்தே⁴... ரஸே... பொ²ட்ட²ப்³பே³ பரியேஸதி தச்சரிதோ தப்³ஹுலோ தக்³ருகோ தன்னின்னோ தப்போணோ தப்பப்³பா⁴ரோ தத³தி⁴முத்தோ தத³தி⁴பதெய்யோ, ஸோபி காமப்பஸுதோ. யோபி தண்ஹாவஸேன ரூபே படிப⁴தி, ஸத்³தே³...பே... க³ந்தே⁴... ரஸே... பொ²ட்ட²ப்³பே³ படிப⁴தி தச்சரிதோ தப்³ஹுலோ தக்³ருகோ தன்னின்னோ தப்போணோ தப்பப்³பா⁴ரோ தத³தி⁴முத்தோ தத³தி⁴பதெய்யோ, ஸோபி காமப்பஸுதோ. யோபி தண்ஹாவஸேன ரூபே பரிபு⁴ஞ்ஜதி, ஸத்³தே³...பே... க³ந்தே⁴... ரஸே... பொ²ட்ட²ப்³பே³ பரிபு⁴ஞ்ஜதி தச்சரிதோ தப்³ஹுலோ தக்³ருகோ தன்னின்னோ தப்போணோ தப்பப்³பா⁴ரோ தத³தி⁴முத்தோ தத³தி⁴பதெய்யோ, ஸோபி காமப்பஸுதோ. யதா² கலஹகாரகோ கலஹப்பஸுதோ, கம்மகாரகோ கம்மப்பஸுதோ, கோ³சரே சரந்தோ கோ³சரப்பஸுதோ, ஜா²யீ ஜா²னப்பஸுதோ; ஏவமேவ யோ காமே ஏஸதி க³வேஸதி பரியேஸதி தச்சரிதோ தப்³ஹுலோ தக்³ருகோ தன்னின்னோ தப்போணோ தப்பப்³பா⁴ரோ தத³தி⁴முத்தோ தத³தி⁴பதெய்யோ, ஸோபி காமப்பஸுதோ. யோபி தண்ஹாவஸேன ரூபே பரியேஸதி...பே... யோபி தண்ஹாவஸேன ரூபே படிப⁴தி...பே... யோபி

தண்ஹாவஸேன ரூபே பரிபு⁴ஞ்ஜதி, ஸத்³தே³...பே... க³ந்⁴தே⁴... ரஸே...
 பொ²ட்ட²பு³பே³ பரிபு⁴ஞ்ஜதி தச்சரிதோ தப்³பு³ஹுலோ தக்³க³ருகோ
 தன்னின்னோ தப்போணோ தப்பப்³பா⁴ரோ தத³தி⁴முத்தோ தத³தி⁴பதெய்யோ,
 ஸோபி காமப்பஸுதோ. பமத்தந்தி. பமாதோ³ வத்தப்³போ³ காயது³ச்சரிதே வா
 வசீது³ச்சரிதே வா மனோது³ச்சரிதே வா பஞ்சஸு காமகு³ணேஸு வா
 சித்தஸ்ஸ வோஸக்³கோ³ வோஸக்³கா³னுப்பதா³னங் குஸலானங் த⁴ம்மானங்
 பா⁴வனாய அஸக்கச்சகிரியதா அஸாதச்சகிரியதா அனட்டி²தகிரியதா
 ஓலீனவத்திதா நிக்கி²த்தச்ச²ந்த³தா நிக்கி²த்தது⁴ரதா அனாஸேவனா
 அபா⁴வனா அபு³ஹுலீகம்மங் அனதி⁴ட்டா²னங் அனநுயோகோ³, யோ
 ஏவரூபோ பமாதோ³ பமஜ்ஜனா பமஜ்ஜிதத்தங் - அயங் வச்சதி பமாதோ³.

ஸயங் ந ஸேவே பஸுதங் பமத்தந்தி பஸுதங் ந ஸேவெய்ய பமத்தஞ்ச
 ஸயங் ந ஸேவெய்ய ஸாமங் ந ஸேவெய்ய ந நிலேஸவெய்ய ந
 ஸங்ஸேவெய்ய ந பரிஸங்ஸேவெய்ய ந ஆசரெய்ய ந ஸமாசரெய்ய ந
 ஸமாதா³ய வத்தெய்யாதி - ஸயங் ந ஸேவே பஸுதங் பமத்தங், ஏகோ சரே
 க²க்³க³விஸாணகப்போ. தேனாஹ ஸோ பச்சேகஸம்பு³த்³தோ⁴ -

“பாபங் ஸஹாயங் பரிவஜ்ஜயேத², அனத்த²த³ஸ்ஸிங் விஸமே
 நிவிட்ட²ங்;

ஸயங் ந ஸேவே பஸுதங் பமத்தங், ஏகோ சரே க²க்³க³விஸாணகப்போ.

144. ப³ஹுஸ்ஸுதங் த⁴ம்மத⁴ரங் ப⁴ஜேத², மித்தங் உளாரங்
 படிபா⁴னவந்தங்;
 அஞ்ஞாய அத்தா²னி வினெய்ய கங்க²ங், ஏகோ சரே
 க²க்³க³விஸாணகப்போ.

ப³ஹுஸ்ஸுதங் த⁴ம்மத⁴ரங் ப⁴ஜேதா²தி ப³ஹுஸ்ஸுதோ ஹோதி
 மித்தோ ஸுதத⁴ரோ ஸுதஸன்னிசயோ. யே தே த⁴ம்மா ஆதி³கல்யாணா
 மஜ்ஜே²கல்யாணா பரியோஸானகல்யாணா ஸாத்த²ங் ஸப்³யஞ்ஜனங் [ஸத்தா²
 ஸப்³யஞ்ஜனா (ஸ்யா.) பஸ்ஸ ம. நி. 3.82] கேவலபரிபுண்ணங் பரிஸுத்³த⁴ங்
 ப்³ரஹ்மசரியங் அபி⁴வத³ந்தி, ததா²ரூபாஸ்ஸ த⁴ம்மா ப³ஹுஸ்ஸுதா
 ஹோந்தி தா⁴தா [த⁴தா (ஸ்யா.)] வசஸா பரிசிதா மனஸானுபெக்கி²தா
 தி³ட்டி²யா ஸுப்படிவித்³தா⁴. த⁴ம்மத⁴ரந்தி த⁴ம்மங் தா⁴ரெந்தங்
 [தா⁴ரேதி (க.)] - ஸுத்தங் கெ³ய்யங் வெய்யாகரணங் கா³த²ங் உதா³னங்
 இதிவுத்தகங் ஜாதகங் அபு³பு⁴தத⁴ம்மங் வேத³ல்லங். ப³ஹுஸ்ஸுதங்
 த⁴ம்மத⁴ரங் ப⁴ஜேதா²தி ப³ஹுஸ்ஸுதஞ்ச த⁴ம்மத⁴ரஞ்ச மித்தங்
 ப⁴ஜேய்ய ஸங்⁴ஜேய்ய ஸேவெய்ய நிலேஸவெய்ய ஸங்ஸேவெய்ய
 படிஸேவெய்யாதி - ப³ஹுஸ்ஸுதங் த⁴ம்மத⁴ரங் ப⁴ஜேத².

மித்தங் ஁ளாரங் படிபா஁னவந்தந்தி ஁ளாரோ ஹோதி மித்தோ ஸீலேன ஸமாதி஁னா பஞ்ஞாய விமுத்தியா விமுத்திஞாணத஁ஸ்ஸேன.
 படிபா஁னவந்தந்தி தயோ படிபா஁னவந்தோ - பரியத்திபடிபா஁னவா, பரிபுச்சா஁படிபா஁னவா, அதி஁க஁மபடிபா஁னவா. கதமோ பரியத்திபடிபா஁னவா? இதே஁கச்சஸ்ஸ புத்த஁வசனங் பரியாபுதங் [பரியாபுடங் (ஸ்யா. க.) பஸ்ஸ தீ. நி. 3.282] ஹோதி ஸுத்தங் கெய்யங் வெய்யாகரணங் கா஁தா஁ உதா஁னங் இதிவுத்தகங் ஜாதகங் அப்பு஁தத஁ம்மங் வேத஁ல்லங். தஸ்ஸ பரியத்திங் நிஸ்ஸாய படிபா஁தி - அயங் பரியத்திபடிபா஁னவா.

கதமோ பரிபுச்சா஁படிபா஁னவா? இதே஁கச்சோ பரிபுச்சி஁தோபி ஹோதி அத்தே஁ ச ஞாயே ச லக்க஁ணே ச காரணே ச டா஁னாட்டா஁னே ச. தஸ்ஸ பரிபுச்சங் நிஸ்ஸாய படிபா஁தி - அயங் பரிபுச்சா஁படிபா஁னவா.

கதமோ அதி஁க஁மபடிபா஁னவா? இதே஁கச்சஸ்ஸ அதி஁க஁தா ஹோந்தி சத்தாரோ ஸதிபட்டா஁னா சத்தாரோ ஸம்மப்பதா஁னா சத்தாரோ இத்தி஁பாதா஁ பஞ்சிந்த஁ரியானி பஞ்ச ப஁லானி ஸத்த பௌஜ்ஜங்கா஁ அரியோ அட்டங்கி஁கோ மக்கோ஁ சத்தாரோ அரியமக்கா஁ சத்தாரி ஸாமஞ்ஞப஁லானி சதஸ்ஸோ படிஸம்பி஁தா஁யோ ச஁ அபி஁ஞ்ஞாயோ [ச஁ளபி஁ஞ்ஞாயோ (ஸ்யா.)]. தஸ்ஸ அத்தோ஁ ஞாதோ த஁ம்மோ ஞாதோ நிருத்தி ஞாதா. அத்தே஁ ஞாதே அத்தோ஁ படிபா஁தி, த஁ம்மே ஞாதே த஁ம்மோ படிபா஁தி, நிருத்தியா ஞாதாய நிருத்தி படிபா஁தி. இமேஸு தீஸு ஞாணங் படிபா஁னபடிஸம்பி஁தா஁. ஸோ பச்சேகஸம்புத்தோ஁ இமாய படிபா஁னபடிஸம்பி஁தா஁ய உபேதோ ஸமுபேதோ உபாக஁தோ ஸமுபாக஁தோ உபபன்னோ ஸமுபபன்னோ ஸமன்னாக஁தோ. தஸ்மா பச்சேகஸம்புத்தோ஁ படிபா஁னவா . யஸ்ஸ பரியத்தி நத்தி஁ பரிபுச்சா஁ நத்தி஁ அதி஁க஁மோ நத்தி஁, கிங் தஸ்ஸ படிபா஁யிஸ்ஸதீதி - மித்தங் ஁ளாரங் படிபா஁னவந்தங்.

அஞ்ஞாய அத்தா஁னி வினெய்ய கங்க஁ந்தி அத்தத்தங் அஞ்ஞாய பரத்தங் அஞ்ஞாய உப஁யத்தங் அஞ்ஞாய தி஁ட்டத஁ம்மிகத்தங் அஞ்ஞாய ஸம்பராயிகத்தங் அஞ்ஞாய பரமத்தங் அஞ்ஞாய அபி஁ஞ்ஞாய ஜானித்வா துலயித்வா தீரயித்வா விபா஁வயித்வா விபு஁தங் கத்வா கங்கங் வினெய்ய படிவினெய்ய பஜஹெய்ய வினோதெய்ய ப்யந்தீகரெய்ய அனபா஁வங் க஁மெய்யாதி - அஞ்ஞாய அத்தா஁னி வினெய்ய கங்கங், ஏகோ சரே க஁க்க஁விஸாணகப்போ. தேனாஹ ஸோ பச்சேகஸம்புத்தோ஁ -

“ப஁ஹுஸ்ஸுதங் த஁ம்மத஁ரங் ப஁ஜேத஁, மித்தங் ஁ளாரங் படிபா஁னவந்தங்;
 அஞ்ஞாய அத்தா஁னி வினெய்ய கங்கங், ஏகோ சரே க஁க்க஁விஸாணகப்போ”தி.

145. கி²ட³ட³ங் ரதிங் [ரதீ (ஸ்யா.)] காமஸுக²ஞ்ச லோகே, அனலங்கரித்வா
 அனபெக்க²மானோ;
 விபு⁴ஸட்டா²னா [விபு⁴ஸனட்டா²னா (ஸ்யா. க.),
 விபு⁴ஸனட்டா²னா (ஸீ. அட்ட².)] விரதோ ஸச்சவாதீ³, ஏகோ சரே
 க²க³க³விஸாணகப்போ.

கி²ட³ட³ங் ரதிங் காமஸுக²ஞ்ச லோகேதி. கி²ட³டா³தி த்³வே கி²ட³டா³ -
 காயிகா கி²ட³டா³ ச வாசஸிகா கி²ட³டா³ ச...பே... அயங் காயிகா கி²ட³டா³...பே...
 அயங் வாசஸிகா கி²ட³டா³. ரதீதி அனுக்கண்டி²தாதி⁴வசனமேதங் - ரதீதி.
 காமஸுக²ந்தி வுத்தஞ்ஹேதங் ப⁴க³வதா [பஸ்ஸ ம. நி. 2.280] - “பஞ்சிமே,
 பி⁴க்க²வே, காமகு³ணா. கதமே பஞ்ச? சக்கு²விஞ்ஞெய்யா ரூபா இட்டா² கந்தா
 மனாபா பியரூபா காமுபஸங்ஹிதா ரஜனீயா, ஸோதவிஞ்ஞெய்யா ஸத்த³தா³...
 பே... கா⁴னவிஞ்ஞெய்யா க³ந்தா⁴... ஜிவ்ஹாவிஞ்ஞெய்யா ரஸா...
 காயவிஞ்ஞெய்யா பொ²ட்ட²ப³பா³ இட்டா² கந்தா மனாபா பியரூபா
 காமுபஸங்ஹிதா ரஜனீயா. இமே கோ², பி⁴க்க²வே, பஞ்ச காமகு³ணா. யங்
 கோ², பி⁴க்க²வே, இமே பஞ்ச காமகு³ணே படிச்ச உப்பஜ்ஜதி ஸுக²ங்
 ஸோமனஸ்ஸங், இத³ங் வுச்சதி காமஸுக²ங்”. லோகேதி மனுஸ்ஸலோகேதி -
 கி²ட³ட³ங் ரதிங் காமஸுக²ஞ்ச லோகே.

அனலங்கரித்வா அனபெக்க²மானோதி கி²ட³ட³ஞ்ச ரதிஞ்ச காமஸுக²ஞ்ச
 லோகே அனலங்கரித்வா அனபெக்கோ² ஹுத்வா பஜஹித்வா வினோதெ³த்வா
 ப்யந்தீகரித்வா அனபா⁴வங் க³மெத்வாதி - அனலங்கரித்வா அனபெக்க²மானோ.

விபு⁴ஸட்டா²னா விரதோ ஸச்சவாதீ³தி. விபு⁴ஸாதி த்³வே விபு⁴ஸா -
 அத்தி² அகா³ரிகவிபு⁴ஸா [அகா³ரிகஸ்ஸ விபு⁴ஸா (க.) ஏவமுபரிபி] அத்தி²
 அனாகா³ரிகவிபு⁴ஸா. கதமா அகா³ரிகவிபு⁴ஸா? கேஸா ச மஸ்ஸ^௨ ச
 மாலாக³ந்த⁴ஞ்ச விலேபனஞ்ச ஆப⁴ரணஞ்ச பிலந்த⁴னஞ்ச வத்த²ஞ்ச
 பாருபனஞ்ச [பஸாத⁴னஞ்ச (ஸ்யா.), ஸயனாஸனஞ்ச (க.) துளனி.
 க²க³க³விஸாணஸுத்தனித்³தே³ஸ 130 நத்தி² பாட²னானத்தங்] வேட²னஞ்ச
 உச்சா²த³னங் பரிமத்³த³னங் ந்ஹாபனங் ஸம்பா³ஹனங் ஆதா³ஸங் அஞ்ஜனங்
 மாலாக³ந்த⁴விலேபனங் முக²சுண்ணங் முக²லேபனங் ஹத்த²ப³ந்த⁴ங்
 ஸிகா²ப³ந்த⁴ங் த³ண்ட³ங் நாளிகங் க²க³க³ங் ச²த்தங் சித்ருபாஹனங்
 உண்ஹீஸங் மணிங் வாஸ³ஜனிங் ஓதா³தானி வத்தா²னி தீ³க⁴த³ஸானி இதி
 வா - அயங் அகா³ரிகவிபு⁴ஸா.

கதமா அனாகா³ரிகவிபு⁴ஸா? சீவரமண்ட³னா பத்தமண்ட³னா
 ஸேனாஸனமண்ட³னா இமஸ்ஸ வா பூதிகாயஸ்ஸ பா³ஹிரானங் வா
 பரிக்கா³ரானங் மண்ட³னா விபு⁴ஸனா கேளனா பரிகேளனா க³த்தி⁴கதா

க³த்தி⁴கத்தங் [கே³தி⁴கதா கே³தி⁴கத்தங் (ஸ்யா.) பஸ்ஸ விப⁴. 854] சபலதா
[சபலனா (ஸ்யா.)] சாபல்யங் - அயங் அனாகா³ரிகவிபு⁴ஸா.

ஸச்சவாதீ³தி ஸோ பச்சேகஸம்பு³த்தோ⁴ ஸச்சவாதீ³ ஸச்சஸந்தோ⁴
தே²தோ பச்சயிகோ அவிஸங்வாத³கோ லோகஸ்ஸ, விபு⁴ஸட்டா²னா ஆரதோ
விரதோ படிவிரதோ நிக்³ந்தோ நிஸ்ஸடோ விப்பமுத்தோ விஸஞ்ஞுத்தோ,
விமரியாதி³கதேன சேதஸா விஹரதீதி - விபு⁴ஸட்டா²னா விரதோ
ஸச்சவாதீ³, ஏகோ சரே க²க்³க³விஸாணகப்போ. தேனாஹ ஸோ
பச்சேகஸம்பு³த்தோ⁴ -

“கி²ட்³ட³ங் ரதிங் காமஸுக²ஞ்ச லோகே, அனலங்கரித்வா
அனபெக்க²மானோ;
விபு⁴ஸட்டா²னா விரதோ ஸச்சவாதீ³, ஏகோ சரே
க²க்³க³விஸாணகப்போ”தி.

146. புத்தஞ்ச தா³ரங் பிதரஞ்ச மாதரங், த⁴னானி த⁴ஞ்ஞானி ச
ப³ந்த⁴வானி;
ஹித்வான காமானி யதோ²தி⁴கானி, ஏகோ சரே
க²க்³க³விஸாணகப்போ.

புத்தஞ்ச தா³ரங் பிதரஞ்ச மாதரந்தி. புத்தாதி சத்தாரோ புத்தா - அத்ரஜோ
புத்தோ, கெ²த்தஜோ [கெ²த்ரஜோ (ஸ்யா. க.)] புத்தோ, தி³ன்னகோ புத்தோ,
அந்தேவாஸிகோ புத்தோ. தா³ரா வச்சந்தி ப⁴ரியாயோ. பிதாதி யோ ஸோ
ஜனகோ. மாதாதி யா ஸா ஜனிகாதி - புத்தஞ்ச தா³ரங் பிதரஞ்ச மாதரங்.

த⁴னானி த⁴ஞ்ஞானி ச ப³ந்த⁴வானீதி த⁴னானி வச்சந்தி ஹிரஞ்ஞங்
ஸுவண்ணங் முத்தா மணி வேஞ்ஞரியோ ஸங்கோ² ஸிலா பவாளங் ரஜதங்
ஜாதருபங் லோஹிதங்கோ³ [லோஹிதகோ (?)] மஸாரக³ல்லங். த⁴ஞ்ஞானி
வச்சந்தி பு³ப³ண்ணங் அபரண்ணங். பு³ப³ண்ணங் நாம ஸாலி வீஹி யவோ
கோது⁴மோ கங்கு³ வரகோ குத்³ருஸகோ [குத்³ருஸகோ (ஸ்யா.)]. அபரண்ணங்
நாம ஸூபெய்யங். ப³ந்த⁴வானீதி சத்தாரோ ப³ந்த⁴வா - ஞாதிப³ந்த⁴வாபி
ப³ந்து⁴, கொ³த்தப³ந்த⁴வாபி ப³ந்து⁴, மித்தப³ந்த⁴வாபி ப³ந்து⁴,
ஸிப்பப³ந்த⁴வாபி ப³ந்து⁴தி - த⁴னானி த⁴ஞ்ஞானி ச ப³ந்த⁴வானி.

ஹித்வான காமானி யதோ²தி⁴கானீதி. காமாதி உத்³தா³னதோ த்³வே
காமா - வத்து²காமா ச கிலேஸகாமா ச...பே... இமே வச்சந்தி வத்து²காமா...பே...
இமே வச்சந்தி கிலேஸகாமா. ஹித்வான காமானீதி வத்து²காமே
பரிஜானித்வா, கிலேஸகாமே பஹாய பஜஹித்வா வினோதே³த்வா
ப்யந்தீகரித்வா அனபா⁴வங் க³மெத்வா. ஹித்வான காமானி

யதோ²தி⁴கானீதி ஸோதாபத்திமக்³கே³ன யே கிலேஸா பஹீனா, தே கிலேஸே ந புனேதி ந பச்சேதி ந பச்சாக³ச்ச²தி; ஸகதா³கா³மிமக்³கே³ன யே கிலேஸா பஹீனா...பே... அனாகா³மிமக்³கே³ன யே கிலேஸா பஹீனா... அரஹத்தமக்³கே³ன யே கிலேஸா பஹீனா, தே கிலேஸே ந புனேதி ந பச்சேதி ந பச்சாக³ச்ச²தீதி - ஹித்வான காமானி யதோ²தி⁴கானி, ஏகோ சரே க²க்³விஸாணகப்போ. தேனாஹ ஸோ பச்சேகஸம்பு³த்³தோ⁴ -

“புத்தஞ்ச தா³ரங் பிதரஞ்ச மாதரங், த⁴னானி த⁴ஞ்ஞானி ச ப³ந்த⁴வானி;
ஹித்வான காமானி யதோ²தி⁴கானி, ஏகோ சரே க²க்³விஸாணகப்போ”தி.

147. ஸங்கோ³ ஏஸோ பரித்தமெத்த² ஸொக்²யங், அப்பஸ்ஸாதோ³ து³க்க²மெத்த² பி⁴ய்யோ;
க³ளோ ஏஸோ இதி ஞத்வா மதிமா [முதீமா (ஸு. நி. 61)], ஏகோ சரே க²க்³விஸாணகப்போ.

ஸங்கோ³ ஏஸோ பரித்தமெத்த² ஸொக்²யந்தி ஸங்கோ³தி வா ப³ளிஸந்தி வா ஆமிஸந்தி வா லக்³க³னந்தி வா பலிபோ³தோ⁴தி வா, பஞ்சன்னேதங் காமகு³ணானங் அதி⁴வசனங். பரித்தமெத்த² ஸொக்²யந்தி வுத்தஞ்ஹேதங் ப⁴க³வதா - “பஞ்சிமே, பி⁴க்க²வே, காமகு³ணா. கதமே பஞ்ச? சக்கு²விஞ்ஞெய்யா ரூபா இட்டா² கந்தா மனாபா பியரூபா காழபஸங்ஹிதா ரஜனீயா...பே... காயவிஞ்ஞெய்யா பொ²ட்ட²ப³பா³ இட்டா² கந்தா மனாபா பியரூபா காழபஸங்ஹிதா ரஜனீயா. இமே கோ², பி⁴க்க²வே, பஞ்ச காமகு³ணா. யங் கோ², பி⁴க்க²வே, இமே பஞ்ச காமகு³ணே படிச்ச உப்பஜ்ஜதி ஸுக²ங் ஸோமனஸ்ஸங், இத³ங் வுச்சதி காமஸுக²ங். அப்பகங் ஏதங் ஸுக²ங் , பரித்தகங் ஏதங் ஸுக²ங், தோ²ககங் ஏதங் ஸுக²ங், ஓமகங் ஏதங் ஸுக²ங், லாமகங் ஏதங் ஸுக²ங், ச²துக்கங் ஏதங் ஸுக²ந்தி - ஸங்கோ³ ஏஸோ பரித்தமெத்த² ஸொக்²யங்.

அப்பஸ்ஸாதோ³ து³க்க²மெத்த² பி⁴ய்யோதி அப்பஸ்ஸாதா³ காமா வுத்தா ப⁴க³வதா [பஸ்ஸ ம. நி. 1.237] ப³ஹுது³க்கா² ப³ஹுபாயாஸா [ப³ஹுபாயாஸா (ஸ்யா.)]; ஆதீனவோ எத்த² பி⁴ய்யோ. அட்டி²கங்கலூபமா காமா வுத்தா ப⁴க³வதா, மங்ஸபேஸூபமா காமா வுத்தா ப⁴க³வதா, திணுக்கூபமா காமா வுத்தா ப⁴க³வதா, அங்கா³ரகாஸூபமா காமா வுத்தா ப⁴க³வதா , ஸுபினகூபமா காமா வுத்தா ப⁴க³வதா, யாசிதகூபமா காமா வுத்தா ப⁴க³வதா, ருக்க²ப²லூபமா காமா வுத்தா ப⁴க³வதா, அஸிஸூபமா காமா வுத்தா ப⁴க³வதா, ஸத்திஸூபமா காமா வுத்தா ப⁴க³வதா, ஸப்பஸிரூபமா காமா

வுத்தா ப்⁴குவதா ப்³ஹுது³க்கா² ப்³ஹுபாயாஸா, ஆதீனவோ எத்த²
பி⁴ய்யோதி - அப்பஸ்ஸாதோ³ து³க்க²மெத்த² பி⁴ய்யோ.

க³ளோ ஏஸோ இதி ஞத்வா மதிமதி க³ளோதி வா ப்³ளிஸந்தி வா
ஆமிஸந்தி வா லக்³க³னந்தி வா ப்³ந்த⁴னந்தி வா பலிபோ³தோ⁴தி வா,
பஞ்சன்னேதங் காமகு³ணானங் அதி⁴வசனங். இதீதி பத³ஸந்தி⁴
பத³ஸங்ஸக்³கோ³ பத³பாரிபூரீ அக்க²ரஸமவாயோ ப்³யஞ்ஜனஸிலிட்ட²தா
பதா³னுபு³ப்தாபேதங் இதீதி. மதிமதி பண்டி³தோ பஞ்ஞவா பு³த்தி⁴மா ஞாண்
விபா⁴வீ மேதா⁴வீ. க³ளோ ஏஸோ இதி ஞத்வா மதிமதி மதிமா க³ளோதி
ஞத்வா ப்³ளிஸந்தி ஞத்வா ஆமிஸங் தி ஞத்வா லக்³க³னந்தி ஞத்வா
ப்³ந்த⁴னந்தி ஞத்வா பலிபோ³தோ⁴தி ஞத்வா ஜானித்வா துலயித்வா தீரயித்வா
விபா⁴வயித்வா விபு⁴தங் கத்வாதி - க³ளோ ஏஸோ இதி ஞத்வா மதிமா,
ஏகோ சரே க²க்³க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“ஸங்கோ³ ஏஸோ பரித்தமெத்த² ஸொக்²யங், அப்பஸ்ஸாதோ³
து³க்க²மெத்த² பி⁴ய்யோ;
க³ளோ ஏஸோ இதி ஞத்வா மதிமா, ஏகோ சரே
க²க்³க³விஸாணகப்போ”தி.

148. ஸந்தா³லயித்வான ஸங்யோஜனானி, ஜாலங்வ பெ⁴த்வா
ஸலிலம்பு³சாரீ;
அக்³கீ³வ த³ட்³ட⁴ங் அனிவத்தமானோ, ஏகோ சரே
க²க்³க³விஸாணகப்போ.

ஸந்தா³லயித்வான ஸங்யோஜனானீதி த³ஸ ஸங்யோஜனானி -
காமராக³ஸங்யோஜனங், படிக⁴ஸங்யோஜனங், மானஸங்யோஜனங்,
தி³ட்டி²ஸங்யோஜனங், விசிகிச்சா²ஸங்யோஜனங்,
ஸீலப்³ப்தபராமாஸஸங்யோஜனங், ப்⁴வராக³ஸங்யோஜனங்,
இஸ்ஸாஸங்யோஜனங், மச்ச²ரியஸங்யோஜனங், அவிஜ்ஜாஸங்யோஜனங்.
ஸந்தா³லயித்வான ஸங்யோஜனானீதி த³ஸ ஸங்யோஜனானி தா³லயித்வா
ஸந்தா³லயித்வா பஜஹித்வா வினோதெ³த்வா ப்³யந்தீகரித்வா அனபா⁴வங்
க³மெத்வாதி - ஸந்தா³லயித்வான ஸங்யோஜனானி.

ஜாலங்வ பெ⁴த்வா ஸலிலம்பு³சாரீதி ஜாலங் வுச்சதி ஸுத்தஜாலங்.
ஸலிலங் வுச்சதி உத³கங். அம்பு³சாரீ வுச்சதி மச்சோ². யதா² மச்சோ² ஜாலங்
பி⁴ந்தி³த்வா பி⁴ந்தி³த்வா தா³லயித்வா பதா³லயித்வா ஸம்பதா³லயித்வா
சரதி விஹரதி இரியதி வத்தேதி பாலேதி யபேதி யாபேதி, ஏவமேவ த்வே
ஜாலா - தண்ஹாஜாலஞ்ச தி³ட்டி²ஜாலஞ்ச...பே... இத³ங் தண்ஹாஜாலங்...பே...
இத³ங் தி³ட்டி²ஜாலங். தஸ்ஸ பச்சேகஸம்பு³த்த⁴ஸ்ஸ தண்ஹாஜாலங்

பஹீனங், தி³ட்டி²ஜாலங் படினிஸ்ஸட்ட²ங். தண்ஹாஜாலஸ்ஸ பஹீனத்தா தி³ட்டி²ஜாலஸ்ஸ படினிஸ்ஸட்ட²த்தா ஸோ பச்சேகஸம்புத்³தோ⁴ ரூபே ந ஸஜ்ஜதி ஸத்³தே³ ந ஸஜ்ஜதி க³ந்தே⁴ ந ஸஜ்ஜதி...பே...
 தி³ட்ட²ஸுதமுதவிஞ்ஞாதப்³பே³ஸு த⁴ம்மேஸு ந ஸஜ்ஜதி ந க³ண்ஹாதி ந ப³ஜ்ஜ²தி ந பலிப³ஜ்ஜ²தி, நிக்க²ந்தோ நிஸ்ஸடோ விப்பமுத்தோ விஸஞ்ஞுத்தோ விமரியாதி³கதேன சேதஸா விஹரதீதி - ஜாலங்வ பெ⁴த்வா ஸலிலம்புச்சாரீ.

அக்³கீவ த³ட்ட³ட⁴ங் அனிவத்தமானோதி யதா² அக்³கி³
 திணகட்டு²பாதா³னங் த³ஹந்தோ க³ச்ச²தி அனிவத்தந்தோ, ஏவமேவ தஸ்ஸ பச்சேகஸம்புத்³த⁴ஸ்ஸ ஸோதாபத்திமக்³கே³ன யே கிலேஸா பஹீனா தே கிலேஸே ந புனேதி ந பச்சேதி ந பச்சாக³ச்ச²தி, ஸகதா³கா³மிமக்³கே³ன...பே...
 அனாகா³மிமக்³கே³ன... அரஹத்தமக்³கே³ன யே கிலேஸா பஹீனா தே கிலேஸே ந புனேதி ந பச்சேதி ந பச்சாக³ச்ச²தீதி - அக்³கீவ த³ட்ட³ட⁴ங் அனிவத்தமானோ, ஏகோ சரே க²க்³க³விஸாணகப்போ. தேனாஹ ஸோ பச்சேகஸம்புத்³தோ⁴ -

“ஸந்தா³லயித்வான ஸங்யோஜனானி, ஜாலங்வ பெ⁴த்வா ஸலிலம்புச்சாரீ;
 அக்³கீவ த³ட்ட³ட⁴ங் அனிவத்தமானோ, ஏகோ சரே க²க்³க³விஸாணகப்போ”தி.

149. ஓக்கி²த்தசக்கு² ந ச பாத³லோலோ, கு³த்திந்த³ரியோ ரக்கி²தமானஸானோ;
 அனவஸ்ஸுதோ அபரிட³ய்ஹமானோ [அபரித³ய்ஹமானோ (க)],
 ஏகோ சரே க²க்³க³விஸாணகப்போ.

ஓக்கி²த்தசக்கு² ந ச பாத³லோலோதி கத²ங் கி²த்தசக்கு² ஹோதி?
 இதே⁴கச்சோ பி⁴க்கு² **நுத்தி² ஸ்யா. பொத்த²கே மஹானி. 157]** சக்கு²லோலோ சக்கு²லோலியேன ஸமன்னாக³தோ ஹோதி. அதி³ட்ட²ங் த³க்கி²தப்³ப³ங் தி³ட்ட²ங் ஸமதிக்கமிதப்³ப³ந்தி - ஆராமேன ஆராமங் உய்யானேன உய்யானங் கா³மேன கா³மங் நிக³மேன நிக³மங் நக³ரேன நக³ரங் ரட்டே²ன ரட்ட²ங் ஜனபதே³ன ஜனபத³ங் தீ³க⁴சாரிகங் அனவட்டி²தசாரிகங் **[அனவத்த²சாரிகங் (ஸ்யா.)]** அனுயுத்தோ ஹோதி ரூபத³ஸ்ஸனாய. ஏவங் கி²த்தசக்கு² ஹோதி.

அத² வா, பி⁴க்கு² அந்தரக⁴ரங் பவிட்டோ² வீதி²ங் படிபன்னோ அஸங்வுதோ க³ச்ச²தி. ஹத்தி²ங் ஒலோகெந்தோ அஸ்ஸங் ஒலோகெந்தோ ரத²ங் ஒலோகெந்தோ பத்திங் ஒலோகெந்தோ குமாரகே ஒலோகெந்தோ குமாரிகாயோ ஒலோகெந்தோ இத்தி²யோ ஒலோகெந்தோ புரிஸே ஒலோகெந்தோ அந்தராபணங் ஒலோகெந்தோ க⁴ரமுகா²னி ஒலோகெந்தோ உத்³த⁴ங் ஒலோகெந்தோ அதோ⁴ ஒலோகெந்தோ தி³ஸாவிதி³ஸங்

விபெக்க²மானோ [பெக்க²மானோ (ஸ்யா. க.)] க³ச்ச²தி. ஏவம்பி கி²த்தசக்கு² ஹோதி.

அத² வா, பி்⁴க்கு² சக்கு²னா ரூபங் தி³ஸ்வா நிமித்தக்³கா³ஹீ ஹோதி அனுப்³யஞ்ஜனக்³கா³ஹீ. யத்வாதி்⁴கரணமேனங் சக்கு²ந்த்³ரியங் அஸங்வுதங் விஹரந்தங் அபி்⁴ஜ்ஜா²தோ³மனஸ்ஸா பாபகா அகுஸலா த்⁴ம்மா அன்வாஸ்ஸவெய்யுங், தஸ்ஸ ஸங்வராய ந படிபஜ்ஜதி, ந ரக்²தி சக்கு²ந்த்³ரியங், சக்கு²ந்த்³ரியே ந ஸங்வரங் ஆபஜ்ஜதி. ஏவம்பி கி²த்தசக்கு² ஹோதி.

யதா² வா பனேகே பொ்⁴ந்தோ ஸமணப்³ராஹ்மணா ஸத்³தா்⁴தெ³ய்யானி போ்⁴ஜனானி பு்⁴ஞ்ஜித்வா தே ஏவரூபங் விஸுகத³ஸ்ஸனங் அனுயுத்தா விஹரந்தி, ஸெய்யதி²த³ங் - நச்சங் கீ³தங் வாதி³தங் பெக்க²ங் அக்கா²னங் பாணிஸ்ஸரங் வேதாளங் கும்ப்⁴தூ²ணங் ஸோப்⁴னகங் [ஸோப்⁴னக³ரகங் (ஸ்யா.), ஸோப்⁴னகரணங் (க.)] சண்டா³லங் வங்ஸங் தோ்⁴வனங் ஹத்தி²யுத்³த்⁴ங் அஸ்ஸயுத்³த்⁴ங் மஹிங்ஸயுத்³த்⁴ங் [மஹிஸயுத்³த்⁴ங் (ஸ்யா.)] உஸப்⁴யுத்³த்⁴ங் அஜயுத்³த்⁴ங் மெண்ட³யுத்³த்⁴ங் குக்குடயுத்³த்⁴ங் வட்டகயுத்³த்⁴ங் த³ண்ட³யுத்³த்⁴ங் முட்டி²யுத்³த்⁴ங் நிப்³பு³த்³த்⁴ங் உய்யோதி்⁴கங் ப³லக்³கங் ஸேனாப்³யூஹங் அனீகத³ஸ்ஸனங் இதி வா. இதி ஏவரூபங் விஸுகத³ஸ்ஸனங் அனுயுத்தோ ஹோதி. ஏவம்பி கி²த்தசக்கு² ஹோதி.

கத²ங் ஒக்கி²த்தசக்கு² ஹோதி? இதே்⁴கச்சோ பி்⁴க்கு² ந சக்கு²லோலோ ந சக்கு²லோலியேன ஸமன்னாக³தோ ஹோதி. அதி³ட்ட²ங் த³க்கி²தப்³ப³ங் தி³ட்ட²ங் ஸமதிக்கமிதப்³ப³ந்தி - ந ஆராமேன ஆராமங் ந உய்யானேன உய்யானங் ந கா³மேன கா³மங் ந நிக³மேன நிக³மங் ந நக³ரேன நக³ரங் ந ரட்டே²ன ரட்ட²ங் ந ஜனபதே³ன ஜனபத³ங் தீ³க்⁴சாரிகங் அனவட்டி²தசாரிகங் அனுயுத்தோ ஹோதி ரூபத³ஸ்ஸனாய. ஏவங் ஒக்கி²த்தசக்கு² ஹோதி.

அத² வா, பி்⁴க்கு² அந்தரக்⁴ரங் பவிட்டோ² வீதி²ங் படிபன்னோ ஸங்வுதோ க³ச்ச²தி. ந ஹத்தி²ங் ஒலோகெந்தோ ந அஸ்ஸங் ஒலோகெந்தோ ந ரத²ங் ஒலோகெந்தோ ந பத்திங் ஒலோகெந்தோ ந குமாரகே ஒலோகெந்தோ ந குமாரிகாயோ ஒலோகெந்தோ ந இத்தி²யோ ஒலோகெந்தோ ந புரிஸே ஒலோகெந்தோ ந அந்தராபணங் ஒலோகெந்தோ ந க்⁴ரமுகா²னி ஒலோகெந்தோ ந உத்³த்⁴ங் ஒலோகெந்தோ ந அதோ்⁴ ஒலோகெந்தோ ந தி³ஸாவிதி³ஸங் விபெக்க²மானோ க³ச்ச²தி. ஏவம்பி ஒக்கி²த்தசக்கு² ஹோதி.

அத² வா, பி்⁴க்கு² சக்கு²னா ரூபங் தி³ஸ்வா ந நிமித்தக்³கா³ஹீ ஹோதி நானுப்³யஞ்ஜனக்³கா³ஹீ. யத்வாதி்⁴கரணமேனங் சக்கு²ந்த்³ரியங் அஸங்வுதங் விஹரந்தங் அபி்⁴ஜ்ஜா²தோ³மனஸ்ஸா பாபகா அகுஸலா த்⁴ம்மா

அன்வாஸ்ஸவெய்யுங், தஸ்ஸ ஸங்வராய படிபஜ்ஜதி, ரக்ஃதி சக்ஃந்த்³ரியங், சக்ஃந்த்³ரியே ஸங்வரங் ஆபஜ்ஜதி. ஏவம்பி ஒக்கி²த்தசக்ஃ² ஹோதி.

யதா² வா பனேகே பொ⁴ந்தோ ஸமணப்³ராஹ்மணா ஸத்³தா⁴தெ³ய்யானி போ⁴ஜனானி பு⁴ஞ்ஜித்வா தே ஏவருபங் விஸுகத³ஸ்ஸனங் அனுயுத்தா விஹரந்தி, ஸெய்யதி²த³ங் - நச்சங் கீதங் வாதி³தங்...பே... அனீகத³ஸ்ஸனங் இதி வா. இதி ஏவருபா விஸுகத³ஸ்ஸனா படிவிரதோ. ஏவம்பி ஒக்கி²த்தசக்ஃ² ஹோதி.

ந ச பாத³லோலோதி கத²ங் பாத³லோலோ ஹோதி? இதே⁴கச்சோ பி⁴க்ஃ² பாத³லோலோ பாத³லோலியேன ஸமன்னாக³தோ ஹோதி - ஆராமேன ஆராமங் உய்யானேன உய்யானங் கா³மேன கா³மங் நிக³மேன நிக³மங் நக³ரேன நக³ரங் ரட்²ன ரட்²ங் ஜனபதே³ன ஜனபத³ங் தீ³க⁴சாரிகங் அனவட்டி²தசாரிகங் அனுயுத்தோ ஹோதி. ஏவம்பி பாத³லோலோ ஹோதி.

அத² வா, பி⁴க்ஃ² அந்தோஸங்கா⁴ராமே [அந்தோபி ஸங்கா⁴ராமே (க.)] பாத³லோலோ பாத³லோலியேன ஸமன்னாக³தோ ஹோதி, ந அத்த²ஹேது ந காரணஹேது உத்³த⁴தோ அலுபஸந்தசித்தோ பரிவேணதோ பரிவேணங் க³ச்ச²தி, விஹாரதோ விஹாரங் க³ச்ச²தி, அட்³ட⁴யோக³தோ அட்³ட⁴யோக³ங் க³ச்ச²தி, பாஸாத³தோ பாஸாத³ங் க³ச்ச²தி, ஹம்மியதோ ஹம்மியங் க³ச்ச²தி, கு³ஹதோ கு³ஹங் க³ச்ச²தி, லேணதோ லேணங் க³ச்ச²தி, குடியா குடிங் க³ச்ச²தி, கூடாகா³ரதோ கூடாகா³ரங் க³ச்ச²தி, அட்டதோ அட்டங் க³ச்ச²தி, மாளதோ மாளங் க³ச்ச²தி, உத்³த³ண்ட³தோ உத்³த³ண்ட³ங் க³ச்ச²தி [உத்³த³ண்ட³ங் க³ச்ச²தி, உத்³தோ⁴ஸிததோ உத்³தோ⁴ஸிதங் க³ச்ச²தி (ஸ்யா.) பஸ்ஸ மஹானி. 17], உபட்டா²னஸாலதோ உபட்டா²னஸாலங் க³ச்ச²தி, மண்ட³பதோ மண்ட³பங் க³ச்ச²தி, ருக்க²முலதோ ருக்க²முலங் க³ச்ச²தி, யத்த² வா பன பி⁴க்ஃ² நிஸீத³ந்தி வா க³ச்ச²ந்தி வா, தத்த² ஏகஸ்ஸ வா து³தியோ ஹோதி, த்³வின்னங் வா ததியோ ஹோதி, திண்ணங் வா சதுத்தோ² ஹோதி. தத்த² ப்³ஹுங் ஸம்ப்பலாபங் பலபதி, ஸெய்யதி²த³ங் - ராஜகத²ங் சோரகத²ங்...பே... இதி ப⁴வாப⁴வகத²ங் கதே²தி. ஏவம்பி பாத³லோலோ ஹோதி.

ந ச பாத³லோலோதி ஸோ பச்சேகஸம்பு³த்தோ⁴ பாத³லோலியா ஆரதோ விரதோ படிவிரதோ நிக்க²ந்தோ நிஸ்ஸடோ விப்பமுத்தோ விஸஞ்ஞுத்தோ விமரியாதி³கதேன சேதஸா படிஸல்லானாராமோ ஹோதி படிஸல்லானரதோ அஜ்ஜத்தங் சேதோஸமத²மனுயுத்தோ அனிராகதஜ்ஜா²னோ விபஸ்ஸனாய ஸமன்னாக³தோ ப்³ருஹேதா ஸஞ்ஞாகா³ரங் ஜா²யீ ஜா²னரதோ ஏகத்தமனுயுத்தோ ஸத³த்த²க³ருகோதி - ஒக்கி²த்தசக்ஃ² ந ச பாத³லோலோ.

குத்திந்த்³ரியோ ரக்கி²தமானஸானோதி. குத்திந்த்³ரியோதி ஸோ பச்சேகஸம்பு³தோ⁴ சக்கு²னா ரூபங் தி³ஸ்வா ந நிமித்தக்³கா³ஹீ ஹோதி நானுப்³யஞ்ஜனக்³கா³ஹீ. யத்வாதி⁴கரணமேனங் சக்கு²ந்த்³ரியங் அஸங்வுதங் விஹரந்தங் அபி⁴ஜ்ஜா²தோ³மனஸ்ஸா பாபகா அகுஸலா த⁴ம்மா அன்வாஸ்ஸவெய்யுங், தஸ்ஸ ஸங்வராய படிபஜ்ஜதி, ரக்க²தி சக்கு²ந்த்³ரியங், சக்கு²ந்த்³ரியே ஸங்வரங் ஆபஜ்ஜதி. ஸோதேன ஸத்³தங் ஸுத்வா...பே... கா⁴னேன க³ந்த⁴ங் கா⁴யித்வா... ஜிவ்ஹாய ரஸங் ஸாயித்வா... காயேன பொ²ட்ட²ப்³பங் பு²ஸித்வா ... மனஸா த⁴ம்மங் விஞ்ஞாய ந நிமித்தக்³கா³ஹீ ஹோதி நானுப்³யஞ்ஜனக்³கா³ஹீ . யத்வாதி⁴கரணமேனங் மனிந்த்³ரியங் அஸங்வுதங் விஹரந்தங் அபி⁴ஜ்ஜா²தோ³மனஸ்ஸா பாபகா அகுஸலா த⁴ம்மா அன்வாஸ்ஸவெய்யுங், தஸ்ஸ ஸங்வராய படிபஜ்ஜதி, ரக்க²தி மனிந்த்³ரியங், மனிந்த்³ரியே ஸங்வரங் ஆபஜ்ஜதி - குத்திந்த்³ரியோ. ரக்கி²தமானஸானோதி கோ³பிதமானஸானோதி - குத்திந்த்³ரியோ ரக்கி²தமானஸானோ.

அனவஸ்ஸுதோ பரிட³ய்ஹமானோதி வுத்தஞ்ஜேதங் ஆயஸ்மதா மஹாமொக்³கல்லானேன - “அவஸ்ஸுதபரியாயஞ்ச [\[பஸ்ஸ ஸங். நி. 4.243\]](#) வோ, ஆவுஸோ, தே³ஸெஸ்ஸாமி அனவஸ்ஸுதபரியாயஞ்ச. தங் ஸுணாத², ஸாது⁴கங் மனஸிகரோத²; பா⁴ஸிஸ்ஸாமீ”தி. “ஏவமாவுஸோ”தி கோ² தே பி⁴க்க² ஆயஸ்மதோ மஹாமொக்³கல்லானஸ்ஸ பச்சஸ்ஸோஸுங். ஆயஸ்மா மஹாமொக்³கல்லானோ [\[மஹாமொக்³லானோ \(க.\)\]](#) ஏதத்³வோச -

“கத²ங் சாவுஸோ, அவஸ்ஸுதோ ஹோதி? இதா⁴வுஸோ, பி⁴க்கு² சக்கு²னா ரூபங் தி³ஸ்வா பியரூபே ரூபே அதி⁴முச்சதி, அப்பியரூபே ரூபே ப்³யாபஜ்ஜதி, அனுபட்டி²தகாயஸ்ஸதி [\[அனுபட்டி²தகாயஸதி \(ஸ்யா. க.\)\]](#) ச விஹரதி பரித்தசேதஸோ. தஞ்ச சேதோவிமுத்திங் பஞ்ஞாவிமுத்திங் யதா²பூ⁴தங் நப்பஜானாதி, யத்த²ஸ்ஸ [\[தத்த² யே \(க.\) பஸ்ஸ ஸங். நி. 4.243\]](#) தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜந்தி. ஸோதேன ஸத்³தங் ஸுத்வா...பே... மனஸா த⁴ம்மங் விஞ்ஞாய பியரூபே த⁴ம்மே அதி⁴முச்சதி, அப்பியரூபே த⁴ம்மே ப்³யாபஜ்ஜதி, அனுபட்டி²தகாயஸ்ஸதி ச விஹரதி பரித்தசேதஸோ. தஞ்ச சேதோவிமுத்திங் பஞ்ஞாவிமுத்திங் யதா²பூ⁴தங் நப்பஜானாதி, யத்த²ஸ்ஸ தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜந்தி. அயங் வுச்சதாவுஸோ, பி⁴க்கு² அவஸ்ஸுதோ சக்கு²விஞ்ஞெய்யேஸு ரூபேஸு...பே... அவஸ்ஸுதோ மனோவிஞ்ஞெய்யேஸு த⁴ம்மேஸு. ஏவங்விஹாரிங் சாவுஸோ, பி⁴க்கு²ங் சக்கு²தோ சேபி நங் மாரோ உபஸங்கமதி, லபே⁴தே²வ [\[லபே⁴தேவ \(ஸ்யா. க.\) ஏவமுபரிபி\]](#) மாரோ ஓதாரங் லபே⁴த² [\[லபே⁴தி \(ஸ்யா. க.\) ஏவமுபரிபி\]](#) மாரோ

ஆரம்மணங், ஸோததோ சேபி நங்...பே... மனதோ சேபி நங் மாரோ
உபஸங்கமதி, லபே⁴தே²வ மாரோ ஓதாரங் லபே⁴த² மாரோ ஆரம்மணங்.

“ஸெய்யதா²பி, ஆவுஸோ, நளாகா³ரங் வா திணாகா³ரங் வா ஸுக்க²ங்
கோளாபங் [கோலாபங் (ஸ்யா.) ஸங். நி. 4.243] தேரோவஸ்ஸிகங். புரத்தி²மாய
சேபி நங் தி³ஸாய புரிஸோ ஆதி³த்தாய திணுக்காய உபஸங்கமெய்ய,
ல்பே⁴தே²வ அக்³கி³ ஓதாரங் லபே⁴த² அக்³கி³ ஆரம்மணங்; பச்சி²மாய சேபி
நங் தி³ஸாய...பே... உத்தராய சேபி நங் தி³ஸாய... த³க்கி²ணாய சேபி நங்
தி³ஸாய... ஹெட்டி²மதோ [பச்ச²தோ (ஸ்யா.), ஹெட்டி²மாய (க.)] சேபி நங்
தி³ஸாய... உபரிமதோ [உபரிதோ (ஸ்யா.), உபரிமாய (க.)] சேபி நங் தி³ஸாய...
யதோ குதோசி சேபி நங் புரிஸோ ஆதி³த்தாய திணுக்காய உபஸங்கமெய்ய,
ல்பே⁴தே²வ அக்³கி³ ஓதாரங் லபே⁴த² அக்³கி³ ஆரம்மணங். ஏவமேவ கோ²,
ஆவுஸோ, ஏவங்விஹாரிங் பி⁴க்கு²ங் சக்கு²தோ சேபி நங் மாரோ
உபஸங்கமதி, லபே⁴தே²வ மாரோ ஓதாரங் லபே⁴த² மாரோ ஆரம்மணங்,
ஸோததோ சேபி நங்...பே... மனதோ சேபி நங் மாரோ உபஸங்கமதி,
ல்பே⁴தே²வ மாரோ ஓதாரங் லபே⁴த² மாரோ ஆரம்மணங்.

“ஏவங்விஹாரிங் சாவுஸோ, பி⁴க்கு²ங் ரூபா அதி⁴ப⁴ங்ஸு
[அபி⁴ப⁴விங்ஸு (ஸ்யா.), அபி⁴ப⁴ங்ஸு (க.) ஏவமுபரிபி], ந பி⁴க்கு² ரூபே
அதி⁴போ⁴ஸி; ஸத்தா³ பி⁴க்கு²ங் அதி⁴ப⁴ங்ஸு, ந பி⁴க்கு² ஸத்தே³
அதி⁴போ⁴ஸி; கந்தா⁴ பி⁴க்கு²ங் அதி⁴ப⁴ங்ஸு, ந பி⁴க்கு² கந்தே⁴
அதி⁴போ⁴ஸி; ரஸா பி⁴க்கு²ங் அதி⁴ப⁴ங்ஸு, ந பி⁴க்கு² ரஸே
அதி⁴போ⁴ஸி; பொ²ட்ட²ப்பா³ பி⁴க்கு²ங் அதி⁴ப⁴ங்ஸு, ந பி⁴க்கு²
பொ²ட்ட²ப்பே³ அதி⁴போ⁴ஸி; த⁴ம்மா பி⁴க்கு²ங் அதி⁴ப⁴ங்ஸு, ந பி⁴க்கு²
த⁴ம்மே அதி⁴போ⁴ஸி. அயங் வச்சதாவுஸோ, பி⁴க்கு² ரூபாதி⁴பூ⁴தோ
ஸத்தா³தி⁴பூ⁴தோ கந்தா⁴தி⁴பூ⁴தோ ரஸாதி⁴பூ⁴தோ
பொ²ட்ட²ப்பா³தி⁴பூ⁴தோ த⁴ம்மாதி⁴பூ⁴தோ அதி⁴பூ⁴ அனதி⁴பூ⁴தோ
அதி⁴ப⁴ங்ஸு நங் பாபகா அகுஸலா த⁴ம்மா ஸங்கிலேஸிகா
போனோப⁴விகா ஸத³ரா து³க்க²விபாகா ஆயதிங் ஜாதிஜராமரணியா. ஏவங்
கோ², ஆவுஸோ, அவஸ்ஸுதோ ஹோதி.

“கத²ங் சாவுஸோ, அனவஸ்ஸுதோ ஹோதி? இதா⁴வுஸோ, பி⁴க்கு²
சக்கு²னா ரூபங் தி³ஸ்வா பியரூபே ரூபே நாதி⁴முச்சதி, அப்பியரூபே ரூபே ந
ப்யாபஜ்ஜதி, உபட்டி²தகாயஸ்ஸதி ச விஹரதி அப்பமாணசேதஸோ. தஞ்ச
சேதோவிமுத்திங் பஞ்ஞாவிமுத்திங் யதா²பூ⁴தங் பஜானாதி, யத்த²ஸ்ஸ தே
உப்பன்னா பாபகா அகுஸலா த⁴ம்மா அபரிஸேஸா நிருஜ்ஜந்தி; ஸோதேன
ஸத்த³ங் ஸுத்வா...பே... மனஸா த⁴ம்மங் விஞ்ஞாய பியரூபே த⁴ம்மே
நாதி⁴முச்சதி, அப்பியரூபே த⁴ம்மே ந ப்யாபஜ்ஜதி, உபட்டி²தகாயஸ்ஸதி ச
விஹரதி அப்பமாணசேதஸோ. தஞ்ச சேதோவிமுத்திங் பஞ்ஞாவிமுத்திங்

யதா²பூ⁴தங் பஜானாதி, யத்த²ஸ்ஸ தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜ²ந்தி. அயங் வுச்சதாவுஸோ, பி⁴க்கு² அனவஸ்ஸுதோ சக்கு²விஞ்ஞெய்யேஸு ரூபேஸு...பே... அனவஸ்ஸுதோ மனோவிஞ்ஞெய்யேஸு த⁴ம்மேஸு. ஏவங்விஹாரிங் சாவுஸோ, பி⁴க்கு²ங் சக்கு²தோ சேபி நங் மாரோ உபஸங்கமதி, நேவ லபே⁴த² மாரோ ஓதாரங், ந லபே⁴த² மாரோ ஆரம்மணங்; ஸோததோ சேபி நங்...பே... மனதோ சேபி நங் மாரோ உபஸங்கமதி, நேவ லபே⁴த² மாரோ ஓதாரங், ந லபே⁴த² மாரோ ஆரம்மணங்.

“ஸெய்யதா²பி, ஆவுஸோ, கூடாகா³ரா வா கூடாகா³ரஸாலா [ஸந்தா²கா³ரஸாலா (ஸ்யா.) பஸ்ஸ ஸங். நி. 4.243] வா ப³ஹலமத்திகா அத்³தா³வலேபனா [அல்லாவலேபனா (ஸ்யா.)] புரத்தி²மாய சேபி நங் தி³ஸாய புரிஸோ ஆதி³த்தாய திணுக்காய உபஸங்கமெய்ய, நேவ லபே⁴த² அக்³கி³ ஓதாரங், ந லபே⁴த² அக்³கி³ ஆரம்மணங்; பச்சி²மாய சேபி நங் தி³ஸாய... உத்தராய சேபி நங் தி³ஸாய... துக்கி²ணாய சேபி நங் தி³ஸாய... ஹெட்டி²மதோ சேபி நங் தி³ஸாய... உபரிமதோ சேபி நங் தி³ஸாய... யதோ குதோசி சேபி நங் புரிஸோ ஆதி³த்தாய திணுக்காய உபஸங்கமெய்ய, நேவ லபே⁴த² அக்³கி³ ஓதாரங் ந லபே⁴த² அக்³கி³ ஆரம்மணங். ஏவமேவ கோ², ஆவுஸோ, ஏவங்விஹாரிங் பி⁴க்கு²ங் சக்கு²தோ சேபி நங் மாரோ உபஸங்கமதி, நேவ லபே⁴த² மாரோ ஓதாரங் ந லபே⁴த² மாரோ ஆரம்மணங்; ஸோததோ சேபி நங்...பே... மனதோ சேபி நங் மாரோ உபஸங்கமதி நேவ லபே⁴த² மாரோ ஓதாரங் ந லபே⁴த² மாரோ ஆரம்மணங்.

“ஏவங்விஹாரீ சாவுஸோ, பி⁴க்கு² ரூபே அதி⁴போ⁴ஸி [அபி⁴ப⁴விங்ஸு (ஸ்யா.), அபி⁴போ⁴ஸி (க.) பஸ்ஸ ஸங். நி. 4.243], ந ரூபா பி⁴க்கு²ங் அதி⁴ப⁴ங்ஸு; ஸத்³தே³ பி⁴க்கு² அதி⁴போ⁴ஸி, ந ஸத்³தா³ பி⁴க்கு²ங் அதி⁴ப⁴ங்ஸு; க³ந்தே⁴ பி⁴க்கு² அதி⁴போ⁴ஸி, ந க³ந்தா⁴ பி⁴க்கு²ங் அதி⁴ப⁴ங்ஸு; ரஸே பி⁴க்கு² அதி⁴போ⁴ஸி, ந ரஸா பி⁴க்கு²ங் அதி⁴ப⁴ங்ஸு; பொ²ட்ட²ப³பே³ பி⁴க்கு² அதி⁴போ⁴ஸி, ந பொ²ட்ட²ப³பா³ பி⁴க்கு²ங் அதி⁴ப⁴ங்ஸு; த⁴ம்மே பி⁴க்கு² அதி⁴போ⁴ஸி, ந த⁴ம்மா பி⁴க்கு²ங் அதி⁴ப⁴ங்ஸு. அயங் வுச்சதாவுஸோ , பி⁴க்கு² ரூபாதி⁴பூ⁴ ஸத்³தா³தி⁴பூ⁴ க³ந்தா⁴தி⁴பூ⁴ ரஸாதி⁴பூ⁴ பொ²ட்ட²ப³பா³தி⁴பூ⁴ த⁴ம்மாதி⁴பூ⁴ அதி⁴பூ⁴ அனதி⁴பூ⁴தோ [அனபி⁴பூ⁴தோ கேஹி சி கிலேஸேஹி (க.) பஸ்ஸ ஸங். நி. 4.243]. அதி⁴போ⁴ஸி தே பாபகே அகுஸலே த⁴ம்மே ஸங்கிலேஸிகே போனோப⁴விகே ஸத்³ரே து³க்க²விபாகே ஆயதிங் ஜாதிஜராமரணியே. ஏவங் கோ², ஆவுஸோ, அனவஸ்ஸுதோ ஹோதீ²தி - அனவஸ்ஸுதோ.

அபரிட³ய்ஹமானோதி ராக³ஜேன பரிளாஹேன அபரிட³ய்ஹமானோ,
தோ³ஸஜேன பரிளாஹேன அபரிட³ய்ஹமானோ, மோஹஜேன பரிளாஹேன
அபரிட³ய்ஹமானோதி - அனவஸ்ஸுதோ அபரிட³ய்ஹமானோ, ஏகோ சரே
க²க்³க³விஸாணகப்போ. தேனாஹ ஸோ பச்சேகஸம்புத்³தோ⁴ -

“ஒக்கி²த்தசக்கு² ந ச பாத³லோலோ, கு³த்திந்த³ரியோ
ரக்கி²தமானஸானோ;
அனவஸ்ஸுதோ அபரிட³ய்ஹமானோ, ஏகோ சரே
க²க்³க³விஸாணகப்போ”தி.

150. ஓஹாரயித்வா கி³ஹிப்³யஞ்ஜனானி, ஸஞ்ச²ன்னபத்தோ யதா²
பாரிச²த்தகோ;
காஸாயவத்தோ² அபி⁴னிக்க²மித்வா, ஏகோ சரே
க²க்³க³விஸாணகப்போ.

ஓஹாரயித்வா கி³ஹிப்³யஞ்ஜனானி² கி³ஹிப்³யஞ்ஜனானி வச்சந்தி கேஸா
ச மஸ்ஸு ச...பே... தீ³க⁴த³ஸானி இதி வா. ஓஹாரயித்வா
கி³ஹிப்³யஞ்ஜனானி² கி³ஹிப்³யஞ்ஜனானி ஓரோபயித்வா ஸமோரோபயித்வா
நிக்கி²பித்வா படிப்பஸ்ஸம்பி⁴த்வாதி - ஓஹாரயித்வா கி³ஹிப்³யஞ்ஜனானி.

ஸஞ்ச²ன்னபத்தோ யதா² பாரிச²த்தகோதி யதா² ஸோ பாரிச²த்தகோ
கோவிளாரோ ப³ஹலபத்தபலாஸோ [ஸாக²பத்தபலாஸோ (க.)] ஸந்த³ச்சா²யோ
[ஸண்ட³ச்சா²யோ (ஸ்யா.), ஸந்த³ச்சா²யோ (க.) பஸ்ஸ ம. நி. 1.154], ஏவமேவ
ஸோ பச்சேகஸம்புத்³தோ⁴ பரிபுண்ணபத்தசீவரத⁴ரோதி - ஸஞ்ச²ன்னபத்தோ
யதா² பாரிச²த்தகோ.

காஸாயவத்தோ² அபி⁴னிக்க²மித்வாதி ஸோ பச்சேகஸம்புத்³தோ⁴
ஸப்³பங் க⁴ராவாஸபலிபோ³த⁴ங் சி²ந்தி³த்வா புத்ததா³ரங் பலிபோ³த⁴ங்
சி²ந்தி³த்வா ஞாதிபலிபோ³த⁴ங் சி²ந்தி³த்வா மித்தாமச்சபலிபோ³த⁴ங்
சி²ந்தி³த்வா ஸன்னிதி⁴பலிபோ³த⁴ங் சி²ந்தி³த்வா கேஸமஸ்ஸங்
ஓஹாரெத்வா [ஓஹாரயித்வா (ஸ்யா. க.)] காஸாயானி வத்தா²னி
அச்சா²தெ³த்வா அகா³ரஸ்மா அனகா³ரியங் பப்³பஜித்வா அகிஞ்சனபா⁴வங்
உபக³ந்த்வா ஏகோ சரதி விஹரதி இரியதி வத்தேதி பாலேதி யபேதி யாபேதி -
காஸாயவத்தோ² அபி⁴னிக்க²மித்வா, ஏகோ சரே க²க்³க³விஸாணகப்போ.
தேனாஹ ஸோ பச்சேகஸம்புத்³தோ⁴ -

“ஓஹாரயித்வா கி³ஹிப்³யஞ்ஜனானி, ஸஞ்ச²ன்னபத்தோ யதா²
பாரிச²த்தகோ;

காஸாயவத்தோ² அபி⁴னிக்க²மித்வா, ஏகோ சரே
க²க்³க³விஸாணகப்போ³தி.

ததியோ வக்³கோ³.

சதுத்த²வக்³கோ³

151. ரஸேஸு கே³த⁴ங் அகரங் அலோலோ, அனஞ்ஞபோஸ்
ஸபதா³னசாரீ;
குலே குலே அப்படிப³த்த⁴சித்தோ, ஏகோ சரே
க²க்³க³விஸாணகப்போ.

ரஸேஸு கே³த⁴ங் அகரங் அலோலோதி. ரஸோதி மூலரஸோ
க³ந்த⁴ரஸோ தசரஸோ பத்தரஸோ புப்ப³ரஸோ ப²லரஸோ, அம்பி³லங்
மது⁴ரங் தித்தகங் கடுகங் லோணிகங் கா²ரிகங் லம்பி³கங் [லம்பி³லங் (ஸ்யா.
க.) பஸ்ஸ ஆயதனவிப⁴ங்கே³] கஸாவோ ஸாது³ அஸாது³ ஸீதங் உண்ஹங்.
ஸந்தேகே ஸமணப்³ராஹ்மணா ரஸகி³த்தா⁴. தே ஜிவ்ஹக்³கே³ன ரஸக்³கா³னி
பரியேஸந்தா ஆஹிண்ட³ந்தி. தே அம்பி³லங் லபி⁴த்வா அனம்பி³லங்
பரியேஸந்தி, அனம்பி³லங் லபி⁴த்வா அம்பி³லங் பரியேஸந்தி; மது⁴ரங்
லபி⁴த்வா அமது⁴ரங் பரியேஸந்தி, அமது⁴ரங் லபி⁴த்வா மது⁴ரங்
பரியேஸந்தி; தித்தகங் லபி⁴த்வா அதித்தகங் பரியேஸந்தி, அதித்தகங்
லபி⁴த்வா தித்தகங் பரியேஸந்தி; கடுகங் லபி⁴த்வா அகுடகங் பரியேஸந்தி,
அகுடகங் லபி⁴த்வா கடுகங் பரியேஸந்தி; லோணிகங் லபி⁴த்வா
அலோணிகங் பரியேஸந்தி, அலோணிகங் லபி⁴த்வா லோணிகங் பரியேஸந்தி;
கா²ரிகங் லபி⁴த்வா அகா²ரிகங் பரியேஸந்தி, அகா²ரிகங் லபி⁴த்வா கா²ரிகங்
பரியேஸந்தி; கஸாவங் லபி⁴த்வா அகஸாவங் பரியேஸந்தி, அகஸாவங்
லபி⁴த்வா கஸாவங் பரியேஸந்தி; லம்பி³கங் லபி⁴த்வா அலம்பி³கங்
பரியேஸந்தி, அலம்பி³கங் லபி⁴த்வா லம்பி³கங் பரியேஸந்தி; ஸாது³ங்
லபி⁴த்வா அஸாது³ங் பரியேஸந்தி, அஸாது³ங் லபி⁴த்வா ஸாது³ங்
பரியேஸந்தி; ஸீதங் லபி⁴த்வா உண்ஹங் பரியேஸந்தி, உண்ஹங் லபி⁴த்வா
ஸீதங் பரியேஸந்தி . தே யங் யங் லப⁴ந்தி தேன தேன ந துஸ்ஸந்தி,
அபராபரங் பரியேஸந்தி. மனாபிகேஸு ரஸேஸு ரத்தா கி³த்தா⁴ க³தி²தா
முச்சி²தா அஜ்ஜோ²ஸன்னா லக்³கா³ லக்³கி³தா பலிபு³த்தா⁴. ஸா ரஸதண்ஹா
தஸ்ஸ பச்சேகஸம்பு³த்த⁴ஸ்ஸ பஹீனா உச்சி²ன்னமூலா தாலாவத்து²கதா
அனபா⁴வங்கதா ஆயதிங் அனுப்பாத³த⁴ம்மா. தஸ்மா ஸோ
பச்சேகஸம்பு³த்தோ⁴ படிஸங்கா² யோனிஸோ ஆஹாரங் ஆஹாரேதி - “நேவ
த³வாய ந மதா³ய ந மண்ட³னாய ந விபு⁴ஸனாய; யாவதே³வ இமஸ்ஸ
காயஸ்ஸ டி²தியா யாபனாய விஹிங்ஸூபரதியா ப்³ரஹ்மசரியானுக்³க³ஹாய.
இதி புராணஞ்ச வேத³னங் படிஹங்கா²மி, நவஞ்ச வேத³னங் ந

உப்பாதெ³ஸ்ஸாமி, யாத்ரா ச மே ப⁴விஸ்ஸதி அனவஜ்ஜதா ச பா²ஸுவிஹாரோ சா²தி.

யதா² வணங் ஆலிம்பெய்ய யாவதே³வ ஆருஹணத்தா²ய [ரோபனத்தா²ய (ஸ்யா.)], யதா² வா அக்²ங் அப்³ப⁴ஞ்ஜெய்ய யாவதே³வ பா⁴ரஸ்ஸ நித்த²ரணத்தா²ய, யதா² புத்தமங்ஸங் ஆஹாரங் ஆஹரெய்ய யாவதே³வ கந்தாரஸ்ஸ நித்த²ரணத்தா²ய; ஏவமேவ ஸோ பச்சேகஸம்பு³த்தோ⁴ படிஸங்கா² யோனிஸோ ஆஹாரங் ஆஹாரேதி - “நேவ த³வாய ந மதா³ய ந மண்ட³னாய ந விபு⁴ஸனாய; யாவதே³வ இமஸ்ஸ காயஸ்ஸ டி²தியா யாபனாய விஹிங்ஸுபரதியா ப்³ரஹ்மசரியானுக்³ஹாய. இதி புராணஞ்ச வேத³னங் படிஹங்கா²மி, நவஞ்ச வேத³னங் ந உப்பாதெ³ஸ்ஸாமி, யாத்ரா ச மே ப⁴விஸ்ஸதி அனவஜ்ஜதா ச பா²ஸுவிஹாரோ சா²தி. ரஸதண்ஹாய ஆரதோ விரதோ படிவிரதோ நிக்²ந்தோ நிஸ்ஸடோ விப்பமுத்தோ விஸஞ்ஞுத்தோ விமரியாதி³கதேன சேதஸா விஹரதீதி - ரஸேஸு கே³த⁴ங் அகரங்.

அலோலோதி லோலுப்பங் வுச்சதி தண்ஹா. யோ ராகோ³ ஸாராகோ³...பே... அபி⁴ஜ்ஜா² லோபோ⁴ அகுஸலமூலங். ஸா லோலுப்பா தண்ஹா தஸ்ஸ பச்சேகஸம்பு³த்த⁴ஸ்ஸ பஹீனா உச்சி²ன்னமூலா தாலாவத்து²கதா அனபா⁴வங்கதா ஆயதிங் அனுப்பாத³த⁴ம்மா. தஸ்மா பச்சேகஸம்பு³த்தோ⁴ அலோலோதி - ரஸேஸு கே³த⁴ங் அகரங் அலோலோ.

அனஞ்ஞுபோஸீ ஸபதா³னசாரீதி அனஞ்ஞுபோஸீதி ஸோ பச்சேகஸம்பு³த்தோ⁴ அத்தானஞ்ஞேவ போஸேதி, ந பரந்தி.

அனஞ்ஞுபோஸிமஞ்ஞாதங் , தந்தங் ஸாரே பதிட்டி²தங் [ஸாரேஸு ஸுபதிட்டி²தங் (ஸ்யா. க.) பஸ்ஸ உதா³. 6];
கீணாஸவங் வந்ததோ³ஸங், தமஹங் ப்³ருமி ப்³ராஹ்மணந்தி.

அனஞ்ஞுபோஸீ ஸபதா³னசாரீதி ஸோ பச்சேகஸம்பு³த்தோ⁴ புப்³புண்ஹஸமயங் [புப்³புண்ஹஸமயங் (க.)] நிவாஸெத்வா பத்தசீவரமாதா³ய கா³மங் வா நிக³மங் வா பிண்டா³ய பவிஸதி ரக்கி²தேனேவ காயேன ரக்கி²தாய வாசாய ரக்கி²தேன சித்தேன உபட்டி²தாய ஸதியா ஸங்வுதேஹி இந்த்³ரியேஹி. ஒக்கி²த்தசக்² இரியாபத²ஸம்பன்னோ குலா குலங் அனதிக்கமந்தோ பிண்டா³ய சரதீதி - அனஞ்ஞுபோஸீ ஸபதா³னசாரீ.

குலே குலே அப்படிபு³த்த⁴சித்தோதி த்³வீஹி காரணேஹி படிபு³த்த⁴சித்தோ ஹோதி - அத்தானங் வா நீசங் ட²பெந்தோ பரங் உச்சங் ட²பெந்தோ படிபு³த்த⁴சித்தோ ஹோதி, அத்தானங் வா உச்சங் ட²பெந்தோ பரங் நீசங் ட²பெந்தோ படிபு³த்த⁴சித்தோ ஹோதி. கத²ங் அத்தானங் நீசங் ட²பெந்தோ

பரங் உச்சங் ட²பெந்தோ படிப³த்த⁴சித்தோ ஹோதி? “தும்ஹே மே ப³ஹூபகாரா, அஹங் தும்ஹே நிஸ்ஸாய லபா⁴மி சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங். யம்பி மே அஞ்ஞே தா³துங் வா காதுங் வா மஞ்ஞந்தி தும்ஹே நிஸ்ஸாய தும்ஹே பஸ்ஸந்தா. யம்பி மே போராணங் மாதாபெத்திகங் நாமகொ³த்தங் தம்பி மே அந்தரஹிதங் தும்ஹேஹி அஹங் ஞாயாமி - ‘அஸுகஸ்ஸ குலுபகோ, அஸுகாய குலுபகோ’”தி. ஏவங் அத்தானங் நீசங் ட²பெந்தோ பரங் உச்சங் ட²பெந்தோ படிப³த்த⁴சித்தோ ஹோதி.

கத²ங் அத்தானங் உச்சங் ட²பெந்தோ பரங் நீசங் ட²பெந்தோ படிப³த்த⁴சித்தோ ஹோதி? “அஹங் தும்ஹாகங் ப³ஹூபகாரோ, தும்ஹே மங் ஆக³ம்ம பு³த்த⁴ங் ஸரணங் க³தா த⁴ம்மங் ஸரணங் க³தா ஸங்க⁴ங் ஸரணங் க³தா, பாணாதிபாதா படிவிரதா, அதி³ன்னாதா³னா படிவிரதா, காமேஸுமிச்சா²சாரா படிவிரதா, முஸாவாதா³ படிவிரதா, ஸுராமேரயமஜ்ஜபமாத³ட்டா²னா படிவிரதா, தும்ஹாகங் அஹங் உத்³தே³ஸங் தே³மி பரிபுச்ச²ங் தே³மி உபோஸத²ங் ஆசிக்கா²மி நவகம்மங் அதி⁴ட்டா²மி; அத² ச பன தும்ஹே மங் உஜ்ஜி²த்வா அஞ்ஞே ஸக்கரோத² க³ருங் கரோத² மாணேத² பூஜேதா²”தி. ஏவங் அத்தானங் உச்சங் ட²பெந்தோ பரங் நீசங் ட²பெந்தோ படிப³த்த⁴சித்தோ ஹோதி.

குலே குலே அப்படிப³த்த⁴சித்தோதி ஸோ பச்சேகஸம்பு³த்தோ⁴ குலபலிபோ³தே⁴ன அப்படிப³த்த⁴சித்தோ ஹோதி, க³ணபலிபோ³தே⁴ன அப்படிப³த்த⁴சித்தோ ஹோதி, ஆவாஸபலிபோ³தே⁴ன அப்படிப³த்த⁴சித்தோ ஹோதி, சீவரபலிபோ³தே⁴ன அப்படிப³த்த⁴சித்தோ ஹோதி, பிண்ட³பாதபலிபோ³தே⁴ன அப்படிப³த்த⁴சித்தோ ஹோதி, ஸேனாஸனபலிபோ³தே⁴ன அப்படிப³த்த⁴சித்தோ ஹோதி, கி³லானபச்சயபே⁴ஸஜ்ஜபரிக்கா²ரபலிபோ³தே⁴ன அப்படிப³த்த⁴சித்தோ ஹோதி - குலே குலே அப்படிப³த்த⁴சித்தோ, ஏகோ சரே க²க்³க³விஸாணகப்போ. தேனாஹ ஸோ பச்சேகஸம்பு³த்தோ⁴ -

“ரஸேஸு கே³த⁴ங் அகரங் அலோலோ, அனஞ்ஞபோஸீ ஸபதா³னசாரீ; குலே குலே அப்படிப³த்த⁴சித்தோ, ஏகோ சரே க²க்³க³விஸாணகப்போ”தி.

152. பஹாய பஞ்சாவரணானி சேதஸோ, உபக்கிலேஸே ப்யபனுஜ்ஜ ஸப்³பே;

அனிஸ்ஸிதோ செ²த்வ [செ²த்வா (ஸ்யா. க.)] ஸிணேஹதோ³ஸங் [ஸ்ணேஹதோ³ஸங் (ஸ்யா. க.)], ஏகோ சரே க²க்³க³விஸாணகப்போ.

பஹாய பஞ்சாவரணானி சேதஸோதி ஸோ பச்சேகஸம்புத்³தோ⁴
காமச்ச²ந்த³னீவரணங் பஹாய பஜஹித்வா வினோதெ³த்வா ப்யந்தீகரித்வா
அனபா⁴வங் க³மெத்வா, ப்யாபாத³னீவரணங்... தி²னமித்³த⁴னீவரணங்...
உத்³த⁴ச்சகுக்குச்சனீவரணங்... விசிகிச்சா²னீவரணங் பஹாய பஜஹித்வா
வினோதெ³த்வா ப்யந்தீகரித்வா அனபா⁴வங் க³மெத்வா விவிச்சேவ காமேஹி
விவிச்ச அகுஸலேஹி த⁴ம்மேஹி ஸவிதக்கங் ஸவிசாரங் விவேகஜங்
பீதிஸுக²ங் பட²மங் ஜா²னங் உபஸம்பஜ்ஜ விஹரதீதி - பஹாய
பஞ்சாவரணானி சேதஸோ.

உபக்கிலேஸே ப்யபனுஜ்ஜ ஸப்³பே³தி ராகோ³ சித்தஸ்ஸ உபக்கிலேஸோ,
தோ³ஸோ சித்தஸ்ஸ உபக்கிலேஸோ, மோஹோ சித்தஸ்ஸ உபக்கிலேஸோ,
கோதோ⁴... உபனாஹோ...பே... ஸப்³பா³குஸலாபி⁴ஸங்கா²ரா சித்தஸ்ஸ
உபக்கிலேஸோ. உபக்கிலேஸே ப்யபனுஜ்ஜ ஸப்³பே³தி ஸப்³பே³ சித்தஸ்ஸ
உபக்கிலேஸே ப்யபனுஜ்ஜ பனுதி³த்வா பஜஹித்வா வினோதெ³த்வா
ப்யந்தீகரித்வா அனபா⁴வங் க³மெத்வாதி - உபக்கிலேஸே ப்யபனுஜ்ஜ
ஸப்³பே³.

அனிஸ்ஸிதோ செ²த்வ ஸினேஹதோ³ஸந்தி. அனிஸ்ஸிதோதி த³வே
நிஸ்ஸயா - தண்ஹானிஸ்ஸயோ ச தி³ட்டி²னிஸ்ஸயோ ச...பே... அயங்
தண்ஹானிஸ்ஸயோ...பே... அயங் தி³ட்டி²னிஸ்ஸயோ. ஸினேஹோதி த³வே
ஸ்னேஹா - தண்ஹாஸ்னேஹோ ச தி³ட்டி²ஸ்னேஹோ ச...பே... அயங்
தண்ஹாஸ்னேஹோ...பே... அயங் தி³ட்டி²ஸ்னேஹோ. தோ³ஸோதி யோ
சித்தஸ்ஸ ஆகா⁴தோ படிகா⁴தோ படிக⁴ங் படிவிரோதோ⁴ கோபோ
பகோபோ ஸம்பகோபோ தோ³ஸோ பதோ³ஸோ ஸம்பதோ³ஸோ சித்தஸ்ஸ
ப்யாபத்தி மனோபதோ³ஸோ கோதோ⁴ குஜ்ஜ²னா குஜ்ஜி²தத்தங் தோ³ஸோ
து³ஸ்ஸனா து³ஸ்ஸிதத்தங் ப்யாபத்தி ப்யாபஜ்ஜனா ப்யாபஜ்ஜிதத்தங்
சண்டி³க்கங் அஸுரோபோ அனத்தமனதா சித்தஸ்ஸ . அனிஸ்ஸிதோ செ²த்வ
ஸினேஹதோ³ஸந்தி ஸோ பச்சேகஸம்புத்³தோ⁴ தண்ஹாஸ்னேஹஞ்ச
தி³ட்டி²ஸ்னேஹஞ்ச தோ³ஸஞ்ச செ²த்வா உச்சி²ந்தி³த்வா ஸமுச்சி²ந்தி³த்வா
பஜஹித்வா வினோதெ³த்வா ப்யந்தீகரித்வா அனபா⁴வங் க³மெத்வா சக்கு²ங்
அனிஸ்ஸிதோ, ஸோதங் அனிஸ்ஸிதோ...பே... தி³ட்ட²ஸுதமுதவிஞ்ஞாதப்³பே³
த⁴ம்மே அனிஸ்ஸிதோ அனல்லீனோ அனுபக³தோ அனஜ்ஜோ²ஸிதோ
அனதி⁴முத்தோ நிக்க²ந்தோ நிஸ்ஸடோ விப்பமுத்தோ விஸஞ்ஞுத்தோ
விமரியாதி³கதேன சேதஸா விஹரதீதி - அனிஸ்ஸிதோ செ²த்வ
ஸினேஹதோ³ஸங், ஏகோ சரே க²க்³க³விஸாணகப்போ. தேனாஹ ஸோ
பச்சேகஸம்புத்³தோ⁴ -

“பஹாய பஞ்சாவரணானி சேதஸோ, உபக்கிலேஸே ப்யபனுஜ்ஜ
ஸப்³பே³;

அனிஸ்ஸிதோ செ²த்வ ஸினேஹதோ³ஸங், ஏகோ சரே
க²க்³க³விஸாணகப்போ"தி.

153. விபிட்²கத்வான ஸுக²ங் து³க²ஞ்ச, புப்³பே³வ ச
ஸோமனஸ்ஸதோ³மனஸ்ஸங்;
லத்³தா⁴னுபெக்க²ங் ஸமத²ங் விஸுத்³த⁴ங், ஏகோ சரே
க²க்³க³விஸாணகப்போ.

விபிட்²கத்வான ஸுக²ங் து³க²ஞ்ச, புப்³பே³வ ச
ஸோமனஸ்ஸதோ³மனஸ்ஸந்தி ஸோ பச்சேகஸம்பு³த்³தோ⁴ ஸுக²ஸ்ஸ ச
பஹானா து³க்க²ஸ்ஸ ச பஹானா புப்³பே³வ ஸோமனஸ்ஸதோ³மனஸ்ஸானங்
அத்த²ங்க²மா அது³க்க²மஸுக²ங் உபெக்க²ஸதிபாரிஸுத்³தி⁴ங் சதுத்த²ங்
ஜ²னங் உபஸம்பஜ்ஜ விஹரதீதி - விபிட்²கத்வான ஸுக²ங் து³க²ஞ்ச,
புப்³பே³வ ச ஸோமனஸ்ஸதோ³மனஸ்ஸங்.

லத்³தா⁴னுபெக்க²ங் ஸமத²ங் விஸுத்³த⁴ந்தி. உபெக்க²தி யா
சதுத்த²ஜ்ஜ²னே உபெக்க² உபெக்க²னா அஜ்ஜ²பெக்க²னா சித்தஸமதா
சித்தப்பஸ்ஸத்³த⁴தா [சித்தவிஸடதா (க.) பஸ்ஸ மஹானி. 207] மஜ்ஜ²த்ததா
சித்தஸ்ஸ. ஸமதோ²தி யா சித்தஸ்ஸ டி²தி ஸண்டி²தி அவட்²தி
அவிஸாஹாரோ [அவிஸங்ஹாரோ (க.) பஸ்ஸ த⁴. ஸ. 11, 15] அவிக்கே²போ
அவிஸாஹடமானஸதா [அவிஸங்ஹடமானஸதா (க.)] ஸமதோ²
ஸமாதி⁴ந்த³ரியங் ஸமாதி⁴ப³லங் ஸம்மாஸமாதி⁴; சதுத்த²ஜ்ஜ²னே
உபெக்க² ச ஸமதோ² ச ஸுத்³தா⁴ ஹொந்தி விஸுத்³தா⁴ பரியோதா³தா
அனங்க³ணா விக³தூபக்கிலேஸா முது³பூ⁴தா கம்மனியா டி²தா
ஆனேஞ்ஜப்பத்தா. லத்³தா⁴னுபெக்க²ங் ஸமத²ங் விஸுத்³த⁴ந்தி
சதுத்த²ஜ்ஜ²னங் உபெக்க²ஞ்ச ஸமத²ஞ்ச லத்³தா⁴ லபி⁴த்வா விந்தி³த்வா
படிலபி⁴த்வாதி - லத்³தா⁴னுபெக்க²ங் ஸமத²ங் விஸுத்³த⁴ங், ஏகோ சரே
க²க்³க³விஸாணகப்போ. தேனாஹ ஸோ பச்சேகஸம்பு³த்³தோ⁴ -

“விபிட்²கத்வான ஸுக²ங் து³க²ஞ்ச, புப்³பே³வ ச
ஸோமனஸ்ஸதோ³மனஸ்ஸங்;
லத்³தா⁴னுபெக்க²ங் ஸமத²ங் விஸுத்³த⁴ங், ஏகோ சரே
க²க்³க³விஸாணகப்போ"தி.

154. ஆரத்³த⁴வீரியோ பரமத்த²பத்தியா, அலீனசித்தோ அகுஸீதவுத்தி;
த³ஹ்ணிக்கமோ தா²மப³லூபபன்னோ, ஏகோ சரே
க²க்³க³விஸாணகப்போ.

ஆரத்³த⁴வீரியோ பரமத்த²பத்தியாதி பரமத்த²ங் வுச்சதி அமதங்
நிப்³பா³னங். யோ ஸோ ஸப்³ப³ஸங்கா²ரஸமதோ²

ஸப்³பு³பதி⁴படினிஸ்ஸக்³கோ³ தண்ஹக்க²யோ விராகோ³ நிரோதோ⁴
நிப்³பா³னங். பரமத்த²ஸ்ஸ பத்தியா லாபா⁴ய படி⁴லாபா⁴ய அதி⁴க்³மாய
ப²ஸ்ஸனாய ஸச்சி²கிரியாய ஆரத்³த⁴வீரியோ விஹரதி அகுஸலானங்
த⁴ம்மானங் பஹானாய குஸலானங் த⁴ம்மானங் ஸம்பதா³ய தா²மவா
[\[தா²மஸா \(க.\)\]](#) த³ள்ஹபரக்கமோ அனிக்கி²த்தது⁴ரோ குஸலேஸு
த⁴ம்மேஸுதி - ஆரத்³த⁴வீரியோ பரமத்த²பத்தியா.

அலீனசித்தோ அகுஸீதவுத்தீதி ஸோ பச்சேகஸம்பு³த்தோ⁴
அனுப்பன்னானங் பாபகானங் அகுஸலானங் த⁴ம்மானங் அனுப்பாதா³ய
ச²ந்த³ங் ஜனேதி வாயமதி வீரியங் ஆரப⁴தி சித்தங் பக்³க்³ண்ஹாதி பத³ஹதி,
உப்பன்னானங் பாபகானங் அகுஸலானங் த⁴ம்மானங் பஹானாய...பே...
அனுப்பன்னானங் குஸலானங் த⁴ம்மானங் உப்பாதா³ய...பே... உப்பன்னானங்
குஸலானங் த⁴ம்மானங் டி²தியா அஸம்மோஸாய பி⁴ய்யோபா⁴வாய
வேபுல்லாய பா⁴வனாய பாரிபூரியா [\[பா⁴வனாபாரிபூரியா \(ஸ்யா.\)\]](#) ச²ந்த³ங்
ஜனேதி வாயமதி வீரியங் ஆரப⁴தி சித்தங் பக்³க்³ண்ஹாதி பத³ஹதீதி - ஏவங்
அலீனசித்தோ அகுஸீதவுத்தி.

அத² வா, “காமங் தசோ ச ந்ஹாரு ச அட்டி² ச அவஸிஸ்ஸது
[\[அவஸுஸ்ஸது \(ஸ்யா.\) ம. நி. 2.184; ஸங். நி. 2.22 பஸ்ஸிதப்³பங்\]](#), ஸரீரே
உபஸுஸ்ஸது மங்ஸலோஹிதங், யங் தங் புரிஸதா²மேன புரிஸப³லேன
புரிஸவீரியேன புரிஸபரக்கமேன பத்தப்³பங் ந தங் அபாபுணித்வா வீரியஸ்ஸ
ஸண்டா²னங் [\[விரியஸ்ஸ டா²னங் \(ஸ்யா.\)\]](#) ப⁴விஸ்ஸதீ²தி சித்தங்
பக்³க்³ண்ஹாதி பத³ஹதி. ஏவம்பி அலீனசித்தோ அகுஸீதவுத்தி.

நாஸிஸ்ஸங் ந பிவிஸ்ஸாமி, விஹாரதோ ந நிக்க²மே;
நபி பஸ்ஸங் நிபாதெஸ்ஸங், தண்ஹாஸல்லே அனாஹதேதி.

சித்தங் பக்³க்³ண்ஹாதி பத³ஹதி. ஏவம்பி அலீனசித்தோ அகுஸீதவுத்தி.

“ந தாவாஹங் இமங் பல்லங்கங் பி⁴ந்தி³ஸ்ஸாமி யாவ மே ந
அனுபாதா³ய ஆஸவேஹி சித்தங் விமுச்சிஸ்ஸதீ²தி சித்தங் பக்³க்³ண்ஹாதி
பத³ஹதி. ஏவம்பி அலீனசித்தோ அகுஸீதவுத்தி.

“ந தாவாஹங் இமம்ஹா ஆஸனா வுட்ட²ஹிஸ்ஸாமி யாவ மே ந
அனுபாதா³ய ஆஸவேஹி சித்தங் விமுச்சிஸ்ஸதீ²தி சித்தங் பக்³க்³ண்ஹாதி
பத³ஹதி. ஏவம்பி அலீனசித்தோ அகுஸீதவுத்தி.

“ந தாவாஹங் இமம்ஹா சங்கமா ஓரோஹிஸ்ஸாமி...பே... விஹாரா
நிக்க²மிஸ்ஸாமி... அட்ட³யோகா³ நிக்க²மிஸ்ஸாமி... பாஸாதா³
நிக்க²மிஸ்ஸாமி... ஹம்மியா நிக்க²மிஸ்ஸாமி... கு³ஹாய நிக்க²மிஸ்ஸாமி...

லேணா நிக்க²மிஸ்ஸாமி... குடியா நிக்க²மிஸ்ஸாமி... கூடாகா³ரா
 நிக்க²மிஸ்ஸாமி... அட்டா நிக்க²மிஸ்ஸாமி... மானா நிக்க²மிஸ்ஸாமி...
 உத்³த³ண்டா³ நிக்க²மிஸ்ஸாமி ... உபட்டா²னஸாலாய நிக்க²மிஸ்ஸாமி...
 மண்ட³பா நிக்க²மிஸ்ஸாமி... ருக்க²மூலா நிக்க²மிஸ்ஸாமி யாவ மே ந
 அனுபாதா³ய ஆஸவேஹி சித்தங் விமுச்சிஸ்ஸதீ³தி சித்தங் பக்³க³ண்ஹாதி
 பத³ஹதி. ஏவம்பி அலீனசித்தோ அகுஸீதவுத்தி.

“இமஸ்மிங்யேவ புப்³ப³ண்ஹஸமயே புப்³ப³ண்ஹஸமயங் (க.) மஹானி. 17]
 அரியத⁴ம்மங் ஆஹரிஸ்ஸாமி ஸமாஹரிஸ்ஸாமி அதி⁴க³ச்சி²ஸ்ஸாமி
 ப²ஸ்ஸயிஸ்ஸாமி ஸச்சி²கரிஸ்ஸாமீ³தி சித்தங் பக்³க³ண்ஹாதி பத³ஹதி.
 ஏவம்பி அலீனசித்தோ அகுஸீதவுத்தி. இமஸ்மிங்யேவ மஜ்ஜ²ன்ஹிகஸமயே...
 பே... ஸாயன்ஹஸமயே ...பே... புரேப⁴த்தங்... பச்சா²ப⁴த்தங்... புரிமயாமங்...
 மஜ்ஜி²மயாமங்... பச்சி²மயாமங்... காளே... ஜுண்ஹே... வஸ்ஸே... ஹேமந்தே ...
 கி³ம்ஹே... புரிமே வயோக²ந்தே⁴... மஜ்ஜி²மே வயோக²ந்தே⁴... பச்சி²மே
 வயோக²ந்தே⁴ அரியத⁴ம்மங் ஆஹரிஸ்ஸாமி ஸமாஹரிஸ்ஸாமி
 அதி⁴க³ச்சி²ஸ்ஸாமி ப²ஸ்ஸயிஸ்ஸாமி ஸச்சி²கரிஸ்ஸாமீ³தி சித்தங்
 பக்³க³ண்ஹாதி பத³ஹதி. ஏவம்பி அலீனசித்தோ அகுஸீதவுத்தி.

த³ள்ஹனிக்கமோ தா²மப³லூபபன்னோதி ஸோ பச்சேகஸம்பு³த்தோ⁴
 த³ள்ஹஸமாதா³னோ அஹோஸி குஸலேஸு த⁴ம்மேஸு
 அவட்டி²தஸமாதா³னோ காயஸுசரிதே வசீஸுசரிதே மனோஸுசரிதே
 தா³னஸங்விபா⁴கே³ ஸீலஸமாதா³னே உபோஸது²பவாஸே மத்தெய்யதாய
 [மெத்தெய்யதாய (ஸ்யா. க.) மொக்³க³ல்லானப்³யாகரணே 4.39 ஸுத்தங்
 ஓலோகேதப்³பங்] பெத்தெய்யதாய ஸாமஞ்ஞதாய ப்³ரஹ்மஞ்ஞதாய
 குலேஜட்டா²பசாயிதாய அஞ்ஞதரஞ்ஞதரேஸு அதி⁴குஸலேஸு
 த⁴ம்மேஸுதி - த³ள்ஹனிக்கமோ. தா²மப³லூபபன்னோதி ஸோ
 பச்சேகஸம்பு³த்தோ⁴ தா²மேன ச ப³லேன ச விரியேன ச பரக்கமேன ச
 பஞ்ஞாய ச உபேதோ ஹோதி ஸமுபேதோ உபாக³தோ ஸமுபாக³தோ
 உபபன்னோ ஸமுபபன்னோ ஸமன்னாக³தோதி - த³ள்ஹனிக்கமோ
 தா²மப³லூபபன்னோ, ஏகோ சரே க²க்³க³விஸாணகப்போ. தேனாஹ ஸோ
 பச்சேகஸம்பு³த்தோ⁴ -

“ஆரத்³த⁴வீரியோ பரமத்த²பத்தியா, அலீனசித்தோ அகுஸீதவுத்தி;
 த³ள்ஹனிக்கமோ தா²மப³லூபபன்னோ, ஏகோ சரே
 க²க்³க³விஸாணகப்போ³தி.

155. படிஸல்லானங் ஜா²னமரிஞ்சமானோ, த⁴ம்மேஸு நிச்சங்
 அனுத⁴ம்மசாரீ;

ஆதீனவங் ஸம்மஸிதா ப்வேஸு, ஏகோ சரே
கக்விஸாணகப்போ.

படிஸல்லானங் ஜாநமரிஞ்சமானோதி ஸோ பச்சேகஸம்புத்தோ
படிஸல்லானாராமோ ஹோதி படிஸல்லானரதோ அஜ்ஜத்தங்
சேதோஸமதமனுயுத்தோ அனிராகதஜ்ஜானோ விபஸ்ஸனாய ஸமன்னாகதோ
ப்ருஹேதா ஸுஞ்ஞாகாரங் ஜாயீ ஜானரதோ ஏகத்தமனுயுத்தோ
ஸதத்தக்ருகோதி படிஸல்லானங். ஜாநமரிஞ்சமானோதி ஸோ
பச்சேகஸம்புத்தோ த்வீஹி காரணேஹி ஜானங் ந ரிஞ்சதி -
அனுப்பன்னஸ்ஸ வா படமஸ்ஸ ஜானஸ்ஸ உப்பாதாய யுத்தோ பயுத்தோ
ஸங்யுத்தோ ஆயுத்தோ ஸமாயுத்தோ, அனுப்பன்னஸ்ஸ வா துதியஸ்ஸ
ஜானஸ்ஸ...பே... அனுப்பன்னஸ்ஸ வா ததியஸ்ஸ ஜானஸ்ஸ...
அனுப்பன்னஸ்ஸ வா சதுத்தஸ்ஸ ஜானஸ்ஸ உப்பாதாய யுத்தோ பயுத்தோ
ஸங்யுத்தோ ஆயுத்தோ ஸமாயுத்தோதி - ஏவம்பி ஜானங் ந ரிஞ்சதி.

அத வா, உப்பன்னங் வா படமங் ஜானங் ஆஸேவதி பாவேதி
பஹுலீகரோதி, உப்பன்னங் வா துதியங் ஜானங்...பே... உப்பன்னங் வா ததியங்
ஜானங்... உப்பன்னங் வா சதுத்தங் ஜானங் ஆஸேவதி பாவேதி
பஹுலீகரோதி. ஏவம்பி ஜானங் ந ரிஞ்சதீதி - படிஸல்லானங்
ஜாநமரிஞ்சமானோ.

தம்மேஸு நிச்சங் அனுதம்மசாரீதி தம்மா வுச்சந்தி சத்தாரோ
ஸதிபட்டானா...பே... அரியோ அட்டங்கிகோ மக்கோ. கதமே அனுதம்மா?
ஸம்மாபடிபதா அபச்சனீகபடிபதா அன்வத்தபடிபதா தம்மானுதம்மபடிபதா
ஸீலேஸு பரிபூரகாரிதா இந்த்ரியேஸு குத்தத்வாரதா போஜனே
மத்தஞ்ஞதா ஜாக்ரியானுயோகோ ஸதிஸம்பஜஞ்ஞங் - இமே வுச்சந்தி
அனுதம்மா. தம்மேஸு நிச்சங் அனுதம்மசாரீதி தம்மேஸு
நிச்சகாலங் துவகாலங் ஸததங் ஸமிதங் அவோகிண்ணங்
பொங்காநுபொங்கங் உதக்ஹிகஜாதங் [உத்கும்மிஜாதங் (ஸ்யா),
உத்கும்மிகஜாதங் (க.)]

அவீசிஸந்ததிஸஹிதங் பஸ்ஸிதங் புரேபத்தங் பச்சாபத்தங்
புரிமயாமங் மஜ்ஜிமயாமங் பச்சிமயாமங் காளே ஜுண்ணே வஸ்ஸே
ஹேமந்தே கிம்ஹே புரிமே வயோகந்தே மஜ்ஜிமே வயோகந்தே பச்சிமே
வயோகந்தே சரதி விஹரதி இரியதி வத்தேதி பாலேதி யபேதி யாபேதீதி -
தம்மேஸு நிச்சங் அனுதம்மசாரீ.

ஆதீனவங் ஸம்மஸிதா ப்வேஸுதி “ஸப்பே ஸங்காரா அனிச்சா”தி
ஆதீனவங் ஸம்மஸிதா ப்வேஸு, “ஸப்பே ஸங்காரா துக்கா”தி...பே...

“ஸப்³பே³ த்⁴ம்மா அனத்தா”தி...பே... “யங் கிஞ்சி ஸமுத்யத⁴ம்மங், ஸப்³ப³ங் தங் நிரோத⁴த்⁴ம்ம”ந்தி ஆதீ³னவங் ஸம்மஸிதா ப்⁴வேஸுதி - ஆதீ³னவங் ஸம்மஸிதா ப்⁴வேஸு, ஏகோ சரே க²க்³க³விஸாணகப்போ. தேனாஹ ஸோ பச்சேகஸம்பு³த்³தோ⁴ -

“படிஸல்லானங் ஜா²னமரிஞ்சமானோ, த்⁴ம்மேஸு நிச்சங் அனுத்⁴ம்மசாரீ;
ஆதீ³னவங் ஸம்மஸிதா ப்⁴வேஸு, ஏகோ சரே
க²க்³க³விஸாணகப்போ”தி.

156. தண்ஹக்க²யங் பத்த²யமப்பமத்தோ, அனௌமுகோ³ [அனௌமுகோ³
(ஸ்யா. க.)] ஸுதவா ஸதீமா;
ஸங்கா²தத்⁴ம்மோ நியதோ பதா⁴னவா, ஏகோ சரே
க²க்³க³விஸாணகப்போ.

தண்ஹக்க²யங் பத்த²யமப்பமத்தோதி. தண்ஹாதி ரூபதண்ஹா...பே...
த்⁴ம்மதண்ஹா. தண்ஹக்க²யந்தி ராக³க்க²யங் தோ³ஸக்க²யங் மோஹக்க²யங்
க³திக்க²யங் உபபத்திக்க²யங் படிஸந்தி⁴க்க²யங் ப்⁴வக்க²யங் ஸங்ஸாரக்க²யங்
வட்டக்க²யங் பத்த²யந்தோ இச்ச²ந்தோ ஸாதி³யந்தோ பிஹயந்தோ
அபி⁴ஜப்பந்தோதி - தண்ஹக்க²யங் பத்த²யங். அப்பமத்தோதி ஸோ
பச்சேகஸம்பு³த்³தோ⁴ ஸக்கச்சகாரீ ஸாதச்சகாரீ...பே... அப்பமாதோ³
குஸலேஸு த்⁴ம்மேஸுதி - தண்ஹக்க²யங் பத்த²யமப்பமத்தோ.

அனௌமுகோ³ ஸுதவா ஸதீமாதி. அனௌமுகோ³தி ஸோ
பச்சேகஸம்பு³த்³தோ⁴ பண்டி³தோ பஞ்ஞவா பு³த்³தி⁴மா ஞாணீ விபா⁴வீ
மேதா⁴வீ. ஸுதவாதி ஸோ பச்சேகஸம்பு³த்³தோ⁴ ப³ஹுஸ்ஸுதோ ஹோதி
ஸுதத்⁴ரோ ஸுதஸன்னிச்சயோ. யே தே த்⁴ம்மா ஆதி³கல்யாணா
மஜ்ஜே²கல்யாணா பரியோஸானகல்யாணா ஸாத்த²ங் ஸப்³யஞ்ஜனங்
கேவலபரிபுண்ணங் பரிஸுத்³த்⁴ங் ப்³ரஹ்மசரியங் அபி⁴வத³ந்தி,
ததா²ரூபாஸ்ஸ த்⁴ம்மா ப³ஹுஸ்ஸுதா ஹோந்தி தா⁴தா வசஸா பரிசிதா
மனஸானுபெக்கி²தா தி³ட்டி²யா ஸுப்படிவித்³தா⁴. ஸதீமாதி ஸோ
பச்சேகஸம்பு³த்³தோ⁴ ஸதிமா ஹோதி பரமேன ஸதினேபக்கேன
ஸமன்னாக³தத்தா சிரகதம்பி சிரபா⁴ஸிதம்பி ஸரிதா அனுஸ்ஸரிதாதி -
அனௌமுகோ³ ஸுதவா ஸதீமா.

ஸங்கா²தத்⁴ம்மோ நியதோ பதா⁴னவாதி ஸங்கா²தத்⁴ம்மோ வுச்சதி
ஞாணங். யா பஞ்ஞா பஜானநா...பே... அமோஹோ த்⁴ம்மவிசயோ
ஸம்மாதி³ட்டி². ஸங்கா²தத்⁴ம்மோதி ஸோ பச்சேகஸம்பு³த்³தோ⁴
ஸங்கா²தத்⁴ம்மோ ஞாதத்⁴ம்மோ துலிதத்⁴ம்மோ தீரிதத்⁴ம்மோ

விபு⁴தத⁴ம்மோ விபா⁴விதத⁴ம்மோ “ஸப்³பே³ ஸங்கா²ரா அனிச்சா”தி
 ஸங்கா²தத⁴ம்மோ...பே... “யங் கிஞ்சி ஸமுத³யத⁴ம்மங் ஸப்³பங் தங்
 நிரோத⁴த⁴ம்ம”ந்தி ஸங்கா²தத⁴ம்மோ ஞாதத⁴ம்மோ துலிதத⁴ம்மோ
 தீரிதத⁴ம்மோ விபு⁴தத⁴ம்மோ விபா⁴விதத⁴ம்மோ. அத² வா, தஸ்ஸ
 பச்சேகஸம்பு³த³த⁴ஸ்ஸ ச க²ந்தா⁴ ஸங்கி²த்தா தா⁴துயோ ஸங்கி²த்தா
 ஆயதனானி ஸங்கி²த்தானி க³தியோ ஸங்கி²த்தா உபபத்தியோ ஸங்கி²த்தா
 படிஸந்தி⁴யோ ஸங்கி²த்தா ப⁴வா ஸங்கி²த்தா ஸங்ஸாரா ஸங்கி²த்தா
 வட்டா ஸங்கி²த்தா. அத² வா, ஸோ பச்சேகஸம்பு³த³தோ⁴ க²ந்த⁴பரியந்தே
 டி²தோ தா⁴துபரியந்தே டி²தோ ஆயதனபரியந்தே டி²தோ க³திபரியந்தே டி²தோ
 உபபத்திபரியந்தே டி²தோ படிஸந்தி⁴பரியந்தே டி²தோ ப⁴வபரியந்தே டி²தோ
 ஸங்ஸாரபரியந்தே டி²தோ வட்டபரியந்தே டி²தோ ஸங்கா²ரபரியந்தே டி²தோ
 அந்திமப⁴வே [அந்திமே ப⁴வே (க.) துளனி. மெத்தகூ³மாணவபுச்சா²னித்³தே³ஸ
 28] டி²தோ அந்திமஸமுஸ்ஸயே டி²தோ அந்திமதே³ஹத⁴ரோ
 பச்சேகஸம்பு³த³தோ⁴.

தஸ்ஸாயங் பச்சி²மகோ ப⁴வோ, சரிமோயங் ஸமுஸ்ஸயோ;
 ஜாதிமரணஸங்ஸாரோ [ஜாதிஜராமரணஸங்ஸாரோ (ஸ்யா.)
 ஏவமீதி³ஸேஸு டா²னேஸு], நத்தி² தஸ்ஸ புனப்³ப⁴வோதி.

தங்காரணா பச்சேகஸம்பு³த³தோ⁴ ஸங்கா²தத⁴ம்மோ. நியதோதி நியாமா
 வச்சந்தி சத்தாரோ அரியமக்³கா³. சதூஹி அரியமக்³கே³ஹி ஸமன்னாக³தோதி
 நியதோ. நியாமங் பத்தோ ஸம்பத்தோ அதி⁴க³தோ ப²ஸ்ஸிதோ ஸச்சிகதோ
 பத்தோ நியாமங். பதா⁴னவாதி பதா⁴னங் வச்சதி வீரியங். ஸோ சேதஸோ
 வீரியாரம்போ⁴ நிக்கமோ பரக்கமோ உய்யாமோ வாயாமோ உஸ்ஸாஹோ
 உஸ்ஸொள்ஹீ தா²மோ தி⁴தி அஸிதி²லபரக்கமோ அனிக்கி²த்தச்ச²ந்த³தா
 அனிக்கி²த்தது⁴ரதா து⁴ரஸம்பக்³கா³ஹோ வீரியங் வீரியிந்த³ரியங் வீரியப³லங்
 ஸம்மாவாயாமோ. ஸோ பச்சேகஸம்பு³த³தோ⁴ இமினா பதா⁴னேன உபேதோ
 ஸமுபேதோ உபாக³தோ ஸமுபாக³தோ உபபன்னோ ஸமுபபன்னோ
 ஸமன்னாக³தோ. தஸ்மா ஸோ பச்சேகஸம்பு³த³தோ⁴ பதா⁴னவாதி -
 ஸங்கா²தத⁴ம்மோ நியதோ பதா⁴னவா, ஏகோ சரே க²க்³க³விஸாணகப்போ.
 தேனாஹ ஸோ பச்சேகஸம்பு³த³தோ⁴ -

“தண்ஹக்க²யங் பத்த²யமப்பமத்தோ, அனௌமுகோ³ ஸுதவா ஸதீமா;
 ஸங்கா²தத⁴ம்மோ நியதோ பதா⁴னவா, ஏகோ சரே
 க²க்³க³விஸாணகப்போ”தி.

157. ஸீஹோவ ஸத்³தே³ஸு அஸந்தஸந்தோ, வாதோவ ஜாலம்ஹி
 அஸஜ்ஜமானோ;

பது³மங்வ தோயேன அலிம்பமானோ [அலிப்பமானோ, ஸு. நி. 71],
ஏகோ சரே க²க்³க³விஸாணகப்போ.

ஸீஹோவ ஸத்³தே³ஸு அஸந்தஸந்தோதி யதா² ஸீஹோ மிக³ராஜா
ஸத்³தே³ஸு அஸந்தாஸீ அபரிஸந்தாஸீ அனுத்ராஸீ அனுப்³பி³க்³கோ³
அனுஸ்ஸங்கீ [அனுஸ்ஸு³கீ (ஸ்யா.)] அனுத்ராஸோ அபீ⁴ரு அச்ச²ம்பீ⁴
அனுத்ராஸீ அபலாயீ, பச்சேகஸம்புத்³தோ⁴பி ஸத்³தே³ஸு அஸந்தாஸீ
அபரிஸந்தாஸீ அனுத்ராஸீ அனுப்³பி³க்³கோ³ அனுஸ்ஸங்கீ அனுத்ராஸோ
அபீ⁴ரு அச்ச²ம்பீ⁴ அனுத்ராஸீ அபலாயீ பஹீனப்⁴யபே⁴ரவோ
விக³தலோமஹங்ஸோ விஹரதீதி - ஸீஹோவ ஸத்³தே³ஸு அஸந்தஸந்தோ.

வாதோவ ஜாலம்ஹி அஸஜ்ஜமானோதி. வாதோதி புரத்தி²மா வாதா
பச்சி²மா வாதா உத்தரா வாதா த³க்கி²ணா வாதா ஸரஜா வாதா அரஜா வாதா
ஸீதா வாதா உண்ஹா வாதா பரித்தா வாதா அதி⁴மத்தா வாதா
வேரம்ப⁴வாதா பக்க²வாதா [பக்கி²வாதா (ஸ்யா.)] துளனி.

உபஸீவமாணவபுச்சா²னித்³தே³ஸு 43, க²க்³க³விஸாணஸுத்தனித்³தே³ஸு 138
நத்தி² பாட²னானத்தங்] ஸுபண்ணவாதா தாலபண்ணவாதா விதூ⁴பனவாதா.
ஜாலங் வுச்சதி ஸுத்தஜாலங். யதா² வாதோ ஜாலம்ஹி ந ஸஜ்ஜதி ந
க³ண்ஹாதி ந ப³ஜ்ஜ²தி ந பலிப³ஜ்ஜ²தி, ஏவமேவ த்³வே ஜாலா -
தண்ஹாஜாலஞ்ச தி³ட்டி²ஜாலஞ்ச...பே... இத³ங் தண்ஹாஜாலங்...பே... இத³ங்
தி³ட்டி²ஜாலங். தஸ்ஸ பச்சேகஸம்புத்³த⁴ஸ்ஸ தண்ஹாஜாலங் பஹீனங்
தி³ட்டி²ஜாலங் படினிஸ்ஸட்ட²ங், தண்ஹாஜாலஸ்ஸ பஹீனத்தா
தி³ட்டி²ஜாலஸ்ஸ படினிஸ்ஸட்ட²த்தா ஸோ பச்சேகஸம்புத்³தோ⁴ ரூபே ந
ஸஜ்ஜதி ஸத்³தே³ ந ஸஜ்ஜதி...பே... தி³ட்ட²ஸுதமுதவிஞ்ஞாதப்³பே³ஸு
த⁴ம்மேஸு ந ஸஜ்ஜதி ந க³ண்ஹாதி ந ப³ஜ்ஜ²தி ந பலிப³ஜ்ஜ²தி நிக்க²ந்தோ
நிஸ்ஸடோ விப்பமுத்தோ விஸஞ்ஞுத்தோ விமரியாதி³கதேன சேதஸா
விஹரதீதி - வாதோவ ஜாலம்ஹி அஸஜ்ஜமானோ.

பது³மங்வ தோயேன அலிம்பமானோதி பது³மங் வுச்சதி பது³மபுப்பங்.
தோயங் வுச்சதி உத³கங். யதா² பது³மபுப்பங் தோயேன ந லிம்பதி ந பலிம்பதி ந
உபலிம்பதி, அலித்தங் அபலித்தங் அனுபலித்தங், ஏவமேவ த்³வே லேபா -
தண்ஹாலேபோ ச தி³ட்டி²லேபோ ச...பே... அயங் தண்ஹாலேபோ...பே... அயங்
தி³ட்டி²லேபோ. தஸ்ஸ பச்சேகஸம்புத்³த⁴ஸ்ஸ தண்ஹாலேபோ பஹீனோ,
தி³ட்டி²லேபோ படினிஸ்ஸட்டோ². தண்ஹாலேபஸ்ஸ பஹீனத்தா
தி³ட்டி²லேபஸ்ஸ படினிஸ்ட்ட²த்தா ஸோ பச்சேகஸம்புத்³தோ⁴ ரூபே ந
லிம்பதி ஸத்³தே³ ந லிம்பதி...பே... தி³ட்ட²ஸுதமுதவிஞ்ஞாதப்³பே³ஸு
த⁴ம்மேஸு ந லிம்பதி ந பலிம்பதி ந உபலிம்பதி, அலித்தோ அபலித்தோ
அனுபலித்தோ நிக்க²ந்தோ நிஸ்ஸடோ விப்பமுத்தோ விஸஞ்ஞுத்தோ

விமரியாதி³கதேன சேதஸா விஹரதீதி - பது³மங்வ தோயேன அலிம்பமானோ,
ஏகோ சரே க²க்³க³விஸாணகப்போ. தேனாஹ ஸோ பச்சேகஸம்பு³த்³தோ⁴ -

“ஸீஹோவ ஸத்³தே³ஸு அஸந்தஸந்தோ, வாதோவ ஜாலம்ஹி
அஸஜ்ஜமானோ;
பது³மங்வ தோயேன அலிம்பமானோ, ஏகோ சரே
க²க்³க³விஸாணகப்போ”தி.

158. ஸீஹோ யதா² தா³ட²ப³லீ பஸ்ய்ஹ, ராஜா மிகா³னங் அபி⁴பு⁴ய்ய
சாரீ;
ஸேவேத² பந்தானி ஸேனாஸனானி, ஏகோ சரே
க²க்³க³விஸாணகப்போ.

ஸீஹோ யதா² தா³ட²ப³லீ பஸ்ய்ஹ, ராஜா மிகா³னங் அபி⁴பு⁴ய்ய
சாரீதி யதா² ஸீஹோ மிக³ராஜா தா³ட²ப³லீ தா³டா²வுதோ⁴ ஸப்³பே³
திரச்சா²னக³தே பாணே அபி⁴பு⁴ய்ய அபி⁴பு⁴வித்வா அஜ்ஜோ²த்த²ரித்வா
பரியாதி³யித்வா மத்³தி³த்வா சரதி விஹரதி இரியதி வத்தேதி பாலேதி யபேதி
யாபேதி, பச்சேகஸம்பு³த்³தோ⁴பி பஞ்ஞாப³லீ பஞ்ஞாவுதோ⁴
ஸப்³பாணபூ⁴தே புக்³க³லே பஞ்ஞாய அபி⁴பு⁴ய்ய அபி⁴பு⁴வித்வா
அஜ்ஜோ²த்த²ரித்வா பரியாதி³யித்வா மத்³தி³த்வா சரதி விஹரதி இரியதி
வத்தேதி பாலேதி யபேதி யாபேதீதி - ஸீஹோ யதா² தா³ட²ப³லீ பஸ்ய்ஹ, ராஜா
மிகா³னங் அபி⁴பு⁴ய்ய சாரீ.

ஸேவேத² பந்தானி ஸேனாஸனானீதி யதா² ஸீஹோ மிக³ராஜா
அரஞ்ஞவனமஜ்ஜோ²கா³ஹெத்வா சரதி விஹரதி இரியதி வத்தேதி பாலேதி
யபேதி யாபேதி, பச்சேகஸம்பு³த்³தோ⁴பி அரஞ்ஞவனபத்தா²னி பந்தானி
ஸேனாஸனானி படிஸேவதி அப்பஸத்தா³னி அப்பனிக்³கோ⁴ஸானி
விஜனவாதானி மனுஸ்ஸராஹஸ்ஸெய்யகானி படிஸல்லானஸாருப்பானி.
ஸோ ஏகோ க³ச்ச²தி ஏகோ திட்ட²தி ஏகோ நிஸீத³தி ஏகோ ஸெய்யங் கப்பேதி
ஏகோ கா³மங் பிண்டா³ய பவிஸதி ஏகோ படிக்கமதி ஏகோ ரஹோ நிஸீத³தி
ஏகோ சங்கமங் அதி⁴ட்டா²தி ஏகோ சரதி விஹரதி இரியதி வத்தேதி பாலேதி
யபேதி யாபேதீதி - ஸேவேத² பந்தானி ஸேனாஸனானி, ஏகோ சரே
க²க்³க³விஸாணகப்போ. தேனாஹ ஸோ பச்சேகஸம்பு³த்³தோ⁴ -

“ஸீஹோ யதா² தா³ட²ப³லீ பஸ்ய்ஹ, ராஜா மிகா³னங் அபி⁴பு⁴ய்ய
சாரீ;
ஸேவேத² பந்தானி ஸேனாஸனானி, ஏகோ சரே
க²க்³க³விஸாணகப்போ”தி.

மெத்தங் உபெக்கங் கருணங் விமுத்திங், ஆஸேவமானோ
முதிதஞ்ச காலே;
ஸப்³பே³ன லோகேன அவிருஜ்ஜ²மானோ, ஏகோ சரே
க²க்³க³விஸாணகப்போ.

மெத்தங் உபெக்கங் கருணங் விமுத்திங், ஆஸேவமானோ முதிதஞ்ச
காலேதி ஸோ பச்சேகஸம்புத்தோ⁴ மெத்தாஸஹக³தேன சேதஸா ஏகங்
தி³ஸங் ப²ரித்வா விஹரதி ததா² து³தியங் ததா² ததியங் ததா² சதுத்த²ங், இதி
உத்³த⁴மதோ⁴ திரியங் ஸப்³ப³தி⁴ ஸப்³புத்ததாய ஸப்³பா³வந்தங் லோகங்
மெத்தாஸஹக³தேன சேதஸா விபுலேன மஹக்³க³தேன அப்பமானேன
அவேரேன அப்³யாபஜ்ஜேன ப²ரித்வா விஹரதி; கருணாஸஹக³தேன சேதஸா...
பே... முதி³தாஸஹக³தேன சேதஸா...பே... உபெக்கா²ஸஹக³தேன சேதஸா
விபுலேன மஹக்³க³தேன அப்பமானேன அவேரேன அப்³யாபஜ்ஜேன ப²ரித்வா
விஹரதி - மெத்தங் உபெக்கங் கருணங் விமுத்திங், ஆஸேவமானோ
முதிதஞ்ச காலே.

ஸப்³பே³ன லோகேன அவிருஜ்ஜ²மானோதி மெத்தாய பா⁴விதத்தா யே
புரத்தி²மாய தி³ஸாய ஸத்தா தே அப்படிகூலா ஹொந்தி, யே பச்சி²மாய
தி³ஸாய ஸத்தா...பே... யே உத்தராய தி³ஸாய ஸத்தா... யே த³க்கி²ணாய
தி³ஸாய ஸத்தா... யே புரத்தி²மாய அனுதி³ஸாய ஸத்தா... யே பச்சி²மாய
அனுதி³ஸாய ஸத்தா... யே உத்தராய அனுதி³ஸாய ஸத்தா... யே த³க்கி²ணாய
அனுதி³ஸாய ஸத்தா... யே ஹெட்டி²மாய [அதோ⁴க³மாய (ஸ்யா.)] தி³ஸாய
ஸத்தா... யே உபரிமாய தி³ஸாய ஸத்தா... யே த³ஸஸு தி³ஸாஸு ஸத்தா தே
அப்படிகூலா ஹொந்தி. கருணாய பா⁴விதத்தா... முதி³தாய பா⁴விதத்தா...
உபெக்கா²ய பா⁴விதத்தா யே புரத்தி²மாய தி³ஸாய ஸத்தா...பே... யே த³ஸஸு
தி³ஸாஸு ஸத்தா தே அப்படிகூலா ஹொந்தி. ஸப்³பே³ன லோகேன
அவிருஜ்ஜ²மானோதி ஸப்³பே³ன லோகேன அவிருஜ்ஜ²மானோ,
அப்படிவிருஜ்ஜ²மானோ அனாகா⁴தியமானோ [அக⁴ட்டியமானோ (ஸ்யா.)]
அப்படிஹஞ்ஞமானோதி - ஸப்³பே³ன லோகேன அவிருஜ்ஜ²மானோ, ஏகோ சரே
க²க்³க³விஸாணகப்போ. தேனாஹ ஸோ பச்சேகஸம்புத்தோ⁴ -

“மெத்தங் உபெக்கங் கருணங் விமுத்திங், ஆஸேவமானோ முதிதஞ்ச
காலே;
ஸப்³பே³ன லோகேன அவிருஜ்ஜ²மானோ, ஏகோ சரே
க²க்³க³விஸாணகப்போ”தி.

160. ராக³ஞ்ச தோ³ஸஞ்ச பஹாய மோஹங், ஸந்தா³லயித்வான
ஸங்யோஜனானி [ஸங்யோஜனானி (க.)] ;
அஸந்தஸங் ஜீவிதஸங்க்யம்ஹி, ஏகோ சரே க²க்³க³விஸாணகப்போ.

ராக³ஞ்ச தோ³ஸஞ்ச பஹாய மோஹந்தி. ராகோ³தி யோ ராகோ³
 ஸாராகோ³...பே... அபி⁴ஜ்ஜா² லோபோ⁴ அகுஸலமூலங். தோ³ஸோதி யோ
 சித்தஸ்ஸ ஆகா⁴தோ...பே... சண்டி³க்கங் அஸுரோபோ அனத்தமனதா
 சித்தஸ்ஸ. மோஹோதி து³க்கே² அஞ்ஞாணங்...பே... அவிஜ்ஜாலங்கீ³ மோஹோ
 அகுஸலமூலங். ராக³ஞ்ச தோ³ஸஞ்ச பஹாய மோஹந்தி ஸோ
 பச்சேகஸம்பு³தோ⁴ ராக³ஞ்ச தோ³ஸஞ்ச மோஹஞ்ச பஹாய பஜஹித்வா
 வினோதெ³த்வா ப்யந்தீகரித்வா அனபா⁴வங் க³மெத்வாதி - ராக³ஞ்ச
 தோ³ஸஞ்ச பஹாய மோஹங்.

ஸந்தா³லயித்வான ஸங்யோஜனானீதி. த³ஸ ஸங்யோஜனானி -
 காமராக³ஸங்யோஜனங் படி⁴க⁴ஸங்யோஜனங்...பே... அவிஜ்ஜாஸங்யோஜனங்.
 ஸந்தா³லயித்வான ஸங்யோஜனானீதி த³ஸ ஸங்யோஜனானி
 ஸந்தா³லயித்வா பதா³லயித்வா ஸம்பதா³லயித்வா பஜஹித்வா வினோதெ³த்வா
 ப்யந்தீகரித்வா அனபா⁴வங் க³மெத்வாதி - ஸந்தா³லயித்வான
 ஸங்யோஜனானி.

அஸந்தஸங் ஜீவிதஸங்க²யம்ஹீதி ஸோ பச்சேகஸம்பு³தோ⁴
 ஜீவிதபரியோஸானே அஸந்தாஸீ அனுத்ராஸீ அனுப்³பி³க்கோ³ அனுஸ்ஸங்கீ
 அனுத்ராஸோ அபீ⁴ரு அச்ச²ம்பீ⁴ அனுத்ராஸீ அபலாயீ
 பஹீனப⁴யபே⁴ரவோ விக³தலோமஹங்ஸோ விஹரதீதி - அஸந்தஸங்
 ஜீவிதஸங்க²யம்ஹி, ஏகோ சரே க²க்³க³விஸாணகப்போ. தேனாஹ ஸோ
 பச்சேகஸம்பு³தோ⁴ -

“ராக³ஞ்ச தோ³ஸஞ்ச பஹாய மோஹங், ஸந்தா³லயித்வான
 ஸங்யோஜனானி;
 அஸந்தஸங் ஜீவிதஸங்க²யம்ஹி, ஏகோ சரே க²க்³க³விஸாணகப்போ”தி.

161. ப⁴ஜந்தி ஸேவந்தி ச காரணத்தா², நிக்காரணா து³ல்லபா⁴ அஜ்ஜ
 மித்தா;
 அத்தத்த²பஞ்ஞா [அத்தட்ட²பஞ்ஞா (க.)] அஸு³ மனுஸ்ஸா, ஏகோ சரே
 க²க்³க³விஸாணகப்போ.

ப⁴ஜந்தி ஸேவந்தி ச காரணத்தா²தி அத்தத்த²காரணா பரத்த²காரணா
 உப⁴யத்த²காரணா தி³ட்ட²த⁴ம்மிகத்த²காரணா ஸம்பராயிகத்த²காரணா
 பரமத்த²காரணா ப⁴ஜந்தி ஸம்ப⁴ஜந்தி ஸேவந்தி நிஸேவந்தி ஸங்ஸேவந்தி
 படிஸேவந்தீதி - ப⁴ஜந்தி ஸேவந்தி ச காரணத்தா².

நிக்காரணா து³ல்லபா⁴ அஜ்ஜ மித்தாதி த³வே மித்தா - அகா³ரிகமித்தோ
 ச அனாகா³ரிகமித்தோ ச...பே... அயங் அகா³ரிகமித்தோ...பே... அயங்

அனாகா³ரிகமித்தோ. நிக்காரணா து³ல்லபா⁴ அஜ்ஜ மித்தாதி இமே த்³வே மித்தா அகாரணா நிக்காரணா அஹேது அப்பச்சயா து³ல்லபா⁴ (து³ல்லத்³தா⁴ ஸுது³ல்லத்³தா⁴) [() நத்தி² ஸ்யா. பொத்த²கே] தி - நிக்காரணா து³ல்லபா⁴ அஜ்ஜ மித்தா.

அத்தத்த²பஞ்ஞா அஸுசீ மனுஸ்ஸாதி. அத்தத்த²பஞ்ஞாதி அத்தனோ அத்தா²ய அத்தனோ ஹேது அத்தனோ பச்சயா அத்தனோ காரணா ப⁴ஜந்தி ஸம்ப⁴ஜந்தி ஸேவந்தி நிஸேவந்தி ஸங்ஸேவந்தி படிஸேவந்தி ஆசரந்தி ஸமாசரந்தி பயிருபாஸந்தி பரிபுச்ச²ந்தி பரிபஞ்ஹந்தீதி - அத்தத்த²பஞ்ஞா. அஸுசீ மனுஸ்ஸாதி அஸுசிநா காயகம்மேன ஸமன்னாக³தாதி அஸுசீ மனுஸ்ஸா, அஸுசிநா வசீகம்மேன ஸமன்னாக³தாதி அஸுசீ மனுஸ்ஸா, அஸுசிநா மனோகம்மேன ஸமன்னாக³தாதி அஸுசீ மனுஸ்ஸா, அஸுசிநா பாணாதிபாதேன...பே... அஸுசிநா அதி³ன்னாதா³னேன... அஸுசிநா காமேஸுமிச்சா²சாரேன... அஸுசிநா முஸாவாதே³ன... அஸுசியா பிஸுணாய வாசாய ஸமன்னாக³தா... அஸுசியா ப²ருஸாய வாசாய ஸமன்னாக³தா... அஸுசிநா ஸம்ப²ப்பலாபேன ஸமன்னாக³தா... அஸுசியா அபி⁴ஜ்ஜா²ய ஸமன்னாக³தா... அஸுசிநா ப்யாபாதே³ன ஸமன்னாக³தாதி அஸுசீ மனுஸ்ஸா, அஸுசியா மிச்சா²தி³ட்டி²யா ஸமன்னாக³தாதி அஸுசீ மனுஸ்ஸா, அஸுசியா சேதனாய ஸமன்னாக³தாதி அஸுசீ மனுஸ்ஸா, அஸுசியா பத்த²னாய ஸமன்னாக³தாதி அஸுசீ மனுஸ்ஸா, அஸுசிநா பணிதி⁴னா ஸமன்னாக³தாதி அஸுசீ மனுஸ்ஸா, அஸுசீ ஹீனா நிஹீனா ஓமகா லாமகா ச²துக்கா பரித்தாதி - அத்தத்த²பஞ்ஞா அஸுசீ மனுஸ்ஸா.

ஏகோ சரே க²க்³விஸாணகப்போதி. ஏகோதி ஸோ பச்சேகஸம்பு³த்தோ⁴ பப்³பஜ்ஜாஸங்காதேன ஏகோ...பே... சரேதி அட்ட² சரியாயோ...பே... க²க்³விஸாணகப்போதி யதா² க²க்³ஸ்ஸ நாம விஸாணங் ஏகங் ஹோதி அது³தியங்...பே... ஏகோ சரே க²க்³விஸாணகப்போ. தேனாஹ ஸோ பச்சேகஸம்பு³த்தோ⁴ -

“ப⁴ஜந்தி ஸேவந்தி ச காரணத்தா², நிக்காரணா து³ல்லபா⁴ அஜ்ஜ மித்தா;

அத்தத்த²பஞ்ஞா அஸுசீ மனுஸ்ஸா, ஏகோ சரே க²க்³விஸாணகப்போ”தி.

சதுத்தோ² வக்³கோ³.

க²க்³விஸாணஸுத்தனித்³தே³ஸோ நிட்டி²தோ.

அஜிதோ திஸ்ஸமெத்தெய்யோ, புண்ணகோ அத² மெத்தக³; தோ⁴தகோ உபஸீவோ ச, நந்தோ³ ச அத² ஹேமகோ.

தோதெ³ய்ய-கப்பா து³ப⁴யோ, ஜதுகண்ணீ ச பண்டி³தோ;
ப⁴த்³ராவுதோ⁴ உத³யோ ச, போஸாலோ சாபி ப்³ராஹ்மணோ;
மோக⁴ராஜா ச மேதா⁴வீ, பிங்கி³யோ ச மஹாஇஸி.

ஸோளஸானங் [ஸோளஸன்னங் (ஸ்யா. க.)] பனேதேஸங்,
ப்³ராஹ்மணானங்வ ஸாஸனங்;
பாராயனானங் நித்³தே³ஸா, தத்தகா ச ப⁴வந்தி ஹி [வா (க.)].
க²க்³விஸாணஸுத்தானங், நித்³தே³ஸாபி ததே²வ ச;
நித்³தே³ஸா து³விதா⁴ ஞெய்யா, பரிபுண்ணா ஸுலக்கி²தாதி.

சூளனித்³தே³ஸபாளி நிட்டி²தா.